


sc. sup. 23. pl. 3.









# JO. LAURENTII BERTI

FRATRIS EREMITÆ AUGUSTINIANI

THEOLOGI PRÆCLARISSIMI

LIBRORUM XXXVII.

DE THEOLOGICIS DISCIPLINIS

ACCURATA SYNOPSIS,

QUAM

AD USUM SEMINARIJ AUXIMATIS CONCINNAVIT,

*Notis perpetuis, ac novis quibusdam Dissertationibus auxit  
& in lucem nunc primum edit*

F. HIERONYMUS MARIA BUZII  
AUGUSTINIANUS

*In eodem Seminario Sacre Theologie Professor*

ACCEDUNT

De Locis Theologicis Libri X. qui in Auctore desunt.

TOMUS IV.

CONTINENS

DISSERTATIONES DE RELIQUIS NOVÆ LEGIS  
SACRAMENTIS.



BASSANI, MDCCLXXVII.



SED PROSTANT

VENETIIS APUD REMONDINI.

SUPERIORUM PERMISSU, AC PRIVILEGIO.



# I N D E X

## QUARTI VOLUMINIS.

- L** IBER XXXII. De Sacramento Confirmationis. pag. 14.  
 Dissertatio I. De essentia, utque existentia Sacramenti confirmationis. ibid.  
 Cap. I. De ejus nomine, essentia, atque institutione. Prop. I. Ex scripturis ostenditur confirmationem esse verum Sacramentum. II. Idem evincitur ex traditione. ibid.  
 Cap. II. De confirmationis institutione. Prop. Probabilis est eam post Christi resurrectionem fuisse institutam. 22  
 Cap. III. De materia essentiali confirmationis. Prop. I. Ea est manus impositio. II. Et chrismatis unctio. III. At materia adæquata ex utraque statui debet. 24  
 Cap. IV. de forma confirmationis. Prop. I. Ea non est oratio præcedens unctionem. II. Sed verba: Signo te apud Latinos. III. Apud Græcos vero: Signaculum doni Spir. S. quæ forma valida est. 34  
 Dissertatio II. De ministro, subjecto, ac necessitate confirmationis. 38  
 Cap. I. De confirmationis ministro ordinario. Prop. Ordinarius confirmationis minister est solus episcopus. ib.  
 Cap. II. De ejusdem extraordinario ministro. Prop. I. Potest simplex sacerdos extraordinaria facultate fideles confirmare. II. Quod valide præstat in Occidentali Ecclesia ex delegatione Pape, in Orientali ex veteri consuetudine probata a Rom. Pontifice. 42  
 Cap. III. De subjecto confirmationis, ejusque dispositionibus. Prop. I. subjectum confirmationis est quivis homo viator. II. Etiam parvuli. III. Item ægroti, amentes, & inergumeni. IV. Debet confirmandus criminis conscius confessionem Sacramento præmittere. V. Fidei rudimenta callere, & oratione, ac jejunio muniri. 47  
 Cap. IV. De necessitate confirmationis, Prop. I. Confirmatio non est de necessitate mediæ, sed præcepti. II. Sed graviter peccant qui illam contemnunt. 51  
 Dissertatio III. De effectibus, ac ritibus confirmationis. 54  
 Cap. I. De gratia Sacramenti confirmationis. Prop. I. Conferitur per ipsam gratia sanctificans. II. Quæ confert robur & firmitudinem. III. Differt, & perfectior est gratia baptismatis, non absolute, sed comparative. ibid.  
 A 2 Cap.

- Cap. II. *De charactere confirmationis*. Prop. I. *Hec imprimis characterem, & iterari nequit*. II. *Ritus, quo olim recipiebantur heretici, non erat confirmationis repetitio*. III. *neque id ex Augustino, aut Cypriano colligitur*. 56
- Cap. III. *De ritibus confirmationis*. Prop. I. *In ejus consecratione recte observantur ritus Romanae Ecclesiae*. II. *Recte adhibentur patrini*. III. *Et frontis inunctio*. IV. *Eaque ex veteri consuetudine linea vitta liganda est*. V. *Recte etiam confirmatus ab episcopo alapa leviter ceditur*. 62
- Appendix Libri XXXII, ubi nonnulla adnotantur circa confirmationis materiam. 65
- Appendix II. *De ejus forma*. 67
- Appendix III. *De confirmationis ministro*. 69
- LIBER XXXIII. *De Eucharistiae Sacramento*. 71
- Dissertatio I. *De institutione, materia, ac forma Eucharistiae*. ibid.
- Cap. I. *De tempore institutionis Eucharistiae*. Prop. I. *Paſcha Judaicum immolabatur luna 14. exeunte horis pomeridianis 14. diei mensis Nisan, quas conſequebatur vesp̄ra initiumque diei 15. & Paſchae ſolemnitas*. II. *Judei Chriſti ævo, nec duplici Nomenia, nec duplici aſtronomico calculo uſi ſunt*. III. *Chriſtus pridie quam pateretur paſcha legale comedit*. IV. *Et eadem die Paſcha typicum celebravit cum Judeis*. V. *Qui anno Chriſti emortuali Paſcha non diſtulere*. 72
- Cap. II. *Ubi objecta adverſariorum ſolvantur, ac de die diſputatur, qua Pentecoſtes incidit eo anno, quo paſſus eſt Chriſtus*. 80
- Cap. III. *De Chriſti ſuprema cœna, in qua Eucharistiā inſtituit*. Prop. I. *In ea omnes ſervavit legalis Paſchæ ritus*. 85
- Cap. IV. *De materia a Chriſto adhibita in Eucharistiæ institutione*. Prop. I. *Chriſtus conſecravit in azymo*. II. *Cujus uſus in Romana Eccleſia vigit ab Apoſtolorum ævo*. III. *Azymus quoque erat fermentum olim delatum ad titulos*. IV. *Azymi panes conſecrandi debent eſſe exiles, & rotundi*. V. *Incertum eſt tempus, quo uſus fermentati apud Græcos invaluit, ſed vetuſtius eſt Pbozii ſchiſmate*. VI. *Valide fit conſecratio tam in azymo, quam in fermentato*. 87
- Cap. V. *De variis queſtionibus circa materiam Eucharistiæ*. 94
- Cap. VI. *De institutione materie calicis*. Prop. I. *Eucharistiæ materia eſt vinum, non aqua, aut alius liquor*. II. *Debet tamen ex traditione parum aque vino miſceri*. III. *Idque eſt de neceſſitate Sacramenti, ſed præcepti*. IV. *Sed aqua eſſe debet in modica quantitate*. V. *Eaque probabiliter in Chriſti ſanguinem vertitur*. V. *Et probabilius immediate*. 98.

- Appendix duorum capitum præc. Ubi de varia Ecclesiarum disciplina circa utramque Eucharistiæ materiam disputatur. 105
- Cap. VII. De forma Sacramenti Eucharistiæ. Prop. I. Christus Eucharistiæ instituens verbis usus est. II. Sed hoc definitum non est ab Ecclesia. III. Eucharistia verbis dominicis, non sacerdotis precibus consecratur. VI. Sola verba: Hoc est corpus meum. Hic est sanguis &c. sunt de essentia Eucharistiæ, sed alia non sunt omittenda. V. Eaque etiam assertive, & significative enuntiantur. 108
- Dissertatio II. De reali præsentia corporis, & sanguinis Christi in Eucharistia. 115
- Cap. I. De variis momentis, quibus catholicum dogma fulcitur. Prop. In Eucharistia est vere Christi corpus & sanguis. ibid.
- Cap. II. De regulis, quibus hæreticorum sophismata diluuntur. 124.
- Cap. III. De Novatorum consubstantiatione, seu impanatione. Prop. In Eucharistia non remanet panis, aut vini substantia, sed vertitur in Christi corpus. 138
- Cap. IV. De Stercoranistarum hæresi. Prop. Probabile est nullam extitisse unquam huiusmodi sectam. 145
- Cap. V. De variis questionibus circa realem præsentiam. Prop. I. Eucharistia debetur latræ cultus. II. Et rite servatur in templis. III. Ejusque festum recte institutum est. IV. Non secus ac processio. V. Eaque pluribus vicibus exponi potest, aut circumferri. VI. At in itinere soli Papæ præfertur. 147
- Dissertatio III. De ministro, subjecto, ac ritibus Eucharistiæ. 153.
- Cap. I. De Eucharistiæ ministro. Prop. I. Solus sacerdos eam conficere potest. II. Diaconi aliquando eam dispensarunt præsertim sub vini specie, sed jussu antistitum. ibid.
- Cap. II. De suscipientibus Eucharistiæ, ac de communionis præcepto. Prop. I. Non est omnibus necessaria necessitate mediæ realis corporis Christi comestio. II. Sed mystica. III. De hac loquitur Augustinus docens eam esse parvulis necessariam. IV. Adultis necessaria est ex præcepto. V. Idque semel in anno. VI. Huic præcepto non satisfacit per communionem sacrilegam. 157
- Cap. III. De communionem sub utraque specie. Prop. I. Laicis necessaria non est necessitate mediæ, neque præcepti. II. In Occidente frequens fuit ejus usus sub una specie. III. Quod olim etiam in Oriente obtinuit. IV. Sub una, vel utraque specie totus est Christus. V. Et eadem gratia confertur. VI. Non expedit iterum laicis usum calicis permittere. 162
- Cap. IV. De Eucharistiæ subjectis. Prop. I. Neganda est Eu-  
c ha-

<i>charistia publicis peccatoribus.</i>	II.	<i>Pueris.</i>	III.	<i>Actualibus energumenis.</i>	IV.	<i>Defunctis.</i>	V.	<i>Non tamen morte plectendis.</i>	
<i>VI. Nec paenitentibus morti proximis.</i>									169
Cap. V. <i>De dispositionibus, frequentia, ac utilitate Eucharistiae.</i>									173
Cap. VI. <i>De ritibus olim in communione servatis.</i>									177
Disertatio IV. <i>De inaequo Missae sacrificio.</i>									180
Cap. I. <i>An in Missa offeratur verum ac proprium sacrificium.</i>									
Prop. I. <i>Christus Eucharistiam instituens verum obtulit sacrificium.</i>	II.	<i>Hoc autem proprium est, non est sola ejus corporis distributio.</i>							ib.
Cap. II. <i>Ostenditur Missam esse sacrificium propitiatorium.</i>									
Prop. <i>Missae est sacrificium vere propitiatorium.</i>	II.	<i>Pro vivis ac pie defunctis offerri debet.</i>	III.	<i>Non pro damnatis, vel pro Sanctis cum Christo regnantibus.</i>					187
Cap. III. <i>De Missis privatis.</i>									
Prop. I. <i>Eae non sunt illicitae.</i>									
II. <i>Nec jure ab haereticis improbantur, qui unam tantum Missam communem commendant.</i>	III.	<i>Nec pravo fine sunt introductae.</i>							190
Cap. IV. <i>Ubi quaedam ad Missam spectantia expenduntur.</i>									199
Appendix cap. praec. <i>Ubi plura de Missa sacrificio pertractantur.</i>									206
LIBER XXXIV. <i>De Sacramento poenitentiae, ac de poenitentis actibus.</i>									208
Disertatio I. <i>De institutione poenitentiae &amp; contritione.</i>									ibid.
Cap. I. <i>De poenitentia prout virtus est.</i>									
Prop. <i>Poenitentia vera virtus est, &amp; a Sacramento diversa.</i>									ib.
Cap. II. <i>Ostenditur poenitentiam esse verum Sacramentum a Christo institutum.</i>									
Prop. I. <i>Poenitentia verum &amp; proprium est novae legis Sacramentum, quo judicaria potestate peccata solvuntur.</i>	II.	<i>Diversa est a baptismo.</i>	III.	<i>Præcipue institutum, cum Christus insufflavisset in discipulos dicens: Accipite Spiritum S.</i>	IV.	<i>Lapsis necessarium est ad salutem.</i>	V.	<i>Non datur peccatum irremissibile.</i>	210
Cap. III. <i>De contritione prima poenitentiae parte.</i>									
Prop. <i>Nec terrores incussi, nec fides sunt partes poenitentiae, sed contritio, confessio, &amp; satisfactio.</i>									224
Cap. IV. <i>De dolore ad gratiam obtinendam necessario in Sacramento poenitentiae.</i>									
Prop. I. <i>Nec sententia de necessitate amoris initialis, nec ei opposita ulla potest censura notari.</i>	II.	<i>Prior sententia opponitur doctrinae haereticorum.</i>	III.	<i>Quae respondent adversarii, opponentibus eorum sententiam a Trid. proscriptam nostram sententiam confirmant.</i>	IV.	<i>Trid. non definit solam attritionem servilem sufficienter disponentem.</i>	V.	<i>Nostra sententia conformis est Trid. P.P. &amp; rationi.</i>	VI. <i>Et pluribus</i>

- ribus Theologis etiam adversariis. VII. Ad gratiam Sacramenti requiritur amor caritatis, non spei tantum. 226
- Cap. V. Ubi adversariorum objecta solvuntur. 245
- Dissertatio II. De altera penitentia parte, nempe de oris confessione. 255
- Cap. I. De sacramentalis confessionis necessitate. Prop. I. Ex sacris literis demonstratur extare ejus preceptum. II. Eiusque necessitas ex traditione, & praxi Ecclesie comprobatur. III. Ex Gratiano, & Scholasticis. IV. Confessio necessaria est necessitate media. V. In ea debent omnia lethalia aperiri. ib.
- Cap. II. De variis confessionis speciebus. Prop. I. Obtinuit olim publica confessio, sed nulla lex Ecclesie extitit, quoad occulta crimina. II. Publice confessioni & penitentia secreta promittebatur. III. Quidam per literas confessi sunt, sed hoc nec valide, nec licite factum est. 276
- Cap. III. De conditionibus sacramentalis confessionis. Prop. I. Venialia utiliter, non necessario in ea enuntiantur. II. Mortalia necessaria. III. Item circumstantie speciem peccati immutantes, aut valde aggravantes. IV. Dubia quoque ex rationabili causa. V. Non tamen socius criminis, nisi id possit confessionis integritas. VI. Confessio dividi nequit, nec uni pars, alteri pars, altera aperiri. VII. Tenetur confessarius ad sigillum triplici jure. VIII. Nequit confessio esse valida & informis. 282
- Cap. IV. De ministra sacramentalis confessionis. Prop. I. Soli episcopi, & presbyteri sunt ejus ministri. II. Exomologesis, de qua Cyr. ep. 12. & reconciliatio per diaconum non erat confessio sacramentalis. III. Plures in morte laicis confessi sunt, sed non sacramentaliter. IV. Quidam etiam pluribus simul ministris, sed non ex necessitate, aut precepto. 295
- Cap. V. De requisitis in penitentiae ministro. Prop. I. In eo requiritur etiam potestas jurisdictionis, excepto mortis articulo. II. Graviora crimina jure reservari possunt episcopis. III. Requiritur etiam in confessario scientia, & sagacitas. 299
- Cap. VI. Quo tempore quis teneatur peccata confiteri. Prop. I. Qui incidit in lethale debet quamprimum confiteri. II. Satisfacit annua confessionis precepto, qui etiam non parochio confitetur. III. Non vero qui sacrilege confitetur. 304
- Cap. VII. De forma absolutionis sacramentalis. Prop. I. Incertum est, an olim viguerit forma deprecatoria & aptior est ea qua utitur Romana Ecclesia. II. Per hanc non declarantur remissa, sed vere dimittuntur peccata. III. Sola verba Absolvo te videntur ad formam essentiam spectare. 309
- Cap. VIII. De subjecto absolutionis. Prop. I. Hec deneganda

- da est peccandi consuetudine implicatis, nisi in mortis articulo. II. Item iis, qui proximam peccandi occasionem nolunt deferere. III. Nulli est perditissimo neganda est in mortis articulo eam petenti, licet postea sensu delinatur. IV. De vitio gravi morbo correpto, nullo dato pœnitentie signo, ambigunt Theologi, verum ei quoque danda est sub conditione. 316
- Cap. IX. De nonnullis questionibus ad veterem disciplinam spectantibus. Prop. I. Ab Apostolis usque ad Tertullianum omnibus peccatis venia concessa est. II. Quidam Tertulliani ævo mœchis absolutionem negabant, sed non ex praxi Ecclesie. III. Zephirini decreto non relaxatus est rigor discipline circa mœchiam, sed repressa est durior Tertulliani disciplina. IV. Recte Cyprianus lapsos absolvit, imo etiam sacrificatos in mortis articulo. V. Inimèro accusatur de laxata ea de re disciplina. VI. Statuit Cyprianus, ut satisfactio absolutionem præcederet; quod aliorum praxi probatur, licet non sit Sacramenti substantia. 320
- Dissertatio III. De satisfactione tertia pœnitentie parte. 328
- Cap. I. De satisfactionis necessitate. Prop. I. Plerumque dimissa culpa temporales pœnæ luendæ supersunt. II. Potest, & debet sacerdos confessis pœnas injungere. III. Satisfactiones imponuntur ad edificationem Ecclesie, ad redimenda peccata, & ad compensandas Deo illatas injurias. ib.
- Cap. II. De modo servando in satisfactionibus injungendis. Prop. I. Non debet sacerdos pro gravissimis culpis leves satisfactiones, & vicissim imponere. II. Pro satisfactione imponi debent opera pœnalia, & publicis peccatis publica pœnitentia. 334
- Cap. III. De modo a pœnitentibus servando in satisfactione adimplenda. Prop. I. Debet pœnitens eam acceptare, & si levis est, graviolem sponte subire. II. Sed nisi abiciat peccati affectum non satisfacit quoad meritum, sed quoad præceptum tantum. 338
- Cap. IV. De publica pœnitentia. Prop. I. Ea obtinuit ab Apostolorum ævo. II. Quatuor ejus gradus grassante heresi Novatiana sunt instituti. III. Ejus tempus ab episcopo definitum. IV. An ea indicta sit occultis criminibus controversatur, sed lis componitur, si dicatur eam sponte aliquos subijisse. V. Eam vero nec primis Ecclesie sæculis clerici subire. 339
- Cap. V. De effectibus pœnitentie, ac de bonorum reviviscentia. Prop. I. Pœnitentia novem fructus producit. II. Per eam bona opera reviviscunt. III. Peccata remissa non redeunt post culpam, nisi secundum quid. 348
- Cap. VI. De aliis pœnitentie ritibus. Prop. Confessiones mulierum audiendæ sunt debito loco, & tempore, & habitu decenti. 351



# I N D E X.

Appendix lib. XXXIV. Ubi Orientalis Ecclesie disciplina ex-	
ponitur in administratione penitentiae.	352
LIBER XXXV. De extrema unctione.	356
Dissertatio I. De existentia, atque essentia extremae unctionis. ib.	
Cap. I. An ea sit verum novae legis Sacramentum. Prop. I.	
Id evincitur ex Jacobi ep. c. 5. v. 14. & 15. II. Et ex tra-	
ditione.	357
Cap. II. An Marci c. 6. v. 13. de hoc Sacramento sermo fiat.	
Prop. Id probabile est, non tamen de fide.	363
Cap. III. De ejus Institutione: Prop. A Christo institutum est,	
probabilius immediate ante ascensum in caelum.	366
Cap. IV. De extremae unctionis materia. Prop. Ea est oleum	
olivarium ab episcopo consecratum. II. Frustra irridet Calvi-	
nus olei benedictionem. III. Potest simplex sacerdos Latinus	
auctoritate Apostolica oleum infirmorum conficere. IV. Incer-	
tum est an sit validum Sacramentum, si fiat per oleum non	
consecratum.	367
Cap. V. Recte omittitur in facinoris unctio renum, & in sacer-	
dotibus manus unguuntur exterius. II. Ad essentiam Sacramen-	
ti sufficit unica unctio, & 7. unctiones ad unum Sacramentum	
referuntur.	370
Cap. VI. De forma extremae unctionis. Prop. I. In ea aliqua	
verborum forma est adhibenda. II. Sententia docens olim ad-	
hibitam formam indicativam non est censura notanda, nec	
improbanda. III. Aptior tamen videtur forma deprecativa,	
qua utitur Ecclesia Latina.	371
Dissertatio II. De ministro, ac subiecto extremae unctionis.	
	377
Cap. I. De vero ac proprio hujus Sacramenti ministro. Prop.	
I. Ejus ministri non sicut seniores aetate, sed sacerdotes. II.	
Possumt episcopi illud ministrare, & ad eos spectat us ad pa-	
rochos &c. III. Non tamen diaconi. IV. Licet olim plures	
illud ministraverint, recte tamen ab uno ministratur. V. Qui	
solus debet verba proferre.	378
Cap. II. De subiecto extremae unctionis. Prop. Solis infirmis	
adultis ministrari debet.	383
Cap. III. De variis hujus Sacramenti effectibus.	383
Cap. IV. De variis questionibus ad extremam unctionem spe-	
ctantibus.	387
Cap. V. De ritibus hujusce Sacramenti.	391
Appendix lib. XXXV. De Orient. Eccl. disciplina circa extr.	
unct.	392
LIBER XXXVI. De sacris ordinationibus.	394
Dissertatio I. De existentia, numero & essentia Sacramenti or-	
dinis.	ibid.
Cap.	

- Cap. I. *Ostenditur ordinem esse verum novæ legis Sacramentum.* ibid.
- Cap. II. *De numero graduum & ordinum clericorum.* Prop. I. *Septem numerantur in Latina Ecclesia.* II. *Nec obstat quod alii aliter eos recensent.* III. *Licet Grecos solum lectoratum inter minores agnovisse probari possit, parum tamen ii distant a Latinis.* 401
- Cap. III. *De tonsura clericali.* Prop. I. *Hec obtinuit ab ævo Apostolorum.* II. *Non est ordo.* 406
- Cap. IV. *De minoribus ordinibus.* Prop. I. *Sententia negans eos esse Sacramenta, catholica & probabilis est.* II. *Sed verosimilior opposita.* 410
- Cap. V. *De subdiaconatu.* Prop. *Est verum novæ legis Sacramentum.* 414
- Cap. VI. *De diaconatu.* Prop. I. *Septem diaconi, Act. 6. laudati, non ad profanum usum, sed sacro ordine initiati sunt.* II. *Diaconatus est ordo sacer, & Sacramentum.* III. *Atque ordo hierarchicus.* 417
- Cap. VII. *De diaconissis.* Prop. *Harum ordinatio sacramentum non fuit.* 420
- Cap. VIII. *De presbyteratu.* Prop. I. *Est verum Sacramentum.* II. *Eique confertur, nedum predicandi, sed etiam sacrificandi.* III. *Et absolvendi facultas.* 422
- Cap. IX. *De episcopatu.* Prop. *Sacramentum est, & a presbyteratu distinctus, & facile ea de re scholarum dissidia componuntur.* 424
- Cap. X. *De Choropiscopis.* Prop. *Hi per se erant presbyteri, sed per accidens episcopali dignitate donati.* 427
- Cap. XI. *De episcoporum distinctione a presbyteris, an sit de jure divino.* Prop. *Ab Apostolorum ævo episcopi ordine, ac dignitate præfuerunt presbyteris.* 430
- Cap. XII. *De materia, ac forma Sacramenti ordinis.* 440
- Dissertatio II. *De ministro, subjecto, ac ritu sacrarum ordinationum.* 442
- Cap. I. *De eorum ministro ordinario, & extraordinario.* Prop. I. *Abbates possunt jure extraordinario conferre ordines minores.* II. *Nequit simplex sacerdos auctoritate Papæ conferre presbyteratum, licet possit diaconatum, ut Abbati Cisterciensi olim indultum est.* III. *Episcopatus a solis, & pluribus episcopis conferri debet, quod ad valorem ordinationis non spectat.* IV. *Debet quisque ordinari a proprio episcopo.* 443
- Cap. II. *De ordinationibus ab episcopo intruso, Heretico, Schismatico, & Simoniaco.* Prop. *Omnes valide sunt.* 447
- Cap. III. *De ordinatione Anglicanis.* Prop. *Hodierna invalide sunt.* 454

- Cap. IV. De ordinandis. Prop. I. Non sunt ordinanda mulieres. II. Nec viri non baptizati. III. Quævis ætas est ordinibus apta. IV. Nullus est ordo collatus invito, & reluctanti. 456
- Cap. V. De conditionibus requisitis in ordinandis, nempe de vocatione, ætate, scientia, probitate, ac vitulo. 460
- Cap. VI. De aliis ritibus sacrarum ordinationum, ubi de tempore, interstitiis, gradualitate, vestibus, & unctione sacre ordinat. 465
- Appendix De variis Orient. Ecclesie disciplina circa sacras ordines. 468
- LIBER XXXVII. De Sacramento matrimonii.** 472
- Cap. I. An matrimonium sit jure natura præscriptum, bonum, & honestum. Prop. I. Ita est. II. Cadit etiam aliquantulum sub præcepto, non tamen in particulari. ibid.
- Cap. II. An matrimonium in nova lege sit erectum ad Sacramenti dignitatem. Prop. I. Ex Dei institutione est signum rei sacre. II. Gratiæ signum efficax, & verum Sacramentum. 477
- Cap. III. De jure materia proxima, seu de matrimoniali contractu. Prop. I. Ad matrimonij essentiam non spectat carnalis concubitus. II. Neque in eum consensus. III. Licet communiter peccent filii nubentes invito parentibus, at valide contrahunt. IV. Matrimonium inter absentes validum est, saltem ratione contractus. 482
- Cap. IV. De quibusdam spectantibus ad ejus contractum. Prop. I. Irritum est matrimonium ab aliquo sine intentione, & simulate cum femina contractum. II. Is tamen tenetur eam ducere, & filios ut legitimos suscipere. 489
- Cap. V. De impedimentis matrimonii. Prop. I. Potest princeps secularis ea statuere, prout est civilis contractus. II. Sed prout est Sacramentum spectat ad Ecclesiam. III. Cujus nomine non veniunt principes seculares. IV. Ad Ecclesiam spectat ab iis dispensare, idque urgentibus de causis. 492
- Cap. VI. De nonnullis ad impedimenta matrimonii spectantibus. Ubi de impedimentis dirimentibus, nempe erroris, conditionis, voti, cognationis, criminis, cultus disparitatis, violentie, ordinis, ligaminis, publicæ honestatis, affinitatis, impotentie, raptus: nec non de impedim. impediens sermo est. 499
- Cap. VII. De clandestinis conjugis. Prop. I. Licet ante Trident. ea rata fuerint, semper tamen ab Ecclesia sunt improbata. II. Porius Trid. & recte illa irritavit, unde posthac nulla sunt. 511
- Cap. VIII. De matrimoniis Hereticorum, & de Const. Bened. XIV. 514
- Cap. IX. De sponsalibus, ejusque denunciationibus. 516
- Cap. X. De ministro Sacramenti matrimonii. Prop. Communis opinio

*opinio est ejus ministrum esse contrahentes, sed sua probabilitate non caret sententia, quæ ait esse parochum.* 517

Cap. XI. De polygamia. Prop. I. Polygamia virilis est scelus juri nature contrarium. II. Muliebris finibus matrimonii secundariis, & perfectioni adversatur. III. Veteres patriarchæ ea inculpate usi sunt. IV. In lege Evangelica vetita est. V. Defunctæ uxore fas est alteram, tertiam, quartam &c. ducere. 520

Cap. XII. De matrimonii indissolubilitate. Prop. I. Per libellum repudii non solvebatur matrimonii vinculum, sed hoc Judæis ob duritiem cordis permissum est, ne mulieres necarent. II. In nova lege non dissolvitur per adulterium. III. Matrimonium ratum non consummatum solvitur per professionem religioſam. 524

Cap. XIII. De divortiiis. 530

Cap. Ult. De matrimonii ritibus, ubi de sacerdotali benedictione, de annulo, de flammeis sertisque nuptiarum. 532

Appendix Libri XXXVII. ubi Orientalis Ecclesiæ disciplina de Sacramento matrimonii exponitur. 535





# DISPUTATIONES THEOLOGICÆ

DE RELIQUIS NOVÆ LEGIS SACRAMENTIS.

**I**ANUA Sacramentorum per baptisma in libris superioribus patefacta, reliqua novæ Legis mysteria sedulo lustranda sunt, quibus nimirum sacro fonte expiatis robur animi, & fortitudo per Confirmationem accedit, ut fidem in baptismo susceptam Christi milites invicto animo profiteantur. Vivifico ac divino cibo potuque refecti ad montem, qui Christus est, alacriores ascendunt. Lapsi renovantur per pœnitentiam. In agone certantes sacro oleo delibuti, dæmonis frangunt insidias & impetus. Qui vero in sortem Domini delecti sunt, rite, atque ordine sacro ministerio funguntur. Denique per Sacramentum Matrimonii viri ac mulieres individuam vitæ consuetudinem legitime ineunt maritali connubio. Ex quibus omnibus quot quantaque Christi fidelibus solida emergant bona, vix arbitror hoc exiguo volumine comprehendi posse; Hoc autem non secus ac duo postrema, lubet parti bifariam: nimirum de Confirmatione, Eucharistia, ac Pœnitentia sermo erit in prima parte; In altera vero de Extrema unctione, de Ordine, ac Matrimonio.

PARS

## P A R S P R I M A.

UBI DE CONFIRMATIONIS, EUCHARISTIÆ, AC PŒNITENTIÆ  
SACRAMENTIS DISPUTATUR.

**T**RIA isthæc novæ legis Sacramenta totidem libris prima hujus voluminis parte complectimur : quorum prior ; servato Auctoris Ordine XXXII. de Confirmationis mysterio verba faciet ; alter vero ; in eodem ordine XXXIII. de Eucharistiæ Sacramento : postremus, sive in laudato ordine XXXIV. de salutari Pœnitentia pertractabit.

## L I B E R XXXII.

*De Confirmationis Sacramento.*

**A**RDUAM provinciam aggredimur, cum de Confirmationis Sacramento suscipimus tractationem, in qua assiduus labor, Ecclesiasticorum rituum cognitio, ac exquisita novæ & veteris disciplinæ notitia requiritur. Ut itaque de re difficillima debito ordine differamus, librum hunc tribus distinctis dissertationibus complectemur : quarum prima erit de essentia atque existentia Confirmationis. Altera de ejus ministro, ac subjecto. Postrema de effectibus, ritibusque breviter pertractabit.

## DISSERTATIO I.

*De essentia, atque existentia Sacramenti Confirmationis.*

**A**Ggenus hoc loco de nomine, essentia, atque institutione Confirmationis, tum de ejus materia ac forma.

## C A P U T I.

*De nomine, essentia, atque institutione Confirmationis.*

**N**OT. I. definitur Confirmatio a Theologis : *Sacramentum novæ legis, quo baptizatis Spiritus S. robur confertur, ut Christianam fidem firmiter teneant, & profiteantur.* Ubi tria priora verba sunt loco generis, reliqua proprietatem, & efficientiam designant. Sicut enim per baptisma in novam creaturam

turam tenovamur, ita per Confirmationem animi robore perficimur. Præter Confirmationis nomen, quod apud veteres passim occurrit, dicitur etiam *perfectio* seu *consummatio*, quia baptizatum perficit, & confirmat. Dicitur etiam ab *unctione*: *Sacramentum chrismatis*, & *oleum sanctificationum*, ab August. A Græcis autem: *Unguentum*, *chrisma spiritale*, *sanctum*, *supercelestes*. A *charactere* dicitur *sigillum*, atque *signaculum* apud Eusebium. Denique *manus impositio* appellatur ab Aug. l. 3. de Bapt. a Rabano, Isidoro, aliisque. De his vocabulis, præter Estium, Poncium, Fervaquesium &c. exquisito pertractante Lindanus, Durantius, & Molanus, quos laudat cl. Auctor.

Not. II. *Manus impositio* non semper *Sacramentalis* est, atque *confirmatoria*: nam sæpe adhibetur ad faciendum catechumenum, ad pellendos demones, ad sanandos aegros. Alia adhibetur in ordinum collatione, de qua alibi, alia in reconciliatione poenitentium, aut receptione hæreticorum: alia in baptizatorum Confirmatione. Poenitentium autem quatuor olim erant gradus: 1. *πρόσκλησις*; seu *fletus*, cum poenitentes extra portam templi consisterent; 2. *ἐκπράσις* *auditiō*, cum intra portam starent cum catechumenis sacras conciones audientes; 3. *ὑπόπτωσις* *substratio*, cum se substernerent, & illis episcopis manus imponerent; 4. *αἵματις* *consistentia*, dum orabant cum aliis fidelibus, postquam catechumeni abiissent. In tertio ergo gradu poenitentibus manus imponebantur: quam impositionem non fuisse sacramentalem, ex eo constat, quod ita solum in quinto gradu, vel in exitu poenitentiae absolutionem perciperent. Eodem rite hæreticos ad Catholicam venientes fuisse exceptos constat ex decreto Stephani Papæ; *A quo cumque heresi veneris ad nos... manus illi imponatur in poenitentiam*. Quem quidem morem fuisse Occidentalis Ecclesiæ scribit Gregorius M. l. 11. Ep. 67.

In Orientali autem *unctionem chrismatis* invaluisse. Neutræ vero fuisse *confirmatoriam* infra ostendemus. Per Sacramentalem manuum impositionem episcopus manum extendit supra confirmandorum capita; signat frontem, eisque largitur, vel potius *advocat*, & *invitat Spiritum S.* ait Tertullianus de Bapt. Hunc enim non dant homines, sed orant, ut veniat in eos, quibus manus imponunt, ut de Christi discipulis docet S. P. A.

Not. III. Inter eos, qui Confirmationem ex Sacramentorum albo expungere, recensent nonnulli, præter Arianos, Donatistas, & Novatianos, etiam Valdenses, Wicleffistas, atque Ruthenos, sed eos aut falli, aut in ambiguo versari pluribus demonstrat cl. auctor. De LutHERO autem, Calvino, eorumque affectis explorata res est. LUTHERUS enim in l. de Captiv. Babyl.

Babyl. Confirmationem esse ait: *Ritum*, seu *ceremoniam Sacramentalem*, sed eam *Sacramentum* esse perfracte negat. Calvinus autem in Antidoto Conc. Trid. scribit, olei neminem veterum meminisse. Kemnitius 2. p. Exam. unctionem Chris-  
matis e Montani schola prodiisse impudenter estutiit. His porro subscribere Beza, de Dominis, Dallæus, Magdeburgen-  
ses, alique.

Not. IV. Scripturarum auctoritate veritatem catholicam comprobari perspicue demonstrarunt Jodochus Ravestein, Tapperus, Bellarminus, Estius: neque oppositum censet Scotus, quidquid scribat Tournelyus, & Witasse: Scotus enim non de veritate Sacramenti disputat, sed de ejus institutione, ut Mastrius observat, atque hoc Sacramentum a Domino institutum asserit: *Licet tempus, & modus hujus institutionis in scriptura non legatur*. Dissimulandum tamen non est, Jeremiam Patriarcha C. P. Divini unigeniti mysterium non extare in *sacris literis* scripisse in censura Confess. Augustanæ, unde inferunt Lutherani, Confirmationem esse *adinventionem Ecclesie*. Contra quos sit

PROPOSITIO I. Ex sacris literis constat Confirmationem esse verum Sacramentum.

Prob. I. Act. 8. 14. habetur quod: *Petrus, & Joannes imponent manus super illos, qui baptizati tantum erant in nomine Jesu, & accipiebant Spiritum Sanctum*. Et cap. 19. *Cum imposuisset illis manus Paulus, venit Spiritus S. super eos*, sed ibi extat res sensibilis, idest manuum impositio, & invisibilis gratia, idest virtus Spiritus S. ergo est verum Sacramentum.

Inst. I. Calvinus & Kemnitius, quibus novissime accessit Pictetus, in ea manuum impositione deesse *promissionem gratiæ*, ac *mandatum*. II. fuisse singulare. Apostolorum privilegium ea impositione gratiarum dona largiri, nunc enim nec dona linguarum, nec virtus signorum ab episcopis conferuntur. III. Spiritum S. ea impositione collatum fuisse dona linguarum &c. non gratiam sanctitatis. V. Eam impositionem fuisse oblationem, qua initiati Deo hac ceremonia consecrarentur, non vero Sacramentum. V. Addit Dallæus, nec oleum ibi esse, nec balsamum, nec verbum Sacramentorum formam; ergo &c.

R. ad I. neg. ant. Ibi enim, nedum promissio, sed etiam collatio gratiæ exprimitur, ex qua etiam arguitur mandati impositio. Quis enim credat, ceremoniam absque magistri præscripto usurpatam, tam eximiam virtutem fuisse subsecutam. Ad II. neg. ant. Nam dona signorum &c. cuique fidelium ex Marc. mit. collata sunt, Apostolis autem, & episcopis datum est ba-



est baptizatos perficere, & signo sensibilli largiri Spiritus S. virtutem. Hinc Philippus, utpote discipulus, ait Œcumenius in Act. pag. 77. *tantum baptizat, gratiam vero perficiunt Apostoli, quibus hujus doni concessa erat auctoritas. Quem morem, addit S. P. l. 15. de Trin. c. 26. in suis prepositis etiam nunc servat Ecclesia.* Nec obstat, visibilia signa ex impositione manuum episcoporum, modo non consequi, illa enim infidelibus, non fidelibus data sunt. *Numquid modo quibus imponitur manus expectatur, ut linguis loquantur? Et cum videret eos linguis non loqui, ita perverso corde aliquis fuit, ut diceret, non acceperunt isti Spiritum sanctum?* Ad III. neg. ant. Constat enim ex dictis, baptizatos Spiritum S. accipere, tametsi linguis non loquantur: hæc enim etiam improbis, ex Marth. 7. aliquando conferuntur, in quibus non inhabitat Spiritus S.

Dices: sanctitas, & gratia recipitur in ipso baptismo; ergo &c. R. dist. ant. Recipitur ad renascentiam, & adoptionem, conc. ad robur, & firmitudinem, neg. Sicut enim Apostoli iustitia, & gratiæ donis ornati S. Spiritus illapsu acceperunt *virtutem ex alto*, ex Luc. 24. ita recipiunt fideles, & visibili Sacramento eam conferunt eorum successores episcopi, quam illi singulari privilegio sine ullo signo receperant. Ad IV. neg. ant. Hanc enim oblationem potuisset Philippus excipere, quemadmodum baptisma contulit, nec ad id opus erat, ut duo Apostolorum discederent Jerosolymis. Constat etiam baptisma esse personarum initiationem, & oblationem; si ergo alia oblatio requiritur, hæc non regeneratorum est, sed catechumenorum ad baptisma accedentium. Ad V. infra erit sermo, ubi de materia, ac forma Confirmationis pertractabimus. Sat est in præsentia observare, in ea signum sensibile gratiæ, veramque Sacramenti rationem ex Actib. Apost. perspicue demonstrari.

Inst. II. Dallæus: Act. 8. ubi legit vulgata: *Nondum venerat* (Spiritus S.) habetur græce *ἐπιπνευστικός*, ab *ἐπιπνεύω* irruere, illabi, quod exprimit prophetici spiritus energiam, hinc Joel. 2. 28. habetur: *Effundam de spiritu meo, & prophetabunt filii vestri.* II. Eum spiritum conferebant Apostoli, quem Simon expetiit, sed is eum spiritum expetiit, quo sibi *questus occasio fieret*, ait Œcumenius, donum nempe miraculorum, non robur animi; ergo &c. III. Apostoli spiritum dabant, quem Philippus dare non poterat, sed is spiritum gratiæ sanctificantis dare poterat, ut contulit Ananias ex Act. 9. ergo &c. IV. Act. 8. agi de adventu Spiritu S. per quandam sensibilem formam, quæ donum confertet linguarum &c. etiam catholici docuere, Sanctius, Gagnæus, Menochius &c.

R. Ad I. Græcum *ἐπιπνεύω*, nedum significare irruere, &

*illabi*, sed etiam *supervenire*; nam Aristoteles in 3. Animal. *supervenientes* vocat ἐπιπτόντας, unde habet Arabicus: *Accipietis robur per adventum Spiritus S.*; merito ergo græcum ἐπιπτόντες latinus vertit: *Venerat*, alii: *Aderat*, *descenderat* &c. Non tamen negamus, Spiritum S. illapsum sub visibili forma, quæ invisibilem gratiam ostenderet, & prophetiæ, & miraculorum dona conferret. Ad II. neg. maj. Nam Simon *desideravit istam, non gratiam, sed potentiam, non unde liberaretur, sed unde extolleretur*, ait S. P. in Pl. 30. & Pl. 120. *Plus illum delectavit potentia Apostolorum, quam iustitia Christianorum*. . . Ubi vidit per manus impositionem dare Spiritum S. quia tunc per miraculum demonstrabatur adventus Spiritus S. . . Cum ergo hoc videret Simon, voluit talis facere, non talis esse, ubi potentia miraculorum a gratia perspicue distinguitur. Patres ergo, quando illam commendant, hanc non excludunt: idque Sanctius, Menochius, aliique docent. Ad III. R. impositionem manuum factam per Ananiam non fuisse *confirmatoriam*, qualis describitur Act. 8. sed eandem cum illa, de qua Marc. ult. habetur: *Super egros manus imponent* &c. Nam hæc baptismum Pauli præcessit, illa Samaritanorum baptismum subsecuta est; dum ergo ait Ananias: *Dominus misit me, ut videas, & implearis Spiritu S.* significavit se missum fuisse, ut sanaret cæcum, & deinde illum baptizaret in remissionem peccatorum. Unde sequitur: *Visum recepit, & baptizatus est*. Prob. II. ex Ep. ad Ephes. 1. 13. *In quo & credentes signati estis Spiritu promissionis S.* Et 2. Cor. 1. *Qui confirmat nos in Christo, & qui unxit nos Deus, qui & signavit nos, & dedit pignus spiritus in cordibus nostris*, ubi Apostolum loqui de charactere confirmationis alibi ostensum est. Vide auctorem.

PROPOSITIO II. Idem ostenditur ex traditione.

Prob. I. ex summorum Pontificum auctoritate. Nam Cornelius apud Eusebium l. 6. H. E. c. 43. Novatiano exprobrat, quod *neque ab episcopo consignatus est*, ubi non de baptismi ritibus loquitur Cornelius, tum quia non opus erat eos ab episcopo perfici, tum quia Cornelius ait: *Hoc signaculo minime percepto, quomodo (Novatianus) Spiritus S. potuit recipere?* Adde græcum ἀρραβὴν nullibi ceremoniarum complementum exprimere. II. Innocentius I. in ep. ad Decent. c. 3. ait: *De consignandis infantibus manifestum est, non ab alio, quam ab episcopo fieri licere; nam presbyteri, licet sint sacerdotes, pontificatus apicem non habent*: quod probat tunc Ecclesiæ consuetudine, tum ex Act. Apost. auctoritate, sed ceremonialis unctio etiam presbyteris Silvestri ætate concessa est; ergo ibi agitur de confirmationis Sacramento, quod

quod a solis confertur episcopis, ut ex sequentibus evincitur: Nam presbyteris, inquit, chrismate baptizatos ungere licet, non tamen frontem ex eodem oleo signare, quod solum debetur episcopis, cum tradunt Spiritum S.

III. S. Leo ait, vetitum chorepiscopis chrismate baptizatorum frontem signare. IV. Gregorius M. in ep. ad Jan. ait: Presbyteri baptizandos ungant in pectore, ut episcopi postmodum ungere debeant in fronte. Et Ep. 45. l. 10. mandat Clusino episcopo, ut ii qui baptizantur inconfignati non debeant remanere. V. Innocentius III. cap. Cum venisset ait: Per frontis chrismationem manus impositio designatur, quia per eam Spiritus S. ad augmentum datur, & robur: unde, cum ceteras unctiones simplex sacerdos valeat exhibere, hanc nonnisi episcopus debet conferre: quia de solis Apostolis legitur, quorum vicarii sunt episcopi, quod per manus impositionem Spiritum S. dabant; ergo &c.

Prob. II. ex definitionibus Conciliorum: I. enim Illiberitanum an. 315. celebratum Can. 38. statuit, baptizatum in necessitate, si supervixerit, ad episcopum perducendum, ut per manus impositionem ( idest per Confirmationem, ut pluribus ostendit Mendoza ) perfici possit. II. Laodicenum ann. 364. aut 367. celebratum can. 48. Oportet, inquit, eos, qui illuminantur, post BAPTISMUM inungi supercelesti chrismate, & esse regni Christi participes: quibus verbis aperte refellitur Dallæus, qui hunc locum de baptizandis, aut de unctione catechumeni perperam accipit, hæc enim baptismum præcedit non sequitur. III. Arelatense III. ann. 455. statuit, ut chrisma, nonnisi ab ipso episcopo speretur: neophyti ab eodem confirmantur. IV. Florentinum ann. 1439. in Decr. Arn. ait: Secundum Sacramentum est Confirmatio, cujus materia est chrisma confectum ex oleo, & balsamo, forma, signo te &c. V. Tridentinum ann. 1547. statuit, ut: Si quis dixerit Confirmationem otiosam ceremoniam esse, non verum, & proprium Sacramentum, anathema sit; ergo &c.

Prob. III. ex PP. I. Auctor Const. Ap. l. 3. de Bapt. 16. ait: Postea episcopus baptizatos unget chrismate. Etc. 17. Chrisma confirmatio est confessionis, ubi τὰ μυστήρια, non oleum simplicem significat, ut insinuat Dallæus, sed unguentum, quod a sacro oleo τῷ ἀγίῳ ἐλαίῳ perspicue secernitur. Dicitur autem: Confirmatio confessionis, ex ejus effectu. Nam ex Rituali Græc. p. 368. Unguenti chrisma confirmat fidem. II. Auctor Eccl. Hierarch. ait: Ei qui regenerationis Sacramento initiatus est, consummans illi unctio divini spiritus illapsam elargitur.

III. Tertull. de Bapt. c. 1. ait: Egressi de lavacro perungimur benedicta unctione de pristina disciplina. Dehinc manus imponitur advocans Spiritum S. Sic in nobis carnaliter currit unctio, sed spiritualiter proficit. Ubi utraque Confirmationis materia

teria chrisma, & impositio manus, & ejus effectus exprimitur. IV. Clemens Alex. apud Euseb. l. 3. H. E. c. 23. de quodam episcopo, qui juvenem a Joanne Apostolo commendatum baptizaverat, ait: *Cum perfectam illi custodiam addidisset signaculum Domini*, sed hoc signaculum baptismo additum est Confirmatio, ut probat Menardus ex Ecloga vitæ Athanasii in Bibl. Photii cod. 258. ubi legitur: *Qui cum eos Christi signaculo confirmasset &c. ergo &c.*

V. S. Cyprianus Ep. 73. ad Jubaj. postquam ostendit, a Philippo baptizatos non fuisse rebaptizatos, sed iis manu imposita ab Apostolis superinfusum Spiritum S. ait: *Quod nunc quoque apud nos geritur, ut qui in Ecclesia baptizantur, prepositis Ecclesie offerantur, & per manus impositionem Spiritum S. consequantur, & signaculo Dominico consummentur.* VI. Cyrillus Jeros. Catech. 3. *Vobis, postquam ex aquis S. lavacri ascendistis, datum est chrisma; hoc autem est Spiritus S. .... Ut enim Salvator per baptismum, & S. Spiritus adventum devicit adversarium; sic & vos post sanctum baptismum, & chrisma mysticum induti armis S. Spiritus praeliamini dicentes: omnia possum &c.* VII. Ambrosius l. 2. de Sacr. c. 7. *Ergo merxisti, ait, venisti ad sacerdotem: quid tibi dixit? Deus, inquit, qui te regeneravit ex aqua & Spiritu S. ipse te ungit in vitam eternam. Ubi sacerdotem S. D. appellat episcopum, ut ex sola lectione hujus libri manifestum est, in quo aliquando etiam legitur: Summus sacerdos. Fallitur ergo Dallæus, dum ait, loqui Ambrosius de unctione facta a presbytero, dumque consignationem illam inter baptismi ceremonias recenset: ait enim Ambrosius c. 2. *Sequitur spiritale signaculum, quia post fontem superest ut perfectio fiat, quando ad invocationem sacerdotis Spiritus S. infunditur.**

VIII. S. Hieronymus 2. p. tom. 4. pag. 295. ait: *Baptizatos in Ecclesia, nisi per manus episcoporum, non accipere Spiritum S.* IX. S. P. A. l. 2. contra lit. Petil. c. 104. ait: *Sacramentum chrismatis in genere visibilium signaculorum sacrosanctum est, sicut ipse baptismus.* X. Theodoretus in Cant. Tom. 1. pag. 1002. ait: *Qui baptismo initiantur unguenti chrismate uncti sub visibili unguenti specie invisibilem S. Spiritus gratiam suscipiunt, ex quibus constat Ss. PP. in manus impositione, & chrismate, quo baptizati ab episcopis liniuntur, divinum signaculum, gratiæ typum, collationem virtutis, fidei confirmationem, ac donum Spiritus S. agnovisse; adeoque Confirmationem inter Ecclesiæ Sacramenta numerasse; ergo &c.*

Prob. IV. ex Ecclesiarum consensu; nam Romana, Africana, Græca, Æthiopica, Copta, aliæque Orientales, & Occidentales, imo plerique Novatorum conventus nobiscum sentiunt,

tiunt, qui sane non possunt ullum producere, qui primus hoc Sacramentum invexerit: sed ex Augustini regula, quod universa tenet Ecclesia, nonnisi ab Apostolis creditur derivatum. *Constat enim, ait Tertull. de Præscr. 21. Omnem doctrinam, quæ cum illis Ecclesiis Apostolicis conspirat, veritati deputandam, sine dubio tenentem, quod Ecclesie ab Apostolis, Apostoli a Christo, Christus a Deo accepit; ergo &c.*

Ob. I. In scripturis a catholicis productis de dono linguarum sermo est, sed hoc cessavit; ergo Confirmatio tunc est inutilis ceremonia. II. Nulla ibi chrismatis fit mentio; ergo &c. III. Ex PP. alii Confirmationem describunt ut ceremoniam baptismi, ajunt enim neophytos statim post lavacrum inungi, atque huic unctioni tribuunt effectus baptismi, gratiam, animæ signaculum, Spiritum sanctitatis, alii, ut Justinus, Athenagoras, Tatianus de Confirmatione ne verbum quidem. Alii errant, ut Tertullianus, qui ad Montanistas, Cyprianus, qui ad Anabaptismum prolapsus est. IV. Perperam Areopagitæ, Clementi, & Ambrosio tribuuntur opera de Hierarch. Eccl. Constitutiones Apostolicæ, & libri de Sacramentis; ergo &c.

V. Hoc Sacramentum expungere, præter Novatianos, Albigenes, Valdenses, Hussitas &c. Ecclesia Græca, Æthiopica, Armenica; ergo &c. VI. Nec Theologi conveniant, quorum aliqui institutam scribunt confirmationem ab Apostolis, alii in Concilio Meldensi: imo de materia etiam & forma disputant. VII. derogat Confirmationem efficaciam baptismi, cui adimit Spiritum S. quem sibi vindicat, ex quo sequitur illam esse baptismo præstantiorem: cumque in baptismo conferatur Spiritus Sancti gratia &c. sequitur Confirmationem esse penitus supervacaneam.

¶. Visibilem illapsum Spiritus S. argumentum fuisse virtutis baptizatos corroborantis, ac ubique disseminandi Evangelium; ideoque cessavit, dum Evangelium undique diffusum non egebat ulterius approbatione miraculorum: descendente deinceps Spiritu S. absque aspectabili forma *per sacrosancta signacula*, ut ait S. P. Tract. 6. in Jo. non est ergo manus impositio inutilis, sed efficax & gratiæ effectrix. Alioquin etiam baptismus inutilis esset, quia nunc Spiritus S. visibili forma, ut olim, non descendit. Ad II. erit infra responsio.

Ad III. neg. I. Part. ant. Patres enim Confirmationi vim tribuunt gratiam conferendi, & inter visibilia signacula sacrosanctam appellat Augustinus; non ergo inter ritus, & variabiles ceremonias confirmatio referri debet, licet statim post baptismum olim neophyti confirmarentur. Nam iis etiam Eucharistia statim porrigebatur, quæ sane non est baptismi ritus; nec statim omnes confirmabantur, nam baptizati a Philippo;



nonnisi post adventum Petri & Joannis confirmati sunt. De Justino alibi dictum est. Tatianus vero, & Athenagoras pro Christianis adornarunt apologias, nec ethnicis exposuere fidei mysteria. Confirmationis tamen meminere ex majorum traditione Irenæus, Tertullianus, Cyprianus, qui hac in parte a nemine improbantur. Nec Tertullianus ad Montanistas defecerat, cum scripsit librum de Baptismo, ut probant Alex. Dupinius, Caveus: Cyprianus vero non negat Confirmationem, ex quo eam, non secus ac baptisma, tradiderit repetendam, sed adstruit.

Ad IV. neg. conf. Nam Constitutiones Apostolicæ, & libri de Hierarchia saltem quartum sæculum præcessere; ex iis ergo constat, ante quintum sæculum Confirmationem ab omnibus probatam fuisse, cum nemo eam in iis scriptis, alias plurimum exagitatis, hoc aliquando improbaverit. Liber vero de Mysteriis perperam a Bullingero, Coco, & Dallæo abjudicatur Ambrosio, ut ostendunt Maurini. Ad V. neg. conf. Non enim Ecclesiæ quædam a nobis, aut schismate, aut hæresi sejunctæ, consulendæ sunt, *sed in Ecclesiis Apostolicis, matricibus, & originalibus* doctrina catholica ex Tertulliano investiganda est. Ad VI. sequenti cap. erit resp. ad VII. neg. ant. Nam in baptismo, ut observat Petrus Damianus Serm. 1. Dedic. Eccl. Spiritus S. datur ad veniam, hic ad pugnam, ibi mundamur ab iniquitatibus, hic virtutibus premunitur. Porro, si derogaret baptismo Sacramentum, quod confert novam gratiæ perfectionem, nec Eucharistia esset recipienda; si hæc nutrit, Confirmatio addit vires.

## C A P U T II.

### *De institutione Sacramenti Confirmationis.*

NOT. I. Hoc Sacramentum a Christo *immediate* institutum ex Trid. Synodo can. 1. sess. 7. non autem in Melden. Synodo, ut quidam sunt opinati, videtur omnino exploratum; hæc enim anno 845. celebrata est, cum nempe de hoc Sacramento plurimi pertractassent; atque inter 80. Canones Melden. Synodi de hac institutione ne verbum quidem. Falluntur etiam qui Confirmationem ab Apostolis institutam fuisse opinantur, nam ex Vavrensi Concilio c. 2. de Fide: *Sacramenta instituere competit soli Christo, qui solus potestatem excellentiæ sibi retinuit, potestatem ministerii Apostolis dedit. Omnia ergo Sacramenta Christus per se immediate instituit, aliqua tamen, præcipue Confirmationem, & Extremam unctionem, per Apostolos promulgavit.*

Not.

Not. II. De tempore hujusce institutionis non conveniunt Theologi, idque a se ignorari ingenue fatetur Fervaques, & Vanroy, ex quo nil certi ex scripturis, ex PP., aut ex Conciliis affulgeat. Nostram vero sententiam declarabit, quæ mox sequitur.

PROPOSITIO I. Probabilius est institutam fuisse Confirmationem post Christi resurrectionem.

Ita Estius, Merbesius; Vitasse, Suarez, Henriquez, Faber, alique. Prob. I. Christus enim Confirmationem instituit, cum promisit Apostolis virtutem Spiritus S. cum iis potestatem contulit in mysticum Christi corpus, pluraque iis revelavit mysteria, sed hæc præstitit post suam resurrectionem; ergo &c. I. constat ex Luc. 24. & Act. 1. II. ex Jo. 20. 22. III. ex serm. 1. de Ascens. S. Leonis Papæ dicentis: *Magna in eis, diebus, confirmata Sacramenta, magna sunt revelata mysteria*; ergo &c. Idque præsertim cum aliud hujus institutionis tempus nequeat congrua ratione assignari. R. aliqui apud Poncium, institutam Confirmationem, cum Dominus Matth. 19. parvulis manus imposuit. Sed falluntur: non enim omnis manuum impositio confirmatoria est; nec decebat aliquem confirmari ante Apostolos, & Spiritus S. adventum; fuit ergo ea manus impositio usitata apud Hebræos benedictio, unde Chrysostomus ait, eos Christo oblatos fuisse: *Ut benedicerentur contactu manuum Salvatoris*.

R. II. alii: Confirmationem institutam, cum Christus ait Jo. 16: *Si abiero, mittam eam* (paracletum) *ad vos*. Sed contra est: ibi enim extat sola promissio gratiæ, unde ait S. Thomas q. 72. a. 1. Christum tunc instituisse hoc Sacramentum, *non exhibendo, sed promittendo*. Promissio autem non sufficit ad institutionem, hæc enim una est, illa multiplex, eaque Joel. c. 2. reperitur.

R. III. alii, Confirmationem institutam in ultima cœna, in qua, ex Fabiani epistola 2. c. 1. legitur: *Jesus postquam cenavit .... chrisma conficere docuit*. Verum epistola illa spuria est, neque in ea aliud apparet, nisi chrismatis confectio, & consecratio, non vero Sacramenti institutio. Vide auctorem. R. IV. nonnulli: hanc institutionem referendam ad diem Pentecostes: sed immerito: I. quia tunc Apostoli non visibili signo, sed singulari miraculo receperunt Spiritum S. II. quia tunc apparuit potius confirmationis effectus, quam institutio: III. quia decuit Sacramenta, quæ sunt redemptionis nostræ pars maxima, a Christo institui debuisse, priusquam ipse cælum conscenderet.

Oppones I. Cum Christus Jo. 20. 22. ait: *Accipite Spiritum S.* &c. dedit Apostolis potestatem absolvendi a peccatis,

non consignandi neophytos; ergo ex hoc loco nihil evincitur. II. Concilium Senonen. ann. 1528. contra Lutherum ait, hoc Sacramentum a Christo institutum: *Cum parvulis manus imponeret*; ergo &c. R. ad I. neg. conf. Præmiserat enim Christus ea verba: *Sicut misit me Pater, & ego mitto vos*, ut pateat, collatam Apostolis post resurrectionem Christi plenam episcopalis muneris potestatem, cujus tamen argumentum est illa retinendi, absolvendique peccata facultas. Ad II. R. I. eo argumento etiam premi, qui Confirmationem institutam fuisse arbitrantur, aut in die Pentecostes, aut in ultima cœna. R. II. Syn. Senonen. accipiendam de quadam designatione vel symbolo, quo adumbrata est Confirmatio, non de vero & proprio Sacramento.

### C A P U T III.

#### *De materia essentiali Confirmationis.*

**H**UJUS Sacramenti materiam essentialem esse sive manus impositionem, sive chrisma, sive utrumque docent Theologi omnes contra Lutherum, Kemnitium, Calvinum, Dalzium &c. In sola impositione manuum eam statuunt Aureolus, Habert, Sirmondus, l' Herminier, fatentur tamen unctionem esse antiquissimam, nec omittendam. Poncius, Fer-vaquesius, Vanroy, alique nostrates, nec non Bellarminus, Maldonatus, Arcudius &c. eam ponunt in chrismate. Alii in alterutro, nempe vel in impositione manus, vel chrismate, alii in utroque. Ita Merbesius, Alexander, Jue-  
nin, Habert, Tournely, Vitasse &c. ab auctore laudati. Sit itaque.

PROPOSITIO I. Manus impositio est materia essentialis Confirmationis.

Prob. Materia essentialis Sacramentorum est res sensibilis, quæ ex institutione Christi gratiam confert, sed talis est manus impositio in Confirmatione; ergo &c. Prob. min. Apostoli enim per illam dabant Spiritum S. idest non solum donum linguarum, sed virtutem supervenientem, qua fideles munirentur ad pugnam, ut c. 1. dictum est. Porro non solum Apostoli, sed alii etiam episcopi hanc *impositionem* adhibuere, ut docent I. Latini PP. ut Cyprianus in ep. 73. ad Jub. *Nunc quoque geritur, ut qui baptizantur prepositis Ecclesiæ offerantur, & Spiritum S. consequantur.* Hieronymus contra Lucif. ait: *Baptizatus, nisi per manus episcopi, non accipit Spiritum S.* Augustinus l. 15. de Trin. c. 26. ait: *Quem morem etiam nunc servat Ecclesia.* Idem evincitur ex Innocentio III. Tertulliano, Eusebio Galli-



Gallicano episcopo, Primasio, Gregorio Magno, Isidoro, aliisque. II. Idem statuunt Concilia Illiberitanum, Arelaten-  
se, Colonienſe, Moguntinum, Rhemenſe, quæ omnia uno  
ore docent, baptizatos ab episcopo perfici per manus imposi-  
tionem.

III. Conveniunt Græci PP. ex quibus perperam contendit  
Morinus ostendere, Græcos solum chrisma, non vero ma-  
nuum impositionem adhibuisse. Nam Firmilianus Ep. 75. in-  
ter Cypr. pag. 304. Episcopis tribuit *baptizandi, manum im-*  
*ponendi* ( idest confirmandi ) & *ordinandi potestatem*. Chry-  
sostomus hom. 13. in Act. Ap. pag. 580. manuum imposi-  
tionem peculiarem fuisse ait Apostolorum munus: *Unde, ait,*  
*præcipuos, & non alios, videmus hoc facere.* Theodoretus in  
Ep. ad Hebr. c. 6. de credentibus ait: *Accedunt ad baptismum,*  
*& per manum sacramentum accipiunt gratiam Spiritus S.,* ubi  
Theodoretus huic manuum impositioni Spiritum S. adscribit;  
ergo non loquitur de ea impositione, quæ præcedit baptismum,  
vel de ritu accessorio, ut censet Morinus, sed de ea quæ sub-  
sequitur, & de materia Sacramentali. Œcumenius etiam Com-  
ment. in eand. Ep. pag. 354. ait, a Paulo vocari *principium*  
*baptisma, & manuum impositionem, & signaculum, quæ in*  
*eo sunt;* sicut ergo signaculum, ita manuum impositio baptismum  
subsequitur, licet ex veteri consuetudine simul cum baptismo  
conferretur.

Quod clarius exprimit insertus Œcumenio Gennadius pag.  
355. scribens: *Vult autem Paulus, ut credentes baptizentur,*  
*baptizati autem seipsos subiciant impositioni manuum sacerdo-*  
*tum ad participationem spiritus.* Ubi de impositione sacramen-  
tali subsequente, non de ceremoniali & præcedente baptismum  
sermo est. Simeon Thessal. To. 22. Bibl. PP. pag. 768. ait:  
Deum gratiam impertiri regeneratis, *per manum imposi-*  
*tionem, & insufflationem unguenti.* Tandem Michael Palæologus  
Imp. ann. 1274. in sua fidei professione ait: *Sacramentum*  
*Confirmationis, per manuum impositionem episcopi conferunt*  
*chrismando renatos.* Unde sic arguitur. Ea est essentialis ma-  
teria, saltem inadæquata, Confirmationis, quam agnoscere per  
duodecim Ecclesiæ sæcula Græci, & Latini PP., sed hi agno-  
vere manuum impositionem, ut essentialem materiam; er-  
go &c.

PROPOSITIO II, Etiam unctio est Confirmationis essentia-  
lis materia.

Prob. I. ex Rom. Pont. Innocentius I. ait, solos episco-  
pos frontem ex oleo signare, cum tradunt spiritum paracle-  
sum. Idem docet S. Leo Ep. 88. & Serm. 4. *Chrisma salu-*  
*tis vocat, & signaculum vite æternæ.* Innoc. III. Cap. Cum  
venif.

venisset ait: *Per frontis chrismationem manus impositio designatur, quæ dicitur Confirmatio.* Prob. II. ex Latinis PP. Tertullianus de Bapt. c. 7.: *Egressi de lavacro perungimur benedicta unctione.* Cyprianus Ep. ad Numidas: *Ungi necesse est eum, qui baptizatus sit, ut accepto chrismate habere gratiam Christi possit.* Ambrosius ad ea scripturæ loca, ubi unguentum memoratur, ait: *Omnes in regnum Dei, & in sacerdotium unguimur gratia spiritali.* S. P. A. in Ps. 26. ait: *Ungimur modo in Sacramento, & ipso præfiguratur quod futuri sumus.* Eadem habet Theodulphus de Ord. Bapt.; ergo &c.

Prob. III. ex Græcis PP. Dionysio, Irenæo, Cyrillo Jeros., Theodoro &c., quos c. 1. laudavimus. His adde Cyrillum Alex. in Joel: *Data est nobis aqua vivens sacri baptismatis.... Accessit usus olei, qui per baptismum iustificatis ad consummationem conferret.* Prob. IV. ex Conciliis. Florentinum in Decr. unionis ait: *Secundum Sacramentum est Confirmatio, cujus materia est chrisma ex oleo, & balsamo.* Tridentinum sess. 7. *anathema* dicit iis, qui sacro Confirmationis chrismati virtutem denegant. Synodus Bituricen. can. 2. ait: *Nemo dicat chrismatis consecrationem ab alio, quam a Christo institutam esse.* Unde sic arguitur: Concilia, ac PP. appellant S. chrisma signaculum salutis, justitiæ consummationem, qua gratiam consequimur, ergo est *materia* essentialis Confirmationis:

PROPOSITIO: *Materia adequata Confirmationis in impositione manus, & chrismate statui debet.*

Prob. I. Utrique enim PP. tribuunt gratiæ effectum, & quidam ex iis utriusque meminere. Nam Tertullianus de Refurr. c. 8. ait: *Caro ungitur, ut anima consecretur; caro manus impositione adumbratur, ut anima illuminetur.* Cyprianus in ep. ad Jub. ait: *Baptizatos per manus impositionem, Spiritum S. consequi, & signaculo dominico consummari,* idest chrismate, quo crucis signo frons illinitur. Adde Isidorum, Amalarium, Strabonem &c.

II. Accedit ratio theol. Habetur enim tam in chrismate, quam in manus impositione una cum institutione divina vis quædam significandi gratiam, quæ per Confirmationem confertur; ergo &c. Relucet institutio Christi in manus impositione, & nonnisi temere asseritur, Apostolos sine Christi mandato externo hoc signo usos esse. Relucet etiam in usu chrismatis, eo enim neophytos confirmant Ecclesiæ omnes *Matrices & Apostolicæ* ex definitione Synodi Bituricen., sed ex Tertulliano id, in quo Ecclesiæ ipsæ conspirant, Christus tradidit; ergo &c. Est etiam in impositione manuum symbolum gratiæ, qua præmunitur ad pugnam: nam in scripturis ma-

num

num imponere est regere, & opem ferre ex Psal. 88. 22. & Is. 51. 16. Oleum quoque gratiæ, & fortitudinis typus est, unde olim athletas perunctos in signum fortitudinis testatur Isidorus; ergo &c. Vide Menardum not. 334. in Sacram. Greg.

Ob. I. contra I. Prop. Ecclesia probat Confirmationem Græcorum, qui chrisma adhibent absque impositione manus; ergo &c. Prob. ant. I. ex Euchologiis Græcorum, ubi de ea impositione ne verbum quidem. Item ex Simeone Thessal., ex Cabasila, Dionysio, Cyrillo Hieros. Damasceno, aliisque cit. Prop. II. qui Confirmationem appellant, *μύρον, σφραγίδα unguentum, signaculum* &c. numquam vero *ἁποδοσίου manus impositionem*. II. Eugenius IV. in Decr. Arm. ait: *Loco manus impositionis datur Confirmatio*, & Innocentius III. in cap. Cum venisset ait: *Per frontis chrismationem manus impositio designatur*. Synodus Moguntina c. 18. ait: *Hoc Sacramentum ab initio sola manuum impositione, mox unctione cæpit conferti*; ergo &c. III. S. Thomas, aliique pro materia Confirmationis assignant *chrisma*; nec manus impositionem commemorant; ergo &c.

R. dist. ant. Græci adhibent chrisma, nec manus impositionem excludunt, conc., & excludunt, neg. Nam auctor Constit. Apost., quem laudat Morinus l. 3. c. 15. ait: *In manus impositione caput ipsius unget episcopus*: quem locum non recte interpretatur Morinus de baptizandis, quæ ab episcopo manus imponebatur; nam ibi describitur baptismus mulierum, quarum frontem ante baptismum ungebat diaconus, non episcopus. Simeon quoque Theff. in lib. de Templo de episcopo neophytos confirmante ait: *Per manuum impositionem, & inspirationem unguenti gratiam inserit*. Hinc Goarius ait: *Simeonem Theologorum nostrorum mentem, ubi manuum impositionem cum unctione confundunt, fuisse sequutum*. Idem evincitur ex Eugenio IV., & Innoc. III.; in ipsa ergo unctione manus impositio comprehenditur.

Ad II. neg. conf. Si enim episcopi neophytum consignantes manu tangunt, & ungunt; est ergo una cum frontis chrismatione manus impositio; neque Eugenius, aut Innoc. ait, chrisma inductum sublata manus impositione, sed hujus loco dari *Confirmationem*, non *chrismationem*, & sensus est, appellari modo *Confirmationem*, quod Apostolorum ævo dicebatur *manus impositio*. Idem est sensus Innocentii. Nam ibi probat spectare ad episcopum chrismationem frontis: *Quia de solis Apostolis legitur, quod per manus impositionem Spiritum S. dabant*; ergo &c. Et Moguntina synodus ait, etiamnum *per manus episcoporum tradi fidelibus Spiritum S. per manus im-*  
posi-

*positionem*; ergo &c. Hanc vero etiamnum adhiberi dici potest, quia episcopus, antequam consignet baptizatos, recitat orationem, *levata manu super capita omnium*, ex Sacrament. Greg. tom. 3. pag. 73. Ad III. dist. ant. Assignat chrisma, & *impositionem* supponit, conc., & excludit, neg. Nam S. D. Lect. 1. in c. 6. ep. ad Hebr. agnoscit: *Impositionem manus Sacramentalem, qua in Confirmatione datur Spiritus S. ad robur*.

Ob. II. contra 2. Prop. Unctio chrismatis spectat ad mundi elementa, de quibus ait Ap. ad Coloss. 2. *Mortui estis ab elementis hujus mundi*; ergo &c. II. Tertullianus de Bapt. ait, nos ungi, *ex pristina disciplina*. Dionys. de Eccl. Hier. hunc morem derivat ex athleticis unctionibus, & Basilius de Spiritu S. ait: *In nullo scripto nos habere chrisma*; hoc ergo non est *materia essentialis*, nec a Christo institutum. III. S. Lucas in Act. Ap. non meminit chrismatis, sed solam *impositionem manus* & orationem commemorat; ergo &c. IV. Moguntina, ac Bituricen. Synodus, Eugenius IV. Innoc. III. & D. Thomas initio traditam fuisse ajunt sola *impositione manus*; ergo &c. Nam essentialis materia a Christo præscripta non posset ab Apostolis prætermitti. V. In Can. 2. Arausic. Synodi habetur: *Inter quoslibet chrismatis ipsius, nonnisi una benedictio est, non ut præjudicans quidquam, sed ut non necessaria habeatur repetita chrismatio*; hæc ergo est pura cæremonia, non *materia essentialis*. VI. Ex oppositis argumentis solum evincitur *chrisma* esse materiam *integrantem*, non necessariam; ergo &c. Prob. ant. Nam Eugenius IV. pro materia calicis assignavit *vinum, & aquam*: pro Ordine id, *per cujus traditionem confertur ordo*, & tamen aqua, & instrumenta non sunt essentialis materia calicis aut Ordinis; ergo a pari. VII. tandem chrismatio non semper, nec eodem modo obtinuit. Nam unctio prius *impositioni manuum* præmittebatur: postea fiebat a presbytero, nunc ab episcopo: olim una, nunc duplex est; ergo &c.

R. ad I. neg. ant. Apostolus enim vocat *Elementa mundi* Judaicos ritus, utpote carnales, umbrasque futurorum, non gratiæ effectivos; ab his ergo, utpote abrogatis, monet Apostolus, ut Colossenses abstineant: sed tales non sunt res sensibiles Sacramentorum a Christo institutæ, veterum antitypi, & gratiarum fontes. Alias, nedum chrisma, sed etiam aqua baptismi, panis, & vinum Eucharisticum, & quidquid elementare est, erit explodendum, sed hæc probat Calvinus, & *quatenus verbo Dei sanctificantur sacramenta esse* ait l. 4. Inst. §. 4. ergo & illa probare debet. Ad II. neg. conf. Non enim ait Tertullianus unctionem pertinere ad discipli-

disciplinam, sed nos ungi ex *pristina disciplina*, qua ungi oleo de cornu in sacerdotium solebant, significans *chrisma* præsignatum in oleo, quo Aaron unctus est. Basilii vero docet *chrisma*, licet e verbo scripto non probetur, probari tamen e verbo *tradito*. Dionysius, unctionem illam *illapsum divini spiritus elargiri* testatur: *debellare mortis imperium*: & adhiberi pro *libertate*, & *victoria*; utitur ergo S. D. pugilum exemplo, ut significet *chrisma* usum ad *spiritalia certamina*. Nam ibi ait, se *mystice* loqui. Adde, profanos ritus ex Sacramentis Ecclesiæ, non vicissim, ortos esse: & *demonem emulatorem Sacramentorum* signare in fronte milites suos, ut ait Tertullianus de Præscr.

Ad III. neg. conf. Non enim omnia dogmata ex scripturis, sed plura accepimus ex traditione. Numquid Apostoli non baptizarunt in nomine Trinitatis, quia id Lucas non expressit? Numquid de sola fide Philippus rogavit Eunuchum? Num de sola fide, non de præceptis baptizandos monuerunt Apostoli, quia hanc solam expressit Lucas? Si ergo scriptura tacuit, & intelligenda dimisit cetera, que, licet taceantur in scripturis gratia brevitatis, tamen serie traditionis scimus implenda, ait S. P. l. de Fide & Oper. c. 9. Adde, Lucam nomine impositionis manuum intellexisse etiam unctionem: sicut Patres, qui hanc expresse tradunt, illam solam sæpe commemorant. Tandem ex argumento negante nihil concluditur. Ad IV. dist. ant. Ad tempus, & quando Spiritus S. visibiliter descendebat, conc., perpetuo, & communiter, neg. Non enim erat necessaria sensibilis materia Sacramentalis, ubi sensibilia signa miraculose exhibebantur, ait S. Thom. quæst. 72. art. 2. ad 1. Ceterum Apostolos, ait, usos communiter *chrismate*, quando visibilia signa non exhibebantur. Idem sentit Bituricensis, & Moguntina Synodus. Illa enim definit: *Chrisma* consecutionem, non ab alio, quam a Christo, institutam esse, oleumque pro igne visibili ex Apostolica traditione ad confirmandum adhiberi.

Ad V. neg. conf. Ibi enim de unctione in vertice, seu de cerimonia baptismi, non de *chrismate* in fronte, seu de Sacramento Confirmationis sermo est. Nam Innocentius I. jam ab ann. 416. statuerat, ne presbyter baptizans signaret frontem *chrismate*, sed ungeret tantum in vertice; ergo in laud. Canone statuitur, ut si prætermissa sit unctio *chrisma* in baptismo commoneatur sacerdos, idest episcopus, ut ante Confirmationem suppleatur ceremonia neglecta, idest unctio verticis. Unde, si legas cum Petro Aurelio: *Ut necessaria habeatur chrismatio*, sensus erit, ut suppleatur ritus omissus, & si legas; *Ut non necessaria &c.* sensus est,

est, nullum præjudicium afferri, si omittatur unctio verticis, cum suppleri possit per unctionem confirmatoriam factam in fronte ab episcopo. Vide Auctorem.

Ad VI. neg. ant. Ad prob. neg. ant. Nam Eugenius IV. ait, materiam Eucharistiæ esse panem & vinum; *Cui aqua modicissima admisceri debet*, sed non ait, eam pertinere ad essentiam materię. Quoad Ordinem commemorat quidem instrumenta, tamquam symbola munerum ab initiatis exercendorum, sed agens de Confirmatione laudat chrisma, ut symbolum gratiæ &c. Ad ult. neg. ant. Diversa est enim unctio verticalis ab unctione frontis, eaque a Sylvestro presbyteris permessa, hæc ab Innocentio vetita est. Sed hac de re, tum de tempore Confirmationis, infra erit sermo.

Quæres. An de fide sit, unctionem spectare ad hujus Sacramenti essentiam? R. affirmative Suarez, Valentia, Sylvius, Mastrius, Gavardi, alique. Negant tamen Habert, alique permulti, qui ajunt, Eugenii decretum datum esse Florentina Synodo jam dissoluta, & *de materia integrali, non de essentiali* accipiendum: Tridentinam vero non definire, an virtus, quam chrismati tribuit, sit ex divina institutione, an ex benedictione, ut sit in Sacramentalibus.

Sed fallitur Habert, P Herminier, & Witasse, qui has responsiones probant. Falsum est enim, quod ait P Herminier: *Quando Armeni Florentiam advenere, jam dissolutum fuisse Concilium*; nam decretum Eugenii cum promulgatum Florentiæ ponatur in publica sessione synodali anno 1439. pontificatus Eugenii ann. 9., inde percipies, non una cum Græcorum discessu dissipatam esse Synodum Florentinam, sed continuatam a PP. Latinis. Hæc Spondanus, & Pallavicinus ab Herminiero laudati. Quod etiam probatur ex autographis servatis in arce S. Angeli, de quibus Pallavicinus, Card. a Monte, & Raynaldus. Tridentinum vero eam chrismati virtutem tribuere videtur, quam negant hæretici, nempe producendi gratiam spiritalem. Unde inferitur, hanc sententiam non posse sine temeritatibus nota refelli.

Quæres I. An ad compositionem chrismatis sufficiat aliquando oleum ex amygdalis, nucibus &c. R. necessarium esse oleum olivarum, quod proprie oleum dicitur a PP. & Conciliis, & est in usu communi, alia vero olea nonnisi hujus defectu. Adde analogiam olei cum dono Spiritus S., nam oliva semper virens Dei gratiam, & misericordiam significat, ut ait D. Thomas. Accedit, oleum ab olea, ἔλαιον ab ἐλαίᾳ, idest ab oliva arbore derivari; ergo &c. Deinde Græca, & Latina Ecclesia in chrismate semper adhibuit oleum olivarum, ut constat ex Pontificali ab Haberto illustrato, & ex hymno, quod

quod canitur Fer. 5. in chrismatis consecratione. Tertullianus etiam de Bapt. c. 7. comparat hoc oleum illi, quo olim ungebantur sacerdotes, & reges: sed hoc erat *aleum ex olivetis* ex c. 30. Exodi; ergo &c.

Quæres II. an simplex oleum absque balsami mixtione sit materia sufficiens hujus Sacramenti? R. negative, & prob. I. ex Ordine, & ex Pontificali Rom. ex Amalario, Albino, Innocentio III. Eugenio IV. qui olei simul, & balsami meminere. II. PP. materiam Confirmationis aut *chrisma*, aut *unguentum* dixere. Chrisma vero ex oleo, & fragrantis alicujus materiez mixtione confici pluribus demonstrat noster Scachius Myrothec. 2. c. 1. III. Concilium Carthag. II. Can. 3. & Carth. III. can. 36. idem decernunt, dum vetant presbyteris *conficere chrisma*. Unguentum pariter est diversorum odorum commixtio, hinc *mixtum oleo balsamum* legimus in Serm. de Unct. Domini inter opera Cypriani. IV. Consentiant Græci PP. Irenæus de Gnosticis æmulantibus mores catholicorum ait, ab iis baptizatos *balsamo* innungi. Auctor Const. Apost. & Cyrillus Jerof. ab oleo distinguunt *chrisma*, & *unguentum*. Et auctor Eccl. Hierarch. unguentum vocat *Collectionem bene spirantium materialium*, quarum 33. species, præter vinum & oleum, addunt Græci, de quibus auctorem consule. Harum plurimas prætermittunt Latini, sed debet quisque Ecclesiæ suæ servare consuetudinem.

Quæres III. An balsamum permisceri debeat *necessitate Sacramenti*, an præcepti? R. binas esse ea de re DD. sententias. Soto, Cajetanus, Estius, Valentia, Juenin, Tournely &c. id necessarium putant sola necessitate præcepti, quod probant I. quia perrarum est, Plinio teste, verum balsamum. II. quia Sacramentorum materia debet esse communis & cognitu facilis, verum autem balsamum, & pretiosum est, & numquam in Italiam deferitur. III. Fertur Pium IV. & Paulum V. concessisse Indiarum episcopis ut balsamo Indico, quod adulterinum est, confirmarent. IV. Innocentius III. cap. *Pastoralis* Extra de Sacram. negat iterandam Confirmationem in eo, qui *per errorem fuit non chrismate, sed oleo delinitus, sed caute supplendum, quod incaute fuerat omissum*; ergo &c. V. PP. agentes de hoc Sacramento olei, aut unctionis meminere, non balsami; ergo &c. Alii cum D. Thoma, Gonetio, Sylvio, Mastrio, Puteano, Poncio, Vanroy, Piette, Gavardo, & Bellarmino teste, *veteres omnes Theologi*, & Juriconsulti necessariam putant ad Sacramenti valorem mixtionem balsami: *Neutra opinio est de fide* ex laud. Bellarmino l. 2. de Confirm. c. 9. sed postremæ sententiæ adhaeremus sequentibus momentis.

I. Quia

I. Quia Florentina & Trident. Synodus in balsamo, & chrismate gratiæ symbolum & virtutem agnoscunt. II. Simplex oleum sine balsamo non est chrisma, nec unguentum, ut quæst. II. monstratum est, sed Patres his nominibus designant hujus Sacramenti materiam, & sicubi olei meminere, oleum permixtum, non simplex intellexere; ergo &c. III. Chrismati applicatur forma Sacramentalis; ergo &c. IV. Ex vet. Liturgiis constat, super chrisma ex diversis speciebus compositum orare episcopum, ut oleum, & balsamum *simul permixta unum fiant*, & quicumque exterius inde perunctus fuerit, ita interiorius liniatur, ut regni celestis participem officii gratuletur. Huic unguento spiritalem gratiam, & plenitudinem sanctificationis, & celestis vexilli, idest characteris impressionem tribuit Pontificale Rom. & vetera Sacramentaria; constat ergo balsamum ad hujus Sacramenti pertinere substantiam. Nec urgent opposita momenta. Ad I. neg. ant. Magna enim copia balsami ex Perside & India ad nos usque deferretur, abundat etiam in Palæstina, Sabæa, Arabia &c.

Ad II. R. S. Thomas art. 2. ad 3. *Sufficit, quod materia hujus Sacramenti possit de facili ad omnia loca deferri*; præsertim cum ad chrismatis compositionem sufficiat exigua balsami pars. Ad III. R. balsamum Indicum ex peritissimorum medicorum judicio verum esse balsamum, & a Syriaco ac Palæstino diversum tantum accidentaliter, ut asserunt Poncius, Lupus, & Benedictus XIV. Ad IV. neg. conf. Innocentius enim ibid. negat iterandam publicam solemnitatem Confirmationis, sed supplendam *caute* & secreto unctionem chrismatis una cum *forma verborum*; non enim ait supplendum balsamum, sed unctionem, quæ fuerat omissa: materia enim, quæ additur ex præcepto, ut aqua calici, non suppletur perfectio jam Sacramento. Adde, Innocentium eadem statuere de impositione manuum, quæ in Ordinatione est *materia essentialis*, saltem partialis; ergo eodem modo accipi debet canon 1. *Pastoralis*, ut notat Glossa. Ad V. neg. conf. Nam etiam chrisma a PP. *oleum* dicitur, sed non simplex & impermixtum, ut dictum est supra.

Quæres IV. an chrisma necessario debeat esse ab episcopo consecratum. R. dubium non esse de jure ordinario ad solos episcopos id pertinere: quod constat ex Innocentio I. ex S. Leone, ex Sacram. Greg., ex Ordine Rom., ex Pontificali, & ex Euchologiis Græcorum. Idem statuunt Concilia Carth. II. & III. Toletanum, Hispalense, Vormatiense. Teneri quoque Parochos a suo episcopo chrisma petere, nec sine ipso unctionem verticalem fieri constat ex cap. *Presbyteri* in ipsa Orientali Ecclesia: at ubi urgente causa simplex sacerdos ex indulto speciali

Se-



Sedis Apostolicæ administravit Confirmationem, id fit solum *chrismate per episcopum confecto*. Sed gravior est difficultas, an possit talis consecratio a Sede Apostolica committi simplici presbytero. Affirmant Scotus, Cajetanus, Sirmondus, Tournely, Vitalle, a quorum sententia non recedit clariss. Auctor, tamen illorum momenta, ut parum firma refellat, quorum loco sequentia suppeditat.

I. Sacri canones tam vetant presbyterum *chrisma* consecrare, quam confirmare, sed hoc potest ex Ecclesiæ dispensatione, ut infra ostendemus; ergo & illud. Ideoque ii canones accipi debent, aut de facultate ordinaria episcoporum, aut dispensatione remota. II. Romani Pontifices dispensarunt cum Missionariis ex bulla Eugenii IV. edita pro Fabiano de Barchia Ord. Min. Sed quia oppositum sentiunt Sylvius, Suarez, Toletus, Faber, Salmeron, Poncius &c. dicimus, quod pauca extant hujus dispensationis exempla, eaque præcipiunt, ut presbyteri confirmet *chrismate* ab episcopo benedicto. His notatis

R. Theologi vetustiores nullam putant Confirmationem ex *chrismate* non consecrato: & probant I. quia PP. non oleum simpliciter, aut *chrisma* dixere ejus *materiam*, sed *chrisma sanctum, benedictum, consecratum*. Ita Cyrillus Jerof. Cyprianus, Optatus, & S. P. A. Nec non Conciliorum canones nempe 48. Conc. Laodiceni, 4. Bracharen. II., 2. Sess. 12. Trident. & Decretum Florentini. Adde, quod hanc *chrismatis* consecrationem, ut institutam a Christo, & ad nos antiqua traditione derivatam probant ex Basilio, & ex Tertulliano Lupus, & Benedictus XIV. in Fer. V. Maj. Hebd.

Hæc tamen, licet *chrismatis* consecrationem commendent, non tamen invictè probant, consecrationem hanc requiri de *necessitate Sacramenti*, sed tantum præcepti (1), ut censent Juenin, Tournely, Gotti, & Auctor de re Sacramentaria, qui duo postremi urgent comparisonem baptismi, qui in simplici aqua ratur est, licet aquæ ejus consecrationem præscribat antiqua traditio; proindeque citata PP. loca de necessitate præcepti, & de ritus *condecencia*, non de Sacramenti *necessitate* esse accipienda. Vide Auctorem, Ex quibus inferitur. I. Consecrationem *chrismatis* ex Apostolica traditione esse derivatam, II. eam jure pertinere ad episcopos.

Tom. IV.

C

III.

(1) Hanc præcepti necessitatem commendat etiam celebris Aug. locust. 118. in Jo. ubi sic habet: *Quid est quod omnes noverunt signum Christi, nisi Crux Christi? Quod signum nisi adbi-*

*beatur, sive frontibus credentium, sive ipsi aque, ex qua regenerantur, sive oleo, quo chrismate unguuntur &c. nihil eorum igitur perficitur.*

III. Non posse absque dispensatione usurpari a privato presbytero. IV. hanc dispensationem juxta nonnullos non posse concedi. V. non concedi, nisi in urgentissima necessitate. VI. Nefas esse in Confirmatione uti chrismate non consecrato. VII. Validum tamen esse Sacramentum, si secus fiat. VIII. Sed in eo casu iterandum sub conditione aliqui opinantur.

## CAPUT IV.

*De forma Sacramenti Confirmationis.*

NOT. I. Qui statuunt Confirmationis materiam in sola manuum impositione, putant verba, quæ comitantur unctionem, formam esse *accidentalem*, essentiali vero orationem episcopi. Oppositum tamen docent, qui pro ejus materia chrisma ipsum assignant. Qui vero utramque materiam nobiscum pugnant, ajunt hanc *formam* sitam esse in oratione episcopi, quæ impositioni respondet, & in verbis in actione prolatis: *Signo te &c.*, apud Latinos, & apud Græcos: *Signaculum Spiritus S.* Ita Alexander, Juenin, Tournely, Auctor de Re Sacramentaria, Gotti &c.

Not. II. Latinorum formam supra laudatam *essentiali* esse, & ab Apostolis derivatam putant Bellarminus, Estius, Sylvius, alique post D. Thomam. Fervaquez tamen, Vanroy, alique censent formam illam fuisse aliquando deprecatoriam. Græcorum quoque formam improbarunt Lupus, Morinus, Cabasilas, pro ea tamen pugnant Arcudius, Bessarion, Habert, Goarius, Basilus, Fervaquez & Vanroy. His prænotatis sit

PROPOSITIO I. Oratio præcedens unctionem non est forma Confirmationis distincta a verbis unctionem comitantibus, partialis & manuum impositioni respondens.

Prob. I. Ideo oratio illa a nonnullis *forma* Confirmationis partialis censetur, quia putant impositionem manus, quæ ejusdem est materia partialis, esse illam manuum elevationem versus confirmandos, cum qua episcopus recitat orationem: *Omnipotens &c.*, sed ea elevatio non est impositio manuum, quæ est Confirmationis materia; ergo &c. Prob. min. I. quia hæc impositio fit, cum episcopus tangit frontem confirmandorum, extensa manus parte super illorum caput, ut Cap. IV. dictum est. II. quia ea elevatione episcopus non tangit, sed commonstrat, se invocare super eos Spiritum S. III. quia ea oratione completa Pontificale Rom. præscribit, ut episcopus sedeat, nomen cujusque singillatim

inquirat, & postea confirmet; ergo oratione præcedenti confirmati non erant.

Prob. II. Ex Tertulliano de Resurr. c. 8. *Caro ungitur, ut anima consecratur: caro manus impositione adumbratur, ut anima illuminetur*; sed ex illo textu, observat Menardus not. 332. in Sacram. Greg., aliquando manus impositionem fuisse unctiōni postpositam, quod probat ex Guillelmo Parisien. de Sacram.; ergo &c. Prob. III. Ex quo oratio illa præcedens fuerit aliquando in Confirmatione prætermissa: nam in libro Sacram. Moyfacen. a Martene edito, non alia extat oratio, nisi quæ recitatur Confirmatione peracta: *Deus qui Apostolis tuis &c.* IV. in ea prævia oratione verba illa: *Consigna eos signo crucis &c.* referenda sunt ad unctiōnem chrisinatis mox faciendam, & modo deprecativo id enunciant, quod exprimitur indicativo illis verbis: *Signo te &c.* Nam episcopus post verba illa: *Consigna &c.* statim perungit confirmandos dicens: *Signo te &c.*; ergo &c.

Prob. ant. Nam idem fit in consecratione Eucharistiæ, & Pœnitentiæ, ubi prius orantes dicimus: *Ut nobis fiat corpus &c.*, &: *D. N. J. Christus te absolvat*, deinde: *Hoc est &c.* &: *Ego te absolvo*. V. Oratio illa aliquando recitata est post baptismum a presbytero baptizante, & ideo non extat in libro Sacram. Moyfacen. & in aliis apud Martene reperitur in ordine baptismi, ubi post aliqua folia describitur ordo Confirmationis; ergo &c.

Ob. I. Act. 8. Apostoli oraverunt, ut, fideles, acciperent Spiritum S.; ergo &c. Cyprianus in ep. ad Jub. ait: *Qui baptizantur, prepositis Ecclesiæ offeruntur, ut per orationem, & manus impositionem Spiritum S. consequantur*. Eadem habent Ambrosius, Hieronymus, S. P. A.; ergo &c. III. Rituales libri, Pontificales, Sacramentari apud Martene hanc orationem retinent. IV. Nulla forma est assignabilis manuum impositioni respondens, nisi præcedens oratio; ergo &c.

R. I. ad I. S. Thomas: *Tunc non erat necessaria materia, nec forma*: R. II. neg. conf. legitur enim ib. Apostolos orasse, ut fideles acciperent Spiritum S. non legitur tamen orationem illam esse formam Confirmationis, nam ib. non orationi, sed impositioni manuum tribuitur Spiritus S. *Tunc imponebant manus super illos, & accipiebant Spiritum S.*, ubi nulla orationis fit mentio; licet ergo daremus formam deprecatoria Apostolos fuisse usos, non tamen evincitur hanc fuisse orationem Confirmationi præviam.

Ad II. dist. ant. & PP. laudati tribuunt orationi Spiritum S. tamquam formæ, neg., tamquam ritui, conc. Docent enim

PP. Justinus, Cyrillus, Irenæus Eucharistiam consecrari *oratione*; quibus respondet Tournelyus, & Auctor libror. de Re Sacram. PP. citatos *precibus* tribuere consecrationem Eucharistiæ, non ut *forma*, sed ut *ritibus*, *preparatorie*, non *formaliter*: idem nos quoque citatis PP. testimoniis reponimus, Ad III. vide prob. III. & V. Ad IV. neg. ant. Nam impositio manus fit in ipsa unctione chrismatis ex prob. I. ergo verba, quæ tunc proferuntur, utrique materiæ respondent.

PROPOSITIO II. Verba *signo te &c.* sunt vera, & adæquata Confirmationis forma.

Sequitur ex dictis & prob. I. ex Decret. Eugenii IV. *Forma est, signo te signo crucis, confirmo te chrismate salutis: in nomine Patris &c.* quibus verbis doctrinam Confirmationis breviter fuisse explicatam, ait Reginaldus Polus. II. S. Thomas, & Catechismus Rom. ostendit, hac formula significari *robur spirituale, quod homini confertur per Sacramentum materiæ visibilis ad salutem*. III. Sacramentale Ambrosianum jubet, ut Parochus declaret, cur iis verbis: *Confirmo te &c.* designetur robur animi, quod fidelibus confertur, & cur tunc imprimatur fronti signum crucis, quia nempe fit miles Christi. III. In omnibus Ritualibus apud Martene præscribitur unctio sub certa verborum formula, sed hoc non fit in oratione unctioni præmissa: ergo &c.

Quæres: an laudata latinorum forma aliquam mutationem subierit; & an valida sit Confirmatio, in qua unum, aut alterum verbum usitatæ formulæ omittitur? R. affirmative. Nam in Pontificali vetustiss. Egeberti habetur: *Accipe signum sanctæ crucis chrismate salutis in Christo Jesu &c.*, & postea: *Confirmet te Deus Pater &c.* Gelasianum habet: *Signum Christi in vitam æternam*, addita deprecatione: *Confirmet te Deus*. In MS. Pictaviensi 800. an. *Signat te Deus sigillo fidei sue in confirmatione fidei*. In Pontificali Caturigensi: *Confirmo, & consigno te ... in nomine &c.* Ex quibus inferitur, validam esse Confirmationem, dummodo substantialis non occurrat mutatio.

Opp. S. Gregorius in l. Sacr. pag. 74. præter orationem illam præviam nullam commemorat formulam, sed sequitur: *Pontifex tincto pollice in chrismate facit crucem &c.* & Amalarius Forun. l. i. c. 7. *Oratione expleta facit crucem dicendo: in nomine Patris &c.* omittis verbis: *Signo*, aut: *Confirmo te*; ergo &c. R. communiter, Gregorium hanc Confirmationis reticuisse ob disciplinam arcani, verum hæc disciplina, quæ in epistolis & operibus PP. evulgandis ex Schelestratio, ac Benedicto XIV. locum habet, non habet tamen in libris Sacramentorum in scriniis Ecclesiarum occlusis, a solis ministris non a plebe volutan-

lutandis, præsertim, cum ipsi mysteriis pleni sint, & Sacramentale Gregorii verba consecrationis retineat. R. II. Gregorium, aut Sacramentalis formæ non meminisse, quia hæc non aliud exprimit indicativo modo, quam id quod continetur in deprecativo, per ea verba: *Consigna eos signo crucis in vitam æternam*; vel forte tunc temporis unctio facta est in prolatione horum verborum, itaut præsens forma ex deprecativa facta sit. Amalarius autem laudat Ordinem Rom. ubi præter verba Amalarii additur: *Confirmo te in nomine &c.*; ergo aut Amalarius erravit, aut orationem contraxit, aut id solum excerpfit, quod ornare cogitaverat commentario.

PROPOSITIO III. Valida est etiam Græcorum formula: *Signaculum doni Spiritus S.*

Prob. I. ex Euchologio Grecorum a Goario edito, ubi non alia extat forma, præter supra laudatam, quæ, si valida non est, nulla superest in Oriente Confirmatio, cum aliam non agnoscant Græci catholici ex Goario. II. Arcudius id probat ex PP. Nam Asterius apud Photium cod. 271. ait: *Datur signaculum Spiritus S.* Dionysius de Eccl. Hier. Episcopum vocat: *Deificante unguento obsignantem.* Cyrillus Catech. 13. de confirmato ait: *Signaculum datum est illi ex communicatione Spiritus S.*; cum ergo formula illa exprimat Confirmationis naturam, & efficientiam, valida censenda est. IV. Ea Græcorum formula traditur c. 3. Censuræ ad Germanos scriptæ a Hieremia Patriarcha C. P. eamque, *non esse dissimilem ab ea, qua modo in Ecclesia utimur*, scribit Stanislaus Soclovius; ergo &c.

Ob. I. Sensus laudatæ formulæ suspensus est, nec reddit orationem perfectam; ergo &c. II. esse gratiæ & Spiritus S. signaculum est omnibus Sacramentis commune; ergo &c. III. Severus Patriarcha Alex. aliam formam assignat; ergo &c. IV. Clemens VIII. in Instruct. de Rit. Græcorum præcipit, ut *Episcopi Latini infantes a presbyteris Græcis baptizatos, & de facto chrismate in fronte consignatos confirmet*, & jubet, ut utantur hac forma: *Consigno te signo crucis, & confirmo &c.* ergo &c.

R. Ad I. Poncius, Vanroy, alique nostrates neg. ant. Nam in his verbis: *Signaculum Spiritus S.* perfecta continetur oratio, non secus ac in illis Luc. 22. *Hic calix novum testamentum in meo sanguine*, quibus in Græco deest verbum. Addunt eam formulam practice sensum habere determinatum, ut si slipem inopi præbens dicas: *En nummum.* Ad II. R. *ἐσφραγίδα*, non quodvis signum, sed sigillum & militarem baltheum designare; licet ergo omnia Sacramenta sint gratiæ signacula, hæc tamen verba vim quandam

habent designandi gratiam, quæ exornat Christi milites, eis-  
que robur, viresque impartitur. Ad III. dist. ant. Aliam as-  
signat accidentaliter diversam, ut contingit apud Latinos, conc.  
substantialiter, neg. Ad IV. &. Instructionem Urbani directam  
fuisse *ad Latinos episcopos*, in quorum dioecesibus Græci, aut  
Albanenses Græco ritu viventes degunt; quoniam vero Latini  
Ecclesiæ Latinæ conformari debent, jubet Urbanus; ut epi-  
scopi latini consignatos chrismate a Græcis presbyteris, qui  
sine dispensatione nequeunt esse ministri Confirmationis, formu-  
la latina sub conditione confirment, maxime *cum verosimiliter  
dubitari potest, quod ab episcopis Græcis fuerint baptizati*; ergo  
Rom. Pontifex validam censuit Græcorum formulam.

## DISSERTATIO II.

*De ministro, subjecto, ac necessitate Sacramenti Con-  
firmationis.*

**P**Lura quæremus hoc loco. Ac I. quidem, quinam sit ordi-  
narius hujus Sacramenti minister? quinam vero extraordi-  
narius? Quinam sit ejus suscipiendi capax, quibusve dispositio-  
nibus accipere debeat?

## CAPUT I.

*De ordinari hujus Sacramenti ministro.*

**Q**uemlibet sacerdotem esse hujus Sacramenti *ordinarium* mi-  
nistrum asseruit Photius C. P. Ecclesiæ inceptor, Græco-  
rumque schismaticorum caput: quorum sententiam arri-  
puere. Valenses, Hussitæ, Lutherus, Calvinus, Dallæus &c.  
contra quos Florentina, & Tridentina Synodus statuit, solum  
episcopum esse *ordinarium* hujus Sacramenti ministrum. Dixi  
*ordinarium*. Utrum enim hæc potestas simplici presbytero con-  
ferri possit, salva fide utrimque disputatur. Negant, præter  
Hugonem, Guillelmum, & Hadrianum VI. Estius, Petrus Au-  
relius, P. Herminier &c. Affirmant Thomistæ, & ex Scoti-  
stis Richardus de Mediavilla, Aureolus, Mastrius, Henno,  
Frassen, quibus nostrates accedunt Poncius, Vanroy, Ferva-  
quez, necnon Arcudius, Morinus, Holstenius, alique. Sit  
itaque

**PROPOSITIO.** Minister ordinarius Confirmationis est solus e-  
piscopus.

De fide est, & præb. I. scripturis. Nam Act. 8. habetur Pe-

Petram, & Joannem profectos esse Samariam, ut baptizatos a Philippo confirmarent: id vero egisse Petrum, & Joannem, ut presbyteros, non ut Apostolos frustra asserunt Novatores.

II. PP. ex locis cit. solis Apostolis, eorumque successoribus episcopis tribuerunt ordinariam confirmandi potestatem: *Id namque*, ait Chrysostomus hom. 18. in Act., *erat donum tantummodo duodecim Apostolorum*. Eadem habet Œcumenius & Innocentius III. laudati cap. 1. Diss. I. prop. 2. Isidorus Pelus. l. 1. in ep. 450. ad Antiochum de Philippo ait: *Baptizabat dumtaxat ut discipulus; Apostoli autem gratiam perficiebant; ut qui hujus muneris tribuendi potestatem divino beneficio acceperant*.

III. Pob. ex perpetua praxi Ecclesiæ. Nam ab episcopis oblinari baptizatos tradunt Cornelius Papa, Cyprianus, Hieronymus, Augustinus &c. IV. Constat ex ep. Innocentii I. ad Decentium, & Leonis M. ad episcopos Germ. vetitum simplici presbytero chrisma conficere, & linire frontem, V. merito ergo Concilium Florent. in Decr. Arm. ait: *Ordinarius minister Confirmationis est episcopus*. Et Trident. Sess. 8. can. 3. statuit: *Si quis dixerit, S. Confirmationis ordinarium ministrum non esse solum episcopum, anathema sit*.

Ob. I. ex scripturis: incertum est an Joannes, & Petrus confirmarint ut Apostoli, an ut simplices sacerdotes. Ananias enim non erat Apostolus, & tamen dedit Saulo Spiritum S. II. ex PP. Ambrosius de Myst. cap. 6. ait: *Unctionem fieri a sacerdote*. Hieronymus adv. Lucif. ait: *Episcopos ex consuetudine, non ex necessitate ministros esse Confirmationis*. Et Ep. 101. *Quid facit, excepta ordinatione episcopus, quod non facit presbyter?* Beda in Ps. 26. ait: *unctionem, que fit ab episcopis, & confirmatio dicitur, eandem esse cum verticali, illamque negatam singulis sacerdotibus propter arrogantiam; ergo &c.* III. Ex Pontificali, quod Damaso tribuitur, Sylvester primus omnium constituit, ut solus episcopus sacrum chrisma conficiat, & baptizatum consignet; ergo ab initio non fuit sic.

R. ad I. neg. ant. Nam Petrus, & Jo. ut Apostoli potestatem dandi Spiritum S. impositione manus habuere; ergo ut Apostoli confirmarunt. De Anania vid. cap. 1. Prop. 1. Ambrosius sacerdotis nomine designat episcopum, ut ibid. dictum est. Hieronymus autem de consuetudine, quæ ex Apostolica auctoritate descendit, accipi debet. Addit autem: *Non ex necessitate*, quia Sacramentum hoc non est talis necessitatis, ut baptismus, ut cuius debuerit ejus ministerium committi: nam etiam non confirmati possunt salutem consequi; *Aliqui lugendi sunt, qui lectulis baptizati ante dormierunt, quam ab episcopis inviserentur*. At in Epistola 101. refellit Falsedum

quendam diaconos presbyteris præferentem, hosque episcopis valde proximos ostendit, eo quod utrique facultatem habeant conficiendi Corpus Christi, licet hanc facultatem presbyteris conferat episcopus per ordinationem.

¶. II. Hieronymum respexisse ad morem Ecclesiæ Alexandrinæ, ubi ex episcopi permissione presbyteri chrismabant, ut probat Holstenius. Beda utramque unctionem eandem dicit, quoad materiam, non quoad efficaciam: tribuit enim episcopali unctioni, *salutem, in qua magis firmamur, & nomen Christi proficimur*. Et in c. 8. Act. negat licere presbyteri frontem oleo consignare, quod solis debetur episcopis, cum tradunt Spiritum S. Ad III. neg. ant. Sylvester enim concessit presbyteris, ut baptizatum chrismate linirent in vertice, non in fronte. Verbum autem *constituit* non priorem institutionem designat, sed perantiquæ confirmationem, ut probant Lupus, & Benedictus XIV. Nam ib. de Sylvestro dicitur: *Hic constituit, ut sacrificium celebraretur in linteo*, quod ab Eusebio prædecessore statutum Sylvester suo decreto firmavit.

Ob. II. Illiberitana Syn. an. 315. celebrata can. 38. præcipit, ut baptizatus *per manus impositionem* perficiatur a diacono; ergo &c. II. Syn. Carthaginensis II. & III. statuit, *ne chrisma conficiatur a presbyteris*; hi ergo antea conficiebant, & confirmabant. III. Toletanum I. can. 20.: *Statutum est, inquit, diaconum non chrismare, sed presbyterum absente episcopo*; ergo &c. IV. Arausica I. can. 1. statuit: *Hereticos in mortis articulo, si desit episcopus, a presbyteris consignandos*; isti ergo &c. V. Hispalensis can. 7. ait: *Chrismationem presbyteris vetitam novellis & Ecclesiasticis regulis*; ergo &c. Adde canones de chrismate gratis distribuendo presbyteris, ut nempe chrismate ab episcopo benedicto & ipsi consignent; ergo &c.

¶. ad I. neg. conf. Ibi enim præcipitur, ut baptizatos in necessitate a laico, vel diacono episcopus perficiat; ergo solus episcopus habet jus confirmandi. Ad II. neg. conf. Nam ex iis canonibus supponitur chrismatis confessionem, quam temere quidam presbyteri sibi arrogabant, etiam antiquioribus sanctionibus vetitam fuisse. Hinc in utraque Carthag. Synodo statuitur, ut presbyter chrisma numquam conficiat. Ad III. neg. conf. Agitur enim eo in canone de unctione tantum *verticali*, non de chrismatione *Sacramentali*. Nam unctionem illam, non istam S. Sylvester concessit presbyteris absente episcopo: *In mortis transitu*, ut habetur in Pontificali. Innocentius ergo indulgit, ut presbyteri inungerent in vertice baptizatos, *seu extra episcopum, seu præsentem episcopo*, sed Toletana Syn. juxta consuetudinem a Sylvestro inductam, sta-



statuit ut chrismarent in vertice absente episcopo, præsente vero, *si episcopus annuat*.

Ad IV. neg. conf. Non enim ibi agitur de Confirmatione Sacramentali, sed de reconciliatione hæreticorum, qui allicubi recipiebantur unctione chrismatis: non tamen *Sacramentali*, nisi eam non recipissent. Quippe nomina *chrismatis*, & *consignationis* sæpe verticalem unctionem, aut *consignationem* energumeni, non Confirmationem ex dictis significant. Ad V. dist. ant. *Novellis regulis* &c., idest recentibus, & antiquis, conc., secus neg. dicitur enim ib. presbyteris illicita chrismatio, *quia pontificatus apicem non habent, quam solis deberi episcopis auctoritate canonum præcipitur*. Quod additur nihil est; agitur enim in iis canonibus de chrismate presbyteris distribuendo ad unctionem *verticalem*, non ad *Sacramentalem*.

Ob. III. In Comment. in ep. ad Ephes. Ambrosio tributus to. 2. p. 241. legitur: *Apud Ægyptum presbyteri consignant, si præsens non sit episcopus*. Idem legitur in Qq. utr. Test. qu. 101. quæ, licet spuria habeantur; sunt tamen vetustissimæ & probatæ hac in re sententiæ. Adde, Græcos ante Photii ætatem a simplici presbytero confirmatos; ergo &c. R. Ex his inferri, presbyteros aliquando confirmasse, num vero *ordinaria*, an *extraordinaria* facultate, num valide ac licite, an e contra, non affirmat Auctor Quæstionum. Adde in edit. Parisiensis legi *Presbyter consecrat*, Græcos autem baptizatos a solis Pontificibus olim inunctos chrismate testatur Pachymeres in Paraphr. Dionys. apud Allatium, & Gabriel Philadelph. apud Arcudium ait: *Antecedenter hoc episcopis datum esse*, (ut inungant chrismate baptizatos) *quibus & solis hoc licet conficere*. *Ecclesiam vero Orientalem etiam presbyteris concessisse unctionem chrismatis post baptismatis ceremoniam* &c. Ex his constat, apud Græcos a presbyteris Confirmationem dari, non *ordinaria* facultate, sed *delegata*.

Ob. IV. Photius: nulla extat lex presbyteris vetans Confirmationem ministrandi, neque ab Apostolis, nec a PP. nec a Synodis lata. II. Si illud non licet presbytero, nec baptizare, nec consecrare licebit, eritque hoc modo dimidiatus sacerdos; ergo &c. R. Photium *schismaticorum principem*, ut a Jo. Methonensi vocatur, ut calumniis, ita ineptiis abundare. Extat enim lex ista in Actibus Apost. ad quos olim Luciferianos amandavit Hieronymus. PP. tum Græcos, cum Latinos supra produximus: insuper Synodalia decreta, & Orientalis Ecclesiæ morem primævum proferre possumus ex ipsis Græcis scriptoribus. Ad II. neg. ant. Si enim non est dimidiatus sacerdos, qui conficit Eucharistiam, nec sacros Ordines confert, quia hæc di-

ver-

versa sunt munera, & diversa connotant Sacramenta, cur immediatus sacerdos dicendus est, qui consecrare potest, confirmare non potest? Si quæras, cur id non possit, qui illud præstantius potest; a Phorio item quæro, cur non possit chrisma conficere, quod non est adeo præstans ut illud? R. II. Id fuisse *apici pontificatus* reservandum, ut observat auctor Eccl. Hierarch. c. 5. pag. 360.

## C A P U T II.

*De extraordinario ministro Confirmationis.*

**S**implici presbytero ministerium Confirmationis conferri non posse negarunt plures Theologi tum veteres, cum recentiores, quos cap. I. laudavimus, contra quos sit

PROPOSITIO I. Potest simplex sacerdos extraordinaria facultate fideles confirmare.

Prob. I. ex Decreto Eugenii IV. lato in Flor. Syn., ubi habetur: *Legitur aliquando per Apostolicæ sedis dispensationem simplicem sacerdotem hoc administrasse Sacramentum*, Quod quidem statuit Eugenius, non ex quo id legatur apud scholasticos aliquos, ut putant Estius, & l' Herminier, sed post non mediocrem testimoniorum inspectionem, quæ ex PP. & DD. deducta sunt. Adde, illud decretum eo fine propositum, ne ulla in futurum de fidei veritate apud Armenos dubitatio esse valeat. II. Tridentina Syn. statuens, episcopum esse ordinarium Confirmationis ministrum haud obscure innuit, ex delegatione hoc ministerium simplici sacerdoti committi posse: quod, licet Synodus non expresserit, ut nullum afferret scholarum placitis præjudicium, ut constat ex Pallavicino l. 9. c. 7. ad illum tamen modum editus est articulus, quod fere omnes in S. Thomæ sententiam veniebant, posse hujusmodi facultatem Pontificia delegatione ad simplices sacerdotes extendi. III. Gregorius M. Ep. 26. ad Jan. cum ab eo accepisset Sardinienfes presbyteros ægre tulisse, quod ipse iis interdixisset ungere baptizatos in fronte, ait, se id ex usu Rom. Ecclesiæ iussisse, sed si hac de re aliqui contristantur, ubi episcopi desunt, ut presbyteri etiam in frontibus baptizandos tangere debeant concedimus; ergo indulgit Gregorius iis presbyteris, ut confirmarent.

R. Estius, de Marca, & l' Herminier: Gregorium loqui de unctione *ceremoniali*, non de Confirmatione. Sed plane falluntur. Nam posteriori hac epistola Gregorius concessit, quod vetuerat præcedenti, nempe ut presbyteri signarent in fronte, quodve post baptismum agi debuit ab episcopo, sed  
hæc

hæc est propria Confirmatio non ceremonia; ergo &c. Nec obstat, emendatos codices habere: *Baptizandos non baptizatos*, adeoque de ritu, non de Sacramento Gregorium loqui; quis enim audit inter baptizandum liniri frontem? Deinde confessionis restrictio, *ubi episcopi desunt*, evincit Gregorium de ea chrismatione locutum, quæ episcopis reservatur. Quod addunt, Gregorium ibi formæ verborum non meminisse, nihil est: non enim ejus meminit, ubi ait *episcopi ungere debent in fronte*: porro idem est in scriptis ecclesiasticis *confirmare*, ac *frontem chrismate* consignare; ut constet ex Innocentii epistola ad Decentium.

IV. Joannes diaconus in ep. ad Senarium potestatem conficiendi chrismatis etiam presbyteris ex vi *necessitatis* aliquando pontificali auctoritate concessam agnoscit: *Quod*, inquit, *merito moveret, si istam pontificalis auctoritas licentiam non dedisset*, unde constat a Pontificibus quodammodo fieri, quod in tanta necessitate ut a presbyteris effici possit superior Ordo constituit. Si ergo potest presbytero *licentia* concedi conficiendi chrisma, quanto magis concedi potest *licentia* signandi chrismate ab episcopo consecrato. V. Romani Pontifices sæpe hanc facultatem concessere: Hadrianus VI. id Franciscanis indulgit in Indiis: & ante Hadrianum concesserant Joannes XXII., Eugenius IV., Nicolaus IV., Urbanus V. & Leo X., qui hæc omnia amplissime confirmavit, ut refert Wadingus ad ann. 1521. I. diploma Patribus S. J. Indultum a Gregorio XIII. scribit etiam Basilii Poncius, & Fervaquez.

Ex. L' Herminier: *Aut falsum esse data hæc privilegia, aut id factum contra canones, adeoque nullius esse ponderis*. Arcudius autem ait, diploma Hadriani datum ann. 1521. die 25. Aprilis, cum ipse electus sit die 9. Jan. 1522. Adde diploma illud Leoni X. a Francisco de Pitigianis tribui. Verum quis credat tot eximios viros, qui ea diplomata legerunt, Wadingum, Arcudium, Poncium fuisse mentitos? Quis audeat violationis canonum insimulare Romanos Pontifices, ipsorum custodes vigilantissimos? Unum est in quo aberravit Arcudius, tribuit enim Hadriano, quod a Leone X. prodiit ann. 1521. Hispalense diploma, quod una cum aliis supra laudatis habetur etiam in collectione Privileg. Regularium Roderici ed. Tournoni pag. 294.

VI. Apud Orientales etiam hic usus invaluit. Photius enim in encyclica ad Patriarchas Oriental. in Latinis invehitur, quod Bulgaros confirmatos a Græcis presbyteris iterum confirmassent: *Quis autem existimet*, ait Holstenius, *hominem, cetera recorde, Patriarchis summis Ecclesie Orientalis hæc scripturum, si ipse tum primum novo exemplo, contra morem*.

*rem universalem presbyteris chrismationem permisisset?* Adde ex epist. Hieronymi ad Evagr., ex Commentariis in Paul. Ambrosio inscriptis, & ex auctore Qq. utr. Test. probabiliter evinci, apud Alexandrinos *ex delegatione* presbyteros confirmasse. In Florentina etiam Synodo diffidium de ministro Confirmationis ita fuit compositum, ut nullum unioni asserret impedimentum, facta Græcis libertate, ut admissa processione Spiritus S. etiam a Filio, Purgatorio, & præsentī SS. gloria, servarent in aliis morem Ecclesiæ suæ, ut constat ex litteris unionis, & ex D. Antonino 3. part. Chron. tit. 22. & ex Gregor. Protosync. in Conf. epist. Marci Ephes.; ergo &c.

Ob. I. Adversatur hæc sententiā & evertit momenta Propositionis cap. præc. ergo &c. R. neg. ant. Illa enim accipienda sunt de ministro *ordinario* Confirmationis, ut constat ex decretis Florentinæ & Trid. Synodi supra laudatis: tum ex Roman. Pontificibus, qui confirmandi potestatem presbyteris concessere, qui cum Græcis communione conjuncti sunt; quique sententiam nostram in re tam gravi, ubi agitur de legitimo Sacramenti ministro, sinunt a Theologis, & Jureconsultis celeberrimis propugnari. Scio etiam oppositam a scholasticis propugnari, sed ex ea etiam falsa nil sequitur absurdi, si nempe soli episcopi confirmant, suoque munere fungantur; at si nostra sententiā falsa sit, irritæ erunt confirmationes Græcorum, illegitimæ concessionis factæ missionariis, fietque divini chrismatis abusus sacrilega; id ne fiat dicendum, veram esse nostram sententiam.

Ob. II. Nicolaus I. mandavit legatis missis ad Bulgaros: *Ut omnem ritum christianæ fidei, sicut ab ipso instructi fuerant, eos edocerent, ut scribit Anastasius p. 220. ed. Paris. sed legati omnes Bulgarie principes & subjectos chrismate iterum inunxerunt* ex Metrophane Smyrn. in ep. ad Manuelem To. 8. Conc. pag. 387. ergo &c. Alias legati sine sacrilegio iterum chrismassent: neque id probasset Nicolaus II. Innocentius III. cap. *Quanto extra de Consuet. ad Lucium Vicarium C. P. mandat: Ut omnibus presbyteris distincte prohibeat, ne presumant fidelibus exhibere Sacramentum Confirmationis, quod chrismando renatos soli debent episcopi per manus impositionem conferre*; ergo &c. III. Innocentius IV. in Const. *Sub catholice* an. 1254. statuit *ut soli episcopi consignent chrismate in frontibus baptizatos, quia hujus unctio non debet, nisi per episcopos exhiberi*; ergo &c. IV. Clemens VIII. ann. 1595. statuit, *ut episcopi Latini baptizatos a presbyteris Græcis de facto chrismate in fronte consignatos confirmant*, quod etiam confirmavit an-

no 1742. in Constitut. *Et si Pastoralis* Benedictus XIV. ; ergo &c.

&c. dist. min. Iterum inunxerunt Bulgaros consignatos a Græcis presbyteris *legitime delegatis*, neg. *illegitime*, conc. Hi enim missi fuerant a Photio *mæcho*, & *invasore*, ideoque nec legitime delegati, & consignabant in provinciis sedi Apostolicæ subjectis renitente Pontifice. Bulgari enim sedi Apostolicæ se commiserant, & sacerdotes Romanos ultro elegerant sibi magistros, ut ostendit Lupus To. 2. pag. 1405. Contendebant etiam Photiani illi presbyteri, non esse *ex dispensatione*, quod presbyteri alicubi confirment; ideoque perfracte consignare audebant adversus inhibitiones Romanæ sedis. Ad II. neg. conf. Nam locus ille ex cap. *Quanto* legi debet: *Omnibus Latinis presbyteris apud Constantinopolim constitutis*, ut legunt Jureconsulti recentiores Gonzalez &c., nec non in editione Antwerp. anni 1570. & Rom. 1543. prohibetur ergo Latinis presbyteris apud Græcos degentibus, ne sibi concessum putent, quod toleratur in Græcis.

Ad III. dist. ant. Jussit ubique locorum, neg. alicubi, conc. Nam *in sola Cypri insula*, non in aliis Orientis Ecclesiis jussit Innoc. solos episcopos consignare: ortis enim ea de re dissidiis melius est, ut, ubi adsunt episcopi Confirmationis ordinarii ministri, non consignent presbyteri. Ad IV. dist. conf. Et id jussit Clemens Græcis degentibus *sub Latinis episcopis*, conc. universis, neg. Nam prudenter ponuit, ut Latini episcopi confirmantes neophytos obsignatos in fronte a Græcis presbyteris, *cum cautela*, & *sub conditione id faciant*. Id ipsum statuit Benedictus XIV. in sua Const. *Et si Pastoralis*, quam dirigit ad Italo-Græcos dicens: *Episcopi Latini in suis diœcesibus baptizatos a presbyteris Græcis absolute chrismate in fronte consignatos confirment, cum neque per prædecessores nostros, neque per nos Græcis presbyteris in Italia & in insulis adjacentibus, ut baptizatis Sacramentum Confirmationis conferant, facultas concessa sit: imo ab ann. 1595. a Clem. VIII. fuit presbyteris Italo-Græcis interdictum, ne baptizatos chrismate consignent*; ergo Rom. Pontifices loquuntur de Græcis Latino episcopo, non Græco subjectis, qui in Italia, non in Græcia versantur, quibusve hæc facultas a Rom. Pontificibus fuerit interdicta, aliud ergo judicium de Græcis presbyteris ferendum est, quibus Rom. Pontifex hac in parte teneri sinit instituta majorum; inter quæ adnumeratur collata a presbyteris baptizantibus Confirmatio.

Ob. III. Concilium Senonen. ann. 1528. reprobatur *consuetudinem, quæ potius corruptela dicenda est, quia abbates attentant munus Confirmationis conferre, eamque solis episcopis reservatam*

tam asserit ; ergo &c. R. dist. ant. reprobatur *ex presumpta consuetudine* , nunquam in Occidentali Ecclesia recepta , & *ex ordinaria potestate* , quam sibi Abbates arrogabant , conc. , ex privilegio & *delegata facultate* , neg. Subdit enim : *Si qui sint , qui contendunt sibi competere hanc facultatem ex privilegio , volumus , quod cum fuerint requisiti , de privilegio fidem facere teneantur* , quod potius probatur , ajunt Jureconsulti apud Gonz. To. 1. pag. 172. aliis ab episcopis confirmandi facultatem *ex privilegio* competere . Idem de Chorepiscopis judicium esto , quos non potuisse *ordinaria potestate* confirmare constat ex epist. 5. Damasi tom. 2. Conc. p. 879. &c.

Ob. IV. Potestas ordinaria confirmandi vel competit episcopo ratione consecrationis sacerdotalis , vel ratione consecrationis episcopalis . Si primum ; ergo quivis sacerdos , etiam reluctante episcopo , saltem valide confirmatur ; si secundum ; nulli ergo potest committi , nisi fiat episcopus . R. Episcopum ex sua consecratione ( aut hæ peculiarem imprimat characterem , aut sit major characteris presbyteralis ampliatio ) nancisci , ut sit Confirmationis ordinarius minister , & presbyterum , ex consecratione sacerdotali , cui non inest illa amplitudo , habere , ut possit esse Confirmationis minister *extraordinarius* ; sicut episcopus habet ex sua consecratione , ut ordinet , presbyter ex sua habet , ut possit , si id ei committatur Rom. Pontifex . Et ratio est , quia Ecclesie Confirmationem ab episcopo collatam semper validam habuit , a presbytero vero non ita , nisi a S. Sede acceperit facultatem . Qua praxi docet , episcopum consecratione sua actu Confirmationis ministrum constitui , presbyterum ex sua aptitudinem acquirere , ut possit constitui . Ex his solvitur quod urget Estius dist. 7. §. 21. ex c. penult. de Consecr. Eccl. , ubi de episcopo legitur : *Que ordinis episcopalis sunt non potest inferioris gradus clericis demandare* , ex quibus evincitur tantum , non posse presbyterum esse Confirmationis *ordinarium* ministrum , quia id est ordinis episcopalis : nec id potest episcopus demandare inferioribus clericis , quod potest Romanus Pontifex . Adde , ibi sermonem fieri de reconciliatione Ecclesie , quam in provincia Bracaren. episcopi faciebant , eo quod spectet ad potestatem Ordinis episcopalis , & tamen Greg. IX. ratas habet reconciliações factas per simplices sacerdotes ; potest ergo Rom. Pontifex quædam committere presbyteris , quæ sunt Ordinis episcopalis .

PROPOSITIO II. Valide confirmatur simplex sacerdos in Occidentali Ecclesia ex delegatione Rom. Pontificis , in Orientali vero ex antiqua consuetudine , quam probatur Rom. Pontifex .

Prob.

Prob. I. ex Eugenio IV. qui de quibusdam presbyteris ait : eos confirmasse *per Apostolicæ sedis dispensationem*. II. Clemens VI. in litteris ad Patriarcham Arm. apud Rayn. ad an. 1351 eum rogat, an credat : *Quod solum per Rom. Pontificem plenitudinem potestatis habentem possit dispensatio Confirmationis presbyteris, qui non sunt episcopi committi ?* An credat, quod *chrismati per quoscumque sacerdotes, qui non sunt episcopi, nec a Rom. Pontifice concessionem aliquam receperunt, iterum per episcopos sint chrismandi ?* Jure ergo Benedictus XIV. irritas declaravit confirmationes collatas a presbyteris Italo-Græcis, quibus a Ro.n. Pontificibus nulla confirmandi facultas concessa est, quoniam ex cap. *Aqua Extra* de Consecrat. episcopus, *que Ordinis episcopalis sunt non potest clericis demandare*. Vide Gloss. in decret. Greg. IX. lib. 1. tit. 4. de Consuetud. cap. *Quanto*.

Oppon. I. Episcopus est pastor ordinarius in sua diocesi, ut Papa in universo ; ergo &c. II. Confirmarunt olim in Ecclesia Occidentali chorepiscopi, & in Orientali presbyteri absque Pontificio consensu : quod munus absente episcopo presbyteris demandarunt Syn. Illiberitana, Tolet. II. & Araux. I. ergo &c.

Rx. ad I. dist. ant. episcopus est pastor cum potestatis plenitudine, quam habet Rom. Pontifex, neg. cum potestate ordinaria, conc. Per hanc enim ordinare potest, non tamen demandare presbytero, ut conferat minores ordines, quod solus potest Rom. Pontifex de plenitudine potestatis. Ad II. neg. ant. Ubicumque enim viguit consuetudo, ut presbyteri confirmarent, summus Pontifex eam probavit, tacto saltem consensu : postquam vero in presbyteris Italo-Græcis hanc consuetudinem reprobravit, requiritur ejusdem expressa permissio.

## C A P U T III.

*De subjecto Confirmationis, ejusque dispositionibus.*

**D**E ministro, tum ordinario, cum extraordinario Confirmationis plura in Theologorum lucubrationibus dispersa consulto omisimus, ut firmiora insereremus suis in fontibus perspecta, rerumque accessione, & pondere locupletata, qua de re vide annotationem cl. Auct. ad cap. 7. l. 32. Nunc autem de subjecto, ejusque dispositionibus agendum est. Sit itaque

PROPOSITIO I. Subjectum idoneum Confirmationis est quilibet homo baptizatus.

Prob.

Prob. Omnes quippe adversus spirituales nequitias, & naturæ imbecillitatem debent Christi signaculo, & Spiritus S. fortitudine roborari. Hinc Act. 2. legimus, Spiritum S. totam implevisse domum, idest in Ecclesia existentes, ut explicat S. Thomas q. 72. art. 8. Solos autem baptizatos esse confirmandos, inferitur I. ex praxi Ecclesiæ ab Apostolis derivata, ex qua solis baptizatis collatum est, & confertur hoc Sacramentum. II. A Conciliis ac PP. Confirmatio dicitur *consummatio*, & *perfectio baptizatorum*. III. Baptismus est janua omnium Sacramentorum, nec potest spiritus Christi particeps fieri, qui in mysticum ejus corpus nondum est cooptatus, sicut nec potest recipere Ordinis characterem.

Dices: Centurioni collatus est Spiritus sanctus ante baptismum; ergo &c. R. neg. conf. Licet enim Cornelius, *ante visibile Sacramentum acceperit Spiritum S. verumtamen nec visibile Sacramentum contemni potuit*, ait S. P. A. Q. 23. Unde cum aliis baptizatus est ex Act. 10. 48. Vide Auctorem c. 23. l. 31. iii R. ad 3.

PROPOSITIO II. Etiam parvuli sunt Confirmationis capaces.

Prob. I. ex Ep. Innocentii I. ad episc. Eugub. c. 3. ubi legitur: *De consignandis infantibus manifestum est, non ab alio quam ab episcopo fieri licere*. Et in cap. *Si qui de Consecr. distinct. 4.* ait: *Si parvuli sunt, respondeant pro illis, qui eos offerunt, & sic per manus impositionem chrismate communiti Eucharistiæ admittantur*. II. De parvulis etiam loquitur Gregorius M. in ep. ad Jan. S. P. A. tract. 6. in 1. Joan. Ep. III. in Ordine Roman. tit. de Sabbat. S. habetur: *Pontifex egreditur a fonte, & cum vestiri fecerit infantes, confirmet eos*. Eadem habet Sacram. Gregorii. IV. Græci etiamnum conferunt una cum baptismo Confirmationem. V. Accedit, quod Baptismi, & Confirmationis capaces sunt omnes, qui spiritalem vitam, ejusque perfectionem suscipere possunt; ergo &c.

Quæres: an modo infantes post baptismum sint confirmandi, & cur id modo non fiat? R. ad I. expectandum esse rationis usum, nisi ob urgentem aliquam causam aliter episcopo videatur. Nam septennes esse confirmandos statuunt Synodi Colonienfis, tres Mediolanenses, Aquensis, Narbonen. apud Alex. & Martene. Adde Sacram. Ambrosii, Manuale Salisburg. Camerac. Bonon. apud Poncium, & Catech. Rom. Ad II. R. id modo non fieri, quia antè hoc tempus pueri apti non videntur ad pugnam, fiebat autem in primis Ecclesiæ sæculis causa persecutionum, & quia solemnibus baptismis aderant ut plurimum episcopi.



PROPOSITIO III. Confirmandi sunt etiam ægroti, amentes ; & energumeni.

Prob. I. pars I. Concil. Parif. VI. l. 1. c. 33. ait : *Infirmis & morte periclitantibus, sicuti baptismatis gratia succurrendum ; ita incunctanter donum Spiritus sancti est tradendum*. II. Sacramentarium Ambrosii de paroco ait : *Ægrotos nondum confirmatos archiepiscopo denuntiabit, ne ingravescente morbo sine hoc Sacramento decedant*. III. Accedit ratio : nam in morte armari quisque debet adversus dæmonum oppugnationes, sive, *ut morituri in resurrectione perfecti appareant*, ait D. Th. q. 72. art. 8. Prob. II. pars. Si enim amentes lucida habeant intervalla in his debent confirmari, si vero sint perpetuo amentes, vel in amentia inciderint, gravi culpa inquinati, cum nequeant effectum Confirmationis percipere, non sunt chrismandi. Prob. III. pars. Nam energumeni virtute Confirmationis frangunt vires dæmonum. Nam præceptor Malachiæ inungens puerum *lunaticum* chrismate illum sanitati restituit, eoque magicas vicit incantationes vir Christianus.

PROPOSITIO IV. Si confirmandus sibi met conscius sit lethalis culpæ, debet confessionem sacramentalem emittere.

Prob. Laudat enim Martenius decreta ea de re Odonis Parisien., Herardi Turonen. Guilelmi Maclovien. & Synodorum Colonien. Lingonen. Senonen. Carnoten. Parisien. Adde statuta Ecclesiæ Aëdicensis, Cadurcen. Rutenen. Constantien., Leodien. Burchardus l. 4. c. 60. affert hunc canonem : *Ad confirmationem veniant perfecte ætatis, & moneantur confessiones facere prius, ut mundi &c.* Sacramentale Ambros. pag. 54. mandat, ut confirmandi *confessionis præstitæ testimonium scriptum præbeant*. Catechismus Rom. c. 3. *non solum fidem & pietatem eos afferre jubet, sed etiam ut peccata prius confiteantur*. Idem statuit Manuale Cameracen., Salisburgen. Vide Notif. Bened. XIV. ubi plures hujusmodi profert definitiones.

Opp. I. In laud. definitionibus confirmandi *admonentur*, non jubentur confessionem præmittere ; ergo &c. II. In iisdem definitionibus præscribitur etiam jejunium, sine quo obtineri potest Confirmationis effectus ; ergo a pari. R. ad I. neg. conf. Nam *admonitiones* illæ aut non excludunt præceptum, aut vim habent solum, ubi desit copia confessarii : præscribunt enim ii canones *compunctionem animi*, & confitendi propositum, quæ sincera non sunt, si contemnatur, ubi haberi potest, confessarius. Ad II. neg. conf. Nam Confirmationis effectum non ita impedit comesse, quomodo gravari peccato mortifero, nec valet consecutio : possunt

Sacramenta vivorum rite suscipi a non jejunio; ergo & a mortuo.

PROPOSITIO II. Debet confirmandus esse fidei rudimentis instructus, oratione, & jejunio munitus.

Prob. I. pars. Nam Rhemense Concilium n. 3. eos admonet: *Ut symbolum Apostolicum, orationem Dominicam memorie mandent.* Burdigalense mandat episcopis, ut hujus Sacramenti vim populo explicent. Bituricense can. 4. jubet a confirmandis symbolum recitandum; ergo &c. Prob. II. pars. Ex Sacramentario S. Caroli pag. 54. de confirmandis, ubi ait: *Imprimis ardentiori orationis studio devote se exercent exemplo sanctorum Apostolorum, qui dum expectarent Spiritum S. perseverantes erant in oratione & jejunio*; ergo &c. Prob. III. pars. Testatur enim Benedictus XIV. in literis pastoralibus Bononiæ datis per 12. sæcula in Ecclesia servatum, ut jejuni tantum confirmarentur: cujus rei testem profert Magistrum sententiarum, qui obiit die 20. Julii ann. 1164. quique scribit in 4. dist. 7. n. 4. *Hoc Sacramentum a jejunis accipi, & jejunis iradi debet.* Pontificale R. §. 7. tit. 1. ait: *Confirmandi deberent esse jejunii.* Idem statuit in sua Synodo Benevent. Card. Ursinus, postea Benedictus XIII. dicens: *Laudabilem illam antiquæ Ecclesiæ consuetudinem, ut nonnisi jejunii Confirmationis Sacramentum suscipiant, S. Synodus tenendam hortatur.* Idipsum statuit in Concilio R. ann. 1725. tit. 26. c. 4. nempe ut ministraretur de mane in Ecclesia, & jejunii jejunis conferant; ergo &c.

Opp. Fervaquez contrarium usum, præsertim quoniam modo sæpe post meridiem fit Confirmatio *seorsim a baptismo, & communione.* Verum liquet ex dictis usum administrandi Confirmationem post meridiem esse adversus veterem disciplinam, universalem non esse, neque præscriptum tantum ratione Communionis. Hinc Sacramentarium S. Caroli præcipit, ut *confirmandi bene mane in Ecclesiam conveniant, ut hora tertia confirmari possint.* Et Aquis Syn. n. 6. ait: *Studebit episcopus hoc Sacramentum hora tertia ministrare, quæ hora ex antiquo usu statuta est hujus Sacramenti, nisi necessitas aliud suadeat.* Licet ergo fateamur, posse Confirmationem quovis tempore ministrari, nec ignoremus ex D. Thom. q. 72. non esse coarctandum tempus episcopis in ampla præsertim diocesi, ubi tamen congrue observari potest; *convenientius est, ait S. D. ut a jejunis detur, & accipiatur.*

## CAPUT IV.

*De necessitate Sacramenti Confirmationis.*

**N**eminem, secluso contemptu, peccare mortaliter, si non confirmetur, asserunt plurimi casuistæ. Patres autem, canones, & graviores Theologi summopere commendant hujus Sacramenti necessitatem. Nam I. Cyprianus ep. 70. ait; *Ungi necesse est eum, qui baptizatus est, ut habere in se gratiam Christi possit.* S. P. A. l. 17. de C. D. c. 14. ait: *Christianos non recte vocari chrismate non unctos,* Greg. M. l. 14. Ep. 17. jubet confirmari eos, de quibus dubitatur confirmatos non esse: *Ne talis dubitatio ruina fidelibus sit.* II. In Cap. Omnes de Consecr. dist. 5. hæc habentur: *Omnes fideles per manus impositionem Spiritus S. post baptismum accipere debent, ut pleni Christiani inveniantur.* In Can. *Ut jejuni habetur: Numquam erit Christianus, nisi Confirmatione episcopali fuerit chrismatus.* In Sacram. Ambr. & in Conc. Mediol. IV. legitur: *Illis timendum valde, qui extiterint in Confirmationis Sacramento suscipiendo negligentes.* Eadem habent Hugo Vict. S. Thomas, S. Bonaventura, Gersonius, alique graviores Theologi. Ex his tamen non sequitur, baptizatos infantes acerba morte præventos e regno cælorum excludi. Qua de re fit

PROPOSITIO I. Sacramentum Confirmationis non est necessarium *necessitate medii*, sed tantum *necessitate præcepti*.

Prob. I. pars ex Hieronymo, qui ait, salutem consequi etiam eos, qui in vinculis, ac remotioribus locis pie fatis cedunt, priusquam ab episcopis invisantur. Idem statuit can. 77. Syn. Illiber. Putant nonnulli Confirmationem esse necessariam necessitate medii, non ad consequendam salutem, sed ut quis sit perfecte Christianus, quod probant ex D. Th. 3. p. q. 62. ubi ait: *Sicut nullus consequitur effectum baptismi sine baptismi voto, ita nullus consequitur effectum Confirmationis sine voto ipsius.* Potest tamen D. Thomas cum Suarezio intelligi de voto Confirmationis urgente persecutione, aut instante martyrio.

Prob. II. pars. I. ex auctoritate Cypriani supra laud. ubi ea verba: *Necesse est, oportet, debent* sonant vim præcepti, saltem relate ad eos, qui ineunt pro fide certamina, periculisque jactantur. Et in cap. Spiritus S. de Consecr. dist. 5. habetur: *Quamvis continuo transituris sufficiant regenerationis beneficia, victuris tamen necessaria sunt Confirmationis auxilia.* Huc spectant testimonia supra producta. II. Ex auctoritate

celebriorum Theologorum Estii, Nat. Alexandri, Juenin, Herminier, Tournely, Bas. Poncii, Fervaquesii, Vanroy, Garvardi, præter eos, quos supra laudavimus. Imo Sylvius censet non excusari a peccato, qui urgente persecutione Confirmationem negligeret: & Bened. XIV. in Const. de Rit. Græc. §. 3. declarat, confirmandos ab episcopo monendos esse; gravis peccati reatu teneri, si Confirmationem negligant. III. Accedit ratio: videtur enim summa præsumptio in re tanti momenti, qualis est Christum confiteri, & in tanto discrimine remedia efficacia ad hoc instituta contemnere.

Opp. I. Nullum est in sacris literis, vel apud PP. hujus præcepti vestigium. II. Confirmatio suppleri potest unctione verticali; ergo &c. R. ad I. neg. ant. Non desunt enim docti viri, qui hoc præceptum deprehendunt in Act. 1. & 8. ubi jussi sunt Apostoli: *Ne discederent ab Jerosolymis, sed expectarent promissionem Patris*, nempe Spiritum S. Nec desunt, qui hoc præceptum inferunt ex praxi Ecclesiæ, cujus nullam ab Apostolorum ævo invenimus institutionem, & proinde est a Christo. Sed, etsi nullibi extaret hujusmodi præceptum *explicitum*; esset tamen *implicitum*, ubi urget persecutio, aut tentatio, cum constet, ad ea superanda Confirmationem fuisse institutam. Ad II. dist. ant. Suppleri potest, ubi hæc nequit haberi, conc. secus, neg. Non enim sequitur, confessionem non esse præceptam, ex quo per interiorum cordis contritionem, ubi illa nequit haberi, suppleri possit. Vide auctorem.

PROPOSITIO II. Peccant mortaliter, qui hoc Sacramentum contemnunt.

Prob. I. ex dictis, quibus accedit Synodus Rhotomagensis, Turonensis, Aquis, Narbonen., Burdigalen. in quibus monentur episcopi, parochi, fideles ipsi: *Ut omni cura, & diligentia* aut suscipiant hoc Sacramentum, aut fideles ad illud suscipiendum adducant: sed hæc hortamenta non possunt rem parvi momenti respicere; ergo &c. Prob. II. ex ipsis benignioribus Theologis, qui, licet opinentur nullum extare Confirmationis præceptum, eam tamen adhibent exceptionem, modo absit contemptus; ergo &c.

Quæres I. Quisnam Confirmationis contemptor dicendus sit?

R. Non eos tantum, qui illud spernunt tanquam inutilem ceremoniam, quod redolet crimen hæresis, & sacrilegii, sed illos etiam, qui nullo legitimo impedimento detenti, episcopo præsentem, & hortante negligunt consignari. Prob. I. Scotus enim in 4. dist. 7. explicans quid sit contemnere Confirmationem, ait: *Judicaretur contemptus, si omnimoda opportu-*  
nitas

*nitate oblata non suscipiatur.* Hinc S. Bonaventura in 4. dist. 7. art. 3. ait : *Si quis, cum habet locum, & tempus, & opportunitatem negligendo contemnit, periculo se exponit.* Idem Franciscus Henno, licet benignus auctor q. 9. concl. 3. hunc contemptum exponit : *Non tantum de contemptu formali, qui semper est mortalis, sed etiam virtuali, qui censetur adesse, quando res potest sine ullo incommodo obtineri, & tamen negligitur.* Et Concilium Senon. ait : *Confirmationem contemni, quando episcopus est præsens, paratus dare, & persona hoc sciens negligit, aut despicit suscipere.* Merito ergo Academia Parisiensis ann. 1625. hanc propositionem, ut scandalosam proscripsit : *Omnes Theologi dicunt, Confirmationem non præcipi, nisi cum commode haberi potest, vel, ut alii dicunt, sine ullo prorsus incommodo.* Tandem exponit se se periculo peccandi, qui infirmitate circumdatus, laceratus ab hostibus, undique irretitus illecebris &c. media necessaria ad vincendum, dum exhibentur, rejicit & aspernatur; ergo peccat.

Quæres II. Quinam debeant ad Confirmationem accedere?

R. I. Qui ad negandam Christi fidem ab infidelibus provocantur. Nam de Novato narrat Eusebius l. 6. c. 36. ob Confirmationem neglectam, *persecutionis tempore negasse se esse presbyterum.* II. Commorantes inter hæreticos, aut in periculis constituti perfundandi fidem, & mores. Hinc Synodus Rhemensis Tom. 15. Conc. pag. 891. statuit, Confirmationem non esse præmittendam, *hoc tam calamitoso, & hereseon pleno tempore.* III. Tonsura initiandi, ex Trid. Sess. 23. c. 4. de Ref. ubi statuit : *Prima tonsura non initiarentur, qui Sacramentum Confirmationis non susceperint:* quod sane vium præcepti habere censemus cum Basilio Poncio, Fervaqueio, Vanroy, aliisque nostratibus, non consilii, ut putant Navarrus, Soto, Suarez, Salmant. &c. ex quorum laxa interpretatione sacrorum Conciliorum præcepta omnia eludi poterunt, & contemni. Adde, recipientes *coronam in capite* in Dei sortem mancipari; ergo debent præ aliis christianæ militiæ insignibus, armisque instrui.

IV. Probabiliter etiam, & ex quadam decencia ad Confirmationem tenentur, qui professionem religiosam emittunt. Nam isti ex Basilio Serm. 1. Commonit. ad vitam Mon. *Nervos omnes ad rerum adversarum tolerantiam intendere debent, & forti animo ad pietatem sese conferri.* Idem de S. virginibus judicium esto. V. Tandem ii omnes, qui parato episcopo possunt ab eo confirmari. Peccant ergo lethaliter, qui ad ætatem longævam differunt hoc Sacramentum, nam ex sacris literis constat, *cum recepisset Samaria verbum Dei*, statim eo profectos Apostolos, ut impositione manuum baptizatos confirmarent :

Ecclesiam vero de confirmandis adeo fuisse sollicitam, ut aliquando non confirmatis Eucharistiam denegaret ex Martenio tom. 1. antiq. Rit. pag. 237.

### DISSERTATIO III.

*De effectibus, ritibusque Sacramenti Confirmationis.*

**A** Gemus hoc loco de præcipuis Confirmationis effectibus, de gratia nempe, & charactere, tum de variis ritibus, quibus confertur.

### C A P U T I.

*De gratia Sacramenti Confirmationis.*

**G**ratiam hoc Sacramento conferri negarunt Lutherus, Calvinus, Kemnitius, Dallæus &c. censent enim per Apostolicam manus impositionem collatum esse solum donum linguarum, non sanctificantis gratiæ decorem. Quidam ex adverso putarunt, hoc Sacramento conferri primam gratiam, & peccatum originale deleri, ut Raimundus Lullus. Alii justificari per ipsum hæreticum ad catholicam redeuntem, ut Morinus. Quid vero hac de re sentiamus sequentibus declarabimus.

**PROPOSITIO I.** Sacramento Confirmationis confertur gratia sanctificans.

Prob. ex dictis Prop. I. Cap. I. hujus libri, ubi ostendimus I. Apostolos impositione manuum dedisse Spiritum S.; quem ex Aug. conferunt etiamnum episcopi, licet non conferant donum linguarum. II. Ostendimus, ea impositione datam fuisse virtutem *Spiritus superveniens ex alto*. III. ostendimus, Spiritum S. omnibus renatis per illam fuisse collatum, non vero dona linguarum. IV. ad Samaritanos missum Joannem, & Petrum, licet Philippus inter illos plura miracula patraret. V. Ex Conciliis, & PP. omnium sæculorum ostendimus, neophytos episcopali consignatione accipere Spiritum S. perfici, confirmari, fieri unctos Dei, & cælesti suavitate perfundi. Ex quibus sic arguitur: Gratia in Ecclesia perseverans, & a temporario dono linguarum distincta, communis omnibus sancte confirmatis, eos perficiens, & muniens est gratia *sanctificans*, & *gratum faciens*, sed talis est gratia Confirmationis; ergo &c.

**PROPOSITIO II.** Hæc gratia confert perfectionem, robur, & firmitudinem.

Prob.

Prob. I. Ex can. 38. & 77. Illib. in quo statuitur, baptizatos per Confirmationem perfici. Florent. Conc. To. 13. Lab. pag. 536. *Effectus, inquit, hujus Sacramenti est, quia in eo datur Spiritus S. ad robur, ut Christianus audacter Christi confiteatur nomen.* Idem statuitur in Synodo Narbonen. ann. 1609. in Cap. Spiritus S. & in cap. Cum venisset. Prob. II. ex PP. Tertullianus de Resurr. carn. c. 8. ait, signari carnem, ut anima muniatur. Auctor Serm. de Unct. chrism. ait: *Hoc oleo uncti cum spiritualibus nequitiis colluctamur.* Cyrill. Jerof. Cat. 3. ait: *Adversus contrarias virtutes dat potestatem, ut induti thoracem justitiæ fortiter adversus insidias diaboli consistamus.* Prob. III. ex iis, qui de Ecclesiæ ritibus pertrastarunt. Nam Isidorus l. 2. c. 25. ait: *Ideo post lavacrum unguimur, ut Christi nomine censeamur.* Rabanus Maur. l. 1. c. 30. ait: *Spiritus S. traditur, ut, baptizatus, per Spiritum S. roboretur.* Sacramentarium Ambrosii per hoc Sacramentum ait infundi *Spiritum sapientiæ & virtutis, & alia Spiritus S. dona.*

Prob. IV. ratione: congruum est enim, ut sicut per baptismum spiritualiter vivificamur, ita per Confirmationem perficiamur, ut prælium Christi, veluti ejus milites, fortiter dimicemus. Ita ratiocinatur S. Thomas 3. p. q. 72. & Catech. Rom. p. 2. c. 3. n. 20.

PROPOSITIO III. Differt autem, & perfectior est gratia baptismi, non absolute, sed comparative.

Prob. I. pars. Ex D. Thom. 3. p. q. 72. art. 7. ubi ait, gratiam Sacramentalem addere supra gratiam gratum facientem aliquod effectivum specialis effectus, ad quod ordinatur Sacramentum, & D. Bonaventura in 4. dist. 7. art. 2. q. 2. ait: *In Sacramentali gratia est gratia gratum faciens, & effectum Sacramenti, & in quantum gratum faciens una est, sed ratione effectuum distinguitur.* Nam gratia baptismi delet originale peccatum, & gratia Confirmationis vires adauget, & habet effectum alium a virtute baptismi, nempe ablationem pusillanimitatis, ait ib. D. Bonav. Hinc patet, gratiam Confirmationis non esse absolute perfectiorem gratia baptismi, cum majus sit regenerari, quam confirmari, sed quatenus regeneratione supposita; melius est hominem reddi robustum ac fortem, quam inbecillum. Hinc S. Bonav. loc. cit. ait: *Comparatio harum gratiarum potest fieri dupliciter, uno modo cum præsuppositione, & sic major est gratia Confirmationis, quam baptismalis, si autem intelligitur præcise, ut hæc gratia, quæ additur, sit major vel minor, dicendum quod non est tantæ efficacæ, quia vivificare mortuum major gratiæ est, quam vivificatum sanare, vel fortificare: sed cum præsuppositione majus est esse vivum, & sanum, quam vivum tantum.*

PROPOSITIO IV. Confirmatio non confert primam gratiam hæreticis resipiscentibus sine pœnitentia.

Est contra Morinum : qui I. falso supponit , *impositionem manuum* , qua admittebantur hæretici , esse Confirmationis Sacramentum , quod , etsi verum esset , inde tamen non sequitur , ei præmittendam non esse exomolegesin , quam necessariam esse ad Confirmationem constat ex Prop. 1. c. 4. Diss. præc. II. Nec recte profert S. Thomæ , Cajetani , Soti &c. testimonia , qui ajunt , hoc , & alia Sacramenta *vivorum* justificare , dummodo suscipiens *bona fide reputet se esse contritum* ; si ergo hæreticus , aut quivis alius sit patrati criminis conscius , justificari non poterit . Prob. I. Nam gratia Confirmationis est baptismalis gratiæ augmentum & perfectio ; ergo , nisi antea renascatur , & spiritalem vitam percipiat , nequit homo recipere gratiam istius Sacramenti .

Prob. II. Ex D. Thom. a Morino laudato q. 72. art. 7. ad 2. *Hoc Sacramentum datur ad confirmandum , quod prius invenerit , & ideo non debet dari his , qui non habent gratiam , nisi per pœnitentiam reparatis* . Deinde in Morini sententia falsum erit , *Sacramentum pœnitentiæ lapsis post baptismum ad salutem necessarium esse* ; ut definit Trid. Syn. Sess. 14. c. 2. In ea enim per Sacramentum Confirmationis absque pœnitentia posset quisque a peccatis solvi post baptismum commissis ; ergo Confirmatio sine pœnitentia , saltem in voto , non confert gratiam primam .

## C A P U T II.

### *De charactere Confirmationis .*

Confirmationem imprimere characterem negarunt Armenopolus , Jobus monachus , Cabasilas , & Gabriel Philadelph. apud Arcudium . Sit itaque

PROPOSITIO I. Confirmationis Sacramentum imprimit characterem , & iterari nequit .

Prob. I. ex 2. Cor. 1. *Unxit nos Deus , & signavit nos , & dedit pignus Spiritus S. in cordibus nostris* , ubi græcum *σφραγισμὸς* idem est ac *impresso sigillo insignire* . Prob. II. traditione . Auctor Const. Ap. l. 3. c. 16. ait : *Cum decenti gravitate collatio sigilli infrangibilis peragatur* : quæ de Confirmatione accipienda esse cum Eulio , & Poncio constat ex verbis proximis : *Et postea episcopus ungat eum chrismate* . Cyprianus ep. 73. ad Jub. ait , baptizatos confirmari , ut Spiritum S. consequantur , & signaculo dominico consummentur . Hinc auctor Serm. de Abl. pedum ostendit , hoc Sacramentum iterari non



non posse S. Ambrosius l. 3. de Sacr. illud appellat *Spirituale signaculum*. S. P. A. l. 2. contra Petil. c. 104. ait, permanere in hominibus *peffimis*, quod de charactere tantum accipi potest. Theodoretus *figillum*, *notamque regiam* illud appellat; ergo &c.

Prob. III. Ex definitionibus Ecclesiæ. Gregorius M. in ep. 17. ad episcopum Messanen. vetat, ne Baptismus, aut Confirmatio repetatur. Idem statuerunt Greg. II. Innocentius III. Concilium Toletanum VIII. ann. 657. Cabillonens. II. ann. 813. Florentinum vero in Decr. unionis: *Inter Sacramenta*, ait, *tria sunt Baptismus, Confirmatio, & Ordo, quæ characterem imprimunt in anima, idest signum indelebile*. Idem statuit Trid. Sess. 7. can. 9. Prob. IV. ratione. Nam Confirmatio confertur per modum consecrationis, atqui *semel sanctificatis nulla deinceps manus iterum consecrans præsumit accedere*, ait Auctor Serm. de Abl. ped. ob quam rationem probat S. P. contra ep. Parm. Baptismum & Ordinem iterari non posse; ergo &c.

Dices: Confirmationem iterantes non fiunt irregulares, ut fiunt iterantes baptismum; ergo &c. R. neg. conf. Nam irregularitas contrahitur tantum in casibus jure expressis, pœnæ autem sunt restringendæ, non ampliandæ, vide Sylvium q. 2. 3. p. art. 5.

PROPOSITIO II. Ritus, quo olim hæretici recipiebantur in Ecclesia, non erat repetitio hujus Sacramenti.

Not. Non hic agimus de hæreticis invalide baptizatis, quales erant Montanistæ, Eunomiani, & Gothi Ariani, quos resipiscentes iterum baptizari, & confirmari oportuit; nec de iis, qui numquam fuerant confirmati, ut de Novatianis scribant Pacianus, & Theodoretus; sed agimus de hæreticis baptizatis, & confirmatis in hæresi. Hæreticos omnes promiscue receptos impositione manus *confirmatoria* censuit Sirmondus, idem de baptizatis & confirmatis in hæresi asserit Maldonatus, & Morinus; sed oppositum nobiscum sentiunt Bellarminus, Arcudius, Petrus Aurelius, Lupus, Fervaquez, Juenin, Tournely, l' Herminier, Gotti &c. quibus subscribimus.

Et prob. I. Decreto Stephani Papæ contra Rebaptizantes: *A quacumque hæresi veneris, nihil innovetur, nisi quod traditum est, ut manus illi imponatur in pœnitentiam*, sed hæc impositio manus in pœnitentiam est *reconciliatoria*, non *confirmatoria*, ut infra ex Cypriano, & Augustino ostendemus; ergo &c.

R. Morinus: Stephanum voluisse, ut hæretici reciperentur per manus impositionem in Spiritum S. non, in pœnitentiam. Sed fallitur, nam S. Cyprianus sæpe hoc decretum repetens in epist.

epist. 74. semper legit: *in pœnitentiam*. II. Idem Morinus, ex Cypriano, ex Crescente Cirtensi, & ex ipso Aug. faterur, in Ecclesia baptizatos recipi per impositionem manus reconciliatoriam *in pœnitentiam*, atqui idem dici debet de baptizatis in hæresi, quos *suscipi in Ecclesia per manus impositionem sub imagine pœnitentiæ*, ait Innoc. I. Ep. 18. ergo &c. III. Donatistæ Schismatici non recipiebantur impositione manuum confirmatoria ex Optato Milev. & Aug. qui Baptismum, & Confirmationem ab iis latam non iterarunt; ergo extra Ecclesiam baptizari, non impositione manus confirmatoria, sed reconciliatoria recepti sunt. Unde: *Reconciliatio* dicitur in Pontificali, in Breviario fidei a Sirmondo edito, in literis Rufini ad Marcarium, & in aliis monumentis a Lupo collectis.

IV. Sententia opposita nititur canone 8. Arelaten. , epist. 1. Siricii ad Himer., Innocentii epist. 22., Leonis 135. & Vigili 2. ad Eleutherum, ubi redeuntibus ab hæresi præscribitur impositio manus, *ut accipiant Spiritum S.* sed hæc de sola impositione manus *ad pœnitentiam* accipi debent: ergo &c.

Prob. min. Nam ea manus impositio non dabat resipiscen-  
tibus hæreticis Spiritum S. vi sua, & per se, ut faciunt Sa-  
cramenta, sed *quia ipsa reconciliatione ac pace præstatur, ut jam prodesse incipiat Sacramentum, quod acceptum in schisma-  
te prodesse non poterat*, ut docet S. P. l. 1. de Bapt. c. 12. & D. Thom. 3. p. q. 69. ergo &c. Hinc Siricius Ep. cit. ait, hæreticos resipiscentes *manus impositione catholicorum conven-  
tui sociari*. Innoc. I. illis tribuit *laicam tantum communio-  
nem*, per quam nullo frui poterant clericatus honore; cum apostataz, *si longa pœnitentia abolevissent crimen apostasiæ*, sus-  
cipere possent ordinationem Ecclesiasticam. Idem est sensus S. Leonis ad episcopum Ravenn. ubi negat, *ab hæreticis bapti-  
zatum esse rebaptizandum, sed hoc tantum, quod ibi defuit, conferendum, ut per episcopalem manus impositionem virtutem Spiritus S. consequatur*: ubi virtus Spiritus S. est gratia bap-  
tismi, quam reconciliatus consequitur per impositionem ma-  
nus, quia per hanc unitus Ecclesiæ jam ei prodesse incipit, quod antea non proderat. Quid enim *defuit* in baptismo ab hæreticis collato, nisi unitas, extra quam prodesse non po-  
tuit, nam si defuit etiam Confirmatio, hæc datur, non ite-  
ratur.

V. Tandem Vigilius in ep. ad Eleut. c. 3. asserit tantum, rebaptizatos ab Arianis reconciliari, non per *illam impositio-  
nem, que per invocationem S. Spiritus operatur, sed per eam, qua pœnitentiæ fructus acquiritur, & S. communionis restituo perficitur*; ergo impositio manus in hæreticis resipiscen-  
tibus

bus contulit Spiritum S. ratione unionis Ecclesiæ, non vi repetitæ Confirmationis, hinc S. P. defectum illius impositionis ait culpa vacare, & solum imponi *propter caritatis copulationem*.

Ob. I. Can. 8. Nicæno statuitur, ut Novatiani, si venerint ad Ecclesiam, *impositionem manus accipientes, sic in clero permaneant*; ergo &c. II. Can. 7. Constant. I. *Arianos, & Macedonianos, & Sabbatianos, & Novatianos &c. unctos primum S. chrismate, & frontem &c. & eos signantes dicimus, signaculum doni Spiritus S. ubi materia & forma Confirmationis exprimitur*; ergo &c. III. Basilii in epist. ad Amphil. statuit, ut qui ex hæreticorum baptismo ad nos accedunt, *chrismetur a fidelibus*; ergo &c. IV. In Euchol. Græc. habetur *Reconciliatio scripta a S. Methodio*, ubi statuitur, recipiendos hæreticos unctione chrismatis his verbis: *Signaculum doni &c.* quæ est forma Confirmationis, eaque formula extat in codice Barberino, Cryptoferratenſi, & Parisienſi regio; ergo &c.

R. ad I. neg. conf. Nam de impositione *confirmatoria*, ibi ne verbum quidem. Lupus enim tom. 1. pag. 49. ita exponit canonem illum: *Novatiani jam ordinati, si ad Ecclesiam redeant, in clero permaneant*. Ad II. R. I. viros doctos merito suspicari, canonem hunc esse supposititium. Nam *Sabbatianorum* nomen, teste Socrate l. 5. c. 21. est Synodo Constantinop. posterius. Deest in Arabica paraphraſi, & canones 4. ibi tantummodo numerantur.

R. II. neg. conf. Novatiani enim ex Theodoro l. 3. H. Fab. c. 5. iis, quos baptizabant, *SS. chrisma non prebebant, quapropter eos laud. PP. inungi præceperunt*. Porro Sabbatianorum hæresis Novatianæ surculus erat, & Balsamon utramque confundit; cum ergo ab his confirmatio negligeretur, idem dicendum de aliis hæreticis. Quis enim sibi persuadeat, a Macedonianis hoc Spiritus S. signaculum non fuisse neglectum, aut ab iis præscriptam formulam non esse vitiatam? Ad III. neg. conf. I. enim nequit his verbis ostendi loqui S. D. de chrismatione Sacramentali. II. credibile est loqui Basilium de nondum confirmatis, ut censet Arcudius, diversimode enim de unctione loquitur, ac de baptismo.

Ad IV. neg. conf. I. enim Methodius ille non est S. Methodius a Photio vexatus, sed alius schismaticus, qui vixit sæculo 13. II. Suspiciari jure possumus, hanc formulam esse superadditam, cum in pluribus mss. desideretur. Nam Baronius ad ann. 842. hunc recitat Methodii canonem: *Si puer comprehensus fuerit, seu metu, seu incitia, is propitiationis preces accipiat septem diebus, & octava die lavetur, & chrismate inun-*

*inungatur*, ut solent *inungi*, qui *baptizantur*: ubi nulla apparet forma Confirmationis. Constat ergo Methodium loqui de unctione pœnitentiali, seu de cerimonia, per quam lapsi iterum unirentur Ecclesiæ, & per quam Sacramentum jam susceptum, sublata sœditate discordiæ, vim suam exereret. Ceterum, siue pronuntiarentur, siue non verba illa: *Signaculum doni* &c. non iterabatur Confirmatio, nam si non proferebantur, deerat forma, si proferebantur, cum etiam unio, & catholicæ Ecclesiæ communicatio sit *maximum donum Spiritus S.* ex Aug. l. 3. de Bapt. c. 13. & donum illud conferant sacerdotes reconciliatis hæreticis, idcirco in tali Sacramento minime perficiebatur.

PROPOSITIO III. Nec Augustinus, nec Cyprianus asserunt, reconciliandos venientes ab hæresi per iteratam Confirmationem.

Prob. I. pars ex loco supra cit. de Bapt. II. Supponit Morinus, & Maldonatus, baptizatos in Ecclesia, priusquam declinarent in hæresim, esse receptos *per manus impositionem in pœnitentiam*. Quod ipse etiam Cyprianus cum ceteris statuit, nempe cum Crescente a Circa, Cassio, aliisque PP. Synodi Carthaginen. a Cypriano congregatæ, ex Aug. l. 6. c. 15. atqui S. P. ibidem ostendit, eandem rationem habendam esse de baptizatis in Ecclesia, & in hæresi, probatque integra in utrisque manere Sacramenta; ergo credidit utroque reconciliandos *per solam impositionem manus in pœnitentiam*. III. Quod ait S. D. de valore baptismi extra Ecclesiam collati, idem asseruit de Confirmatione revincens Petilianum repudiantem Sacramentum chrismatis ab hæreticis collatum, ex l. 2. contra Petil. c. 104. ergo &c.

Dices: S. P. A. l. 3. de Bapt. c. 16. ait: *Manus autem impositio, non sicut baptismus repeti non potest*; ergo repetitur Confirmatio. R. neg. conf. Nam impositio manus, quæ potest iterari, non est Confirmatio; hinc de illa statim subdit: *Quid est aliud, nisi oratio super hominem?* ait ergo S. D. manuum impositionem repeti posse, quia non est sacr. signaculum imprimens characterem, ut est Sacramentum chrismatis, sed oratio, quam episcopus fundebat imponendo manus *substratis*. Adde, S. D. l. 5. c. 20. aperte Confirmationem a reconciliatoria manus impositione distinguere, & in hac esse cooperationem spiritus, & donum caritatis & pacis, cum in impositione manus Apostolorum esset Sacramentum imprimens characterem, quod habere etiam Simon magus potuit; ergo &c.

Prob. II. pars. Ideo enim putant nonnulli sensisse Cyprianum hæreticos recipi per manus impositionem *confirmatoriam*, quia in ep. ad Jubaj. ostendit iterandum baptismum, ex quo

ex quo catholici iterent Confirmationem dicens: *Si baptizari aliquis foris, & remissam peccatorum consequi potuit; secundum eandem fidem consequi Spiritum S. potuit, & non est necesse venienti manum imponi, ut Spiritum S. consequatur, & signetur.* Et in ep. ad Steph. pag. 275. ait, tunc redeunt ad Ecclesiam sanctificari, *si utroque Sacramento nascentur*, idem ait Nemesianus in Conc. Carth. Adde, si verba illa non accipiuntur de Confirmatione, posse Novatores ansam arripere dicendi, impositionem manus esse puram ceremoniam, nec a Cypr. admitti chrismatis Sacramentum; sed hæc momenta infirmissima sunt; ergo &c.

Prob. min. Licet enim forte Cyprianus Baptismum, & Confirmationem nullam crediderit apud hæreticos; falsum est tamen eum loqui de Confirmatione, ubi de hæreticis recipiendis sermo est. In eo enim deceptus est Cyprianus, quod crederet Stephanum sensisse, adultos ab hæreticis baptizatos remissam consequi peccatorum, unde sic arguebat: si tincti ab hæreticis hanc remissam consequuntur, cur redeunt ad catholicam expiantur impositione manus, ut sanctificentur; non ergo supponit Cyprianus, hæreticos recipi impositione manus *confirmatoria*, sed falso supponit a Stephano tradi, baptizatos ab hæreticis consequi remissam peccatorum; adeoque ibi non distinguit Cyprianus inter *characterem*, & *gratiam*. Nec obstat locus laud. ex epist. ad Steph. si enim verba illa stricte sumantur, *τὸ ex utroque Sacramento* potius ad Baptismum & Pœnitentiam, quam ad Baptismum, & Confirmationem referri debet.

Deinde *utrumque Sacramentum de aqua, & Spiritu S.* juxta illud Evangelii: *Nisi quis renatus &c.* accipi debet, non de aqua & Confirmatione. Sic enim arguit Cyprianus, & Nemesianus in Carthagin. Conc. Qui baptizantur ab hæreticis non renascuntur ex Spiritu S.; ergo nec valide baptizantur, nec renascuntur: id enim fit non *ex aqua solum*, sed *ex utroque Sacramento*, nempe *ex aqua & Spiritu S.*; ergo non loquitur Cyprianus, aut Nemesianus de Confirmatione, quæ nullibi dicitur regenerationis lavacrum. Nec inde sequitur posse, ex Cypriani verbis Novatores ansam arripere rejiciendi Confirmationem, non desunt enim ex Cypriano loca clarissima, quæ illam adstruant; ergo &c.

Dices: unde constat Cyprianum in falsa hypothefi argumenta sua contra Stephanum protulisse? R. ex ipso Cypriano. Præscribat enim Stephanus quoscunque hæreticos *in adunata Trinitate* baptizatos non repetito baptismo recipiendos esse *sola impositione manus in pœnitentiam*; sed hoc ipsum ait Cyprianus in ep. ad Quint. de illis, *qui in Ecclesia baptizati prius fuerant,*

*fuertant*, docens, iis, *si peccato suo cognito ad veritatem redeant*, sat esse *in penitentiam manum imponere*; fatebatur ergo Cyprianus, redeuntes hæreticos recipi ex veterum consuetudine *per manus impositionem in penitentiam*, non ad Sacramentum Confirmationis. Non ergo erat impositio manuum, qua recipiebantur hæretici in Ecclesia baptizati, ab ea diversa, qua recipiebantur baptizati in hæresi, nam utraque erat ceremonialis, & pœnitentialis; sed isti facilius veniam & pacem consequerentur, illi, ut desertores, & apostatae ad publicam pœnitentiam subeundam cogerentur.

Quæres: an inter characterem Baptismi, & Confirmationis sit aliqua distinctio? R. affirmative: per illum enim datur renato potestas, quæ ad ejus vitam & salutem spectat, per hunc traditur potestas ad spiritale certamen: per illum traditur signaculum civium spiritualis Jerusalem, per hunc Christiani militis nota. Licet enim cuique renato Christiano certandum sit, christianus tamen difficiliora prælia, etiam cum vitæ discrimine, & sanguinis effusione, pugnare debet. Vide S. Thomam, Eslum, Ponceium &c.

### C A P U T III.

#### *De ritibus, & ceremoniis Sacramenti Confirmationis.*

DE his agunt fusiori stylo Durantus, Casalius, Vicecomes, Martenius, alique. Plura nos quoque supra delibavimus, quæ non opus est hoc loco repetere. Sit ergo

PROPOSITIO I. In chrismatis consecratione recte servantur ritus Ecclesiæ Romanæ.

Prob. I. Claudius enim de Vert, qui oppositum tradit, censet ejus originem non fuisse mysllicam, eoque Ecclesiæ ritum instaurasse Judaicum: atqui chrisma in consecrationibus olim adhibitum ex cap. Exod. 30. typus erat Christi, quem *unctum* vocat Ps. 44. eaque consecratio legalis erat symbolum spiritualis ex ep. 1. Joan. c. 2. ergo &c. II. Licet ex Scacchio nostro Myroth. 1. c. 34. non negemus, athletas unguentis fuisse perlinitos, id tamen I. nil derogat S. Sacramentis, si aliquem habeant usum apud profanos, cui insit aliqua ad Sacramenti rationem analogia.

II. Non solum in profanis, sed etiam in negotiis idololatricæ, ut ait Tertullianus, constat dæmonem *emulanter* affectasse res divinatorum Sacramentorum, quod in unctionibus præsertim factum tradit Tertullianus, commemorans significationem militum factam a *Mithra* præcipuo sacrorum ministro.

III. In chrismatis consecratione culpant hæretici, quod episcopus

pus & presbyteri illud salutant dicentes : *Ave sanctum chrisma* : nam supersticiosum esse, ineptumque putant rei inanimi salutem dicere. Verum ritum hunc V. aut VI. sæculo obtinuisse, ut communem, constat ex Greg. M. ex Ordine Rom. & Pontificali Rhem. Pictavien. &c. Cultus autem ille chrismatis est relativus, non absolutus, & ad Christum, cujus est symbolum, est referendus. De Paula enim refert Hieronymus, cum Bethlehem pervenisset, clamasse : *Salve Bethlehem* : & Andreas alloquens crucem ait : *Salve crux pretiosa*, & in Ordine Rom. de die Paschæ habetur : *Salve festa dies*. Et apud Alcuinum de Urbe legitur : *Salve Roma potens &c.* IV. De chrismate statuitur ut singulis annis sit renovandum, & ut *vetus ignis comburatur*. II. ut presbyteri a proprio episcopo chrisma recipiant. Græco-Itali tenentur & ipsi a suo Latino episcopo Chrisma recipere, non vero a schismatico. III. Cautum est, ut chrisma sub sera caute custodiat. IV. neve pro eo *denarios vel munuscula* Ecclesiarum ministri recipiant.

V. Varios usus chrismatis refert continuator Witassii q. 2. sect. 6. nempe in consecratione episcopi, templi, altaris, calicis, patenæ, campanæ, aquæ baptismalis, in verticali unctione baptizatorum, & in Confirmatione. His adde usum chrismatis in benedictione cerearum imaginum, quas dicimus, *Agnus Dei* : olim quippe chrisma ceræ miscebatur, licet modo infundatur aquæ tantum. VI. Benedictiones, in quibus chrisma adhibetur, a solis episcopis fieri debent, nec possunt ab iis committi presbyteris, sine speciali sedis Apostolicæ privilegio, ex rescripto Sac. Congreg. Rit. die 17. Jan. ann. 1773.

PROPOSITIO II. Recte etiam adhibentur patrini.

Prob. I. ex praxi Ecclesiæ cap. In *Catechismo*, & ex cap. *Non plures*, atque ex cap. In *baptismate* apud Gratianum de Consecr. dist. 4. Cujus ritus S. Thomas q. 72. art. 10. hanc profert rationem, quod illi, qui seliguntur ad pugnam, debent instrui a veteranis in re militari exercitatis. II. In Confirmatione nemo teneri potest a patre, matre, vitrico, vel noverca ex Concil. Lond. an. 1200. celebrato, ex Cabilon. an. 813. & ex Nicolao I. ep. 19. ad Rodolphum Bituricen. episc. &c. Quod factum est propter cognationem spiritalem, quæ contrahitur *confirmantem inter, & confirmatum, illiusque patrem, & matrem, ac tenentem*, quos limites jam non egreditur ex Trid. Sess. 24. de Ref. Matrim. Eadem de causa vetat Pontificale Rom. ut nullus teneat, *nisi unum, aut duos, nisi aliter suadeat necessitas*.

III. Requiritur autem in Patrinis 1. Ut sint baptizati, & confirmati ex Pontificali Rom. &c. 2. Nec mares, sceminis, nec

nec hæ viris, nec senioribus juniores patrini esse debent ex Pontific. Rom. & Synodo Aquensi. 3. Ut confirmandi & patrini teneant memoriter orationem Dominicam, salutationem Angelicam, & symbolum Apostolicum, eaque recitent coram episcopo. Norint autem patrini, se in tutelam assumere confirmatum, eique tradere teneri, quæ probum decent Christianum, eis nomen immutare, si turpe sit, aut ridiculum. Neve iis vel minimum largiantur. 4. Non confirmatus alium suscipiens graviter peccat; contrahit tamen spiritalem cognationem ex Sylvestro, Soto, Sylvio, & tenetur ut supra. 5. Patrini infantes in brachiis tenere debent: adulti vero *ponunt pedem suum super pedem patrini sui*, ex Pontificali R. ex Ordine R. Greg. M. &c. Recte ergo S. Carolus in V. Mediol. Synodo ritum hunc appellavit *antiquum*.

PROPOSITIO III. Recte etiam adhibetur frontis inunctio.

Prob. I. ex Græcorum usu, qui, ut liquet ex Eucholog. p. 60. ungunt baptizatum *in fronte, oculis, naribus, ore, & auribus*, quarum unctionum congruam significationem exponit S. Cyrillus. Quædam Euchologia addunt unctionem manuum & pedum, sed unctionem hanc veteres omittebant ex Arcudio, & Goario. II. Ex usu Latinorum, qui tamen solam adhibent frontis unctionem, quia frons verecundiæ sedes est, & Confirmatio præstat, ne Christi nomen erubescamus, ut docent Florentina Synodus, Catechismus Rom. S. P. A. Innocentius III. D. Thomas, alique. Quare nec pectus roboris sedes inungi debet, ex D. Thoma, nec os, quo fit fidei confessio. Quoniam fidei confessio, nedum corde, vel ore, sed palam, intrepide, & absque erubescencia fieri debet. III. Cum frons in homine sit pars supereminens, ideo chrismate consignatur, ut Domino cruci affixo se se consignatum, & additum esse cognoscat, mundique pompas huic unctioni contrarias detestetur. Unde beata Agnes ait: *Posuit signum in faciem meam, ut nullum, præter eum, amatorem admittam*. Et Prudentius in Psychomachia inde nimis cultas carpit mulieres.

PROPOSITIO IV. Frons ex veteri consuetudine linea vitta liganda est.

Prob. I. Ex Synodis Mediolan. & Rothomag. & Pontificali Rom. quod non solum præcipit, ut frons nitida sit, ut abluatur caput, & tondeantur capilli, sed etiam ut vittis lineis frons illigetur, donec chrisma exsiccet. II. Manebat olim frons ligata *septem diebus*, ex Ord. R. ex Hugone Vict. postea *tribus diebus* ex Synod. Beneventana, & Trecensi: ad spatium 24. horarum coarctavit Synodus Carnoten. ann. 1526. sed abstinendum septem diebus a capitis ablutione statuit

Lugdu.



Lugdunen. an. 1542. Ita paulatim Ecclesiæ disciplina est immutata. Saltem cavendum est, ut chrismatis extensio fiat a sacerdote adhibito gossipio ex Synodo Mediolan. V. Bituricen, &c. III. Eadem Synodus statuit, ut hæ fasciolaræ cremenentur, & cineres servantur in primam diem quadragesimæ, neque in profanum usum transferri possunt. Si vero in usum Ecclesiæ deputentur, abluendæ prius sunt sale, & aqua in sacrum fundenda, lavandæ etiam frontes confirmandorum, cum vittæ auferuntur ex Trecenti Synodo, Senonensi, Carnoten. & Pontificali Romano.

PROPOSITIO V. Recte etiam confirmatus alapa ab Episcopo leviter cæditur.

Prob. I. Ex MS. Vaticano n. 4744. & ex alio Angel. Bibliothecæ, quorum ille 400. iste 500. an. ætatem superat: utraque vero ritum illum jamdiu institutum supponunt. II. Synodi Senonensis & Carnoten. confirmari infligi levem alapam tradidere, ut suscepti Sacramenti, & indelebilis characteris memoriam servant. Verum Concilium Colonien. Catechismus Rom. & S. Carolus, confirmatum leviter cædi ajunt, ut meminerit, se ut Christi athletam ad omnia pro Christo ferenda paratum esse oportere, ut Christus, qui ante Caiapham alapa percussus invicto animo injuriam pertulit. Errant ergo novatores, qui hunc ritum adhiberi putant loco impositionis manuum, per quam Apostoli conferebant Spiritum S. III. De pace vero ac benedictione hæc habet Catechismus Rom. n. 26. *Pax ei datur, ut intelligat se gratiæ celestis plenitudinem, & pacem consecutum esse.* At de Sacramento Confirmationis hæc dicta sufficiant.

## A P P E N D I X . I.

*Superioris lib. XXXII. in quo nonnulla adnotantur circa Confirmationis materiam.*

Sacram unctionem, præter manusimpositionem, esse Confirmationis materiam necessariam Prop. II. Cap. III. Diss. I. hujus libri ex PP. traditione monstratum est: atque illam in fronte, ubi pudoris est sedes, non autem in ore, vel pectore fieri debere ex D. Thoma Prop. III. Cap. præced. satis est declaratum. Constat autem ex Græcorum Euchologiis, Tom. IV.

nec non ex Latinorum Ritualibus libris, in ea frontis unctione signum crucis esse adhibendum. Quippe meminere hujus ritus Constitutiones Apostolicæ, Cyprianus, ac PP. alii, qui de chrismatis unctione scripsere. Hinc in Euchologio Græcorum legitur: *Baptizatum S. unguento ungit, crucis signum faciens in fronte.* Et in Sacramentario Gregorii: *Pontifex tinctus*

*in oleo pollice in Chrismate facit crucem in fronte.*

Proinde hanc ceremoniam esse ab Apostolis derivatam, explorata res est, quidquid hæretici obganniant, qui hanc, aliasque sanctissimas ceremonias novitatis, ac superstitionis accusant. Imo D. Thomas, aliique scholastici, quos sequitur Bellarminus, ad essentiam sacramenti illam spectare arbitrati sunt. Non desunt tamen viri doctissimi, quibus nos quoque subscribimus, qui licet fateantur nobiscum, hanc ceremoniam ab Apostolis derivatam, atque fidelibus ab iisdem præscriptam esse, aut inculcatam; negant tamen eam esse Confirmationis Sacramento essentialem: hæc enim ad modum spectat, non ad Sacramenti substantiam. Graviter tamen peccaret, qui signum crucis in illa unctione prætermitteret; ageret enim in re gravi, (in re nempe Sacramentaria) contra receptam consuetudinem, atque præceptum Ecclesiæ, quæ in Florentina Synodo hujus Sacramenti formam in hæc verba præscripsit: *Signo te signo crucis &c.*

Quamvis autem in Græcorum forma signum crucis non exprimitur. Neque hoc signum satis perspicue significet græca vox *σφραγίς*, signaculum quæ exat in Græcorum forma, quidquid asserat doctissimus nuper scriptor, *σφραγίς* enim sigillum, sive signaculum dicitur, ut observat cl. Auctor, potius a *charaktere*, quem in anima imprimit (teste Eusebio l. 3. H. E. c. 17. & l. 6. c. 35. ubi Clementem Alex. laudat, & Cornelium Rom.) quam ab inungendi ritu, in quo nempe signum

crucis adhibetur. Ungendum tamen in fronte baptizatum hoc signo omnes Rituales libri præscribunt, ut supra dictum est. Hujus autem ritus sanctissimi si rationem exposuimus, præter generalem illam, quæ omnibus Sacramentis æquo convenire potest, ut nimirum significetur, a cruce Christi quidquid virtutis habent derivari, est etiam specialis & propria. Cum enim Confirmatio detur ad robur, & gratiam obtinendam, per quam Christi nomen intrepide Christianus profiteatur, æquum est etiam, ut signum illud in fronte gerat, de quo maxime carnales homines erubescunt, quodque Judæis scandalum, gentibus stultitia est, ut observat S. P. Aug. Serm. 167. de Verbis Apostoli, ubi hæc habet: *Non est magnum in Christi sapientia gloriari, magnum est in cruce Christi gloriari. Unde insultat impius, inde gloriatur pius; unde insultat superbus, inde gloriatur Christianus. Noli erubescere de cruce Christi: ideo in fronte, tamquam in sede pudoris, signum ipsum accepisti. Recole frontem tuam, ne linguam expavescas alienam.* Et S. Carolus Borromeus in Actis Mediol. Eccl. p. 4. de Sac. Confirm. ait, per signum crucis ostendi: *Christianum non verecundiam, quæ in fronte maxime elucet, neque metu perterriti unquam debere quin palam & libere Jesum Christum cruci affixum confiteatur.* Porro in unctione illa non oleum quodcumque, vel ex solis olivis expressum, sed balsamo permixti fieri oportere, a nobis suo loco in superioribus monstratum est. Errant proinde Syrc-Nestoriani, atque inter eos quidam Joannes Zug-

Zugbi, Ebedejesus Sobensis, aliique, qui non in myro optimo (unguento nempe, vel balsamo) ut in Ecclesia Occidentali, ab Apostolis traditum esse sacrum chrisma opinantur: Quia

in re non solum Sacramentum hujusmodi suspectum reddunt; sed graviter peccant, Occidentales summa injuria damnando.

## APPENDIX II.

## Circa Confirmationis formam.

Validam esse Græcorum formam in hæc verba: *Σφραγίς δωρεᾶς ἁγίου πνεύματος ὑμῖν*: Signaculum doni Spiritus sancti Prop. III. Cap. IV. Diff. I. hujus libri ex Asterio; Cyrillo &c. nec non ex Jeremia Patriarcha C. P. fuit demonstratum. Profert etiam Benedictus XIV. testimonium Cardinalis Bessarionis, qui in suo Opusculo de Euchar. idipsam confirmat canone Concilii C. P. I. *Quamvis autem hæc Cardinalis assertio, subdit doctiss. Pontifex, oppugnata fuerit a Lupo, vix tamen erit, ut Lupi sententia plures inveniat suffragatores, præ sententia Bessarionis, quo certe, ut animadvertit Arcudius l. 2. cap. 7. quæ sunt in Ecclesia Occidentali circa Sacramentorum administrationem, præstantius calle-re poterat nemo. Arcudio consentiunt Goarius, & Habert, omisiss aliis, qui facile cumulari possent: Satis hic erit asserere, quæ habentur in Synodo Zamoscia, ubi agitur de Sacramento Confirmationis: forma quam probata laudant Euclogia hæc est: signaculum doni &c. eaque semel dumtaxat simul cum ipsa unctione proferri debet.* Hactenus laudatus Pontifex Benedictus XIV. Major difficultas de Armenis occurrit, eo quod in decreto pro iis edi-

to ab Eugenio exprimat communis forma: *Signo te &c.* Credibile est tamen, Eugenium hanc formulam proposuisse quidem, sed noluisse illos ad proprii ritus mutationem obstringere, cum non appareat, Romanos Pontifices Armenos coegisse deinceps ad mutandum hac in re ritum ac formam in Confirmatione adhibendam. In diversis Ritualibus variæ adhibentur formulæ, ut in Rituali Severi Alex. ubi hæc forma reperitur: *Chrismate sancto, suavitate odoris Christi Dei; sigillo veræ fidei, complemento pignoris Spiritus Sancti obsignatur N. in nomine Patris, Amen; & Filii, amen, & Spiritus S. amen, ad vitam seculorum, amen.* Quibus verbis vera hujus Sacramenti formula exprimitur, ac vere perficitur Sacramentum. Formula, quam adhibet Syro-Nestoriani, quamve adornavit in Ordine abolutionis apostatarum, & receptionis hæreticorum Jesujabus catholicus apud Assemanum Tom. 3. Bibl. Orient. pag. 176. ita se habet: *Si autem sua voluntate fidem deseruit, indiget trina consignatione baptismi, prima, quæ in prædicta lavatione fit, altera, quæ in fine orationis manus impositione peragitur, tertia demum cum illo*

*sancto oleo in fronte pollice consignat dicens: Consignatur talis in nomine Patris &c. Qua in re, ait laud. Affeman. Nestoriani præscriptam a Concilio II. Œcumenico Chriftatis Confirmationis formam observant. Reapse ita confirmando dubium non est, quin debitam formam adhibeant, cum verba illa per se materiam determinare, ac spiritalem hujusce Sacramenti effectum designare valeant.*

Verum cum constet aliunde, Nestorianos ex prava Canonis 7. Synodi II. intelligentia sentire, apostatas, ac hæreticos promiscue omnes ad Ecclesiam redeuntes iterum baptizandos: cumque laud. Synodus id pronunciaverit de folis Eunomianis, Sabellianis, ac Montanistis, qui præscriptam a Domino formam violabant, si Confirmationem in recipiendis hæreticis adhibent Syro-Nest., ut conferant Sacramentum, magno in errore versantur, ut observat, Goarius p. 699. cum fides doceat, Confirmationem, non secus ac Baptisma, & Ordinem iterari non posse. Ceterum non est improbandus ritus ille recipiendi hæreticos ad Ecclesiam redeuntes, juxta præscriptum illius canonis, quem ex ep. Methodii Patriarchæ de suscipiendis hæret. depromptum existimat laud. scriptor, si eo animo adhibeatur, ut non ad Sacramentum perficiendum, sed ad puram Ecclesiæ ceremoniam referatur: Nimirum

*ut hac signorum exteriori repetitione, aut amissæ gratiæ, quam receperant in Confirmatione, aut nunquam acceptæ propter hæresim, memores fierent, ait cit. loco Goarius. Hinc Benedictus XIV. de Syn. dicecesana censet in laud. canone non agi de Confirmatione, sed ceremoniam designatam indicari. Fallitur ergo cl. Renaudotius, qui Tom. 2. Liturg. Orien. pag. 644. de forma chrismatism apud Nestorianos hæc habet: Ut apud Græcos confertur chrisma dicendo: Signaculum doni Spiritus S., ita Nestoriano ritu per hæc verba: Pignus Spiritus S., ut discimus ex Ordine baptismatis Syriaco Mar-Jesuiab catholici, quem habemus descriptum ex Cod. Eliæ sacerdotis. Quamvis enim in illis verbis constitui possit Confirmationis formula, cum similibus verbis passim significaverint Patres Confirmationis effectum: falsum est tamen verba illa adhiberi a Nestorianis pro forma Confirmationis, sed potius videtur ad eam proclamationem accedere, ait Affem. loc. cit., quæ apud Syros fieri solet supra ordinatos in diaconos, vel presbyteros: Ordinatus est in Ecclesia sancta talis diaconus vel presbyter. Veluti Nestoriani Pontifices dicunt supra, ordinatus in diaconos &c. Santificatus est, consecratus est talis. Quod edictum, seu publicatio peractæ ordinationis potius est, quam forma.*

## APPENDIX III.

*De Confirmationis ministro.*

Ordinarium hujusce Sacramenti ministrum solum episcopum esse Prop. I. Cap. I. Diff. II. declaratum est. Quo in loco Photii argumenta paucis verbis congesta brevissime refutavimus. Præstat autem hoc loco Græcum Græco opponere, & Photii objecta ipsis Arcudii verbis refellere: qui Schismatis opificem, (sic Photium Joannes Metonensis appellat) his verbis perstringit: *Legem querit Photius: in Dial. adv. Lucif. de hoc Sacramento agens, inquit Hieronymus: Ubi scriptum sit? In actibus Apostolorum. Hoc idem responsum sibi babeat Photius. Et si enim de ea re nullum esset Græcorum canon; facile tamen ex Act. 8. & 19. id colligere potuisset. Non enim temere Petrus, & Joannes missi sunt, qui baptizatis a Philippo manus imponerent, ut Spiritum S. acciperent. Et cum alibi scriptura de ministro baptismi nullam mentionem faciat, quippe minister urgente necessitate quilibet esse potest; Paulum tamen imposuisse manus, ut baptizati acciperent Spiritum S., velut ministrum proprium, merito commemorat. Quam responsionem confirmat non solum auctoritate Chrysostomi hom. 18. in act. Apost., ubi de collatione Spiritus S. per manus impositionem ait: *Τὸτο γὰρ τὸ δῶρον μόνον τῷ δόδεκα ἢ: Hoc enim erat donum dumtaxat duodecim Apostolorum, quem locum nos quo-**

que in prob. produximus, sed etiam Clem. Romani, & Dionysii Areopagitæ summæ apud Græcos auctoritatis. Pergit subinde Arcudius Photium suis verbis refellere: *Igitur (inquit Photius) neque baptizare omnino licet sacerdoti. Igitur dicamus nos, neque baptizare in necessitatis articulo diacono, aut laico licet. Quia neuter in necessitate confirmare potest. Pergit Photius: neque sacrum conficere. Quorsum id? Quasi vero necessario illud sit consequens, ut qui sacrificat, necessario quoque confirmet, vel dimidiatus sit sacerdos, si confirmare non valeat. Quod si Photius colligit, dimidiatum fore sacerdotem, si non confirmet, dimidiatum quoque sacerdotem fateatur necesse est, quia sacros ordines conferre, chrisma consecrare, & cetera Pontificum munera exercere non potest: longe enim perfectior esset, si hæc præstaret. O acumen Photianum quam pueriliter ratiocinaris! Hætenus Arcudius.*

Nec obstat Hieronymi locus, quo in Dial. adv. Lucif. præsertim Dallæus abutitur in suo libro de Confirmatione, ubi S. D. ait: *Ad honorem potius sacerdotii, quam legis necessitate observari, ut in Ecclesia baptizatus, nisi per manus episcopi non accipiat Spiritum S. Siquidem S. D. his verbis nil aliud significat, ut demonstrat Arcudius, quam Sacramenti hujus administrationem, cum absolutæ necessitatis non sit, ut baptismus,*

non debuisse cuilibet demandari, sed episcopali honori reservatam fuisse: cum episcopi dignitas hinc plurimum commendetur, quod veluti Christianæ militiæ dux baptizatos hoc Sacramento perficiat. Cum enim Sacramento Confirmationis deputetur homo ad Christi fidem fortiter profitendam, satis constat, ait S. Thom. qu. 65. art. 3.: *Solius episcopi esse, qui est quasi princeps in Ecclesia, hoc Sacramentum conferre, cum nonnisi principis sit milites conscribere*. Quibus verbis & ps Photio, ac Dallæo prorsus obstruitur, & catholicum dogma validissima ratione firmatur.

Merito ergo in Synodo Nationali Maronitarum, quæ in monte Libano coacta an. 1736. a Benedict. XIV. sua auctoritate firmata est ann. 1741. hæc ad rem nostram statuta sunt: *Majores nostri statim post baptismum tam infantes, quam adultos consueverunt sacro chrismate perungere; idque per simplices Sacerdotes etiam, quibus Patriarchæ, & episcopi hanc facultatem concesserant, quemadmodum ex Ritualibus apparet. Quia vero Patriarchæ nostri Latino ritui consentientes decreverunt, ut deinceps nemo, nisi episcopali dignitate præditus, Sacramentum Confirmationis administraret, ideo mandamus omnibus parochis, archiepiscopis, chorepiscopis &c. ne audeant in posterum bapti-*

*zati frontem sacro chrismate perungere, & verba illa, quæ ad Confirmationis Sacramentum adeoque ad episcopum, tamquam ordinarium illius ministrum spectant, recitare; sed illis omnis intingant pollicem in sacro chrismate, & ungant baptizatum in summitate capitis, dicentes orationem ex Ritualibus Rom. desumptam, quæ sequitur: Deus omnipotens pater D. N. J. C. &c. Et cap. 4. de Sacram. Confirm. can. 2. ait: Quia vero tam in nostra, quam in reliquis Orientalibus Ecclesiis antiquis: mos obtinuerat, ut statim post baptismum etiam Sacramentum Confirmationis conferretur, quemadmodum a Concilio Laodicensi prescribitur, hac tamen in re servandum precipimus, quod dudum a Reverendis Patriarchis injunctum est, ne simplices sacerdotes de cetero præsumant hoc Sacramentum administrare, sed illum episcopi dumtaxat conferant; illum Trid. Synodi canonem præ oculis habentes: Si quis dixerit Confirmationis ordinarium ministrum non esse solum episcopum, sed quemvis simplicem sacerdotem, anathema sit. Merito ergo Benedictus XIV. in sua Constit. *Essi Pastorale* presbyteris Italo Græcis expresse vetuit, ne baptizatos chrismate consignent. Ex quibus omnibus assertio nostra stat sua soliditate firmissima, & schismaticorum, atque hæreticorum calumnia nullo negotio dispellitur.*

## LIBER XXXIII.

*De Sacrosancto Eucharistiæ Sacramento.*

**P**OSTQUAM Sacramento Confirmationis, quod olei pinguedine significatur, impressit Dominus signaculum gratiæ, & sanctificationis sigillum, instruit eis *mensam*, in qua aluntur Filii hominis carne, & sanguine inebriantur. Cum ergo in superiori libro de Sacramento chrismatis egerimus, nunc de Eucharistiæ mysterio disputabimus. Ac I. quidem de ejus institutione, & essentia. II. De reali Christi Domini in Eucharistiæ præsentia. III. De ministro, subjecto, ac ritu hujusce Sacramenti. IV. tandem de incruento Missæ sacrificio breviter verba fient.

## DISSERTATIO I.

*De Eucharistiæ institutione, materia, ac forma.*

**E**ucharistiam esse novæ legis Sacramentum, nedum catholici, sed etiam hæretici asserunt, qui duo tantum Sacramenta recipiunt baptismum nempe, & Eucharistiam. Hanc autem ita definimus cum cl. Auctore: *Eucharistia Sacramentum est, in quo sub panis vinique speciebus Christi corpus & sanguis continetur ad spiritalem animarum nostrarum refectiorem*. Constat autem Eucharistiæ Sacramentum & *visibili specie elementorum*, & *invisibili Domini nostri carne & sanguine*, non autem in sola Symbolorum consecratione, aut sumptione consistit. Ac primum eruitur ex cap. *Hoc est de Consecr.* dist. 2. ubi etiam corpus Christi, quod est res Sacramenti, corpus Christi dicitur: *Caro carnis, & sanguis Sacramentum est sanguinis*, & ex Gregorio, qui cap. *Multi* 1. q. 1. n. 84. ait: *Sunt autem Sacramenta baptisma, chrisma, corpus & sanguis Christi, quia sub tegumento corporalium rerum virtus divina salutem eorundem Sacramentorum operatur*.

Alterum vero, ubi dicitur Eucharistiam, sitam esse in sola consecratione falsum est, non enim consecratio, sed res consecrata est Sacramentum, in eo autem, quod asseritur in sumptione sitam esse Eucharistiam aperte est hæreticum: fit enim Sacramentum, quando *accedit verbum ad elementum sensibile*, quod fieri ante Eucharistiæ sumptionem notum est. Vide Maldon. q. 2. de Euchar. Ad institutionem vero hujus Sacramenti

ti quod attinet, agemus hoc loco de tempore, tum de ordine ac modo qua Christus Dominus illud instituit.

## C A P U T I.

*De tempore, quo Christus Dominus Eucharistiam instituit.*

**N**OT. I. Eucharistiam a Christo in ultima cœna, postquam Judaicum Pascha manducavit, fuisse institutam, vulgaris sententia est, qua autem die mensis *Nisan Phase* immolaretur, controvertitur. Noster Aloysius Legionen. ejusque discipulus Basilius Poncius, censet mactatum agnum luna 14. ineunte, ex qua sententia sequitur, Christum celebrasse cœnam *ante diem festum Paschæ* ex Jo. Evang. crucique suffixum in parasceve Paschæ (*non in die festo*) in quo nefas erat accusare, & exercere judicia: quæ sententia summo plausu eruditorum suscepta est, eamque Gallice vertit ann. 1695. P. Daniel. Eam tamen oppngnarunt Tournelyus, l' Hierminier, Vitasse, &c.

Not. II. Harduinus, Bucherius, & Pearsonius censent, celebrandum fuisse Pascha luna 14. exeunte, adeoque duplicem distinguunt *neomeniam*, nempe a luminarium congressu, & a prima lunæ phasi. Judæi ergo Pascha celebrarunt a prima lunæ phasi; Christus autem, more Galilæorum, a luminarium congressu, & *pridie, quam pateretur*. Unde inferunt, Christum statuta die manducasse supremum Pascha: atque idem servasse, licet diverso tempore, Jerosolymitas; adeoque crucifixum Christum eo die, quo Jerosolymis erat profectus dies, non Pascha.

Not. III. Quidam putant, Christum extremo vitæ suæ anno Pascha non manducasse, ut figura immolationis agni in Christi crucifixione impleretur. Itaut, cum Christus Dominus discipulis rogantibus: *Ubi vis paremus Pascha?* respondit: *Ite in civitatem &c.* intellexerit de celebratione Paschatis nobilioris, idest de institutione Eucharistiæ. Ex qua sententia non sequi putant institutam Eucharistiam *in fermentato*: ajunt enim in vespere, quæ præcedit agni mactationem, omne fermentatum e domibus Judæorum fuisse sublatum. Ita Lamyus, Calmet, Tourneminus, Grotius, alique, quibus Græcorum nonnulli accessere.

Not. IV. Alii tenent, Christum instituisse Eucharistiam, & Pascha simul celebrasse luna 14. Judæos tamen distulisse mactationem agni in lunam 15. post Christi mortem, idque vel ex quadam judaica traditione, qua Pascha incidens in feriam 6. transferebatur in sabbatum proximum, ne duo simul festa

con-



concurrerent, ut vult Burgenſis; vel, ut Petavio placet, quia eo anno, quo mortuus eſt Chriſtus duplex fuit Paſcha: legitimum unum a Chriſto luna 14. celebratum, præpoſterum alterum a Scribis & Phariſæis ex corruptela, ut Jeſum perderent, celebratum luna 15. Quod etiam ſentiunt Voſſius, Sigonius, Lupus, aliique. Abierunt autem Doctores in tam varias oppoſitasque ſententias, ex quo Joannes dixerit, Chriſtum cœnam ſuam celebraſſe, *ante diem feſtum Paſche*; pluraque narret, quæ videntur oſtendere, diem emortualem Chriſti non fuiſſe diem feſtum, quæ etiam ad evertendum azyum Græci opponunt. His notatis, ſit

PROPOSITIO I. Paſcha Judaicum immolabatur luna 14. exeunte, horis pomeridianis 14. diei menſis *Niſan*, quas conſequebatur vesp̄era initiumque diei 15. & Paſchæ ſolemnitas.

Prob. I. Exod. 12. v. 6. juffit Dominus, ut Phachiſ agnus ſervaretur uſque ad diem 14. *Niſan*, dicens: *Immolabitque eum univerſa multitudo filiorum Iſrael ad vesp̄eram*, ubi Hebræus legit בין הערבים, *ben habarbaïm* inter duas vesp̄eras. Ita Samaritana, Syriaca, & Arabica verſio: ſed τὸ inter vesp̄eras eſt inter tempus vesp̄ertinum diei 14. & vesp̄eram, unde exordium ducit dies 15. ergo maſtandus erat agnus luna 14. exeunte, & manducandus ſub noctem diei 15. Prob. min. ex Rab. Kimki in lib. Rad. Inter duas vesp̄eras, i. e. a tempore inclinationis ſolis ad occidentem, quod eſt a 6. hora, & ulterius uſque ad noctem. Dicit autem ערבים *harbim* quod notat duas vesp̄eras. Nam a tempore, quo ſol incipit declinare, ea eſt vesp̄era una; poſt occaſum ſolis eſt vesp̄era altera; inter hoc tempus eſt illud, quod dicitur בין ערבים Et R. Maimonides in *Koeban Peſach* ait: Paſcha maſtandum erat die 14. poſt meridiem. Joſephus l. 6. de Bell. c. 19. ſcribit: *Paſchales viſtimas maſtari ſolitas a 9. hora uſque ad 11. Talmud poſt 8. & dimidiam. Conſentiunt Lorinus, a Lapide, Menochius, Lippomanus, & Lyranus, qui ait: Vesp̄era, prout hic accipitur, incipit a ſeptima diei 14. quia ex tunc ſol incipit tendere ad occaſum. Et ab illa hora poteſt immolari Phaſe. Immolabatur autem ad vesp̄eras, quia illa hora jam pertinebat ad diem ſequentem ſolemne.*

II. Vesp̄eram, ad quam maſtabatur Paſchalis agnus, excipiebat feſtus dies 15. ergo non erat prima vesp̄era diei 14. ſed ſecunda. Prob. ant. l. ex Mart. 17. qui feriam 6. poſt inſtitutam Euchariftiam vocat: *Diem ſolemne*. II. Joſephus l. 3. Ant. c. 10. ait, maſtari Paſcha menſe *Xantico*, i. e. *Niſan* 14. *Die autem 15. paſchalem excipit feſtivitas azy morum*, ſed hoc falſum eſſet, niſi immolatus fuiſſet Agnus exeunte luna 14. unde PP. docent, Chriſtum cruci ſuffixum in ſolemnitate Paſchali; ergo &c.

III. S. P. A. ep. 36. ad Caſul. ait, Matthæum quintam Sab-

Sabbati appellasse primam azymorum : *Quia ejus vespera sequente futura erat cœna Paschalis, qua cœna incipiebat azymum, & ovis immolatio manducari.* Prob. III. Exod. 12. de Paschæ ceremoniis habetur : *Nox ista observabilis, quando eduxit eos de terra Ægypti, Et Deuter. 16. : Immolabis Phasē vespere ad solis occasum, quando egressus es de Ægypto.* Unde Josephus l. 17. Ant. 9. ait : *Pascha in memoriam exitus ex Ægypto dicitur instituta ; atqui Israelitæ profecti sunt de Ramesse mense primo, 15. die mensis 1. altera die Phasē, ex Num. 33. v. 3. ergo tempus agni mactandi est vespera lunæ 14. Confirmatur : nam ibi de nocte, qua manducaverunt agnum habetur : Eadem die egressus est exercitus de terra Ægypti, Hebræus legit : In corpore diei illius, sed hoc verum non esset, nisi Phasē immolatum esset luna 14. exeunte, & cœna Paschalis ineunte luna 15. ergo &c. Nec verba illa : Altera die, significant, inter Phasē, & egressionem integram diem intercessisse, sed immolatum agnum exeunte 14. & inchoata jam die 15. Israelitas aufugisse : unde Hebræus habet : *A crastino Pesach, nempe die crastina post mactationem paschalis victimæ, & Lxx. Postridie ipsius Paschæ.**

Prob. IV. Marci 14. Judæi primo die azymorum Paschæ immolabant, sed hæc solemnitas incidit in diem 15. ex Levit. 23. ubi habetur xiv. die mensis ad vesperam Phasē Domini est, & 15. die solemnitas azymorum ; ergo vespera ad immolationem phasē designata ea est, quæ antevertit 15. diei. Adde, azymos septem diebus esse comedendos ex c. 12. Exod., & usque ad 21. mensis ad vesperam ; ergo festus azymorum a die 15. non a 14. & a luna 14. exeunte, non ineunte, ducebat initium. Hinc est, quod nostra etiam ætate Judæi Paschales ceremonias observant luna 14. secundis vespere, & nocte præcedente 15. lucem Nisan, ait Maimonides cap. 6. Pesach. Moses Ægyptius, Leo Mutinen. &c.

Prob. V. Ex Hieronymo in 26. Matt., & Beda in Arg. lunæ §. de Myst. xiv. diei : xiv. dies mensis primi est, quando luna plenissima est, sed hoc non fit, nisi 15. die ingredientem, ergo &c. Hinc Bedas de Rat. temp. ait : *Quod Dominus 15. luna crucem ascenderit nulli licet dubitare catholico : ne legi quæ agnum Paschalem 14. die primi mensis ad vesperam immolari precepit, & Evangelio videatur incredulus ; ergo &c.*

Dices : videtur inverisimile inter immolationem Phasē, & exitum de Ægypto unicum noctem intercessisse, & in ea Judæos ab Ægyptiis longe distitis vasa accepisse, singillatim per familias Pascha mactasse, primogenitos percussos esse, Pharaonem Memphim accersisse Moysem ; hunc vero tot turbas statim adunasse &c. ; ergo &c.

R. I. hoc argumentum etiam ab adversariis esse solvendum. Non enim hæc omnia spatio intermediæ diei fieri possunt. R. II. cum Josepho l. 2. Antiq. c. 14. : *Deus ostendens adhuc una plaga percutiendos esse Ægyptios, ut cogerentur Hebræos dimittere, jussit Moysen edicere populo, ut in promptu haberent sacrificium. Et ille quidem, cum Hebræos ad egressum expeditos haberet, & per tribus dispositos in uno loco eos constinebat, 14. autem illucescente omnes sacrificabant, atque domos suas sanguine purificabant, cumque cœnassent tamquam exituri, reliquias carniū exusserunt.* Narrat subinde, eadem nocte Israelitas a Pharaone dimissos : quæ omnia scripturis cohærent. Vasa autem jam antea Israelitæ petierant ab Ægyptiis, ergo &c.

PROPOSITIO II. Judæi Christi ævo nec duplici Neomenia, nec duplici astronomico calculo usi sunt.

Prob. I. Nam de duplici Neomenia in scripturis ne verbum quidem. Imo Exod. 12. de Phasæ dicitur : *Immolabit eum universa multitudo filiorum Israel.* Ubi Hebraicus habet : *Omnis cætus Synagoga*, Targum : *Omnis Ecclesia* : Samaritanus : *Omnis congregatio Synagoga*, apud Walt. t. 1. Polygl. p. 274. ergo &c. Adde, die statuta pro mactatione agni & domibus Judæorum abjiciendum fuisse fermentum Exod. 12. 15. & a vespere illius diei incipiebat dies 1. Azymorum. Cum ergo Judæi omnes Jerosolymam convenirent ad Paschæ celebrationem, & in ea urbe fermentum non esset ablatum luna 14. subducta a conjunctione planetarum Jerosolymitanis transgressi essent legale præceptum, retinendo in domibus suis (quæ advenis patebant, & in quibus Pascha faciendum erat) fermentum die 1. azymorum ineunte; ergo &c.

II. Diem Neomeniæ non ad nutum Judæi statuebant, sed a Synedrio traditum est observare lunæ phasim : & cum Synedrium indixerit diem illum pro Neomenia, idem habendus est pro Neomenia, juxta illud Exod. 12. *Mensis iste vobis &c.*, idest hujus determinatio vobis tradetur a Synedrio; ita R. Moses tract. *Kidusch habod*; fidelitja est ergo duplex Neomenia Harduini. Reapse Neomenia Hebræorum est, cum incipit sol splendore sensibili lunam illustrare, ait Philo de Septenario, eaque indicebatur cornea tuba supra templi tectum, ut probat Lorinum ex Psal. 80. *Buccinate &c.* Unde Judæi in omnibus Neomeniis semper phasim servarunt, ut ex veteris scriptoris fragmento constat apud Clementem Alexandrinum l. 6. Stronq. : *Nisi apparuerit luna, non celebrant Neomeniam.* Vide Petavium, Bucherium, Panvinium, Peritum, Bochartum, Seldenum, Spencerum &c. III. Ex historicis constat, Judæos omnes simul Phasæ immolasse, Nam Philo loco cit. ait, eos sacrificare

care *per cætus populares a meridie ad vespèram usque*, *victimam communem* 14. *mensis*. Josephus lib. 6. de Bell. c. 9. ait, sub Cestio ex victimis a 9. hora usque ad 11. numerata virorum purorum 27. centena millia ex diversis *Judeorum locis*. IV. Harduini sententia nititur regulæ פסח כרז לא, lo *Badu pefach*, ne secunda dies azymorum esset festivus &c. Sed hoc ævo Christi non erat in usu; ergo &c.

PROPOSITIO III. Christus pridie, quam pateretur, *Pascha legale* cum discipulis comedit.

Prob. I. ex scripturis. Ubi postquam narratum est, Matt. 26. quod discipuli: *Sicut constituit illis Jesus, paraverunt Pascha*, habetur: *Vespere autem facto discumbebat cum 12. discipulis suis*, quibus inter cœnandum ait Jesus: *Desiderio desideravi hoc pascha manducare vobiscum, antequam patiar*, sed ex variis hujus facti circumstantiis satis constat, ibi describi cœnam, qua manducabatur agnus typicus post meridiem lunæ 14. immolandus; ergo &c. Prob. min. I. Accesserunt discipuli ad Jesum *prima die azymorum &c.* Marc. 14. atqui *septem diebus* erat *azyma* comedendum Exod. 12. quarum prima celeberrima & sancta erat dies 15. ex Num. 28. ergo accesserunt ad Jesum discipuli non ante diem 14. sed ineunte azymorum solemnitate. Nec dicas cum Grotio, & Lamyo, enumerari a Josepho non septem, sed octo dies azymorum; nam is l. 3. Ant. c. 10. expresse ait: *Die 15. paschalem excipit azymorum festivitas septem dierum*, eamque diem 15. Judæis celeberrimam ait propter liberationem a servitute Ægypti, ut scribit l. de Bell. Jud. Pascha ergo, & dies primus azymorum sunt una eademque dies. Ubi autem dies octo azymorum numerantur, comprehenditur in his dies 14. in qua fiebat investigatio fermenti, ne post immolationem inveniretur in domibus Hebræorum.

II. Missi sunt duo discipuli in Jerusalem, qui *paraverunt Pascha & discubuit* Christus cum Apostolis. Nam Jerosolymis tantum fas erat immolare phasæ, quo paschali tempore Judæi omnes confluebant. Post mactationem agni facto vespere instituebatur cœna paschalis, in quam neque *pauciores domus*, neque *plures 20. epulatoribus* conveniebant, ex Jos. l. 6. de Bell. c. 9. ergo cœna Christi peracta est omnibus ritibus servandis in manducatione agni typici. Idem ostendunt verba Christi: *Desiderio desideravi &c.* cur enim τὸ *paraverunt Pascha*, necesse erat occidi *Pascha* de agno typico accipi debent, non illa? Hinc Epiphanius Hom. 30. c. 22. ait: *Pascha illud carnes erant igni roste*. Nec Epiphanius adversantur, qui pro hoc Paschate accipiunt Eucharistiam, utramque enim, cœnam

cœnam typicam, & Eucharisticam instituit Dominus eadem nocte: hinc vehemens Christi desiderium. Quia *magna mysteria* post cœnam erat discipulis traditurus, ut ait Theophylactus; ergo &c.

Prob. II. ex auctoritate & traditione Trid. Syn. sess. 22. c. 1. *Celebrato veteri Pascha, novum instituit.* Et Catech. R. *Celebrata cum discipulis agni Paschalis cœna.* Item in hymn. ad vesp. Corp. Christi habetur: *In supræmæ nocte cœnæ &c.*, & ad Matut. *Post agnum typicum &c.* Deinde, cum Quarto-decimani suæ opinioni pertinaciter adhærerent, ex quo Christus Pascha celebraverit luna 14. nec Victor, nec Nicæni PP. responderunt, Christum non fuisse sequutum Judæorum consuetudinem, quod ad eos refellendos fuisset expeditissimum, sed responderunt, aliam ineundam esse viam, postquam legalia sunt abrogata.

III. Epiphanius usum carniū damnantes Ebionæos refellit, ex quo Christus etiam *Judæorum Pascha comederit*, quæ constabat agno &c. IV. PP. impugnarunt Manichæos, & Marcionitas veterem legem, ut a Deo malo latam, damnantes, ex quo etiam Dominus servaverit Pascha a Moyse promulgatum: unde Tertullianus contra Marc. c. 40. ironice de Christo ait: *O legis destructorem, qui concupierat etiam Pascha servare!* Hinc Epiphanius Hær. 42. ait: Marcionitas hæc Evangelii loca, quibus se premi. norant, depravasse; qui ergo loca ista alio detorquent, Patribus arma surripiunt, quibus hæreses debellarunt. IV. Chrysostomus etiam hom. 81. in Matth. ait, Christum Pascha servasse, *ut omnibus ostenderet se non esse legis adversarium.* V. Ambrosius ep. 23. ad episc. Emiliz ait, servatum a Domino Pascha Mosaicum Exod. 12. indictum luna 14. Idem tradit Hieronymus, alique; ergo &c.

Prob. III. ex adversæ sententiæ infortuniis. Nam, cum primum illam excogitarunt Ebionæi, & Marcionitæ, execrabilis visa est PP. ut autem IX. sæculo quidam Græcorum eam secuti sunt, Photius ipse, licet eam ad azyma eliminandum nosset aptissimam, censuit tamen Cod. 116. temere prolatam, ex quo *Chrysostomus & Ecclesia doceant, Christum legitimum Pascha perfecisse, antequam mysticam cœnam institueret.* Harduinus etiam hoc placitum a Grotio, & Lamyo ex orco revocatum furorem appellat, atque intolerandam audaciam. Suarez singulari modestia præditus to. 2. in 3. part. disp. 40.: *Hæc sententia, inquit, est plane hæretica, eamque a quæstionibus fidei confixam, ut prolatam contra sacram literarum fidem, contra Ecclesiæ auctoritatem, & SS. PP. doctrinam, coniecto in carcerem Hieronymo Vecchietto, narrat Nicius Ery-*

Erythræus Pinacoth. Virorum illustr. pag. 196. Nos vero hanc sententiam, si minus hæreticam, certe falsissimam demonstravimus.

PROPOSITIO IV. Christus eadem die cum Judæis Pascha typicum celebravit.

Prob. I. Christus enim Pascha celebravit *primo die azymorum*, quando Judæi Pascha immolabant, Marc. 14., ubi Syriaca versio habet: *Quando sacrificant Judæi Pascha*. Persica: *Quo Judæi Pascha mactant*; ergo eadem die; quæ Christus, etiam Judæi agnum paschalem immolarunt. II. Corristat ex Prop. II. Neomeniam, diemque Paschalem præstitutam fuisse a Synedrio, *secundum lune phasim*, idque servatum etiam Christi ævo; ergo &c.

Nec dicas: his legibus Christum non fuisse subjectum: nam singulari humilitate ascendit Jesus Jerosolymam ad celebrandum Pascha, quando illud Judæi agebant, & festorum consuetudinem, sive secundum legem, sive secundum Synedrii statuta, ad extremum usque servavit. III. Agnus, ex legis præscripto, ab universo coetu Israel, sive, ut ait Philo in vita Moysis: *Univerſo populo concurrente*, immolandus erat. Non mactabatur agnus, nisi in atrio templi, neque comedebatur, nisi fermento e domibus sublato; atqui, nisi Christus eadem die ac Judæi typicum agnum comediſſet; hæc leges omnes violasset; ergo aut Pascha non celebravit, quod falsum est, aut eadem die cum Judæis celebravit. IV. Nisi Christus Pascha cum aliis celebrasset, ac statim per leges tempore, id fuisset illi a Judæis objectum, nec forte Jerosolymitarum aliquis domum suam ei commodasset: cum tamen urgente solemnitate, ob confluentium multitudinem, Judæorum ædes cuique paterent; atqui id nemo vitio vertit Christo Domino; ergo &c.

PROPOSITIO V. Nemo Judæorum Christi ævo distulit Pascha.

Prob. I. Nulla est ratio, cui sententia opposita submixta sit; ergo &c. Prob. ant. Nam 1 ratio adversariorum est regula, *Lobadu*, qua statuitur nunquam Pascha celebrandum feria 2 expressa litera ב, nec 4 ג, nec 6 ו ex quibus literis, quæ sunt etiam notæ numerales, dicitur hæc regula ו ב *badu*, sed hoc *nondum Christi tempore constitutum fuisse docent ipsimet Hebræi*, ait Petavius in not. in Epiph. p. 185.; scribit enim Aben-Ezra, & Talmud, etiam in feriis *Badu* celebratum fuisse Pascha. Nititur quidem Harduinus regulam *Badu* confirmare ex altera, quæ dicitur *Lo adu*, scilicet nunquam Neomeniam septimi mēsis, & festum *Hoffanâ Rabbâ* figi in feria 1 א, in 4 ג, & 6 ו verum Petavius ibid. pag. 181. ex R. Maimonidis testimonio probat, diu post Christi passionem

nem *superstitionem illam introductam* fuisse; corrui ergo prima ratio petita ex Regula *Lo-badii*. Nec solidior est secunda, quæ petitur ex Lev. 23. 10., quo statuitur, ut *altero die sabbati*, idest postridie diei festi Paschæ deferretur manipulus spicarum ad sacerdotem. I. enim Harduinus; qui huic argumento nritur, refutatur ex regula *Adi*, quam ipse probat. Nam auctor *Lavusch Flathebelet* ideo ait; non posse die sabbati excuti Hofanna: *Quia preceptum excutiendi fasciculum non est ex lege, sed ex consuetudine*, sed preceptum metendi, & offerendi manipulum est ex lege; ergo &c.

Prob. min. I. Messio enim, & elevatio manipuli coram Domino erat potius religionis actus, quam opus servile. II. Constat ex R. Mose Ægyptio, aliisque, *Homer* seu manipulum non solum demessum sabbato, sed hoc quodam ritu factum esse, quo messores clamabant: *Sciebat hajom? est ne sabbatum hodie*, & respondentibus *est*, rursus rogabant, *metamne?* tunc vero universi ter *demete* clamabant. III. Ibi dicitur neminem de manipulo metendo die sabbati hæsitasse, præter aliquos Sadduceos.

IV. Bellarminus, Baronius, aliique probabiliter censent, quo anno Pascha incidisset in feriam 6., demessum manipulum Dominica; ergo &c. V. ratio petitur ex auctoritate Chrysostomi, qui Hom. 86. ait, Judæos ira percitos, cum sæpe conati essent *Jesum capere*, nec potuissent, ex insperato nactus quod cupiebant, tempus Paschæ transposuisse; atqui possumus, salva Chrysostomo reverentia, ab ejus sententia recedere, qua reliquis PP. adversatur, præsertim cum nec Chrysostomus fuerit in ea constantissimus: nam hom. 84. ait: *Tenerunt illum ipsa nocte, in qua comederunt Pascha*; cumque in his locis, & Hom. 82. in Matth. S. D. certissime teneat, J. C. Pascha celebrasse statuto tempore, consequens est, & idem fecisse Judæos omnes.

Deinde constat ex Evangelio, Christum crucis suffixum Judæis agentibus Paschæ solemnia. Pilato enim dicenti Jo. 18. 31.: *Accipite eum vos, & secundum legem vestram judicate eum*; responderunt: *Nobis non licet occidere quemquam*, sed hæc non dixerunt Judæi propter ablatum illis jus sanguinis, ut quidam falso opinantur; tum quia non desunt, qui ex Act. 6., ubi legimus, Stephanum de blasphemia accusatum lapidibus obrutum, censent blasphemos absque auctoritate Romani magistratus occidi potuisse, & Petavius l. 12. de Doctr. temp. hanc quætionem difficilem censet, tum quia Pilatus permisit Judæis ut Dominum interficerent, dicens: *Accipite eum vos &c.* ratus agi de re ad eorum legem spectante, ut

ait

ait ex communi sententia Calmetus ; dixerunt ergo Judæi : *Nobis non licet &c. propter diei festi sanctitatem, quam celebrare jam cœperant* . V. Ratio petitur ex recepto a Judæis Calendario Rom. vel a constituto cyclo phasibus lunæ, legique Moyſis opposito, atqui admitti nequit duplex calculus, quorum unum Christus, alium servarit cœtus Judaicus, nec celebrari poterat Pascha, nisi a cœtu Israël, & post mactatam communem victimam ; ergo &c.

## C A P U T II.

*In quo momenta adversariorum diluuntur, ubi de die Pentecostes, quando passus est Christus.*

**Q**UI negant Christum Pascha legale celebrasse, pridie quam pateretur, ut suam sententiam tueantur

• Ob. I. Principes sacerdotum consilium inierunt, ut Jesum occiderent : *Non in die festo, ne forte tumultus fieret &c.* Item, ne multi, qui in eum crediderant, visa Lazari resurrectione, Jerosolymam ob solemnitatem phase convenientes, eum de manibus illorum vi eriperent ; ergo &c. II. Jo. c. 12. v. 2. ait, Christum postremam cœnam fecisse, *ante diem festum Paschæ* : ergo ante vesperam lunæ 14. primumque diem azymorum, & paschalem solemnitatem, quæ a vespera ad vesperam servabatur.

Nec valet distinctio diei naturalis & legalis, nam in eadem cœna, ubi Judæ ait Christus : *Quod facis fac citius*, alii Apostoli putabant, quod dixisset ei Jesus ; eme, quæ opus sunt nobis ad diem festum ; ergo nondum cœperat festa dies, in qua nihil emi poterat. III. Jo. c. 18. ait : *Et ipsi non introjerunt in Prætorium, ut non contaminarentur, sed ut manducarent Pascha* ; ergo Judæi in meridie feriæ 6. nondum paschalem victimam manducaverant. Quo loco sententiam nostram penitus destrui scribunt non solum Grotius, Casaubonus, Cappelus, Scaliger, aliique novatores, sed etiam Petavius, Maldonatus, Zegerus &c.

Nec dicas, etiam alias victimas in festo azymorum mactatas pascha appellari ex Deut. 16. v. 2. : *Immolabisque phase de ovibus & de bobus* : I. quia pascha manducare solum Paschalem agnum significat ex Deut. 16. v. 6. *Immolabisque phase vespere, quando egressus es de Ægypto, & comedes &c.* II. quia v. 2. Deut. 16. sensus est, immolabis phase, & præter phase de ovibus & de bobus : unde Hebræus, & Samarit. legit : *Sacrificabis phase, oves, & boves* : & targum Onkelos : *Immolabis phase de ovibus, & victimam sanctificatam de bobus* : ubi victi-



victimâ paschalis ab aliis hostiis secernitur, ut fit v. 15. cap. 30. Deut. ubi phasē ab holocaustis secernitur, ut probant R. Salome, Maimonides, Rasi, Bechai, Abarbanel, aliique p. 2. tom. 2. Crit. sacr. pag. 108.

IV. FERIA 6. cum Christus crucifixus est, dicitur Jo. 19. *parascève Paschæ*; non sabbati; ergo dies proximus sabbati erat azymorum primus, quo ineunte pascha mactandum erat. V. Judæi rogarunt Pilatum, *ne remanerent in cruce corpora sabbato*, erat enim magnus ille dies sabbati, sed magnus non erat dies ille, nisi quia in eo celebrabantur duo festa, sabbati nimirum, & Paschatis; ergo &c. VI. In die emortuali Christi armati sunt milites, consilium adunatum est, accusatus est Christus, necatus, sepultus est, habetur emptio aromatum, sindonis &c. sed hæc vetita erant die festo; ergo &c.

R. ad I. neg. conf. Licet enim Judæi *valide timerens, non Deum, sed homines, & tumultum*, ait Chrysost. hom. 80. in Marth. *ira tamen inflammata in ipsa solemnitate ipsum occiderunt*. Adde ex Maimon. c. 4. *Hilloc consuevisse Judæos insigniores res usque ad festum custodire, & ipso festo strangulare, quia dictum est, & omnis Israel audiet, & timebit*. Tandem, si Judæi in priori sententia steterissent, neque præcedenti die Paschæ Christi mortem procurassent: nam etiam eo die plurimi convenissent ad agni immolationem, a quibus Christus eripi ex eorum manibus potuisset. Ad II. R. I. aliqui, cœnam, de qua Jo. c. 13. v. 1. non fuisse postremam, sed convivium Bethaniæ institutum, quod pluribus momentis firmare conatus est Lightfootus. Eaque sententia foret ad argumentum diluendum aptissima, sed eam falsam esse, & unanimi PP. sensui, imo ipsi Joanni adversari demonstrat cl. Auctor. R. II. alii: Joannem accipiendum esse de die naturali, & usuali, qui de media nocte ad mediam noctem producit, non de legali, a vespere in vespem.

R. III. & melius: τὸ πρὸ τῆς ἱερῆς ante diem festum positum esse pro προεορτίᾳ, idest pro parte diei, quasi festum præcedit, & est pars festi sicut πρόδουος, & πρόλογος domus, & orationis est pars. Licet enim paschalis cœna fieret facto vespere, & die 14. exeunte, & tunc inchoata foret legalis festivitas; Judæi tamen festum Paschæ incipiebant a media nocte diei 15. quia Dominus percussit primogenitos in noctis medio Exod. 12. Pascha autem erat *victimâ transitus Domini, quando transivit percutiens Ægyptios*. Ergo τὸ ante diem festum Paschæ idem est ac ante mediam noctem, unde in Græco habetur: *Ante festum Pascha, πρὸ τῆς ἱερῆς τῆ πάσχα*.

Ad III. dist. ant. *Ut manducarent Pascha* proprie dictum, idest

agnum typicum, neg. improprie dictum, nempe victimas ovium & bovim, quæ mactabantur die proxime sequente immolationem agni, quamve Hebræi חֲבִיגָה *Hagbigâ* appellant, conc. Porro hostias illas ovium & bovim Pascha appellari constat tum ex cit. Deuteron. 16. *Immolabis phase de ovibus & bobus*, tum ex c. Paral. *Dederunt ad celebrandum phase 5. milia pecorum, & boves 500.* Nec obstat Hebraicus textus, & aliæ versiones, in quibus *oves & boves* non sunt aliquid a phase distinctum, sed sunt id, quod voce phase significatum est, sicut cum Num. 29. dicitur: *Oferetis holocaustum Domino vitulum unum, arietem unum, agnos septem*, non sequitur, agnos, arietem, vitulum esse quid diversum ab holocausto, sed id, quod holocausti nomine significatur; ergo a pari.

Deinde c. 16. Deuter. ubi vulgata legit: *Septem diebus comesdes absque fermento*, habet Hebræus: *7. diebus comesdes super eo infermentata*: dictio autem חַי בָּל, *super*, eadem est ac חַי בִּים, *cum*, ut Ex. 35. & Is. 7. ergo victimæ 7. dierum azymorum Pascha appellantur, & פָּאָשָׁה רִי פִּיּוּחָהּ, *manducare Pascha*, tam de agno, quam de aliis hostiis proprie dicitur, ut Act. 12. dies omnes azymorum *Pascha* dicuntur; ergo hostiæ sanctificatæ juvencorum, & bovim nomine Paschatis comprehenduntur, licet eo nomine peculiariter designaretur paschalis agnus, ac aliæ victimæ dicerentur etiam *Hagbigâ*: ex quibus etiam vulgatæ lectio vindicatur.

Ad IV. neg. conf. Ut enim observant rituum hebraicorum periti, ad Pascha nulla erat parasceve, idest ciborum præparatio, nam die prima azymorum licebat, ex c. 12. Exod. v. 26., facere ea, *que ad vescendum pertinent*; ergo feria 6. qua crucifixus est Dominus, dicta est *parasceve Paschæ*, quia simul erat παρασάββατον *Parasceve sabbati*, & *Pascha*; sicut a nobis dicitur, *dominica Paschæ, aut Pentecostes* dies illa, in qua simul incidunt festa illa, & primus hebdomadæ dies. II. *Parasceve* apud Hebræos pro 6. feria communiter fuit usurpatum, ex *Berescit Rabba* part. 2. ubi legitur, hebdomadæ dies suis carere nominibus *præter parasceven, & sabbatum*; ait ergo Jo. *Parasceve Paschæ*, innuens 6. feriam inter 7. dies azymorum, qui omnes *Pascha* dicebantur, sed dato etiam, *Pascha* suam habuisse *Parasceven*, cum Joannes *Pascha* dixerit etiam victimas *Hagbigas* mactandas paschali nocte transacta, dixisset coherentem, diem veneris *Parasceven Paschæ* ob præparationem *Hagbigâ*, non agni jam est. Ex his resellitur de Dominis, Vossius, nec non Ribera, & Baronius.

Ad V. neg. min. Magnus enim dicebatur dies sabbati incidens in 2. azymorum, quia in ea adibat populus templum cum victimis pacificis, quia in eo offerebatur spicarum manipu-

nipulus ex Levit. 23. & quia dies festi, in quibus populus cum holocaustis & victimis Domino sistendus erat, magni dicebantur ex Jo. 7. 37. ergo &c. Ad VI. neg. conf. Nam Judæi Christo non semel necem diebus festis intenterunt: nimirum in festo Encæn. Jo. 10. in festo Tabernaculorum Jo. 8. Altera die, *quæ est post Parasceven*, idest die sabbati, accepta a Pilato facultate, apposuerunt custodes, munierant sepulcrum, signarunt lapidem ex Matth. 17. Insignes reos damnatos in solemnioribus festis dictum est supra ad I. Mors autem Christi petentibus quidem Judæis, a militibus peracta est, quibus reos ducere ad supplicium, necare &c. indicit officii ratio, non vetat religio. Judæi ipsi non negant, tam in sabbato, quam in aliis festivitatibus sepelienda cadavera. Idque in die prima azymorum licitum esse, & in eo emi, & parari sindones, & omnia pietatis officia exerceri posse fatetur Majmonides, & R. Jacob Ben-Judæ. Tobiam in die festo sustulisse de platea jugulatum ex filiis Israel habetur Tob. 2. 4. & appensum in patibulo sepeliendum eadem die decernitur Deut. 21. ergo &c.

Opp. VII. Scaliger l. 5. de Emend. temp. Festum Pentecostes celebrari debuit ex Lev. 23. post 50. dies enumeratos a 2. die azymorum, sive a 16. mensis *Nisan*, ut tradit Josephus l. 3. Ant. 10. *Secunda azymorum die: est autem illa 16.* at si 1. azymorum dies fuit emortualis Christi, Pentecostes, sive dies 50. eo anno incidit in sabbatum, non in Dominicam, contra veterum traditionem; juxta quam Pentecostes eo anno incidit in dominicam, & in dominica circa horam 3. Spiritus S. descendit; ergo &c. R. I. Serryus, Pentecosten eo anno, quo Christus mortuus est, revera in sabbatum incidisse, & fictitiam esse oppositam traditionem, licet pro ea laudentur Clem. Const. ferm. 154. S. Aug. de Temp. & S. Leo ferm. de Pent. Nam Const. Clem. & sermo cit. ab eruditissimis exploduntur, & S. Leo V. sæculi scriptor traditionem non facit, addit Witasse, Leonem scriptorem esse *haud ita accuratum*.

R. II. Bellarminus, Baronius, alique communiter, 50. dies supputandos a 2. die azymorum, nisi hæc incidisset in sabbatum, ut contigit anno Passionis Christi, tunc enim supputandi erant a feria prima, idest a dominica, quod innuunt aliquæ versiones supra productæ, quæ Levit. 23. 15. habent: *Post diem festivitatis a crastino cessationis*. Prior responsio falsissima est, ut enim observat Benedictus XIV. inverisimile est, Leonem M. licet floruerit V. sæculo, id scripsisse, nisi id pervulgatum fuisset in traditionibus Ecclesiæ Rom. quas etiam hac in parte novatores sequuntur, ut ex Usserio, &

Pearsonio ostendit laud. Pontifex. Queis adde Scaligerum, Lightfootum, Basnagium &c. Altera responsio probabilis visa est Benedicto XIV. eaque non adversatur Hebræo, qui habet: *A crastino cessationis*, nec Chaldæo, qui legit: *Post diem festivitatis*. Huic etiam adhærent Hebræorum nonnulli, ex Maimonide, Seldeno, Lightfooto, aliisque; defendi ergo potest, Pentecostem Judaicam anno passionis Christi incidisse in dominicam, eodemque die illapsam esse Spiritum S. in Apostolos.

R. III. cl. Auctor: in utraque responsione esse aliquid veri, & aliquid falsi. Verum est in I. resp. Judaicam Pentecostem eo anno incidisse in sabbatum; falsum est tamen sabbato descendisse Spiritum S. Verum est in II. Spiritum S. descendisse die Dominico, falsum descendisse in festo Pentecostes Judaicæ. Et I. de Judaica Pentecoste patet ex Prop. 5. cap. præc. ubi ostendimus, sabbato non fuisse vetitam manipuli messionem, & confirmatur ex Josepho, qui ait demessum manipulum die 16. Nisan, nullo temporum producto discrimine. Idem patet ex Græcis versionibus: *A postridie primi festi, idest Paschatis*, non a postridie festi secundi, idest sabbati. Hinc Maimon. in lib. *Porta Mosis* pag. 264. ait, oblationes cætus nunquam esse differendas, & diem agitationis manipuli fixum, & invariabilem esse *diem azymorum secundum*. Lightfootus in Acta Ap. citato libro *Menacot* ait: *Anno, in quo Spiritus S. descendit, oblatio manipuli erat sabbato*, quod etiam probat ex R. Ismaele. Idem ostendit Seldenus loc. cit. ex receptissima apud Judæos Glossa ad Levit. c. 23. *A crastino sabbati, idest a crastino diei festi primi Paschatis*. Nec obstant versiones supra productæ, nam sabbatum, qua voce designatur *cessatio*, aut requies, quodvis festum significat, unde *τὸ ἀκραστὶνο σαββατὶ* significat, septem hebdomadas incipere a die, quo elevabatur manipulus; idest a 2. *die azymorum*, & 16. *Nisan*, ut ait Maimonides ib.

II. Spiritum S. in Apostolos illapsam die Dominica, sive posttriduo Pentecostes Judaicæ, insertur I. ex traditione, quam supra vindicavimus; non enim ajunt laud. scriptores, advenisse Spiritum S. 50. die ab elevatione manipuli, sed a *resurrectione Domini*. II. Ex verbis Act. 2. v. 1. *Cum compleretur dies Pent. &c.* quibus ostenditur, diem primum Pentecostes tunc fuisse completum: nam in græco habetur, *ἐν τῷ συμπληροσθαι* &c. in *esse completum*. Syrus etiam, & Arabs reddunt: *Cum impletus esset dies Pentecostes*. Christus etiam in adimplendis figuris veteris testamenti, ut ostenderet transitum de umbra ad veritatem, quod typo præfigurabatur, complevit in die sequenti. Sic agnus mactabatur die 14. Christi.

Christus immolatus est die 15. manipulus primitiarum offerebatur die 16. Christus, ex 1. Cor. *Primitiæ dormientium*, surrexit die 17. & sabbatum Christianorum, non sabbato Judaico, sed die dominico, est institutum. Tandem, cum descendit Spiritus S. non erant Apostoli in templo, sicut forte erant cum Judæorum cœtu transacta die, horis præsertim matutinis sacrificio destinatis, sed omnes domi sedebant celebrantes diem, prius resurrectione Domini, & tunc adventu Spiritus S. consecratum.

## CAPUT III.

*De suprema cœna, in quo Christus Eucharistiam instituit.*

**Q**Uam inepte ratiocinentur, qui ex conditione typi inferunt, eadem die mactatum mysticum agnum, & Dominum crucifixum, ex eo patet, quod Christus postmodum passurus immolationi cœnam præmiserit, cum in agno typico cœna subsequeretur immolationem corporis sui in crucis supplicio. Sit itaque

PROPOSITIO. Christus ea nocte, qua Eucharistiam instituit, legalis Paschatis ceremonias servavit:

Prob. I. Exod. 12. ad comedendum Pascha conveniebat cum familia rector domus assumens vicinos, si domestici non sufficerent, ad esum agni. II. *Paschales societates* ex Josepho, saltem denis convivis constabant. III. Instruebatur convivium nocte Exod. 8. 4. sternebantur lecti, parabatur cœnaculum, coquebantur cibi, ut postulabat imminens solemnitas azymorum. Sed hæc omnia servavit Christus ex Matth. 26. Marc. 14. & Luc. 22. nam discipuli paraverunt Pascha, invenerunt cœnaculum stratum, Jesus cum 12. discubuit, cœnavitque factis jam vespere; ergo &c. Prob. II. Judæi enim ex domo servitutis profecturi vetus Pascha celebrarunt stantes, calceati, accincti renibus, cum reliqua Paschata ederentur a Judæis decumbentibus, in signum dominii & libertatis. Sed Dominus etiam discubuit Matth. 26. Hinc patet, quomodo mulier peccatrix Luc. 7. flaret retro secus pedes Domini, & commode posset eos osculari, lacrymis, & capillis tergere, nec non ex Matth. 26. unguentum effundere super caput ipsius recumbentis.

Prob. III. Inter cœnandum paterfamilias benedicebat azyma, & aliis distribuebat ex R. Maimonide: cumque in Paschali cœna plures essent calices, unus quidem distribuebatur

cum gratiarum actione, alter servabatur post cœnam, eique admiscebatur aqua ex Lightfooto. Recte ergo calices distinxit Lucas c. 22. dicens, Eucharistiam sub specie vini institutam esse: *Post quam cœnavit* &c. ut pateat, inter consecrationem panis, & calicis aliquid temporis interfuisse. Nec tamen hinc sequitur, Judam communioni sub specie vini non adfuisse, ut quidam putant ex iis verbis: *Cum accepisset buccellam continuo exivit*; nam Marc. 14. ait de calice consecrato: *Biberunt ex eo omnes*. Quare *buccella intincta* Jo. 13. non erat corpus Christi, sed frustulum azymi consecrati *embammate* intinctum, ut enim ait S. P. Tract. 62. in Jo. *Jam omnibus distribuerat Dominus Sacramentum corporis & sanguinis sui, ubi & ipse Judas erat; ac deinde ad hoc ventum est, ubi per buccellam intinctam suam exprimit traditorem*.

Ubi nota: ante excidium templi Judæos, præter patinas cum cibis elixis, & paropsidem, aliud vas escarium cum *charofes*, quod erat *embamma* musteum ex pomis, dactylis, sacaro, & condimentis aliis compositum. Comeso agno, & legali cœna peracta, veniebant patinæ elixarum carniū cum *embammate*, & paterfamilias gratias agens frangebatur placentam, & cuncti epulabantur splendide. Post usualem cœnam surgebant convivæ, abluebant manus, & post pusillum iterum recumbentes intingebant reliqua placentæ frustula in *embammate*, quod servabatur ad cœnulam, quam vocant Hebræi *aphikomen*. Hæc R. Maimonides, Eliezer, Salomon, & Talmudistæ omnes.

Ita Christus *legali* peracto Paschate, & incepta usuali cœna, fregit ac benedixit placentam azymi, adductis patinis & paropside, in quam Judas manum intingebat, & ita cœnantibus discipulis instituit Sacramentum corporis sui. Completa deinde cœna porrectoque calice cum vino aqua permixto Eucharistiam consecravit sub specie vini Luc. 22. Post cœnam lavit pedes discipulorum Jo. 13. Post ablutionem recubuit iterum ad *aphikomen*, seu cœnulam, & tunc Judæ porrexit intinctum panem, non Sacramentum, quod jam omnibus distribuerat, sed frustum placentæ *embammate* tinctum, quod soli Judæ dedit, qui accepta buccella e cœnaculo statim exivit ex Jo. loco citato.

Hinc sequitur I. cœnam, de qua Jo. 13. fuisse paschalem contra Lightfootum, & pedilavium subsecutum ad cœnam Eucharisticam, & huic adfuisse etiam Judam, ut censet S. S. P. A. tract. 55. & 62. in Jo. cujus sententia Hilario id neganti præferri debet. II. *Buccellam intinctam* soli Judæ traditam non fuisse corpus Christi patet ex distis. III. Falli

Kle-

Klebitium, qui hinc putat, Judam sacramentali communione privatum.

IV. Nec Evangelio inniti consuetudinem porrigendi populis, aut servandi pro infirmis Eucharistiam *intinctam*. Nam *intinctum panem aliis Christum præbuisse non legimus, excepto discipulo, quem intincta buccella magistri proditorem ostenderet*. Fallitur ergo Cappellus, qui ait, verba consecrationis: *Hoc est corpus meum*, a Christo prolata loco eorum: *Hic est panis afflictionis*, hæc enim verba erant cœnæ præludium, eaque non in medio sunt prolata, vel fine, sed ante convivium: cum Christus consecrationis verba protulerit discipulis discumbentibus, & manducantibus ex Marc. 14. Prob. IV. Finita cœna recitabant Judæi הלל הגדול, *Hallel agadol, hymnum magnum*, qui constabat Ps. 117. *Confitemini Domino quoniam bonus*, cui aliqui addebant 112. 113. 114. 115. 116. qui inscribuntur *Alleluja, laudate Deum*, unde Ecclesia in Paschate sæpe intonat *Alleluja*. Quod ergo ait Matthæus c. 26. *Et hymno dicto &c.* de laudato Psalmo accipi debet.

## CAPUT IV.

*De materia a Christo adhibita in institutione hujus Sacramenti, ac I. de azymo ac fermentato.*

DE hac controversia magno animorum æstu Latinos inter Græcosque disceptatur, quamvis ex dictis possit facile dirimi, ut ex sequentibus planum fiet. Sit itaque

PROPOSITIO I. Christus Eucharistiam consecravit in azymo.

Prob. I. Christus enim celebravit Pascha suum exeunte luna 14. Nisan, ac die prima azymorum, quando e domibus Judæorum fermentum sublatum erat, sed Christus in ea cœna, & in pane ibi apposito instituit Eucharistiam, alias non venisset legem adimplere, sed *solvere*; nec ipse Dominus diceret sui insidiatoribus, *quis ex vobis arguet me &c.* nec opus esset falsos testes ad perdendum eum querere, cum hoc solo perderetur *juste*, ait Leo IX. in ep. ad Mich. C. P. ann. 1054. Prob. II. Quamvis ultro daremus Christum, ut Græci putant, causa mortis &c. prævenisse legitimum Paschæ tempus, usus tamen esset azymis panibus, sicut agnum immolavit, & comedit cum lactucis, aliisque ab Apostolis paratis: ut notat Filius dist. 8. l. 4. §. 8. ergo &c.

Opp. I. Matt. Blastarius: Christus abstulit quodvis Judæum

cum festum, & PP. contraria eorum ritibus statuerunt; ergo &c.

Confirmatur: nam Leo Bulg. Archiep. & Macarius Ancyranus, sicuti, ajunt, non circumcidimur, nec festa, aut ea, quæ legis sunt, cum Judæis non servamus; ergo nec azymis uti debemus. II. Arguit Michael Cerularius: ubi dicitur Jesum in ultima cœna accepisse *panem*, extat in græco *ἄπρον*, sed *ἄρορ*. interpretatur *sursum elevatus*, quod fit vi fermenti, & salis, nec azymus vere est panis, cum vix distet a lapide; ergo &c.

III. Idem Cerularius ait: Christus est sacerdos *secundum ordinem Melchisedech*, sed is ante Mosen & Abraham panem & vinum obtulit, antequam lex Mosaica constitueret azymum, quod jamdiu maledictum, & derelictum est per S. Dei Evangelium; ergo &c. IV. Nec Agatho Papa, nec B. Gregorius Agrigenti ep. obstitit, dum Trullano can. 11. statutum est: *Nemo Judæorum azyma comedat*, quo canone censet Balsamon vetitum esse, ne sacrificium fiat in azymis, nam & Græci diversimode azyma comedunt; ergo &c.

R. ad I. dist. ant. Abstulit, ut jugum tolleret veteris legis, conc. ut novæ institutionem & Christi exempla interdiceret, neg. Ita S. Anselmus in rescripto ad Naumburg. ep. *Quod Græci ajunt, nos judaizare, non est verum; quia non sacrificamus de azymo, ut legem veterem servemus, sed ut Dominum, qui hoc non judaizando fecit, imitemur. Si enim in diebus Paschæ azymum panem aliquis comedit, quia non habet alium, aut si propter infirmitatem præputium circumcidere cogitur, nullus, nisi insipiens, hæc agentem judaizare judicabit. Cum ergo nos panem azymum sacrificamus, ut ipsum panem in corpus ejus divina virtute, sicut ipse fecit, sanctificemus, nequaquam in hoc legis vetustatem servamus, sed Evangelii veritatem celebramus. Nonne Græci aqua utuntur in baptismo, licet eam Judæi in suis purificationibus adhibuerint? Nonne velum oppansum ante sanctuarium tenent, & fermentatum panem consecrant, quo Judæi in suis sacrificiis usi sunt? nec tamen credunt judaizare: hæc Arcudius. Allatius vero sic Græcos perstringit: *Qui suffocata non manducat Judæum agit, sed Græci suffocata non edunt; ergo judaizant.**

Ad II. neg. min. Nam etiam manna Pl. 77. *ἄπρον ἔπαρε*, panem celi dixit Psalmista, & panes propositionis, quos absque fermento fuisse constat Exod. 25. *ἄπρος προσέτιος* dixit Matth. c. 12. Deinde ipsum azymum Moyses vocavit *ἄπρος ταπεινότης*, hebraice *לֶחֶם הוֹנֵה* *lechem honi*, panem afflictionis. Tandem *paximata* veterum monachorum, quæ semel tantum in anno



anno pinfebantur, & erant azymi panes, ἄζυμος vocat Athanasius in vita D. Antonii. Ad III. vide Auctorem l. 27. c. 7. Adde, nec Græcos offendere posse cujus generis panes Melchisedech obtulerit. Ad IV. &c. neque Agathonem, neque episcopum Agrigent. interfuisse Trullanæ Synodo, neque in ea improbatum usum azymi in sacrificio, nilque actum de azymo, in quo Armeni sacrificabant, cum plures eorum ritus proscripti fuissent. In ea ergo vetitus est familiaris cum Judæis convictus, ab iis azyma accipere, cum iis vesci &c. ergo &c.

PROPOSITIO II. Viguit in Ecclesia Romana ab Apostolis ad nos usque azymi usus.

Ita Mabillonius, Cabassutius, Lupus, Ciampinius, Macedo, alique: quamvis oppositum doceant omnes fere Schol. DD. in 4. Sent. Sirmondus; Bona &c. Prob. I. Nulla satis certa momenta demonstrant consuetudinem consecrandi azymum natam esse post schisma Photianum, ut contendit Sirmondus: & contra certum est, D. J. Chr. azymum consecrasse; ergo ab hac Christi institutione universalis illa Latinorum consuetudo repetenda est. Hinc Græcis novitatem opponentibus responderet S. Leo IX. ep. 1. c. 5. *Ecce jam, post mille, & ferme 20. a passione annos, incipit per vos discere Rom. Ecclesia qualiter memoria passionis sit recolenda.* Et Card. Humbertus ait: *Prima Ecclesia ad hæc tempora, sicut ab Apostolis accepit, fideliter retinuit.* Innocentius III. de Myst. Miss. l. 4. c. 2. ait: *Ab ipsis Apostolis Petro, & Paulo hunc sacrificium ritum accepit Rom. Ecclesia.*

II. Prob. ex PP. Nam Tertull. l. 2. ad Uxor. ait: *Non sciet maritus quid secreto ante omnem cibum gustes, & si sciverit panem, non illum credet esse, qui dicitur: ubi subobscurè azymum significat, nam, si maritus vidisset uxorem panem usualementem, nil sinistri esset suspicatus.* Epiphanius Hæres. 30. de Ebion. ait: *Mysteria perficiunt ex imitatione SS. qui sunt in Ecclesia quotannis in azymis.* Hinc Mabillonius sic arguit: *Epiphanius probare videtur Ebionæos in eo, quod sacrificium offerebant quotannis in azymis ex imitatione Ecclesiæ, saltem Latine; ergo eo tempore Ecclesia e pane azymo sacrificium conficiebat.* Idem sentit Vasquez, & Macedo. III. Cum veteres PP. ea, quibus constant sacra mysteria, singillatim exponerent, nullibi fermenti, sed farinæ tantum, & aquæ meminere, ut Cyprianus, S. Gaudentius, & S. P. Aug. Licet enim hoc argumentum sit negativum, cum tamen PP. farinam, aquam, conspersionem, massam, & ignem exponant, inverisimile est fermentum omissuros fuisse, si in Eucharistia fuisset adhibitum. IV. Idem evincitur ex forma; & qua-

qualitate sacrarum hostiarum, quas olim factas ex azymo ostenditur ex illarum exilitate, figura, & forma impressa ferro *characterato*, quasve nobis exhibent Mabillonius, Martenius, & Harduinus.

V. Falsum est, azymum post X. tantum sæculum obtinuisse: Non enim ausus esset Leo IX. & Humbertus ab Apostolis repetere hanc consuetudinem: imo Græci opponere potuissent, Latinos a veterum more discessisse; se autem sequi exempla majorum. Profert etiam D. Th. 3. p. q. 74. hæc Gregorii M. verba: *Romana Ecclesia offert azymos panes, quia Dominus sine ulla commixtione suscepit carnem*: quæ etiam verba urget Scholarius, licet nunc in Gregorio non extent. Item in vetustissima Missa, quam Ambrosio tribuit Strabo, legitur: *Oblationes panis azymi*. VI. Ante Photii schisma in usu fuisse azymum probat Lupus ex Alcuino, qui obiit sæc. IX. ineunte: is enim ep. 69. ad Lugd. Eccl. ait: *Panis, qui in corpus Christi consecratur absque fermento, debet esse mundissimus... ex aqua, & farina &c.* Et Rabanus, qui obiit biennio ante Photii intrusionem ann. 856. *Panem in fermentatum in Sacramento corporis Christi sanctificari* ait l. 1. de Inst. Clericorum.

Ob. I. Consecrabatur olim Eucharistia oblationibus populi, quarum reliquæ distribuebantur viduis, & pauperibus; ergo &c. II. Idem innuit Tertullianus: Epiphanius vero consecrationem azymi tribuit Ebionæis. In Dialogis etiam Gregorii M. evinci consecrationem *fermenti* scribit Georgius Corcyr. ergo &c. III. Ambrosius l. 4. de Sacr. Eucharistiam vocat, *panem usitatum*; ideoque fermentatum. IV. Photius non obiecit Latinis usum azymi; ergo &c. V. oblationes consecratæ ad Titulos delatæ *fermentum* dicuntur; ergo &c.

R. ad I. neg. ant. Duæ namque oblationes, olim in Missa fiebant, I. ante Evangelium, in qua offerebatur panis, & vinum &c. ad sustentandum sacerdotes, & egenos. II. lecto Evangelio, in qua offerebatur panis & vinum ad consecrationem, cujus reliquæ privatis sacrificiis deservirent: I. oblatio erat ex fermentato, II. vero non item, ut constat ex antiq. Missa Ambrosiana, ubi etiamnum viri & matronæ offerunt sacerdoti sacrificii materiam, nempe azymos panes.

Ad II. neg. ant. de quo supra Prob. I. Gregorius vero nil habet in Dial. quod juvet adversarios: imo observat Lupus, Armenos a Romana Ecclesia, & a Gregorio M. accepisse *azymum, mitram episcopalem &c.*, ut ad Haytonem scribit Greg. Sisenis. Ad III. dist. ant. Vocat *panem usitatum* ante consecrationem, prout opponitur consecrato, conc. prout opponitur azymo, neg. Nam ipse Rupertus Abbas l. 3. de Spir.

S. oper.

S. oper. panem azymum a Christo in ultima cœna consecratum, *panem usitatum* appellat. Ad IV. neg. conf. Ideo enim id non objecit Phorius, quia in Bibl. Cod. 116. scripserat, ex Chrysoftomo & Ecclesia Christum legale Pascha ex legis præscripto servasse; adeoque in azymo consecrasse: ita Mabillonius. Addunt alii, Phorium non objecisse nec tonsuram capitis, nec unicam ablutionem baptismi, nec dilationem Confirmationis &c. Tandem, quia ep. 64. scripserat, non esse reprehendendam *dissimilitudinem in mysticis sacrificiis*.

PROPOSITIO III. *Fermentum* delatum olim ad Titulos erat panis azymus consecratus.

*Fermentum* illud fuisse Eulogias, non Eucharistiam, censuit Baronius, Binius, Macedo, & Cabassutius, quibuscum facile solvi poterat objectio num. 5. Sed oppositum tenent Lupus, Card. Thomasius, Mabillonius, Schelestratus, & Bened. XIV. Prob. I. De Melchiade enim legitur in Pontificali: *Hic fecit, ut oblationes consecrate per Ecclesias ex consecratu episcopi dirigerentur, quod declaratur fermentum*; ergo non quævis oblatio ad Ecclesias directæ est, sed ejus pars, quam episcopus consecraverat, ut eadem participatione Sacramenti plebs Christiana cum pastoribus, & Rom. Pontifice servarent unitatem. Idem statuit Siricius ann. 385. cum Manichæi latitarent in Urbe: *Hic constituit, ut nullus presbyter celebret missas per hebdomadam, nisi consecratum episcopi susciperet, quod nominatur fermentum*. Ubi consecratum episcopi, nonnisi coacte, accipitur pro Eulogiis.

Idem evincitur ex passione S. Tarsicii, qui hoc fermentum ad titulos ferens, cum nollet paganis sancta prodere, necatus est, ex Act. S. Steph. ubi legitur: *Invenere milites Tarsicium Acolythum Christi corporis Sacramenta portantem: ille nequaquam voluit detegere sacra mysteria; qui eum fustibus, & lapidibus mactaverunt*. Ubi, licet non habeatur, quod deferretur ad Titulos *fermentum*, habetur tamen quod deferrebat Eucharistia; ergo hæc erat *consecratum episcopi, quod nominabatur fermentum*, & ferebatur ad Titulos.

IV. Innocentius I. in ep. ad Decent. c. 9. ait: *De fermento, quod die Dominico per Titulos mittimus, nos consulere voluisti*. . . . Idcirco *fermentum a nobis confectum per Acolythos accipiunt, presbyteri, ut se a nostra communione illa die non judicent separatos, quod per parochias fieri debere non puto, quia non longe portanda sunt Sacramenta: sed Sacramentum ab episcopo confectum in tesseram communionis presbyterorum cum Rom. Pontifice, & non longe portandum, non est simplex eulogia, sed verum Christi corpus, ut probat Lupus, Schelestratus, & Mabillon; ergo &c.*

V. Fer-

V. Fermentum, quod sabbato ante Dom. Palm. distribuebatur in *Consistorio Lateranensi*, est Eucharistia missa ad episcopos suburbicarios, ut saltem in Paschate participarent cura Rom. Pontifice de uno eodemque mysterio, ut notat Card. Thomafius, & Benedict. XIV.; ergo &c. VI. Canone 14. Laodicensi: *Ne sancta instar Eulogiarum in festo Paschæ ad alias parochias transmittantur*, nostra firmatur assertio, non evertitur: ibi enim *sancta* ab *Eulogiis* distinguuntur, & discernitur, ne *fermentum* seu Eucharistia, quæ sanctum Domini dicitur a PP. ad forenses Ecclesias deferatur, sed ad longinquas mittantur solum *Eulogie*, ut statuit Innocentius I. loco citato.

Ex his autem non sequitur, Ecclesiam Latinam consecrasse olim fermentatum, multum quippe interest inter *fermentum*, & *fermentatum*. *Fermentum* enim etiam de azymo enunciat in Ordine Rom. eo etiam tempore, quo Latina Ecclesia utebatur azymo, & tamen in eo præscribitur, ut *fermenti particula* mittatur in calicem ab episcopo &c. Neque inverisimile est, hoc nomine appellatam esse Eucharistiam, ut obscuro vocabulo hoc mysterium profanis occultaretur, ut censent Schelestratus, & Mabillonius: *Manet igitur*, ait Sirmondus, c. 5. disq. de Azymo, *oblationes consecratas in decreto Melchiadis sacram Eucharistiam intelligi*.

PROPOSITIO IV. Azymi panes in Eucharistia consecrandi debent esse exiles & rotundi ex Eccl. disciplina.

Prob. I. Epiph. in Anchorato ait, posse vanem esse corporis Christi symbolum, licet figuræ sit circularis, *hoc enim est rotundæ formæ*. Nec mirum videri debet, a nobis ea de re produci Patrem Græcum, licet Græci urgeant necessitatem fermentati. I. enim probabile est ejus ætate aliquas saltem Græcorum Ecclesias azymum usurpasse, ex Eriph. Hæret. 30. de Ebion. II. Græcos adhibuisse panes circularis figuræ scribit Gabriel Philadelph. in Apol. pro Eccl. Orient. *Is panis*, ait de pane Eucharistico, *præfert sigillum figuræ circularis*. III. Cæsarius in dial. 3. de Fid. cathol. ait, corpus Christi, dum inter nos degeret, fuisse *artubus compositum*, *hoc rotundum*. III. In sepulchro S. Otmari inventas fuisse *panis rotulas*, quæ vulgo *oblatae dicuntur*, narrat in ejus vita Iso monachus ap. Mabill. IV. Hostias rotundas exhibent etiam imagines ex vetustis cod. Græcis, Syris &c. descriptæ.

Prob. II. pars. Hostias enim exiles, tenuesque esse formatas constat I. ex picturis supra laudatis, & ex revelatione Ildefonsi archiepiscopi Toletani ann. 845. apud Mabill. in diss. de Azymo, ubi apparet sacerdotum majores hostias, communicantium esse minores, & una ferri impressione formatas hostias

stias 5. majorem unam, 4. minores, & ex una farinae libra 100. majores hostias effici potuisse. II. Uldaricus in 3. l. Con- fuer. Clun. c. 13. ait, in ferramento, quod *characteratum* ap- pellat, simul hostias 6. confici. Eadem ratione oblatas im- pressas, & ferro decoctas narrat anonymus monachus, qui vi- xit sæculo IX. III. Toletana Synodus statuit: *Ut non aliter panis sanctificandus proponatur, nisi integer, & nitidus, qui ex studio fuerit preparatus, neque grande aliquid, sed modica tantum oblata, secundum quod Ecclesiastica consuetudo retentat,* five, ut ait Raymundus in summa:

*Candida, triticea, ac tenuis, non magna, rotunda,  
Expers fermenti, non falsa sit hostia Christi.*

PROPOSITIO V. Incertum est tempus, quo usus fermentati obtinuit apud Græcos, sed antiquior est Photii schismate.

Prob. I. pars. Innocentius III. ait, Græcos sacrificii ritum mutasse, *postquam tunicam Domini inconsutilem diuiserunt.* I- dem sentit Card. de Vitriaco. Alensis autem, S. Thomas, Scotus, Estius &c. putant, fermentatum inductum occasione Ebionæorum hæresis, qua cessante Latinos ad pristinum mo- rem rediisse ait, non Græcos. Gregorius Sisenis apud Lupum ait, Apostolos modo azymum, modo fermentatum consecra- se, arque hinc derivatum utriusque Ecclesiæ discrimen. Plu- res recentiores putant, omnes Ecclesias Orientales per sex priora sæcula consecrasse fermentatum, ex quo PP. panem Eu- charisticum *communem* vocent, & *usitatum*: quod nimis fu- tile est, nec desunt in Oriente Ecclesiæ, quæ azymum con- secrant. Prob. II. pars. Nam S. Leo, & Card. Humbertus nunquam objecerunt Græcis usum fermentati occasione Pho- tiani schismatis, quod fecissent, opponentibus Græcis Judaif- mum & Apostolicarum Constitutionum violationem. Deinde Philoponus Alexandrinus, qui vixit in urbe C. P. ann. 535. ait: *Neque azymum panem discipulis suis dedit Christus, fieret enim id etiam nunc;* ergo saltem in C. P. & Alexandr. Ec- clesia viguit VI. sæculo fermentatum.

PROPOSITIO VI. Valide conficitur Eucharistia tam in azy- mo, quam in fermentato.

Prob. I. pars. Nam I. Christus revera consecravit in azy- mo. II. Ecclesia Latina semper hunc usum retinuit. III. quia azymus vere est *panis αζυμος*, & farinae & aquæ conspersio. IV. quia nunquam Græci ea de re Latinos accusarunt. Prob. II. pars ex Florent. Synodo, quæ in Decreto Un. definit: *In azymo, sive in fermentato pane Christi corpus veraciter con- fici.*

*fici*. Prob. II. ex prob. II. partis Prop. præc. III. S. Gregorius VII. ep. 1. l. 8. ait: *Nos azymum defendentes, ipsorum fermentum non reprobamus*. IV. S. Th. 3. p. q. 74. huic Sacramento *neccssarium* censet, ut panis sit triticeus azymus, aut fermentatus; *conueniens* autem, ut quisque seruet ritum *Ecclesie sue*. V. Pius V. ann. 1566. vetuit: *Ne presbyteri Græci Latino more, & Latini Græco ritu Missas celebrare præsumant*. VI. In professione fidei Græcorum iussu Greg. XIII. edita habetur: *In azymo sive fermentato pane triticeo corpus Christi veraciter confici*; ergo &c.

## CAPUT V.

*De variis circa materiam hujusce Sacramenti  
questionibus.*

**I** Nferuntur ex supradictis quædam veluti confectaria, & aliquæ non parvi momenti propositiones, quas infra subiicimus. Sit itaque

PROPOSITIO I. Solus panis triticeus est Sacramenti Eucharistie materia.

Prob. I. ex Florent. Synodo, & PP. qui docent, Eucharistiam esse panem consecratum, atqui panis, quo communiter utimur, est *triticeus*, nam alii sunt in hujus panis defectu ex D. Th. ergo &c. II. Figuræ hujus Sacramenti, ut panes propositionis, fiebant ex simila, idest flore farinæ triticeæ, unde dicitur figurata in *frumenti adipe* Pl. 80. & in *frumento electorum* Zac. 9. III. Ecclesia non alio pane utitur in consecratione, nisi triticeo, constat enim ex Act. 3. Synodi Chalcedon. in Lybia non fuisse celebratum sacrificium Eucharist. cum fraude Dioscori illuc deferri non potuit frumentum, quod in Lybia non nascitur.

Opp. I. Frumentum est id omne, quod emittit aristas, unde S. P. *panem frumentaceum* passim commemorat; ergo &c. II. Hinc Judæi *azymum paschalem* ex zea, idest spelta, & hordeo defectu tritici parabant ex Ramba *Halechor*; ergo &c. III. *De siligine non videtur dubitandum*, ait Estius dist. 8. §. 6. cum hæc e tritico nascatur, & cum eo, ex Columella, & Plinio, commutetur.

R. ad I. dist. ant. Frumentum est &c. in sensu grammaticali, conc. communi significatione, neg. alias etiam *minuta grana in fisis*, quæ *frumenta* vocat Plinius l. 15. essent apta Eucha-

Eucharistiæ materia. Augustinus vero *frumentum* accepit pro ejus specie nobiliori, ut in Pl. 147. ubi *frumenti adipem* laudat. Ad II. neg. conf. in Ramba enim plures sunt fabulæ, quamvis ibi etiam habeatur, azymum, si possit, fieri *ex tritico præstantissimo*. Ad III. R. ob auctoritatem D. Thomæ posse subscribi Estio, non ita tamen sentit S. D. de hordeo, spelta, ac farre. Imo cum ex definitione Innocent. XI. ne-  
 las sit in Sacramentis uti materia tantum *probabili*, nec cer-  
 tum sit an siligo habeat tritici naturam, dicimus panem sili-  
 gineum consecrandum non esse. Nec obstat eam nasci ex tri-  
 tico, cum inde nascatur etiam avena. Errant ergo Beza,  
 Vossius, alique Novatores, qui putant in cœna Domini u-  
 surpari posse, quidquid adhibetur *loco panis*, quod lib. 31. re-  
 futavimus.

PROPOSITIO II. Quod non spectat ad panis triticei sub-  
 stantiam, non est apta Eucharistiæ materia.

Sequitur I. ex Prop. præced. & ex quo nullus homo possit  
 determinare Sacramentorum materiam, valde execranda fuisse  
 sacrilegia Gnosticorum, qui ex Epiph. H. 26. peracto stu-  
 pro utriusque maris profluvium cavis manibus excipientes of-  
 ferebant his verbis: *Offerimus tibi donum istud Christi corpus*,  
 easque sordes degustantes dicebant: *Hoc est corpus Christi*, &  
*hoc est Pascha*, postea absorbentes sanguinem menstrui fluxus  
 aiebant: *Et hoc est sanguis Christi*. Manichæi etiam a Gno-  
 sticis orti Eucharistiam fumebant *conspersum cum semine hu-  
 mano* ex Aug. H. 46.

De Montanistis ait S. P. A. Hær. 26. Sacramenta habuisse  
 funesta: *Nam de infantis anniculi sanguine, quem de toto ejus  
 corpore minutis vulneribus extorquebant, quasi Eucharistiam suam  
 conficiebant, miscentes eum farine, panemque inde facientes*.  
 Patet II. ineptissime Artotyritas hæreticos, ita appellatos,  
*ἀπό ἀρου a pane*, & *τύου caseo*, caseum cum pane in cele-  
 brandis mysteriis adhibuisse, dicentes ex Aug. *A primis ho-  
 minibus oblationes de fructibus terræ, & ovium fuisse celebra-  
 tas*. Timotheus presbyter ait, Artotyritas in sacra cœna ad-  
 hibere *farinam lacte, non aqua subactam*.

III. Sequitur, nihil ratione Sacramenti offerendum esse,  
 præter panem virumque consecranda, licet non improbentur  
 oblationes, ad sacrificiî decentiam, ad altarium ornatum, &  
 pauperum subsidia: qua de re vide can. 3. Apost. 57. Trulla-  
 num &c. IV. Sequitur non esse Eucharistiæ miscendum o-  
 leum, ut quidam Jacobitæ, qui, ex anonymo, *suam oblatio-  
 nem oleo miscent*. Nec *salem esse in sacrificium corporis Chri-  
 sti mittendum, quam consuetudinem, nec universalis observat*

*Ecclesiæ*

*Ecclesia, nec Romana custodit auctoritas, constat ex Alcuinē ep. ad Lugdunen. 69.*

V. Sequitur, intolerabilem esse abusum *miscendi sacro oleo, & iterum coquendi, vel exsiccandi species Sacramenti Eucharistie feria 5. in Cœna Domini, ut illud afferrent*, quod improbat etiam Benedictus XIV. VI. Infertur, non esse Eucharistiæ materiam *farinæ pastam, quam intritum vocant, non panem*: permixtionem vero alterius frumenti cum farina triticea, nisi hanc superet quantitate, ex D. Th. ob mutationem tantum accidentalem, non officere consecrationi.

PROPOSITIO III. Quævis quantitas panis triticei, si præsens est, & sensibilis, est valida Eucharistiæ materia.

Prob. ex Prop. IV. cap. præc. ubi monstratum est, VII. sæculo a Tolet. Synodo, & sæc. 9. a S. Ildefonso commendatas hostias circularis figuræ, & quantitatis exiguæ: licet Juenin, Gotti, & Tournellius ad tenuissimam hanc formam redactas esse labente sæc. XI. non recte opinentur. II. Cum autem major, aut minor quantitas non mutet panis substantiam, certum est I. non obesse consecrationi magnam quantitatem, II. impie eum agere, qui recedit a suæ Ecclesiæ consuetudine, & eam consecrat quantitatem, quæ nequeat absumi, antequam putrescat. III. Censet Macedo, non posse a sacerdote consecrari quamcumque panis, aut vini quantitatem, puta totum panem existentem in foro, aut vinum in apotheca, quia Eucharistia instituta est ad usum sacrum, non ad abusum: sed fallitur, nam abusus non tollit veritatem Sacramenti, si adsit materia, forma, & intentio: hinc S. Thom. 3. p. q. 74. ait, nullam esse panis, aut vini quantitatem adeo magnam, *que consecrari non possit.*

IV. De præsentia materiæ subscribunt Theologi omnes D. Thomæ in 4. dist. 2. q. 2. a. 1. quod consecrari valeat *quantæcumque quantitas panis, & vini, que coram sacerdote proponitur.* Hinc patet, non consecrari materiam post parietem, aut a tergo sacerdotis positam, bene tamen consecrari ante ipsum constitutam, licet cooperta sit velo, & pixidi inclusa, dummodo præcesserit intentio consecrandi quidquid materiæ sit præsens, ad quam præsentiam moralem non opus est, ut materia tota oculis inspicatur, alioquin nec particulæ sub aliis latitantes erunt consecratæ.

PROPOSITIO IV. Imperite Græci Romanos insimulant de usu azymi.

Prob. I. Nam usum huiusmodi probat Christi institutio. II. PP. Græci, & Latini panem in sacrificio requirunt, non fermentatum. Chrysostomus enim ait, Christum comedisse *Pascha legale.* Theodoretus in Dan. ait: *Panis dicitur fermentatus,*

*& azym.*



◊ *azymus*. III. Licet Ecclesia Romana ab Apostolorum ævo azymum consecraverit, nemo tamen ex Græcis, nec ipse Photius, id nobis opposuit ad fovendum schisma, quod Michaeli exprobrat S. Leo dicens: *Quis non stupecat, quod post tot SS.PP. per 1020. annos novus calumniator emerisisti Ecclesie Latinorum anathematizans participes Sacramentorum ex azymis?* IV. damnatis Monothelitis Joannes Portuensis Latino ritu celebravit in azymis coram Imper. & aliis Græcis id laudantibus ex Hilarione Græco Monacho. V. Hunc ritum servasse olim Ecclesiam Jerosol. ostendit Lupus p. 717. & veteres Maronitas ex Abrahamo Ekellen. probat Morinus. Armenos azymis uti non negant Græci. Idem de Mozarabibus ostendit Mabillonius, & de Indis ex Josepho Indo Martenius. Vide notas Richardi Simonis in Apolog. Gabrielis Severi n. 6. p. 87.

PROPOSITIO V. Licet convenientior videatur ritus Latinorum, hi tamen non damnant Græcos ob fermentatum.

Prob. I. pars tum exemplo Christi, tum ex veteri disciplina, atque azymi usu. II. ex ejus nitore atque aptitudine, nam azymus panis rarius mucidus fit, nec tumidus & cavernosus est, ut fermentatus. III. ex ejus significatione: denotat quippe azymus *sinceritatem*, & Christi carnem sine virili commixtione progenitam. Contra fermentatum polluta sacrificia, Phariseorum hypocrisim, & genus omne malitiæ designat. Plautus etiam de irata muliere ait in Casina: *In fermento tota est, ita turget mihi*. IV. ex Romanæ Ecclesiæ zelo in custodiendis Apostolicis traditionibus, ac Judæorum fabulis refellendis, cum Ecclesia Græca, postquam ab Ario, Macedonio, Nestorio, Eutychete, aliisque hæreticis vitiata est, & adversus Petri cathedram caput extulit, pluribus novitatibus ausa sit *incessere vetustatem*; ergo convenientior videtur ritus Latinorum.

Prob. II. pars. Nam Barlaamus monachus Calaber apud Cantacuz. l. 2. Hist. c. 40. licet Græcis addictus, ait: *Latinos vero prudentiores existimo, quod illi minime hostiam de fermentato vituperant, sed similiter venerantur*. Reaple Gregor. VII. ad Synnad. Archiep. scribit; *Nos azymum nostrum defendentes, ipsorum fermentum non reprobamus*. Clemens VII. in Bulla Provisionis nostræ vetuit Latinis, ne reprobare præsumant ritus & ceremonias Græcorum in Concilio Florent. approbatas, quod etiam statuit Benedict. XIV. in Const. *Et si Pastoralis*; ergo &c.

PROPOSITIO VI. Non licet Græcis apud Latinos morantibus consecrare azymum, nec vicissim.

Prob. contra Dianam, Macedo, Henno &c. Utuntur enim adversarii communi proloquio: *Cum fueris Romæ &c.* & Aug.

epistola ad Bonif. ubi traditur, servandam esse Ecclesiarum, ad quas proficiscimur, consuetudinem; atqui aliud de sacrificii ritu, ad quem servandum sacerdotes Ordine initiantur, dicendum est, aliud, de variabili consuetudine, ut sunt festi dies, & jejunium sabbati; ergo &c. Hinc Bened. XIV. in Const. super Ritus Gregor. præcipit, ut Italo-Græci servant Kalend. Gregor. festa, jejunia, & consuetudines universas diocesis, ubi habitant, juxta proloquium supra laud. sed de sacrificii ritu §. 6. statuit: *Ne presbyteri Græci latino more, & Latini Græco ritu missas, & alia divina officia celebrare, vel celebrari facere præsumant.*

## C A P U T VI.

*De institutione materiæ Calicis.*

**D**E materia Calicis queri potest I. an vinum tantummodo sit consecrandum. II. An ei parum aquæ sit admiscendum. III. An hæc in Christi corpus, idque immediate, convertatur.

PROPOSITIO I. Eucharistiæ materia vinum est, nec potest ejus loco aqua, aut alius liquor substitui.

Prior pars damnat Ebionæos, qui ex Epiphânio Hær. 30. num. 16. ait: *Ad altarem mysterii partem meram aquam adhibent*, qui proinde *Aquarii* sunt appellati. His accedunt, Tatiiani gregales dicti *Encratitæ*, quod nec vinum biberent, & aquam pro vino offerrent, ait Theodoretus l. 1. H. Fab. 20. & Manichæi, quos refellit Serm. 4. de Quadr. S. Leo M. Altera pars est contra Novatores, Bezam, Melancthonem &c. qui putant, ubi vini usus non est, posse usurpari quidquid ibi vini loco bibi solet, licet fateantur, si adsint, retineri debere *vulgaria symbola*.

Prob. I. pars ex Marth. 26. qui narrat, Christum consecrasse *de genimine vitis*; ergo &c. II. Christus dicitur: *Sacerdos secundum ordinem Melchisedech ratione rerum oblatarum*, idest panis, & vini. III. Concilium Carthag. statuit: *Ut in Sacramenta offeratur, quod Dominus tradidit, hoc est panis, & vinum aqua mixtum*. Et Florentinum in Instr. Armen. ait: *Eucharistiæ materia est panis triticeus, & vinum de vite, cui aqua modicissima admisceri debet*. IV. ex traditione PP. de qua infra prop. II. & ex universali Ecclesiæ consuetudine.

Prob. II. pars. Non enim aliam possumus consecrare materiam, præter eam, quam Dominus tradidit, sed alia consecraretur, si fas esset vini loco aquam, aut liquorem alium sub-

substituere; ergo &c. Hinc Chrysost. Hom. 6. in Matt. *Cujus rei gratia*, ait, *non aquam, sed vinum?* *Heresim evellere voluit eorum, qui aqua in mysteriis utuntur.* De Aquariis etiam scribit Clem. Alex. *Eos relinquere Ecclesiam & versari in heresibus.* Epiph. hom. 401. de Encratitis ait: *Illorum mysteria, quae aqua solummodo constant, mysteria non sunt, sed ficta.* Et S. Cypr. ait: *Plebem esse sine Christo*, ubi aqua non vinum fertur.

Opp. Aquarii: de fidei ait Christus Jo. 7. *Flumina de ventre ejus fluent*; ergo &c. R. neg. conf. Nam verba illa de baptismo accipi debent, vel de spiritu, quem accepturi erant credentes, nempe de gratia novi Testamenti aquae comparata Is. 44. & Ezech. 36.

PROPOSITIO II. Vino parum aquae misceri debet ex traditione, & Ecclesiae praecepto.

Prob. I. contra Armenos, qui vinum merum consecrandum esse putabant (decepti falsa interpretatione Chrysostomi) ut constat ex Concilio Florentino, Trullano, ex Theophylacto &c. tum contra Protestantes, qui, licet fateantur verisimile esse Christum vinum miscuisse, & mixto vino veterem Ecclesiam usam esse; contendunt tamen rem esse adiaphoram, vetustamque consuetudinem hoc ævo non præscribere, & prudenter merum præferri, ut suam ostendent libertatem. Et enim canone 32. Trull. an. 692. statuitur: *Ut si quis episcopus, vel presbyter, non secundum ordinem ab Apostolis traditum facit, & aquam vino miscens offert sacrificium, deponatur, ut imperfecte mysterium enuntians.* Concilium Bracharea. IV. can. 2. ait: *Calix Dominicus vino & aqua permixtus debet offerri.* Carthag. III. can. 24. jubet, ut sacerdos offerat, quod ipse Dominus tradidit, *hoc est panem, & vinum, aqua mixtum.* Adde Can. II. ubi monentur Sacerdotes Dei, ut procurent, ut panis, & vinum, & aqua, sine quibus nunquam Missæ celebrantur, pura, & munda fiant.

Prob. II. ex PP. Justinus M. Apol. 2. oblationes describens, quibus conficitur Eucharistia, ait: *Offeritur panis, & poculum aquae & vini, & infra: Panis offertur, & vinum, & aqua.* Irenæus l. 4. c. 57. *Accipiens temperamentum calicis suum sanguinem confirmavit.* Ubi temperamentum calicis, ex Massueto, mixtum calicem vocat, quia ex traditione Apostolica vinum consecrandum aqua miscetur. S. Cyprianus in ep. 63. ad Cæcil. *Quando in calice vino aqua miscetur, Christo populus adiunatur, ... in sanctificando offerri aqua sola non potest, quomodo nec vinum solum potest.* Nam si vinum tantum quis offerat, sanguis Christi incipit esse sine nobis, si vero aqua sit sola, plebs incipit esse sine Christo. Ambrosius de Sacram. ait: *Didicisti quod vinum & aqua in calicem mittuntur.* S. P. A.

de laud. Cypr. ait : *Solvitur ibi questio, utrum calix dominicus aquam solum, an eam vino mixtam debeat habere; ergo &c.*

Prob. III. ex antiquis Eccl. ritibus : id enim constat ex Const. Apost. l. 8. c. 12. ex Liturgia Jacobi, ex can. 32. Trull. aliisque monumentis apud Allarium, & Benedictum XIV. Idem præcipitur in ritu celebrandæ Missæ, in Capitulari Attonis Vercell. ep. Græci vero etiam frigidam vino miscunt ante consecrationem, & calidam paulo post; quod a Bened. XIV. ob ritus antiquitatem, Græco-Latinis permittitur. Ejus quoque mixtionis meminere Liturgiæ S. Basilii, & Chrysostomi : Nyssenus etiam, Theodoretus, Damascenus, Proclus, Nicephorus &c. Adde, Græcos ipsos, ut Arcudium, & Gabrielem Philadelph. in suis Liturgiis refellere scriptores Latinos, ut Guidonem Carmelitam &c. *qui dicunt, Græcos sacro calici aquam non admiscere secundum Ecclesiæ traditionem.* Vide Missam Æthiopum, & Coptorum apud Bolland. Tom. V. Jun. n. 199.

Prob. IV. rationibus Trid. Synodi, quæ sess. 22. c. 7. *monet sacerdotes, ut aquam vino in calice offerendo miscerent, tum quod Christum Dominum ita fecisse credatur, tum quia e latere ejus aqua simul cum sanguine exierit: & cum aque in Apocalypsi populi dicantur, ipsius populi fidelis cum capite Christo unio representatur.*

Opp. Novatores : prima ratio Trid. Syn. petitur ab exemplo Christi, atqui non probatur ex scripturis, quod Dominus aqua vinum temperaverit, ut fatetur Bellarminus; ergo &c. R. neg. conf. Non enim solæ scripturæ servarunt nobis rerum a Christo gestarum notitiam, cum plura Jesus fecerit, quæ scripta non sunt. Adde in cœna Paschali ita vinum temperandum fuisse aqua, ut nisi hanc admiscuissent, credidissent aliquid esse omissum in recta hujus ceremoniæ observatione, ut ex Maimon. probat Lightfootus. Fallitur ergo Buxtorfius, qui ait, Judæos id servasse pro lubito, sed etsi ii non servassent, servavit tamen Christus : *Qui temperantiæ summæ se præbuit exemplum*, ut ait Jo. XXII. ad Archiep. Armenorum.

Opp. II. Altera Tridentinæ Syn. ratio petitur ex aqua, quæ simul cum sanguine fluxit e latere Christi, atqui non est necesse usurpare in Sacramento quidquid adfuit in passione Domini; ergo &c. R. dist. min. Non est necesse ex Dei mandato, conc. ex præcepto Ecclesiastico rationabili causa servando, neg. Licet enim in aqua lateris Christi denotari baptismum veteres scripserint, non desunt tamen PP. cl. Augustinus, Theodulphus Aurelianen. Valafridus, Paschasius &c. qui illius aquæ symbolum referant per aquam, quæ in calice adhibetur. His adde cap. *In Sacramentorum de Consecr. dist. 2.*

& cap.

& cap. in *Calicem* sumptum ex Ambr. l. 5. de Sac. nec non liturgiam S. Joannis Chrysof. ubi legitur: *Ad infusionem vini dicit Sacerdos: Et unus militum .... & exiit sanguis, & addens aquam dicit: Et aqua.*

Opp. III. Postrema ratio Trid. est, quia aqua populi in Apoc. dicuntur, sed symbolica Theologia, ait Vossius, non sat est ad ritum adstruendum; ergo &c. R. neg. min. Cum enim sacri ritus instituti potissimum fuerint ob mysticam significationem, sufficit symbolica Theologia, si hoc Ecclesiae opportunum videatur, ad sacrum ritum adstruendum. Deinde Trid. Syn. præter hoc symbolum, profert exemplum Christi. Nec solum Cæsarius, Paschasius, Rabanus a Vossio citati rationem illam probarunt, sed etiam S. Cyprianus, Theodulphus, S. Thomas, Hildebertus Turonensis &c.

Opp. IV. Armeni locum Chrysof. hom. 83. sup. cit. Novatores vero jactant Ecclesiarum libertatem; ergo &c. R. ad 1. loqui S. D. contra Aquarios, ut sup. notatum est. Novatores item refutavimus l. 30. c. 23. Prop. II.

Opp. V. Can. 4. Conc. Aurel. an. 545. vel 541. ubi in vet. editione statuitur: *Ut nullus in oblationibus calicis, nisi quod fructu vineæ speratur, & hoc sine aqua mixtum, offerre præsumat*; ergo &c. R. neg. conf. Legi enim debet: *Et hoc aqua mixtum*, ut habetur in collect. Labb. tom. 5. quomodo enim esse potest vinum *mixtum*, & sine aqua? Hinc Vossius ipse mendum agnoscens ait, fieri non posse, ut PP. Aurel. tam veterem Ecclesiae consuetudinem immutaverint.

PROPOSITIO III. Aquæ cum vino permixtio non est de necessitate Sacramenti, sed præcepti Ecclesiastici.

Prob. I. pars. Nam materia calicis in Evangelio dicitur: *Genimen vitis*, sed tale est vinum etiam nulla aqua dilutum, ergo &c. Vide Prop. primam. II. Cyprianus in ep. ad Cæcil. ait, esse *sanguinem Christi*, si vinum sine aqua sit consecratum: ibidem veniale esse censet in eo, qui ignoranter aquam vino non miscuerat; ergo &c. III. Sine aqua vinum est symbolum Corporis Christi; ergo &c. IV. Peracta consecratione non debet aqua prætermisâ superinfundi ex Rubr. Miss. ut fieri debet de vino omisso, *si post verba consecrationis advertat sacerdos, vinum non fuisse posuit*; ergo &c. Prob. II. pars ex Prop. præced.

Ob. I. S. Cyprianus ait, perfici Eucharistiam, cum vinum & aqua miscetur; ergo &c. Addit II. non adunari Christo populum sine ea mixtione. III. Ait: *Calix Domini non est aqua sola, aut vinum solum, quomodo Corpus Domini nequit esse farina sola, aut aqua sola*; ergo &c. IV. Aqua vino non permixta non gereret typum cruoris, qui fluxit de Christi latere; ergo &c.

**R.** Ad I. & II. dist. ant. Ait perfici, quoad significatio-  
nem unionis fidelium cum Christo conc. quoad significatio-  
nem, & prout continet signum corporis, & sanguinis Christi  
sub speciebus panis & vini, neg. Nam præter symbolum a  
Cypriano expressum, species panis & vini sunt præcipuum si-  
gnum corporis, & sanguinis Domini; prout sunt spiritale ani-  
marum nostrarum nutrimentum. Ad III. dist. ant. Calix non  
est *vinum solum*, quoad mysticam significationem, conc. quo-  
ad substantiam, neg. Ceterum inter farinam, & vinum ma-  
gnum discrimen est: illa enim sine aqua non est panis, nec  
Eucharistiæ materia; hoc vero sine aqua vinum est, & valida  
ejus materia. Ad IV. neg. conf. Non enim opus est, ut Sa-  
ceramenti materies omnes typos gerat Dominicæ passionis, cum  
nec ipsa aqua, sed sanguis, necessarius fuerit ad Christi pas-  
sionem.

**Ob. II.** Contra II. partem: Christus præcepit Apostolis,  
ut idem facerent, quod ipse fecerat, sed ex Cypriano Christus  
aquam calicem temperavit; ergo &c. II. Concil. Carth. id re-  
fert ad Dominicam traditionem; ergo &c. III. Non inveni-  
tur Rom. Pontifex, qui hoc præceptum tulerit; ergo non est  
Ecclesiasticum. **R.** ad I. dist. maj. Ut idem facerent, quoad  
substantialia, conc. quoad accidentalia, neg. Non enim ait:  
*Hoc facite, adhibito hoc tantum pane, non alio, vino sic tem-  
perato, servato hoc tempore*, sed tantum: *Hoc facite*, idest:  
*Consecrate panem, & vinum, comedite, distribuite*; refertur  
enim *et facite* ad proxime peractam actionem, non ad acci-  
dentarias actionis circumstantias: alias non liceret Græcis in  
fermentato, nobis mane Eucharistiam conficere. Cyprianus  
ergo loquitur contra illos, qui in sacrificiis matutinis solam  
aquam adhibeant, *ne per saporem vini redolerent sanguinem  
Christi*; postquam autem demonstravit ex traditione Dominica  
consecratum esse vinum, exponit aquæ symbolum, de quo su-  
pra. Ad II. dist. ant. Et unum refert quoad Christi exem-  
plum, & mysticam significationem, alterum quoad necessita-  
tem, conc. utrumque quoad necessitatem, neg. Ad III. neg.  
conf. Ecclesia enim iussit servandum, quod Christus fecisse tra-  
ditur; & Apostoli servarunt. Non desunt tamen, qui id ab  
Alexandro Rom. Pontifice institutum putent anno 109.

**PROPOSITIO IV.** Aqua calici infundi debet in modica quan-  
titate.

**Prob. I.** Ex Ordine Rom. apud Mabillon, ubi de Missâ  
Rom. Pont. habetur: *Post aquæ benedictionem ponis tres guttas  
aquæ*. Rubric. Miss. §. 7. habet: *Parum aquæ infundat in ca-  
licem*. Conc. Triburien. præcipit, ut saltem duæ partes sint vi-  
ni. Honorius III. in ep. ad Archiep. Upsalen. damnat Septem-  
ptrio-

ptionalium abufum, qui ob vini penuriam ponebant in *majori quantitate de aqua, quam de vino*. Eug. IV. In Inſtr. Arm. ait, *vino aqua modiciſſima admifceri debet*.

PROPOSITIO V. Aqua vino permixta probabilius convertitur in Chriſti ſanguinem.

Prob. I. ex verbis Conſecrationis, ſuper vinum aqua permixtum prolatis, in quibus ſacerdos abſolute pronuntiat: *Hic eſt enim calix ſanguinis mei*, & ſtatim quidquid in calice eſt exhibet populo adorandum; ergo &c. Prob. II. ex Patribus. Irenæus l. 4. cap. 33. ait: *Temperamentum calicis ſuum ſanguinem confirmavit*. Ambroſius l. 4. Sacram. c. 4. ait; *Vinum, & aqua in calicem mittitur, ſed fit ſanguis conſecratione verbi celeſtis*. Paſchaſius in l. de Corp. & ſang. Domini c. 2. ait: *Aqua conſecratur, non quod aqua permaneat, ſed vertitur in ſanguinem*. Eadem habent Hildepertus Cenomanen. Algerus Leod. Adde Anſelm. Havelberg. qui Dial. 3. ait: *Ne mireris, quod aqua, & vinum ſimul conſecrata in unum ſanguinem tranſeunt, cum liquores in noſtrum tranſeant ſanguinem, ad ſubſtentionem corporum noſtrorum*. III. Exorta ann. 1188. hac controverſia in Galliis, delata eſt ad Gaufridum S. Bernardi ſecretarium, & ab hoc ad Henricum Alban. Episcopum. Et Gaufridus quidem ſententiam noſtram ratione & auctoritate munivit episto- la, quæ extat vol. 3. Annal. Ciſtercien. Licet autem non extet Henrici reſponſum, cenſet tamen Baronius, non aliud reſcribere potuiſſe, quam quod credidit, & cuſtodivit S. R. E. nimirum *aquam ſimul & vinum tranſubſtantiari in ſanguine Chriſti*. Quod etiam probabilius eſſe docuit poſt decennium etiam Innoc. III. cap. *Cum Marthe*. Hinc patet epistolis Gaufridi, & Henrici controverſiam non fuiſſe ſopitam, neque opoſitam ab Innoc. III. damnatam.

PROPOSITIO VI. Probabilius eſt aquam vino permixtam in Chriſti ſanguinem *immediate* converti.

Prob. I. enim aqua vino mixta naturam ſuam non deperdit, nam ſi guttatim aſfundatur vino quantitas aquæ major, liquor erit aquæ ſimilior, quam vino; ut arguit noſter Varroy c. 2. q. 6. II. Si aqua in vinum injecta in ipſum vertetur, facile ex uno vini dolio addita paulatim aqua centum fierent, ut arguit Auctor de Re Sacram. tom. 1. p. 371. III. Si poſt guttam in vinum verſam alia aſfundatur, & alia quoque moles in duplum, decuplum &c. excreſcat, tota illa moles non erit vinum, nec poterit inveniri a qua gutta aquæ moles ipſa exuere cœperit naturam ſuam, ut poſt Gaſſendum arguit noſter Cabaliens ſcribens: *Dic, mihi cur vinum deſtruxit mixtio nona, vel decima; cur non poſt eam vinum manet*. IV. Demonſtrant Phiſici, aquam vino permixtam, ab

eo per artificium separari posse, ut notat etiam Innoc. III. loc. cit. ergo &c.

Opp. Solum vinum, non aqua, est Eucharistiæ materia essentialis per Prop. 3. ergo &c. II. Innoc. III. oppositam sententiam probabiliorē appellat. III. Carthusiani, & Prædicatores vinum, & aquam præmittunt in Missa, ut longiori spatio aqua vinum fiat. Addit Capisucchi hanc conjecturam: *Quia Christus non mutatur in Ecclesiam, sed Ecclesia in Christum*. IV. Si species aquæ separantur a speciebus vini per artificium, sub iis tantum servaretur Christi sanguis, sed hoc est absurdum; ergo &c.

R. ad I. & II. neg. conf. Licet enim aqua sola in Christi sanguinem non convertatur, vertitur tamen, cum prius mixta transferit in vinum: quod fit, ubi unius particulæ ita insinuantur particulis alterius, ut propriam formam amittant, ac prorsus evanuisse videantur, non quod suam substantiam amiserit, aut physice convertatur in vinum, quod expresse negat Philosophus in 1. Gener. c. 5. atque hæc mens est Innoc. III. loc. cit. Ad III. neg. ant. Qui enim initio Missæ vinum miscet, ex eorum consuetudine id faciunt, qui principio sacra dona parabant, ut de Græcis ait Card. Bona l. 2. Rer. Liturg. c. 9. Nam, si sacerdos mox calicem consecraturus norit aquam non apposuisse, ponit illico, & statim consecrat ex Rub. Miss. n. 3. Ad IV. neg. sequel. maj. Aqua enim est idonea sacramenti materies, non ratione sui, sed prout vino permixta est; si ergo a vini speciebus separantur species aquæ, non possent amplius sacramenti habere rationem.

Ob. II. Innocentius VIII. teste Raphaelæ Volaterrano, Norvegis indulgit an. 1484. ut absque vino sacrificarent, quod ob immensa frigora vinum in ea regione acescat; ergo &c. II. A Romano Pontifice concedit posse, ut absque vino conficiatur Eucharistia, ubi vinum desit, asseruit sine sanctitatis dispendio quidam vir Dei apud Bened. XIV. l. 2. de Beatif. Sanctorum; ergo &c.

R. ad I. Neg. ant. Indultum enim huiusmodi, & alia plura Innocentii nomine supposita sunt a Dominico Viterbien. & Francisco Maldente, qui ea de re sacerdotio privati sunt, & extremo sunt affecti supplicio, teste Raynaldo, Bzovio, Burio, Sandino, aliisque. Falsum est etiam vinum, in Norvegia acescere, cum constet ibi in usu esse, & facile asservari, ex Card. de Lugo, Nat. Alex. &c. Adde in calidis potius, quam in frigidis regionibus vinum acescere, ut experientia comperitum est. Ad II. R. Idem Bened. XIV. neg. conf. Nulla quippe animadversione laud. servi Dei sententia notata est, eo quod scripserit, quando Breve Innocentii habeatur legitimum.

Que-



Quæres : an liceat sacrificare in una tantum specie, si desit altera. R. negative cum D. Thoma, Sylvio, Suarez &c. Exigit enim jus naturæ, ut Deo offeratur sacrificium in suo genere perfectum, & completum : jus quoque divinum, & Christi institutio utramque speciem consecrandam esse definiunt, atque in jure divino, ac naturali nec ipse Romanus Pontifex dispensat, ex cap. *Sunt quidam*, & cap. *Contra statuta* c. 25. q. 1. n. 6. ergo &c. Nec dicas cum Gabriele, aliisque, Romanum Pontificem eo in casu non dispensare, sed solum declarare, præceptum integre sacrificandi non urgere, propter summam necessitatem ; nam hoc Sacramentum non est absolutæ necessitatis, nec propter unius provinciæ commodum a Christi institutione est recedendum.

## A P P E N D I X

## DUORUM CAP. PRÆCED.

*In quo de varia Ecclesiarum disciplina circa utramque Eucharistiæ materiam differitur.*

Quam imperite Græcorum nonnulli vitio vertant Romanæ Ecclesiæ quod consecret in azymo, pluribus fuit demonstratum Prop. IV. cap. V. Diss. I. Ubi antiquos Maronitas azymis usos esse ex Jo. Morino notatum est. Constat reapse, apud Armenos, & Maronitas, a mille annis & ultra, azymi usum obtinuisse. Galanus enim Tom. 1. Concil. Eccl. Arm. hæc habet de Joanne Armenorum Patriarcha : *Hic jussu Homaris Saracenorum ducis Synodum congregavit in urbe Monascherti, ubi convenientibus cum Armenis sex Assyriis episcopis fuerunt a sacris ablata mysteris fermentum, & aqua.* Cum ergo comperit sit, Homarum Saracenorum ducem regnare cepisse anno 634. atque anno 644. obiisse ; circa hoc tempus azymi usus apud Armenos & Maroni-

tas invaluisse dicendum est. Reapse Armenos multis ab hinc sæculis in azymo consecrare Demetrius Cizicenus, Nicephorus, aliique testantur. Quamvis autem in Trullanâ Synodo Can. 32. damnati fuerint Armeni, eo quod aquam vino in Calice non miscerent, non tamen iis culpæ tributum est, quod azymo uterentur pro Eucharistiæ materia.

Azymo etiam uti Æthiopes, sive Abissinios ex Comment. Hist. Æthiop. Ludol. & ex declaratione habita coram ampliss. Card. ann. 1594. a quodam monacho Ord. S. Antonii satis compertum est. Is enim rogatus : *An Æthiopes celebrent in pane fermentato, vel azymo?* respondit : *Æthiopes in fermentato celebrant, & illi, qui in azymo celebrant, conficiunt etiam. Et nos in tota Æthiopia feria 5.*

*in cœna Domini singulis annis in hujus rei memoriam in azymis celebramus.* Chaldaei etiam, qui in Malabaribus versantur, postquam Latini illuc appulerunt, azymum panem adhibent pro hujusce Sacramenti materia. Unde in Concilio Diamperensi anno 1599. statutum est, ut tantum in azymo Eucharistiæ Sacramentum conficerent. Nam etiam ante ex Josepho Indo, cum in Latinorum Ecclesiis celebrabant, in azymo conficiebant: ut ex Josepho Indo observat Assemanus Tom. 3. Bibl. Orient. part. 2.

Alteram Eucharistiæ materiam vinum esse diximus prop. I. cap. V., nec ejus loco, sive aquam, sive liquorem alium substitui posse contra Bezam, ac Melanethonem pluribus demonstravimus. Neque huic nostræ sententiæ adversatur decretum Sac. Congreg. S. Officii editum die 22. Julii ann. 1706. in quo statutum est, licitum esse liquorem ex uvis passis expressum pro materia Calicis adhibere; siquidem in laud. Congregat. propositum fuit dubium a P. Josepho de Jerusalem Ord. Min. missionum Æthiopiæ præfesto, an liceat missionariis celebrare cum vino ex zebibo, & uvis passis expresso, ut ibi positum est in more? cumque jussu R. Pont. exquisitum prius fuerit a dicto P. Josepho: *Quo præcise modo conficiatur vinum ex uvis passis, vel zebibo in Æthiopia?* ac ab eo responsum esset, id fieri sumendo, ex gr. zebibi lib. 4. quæ in apto vase tunduntur, deinde totidem aquæ frigida libras in idem vas injici per oras circiter 10. extracta deinde zebibi, & uvæ materia, & ab exteriori aqua ex-

purgata torculari premi. Quare liquor inde expressus vinum est, quo Æthiopes utuntur, dum celebrant. His itaque auditis, nec non variis experientiis factis pro eruendo dicto vino statutum est: die 22. Jul. 1706. *Licere: dummodo liquor extrahendus a zebibo, vel uvis passis ex colore, odore, & gustu dignoscatur esse verum vinum.* Ex quibus omnibus nostra firmatur assertio, non infirmatur. Liquor enim ex zebibo, vel uvis passis expressus, in quo color, odor, & gustus reperitur, est verum vinum: quod quidem de Cervisia, aut alio liquore ex frumento, aut ex pomis expresse dici non potest, nec de Ruthenorum *Tdromelle*, aqua nempe mellita: quæ omnia validam esse calicis materiam perperam jactitant novatores. Nec dicas cum Verri-cellio, zebibum esse adeo decoctum ab igne, ut ex eo confici nequeat vinum simpliciter, sed tantum secundum quid, cum addito, nempe vinum coctum, seu sapam. Nam zebibum uva est, ignis vero, vel solis calore exsiccata, si post infusionem in aqua, liquorem referat, cum omnibus vini qualitibus, non nisi accidentario ab alio vino secernitur: ut apud nostrates vinum, quod *crudum* dicitur, ab eo, quod igne torretur, nonnisi per accidens secernitur, unde in Missa communiter adhibetur.

Vino in sacrificio consecrando aquam naturalem in modica quantitate, ex Ecclesiæ praxi ac definitione, Prop. IV. c. 6. monstratum est, unde satis liquet, quantitatem aquæ in calicem infundendæ minorem debere esse, quam vini. Qua  
de

de re censent plerique scholasticorum, irritam fore consecrationem, si secus fiat, idque firmare nituntur Triburiensis Synodi, nec non Honorii III. ac Pii V. Constitutionibus. Censent tamen nonnulli Theologi, decretis hujusmodi repressos fuisse quorundam abusum, qui contra communem Ecclesiæ consuetudinem plus aquæ, quam vini in calicem infundebant; aut irritum propterea Sacramentum fieri a nemine dictum putant. Ideo enim, ajunt, propter majorem aquæ, quam vini in calice quantitatem irrita foret consecratio, quia eo in casu jam vinum non ultra remaneret, sed prævalente aquæ vi in ipsam converteretur; atqui hoc, addunt, rationi & experientiæ, constanti medicorum, & chemicorum judicio firmatæ, adversatur: quamvis enim major sit in calice aquæ moles, quam vini, vinum nihilominus est: nec propterea deserit naturam suam, nec spiritus, nec robur deperdit. Quod si vinum est, valide ergo, inquit, consecratur, quantumvis aqua præponderet.

Quod etiam confirmant iisdem rationibus, quibus nos usi sumus ad demonstrandam Prop. II. cit. capituli VI. ex ipso Christi exemplo: monet quippe Sacrosanctus Tridentinus Synodus sess. 22. c. 7. *præceptum esse ab Ecclesiâ sacerdotibus, ut aquam vino in calice offerendo miscerent, tum quod Christum Dominum ita fecisse credatur, tum etiam quia e latere ejus aqua simul cum*

*sanguine exierit &c.* Ut ergo certo constaret, inquit, propter aquæ exuperantiam irritam fieri consecrationem, deberet quoque certum esse, Christum modicam aquæ quantitatem in calicem infudisse: atqui nihil de hac re, silente scriptura, ac traditione, decerni posse opinantur: imo si ratio attendatur, aut plus aquæ in Christi calice fuisse dicendum, aut saltem ad vini aequalitatem redactam, ex summa Christi sobrietate, Hebræorum consuetudine, conditione climatis, & vini, quod ibi nascitur, vi ac robore facile percipi posse. Incertum esse etiam putant, an aqua, quæ ex Christi latere lancea percusso manavit una cum sanguine, hujus copiam exceßerit. Aquas tandem, quibus in Apocalypsi populi designantur, quibusve Trident. Synod. loc. cit. ait: *Ipsius populi fidelis cum cap. Christo unione representari*, potius suadere putant oppositum: cum constet, populum caput vel ducem suum numero, aut quantitate longe superare. Ex quibus omnibus censent laudati Theologi consequens fieri, ut si plus aquæ, quam vini esset in calice, peccaret quidem gravissime, qui consulto sic ageret, quippe qui contemneret Ecclesiæ auctoritatem, & praxim: sed propterea irritum fieri Sacramentum (salvo semper meliori Ecclesiæ judicio, cui propriam sententiam ex corde subiciunt) non arbitrantur.

## CAPUT VII.

*De institutione verborum, seu formæ sacramenti Eucharistiæ.*

NOT. I. Plures hæretici, ut Bucetus, negant, in Eucharistia verba ulla esse pronuncianda, alii historice proferenda esse putant ad fidem excitandam, ut Calvinus. Lutherus vim consecrandi verbis tribuit, sed non iis tantum, quæ Christus creditur protulisse, sed præcedentibus etiam, & consequentibus. Græci, inter quos Cabasilas, & Marcus Ephes. ajunt: *Quod non solum a voce Dominicorum verborum sanctificantur dona divina*: sed etiam sequente oratione, & benedictione sacerdotis. Et hos quidem refellit Card. Bessarion, Alatius, & Arcudius, sed Græcorum sententiam instaurarunt Antonius Touttée, & Petrus Le-Brun a Bugeantio, Ursio, Meratio, Bened. XIV. aliisque refutati. Quidam scholastici post Catharinum docuere, Christum nullis verbis usum in consecratione, sed hujus formam ab eo fuisse præscriptam. Putarunt nonnulli Scotum existimasse verba illa: *Hoc est corpus meum, hic est sanguis meus* non sufficere, sed etiam præcedentia requiri, verum a communi sententia eum non recessisse contendunt Mastrius, Frassen, Henno &c. Plures Thomistæ ajunt, D. Thomam docuisse, omnia verba, quæ proferuntur in consecratione calicis, pertinere ad formæ substantiam. Alii tamen a communi sententia eum non recessisse contendunt, ut Sylvius, Contensonius, aliique.

Not. II. Inter Catholicos communior & verior sententia est, Christum consecrassse Eucharistiam verbis, & hæc præscripsisse sacerdotibus consecraturis. Eaque non historice tantum proferri, sed consecrare materiam. Hanc virtutem solis inesse verbis Christi nomine prolatis, & essentialia esse illa: *Hoc est corpus meum* &c. *Hic est sanguis meus*. Ubi nota, varias esse consecrationis formulæ apud Martene lib. 1. ant. Rit. cap. 4. In Liturg. S. Jacobi habetur hæc forma: *Hoc est corpus meum, quod pro vobis frangitur, & datur in remissionem &c. Hic est sanguis meus novi Testamenti, qui pro vobis, & pro multis effunditur, & datur* &c. In Const. Ap. l. 8. *Hoc est corpus meum, quod pro multis frangitur* &c. Æthiopes utrique formulæ addunt *Amen*. Mozarabes addunt etiam: *Quod pro vobis tradetur, in meo sanguine*. In lib. Sacram. Ambrosii habetur: *Quod pro multis confringetur*. Sacram. Gregorii, Ambrosianum, Indorum &c. habent Romanam formam. His notatis sit

PROPOSITIO I. Christus Eucharistiam instituens verbis usus est.  
Prob.

Prob. I. Ex 1. Corinth. 11. Christus Eucharistiam instituens ait: *Hoc est corpus meum*, addens: *Hoc facite in meam commemorationem*; atqui sacerdotes verbis consecrant; ergo & Christus. II. Trid. Syn. sess. 13. c. 1. ait: *Hoc sacramentum instituit, cum post panis, & vini benedictionem, se suum corpus præbere, ac suum sanguinem perspicuis verbis testatus est, quæ verba a D. Paulo repetita sunt*; ergo &c. III. Idem docent PP. in seq. Prob. laudandi. IV. Quidam oppositum docent, quod benedictionem cum consecratione confundant; sed illa huic præmittitur, unde in Græco habetur: *εὐλογίας, cum benedixisset*, præterito, non præsentis tempore, hinc Estius ait: *improbabiliter sentiunt, qui hanc benedictionem putant fuisse ipsam consecrationem corporis Domini*; ergo &c.

V. Bellarminus, Becanus, du-Hamel, alique putant, benedictionem, & consecrationem iisdem verbis fuisse peractam, nam PP. utramque sæpe indiscriminatim accipiunt; ergo &c. Ubi nota: benedictionem a Patribus dici ipsam consecrationem, quia hæc mylica dona immutat, redditque sancta, & benedicta, nam si benedictionem accipias pro oratione facta sacris muneribus consecrandis, hæc a consecratione diversa est.

PROPOSITIO II. Non est ab Ecclesia definitum, Christum in Eucharistiæ consecratione verba usurpasse.

Prob. I. Id non evincitur ex verbis Trid. & Florent. Syn. ubi habetur: *Formam huius sacramenti esse verba Salvatoris, quibus hoc confecit sacramentum*. Sic enim ea possunt exponi, nempe Christum benedictione sua consecrasse, & statim formam præscripsisse, qua presbyteri celebrarent, adeo ut *instituere, & conficere sacramentum* designet consecrationem a Christo benedictione peractam & formæ determinationem. II. Neque ex Luc. 24. ubi narratur Christum in Emmaus panem benedixisse nulla expressa verborum forma. I. enim Lyranus, Maldonatus, Calmet, alique negant tunc Jesum confecisse Eucharistiam. II. Si confecit, ut censet S. P. de Conf. Evang. l. 3. c. 25. ex scripturæ silentio non probatur, verba non protulisse. III. Nihil ea de re ab Ecclesia definitum asserunt Catharinus, Salmeron, Tournelius, alique: neque credibile est, Conc. Trid. voluisse sententiam confodere, quam viri cl. docuere. IV. Innoc. III. lib. 4. de Myst. Miss. ait: *Dici potest, quod Christus divina virtute confecit, & postea formam expressit, sub qua posteri benedicerent*, quod etiam sentit Durandus &c. Quæ tamen verba *opinative* tantum non *assertive* prolata sunt, ut notat S. Th. nec præcedenti propositioni adversantur.

PROPOSITIO III. Eucharistia verbis Dominicis, non precis ante vel post a sacerdotibus recitatis consecratur.

Prob.

Prob. I. ex Trid. & Florent. Syn., quæ expresse docent, Eucharistiam verbis effici *Salvatoris*, quibus hoc sacramentum conficitur. Prob. II. ex Patribus Latinis. Tertullianus l. 4. contra Marc. c. 40. ait: *Accepit panem, & corpus suum fecit, dicendo: Hoc est corpus &c.* Ambrosius de Myst. 9. Si tantum valuit humana benedictio, quid dicimus de ipsa consecratione divina, ubi verba ipsa *Salvatoris* operantur? Ante benedictionem verborum celestium alia species nominatur, post consecrationem corpus significatur: ubi Patres Benedictini ajunt, *apertissime sacra consecratio fieri docetur ipsis Domini verbis.* Et S. P. A. de Sac. l. 4. c. 4. ait: *Sermo Christi hoc conficit sacramentum. Antequam consecratur, panis est: ubi verba Christi accesserint, corpus est Christi.* Nec dicas, etiam preces, & quod historice enunciat, esse Dei verba, nam Ambrosius illa expresse a consecratione secernit, dicens: *Reliqua omnia a sacerdote dicuntur: ubi venit, ut conficiatur venerabile Sacramentum, jam non sunt sermonibus utitur sacerdos, sed sermonibus Christi.* Et S. P. A. serm. 227. ait: *Panis ille sanctificatus per verbum Dei corpus est Christi.* Vide apud Marten. loca Eusebii Emiseleni, Rhenigii Antiochodren. Paschafil &c.

Prob. II. ex Græcis Patribus, quos laudarunt Græci in sua confessione Florentiæ habita apud Mabillon. t. 1. Mus. Ital. ubi hæc leguntur: *Ab omnibus sanctis Doctoribus Ecclesiæ, præsertim ab illo Jo. Chrysostomo audivimus, verba Dominica esse illa, quæ mutant panem & vinum in corpus Christi, & sanguinem: Nos ipsum S. D. & illius sententiam sequimur.* Et Iess. 25. Florentina Syn. ita de verbis illis: *Hoc est corpus meum, protestati sunt: Per hæc verba transubstantiari sacrum panem, & fieri corpus Christi.* Ex quibus constat etiam incorrupta Græcorum fides de Sacramento Eucharistiæ, de qua tot controversiæ a Calvinistis sunt excitatæ.

Ob. I. Plura loca Iustini, Irenæi, Hieronymi, Aug. Synodi Caristacæ &c. apud Contensonium, Juenin, Tournely &c. precibus tribuere videntur Eucharistiæ consecrationem; ergo &c.

R. I. dist. ant. Tribuere videntur *dispositive*, & concomitanter, quatenus Eucharistia sine precibus non peragitur, conc. proprie, & *formaliter*, neg. R. II. Neg. ant. Nam Iustinus, & Irenæus non de precibus, sed de enunciatis verbis accipi debent. Is enim ait: *Panis percipiens invocationem Dei jam non communis est panis, sed Eucharistia*, atqui preces non ad panem, sed ad Deum diriguntur; ergo &c. Hieronymus vero non recenset consecrationis formam, sed ministerium sacerdotum, quos diaconis præferendos in ep. ad Evang. ostendit. Aug. etiam alt l. 3. de Trin. c. 4. nos ad cipere

cipere Christi corpus *prece mystica consecratum*, in Missa nempe, quæ majori ex parte precibus constat: quibus omis-  
*sis non rite*, sed *valide* confici sacramentum evincitur ex Augustino: qui de precibus eadem habet; ac de signo crucis, quod ad ritum, non ad valorem sacramenti pertinere nemo ambigit. Adde, Eucharistiam esse nedum Sacramentum; sed etiam sacrificium, quod cum certis ritibus; & supplicationibus fiat; putarunt Patres perfici illam precibus, quas fundimus in sacrificio, ut constat ex August. l. 5. contra Donat. 20.

Ob. II. In Missa Chrysostomi sic orat sacerdos: *Emitte Spiritum tuum sanctum in nos, & super dona ista. Fac panem hunc corpus Christi tui*. Ita Euchol. pag. 77. Eadem extant in Liturg. Jacobi, Marci, Clementis &c. apud Allat. & Arcud. ergo &c. II. In Liturgia Basilii pag. 169. post recitationem verborum consecrationis habetur oratio, in qua panis, & vinum dicuntur: *Antitypa, ac symbola presignantia sanctum corpus* &c. atqui Damascenus ait l. 4. de Fid. Orth. sacra dona dici a Basilio *Antitypa, antequam consecraretur oblatio, non post consecrationem*; unde sic arguitur. Post prolationem verborum *proposita dona* panis & vinum nondum versa sunt in Christi corpus & sanguinem, sed gerunt adhuc istorum typum prænuntiativum; ergo &c.

R. plures esse hujus argumenti responsiones a Card. Bessarione, Arcudio, Allatio, aliisque productas, quas apud Auctorem consulere potes: nos eam amplectimur, quæ asserit, Liturgiam Græcorum explicandam esse de effectu Sacramentali, non de consecratione Sacramenti; adeoque in ea peti, ut fiat corpus Christi *communicantibus in purgationem anime*, ut constat ex præmissis Græcorum confessionibus, & coheret Basilianæ Liturgiæ, ubi pag. seq. 170. habetur: *Et neminem nostrum in judicium, & condemnationem facias participem esse corporis, & sanguinis Christi tui*, quod confirmatur exemplo baptismi, ubi postulatur, ut *sanctificentur, qui nunc sunt baptizati* regenerationis lavacro, & post Confirmationem, & Ordinem orat episcopus, ut *chrismatos confirmet*, & ordinato tribuat potestatem, inusitatum quippe non est iteratis precibus postulare, quod jam concessum est, ac si nondum foret concessum. Quæ responsio firmissima censenda est, si conferratur cum præmissis verbis SS. PP. & cum actione diaconi, qui statim post Dominica verba præsens Christi corpus populo adorandum exhibet.

Quæres: quo sensu vox *Antitypi* accipi debeat in laud. Basilii Liturgia? R. duas esse præcipuas hujus vocabuli significationes. I. *Antitypa* dicuntur ea, quæ typum, & eandem formam referunt, ut transumptum, & autographum. II. Ea, quæ

quæ substituta sunt loco figuræ, & typi, quem veritas in læcem edita eliminat. *Antitypum* in I. sensu non repugnat contineri in typo, & in antitypo, sicut idem, quod est in autographis, est in transumptis. Hoc pacto species panis & vini sunt *antitypa* corporis, & sanguinis Domini, figura nempe non excludens veritatem sed adstruens. Quo sensu symbola, etiam post consecrationem, *signa*, *typus*, *imagines* dixerunt Origenes, Cyrillus, Nazianzenus, Ambrosius, aliique. At in II. sensu panis & vinum fuerunt *antitypa* solum ante consecrationem: recte autem Damascenus ait, Basilium accipiendum de pane & vino ante consecrationem, adeoque *antitypa* in II. sensu accipienda laudata Basilii, verba licet post consecrationem prolata referenda sint ad tempus ipsam consecrationem præcedens, quo erant antitypa non consecrata: est enim in illis aoristus præteriti temporis, atque ita se habent in Græco: *Καὶ προσέειπεν* &c. & cum proposuerimus *antitypa* S. corporis, & sanguinis Christi, quæ omnem dubitationem elidunt.

PROPOSITIO IV. Sola verba: *Hoc est corpus meum*, & : *Hic est calix*, aut : *Hic est sanguis meus* essentialia sunt, sed alia non sunt omittenda.

Prob. I. pars; consecratio enim ex dictis fit verbis Domini, sed hæc verba: *Qui pridie* &c. quæ essentialia putant Scotistæ, non Domini sunt, sed Evangelistarum; ergo &c. Vide prop. 3. II. Nec sunt essentialia ea, quæ consequuntur post verba; *Hic est calix sanguinis mei*: hæc enim perfectam orationem continent, ac sensum determinatum, non minus ac præcedentia: *Hoc est corpus meum*, sed hæc sufficiunt ad panis consecrationem; ergo & illa ad calicis consecrationem sufficiunt. III. Verba illa: *Accipite* &c. usum Sacramenti exprimunt, non materiæ consecrationem, particula enim orationis nexum, reliqua vero non Christi corpus, sed redemptionem significant; ergo &c. Prob. II. pars. Summa quippe esset audacia in re tam gravi majorum instituta & Ecclesiæ consuetudinem violare.

Ob. I. Scotus dist. 8. q. 2. *Hæc verba: Hoc est corpus meum, prolata sine præcedentibus non significant absolute corpus Christi, quia ly meum significat referri ad personam ipsius loquentis. Addit Brancatus, ex vi verborum: Hoc est corpus* &c. non significari Christi corpus, nisi præmittatur: *Qui pridie* &c. III. PP. probant in Eucharistia realem præsentiam ex vi verborum, sed ex vi sua verba hæc: *Hoc est corpus meum*, significant corpus loquentis, non Christi; ergo &c. R. Quidquid sit de Scoti mente, de qua non conveniunt Scotistæ ipsi, dicimus sat esse ad conficiendum Sacramentum, ut verba effectum significant ex institutione Christi, & ex intentione ministri,

nam



nam Scotus ipse fatetur, non sat esse ad consecrationem verba proferre, nisi ea proferat minister *formaliter & significative*, ea intentione faciendi quod Christus fecit. Nam si verba præcedentia: *Accipit, fregit &c.* non autem ministri intentio determinaret Sacramentale effectum, pronomen *Hoc* non ostenderet, quod sacerdos habet præ manibus, sed quod tunc Christus habebat; effectus ergo sacramentalis non pendet ex materiali verborum significatione, sed ex ea, quam habent ex Christi instituto, & intentione ministri, atque ex vitalium verborum, hac institutione & intentione prolatorum, PP. inferunt realem corporis Christi præsentiam in Eucharistia.

Ob. II. Thomistæ. Ad essentiam formæ calicis pertinere ea verba: *Novi & æterni testamenti*, asserit S. Thom. q. 78. a. 3. ubi eos refellit, qui putant, de *substantia formæ hujus esse*: *Hic est calix sanguinis mei, non ea que sequuntur*. Eadem habet in 4. Sent. dist. 8. q. 2. & lect. 6. in c. 11. ep. 1. ad Cor. ubi ait: *Solis verbis: Hic est calix sanguinis mei, probabilius non fieri consecrationem*. Hinc iussu Pii V. expuncta est Diss. Cajetani, ubi laud. formulam propugnabat; ergo sequentia verba: *Novi testamenti &c.* sunt essentialia.

R. neg. ant. Nam S. D. docet ea verba: *Novi testamenti &c.* esse de substantia, ac de essentia formæ, non ut consecratur materia, sed ut significetur expressione verborum Christi passio, & sanguinis ejus effusio. Non enim quærit ibi S. D. an verba, quibus nos utimur, sint essentialia, sed *utrum* hæc sit conveniens forma, quæ duo longe diversa sunt. Insuper in eodem art. 3. ait: *Omnia prædicta verba sunt de substantia formæ, sed per prima verba: Hic est calix &c. significatur conversio vini in sanguinem, per verba autem sequentia designatur virtus sanguinis effusi in passione*. Jure autem expuncta est e Summa D. Thom. dissert. Cajetani, & quia mentem S. D. non est assecutus, & quia minus honorifice de eo locutus est.

PROPOSITIO V. Verba consecrationis, nedum historice, sed etiam *assertive*, & *significative* enuntiantur.

Prob. I. hæc assertio ab Auctore tom. 6. pag. 109. II. breviter confirmatur. Nam arcana illa verba non tenent locum concionis, ut hæretici putant, sed ex PP. accedunt *ad elementum*, & illud consecrant, panem vero & vinum in Christi corpus & sanguinem convertunt. III. Sacerdos iis verbis loquitur non in propria, sed in Christi persona, per prop. 3. sed hoc falsum esset; si sacerdos ea verba proferret solum historice, non assertive; ergo &c. IV. dirigitur forma consecrationis ad panem & vinum positum in sacerdotis manibus,

Tom. IV.

H

non

non ad placentas, & calicem ultimæ cœnæ; ergo &c. Non negamus tamen verba illa, maxime cum præcedentibus conjuncta, exprimere historicam narrationem, cum Christi benedictionem, fractionem, & consecrationem referant, sed dicimus sacerdotem, quando venit ad prolationem verborum, Christi vice fungi, ipsius corpus, & sanguinem enuntiare præsentia, & enuntiando conficere.

Opp. Hæretici, Justinus M. Const. Apost. Ambrosium, & S. Leo, imo Justinianus Imper. Const. 123. præcipit: *Ut episcopi, & presbyteri, non tacito modo, sed clara voce, sacram oblationem celebrent*: unde iis auditis populus respondebat: *Amen*, qui mos etiam nunc servatur in Ecclesiis Græcorum, ut testatur Card. Bessarion; ergo &c. R. neg. conf. Nam apud Orientales verba illa elata voce enuntiantur, ut populus non auditis iis, quæ præcessere, percipiat a sacerdote, quem in sanctuario latentem intueri non potest, sacra munera sermone Domini consecrari, & consecrata adoret, & in iis adesse Christi corpus & sanguinem profiteatur dicens: *Amen*. Hæc Bessarion: ubi mirari satis non possumus Vossii confidentiam liturgiam Orientalium, & Bessarionis scripta nobis opponentem, quibus præsertim ipse confoditur. Eadem est Justini, Ambrosii, & aliorum P.P. mens. S. Leo autem loquitur de accipientibus communionem, non de consecrantibus. Justiniani *Novellæ* agentes de S. Ritibus, quos ab Ecclesiæ statutis, non a legibus Imp. edocemur: nos movere non debent.

Quæres: an satius sit proferre verba consecrationis voce submissa, an elata? R. I. Unicuique servandam Ecclesiæ suæ consuetudinem, ut alibi dictum est. II. Fateror, etiam Orientales verba illa clare proferre, ex Dionysio Alex. ex Missa Chrysostomi, Basilii &c. Damus etiam hunc morem obtinuisse in Ecclesia Mediolanæ. ut censet Menardus. III. Dicimus, ex ritibus Orientalium nullam Rom. Ecclesiæ legem præscribi, in qua opus non est ea vocis elatione ad monendum populum de facta consecratione a sacerdotibus in sanctuario latentibus, nam apud nos sacerdos statim elevat symbola consecrata, ea adorat, & datur signum populo pulsatione campanulæ: melius est ergo submissa, quam elata voce ea verba proferre, ne vilescant, aut a plebe sacrilege pronuntientur, ut l. 3. de alt. Myst. monet Innocentius.

## DISSERTATIO II.

*De reali presentia Christi corporis & sanguinis in Sacramento Eucharistiæ.*

**D**E amplissima controversia adversus fidei hostes disceptaturi, proferimus I. inconcussa momenta, quibus catholica sententia statuitur. II. Hæreticorum sophismata, quibus impetitur. III. Eorum consubstantiatio, seu impanatio refellitur. IV. Stercoranistarum hæresis, si quæ fuit, rejicitur. V. denique varia catholica theoremata circa realem Christi præsentiam in Eucharistia proferuntur.

## CAPUT I.

*De invictis momentis, quibus catholicum dogma statuitur.*

**N**OT. I. in Eucharistiæ Sacramento revera Christi corpus, & sanguinem contineri negarunt I. Capharnaitæ, qui ad verba Christi: *Ego sum panis vivus &c.* responderunt: *Quomodo potest hic nobis carnem suam dare ad manducandum?* inter quos Judam extitisse probat ex Chrysost. Bullingerus. His accensendi sunt Simoniani, Marcionitæ, Manichæi, alique Phantasiastæ veram Christi carnem negantes, nec non Messaliani & Enthusiastæ. Nestorianos autem *transubstantiationem* panis in Christi carnem agnovisse constat ex Vigilio Tapsen. l. 5. adv. Eutych. Hinc Ephesini PP. hoc unum adversus Nestorium adstruunt, accedentes ad sacr. mysteria *ipsius Verbi propriam carnem manducare, non hominis sanctificati, & Deo conjuncti secundum divinitatis unionem*, quæ fuit Nestorii hæresis, ut alibi dictum est.

Not. II. Cum sæculo 9. librum de corpore, & sanguine Christi ediderit Paschasius Radbertus abbas Corbejenfis, *adversus aliquos male de Eucharistia sentientes*, teste Alcuino in confess. Fid. illum nostri dogmatis primum auctorem faciunt Claudius, alique novatores, quod probant, ex quo Paschasio resistenter Rabanus Maurus, Ratramnus, & Scotus Erigena. Sed hunc sectatorem Pelagii, ac orthodoxæ fidei, patribusque oblatrantem S. Prudentius appellavit apud Norisium; Rabanus vero, & Ratramnus a Paschasio discordarunt tantum circa loquendi modum. Nam Paschasius *idem Christi corpus* in cælis, & in Eucharistia asserbat, illi *diversum*, unde in suspicionem erroris venerunt: quos tamen ab errore vindicavit Mabillonius dicens, eos statuere differentiam illam, quantum ad species, exteriorumque figuram.

Not. III. Sæculo XI. prodiisse Berengarii hæresim, de cuius errore non conveniunt eruditi. Quidam enim ex ejus assertis admiserunt *præsentiam realem*, & negarunt tantum *transubstantiationem*. Alii autem expresse negarunt corpus Christi in cælis collocatum posse in terram deferri. Berengarium damnarunt in R. Synodo Leo IX. an. 1050. ex Hermanno in Chron. Brionenſis conventus, Vercellenſis, Pariſien. & Florentina ſynod. ſub Viſt. II. Et Romana altera ſub Nicolao II. in qua Berengarius errorem ſuum abjuravit, librosque cremavit. Tres fidei formulas a Berengario emiſſas profert Mabillonius, ex quibus inferitur, eum principio *realem præſentiam* negaſſe, II. ea admiſſa propugnaſſe *impanationem*, in iis enim formulis *utrumque* expreſſe conſeſſus eſt, & poſt varias tergiverſationes rediit Berengarius ad ſanam mentem, obiitque nonagenarius anno 1088.

Not. IV. Poſt Berengarium dogma catholicum pervicaciores hæretici impugnarunt Petrus de Bruis, & Henricus ejus diſcipulus, deinde Albigenſes ex Manichæorum reliquiis exorti, Carloſtadius, Zuinglius, & Colampadius, Bucerus, & Sociniani, qui omnes in Euchariftia *figuram*, *ſignum*, & *imaginem corporis*, & *ſanguinis Chriſti* fatentur, ipſum vero *corpus*, & *ſanguinem* negant. Lutherus realem præſentiam præſus Evangelicis verbis agnovit: ita tamen, ut dixerit, una cum Chriſti corpore permanere *ſubſtantiam panis*. Aſt ann. 1543. *transubſtantiationem* admiſit. Calvinus in tract. de Cœna primum ait diſtribui in cœna *corpus & ſanguinem Chriſti*, ſed cum poſtea addiderit, id fieri *ſola manducantium fide*, compertum eſt Calvinum pugnantia conſcribere, & verbis ludere. Jam vero quid catholici ſentiant de reali præſentia declarat, quæ mox ſequitur

PROPOSITIO. In Euchariftia vere corpus, & ſanguis D. N. J. C. continetur.

Prob. I. ex ſacris litteris. I. enim Jo. 6. v. 52. ait Chriſtus: *Panis, quem ego dabo, caro mea eſt &c.* Litigantibus autem Judæis, *quomodo poſſet carnem ſuam dare ad manducandum?* R. Jeſus: *Niſi manducaveritis carnem Filii hominis &c.* & v. 56. rationem profert dicens: *Caro mea vere eſt cibus &c.* atqui non potuiſſet Chriſtus verbis clarioribus ſuam realem in Euchariftia præſentiam, manducationem, ac potationem exprimere; ergo &c.

R. Albertinus: verba illa accipienda eſſe in ſenſu myſtico, non in ſenſu literali. Sed fallitur I. enim eo teſtimonio: *Niſi manducaveritis &c.* utuntur Hæretici, ut contra nos adſtruant communionem ſub utraque ſpecie, quod ſane ad rem non eſſet, niſi myſtice accipiendum eſſet. II. Cum Judæi non per i-

perciperent ; quomodo manducanda esset humana caro dicentes : *Durus est hic sermo*, non ait Christus, se locutum esse de mystica, & figurata manducatione, sed rursus id asseruit, asserens in veritatis confirmationem futurum sui in cælum ascensum.

Adde, Evang. Joannem, si quid tropice a Domino dictum est, statim explicuisse, ut cum ait Christus Jo. 3. *Solvite templum hoc*, subdit Jo. *Ille autem dicebat de templo corporis sui*. Et c. 7. cum ait : *Flumina de ventre ejus fluent*, Jo. v. 39. subdit : *Hoc autem dixit de spiritu &c.* Item c. 12. & alibi. Si ergo de manducando corpore, quibusdam murmurantibus loquens Christus Dominus, mentem suam non aliter aperuit, nisi confirmando quod dixerat, nec Joannes eam exposuit ; signum est verba illa non mystice & figurate, sed proprie & literaliter esse accipienda. Deinde ait Christus ibidem : *Panis, quem ego dabo, caro mea est pro mundi vita*, eumque panem mannae Patrum anteposit, sed hæc verba nequeunt accipi de incarnatione jam peracta, sed de beneficio futuro, ac tali, quo non figura sui corporis, qualis fuit manna, sed corpus ipsum traderetur in cibum. Cujus gratia præmisit miraculum de quique panibus : *Ut, Judæi, re docti fidem minime iis negarent, quæ postea dicturus erat*, ait Chrysostomus in hunc locum : sed miraculo non opus erat, ut crederent verbis suis, si ea mystice intelligenda essent ; ergo &c.

II. Christus Dominus Matt. 26. & alibi discipulis panem vinumque porrigens ait : *Hoc est corpus meum, hic est sanguis meus* ; sed hæc verba proprie accipienda sunt ; ergo &c. Prob. min. I. Oratio ista : *Hoc est corpus meum* operatrix, & vera est, sed talis non esset, si panis in sua remansisset substantia, sicuti vera non esset, si Christus aquæ hydriam manu tenebat in Cana Galilææ dixisset : *Hoc est vinum*, nec aquam in vinum vertisset ; ergo &c. II. Hæc verba ab hæreticis explicantur per metonymiam, quasi hunc sensum reddant : *Hinc panis est signum corporis mei, quod in passione instar panis frangendum erat*, sed hoc falsum est, Christus enim Eucharistiam loco testamenti reliquit, sed verba testamenti planissima esse debent, ne lis oriatur inter hæredes ; ergo &c. Loquebatur etiam Christus discipulis rudioribus, quæ tropi ac parabolæ aptæ non erant ; adeoque aut Christus per se eas explanasset, aut id ab eo fieri postulassent Apostoli. Tandem non ait Christus : *Hic panis est corpus meum*, sed : *Hoc est corpus meum* ; ergo pronomen *Hoc* non ad panem, sed ad Christi corpus est referendum.

III. Ajunt hæretici, non esse a nuda litera discedendum, ubi sensus grammaticaliter perspicuus est, nec vox aliqua afficitur

tur tropo; sed nullus est tropus in iis verbis, quæ sane tam clara sunt ac ista: *Deus erat Verbum, Verbum caro factum est, Christus est Dei filius*; sicut ergo damnamus Ebionæos, & Arianos hæc verba tropice exponentes, ita damnare debemus, novatores &c. Hinc Lutherus veritate coactus asseruit: *Nimis clara esse illa verba, hoc est corpus meum*. Calvinus l. 4. Inst. c. 17. ait: *Nihil dubito, ait, quin sub symbolis panis, & vini corpus & sanguinem suum vere porrigat, Christus*. Glassius etiam l. 2. tract. 2. ait: *In verbis cæne, accipite, & comedite, hoc est corpus meum, sensus literalis proprius est, quia nulla hic occurrit vox modificata, seu tropo affecta*. Addit Hornejus in Comp. Theol. pag. 408. Corpus Christi in sacris literis vel naturale denotari, vel mysticum, idest Ecclesiam, sed hic sermo non est de corpore Ecclesiæ; ergo de vero, & naturali ejus corpore.

IV. Ex aliis locis de eodem argumento tractantibus, & præsertim ex Jo. 6. constat, Dominicam carnem vere, non tropice cibum, & potum esse, ex Corinth. 10. *Panis, quem frangimus, participatio corporis Domini est, & c. seq. de indigne sumentibus dicitur: Reus erit corporis, & sanguinis Domini*, non de typo, aut imagine male tractata poenas luet, sed de violato ipso corpore, & sanguine Christi, non dijudicans, hoc est non discernens corpus Domini: parem ei irrogans injuriam ac Judas osculo tradens, & Judæi clamantes: *Crucifige, quibus exemplis utitur Theodoretus, Œcumenius, alique*. V. Ideo Jo. 1. 29. *Ecce agnus Dei &c.* Et c. 15. 1. *Ego sum vitis vera, & c.* 1. Corinth. *Petra erat Christus*, figurate accipi debent, quia ibi subijcitur: *Qui tollis peccatum mundi*, quod non convenit ovillo fœtui; hic vero confestim additur: *Si quis in me non manserit, mittetur foras sicut palmes &c.* Et 1. Corint. Christus dicitur: *Petra spiritualis*, sed in his verbis: *Hoc est corpus meum, hic est calix &c.* nihil additur, quod tollat literalem sensum, sed habetur tantum: *Quod pro vobis tradetur, & Qui pro multis effundetur*, quæ vero corpori, & sanguini tribuuntur; ergo verba Christi; *Hoc est corpus meum*, literaliter accipi debent.

Prob. II. Ex Ecclesiæ Conciliis. Nicænum I. Can. 14. jubet, ut iis, qui non offerunt, sacerdotes dent corpus Christi. Ephesinum in Ep. ad Nestor. statuit: *Accedentes ad mysticas benedictiones participes fieri sacri corporis, & sanguinis Christi, neque communem carnem percipere, sed ipsius Verbi propriam factam*. Nicænum II. Nullus, ait, Apostolorum, aut PP. incruentum sacrificium dixit imaginem corporis ejus. Post sanctificationem panis & vinum corpus proprie, & sanguis Christi appellantur. Plura Concilia coacta contra Berengarium

garum supra laudavimus, quæ adde Lateranense sub Innoc. III. Conflantienſe ſeſſ. 8. Florent. in Decr. Un. & Trid. ſeſſ. 13.

Prob. III. ex PP. Ignatius M. in ep. ad Smyrniæos de Simonianis ait: *Ab Eucharistia, & oratione abſtinent*, quod non confiteantur Eucharistiæ carnem eſſe Salvatoris noſtri Jeſu Chriſti. Eadem habet in ep. ad Rom. & Philadelph. S. Juſtinus in Apolog. ad Antonin. ſcribit, in Eucharistia veram manducari Chriſti carnem: *Non ut communem panem, ſed quemadmodum Verbum Dei caro factum carnem & ſanguinem habuit, ad eundem modum alimoniam, unde ſanguis & caro noſtra aluntur, ejuſdem incarnati Jeſu carnem, & ſanguinem eſſe edoſſi ſuimus*. Irenæus l. 4. c. 18. ait: *Quomodo conſtabit eis, cum panem corpus eſſe Domini ſui, ſi non ipſum fabricatoris mundi filium dicant?* Quibus verbis docet, eos, qui Verbi incarnationem negant, denegaturos etiam Eucharistiæ & tranſubſtantiationis myſterium.

Tertullianus lib. 4. contra Marc. cap. 40. ait, Chriſtum acceptum panem in corpus ſuum vertiſſe ſcribens: *Corpus ſuum illud fecit*. Ac de percipiente Eucharistiæ ait lib. de Reſurr. c. 8. *Corpore, & ſanguine Chriſti veſcitur*. Cyprianus de Lapſ. pag. 378. de impiis non purgata conſcientia communicantibus ait: *Viſ inſertur corpori ejus & ſanguini*. Et ep. 14. ut probet dandam eſſe communionem lapſis ſub Decio, & errorem conſitentibus, ait: *Quomodo provocamus eos ſanguinem ſuum fundere, qui ſanguinem Chriſti erubeſcimus bibere?* Nyſſenus in Orat. Catech. c. 37. ſcribit: *Verbo Dei ſanctificatum panem in corpus Dei Verbi tranſmutari credo*. Cyrillus Jerof. Myſtag. 4. Cum Chriſtus dicat de pane: *Hoc eſt corpus meum*, quis deinceps audeat dubitare? Ambroſius de Myſter. c. 8. n. 47. Eucharistiæ manna præſent, quia hæc eſt panis vivus, qui deſcendit de celo, & eſt corpus Chriſti, non figura, ſed re: nam etiam manna typum Chriſti gerebat. Et n. 48. *Conſidera*, inquit, *utrum præſtantior ſit panis angelorum, an caro Chriſti, manna illud celi, hoc Domini celorum*. Illis aqua de petra fluxit, tibi ſanguis e Chriſto: illis in umbra, tibi in veritate. Quibus verbis nil clarius, aut magis efficax proferri poteſt ad probandam præſentiam realem Chriſti in Eucharistia. Chryſoſtomus hom. 83. in Matth. ait: *Quoniam Verbum dixit: Hoc eſt corpus meum, nulla teneamur ambiguitate, ſed credamus*, Deinde ait, non eſſe invidendum iis, qui Chriſtum facie viderunt, quia ſub elementorum velamine revera ipſum videmus, & comedimus, ſed hæc inepta eſſent, ſi in Eucharistia eſſet tantum typus, & figura; ergo &c.

Item Hom. 24. in 1. Corint. ait: *Quod eſt in calice, eſt illud idem, quod e latere fluxit*. Hieronymus in 1. ep. ad Tit. ait:

*Tantum interest inter propositionis panes, & corpus Christi, quantum inter imaginem, & veritatem, & ep. 44. ait, sacrificium Melchisedech oblatum fuisse in typo, Christi autem in ejus sanguine & corpore. S. P. Aug. l. 9. Conf. c. 13. ait: matrem suam ei mandasse, ut sui memoria fieret ad altare, ubi sciebat dispensari victimam sanctam, qua deletum est chi-  
~~rographum contrarium nobis.~~ Et enarr. 1. in Pl. 33. ait illud 1. Reg. 21. Ferebatur manibus suis, in Davide, aut in alio ad literam non esse impletum, quia manibus suis nemo portatur; sed impletum in Christo, quando ait: Hoc est corpus meum: ferebat enim illud corpus in manibus suis, sed hæc de figura, & imagine exponi nequeunt, quam quisque ferre potest in manibus suis; ergo &c. Et l. 2. adv. Peril. c. 37. scribit, Pascha Judaicum fuisse typum passionis Christi, sed aliud esse, quod illi de ove celebrabant, aliud, quod nos in corpore, & sanguine accipimus; ergo &c. Vide Card. Perronium, Iodocum, Crespetium, Bellarminum, opus de Perpetuitate Fidei, Vitassium &c.*

Prob. IV. ex confutatione veterum hæreticorum. Nanz Irenæus l. 4. c. 17. probat abrogandam fuisse legem veterem, ut umbris veritas succederet, & ubique offerretur sacrificium a Malachia prædictum, in quo Dominus panem fecit corpus suum, & vinum sanguinem suum confessus est. Hinc l. 5. c. 2. ex Eucharistica transubstantiatione probat corporum resurrectionem: *Sicut granum tritici & vinum percipientia verbum Dei Eucharistia fiunt, quod est corpus & sanguis Christi, sic & nostra corpora ex ea nutrita, & in terram resoluta resurgent in suo tempore.* Et Marcionitas &c. refellens negantes Verbum assumpsisse veram carnem ait, inde sequi, quod nec Dominus sanguine suo redemit nos; neque calix Eucharistiae communicatio sanguinis ejus est, neque panis communicatio corporis ejus, sed hæc futilia essent, si in Eucharistia esset sola figura Christi corporis; ergo &c. II. Tertullianus l. 4. contr. Marc. Christi corpus verum non phantasticum probat ex verbis: *Hoc est corpus meum*; cum ergo vocat panem figuram corporis, non loquitur de figura, quæ veritatem excludat, alias Marcionem non confutasset: respondisset enim, corpus dici, quod corporis refert imaginem.

III. S. Epiphanius in Anchor. p. 70. probat hominem factum esse ad imaginem Dei (licet homo percipi, & tangi possit non Deus) quemadmodum panis consecratus est verum Christi corpus, licet sit sensus expers, & membris careat, quod adeo certum est, ut nemo sit, qui non credat huic sermoni: *Hoc est corpus meum.* Nam qui verum illum esse non credit a salute excidit; qui locus insignis a Petavio dicitur: Quo Domini



*nici corporis in Eucharistia presentia comprobatur*. IV. Hilarius probat Dei Verbum naturaliter esse in Patre ex Eucharistia & Incar. mysterio dicens: *Si vere carnem corporis nostri Christus assumpsit, nosque vere sub mysterio carnem corporis sui sumimus, & per hoc unum erimus, quia Pater in illo est, & ille in nobis, quomodo voluntatis unitas asseritur, cum naturalis per Sacramentum proprietas perfecte Sacramentum sit unitatis*. V. Cyrillus Alex. l. 4. contra Nest. c. 4. demonstrat in Christo unitatem personæ, ex quo in Eucharistia carnem vivificam, & Verbi propriam accipiamus: *Cum enim, ait, ab illa cum corpore mystica veraque unione vivificum Dei verbum disjunxeris, quomodo ipsum corpus adhuc vivificum ostendes? ergo &c.*

Prob. V. Ab exemplis, quibus veteres PP. fidem huic mysterio conciliarunt. Justinus in Apol. pag. 98. ait, panem mutari in Christi corpus; sicut *per Verbum Dei caro factum est Jesus Christus*. Eandem comparisonem asserit Nyssenus, Hilarius. Irenæus l. 4. c. 18. adstruit fidem Eucharistia, quia fit *per Verbum, per quod lignum fructificat, & terra dat primum fœnum post spicam, deinde plenum triticum*. Cyrillus Jerol. Orat. Mystag. 4. ait: *Aquam mutavit in vinum in Cana Galilææ, & non erit dignus cui credamus, quod vinum in sanguinem transmutavit?* Ambrosius de Myst. c. 9. *Si tantum valuit sermo Elie, ut ignem de celo deponeret, non valebit Christi sermo, ut species mutet elementorum?* Sermo Christi, qui potuit ex nihilo facere quod non erat, non potest ea, quæ sunt in id mutare, quod non erat? *Quid hic queris nature ordinem in Christi corpore, cum præter naturam sit ipse Dominus Jesus partus ex virgine?* Eadem exempla profert Damascenus. l. 4. de Fid. Orth., sed exempla hujusmodi ad rem non essent, si in Eucharistia non esset revera Christi corpus, sed tantum ejus figura; ergo &c.

Prob. VI. ex miraculis. Optatus enim l. 2. de Schism. Don. n. 19. narrat, canes dilaniasse Dominos suos, qui Eucharistiam projecerant, *quasi latrones S. corporis reos*. Amphilo- chius in vita Basilii narrat, Hebræum mysteria nostra irridentem vidisse Basilii manibus infantem in sacrificio partiri: cumque accederet communionem percepturus, hostiam in ve- ram carnem fuisse conversam. Idem contigisse matronæ cui- dam sacram synaxim a magno Gregorio sibi porrectam irri- denti, narrat Jo. Diaconus l. 2. Vit. Gregorii n. 41. Chryso- stomi avo, dum mulier hæretica panem communem loco Eu- charistia, quam ancillæ clam porrexit, ori admovisset, in du- rissimum lapidem versus est, qui diu in C. P. templo serva- tum est, ex Nicephoro, & Sozomeno.

Sacram hostiam a malefica muliere palliolo involutam, media sui parte in carnem non fuisse conversam ait ep. ad Desid. abb. S. Petrus Damiani, qui etiam narrat, se adfuisse juramento episcopi Amalph., quo Stephano Rom. Pontifici testatur est: *Quia cum aliquando super Sacramento dominici corporis incredulus hesitaret, in contractione hostie rubra ac perfecta caro apparuit; itant digitos illius cruentaret, sicque scrupulum dubitantis auferret.* Celebre est etiam, quod Vulfinii accidit an. 1264. apud Panvinium, Sigonium, Raynaldum &c., qui e sacro calice sacerdotis celebrantis sanguinem profluxisse scribunt, quo pertinctum S. Corporale in Ecclesia Urbis veteris etiamnum servatur, cujus occasione miraculi fertur institutum festum corporis Christi. Idipsum Doracæ contigisse narrant Henriquez, alique. Jesum in sacra hostia viderunt Nicolaus Tolentinus, Jo. a S. Facundo, alique. Et hostiam in carnem, & sanguinem conversam religiose servant Nostrates in Piceni Oppido Offidano. Aliam Lovanienses custodiunt, atque hujus partem Coloniensæ cœnobium, de qua Lupus orationem habuit.

Prob. VII. ex fidei hostilibus. Atreas, Thyesteasque epulas a Christianis celebrari, eosque trucidati infantis carnibus vesci fidei hostes sæpe commenti sunt, ut constat ex Terrulliano, ex Justino, atque Eusebio, qui etiam narrat, Atalum quendam ea de re subisse gloriosum martyrium: sed hæc accusatio non aliunde orta est, nisi ex sparso rumore, quod in convivio Eucharistico veram filii hominis carnem initiatis antistites disperirent; unde Numerianus Imp., ut rem suis oculis inspiceret, adesse voluit in Antiocheno templo, dum Eucharistia conficiebatur; ergo &c. II. Putarunt Gentiles, a nobis coli tamquam numina Cererem, & Bacchum, sed hic error apud eos ortus est ex cultu, quem Christi corpori exhibemus sub panis & vini speciebus; ergo &c. III. Manichæi, qui Christum in spicis & sarmentis, & escis omnibus quadam Dei defectione adesse delirabant, putarem esse nobis religionem circa panem & calicem putabant, atqui eos refellit S. D., non quod in Eucharistico pane Christus non sit, sed quia certa consecratione mysticus fit nobis, non nascitur, neque est alimentum refectionis, sed Sacramentum religionis; ergo &c. De Nestorio & Arianis dictum supra.

IV. Eutyechiani Christi corpus in Eucharistia in divinitatem, non secus ac in Incarnatione conversum putabant, unde reselluntur ab Anastasio Synaita, ex quo teneri, frangi, dividi, & dentibus conteri a divinitate prorsus abhorrent. Valdenses de reali præsentia, ac substantia Sacramenti non dubi-

dubitarunt, sed eam ab indigno ministro non confici errarunt. Jo. Hus, Lutherus, Calvinus, non ausi sunt hoc dogma penitus oppugnare, ut supra notatum est. V. Græci schismatici uno ore nobiscum conveniunt: hinc Gabriel Philadelph. in sua *Fid. Eccl. Orient.* ait; *Omnis transubstantiatus panis cum vino sanctus est, & caro Christi*; ergo &c. VI. Hæreticus Gajanita in disceptatione habita cum Orthod. apud Anast. Syn. pag. 349. quærenti catholico, an communio, quam offert, sit verum corpus & sanguis Christi, vel nudus panis, vel vicem gerat & figuram corporis Christi, ut sacrificium hirci; R. Gajanita: *Absit ut dicamus, sacram communionem esse tantum figuram corporis Christi, aut nudum panem, sed ipsum corpus, & sanguinem Christi vere accipimus*, VII. Hieremias Patriarcha C. P. in Cens. ad Germanos c. 10. ait: *Judicium est catholica Ecclesie panem post consecrationem mutari in Christi corpus, vinum autem in sanguinem, & infra; Non dixit, Christus, hoc est panis azymus, aut figura corporis, sed: Hoc est corpus meum &c. Eadem habet Cabaſilas, aliique; ergo &c.*

## C A P U T II.

*De regulis, quibus hæreticorum sophismata diluuntur,*

**N**ovatores dogma catholicum evertere conantur momentis ex scripturis, ex PP., & ratione petitis. Itaque ad eos refellendos sequentes regulas assignabimus.

I. Regula est. Licet *substantia* panis in Eucharistia transmutata sit in Christi corpus, & cum Ambrosio l. 5. de Sacr., aliisque jure negari possit, quod post consecrationem sit panis, si spectetur subjecti substantia, dicitur tamen: *Fractio panis* Luc. 24. *Sacramentum panis* ab Aug. l. 3. de Conf. Ev. c. 25. Panis a Cyrillo Catech. 4. myst., si spectetur spiritalis vitæ alimentum. Hinc auctor serm. de cœn. Dom. ait: *Hoc Sacramentum aliquando carnem & sanguinem, aliquando panem, aliquando corpus suum Christus appellat, Panis dicitur propter nutrimentum vitæ, caro & sanguis propter veritatem naturæ, corpus propter unitatem substantiæ*. II. Eucharistia non panis tantum dicitur, sed *celistis, supersubstantialis &c.* Unde Isidorus Pelus. l. 1. ep. 113. eam vocat: *Panem angelorum, panem vitæ, panem divinum, sanctum &c.* Et auctor vitæ S. Antonii *Panem Deo incorporatum*.

III. Panis dicitur, quia retinet panis accidentia, & in pane oblato a Melchisedecho, in panibus propositionis, & in pananna, quod panis angelorum, & panis vivus dicitur, est  
figu-

figuratum, ex Hieron., & Greg. M. IV. dicitur *panis*, tum ad demonstrandam materiam, quæ in corpus Christi convertitur, ut virga Aaron in colubrum versa virga adhuc dicitur: tum ratione speciei; qua sensibus subest, qua ratione angeli sub specie hominis visi etiam homines sunt appellati. Vide Buleng., Bossuetum, Estium &c. Idem de vino dicendum est, in quo sanguis Christi præfiguratus est ex verbis Gen. 49. *Lababit in vino stolam suam &c.*

II. Regula est, Eucharistiam *signum* dici, & *figuram corporis Christi*, licet contineat ejusdem corporis veritatem. I. enim signum est relate ad gratiam, quam significat, & efficit, ut, alia Sacramenta. II. Eucharistia *figura est*, dum *panis*, & *vinum extra videtur*, veritas autem, dum *corpus & sanguis Christi in veritate creditur*, ex dist. 2. c. 89. de Consecr. Ita Patrum species oppositæ sententiæ facile conciliantur. Hinc Hugo Viêt. l. 2. in c. 1. Dionysii de Hier. ait: *Quare Sacramentum altaris similitudo esse non potest, & veritas; nam tria ibi proponuntur, species visibilis, veritas corporis, & virtus gratiæ spiritualis.* Unde infert Hugo l. 2. in c. 1. *speciem visibilem esse Sacramentum veri corporis, & sanguinis: ut mors Christi fuit simul veritas & imago, nam fuit exemplum ut moriamur peccato.* III. Lutherani in conflictu cum Sacramentariis nunquam negarunt, ex Bossueto, Eucharistiam esse signum, cum nossent, non semper signo rei præsentiam excludi, non enim ægrotus mortuus est, dum signa exhibet vitæ. IV. Corpus Christi latens in Eucharistia est vere *signum*, & *figura sui ipsius*, quatenus pro nobis obtulit semetipsum in cruce, quod sentit Terrull. l. 3. contra Marc. c. 19. ad ea verba: *Mittamus lignum in panem ejus* dicens, *revera lignum in corpus missum est*; dum ergo ait, *corporis figuram datam pani*, loquitur de figura corporis crucis ligno fustixi.

Eadem est Aug. mens in Ps. 3. In consecratione ergo exprimitur Christi corporis oblatio in sacrificium, in elevatione hostiæ elevatio in cruce, in fractione lanceæ vulneratio, in comestione ejus sepultura significatur. V. nemo, exceptis Phantasiastis, negat veram in Christo carnem, ex quo hæc in sacris literis aliquando *forma* dicatur, & *similitudo*. Hinc Tertullianus l. 5. contr. Marc. demonstrat, Paulum, qui ad Philipp. 2. v. 7. de Christo ait: *In similitudinem hominum factus &c.*, veritatem assumptæ carnis adstruere, sicut ad Coloss. 1. dum ait: *Qui est imago Dei invisibilis*, non ei detrahit divinitatem; ergo apud PP. & Tertullianum *forma*, *imago*, *similitudo*, *effigies &c.* non negant rerum substantiam: *Qui ergo dicunt*, ait Estius dist. 8. §. 15. *Eucharistia est signum corporis Domini*, ergo non est *corpus Domini*, argumentantur more veterum hæreticorum dicentium,

zium, Christus in similitudinem hominum factus est, & habitu, seu figura inventus ut homo; ergo non erat verus homo. Adde, a Calvino damnatum fuisse igni Servetum; quod negasset Christum, qui ab Apostolo dicitur figura & imago divinitatis, naturaliter esse Dei filium; ergo &c.

III. Regula. Idem dicendum de *antitypo*, de quo sup. Prop. 3. c. 3. 1. Diss. I. Etenim, cum particula *ἄντι* valeat aliquando idem ac *pro*, & aliquando idem ac *contra*, *antitypum* modo accipitur pro *figura* & *imagine*; quo sensu Hebr. 9. sancta veteris Testamenti *antitypa* dicuntur, seu exemplaria verorum, modo pro eo, quod figuræ contraponitur, quo sensu in ep. 1. Petr. c. 3. baptisma dicitur *antitypon* arcæ Noe. Eucharistia ergo non est antitypa, prout panis refert Christi figuram, sed quatenus, Christi corpus, *sub speciebus Sacramentalibus* exhibet idem corpus in cruce immolatum. Ita Damascenus, Theophylactus &c. cum Basilio, Nazianz., & Cyrillo facile conciliantur. II. *Ἀντι* sæpe idem est ac *ισορ*, & æqualitatem significat ex Henrico Steph. Constantino, Scapula, & Simonio. Hinc Elia Creten. in Or. 1. Apolog. Nazianz. ait: *Per antitypum isotypum intelliges, siquidem de SS. Christi corpore istud accipias (sic enim Basilius hoc appellavit) propositio enim ἄντι nonnunquam æqualitatem significat.* III. Ex eodem Elia Cret., & Damasc. l. 4. de Fid. Orth. possunt sacra munera vocari antitypa, & *figura rerum futurarum*, non quod non vere corpus & sanguis Christi sint, sed quod nunc divinitatis Christi per ea participes efficiamur, tunc autem intellectualem modo, & per solum adspæctum, seu manifesta Christi præsentia; ita Rossensis l. 2. adv. Ecolampadium, alique recentiores.

IV. Regula. Errant novatores, qui ex locis istis: *Caro non prodest quidam: Verba, quæ locutus sum vobis, spiritus, & vita sunt: Littera occidit* &c. evinci putant panis & vini Sacramenta inutilia, aut noxia esse, aut verba Christi tropice accipienda, hinc enim sequitur Christi incarnationem, passionem, & resurrectionem tropice esse exponenda, sicque Ebionæi erunt, Phantasiastæ, Judæi, Athei &c. Ex iis ergo locis monemur, ne ea quæ ibi dicuntur carnaliter accipiamus, & juxta hominum morem, qui fide carent. Ita τὸ: *Verbum caro factum est*, vetamur carnaliter accipere non negando Verbi incarnationem, aut naturarum distinctionem, ut Judæi, & Eutychediani, sed ne opinemur, Dei filium hominem factum carnali concubitu. Hoc etiam sensu ait S. P. Tr. 26. in Jo. quod *caro non prodest quidquam, sed quomodo illi, Judæi, intellexerunt, carnem quippe intellexerunt, quomodo in cadavere dilaniatur, aut in macello venditur, non quomodo spiritu vegetatur.* Eadem habet Tertullianus, Chrysostomus, Theophylactus, alique &c.

V. Re-

V. Regula. Nec juvat hæreticos, quod Patres priorum sæculorum aperte non scripserint contineri in Eucharistia Christi corpus & sanguinem, imo ex eo capite a Theologis clarissimis refelluntur, ob disciplinam arcani, de qua cl. Auctor tom. 6. c. 5. Nam S. Basiliius de Spirito S. inter arcana, *quæ fas non est intueri nondum initiatis*, comprehendit, fatente Albertino, Eucharistiam. Chrysostomus hom. de Prodit. Judæ productis verbis: *Hoc est corpus meum*, ait: *Norunt initiati quæ dicuntur, norunt calicem istum: scietis vos, catechumeni, infra paucos dies*. Epiphanius hæ. 42. reprehendit Marcionistas, quod mysteria perficerent videntibus catechumenis. Theodoretus in 1. dial. Orthodoxum ita loquentem inducit: *Oro te, ut obscurius (de Eucharistia) respondeas, adsunt enim fortassis aliqui mysteriis non initiati*. Tarsicius, qui maluit occidi, quam prodere infidelibus Sacramenta, & Tertullianum uxorem hortantem, ut caute custodiret, & sumeret Eucharistiam, supra laudavimus. Ambrosius de Myst. c. 1. ait: *Nunc de mysteriis dicere tempus admonet, atque Sacramentorum rationem edere, quam ante baptismum, si putassemus insinuandam nondum initiatis, prodidisse potius, quam edidisse estimaremur*. S. P. A. agens de catechumenis sæpe ait, nescire illos, *quid accipiant Christiani*. Et ep. ad Honorat. catechum. ait: *Quod ubi, & quando, & quomodo offeratur, cum fueris baptizatus, invenies*. Vide Schelestratium, Lupum Juenin &c.

VI. Regula. Quamvis dubitari non possit contineri in Eucharistia idem corpus de Virgine natum, quidam tamen post exortam Berengarii hæresim, inter quos Ratramnus, negant adesse in Eucharistia corpus Christi, *quod de Virgine natum est*. Sed ita exponendus est, ut idem corpus adesse neget, quoad affectiones, idest *nervis assibusque compactum, propriosque motus exercens*, ut alii etiam catholici sentiunt, eo quod nec membra Christi corporis naturali stare consistant, nec anima exerat vitales motus. Non vero quoad substantiam, sic enim affirmat Ratramnus ea, quæ fidelium ore percipiuntur, *figura esse secundum speciem visibilem, at vero secundum invisibilem substantiam verum corpus, & sanguinem Christi*. Ita Rupertus Ab. ep. ad Cunonem ait: *corpus Christi differre specie, at esse unum idemque nomine, re, & effectu*. Vide Mabillonium, Lupum &c. Sic etiam conciliantur PP. qui aliquando affirmant manducari, & bibi a nobis *corpus crucifixum*; & sanguinem *pro nobis effusum*, idest quoad substantiam; aliquando ajunt, id intelligendum *invisibiliter, ac spiritaliter*, quoad visibilem speciem.

VII. Regula. Negarunt aliqui, ut Nicephorus Patr. C. P. & Epiphanius diaconns Eucharistiam dici posse *imaginem Christi corporis*, affirmarunt alii. Ubi nota I. Iconomachos

corpus Christi in Eucharistia admisisse, ut cultum aliarum imaginum excluderent. Aiebant enim: Eucharistia non est falsa imago; *sed est divinum corpus ad sanctificationem pertinens*; cum aliæ imagines personalitate careant, & ad idololatricam viam sternant. PP. ergo negarunt, Eucharistiam dici imaginem; ut hanc cavillationem exsufflarent, reponentes, frustra ab Eucharistia exemplum peti, utpote quæ non est imago; *sed ipsum Christi corpus*; ergo utrique conveniebant in catholico dogmate.

Not. II. Græcos hoc argumento uti, ut probent consecrationem non perfici verbis; *Hoc est corpus meum*, absque aliis precibus, quia post ea verba panis & vinum *imagines & antitypa* dicuntur; *corpus* autem, & sanguis post preces; ergo Græci omnes nobiscum sentiunt in dogmate de præsentia reali in Eucharistia.

VIII. Regula. Affirmant PP. a nobis comedi Christi carnem *spiritaliter*, ac per fidem, quod recte dictum est. I. Quia Eucharistia pascit animam *spiritali gratia*; & continens Christum est cibus *spiritalis & vivificus*, ut ait Chrysost. hom. 87. in Matt. II. quia non videtur oculis *corporalibus*, *sed mentis ac spiritus*; ut ait Cyrillus Jer. Catech. 5. III. quia non simplex caro hominis est, sed Dei ex Theophyl. in 26. Matth. IV. quia præbet nobis potum sanguinis *a petra spiritali* ex Cyrill. Alex. l. 4. in Jo. V. quia *qui non manet in Christo non manducat spiritaliter carnem ejus, licet carnaliter premat dentibus Sacramentum*, ut ait S. P. A. Tr. 26. in Jo.; sicut ergo spiritalis communio non excludit sensibile Sacramentum, ita multo minus excludit corpus Christi invisibile & immortale.

IX. Regula. Afferuit Jeremias Patriarcha C. P. in Cens., a nobis non comedi *carnem*, *quam Christus gestabat*, unde colligit Albertinus, Hieremiam & Græcos negasse a nobis comedi Christi carnem, & bibi sanguinem. At Hieremias ibi accipiendus est de carne manducanda sub *specie carnis*, ut putabant Capharnaitæ ex Regula 4. & 6. non de carne, aut sanguine sub *speciebus* panis & vini; ait enim Hieremias: *Transmutatur panis in ipsum Domini corpus, vini autem in ipsum Domini sanguinem*. Hinc Witherbergenfis theologis jure fuit perisualum Hieremiam nobiscum sentire.

X. Regula. Argumenta philosophica sunt moderate expendenda, nec in fide vacillandum, licet humanum captum superent; plura enim in suo corpore miracula exhibuit Christus: exiit virginalibus claustris inviolatis, januis clausis adiit discipulos, pedibus super mare ambulavit. Plura enim sunt, ait S. P. A. l. 21. de C. D. c. 5. *quæ ipsi rationi videntur contraria, & tamen sunt*. Deinde, qui nobiscum pugnant, vel

paga-

pagani sunt vel hæretici; illi ad fidem prius trahendi, postea mysteriis initiandi sunt: si enim Christum Deum hominemque susceperint, ejus Sacramenta non spernent. Hæretici Christum agnoscunt, sed in eo errant, quod credunt Christo dicenti: *Ego sum Dei filius*, non credunt autem cum ait: *Hoc est corpus meum*. Si ratio sit fidei norma, utrumque negandum est cum Socinianis, nam non minus incarnatio, & trinitas vincit mentis aciem, quam Eucharistiæ mysterium. Sociniani autem scripturas admittentes frustra nos ratiocinationibus philosophicis impetunt, cum ex 1. Cor. 2. constet, fidem nostram *non in sapientia hominum, sed in virtute Dei* sitam esse. Lutherani vero, licet de transubstantiatione pessime sentiant, dum tamen Christi corpus adesse fatentur in Eucharistia, premuntur iisdem difficultatibus petitis ex replicatione corporum, horumque extensione. Hinc Schmidius in 26. Matth. ait: *Dicit idem, Christus; hoc quod in Sacramento edimus esse suum corpus &c., hoc ergo pie credamus, etiamsi modum ignoremus*. His præmissis facile solvuntur Hæreticorum sophismata. Itaque

Ob. I. Ex regula *Sacramentalis locutionis* loca omnia scripturarum ad Eucharistiam spectantia improprie & figurate accipienda sunt, non proprie, & literaliter; ergo &c. Prob. ant. In Sacramentis enim *signo* tribuitur nomen rei *significatæ*; adeoque ex laudata regula ibi est tropus, & figura, ut notant Calvinus, & Beza. Ita Gen. 17. circumcisio *pactum* dicitur, & Exod. 12. elus agni *passæ* appellatur. II. S. P. A. l. 3. de Doctr. c. 16. ait, figuratam esse scripturæ locutionem, si videatur flagitium jubere, aut beneficium vetare; adeoque figuratam esse putant locutionem illam: *Nisi manducaveritis carnem filii hominis*, eo quod flagitium videatur jubere, ex *cua regula*, ait Phereponus, colligi non posse homines Christi corporis fieri participes. III. Mos est scripturæ de Christo metaphorice loqui, ut patet ex Jo. 10. 15. 11. &c., ubi Christus dicitur: *Ostium, vitis, pastor, petra, agnus, leo &c.*; ergo &c.

R. ad I. neg. ant. Ad prob. neg. ant. In eo enim Sacramenti ratio sita est, quod aliud significet, & efficiat, quam exterius appareat. Sufficit ergo ut in Eucharistia Sacramenti ratio persistat, si corpus Christi & gratia, quorum signum est, exterius non sentiantur. Deinde non tropica locutione, sed propria, Sacramenta instituuntur, ut in baptismo, qui est Sacramentum regenerationis *ex aqua, & Spiritu S.*, vere abluimur aqua, & vere Spiritus S. gratia renascimur. Constat enim Samaritas, Cornelium &c. aqua naturali tinctos fuisse; Sacramentalis ergo institutio postremæ cœnæ propriam infert, non tropicam locutionem. Nec obstat locus



locus Genes. 17. de *circumcisione*, hæc enim est signum dumtaxat, sive attendatur fœderis conditio, sive textus scripturæ: *Circumcidetis carnem præputii vestri, ut sit in signum fœderis inter me & vos*, atqui Christus Eucharistiam instituens non eam dixit signum corporis sui; sicut ergo circumcisio signum est pacti cum Abrahamo initi, ita Eucharistia signum est novi fœderis ac Testamenti. Unde retorqueo argumentum: Sicut Deus seriens pactum cum Abrahamo ait: *Circumcidetis carnem &c. erisque pactum meum in carne vestra*, ita condens vetus Testamentum ait de vitulorum sanguine; *Hic sanguis Testamenti &c.* Et novum Testamentum instituens Matth. 26. ait; *Hic est sanguis novi Testamenti*; sicut ergo pactum, sive signum cum Abraham est vera circumcisio carnis, & signum veteris Testamenti est verus sanguis hircorum, & vitulorum; ita novum & æternum Testamentum, ejusque signum, est verus sanguis Christi.

Phase autem, nedum angeli transitum, sed etiam Paschalem solemnitatem designat, ut *celebrare Phase, immolare, comedere Phase &c.* Exo. 12. & 35. Paralip.; ergo verba illa Exo. 12. v. 12. *Est enim phase &c.* pro sacrificio, & victima accipi debent, ut sensus sit: *Est enim sacrificium pro transitu*. Nam Rabbinii omnes accipiunt פסח *Pesach* pro agni oblatione: hinc Exod. 12. legitur: *Victima transitus Domini est*. Unde retorqueo argument. Phase illud vere est phase, seu *victima transitus*; ergo illud, de quo ait Christus: *Hoc est corpus meum*, vere est corpus. Sed dato etiam idem esse Phase ac signum transitus, ex quo in singulis versionibus habeatur: *Eris sanguis vobis in signum*, ait enim angelus: *Videbo sanguinem, & transibo vos*, quid inde? Numquid signum istud in Ægypto fuit vacuum, & sine re? Nonne vere pertransiit angelus & percussit Ægyptios? ergo a pari

Ad II. R. I. quærendo a Pherepono, cur ad eam expof. potius, quam ad aliam planiorem confugiat, qua ex eodem August. præscribitur sequendum esse literalem sensum, ubi clara est narratio, nec addendum sensum nostrum scripturæ sensui? Cur aliam Augustini regulam non sequitur l. 3. de Doctr. c. 4. raro in verbis scripturæ inveniri ambiguitatem, quam non aut circumstantia sermonis, aut interpretum collatio, aut præcedentis lingue solvat inspectio: ex quibus evincitur verba illa: *Hoc est corpus meum*, non tropice, sed proprie esse accipienda. R. II. dist. ant. Ait S. P. figuratam esse locutionem, prout videntur jubere facinus, conc. secundum id, quod est revera, neg. Videtur sane flagitium, si pater occidat filium, & propheta accedat ad mulierem fornicariam, & tamen id vere iussit Dominus Abrahamo, & Osæ, & vere isti id effecere,

ita ait S. D. hæc verba: *Nisi manducaveritis &c. facinus jubere* visum est Capharnaitis putantibus Christi carnem esse manducandam, quomodo in macello venditur, & hoc pacto *figura est præcipiens passioni Domini esse communicandum*. Sed quatenus non videtur jubere flagitium, & jubet Sacramentalem communionem absque laniatione membrorum, non figurata locutio est, sed literalis, & propria. Hinc patet S. D. loqui de figurata locutione, quæ propriam non excludit. Nam l. 2. contra Advers. leg. c. 9. ait, Christi carnem a nobis suscipi, & manducari *corde & ore*, licet possint Manichæi horrere male accipientes ea verba: *Si quis non manducaverit carnem meam &c.* ubi S. D. figuratam locutionem ita tradit, ut propriam non excludat. Ad III. neg. conf. Licet enim plures tropi extent in sacris literis, non tamen ubique, & pro hominum libidine sunt intrudendi, ut monet S. D. l. 3. de Doctr. Chr. c. 10.

Ob. II. In celebri loco Jo. 6. perspicua est tropica locutio; ergo &c. Prob. ant. I. enim Christus hortatus erat Apostolos ad fidem, quam cibum dixerat, *qui permanet ad vitam æternam*; ergo *panis vite*, qui Jo. 6. tribuit vitam æternam, est fides. II. Ait ib. *Ut si quis ex ipso (pane) manducaverit, non moriatur*, sed multi Eucharistiam sumentes spiritualiter pereunt; ergo locus laud. de fide accipi debet, de qua dicitur v. 48. *Qui credit in me habet vitam æternam*. III. Capharnaitis murmurantibus ait Christus: *Verba, que locutus sum vobis, spiritus & vita sunt ... Spiritus est, qui vivificat, caro autem non prodest quidquam*; ergo non de carnali, sed de esu spirituali accipi debet locus Jo. 6. IV. ita accipiunt Origenes, Clem. Alex. Basilus, Hieronymus, & Aug. ergo &c. V. Alliacensis, Biel, Tapperus, Hesselius, aliique apud Tournely negarunt verba illa: *Nisi manducaveritis &c.* quibus Jo. Hus necessitatem utriusque speciei obtrudebat, de Eucharistia accipienda esse; ergo &c.

R. neg. antec. Si enim ibi tropica locutio sit, cur non erit tropica locutio, dum dicitur: *Verbum caro factum est, ego & pater unum sumus &c.* quibus novatores ipsi coguntur refellere Ebionæos, nempe Socinianos, Arianos, aliosque hæreticos? Vid. Reg. 4. Ad Prob. neg. conf. Christus enim ib. longam de fide in se ipsum orationem præmisit, idque etiam miraculis confirmavit, quia Sacramentum mox exponendum rationem carnalium hominum superabat. Ceterum si verba fecisset de signo corporis sui, aut de hujus perceptione per solam fidem, non dixisset, Eucharistiam esse manna præstantiorem, nec passus esset, ea de re, Capharnaitas a se alienari. Nec juvat hæreticos, Christum fidem dixisse cibum, *qui permanet*

*net ad vitam eternam*, quibus verbis non fidem sterilem commendat Jo. sed operibus conjunctam, de qua Christus ait: *Meus cibus est, ut faciam voluntatem ejus, qui misit me*. Utitur autem hac phrasi, quippe ideo turba ad eum venerat, quia ex panibus manducaverat, expectabatque iterum manducare, ait S. P. A. Tract. 25. in Jo. Hinc tamen occasionem sumit Christus de Eucharistia loquendi. Cum enim Judæi Moysi crederent, quia *panem celi*, idest manna dedit eis, respondit Dominus, se ad manducandum dedisse manna præstantius, idest seipsum; quod cum nollent Judæi credere, vere carnem suam cibum esse affirmavit, eo quod vitam non corporalem, sed spiritalem largitur; *Us scirent omanino comedendum corpus ejus*, ut ait Chrysostomus, cui assentitur Ammonius, Severus, Cyrillus &c.

Nec aliter sentiunt Alliacenſis, Tapperus, alique theologi, quos nobis opponit Dallæus: quorum dissidia facile componuntur, si dicamus, iis verbis: *Nisi manducaveritis &c.* contineri præceptum de manducatione sacramentali, relate ad aliquos fidelium, & quoad unam speciem, præceptum vero de manducatione mystica, sive de adhæſione mystico corpori Ecclesiæ, si ad omnes referatur. Quo sensu S. P. disputans cum Pelag. de parvulis hunc locum exponit. Nil mirum ergo, Theologos disputantes de communione sub utraque specie adversus autumantes eam esse singulis necessariam, negasse locum cit. de communione Sacramentali accipiendum.

Ob. III. In ipsa Eucharistiæ institutione extat figurata locutio; ergo &c. Prob. ant. I. Ibi enim pronomen *hoc* ex communi sententia ad panem refertur, & sensus est: *Hic panis est corpus meum*; ergo remanet in Eucharistia panis, qui *corpus* dicitur, alias ea esset propositio identica, ac si diceret: *Corpus est corpus*. II. Hoc corpus frangi dicitur 1. Cor. 11. sed hoc non vero corpori, sed pani tantum convenit; ergo &c. III. Verbum *est* sæpe valet idem ac *significat*, ut Gen. 41. *Septem boves, septem anni sunt*. Et Dan. 2. *Tu es caput aureum &c.* hinc Exo. 12. habetur: *Est enim phase, idest transitus &c.* ubi *ro* *Est* idem valet ac *significat*, quemadmodum ubi Ezechiel c. 5. capillos suos dispergens ait: *Ista est Jerusalem*, sensus est, Jerusalem dispersum iri, non autem in capillos fuisse convertam; ergo &c. IV. Idem evincitur ex circumstantiis, Christus enim ante ea verba, *Hoc est &c.* accepit panem, benedixit, fregit, jussitque, ut eadem discipuli facerent; atqui quod Christus accepit panis erat; ergo panis est etiam ille, quem frangunt sacerdotes. V. Jussit Christus, ut id facerent in sui memoriam, sed hæc absentiam rei supponit; ergo &c. VI. Calix dici nequit ibi; *Novum testamentum*, nisi metaphorice; ergo &c. VII. Vinum quoque peracta Christi Con-

secl. dictum est *genimen vitis*; ergo remanet in sua substantia.

R. neg. ant. Ad I. prob. neg. ant. Nam S. Thom. q. 88. ait, pronomine *hoc* designari substantiam *absque determinatione propria nature*, Major, Gabriel &c. id quod præsens est, aut fit, si oratio sit operatrix. Qui vero de *pane* illud exponunt, ajunt hunc sensum esse: *Hic panis, qui loquente me panis est, in termino prolationis est corpus meum*. Nec obstat, nondum esse corpus, dum dicitur *hoc*; nam enunciatio efficiens sat est, si verificetur in fine orationis. Sic vere dixisset Deus limum conrectans: *Hoc est corpus hominis*, ut Lazarum suscitaturus ait: *Lazare veni foras*. Deinde in hac prop. *Hoc est corpus meum*, *το* *Hoc* refertur ad corpus, habetur enim in Græco neutrum *το* *ἐστι* *τὸ* *σῶμα* non *ἄνθρωπος* masculinus, qualis est *ἄνθρωπος*: quod etiam observat Horneus Lutheranus, licet transubstantiationis acerrimus hostis; perperam ergo Schmidius, Le-Dieu, Beza &c. uno vel altero Græco aut Syriaco vocabulo obstrepunt apud Auctorem, quem consule. Hinc liquet hanc propos. *Hoc est corpus meum*, non esse *identicam*, quia nempe eadem res eodem, aut synonymo vocabulo enunciat, ut *homo est homo, gladius est ensis*. Verum si pronomen, aut attributum enuntietur de re alia singulari, ex. gr. *Hec urbs est Auximum, hic est liber &c.* nemo hanc propositionem dicit *identicam*.

Ad II. dist. ant. Frangi dicitur ratione specierum, conc. ratione substantiæ, neg. Deinde apud Lucam, & Paulum legitur: *Quod pro vobis datur, vel tradetur*, quibus ostenditur, datum in cibum Apostolis ipsum Christi corpus mox immolandum. Tandem *το* *sanguis, qui pro multis effundetur*, ad sanguinem, non ad vinum refertur; ergo *το* *corpus, quod pro vobis tradetur*, ad corpus, non ad panem referri debet. Ad III. R. I. neg. ant. Nam in tropis translatio non extat in verbo *est*, sed in subjecto, vel attributo, ut si de imagine dicam: *Hic est Plato*, tropus non extat in *est*, sed in Platone, qui figuram hominis significat. Vide Estium, & Maldon. Nam si *το* *est* idem valet ac *significat* non dici debuit: *Hic est sanguis meus, sed hic est sanguinem meum*. Deinde nulla est comparatio inter ea, quæ apparent in somniis, ut boves, ac spicæ Pharaonis, aut statua Nabuchi, & quæ narrantur in libris historicis. Adde, ex ipsis regulis Protestantium dignosci, quando scriptura figurate loquatur. Exemplum Socini futile est, nam verba illa: *Isa est Jerusalem*, non ab Ezechiele, qui capillos dispersit, sed a Domino dicta sunt. Legitur enim ibi: *Hec dicit Dominus: Isa est Jerusalem &c.* ergo textus ipse ostendit ibi esse tropum, ibique Jerosolymæ vastatione describi. Potest tamen fractio panis figura esse corporis Christi, ut capillorum dispersio Jerosolymæ figurabat excidium, si accipiat

corpus

corpus Christi, ut vulneratum, & crucifixum, juxta regulam 2. Sic, ex cap. *Hoc est* de Consecr. dist. 2. n. 47. *celestis panis suo modo vocatur corpus Christi, illius videlicet, quod in cruce est suspensum, vocaturque ipsa immolatio carnis, que sacerdotis manibus fit, non rei veritate, sed significante mysterio.* Eadem habet S. P. ep. 23. ad Bonif. nunc 99. Quare Eucharistia recte dicitur commemoratio, non Christi corporis, quod præsens est, sed immolationis passionis &c. ut habetur 1. Cor. 11.

Ad IV. neg. ant. An prob. dist. min. Panis erat mox in Christi corpus convertendus, ex vi verborum, conc. secus, neg. Ad V. dist. min. Supponit absentiam rei, idest passibilis corporis, & humanis membris instructi, conc. idest realem præsentiam excludit, neg. Ad VI. retorq. argumentum. Nam Luc. 22. *70 calix* proprie accipitur; ergo & *sanguis*. Deinde Exod. 24. & Hebr. 9. hæc verba: *Hic sanguis Testamenti &c.* de vero hirci sanguine dicta sunt; ergo & de vero Christi sanguine dicitur: *Hic est sanguis meus &c.* Dicitur autem a Luca *novum Testamentum* in recto, a Matth. autem *novi Testamenti* in obliquo. Nec solum *Testamentum* dixit Lucas, sed *Testamentum in sanguine*, idest *sanguis Testamenti*. Ad VII. neg. conf. Ait enim Christus: *Non bibam amodo &c.* quo sensu ait de agno Paschali Luc. 22. *Ex hoc non manducabo illud, donec impleatur &c.* Sicut enim hinc non infertur, manducasse Pascha ejusdem generis, ita illinc non eruitur bibisse ejusdem generis vinum. Deinde alia utrobique locutio est; ergo & varius est sensus. Vide Reg. 1.

Ob. IV. Idem confirmatur aliis scripturæ locis. Nam I. Christus ex Jo. 12. Judam refellens objurgantem mulierem ob profusum unguentum ad pedes suos ait: *Pauperes semper habetis vobiscum, me autem non semper habetis.* Sed in sententia catholica Christum semper habemus; ergo &c. II. post resurrectionem, ut se verum corpus ostenderet ait: *Palpate & videre &c.* ergo non est verum corpus, quod palpari, & videri non potest. III. Ascendes in cælum alium *paraclitum* misit discipulis de ejus abscessu tristatis; ergo &c. IV. Christus sedet ad dexteram Patris usque ad ultimum judicii diem; ergo non est nobiscum in Eucharistia: alias frustra nos moneret Apostolus dicens: *Que sursum sunt querite, ubi Christus est &c.* V. Veteres PP. *eandem escam spiritalem manducaverunt &c.* ergo, ut illi, ita & nos in figura sumimus Christi corpus, & sanguinem.

R. neg. ant. Ad I. prob. dist. min. Semper habemus in forma humanitatis assumptæ, neg. in forma reali sui corporis præsentia, & ejus patrocinio, quo Christus nobiscum est usque ad consummationem sæculi, conc. Hinc S. P. A. tract. 51. in Jo.

ait: *Non semper nobiscum Jesum permanere secundum id quod, a Judæis prehensus est, ligno confixus, & in sepulcro conditus.*

Eodem modo R. ad 3. & 4. Ad II. neg. conf. Licet enim *affirmative* recte concludatur dicendo: tangitur ac palpatur; ergo non est spiritus; *negative* tamen non recte dicitur: non palpatur &c. ergo non est corpus: alias non fuisset verum Christi corpus, quod januis clausis addiscipulos intravit, & ab eorum oculis evanuit; sicut ergo potuit Christus facere corpus suum impenetrabile, & invisibile; ita potuit ipsum impalpabile reddere. Ad V. retorq. arg. Scopus enim Apostoli, teste Chrysostomo, est demonstrare, non sat esse percepisse baptismum & Eucharistiam, nisi recte vivamus. Unde ad hanc rem figuras producit Baptismi, & Eucharistiæ: sicut enim omnes Patres sub nube fuerunt, & transierunt mare, omnes manducaverunt manna, nec tamen *in pluribus eorum beneplacitum est Deo: nam prostrati sunt in deserto*; ita non omnes baptizati, & Christi corpore saginati erunt Deo accepti. Idem quippe Dominus, qui illis manna & aquam, tibi corpus præbuit & sanguinem: & sicut *tu comedis corpus Domini, sic illa manna &c.* Sed Judæi vere manna comederunt; ergo & nos verum Christi corpus comedimus.

Ob. V. PP. auctoritatem. Nam I. qui florere Apostolorum ævo nihil expresse de hoc dogmate tradiderunt, alias philosophi gentiles illud oppugnassent, ut trinitatem, & incarnationem impugnarunt, vel aliquis martyr vi suppliciorum hæc fidei arcana prodidisset; ergo &c. II. PP. Eucharistiam non dixere corpus, sed *figuram* Christi corporis; ergo &c. Prob. ant. Nam Græci divina munera, etiam post consecrationem vocant, *antitypa*. Unde S. Cyrillus Jerof. Catech. 4. mystag. Eucharistiam *panem* vocat, & *antitypum*. III. Tertullianus l. 1. contra Marc. c. 14. Eucharistiam panem vocat, quo, Christus, corpus suum representat, & l. 4. c. 14. exponens verba illa: *Hoc est corpus meum*, ait: *Idest figura corporis mei*. IV. Ambrosius etiam l. 4. de Sacr. c. 4. Eucharistiam *similitudinem*, & *figuram corporis*, & *sanguinis* appellavit. V. Augustinus lib. contra Adim. c. 12. ait, Christum dixisse: *Hoc est corpus meum &c. cum signum daret corporis sui*; ergo &c. Et Tract. 85. in Jo. ait: *Ut quid parvas dentes & ventrem? crede, & manducasti*; ergo &c. VI. Præsentiam Christi in Eucharistia primus in Oriente tradidit Anastasius Synaita ann. 630. & in Occidente circa ann. 810. Paschasius Monachus Corbejen. ea de re ab Amalario, Rabano, aliisque impugnatus ob dogmatis novitatem; ergo &c.

R. Frustra novatores Patrum auctoritate inniti; si quæ au-  
tem

tem ab iis proferuntur, ex regulis supra productis nullo negotio exsufflantur. Constat enim Scaligerum, Socinum, aliosque ingeque fateri, PP. nobiscum una sentire, adeoque; *Si præter sacras literas PP. auctoritati sit standum, hæreticis, omnibus causa cavendum esse.* Ad I. itaque dicimus, disciplinam arcani invictum esse catholicæ veritatis argumentum, ut Regula 3. expositum est. Quamquam non solum PP. priorum sæculorum corporis, & sanguinis Christi meminere, ut Ignatius, Justinus, Irenæus, sed etiam acta S. Perpetuæ, quæ, *buccellum comedit, acclamantibus amen circumstantibus*, quod de Eucharistia recte exponit Ruinartius; Luciani, qui *supra pectus suum* ante mortem consecravit hoc Sacramentum, ex Philostorgio l. 2. H. E. tandem acta martyrum omnium, quos ante agonem protectione corporis & sanguinis Christi muniendos scribit ep. 57. S. Cyprianus.

Ad II. R. ex Reg. 3. plenam habere solutionem: mirandum tamen, Albertinum Cyrilli Catechesim 4. producere, ubi S. D. sacra dona appellat quidem *antitypa*, sed pag. 531. ait: *Sub specie panis datur tibi corpus, & sub specie vini datur tibi sanguis; hoc sciens panem hunc non esse panem, etiamsi gustus panem sentiat, & vinum, tamen si sensui vinum esse videatur, non tamen vinum, sed sanguinem esse Christi.* Ad III. habetur solutio ex Reg. 2. ubi Tertulliani catholicus sensus exponitur: qua de re ipse Calvinus illum maluit *inscitie* arguere, quam veritatem negare. Adde Tertulliani verbis firmari potius, quam everti dogma catholicum, subdit enim l. 4. contr. Marc. *Figura non fuisset, nisi veritatis corpus esset. Ceterum vacua res, quod est phantasma, figuram capere non posset.*

Ad IV. dist. ant. Vocat *similitudinem*, ut excludat *crucioris* speciem, ut nullus horror crucioris sit, conc. ut excludat realem præsentiam Christi sanguinis, neg. Hanc enim perspicue tradidit, & miraculis firmavit, ut supra dictum est. Ubi ergo S. D. oblationem sacram corporis Christi figuram appellat, loquitur de oblatione *preparata*, non de *consecrata*. Ad V. neg. conf. Vocat enim *signum* non ad exclusionem veritatis, seu realis præsentia corporis sui, sed eo sensu, quo sanguinem dixit animæ *signum*, idest rei præsentis in viventibus brutis. Ubi vero dicit manducari spiritualiter per fidem, ut Tract. 85. in Jo. &c. exponi debet secundum Regulam 4. & 8. Nam de reali manducatione loquitur S. D. serm. 2. de Verb. Apost. & alibi. Ad VI. neg. ant. Nam ante Anastasium, & Palchasium innumeri catholicum dogma asseruere. Deinde nemo istos ut novatores damnavit, nulla contra eos sunt coacta Concilia, cum ex adverso Berengario omnes episcopi resisterint,

unde coactus est tertio palinodiam canere; is ergo, non Anastasius, aut Paschasius, ut novator habirus est. Verum de his plura supra notavimus. Vide Regulam 6.

Ob. VI. Momenta rationis. I. Dogma catholicum destruit ideam corporis, five trinam ipsius dimensionem; qua corpus expoliari nequit; ergo nequit Christi corpus ibi esse, ubi caret quantitate, & figura membrorum. II. Substantia corporis sita est in certa particularum dispositione & congerie; ergo hostia sacra his partibus & dispositione constans retinet panis substantiam. Nec dici potest quantitatem, figuram, saporem aliam a substantia rem esse, cum hæc sola sit *accidentium* subiectum; ergo &c. III. Percipi nequit, quomodo idem corpus trinum & circumscriptum in cælo & in terra & infinitis in locis existere possit, & integrum in hostiola contineri: & unum cum sit esse in qualibet parte indivisum; ergo &c. IV. Indecorum est manducari ab impiis Christi corpus, sub elementis latere, frangi, dentibus premi, & in secesum emitti; ergo &c. V. realis præsentia nihil confert utilitatis, cum idem præstet fides & typus, si credas, sin minus, necem affert: spiritus enim tam signis, quam rebus alitur. VI. Non videtur eximium Christi amoris argumentum ejus transitoria præsentia corporalis, quoadusque *species* perseverant, cum nobis promiserit perpetuam sui præsentiam spiritalem; ergo &c.

R. I. ex regula 10. non humanam rationem, sed Ecclesiæ auctoritatem esse credendi normam. Unum ab adversariis peto, cur solam scripturam statuunt ut fidei normam, & ad castra philosophorum nos provocent? cur Angli Protestantes, & Forbesius eos improbent, qui negant posse Deum efficere, ut corpus careat locali extensione, nobis autem succenseant, quod impossibilia credamus? Quid? quod ipse Calvinus in Dilucid. sanæ doctr. pag. 829. cogente veritate, affirmavit: *Vere, ac substantialiter* esse in Eucharistia corpus Christi, ut Deus in arca, & Spiritus S. sub specie columbæ, nec solum fide ac merito, sed etiam *substantialiter*, & *re ipsa* a nobis manducari Christi corpus. Et l. 4. Inst. ait, Christum ipsam, in qua residet, carnem vivificam nobis tradere, & per symbola panis & vini, vere nobis exhiberi corpus ejus & sanguinem; nec sola imaginatione, aut mentis intelligentia, sed re ipsa percipi. Nec aliter animas nostras Christi corpore, & sanguine pasci, quam pane, ac vino corpus alitur, ut ait Calvinus l. 4. Inst. c. 17. Ubi refellens oppositionem eorum, qui ajunt, incredibile esse, quod in tanta locorum distantia penetret ad nos Christi caro, ait: *Quod mens nostra non comprehendit*,



*dit, concipiat fides, spiritum vere unire, quæ locis disjuncta sunt.*

R. II. ad I. neg. ant. Non enim defunt recentiores philosophi, qui putant, extensionem esse corpori accidentariam: datur enim per ipsos extensio *vacua*, & sine corpore. Qui vero eam essentiali corpori putant, ut Cartesiani, ajunt Christum in Eucharistia occupare locum angustiores, quomodo totus pullus in ovo, tota quercus in glande continetur, idque ex mente Trident. Synodi, quæ sess. 13. statuit: *Separatione facta totum Christum contineri sub unaquaque specie, & sub singulis cujusque speciei partibus.* Quod quidem Samona Gazæ episcopus explicat exemplo speculi, in quo est imago tua, pro vitri extensione angustior, aut amplior: si speculum frangas, in quovis fragmine eandem habebis imaginem: Ita, concludit Samona, *caro Christi integra est in unoquoque fragmento.* Ad II. R. I. noster Lupus in V. Rom. Concilium S. Gregorii VII., meras nugas esse, quæ de accidentibus a subjectis indistinctis tradit Cartesius: nam Synodus Constantien. Sess. 8. damnavit hanc Wiclefi proposit. *Accidentia panis non manent sine subiecto in Sacramento.*

R. II. Vanroy: dist. ant. Itaut ea dispositio, & accidentia sint emirates aliquæ distinctæ a substantia, neg., ut sint ejus modi, conc. R. III. Gassendus: nostrum non esse divinam omnipotentiam modulo intelligentiæ nostræ velle metiri: *In talibus enim tota ratio facti est potentia facientis*, ut ait S. P. ep. 3. ad Voluf. Ad III. Vide, quæ diximus in prob. 6. & regula 10. Deinde R. I. neg. conf. Nam ipse Calvinus monet, ut *quod mens nostra non comprehendit, concipiat fides.* Non enim absurdum (1) censuit Chrysostomus l. 3. de Sacerd. eum, qui *sedet in dex-*

(1). Mirari satis non possumus ingentem Picteti, & Abadæ confidentiam, qui literalem sensum verborum Dominicæ coenæ, quam laudati PP. & Ecclesia universa communiter tuetur, violentum esse opinantur, absurdum, & antilogiis innumeris implicatum. Nullam vero hujuscemodi violentiam, aut contradictionem occurrere, si verba illa tropice, aut metaphorice accipiantur. Christum enim figurate

loqui coactum fuisse ex ipsis Eucharisticæ institutionis adjunctis, aut circumstantiis facile colligi posse arbitrantur, non solum quia paulo ante agnum legalem comederat, qui Pascha tropice dicebatur, sed etiam quia Eucharistiæ institutionis verba ad eorum normam exegit, quæ legali coena Paterfamilias fragmentum azyymi tenens pronuntiabant dicens: *Isle est panis afflictionis, quem Patres nostri in Ægypto come-*

*dextera Patris, in dexteris peccatorum reperiri. Nec Nyssenius, qui in Hom. de Pasch. ait, Christi corpus innumerabilibus locis consecrari, & tamen unum corpus esse. Nec Augustinus, qui Pl. 33. ait, Christum seipsum portasse manibus suis. Præterea, licet percipi nequeat, non tamen negant hæretici, Christum januis clausis ingressum ad Apostolos, aut ex integris claustris virgineis egressum; ergo &c. Tandem, ut ratiocinetur Maignanus, sufficit in Deo una eademque actio, ut corpus producat, ut conservet, & in plura loca successive transferat, quia hæc mutatio se habet ex parte termini; ergo eadem Dei actio potest Christi corpori alium locum tribuere in dextera Patris, alium vero sub his speciebus, alium sub aliis. Ad IV. V. & VI. infra erit responsio. Id unum petimus ab adversariis, cur indecorum sit Christum frangi ratione *specierum* sacramentalium, manducari ab impiis &c., postquam dignatus est tradi manibus peccatorum, alligari, crucifigi &c.? præsertim cum in Eucharistia non sit passionis acerbitas, crucis horror, & pallida mortis imago.*

CA-

*derunt: qui esurit veniat, & edat.* Sed ineptissima hæc sunt, & plane indigna, quæ serio a cordato Theologo refelli debeant. Quid enim fingi potest absurdius, quam Christum asserere in novo condendo Paschate, atque in ipsa institutione Eucharistiæ figurate loqui debuisse, quia id præstitit post agni legalis esum, qui allegorice *Pascha* dicitur? Ut enim præteream, quæ in R. ad I. sunt observata circa veram ac propriam hujus vocabuli acceptionem, quisnam adeo est mentis inops, ut ex tropo, tropum inferri licere rationabiliter arbitretur? Quod plane si fieri posset, cum constet ex symbolo Christum Dominum ad cælos ascendisse, & ad dexteram Patris sedere; quoniam hæc ejus sessio tropice accipitur, idem quoque de ejus admirabili in cælos ascensu di-

cendum esset. Cumque Leonis de tribu Juda victoriam, & Agni occisionem non uno loco commemoret Joannes in Apocalypsi; nonnisi metaphorice victorem & cæsum fuisse Christum Dominum putandum foret, qui nonnisi allegorice *Leo* & *Agnus* ibidem appellatur. Quid etiam absurdius, quam verborum Christi germanam intelligentiam petere ex more Hebræorum in legalis cœnæ celebratione usurpato? Ex ipsa verborum serie, ex idea quam nativa, ac propria eorum significatio animo imprimit, ex circumstantiis sermonis, & præcipue ex unanimi omnium Ss. PP. traditione expendendus est legitimus eorum sensus, non ex Rabbiorum commentis, & ex more, de quo scriptura, & veteres Hebræorum scriptores Evangelio coarctatum habent silentium.

## CAPUT III.

*De hereticorum consubstantiatione, seu impanatione.*

**I**Nter panem & Christi corpus ineffabilem quandam, & hypostaticam unionem, quam vocant *impanationem*, quidam cum Osiandro commenti sunt, alii vero, ut Lutherani, docent, substantiam panis Christi corpori absque vinculo hypostaticæ unionis sociari, atque horum dogma consubstantiationem nominamus. Catholicam sententiam declarabit sequens

**PROPOSITIO.** In Eucharistia non manet panis & vini substantia, sed vertitur in substantiam Christi corporis, & sanguinis.

Prob. I. ex scripturis, & I. ex verbis Christi: *Hoc est corpus meum*; sed neutrum pronomen *Hoc* ad panem referri nequit, qui est generis masculini; ergo refertur ad Christi corpus. II. non ait Christus: *In hoc*, aut *cum hoc*, aut *sub hoc pane est corpus meum*, sed: *Hoc est corpus meum*; ergo ita denotat corpus suum, ut panem excludat. III. Si duo sint simul unita, ut anima & corpus, nequit unum de alio enunciari, nec dicit: *Anima est corpus* &c. ergo nec de panis substantia dici potest: *Hoc est corpus meum*. IV. Fatetur Lutherus, vere & substantialiter manducari a nobis Christi corpus, sed per Lutheranos non est unio hypostatica inter panem & Christi corpus; hoc ergo, non panis manducatur. Quod si ea unio admittatur, sequitur illud absurdum, nempe Dei Verbum quotidie assumere irrationalem substantiam. V. Vult Lutherus hæc verba Christi accipienda esse *juxta nudam grammaticæ intelligentiam*; atqui in his verbis: *Hoc est corpus meum*, nulla fit mentio panis; ergo &c. VI. ubi legimus: *Accipit Jesus panem*, de solo pane hic locus accipi debet; ergo de solo corpore, ubi dicitur: *Hoc est corpus meum*.

Prob. II. ex Conciliis Œcumenicis. I. enim in Concilio Lateran. IV. cap. *Firmiter* statuitur: *Per consecrationem panis & vini conversionem fieri totius substantiæ panis in substantiam corporis Christi, & totius substantiæ vini in substantiam sanguinis ejus, quæ conversio proprie a S. catholica Ecclesia transubstantiatio est appellata*. Eaque vox extat apud Petrum Blesensem, qui obiit circa finem sæculi 12. nec non apud Stephanum episcopum Eduensem, & in Confess. Albigen. apud Petrum Card. S. Chrysogoni, in literis datis ann. 1160. Et sæculo 11. Berengarius fatetur, omnes fideles hoc *transubstantiationis dogma tenere*, Ex quo conficitur, falli heterodoxos, qui

*novum*

*novum in Ecclesia transubstantiationis dogma esse, nec ante Concilium Later. invecum contendunt, ait Præf. 2. in sæc. VI. Bened. Mabillonius. Hinc Philippus Mornæus in Myst. iniquitatis ait, quod temporibus Caroli M. & Adriani Papæ, Transubstantiatio jam exerebat caput, quibus verbis noster Coquerus in Anti-Morri. Calvinum refellit, qui l. 4. Inst. eam refert ad Bernardi tempora, nimirum 400. post annos: atqui incredibile est episcopos 412. primates, metropolitans, & theologos supra 800. nullo renitente, dogma probasse novum, majoribus inauditum, & idololatricum; ergo &c.*

Prob. III. ex PP. tum Græcis, cum Latinis, qui unanimi consensu tradidere, quod nos *transubstantiationis* nomine intelligimus. Quid est enim acceptum panem *facere corpus Domini, in corpus Verbi Dei transmutare, & quod in calice est, in illud converti, quod fluxit de Christi latere*; nisi id quod nos *transubstantiationis* nomine designamus? sed hæc docent PP. ut patet ex cap. præced.; ergo &c. R. Novatores, apud Græcos PP. verba tantum occurrere, quæ *mutationem* innuunt, ut μεταβάλλειν *metaballin* &c. non μετασώζειν *transubstantiationem*. Sed errant: hæc enim mutatio non fit in *accidentibus* & speciebus; ergo fit in *substantia*. II. Μεταβάλλειν, non est tantum *transire*, aut *invertere*, sed etiam *contrariam qualitatem contrahere* apud Aristot. 6. de Animal., & apud Stephanum, & Budæum est *degenerare de una in aliam speciem*. III. PP. docent, panem ita converti, ut *ex pane fiat corpus Verbi Dei*, teste Nyss. c. 37. Or. Carecheticæ. Et Cyrillus Catechesi 4. ait: *Panem, qui videtur, non esse panem*; sed hoc absque *transubstantiatione* fieri nequit; ergo &c. Hinc Wittembergenfes ad locum Patriarchæ Hieremiæ: *Panis mutatur in corpus Christi*, e regione Græci textus addiderunt μετασώζειν, & Latini *transubstantiatio*. Quæ vox sæpe legitur in Apologia Gabrielis Philadelph., cui consentiunt omnes Orientales, ex Dionys. Protosyncello, & Georgio Corefio, uno excepto Cyrillo Lucari Apostata; ergo &c.

Prob. IV. ex ipsorum Hæreticorum consensu. Nam ante Lutherum Jo. Hus apud Pezibramum ait: *Christus Verbi sui virtute panem & vinum transubstantiat in propriam carnem, & sanguinem*. Et in carm. de Cœna Dom. apud Hockerium habetur: *Non es panis, sed es Deus homo* &c. Hieronymus Pragensis ex Poggio Flor. ait: *Panem apud piflorem remanere*. Post Lutherum vero Zacharias Ursinus Hidelbergen. ait: *Lutherani accusant Christum mendacii, negant enim panem esse ipsius corpus, sed dicunt corpus esse in pane*. Zuinglius ep. ad Bugenagium ait: *Non posse Antichristum superari, nisi errore consubstantiationis profigato*.

Eun-

Eundem errorem damnat consensus, ut dicitur, Orthodoxorum §. *Ut vero*, Scarpus, alique. Lutherus ipse l. de abrog. Miss. fol. 253. ait: *Christum verbo virtutis suæ panem in corpus suum mutasse*. Et in Confess. magna ait: *Sic Papistæ docent, imo sancta Ecclesia, & nos cum ipsis*; qua de re Lutherum ut nobis contentientem damnarunt Beza, Musculus &c. Confessio Augustana ann. 1530. art. 10. hæc habet: *De cœna Domini docent, quod corpus, & sanguis Christi vere adsint & distribuuntur vescitibus in cœna Domini*. Perperam pro eo 10. articulo alium obtrudunt quidam audaces Lutherani ex vitiata Confess. anni. 1540. ubi legitur: *Docent quod cum pane & vino vere exhibetur corpus &c.* sed exemplar Germanicum a Valentino Erythreo editum, cui ad verbum respondet versio Confessionis Aug. Belgica Vesalia edita ann. 1563. non habet, *tò cum pane & vino*. Denique Melancthon Confessionis, & Apol. auctor & Lutheranorum signifer librum edidit adversus Œcolampadium, ubi hæc ex Chrysostomo profert: *Non est figura dominici corporis panis, sed in illum convertitur corpus Christi, & ex Cypriano hæc addit: Panis iste non effigie, sed natura mutatus omnipotentia factus est caro*. Alia etiam profert ex Ambrosio, ex quibus concludit, *panem non esse tantum signum, sed naturam panis mutari*. Constat ergo *consubstantiationem*, seu impanationem a scripturis, a Conciliis, a PP. & ab ipsis hæreticis refelli.

Ob. I. Hæretici scripturas. Nam Luc. 24. & 1. Cor. 10. Eucharistia dicitur *panis*; ergo in ea remanet *panis substantia*. II. Cum Christus Jo. 6. ait: *Ego sum panis*, non se mutavit in panem; ergo cum ait: *Hoc est corpus meum*, non transmutavit panem in corpus suum. III. Cum dicitur: *Verbum caro factum est*, intelligitur utriusque naturæ copulatio; ergo cum dicitur: *Hoc est corpus meum*, intelligitur conjunctio utriusque substantiæ. IV. De ferro, quod pervasit ignis, recte dicitur: *Hic est ignis*, & de dolio vino pleno: *Hoc est vinum*, nulla mutatione substantiæ; ergo a pari.

R. ad I. neg. conf. De qua vide regulam 1. cap. præced. Ad II. neg. conf. Lutherani enim in verbis: *Ego sum panis*, metaphoram agnoscunt, quam negant in verbis cœnæ: Christus enim non absolute dicitur *panis*, sed *panis vite* comparate ad manna: unde Gelasius l. 5. Philolog. sacræ tract. 1. c. 2. ibi agnoscit *metaphoræ signum evidens*. R. II. retorq. argum. Nam verba Christi aut vera sunt, aut veritatem efficiunt, atqui verba illa: *Ego sum panis*, supponunt Christum esse panem supersubstantialem; ergo panem non efficiunt; sed *tò Hoc est corpus meum*, non supponit realem Christi corporis præsentiam; ergo eam efficit. Si autem Deus facit, ut *Hoc*, quod erat

erat panis, sit corpus Christi, jam definit esse substantia panis; ergo &c.

Ad III. neg. conf. *Verbum* enim ibi est subjectum; ideoque ipsum *Verbum* caro factum est assumptione humanitatis in Deum. Hinc autem corpus non est subjectum; e go non est id, quod sit per unionem panis ad corpus. Non enim dicitur; *Corpus meum factum est panis*, sed: *Hoc est corpus meum*. Deinde *Verbum*, cum sit natura immutabile, & *habitaverit in nobis*, per se excludit conversionem naturarum, atqui panis per se mutabilis est, neque ex scriptura evincitur permanere; ergo &c. Ad IV. neg. paritatem. Nam, teste Glassio Lutherano, ex hominum instituto res de alia enunciatur, aut pars sumitur pro toto, quando pars vel est essentialis, vel accidentalis, atqui nulla hominum institutione corpus designat partem aliquam, vel accidens; ergo &c. Adde ex Schlusserbergio Lutherano, Christi verba tam clara esse: *Ut nullus angelus ex celis, nullus homo in terris possit clarius loqui*.

Ob. II. Scotus, Paludanus, Argentinas, aliique Scholastici negant ex scripturis *transsubstantiationem* demonstrari, atque id non esse omnino improbabile fatetur Bellarminus, & Suarez. Imo Durandus negat materiam transsubstantiari, unde refellitur a Bellarmino l. 3. de Euch. c. 13. & a Tournelyo qu. 3. art. 2. ergo ex scripturis catholicum dogma non evincitur.

¶. neg. conf. Id unum quippe docent laud. Scholastici, nimirum, sprete Ecclesie catholice auctoritate, nullum scripturæ locum nec verba Christi *Hoc est corpus meum*, in prævum sensum non posse torqueri, ut constat ex oppositis Lutheri, Calvini &c. ejusdem loci sententiis. Nos autem, etiam præcisa Ecclesie auctoritate, putamus hæreticos eodem testimonio, quod per ipsos in sensu obvio accipiendum est, omnino refelli. Unde Salmasius advers. Grotium pag. 516. ait: *Si ad litteram accipiantur verba Christi, ut contendunt Lutherani Theologi, longe magis doctrinæ Pontificiorum favent, quam Lutherana. Dixit Christus: Hoc est corpus meum, cum panem traderet; ergo non amplius panis est, sed corpus Christi*. Durandus recte refutatur a catholicis: nam si remanet materia panis, remanet etiam *subjectum accidentium*, quod damnatum est a Synodo Const., cum tamen dist. 11. q. 1. scribar: *Substantiam panis & vini converti in substantiam corporis Christi*, dicimus nomine *materiei* quantitatem intellexisse cum Peripateticis a substantia distinctam.

Ob. III. Hornejus: *Transsubstantiatio* inaudita fuit ante Concilium Lateran. IV., sed Ecclesia Romana novas revelationes refellit; ergo &c. ¶. neg. maj., de qua vide prob.

II. ubi ostenditur etiam vocabulum *Transubstantiationis* multo ante Conc. Lateran. IV. fuisse usurpatum: sed etsi novum esset, potuit ab Ecclesia ad novos errores eliminandos recte usurpari, ut *Homousion* & *Theotocon* recte usurpavit. Quod spectat ad dogma, patet ex prob. III. idem, quod nos *transubstantiationem* dicimus, veteres *conversionem*, *mutationem*, & *transfementationem* dixisse, constat ergo ex definitione Lateranensis IV. non novum dogma procusum, sed veteri novam lucem accessisse.

Ob. IV. ex PP. Chrysostomus in ep. ad Cæsarium Mon. refellens Apollinarii hæresim exemplo Eucharistiæ ait: *Sicut panis mediante sacerdote dignus habitus est Dominici corporis appellatione, etiamsi natura panis in ipso permansit, & non duo corpora, sed unum corpus filii prædicatur, sic & hic unum filium unam personam utraque hæc fecerunt; ergo &c.* II. Theodoretus in Dial. Inconfusus ait: *Non enim symbola mystica post sanctificationem recedunt, manent enim in priori substantia; ergo &c.* III. Gelasius I. de duabus Nat. ait, quod in Eucharistia esse non desinit substantia, vel natura panis & vini. IV. Berengarius in Confess. an. 1079. quæ extat dist. 2. de Consecr. cap. Ego Berengarius, ait: *Panem & vinum verum corpus & sanguinem Christi esse, & sensualiter manibus sacerdotum trahi, frangi &c.*, sed hæc panem competunt, non Christi corpori; ergo &c.

R. ad I. neg. conf. Chrysostomus enim *φύσις*, seu *natura* nomine intelligit species, & accidentia, non proprie substantiam. Nam I. negat, panem post consecrationem recte dici panem. II. asserit, non duo corpora, sed unum prædicari; atqui duo dicerentur, si coexisteret panis cum Christi corpore; ergo &c. III. ait, naturam panis in ipso pane remanere, sed inepta esset hæc locutio, nisi acciperetur de accidentibus, nam sensus esset: *Natura panis in pane remanet*; ergo &c. IV. PP. tum Græci, cum Latini *φύσις* pro accidentibus sæpe usurparunt, ut Anastasius, Theodoretus, Hilarius, Ambrosius, alique; ergo & Chrysostomus. Reapse si Chrysostomus affirmasset remanere cum Christi corpore substantiam panis, potuissent hæretici inferre, Christum non unam esse personam, sicut non sunt corpus unum caro ejus, & panis substantia. V. non opus est, ut exempla rei adamussim respondeant, præsertim cum S. D. alibi passim docuerit, non panem, sed corpus Domini, & sanguinem, qui de ejus latere fluxit, in Eucharistia distribui.

Ad II. dist. ant. In priori substantia, improprie dicta, hoc est illud corpus priorem habet formam, figuram, & circumscriptionem, ut exponit ipse Theodoretus ib., conc., proprie, neg.

neg. Disputat enim ib. cum Eraniste, an Christi corpus priores habeat proprietates, quod probat Theodoretus ex symbolis Eucharistiæ, ubi remanet *forma, figura, & circumscriptio*. Adde Magdeburgensibus visum esse, ex hoc eodem loco Theodoretum *confirmare transubstantiationem*. Ad III. R. Canus, & Baronius, hoc opus non esse genuinum. R. II. dist. ant. Non definit esse panis substantia, vel natura improprie dicta, idest accidentium complexio, conc. proprie, neg. Ait enim Gelasius: *Sicut, panis & vinum, in divinam transeunt substantiam, permanente tamen in sua proprietate natura, sic iis, ex quibus constat, proprie permanentibus, unum Christum integrum permanere demonstrant*. Si ergo per Gelasium panis substantia in substantiam corporis Christi mutatur, non remanet proprie substantia panis in Sacramento, sed improprie, idest accidentium complexio. Ad IV. dist. maj. ait *tractari, frangi &c.* ratione sui, neg., *ratione specierum*, ut ait Innoc. III., & Hugo Vict., conc. Ubi nota: verba illa non extare in Confessione Bereng. edita Romæ in Concilio Greg. VII. anno 1079. At in Confessione altera, ad quam Greg. VII. Berengarium adegit eodem anno 1079, aperte extat *transubstantiatio* his verbis: *Ego Berengarius credo panem & vinum, per verba Redemptoris substantialiter converti in veram & propriam carnem, & sanguinem J. C. D. N.* Quod constat ex Hugone Flaviniacensi, qui floruit Berengarii ævo. Perperam ergo negat D. Acheri, hanc Confessionem a Berengario emissam fuisse.

Ob. V. Ex Ambrosio l. 4. de Sacram. c. 4. evincitur panem remanere in Eucharistia; ergo &c. Prob. ant. Ait enim S. Doctor: *Si tanta vis fuit in sermone Christi, ut inciperent esse, quæ non erant, quanto magis ut sint, quæ erant, & in aliud commutentur?* ergo &c. II. S. P. A. l. 16. de C. D. c. 37. scribit, in Eucharistia permanere *frumentum & vinum*; ergo &c.

R. ad I. neg. ant. Ad prob. dist. ant. Ut sint in specie panis & vini, neg. *in genere*, conc. Nam prior substantia non redigitur in nihilum, sed remanentibus accidentibus fit corpus Christi. Hinc S. Ambrosius ib. ait: *Panis iste panis est ante verba, ubi accesserit consecratio, de pane fit corpus Christi*. Ubi nota in Mss. aliquibus apud Lanfrancum non haberi verba: *Ut sint quæ erant*, sed legi: *Ut quæ erant in aliud commutentur*. Mirum tamen est hæreticos libros Ambrosii laudare, quos Bullingerus *stupidos* vocat. Ad II. Vid. prob. III cap. I.

Ob. VI. Non convenient Scholastici in *transubstantiatione* explicanda, aliis *productivam*, aliis *adductivam* mutationem argu-



*urgentibus*, ait Heideggerus; ergo &c. Addit Titius ex Hesychio, olim cremari solitum, si quid superesset panis consecrati, sed hoc immane sacrilegium esset, admissa *transubstantiatione*; ergo &c. III. sublato pane ejus species nil significant; ergo eo sublato nulla remanent signa in Sacramento.

R. ad I. neg. conf. Nam ex ea scholarum dissensione nullum fidei exurgit incommodum: disputant enim scholæ de modo, quod superat captum ingenii, non de re, quam firmissime, & unanimiter credunt. Ad II. dist. ant. Cremabantur *species sacramentales* corruptæ, quæ sine horrore comedi non possent, ut notat Bellarminus, & Perronius, conc. incorruptæ, nego. Ad III. neg. ant. Remanet enim in Eucharistia ratio signi, nempe *visibilis species elementorum*. Adde, carnem & sanguinem Christi, quæ sub panis & vini specie sumimus, Sacramentum esse, quo significatur corpus Christi, *quod visibile, palpabile, in cruce est suspensum*, ut ait Lanfrancus, contra Berengarium.

## C A P U T IV.

*De Stercoranistarum hæresi.*

P Ræcipuum Stercoranistarum dogma fuisse creditur, Eucharistiam projici in sterquilinum. Humbertus Card. Nicetani Pectoratum Stercoranistam appellat, hujusque erroris auctorem facit Arium. Eundem errorem Græcis Algerus impingit, Amalario Maguinus, Heribaldo, & Rabano scriptor anonymus, apud Cellotium. Sensum nostrum aperiet sequens

PROPOSITIO. Probabile est nullam extitisse sectam Stercoranistarum.

Prob. ex Apologia singulorum. I. enim vocatur Nicetas ab Humberto: *Perfidus Stercoranista*, quasi putaret per Eucharistiam *solvi jejunia, credens celestem escam in secessum mitti*: atqui Nicetas in eo scripto, licet conviciis plenissimo, nunquam ait solvi sacra Synaxi jejunium, & multo minus, eam projici ex alvo; sed hoc fuit fortasse non bene perpensum Humberti consecrarium, ut censet Mabillonius, aliique viri cl. ergo &c. Reapse Nicetas canonem 48. Laodicenum proferens, ubi statuitur: ne panis offeratur in Quadragesima, *nisi in sabbato & in die Dominico*, satis ostendit, non alium fuisse ejus scopum, nisi Missas celebrandas in sabbatis & dominicis diebus juxta PP. traditiones, non ut hanc hæresim tueretur.

II. Accusatur Amalarius abbas Metensis, eumque in Synodo Carisiaca damnatum, & a Floro confutatum, præter Maguinum asserit auctor de Perpetuitate Fidei: & Guillelmus Malmesburien.

Tom. IV.

K

testa-

testatur, sed his non tam facile subscribimus. Nam Amalarius rogatus a Guntardo, quo abeat Eucharistia post sacram communionem? R. *Non est mihi disputandum, utrum absumatur in celum, aut exaletur in auras, aut exeat de corpore, dicente Domino: omne quod intrat per os &c. Hoc solum cavendum est, ne corde Jude sumam illud &c.* sed in his verbis Stercoranismus non evincitur; ergo &c. Neque Paschasius, aut Bertramnus ullibi Amalarium accusant de hac hæresi.

Dices: Amalarii libros *phantasticis, & hæreticis disputationibus plenos* appellat Ecclesia Lugd. Unde in laud. Synodo Carisiaca proscripta est eorum sententia, qui ajunt, corpus Christi esse *tripartitum*, quam tenet Amalarius in l. de div. Off. ergo &c. R. ad l. Eccl. Lugd. censuram spectare relate ad libros de *divinis Officiis*, in quibus Amalarius Ecclesiæ Lugdunen. mores exagitat. Adde horum librorum auctorem esse Amalarium Fortunatum, quem ab Amalario de hac hæresi notato distinguunt eruditi. Ad II. R. a Synodo Carisiaca eos notari potuisse ob suspicionem erroris. Quamquam dici etiam potest, corpus Domini *tripartitum* absque hujus hæresis labe, ut si distinguas corpus verum a corpore mystico & illud, prout naturali modo, & prout sub speciebus existit.

III. Accusatur Heribaldus Antisiodoren. & Rabanus Maurus, ex quo ille turpiter proposuit Rabano hanc quæstionem: *An Eucharistia, postquam consumitur, & in secessum emittitur, more aliorum ciborum redeat in naturam pristinam.* Rabanus vero eam quæstionem turpius assumpsit, & turpissime conclusit, ut scribit Anonymus. Atqui illi *Eucharistiæ* nomine non Christi corpus intellexere, sed *species sacramentales*, quia istæ tantum sunt *pristina natura* expoliata; ergo &c. Aliunde Rabanus l. 1. de Inst. Cler. c. 31. Sacramentum illud appellat, *quod oris sentitur, & in corporis redigitur alimentum*; ergo &c. IV. Stercoranistas vocat Thomas Valdensis omnes *impanatores*, sed horum hæresis fuit, una cum substantia corporis Christi remanere panis substantiam unionem quadam mirabili, atqui non legitur apud *impanatores* hanc unionem perseverare in specierum sacramentalium egestionem, imo repugnat communi eorum sententiæ, qua docent, corpus Christi esse in Eucharistia *in solo usu*, idest dum sumitur; ergo &c.

Quæres: unde laud. scriptores ex commentitia hæresi diffamari potuerint? R. Id factum esse l. ex quo *species sacramentales* a Domini corpore non aperte distinxerint, & nomen Eucharistiæ, quod utrumque complectitur, Amalarius, Heribaldus, & Rabanus tribuerint speciebus; adversarii autem illud acceperint, quasi prolatum ad significandam Christi carnem. II. Ex quo plures affirmaverint, nec accidentia Eucharistiæ  
per

per *aquaticulos digestus fundi*, quod sensisse Chrysostomum, & Cyrillum Jerof. censet Lupus; hi ergo *Stercoranistas* eos dixerunt, quos norant scripsisse accidentia Eucharistica per egestum emitti. Ex his collige I. illud, quod in communione dentibus teritur, & digeritur, esse species sacramentales, quæ sæpe *Sacramentum dicuntur*; prout hoc nomine exprimitur signum sensibile. II. Abstinendum ab his quaestionibus, quæ nequeunt decenter tractari, & errori viam sternunt. III. perperam novatores *Stercoranistas* nobis objicere, quasi & hi negarent realem præsentiam, tum quia fictitia est hæc hæresis, tum quia eam nusquam probavit Ecclesia.

## CAPUT V.

*De variis quaestionibus circa realem præsentiam Christi Domini in Eucharistia.*

**H**eretici omnes, post Salmasium & Dallæum, nobis succensent ob Eucharistiæ cultum, custodiam, expositionem, festivitatem, & processiones solemnes. Contra quos sit

PROPOSITIO I. Eucharistiæ Sacramento debetur patriæ cultus.

Prob. I. Ex sacris literis. *Aerpsia enim ea dicitur servitus, quæ pertinet ad colendum Deum* ex Aug. l. 10. de C. D. c. 1. Sed ex c. 1. constat in Eucharistia contineri corpus & sanguinem Dei veri, ac Domini universorum, de quo scriptum est Ps. 96. *Adorent eum omnes angeli ejus*, & ad Philipp. 2. *In nomine Jesu omne genua flectatur &c.* Jure ergo statuit Trid. Syn. sess. 13. can. 3. *Si quis dixerit, in Eucharistiæ Sacramento Christum Dei filium non esse patriæ cultu, etiam externo, adorandum &c. anathema sit* (1). Prob. II. ex Græcis PP. Nam S. Cyrillus Jerof. Catech. 5. Mystag. jubet, ut quisque ad synaxim accedat pronus in modum adorationis. Nazianzenus Or. funebr. in Laud. Gorgoniæ ait: *Ad altare cum fide procumbit, eumque, qui super ipso honoratur, invocans &c.* Chrysostomus hom. 7. in Matth. Fi-

K 2

deles

(1) Ad normam laud. Canonis exigitur Cap. 1. De Sacram. Eucharistiæ in Constitutionibus, & decretis editis in Synodo diocesana Auximana anno 1593. ab Illustrissimo, & Reverendissimo D. Antonio Maria Gallo S. R. E. presb. Card. & Episcopo Auximate, ubi sic legitur: *Quamvis tota Ecclesia domus sit Orationis: præcipuus*

*tamen honor & reverentia debetur sancto, & terribili loco, in quo admirabile hoc Sacramentum asservatur: ideoque fideles omnes sacrosanctam Eucharistiam humiliter venerentur, adorentque D. N. J. C. tamquam vivum, & verum Deum, qui nobiscum remanere dignatus est usque ad consummationem sæculi &c.*

deles hortatur, ut *ingredientes Berblebem, & domum spiritualis panis*, idest ad sacram Synaxim magos imitemur, qui puerum Iesum tamquam Deum adorarunt, atque *adoraturi Christum, euncta projiciamus e manibus*. Theodorerus etiam de consecratis symbolis ait Dial. 2. pag. 85. *Creduntur, & adorantur*.

Prob. III. ex Latinis PP. Ambrosius in illud Ps. 98. *Adorate scabellum pedum ejus*, ait, *Per scabellum terra intelligitur, per terram autem caro Christi, quam Apostoli in Jesu adoraverunt, hodieque in mysteriis adoramus: quem locum a cavillis Plessæi, & Albertini vindicarunt Maurini*. Illis autem nullum reliquit effugium S. P. A. Enarr. in eundem locum dicens: *Invenio quomodo sine impietate adoretur terra scabellum pedum ejus. Suscepit enim de terra terram, quia caro de terra est: & quia ipsam carnem nobis manducandam dedit, nemo autem ipsam manducat, nisi prius adoraverit: inventum est, quomodo non solum non peccemus adorando, sed peccemus non adorando*. Vide alia loca apud Gelasium Hieber Augustinensem in Disp. Theol. de cultu SS. Ench.

Prob. IV. ex vetustiss. Liturgiis apud Simonium, Vitalisium, Renaudotium, aliosque. In missa Chrysostomi legitur: *Dehinc adorat sacerdos, & diaconus ter secreto dicentes: Deus propitius esto &c. Et populus similiter cunctus cum devotione orat. Cum autem viderit sacerdotem manus extendentem, ut faciat sanctam elevationem, exclamat chorus: unus sanctus, unus Dominus Jesus Christus*. Prob. V. ex ipsis heterodoxis. Nam in Ordin. Ecclesiæ Brandenburg. Daniæ, & Norveg. præscribitur, ut cantetur hymnus: *Pange lingua, & communicantes flexis genibus dicant: Agnus Dei miserere nobis*. Joachimus Westphal. ait, Christum in Eucharistia adorandum *ex ejusdem Christi mandato*. Et Lutherus de hoc Sacramento ait: *Omni honore adorandum esse*. Et in Colloq. Ratisb. omnes hac de re convenisse fatetur Bucerus.

Opp. I. Salmasius, l. de Transubst. p. 464. ait, laudatos PP. de latriæ cultu non esse accipiendos, sed ab iis tantum commendari humilitatem; ergo &c. &c. neg. ant. I. enim Salmasius non sibi constat, qui ib. pag. 447. scribit, Eucharistiæ adorationem fuisse ignotam PP. postea vero Augustini, & Cyrilli verba, quæ hanc adorationem exprimunt, in alium sensum detorquet. Sed quid verbis est opus? cum Augustinus, & Cyrillus eam adorationem commendent, quæ creaturis sine impietate non tribuitur, quæ *supremi Regi* debetur, quamve ex Chrysostomo Magi obtulere, & negavit Samosatenus, sed hæc est latriæ cultus; ergo &c.

Ob. II. Idololatriæ crimen est pani, rei nempe creatæ, exhibere latriam; ergo &c. &c. dist. ant. Si cultus iste sit absolutus,

solutus, & in meris panis & vini accidentibus sistatur, concedi si sit *relativus*, & offeratur Christo sub iisdem latentis, neg. Hinc Trid. Syn. statuit, adorandum in Eucharistiæ Sacramento Christum unigenitum Dei Filium; sicut ergo non erant idololatæ profetæ, qui pecudes mactabant, quæ Gentiles latræ cultum exhibebant, quia non ad res illas creatas, sed ad Deum omnium creatorem cultum suum referebant, sic nec nos idololatriæ crimen admittimus, *qui per omnem creaturam visibilem, & non visibilem omnium auctori Domino latræ exhibemus*, ait Leontius in Dial. cum Jud.

PROPOSITIO II. Eucharistia in templis rite servatur, & diligenter custodiri debet.

Prob. I. pars. Id enim negant hæretici, vel quia realem Christi præsentiam non admittunt, vel quia eam agnoscunt tantum in usu, & actione cœnæ; atqui primum refutavimus cap. 1. secundum vero refellitur ex verbis Christi, quibus panem consecravit semel ea proferendo, nec illa repetens quando distribuit, & ex quo consecrationis effectus permanens sit, ut Cyrillus, Aug. aliique PP. tradidere; ergo &c. Prob. II. Ex veteri Ecclesiæ praxi, quæ domi a fidelibus, & in eremo a solitariis servatam fuisse Eucharistiam pro ægrotis sanisque testantur Tertull. Clemens Alex. Cyprianus, Basilus, Nazianzenus, Hieronymus &c. recte vero hanc consuetudinem commendat Trid. Syn. sess. 13. c. 6. Prob. III. Ex disciplina Ecclesiæ, qua statuitur in excerptis Egberti, ut presbyter *Eucharistiam semper habeat paratam ad infirmos, ne sine communione moriantur*. Idem decernitur in cap. Officium tit. 24. Decr. Hanc consuetudinem antiquissimam etiam Nicæna Syn. præscripsit can. 13. *Quem morem magnopere optabat restitutum* Theod. Beza, & Calvinus Inst. c. 17. de ipso ait: *Qui sic faciunt, habent veteris Ecclesiæ exemplum*.

Prob. IV. Ex *turribus & columbis*, quæ passim inter veterum Ecclesiarum ornamenta numerantur, & in quibus repositam fuisse Eucharistiam consentiunt omnes. Liber pontificalis refert, Constantinum Basilicæ S. Petri dedisse *patenam cum turri & columba gemmis ornata*. Turrim auream super altare Ecclesiæ Rhemen. locasse Laudonem Archiep. scribit Floardus. In columba Eucharistiam servasse S. Basilium asserit Amphilochius in ejus vita. De eadem columba accipiendus est etiam Chrysostomus hom. 31. ad Populum Antioch. ubi ait, corpus Domini reponi super altare *Spiritu S. convestitum*. Vide auctorem.

Prop. II. pars, ex cap. Statuimus 3. Decr. tit. 44. ubi præscribitur Eucharistiam servari clavibus adhibitis. Et can. 20. Later. IV. custos incautus *tribus mensibus ab officio suspenditur, & graviore subicitur ultioni*, si ejus culpa sacrilegium, furtum &c. inde se-

quatur. Et in Pœnitentia R. 40. dierum pœnitentia eidem imponitur, si mures comederint *species* reconditas. Sedulo etiam attendendum est, ne species Eucharisticæ diuturniori tempore computrescant, & canone Rothomag. statuitur: *De una dominica in alteram servari* (1).

PROPOSITIO III. Optimo consilio festum Corporis Christi fuit institutum.

Not. I. Quinam primum hoc festum indixerit non est omnino exploratum, fertur tamen ejus institutionem B. Julianæ Leodiensî sanctimoniali divinitus revelatam fuisse, eaque a Cancellario Parisiensi, aliisque Theologis ad examen revocata, Leodiensîs episcopus coacta Synodo in sua diœcesi celebrandam indixit. Effectus subinde ad Pontificatum Urbanus IV. cui ea revelatio fuerat patefacta, permotus precibus Leodiens. episcopi, ac etiâ insigni miraculo apud Vulsinium patrato, ubi ex fracta hostia ab incredulo sacerdote in subjectum corporale (quod Urbeveteri etiamnum servatur) prodigiosus sanguis effluxit, Pontificio diplomate ann. 1264. festum extendit ad universam Ecclesiam. Hinc Urbanus hujus festi institutor ab historicis appellatur. Defuncto Urbano eodem anno, cum nondum executioni mandatum esset ejus diploma, confirmatum est in Viennen. Concilio a Clem. V. anno 1311. Deinde anno 1316. a Jo. XXII. anno 1429. a Martino V. anno 1433. ab Eug. IV. & anno 1551. a Trid. PP. sess. 13. c. 5. Vide Raynaudum, Lupum, & Gelasium Hieber loc. sup. cit.

Not. II. Censuit Papebrochius, *Officium*, quo nunc utitur Ecclesia Romana in hoc festo, rogatu B. Julianæ a Jo. clerico Leodiensî fuisse conscriptum. Constat tamen ex testimonio omnium scriptorum, illius auctorem esse D. Thomam, qui ann. 1246. illud jubente Urbano IV. conscripsit. Nec obstat, illud extare in vetustiss. Antiphonario Leodiensîs Ecclesiæ: non enim apparet, hoc Antiphonarium esse Urbani temporibus antiquius; jure ergo Nat. Alex. illud D. Thomæ vindicavit Difert. 6. sæcul. XIII. quod constat etiam ex Const. Sixti IV. His notatis Prob. Prop. I. Congruum est, ut quod ex Dei mandato habet specialem dominicæ passionis commemorationem, estque divinæ charitatis memoriale perenne, peculiari festo celebretur, sed hoc fieri nequit feria V. majoris hebdomadæ, in qua Ecclesia in rebus plurimis occupatur; ergo in aliam feriam V. fuit jure translatum.

Prob.

(1) In supra laudatis Constitutionibus Auximanæ Synodi cap. 3. de Sacr. Euchar. statuitur, ut sacræ particule renoventur semel in hebdomada in

die Jovis, nisi tamen ob frequentiam illorum, qui sacram Communionem sumerent, sæpius ista renovatio faciendâ esset.

Prob. II. ex revelatione, & insigni miraculo Volsiniensi supra laudatis, quibus accessere Ecclesiarum supplicationes, & vota ab Urbano. IV. in laud. diplomate indicata. III. Hæc solemnitas in Ecclesiæ catholicæ exaltationem & hæreticorum confusionem conducit, ut ait Trid. sess. 13. c. 5. Nam Lutherus in processione SS. Sacramenti repentino terrore occupatus contremuit, frigidumque sudorem erisist, ut ipse fatetur apud Aurifabrum. Et Protestantes Augustæ, cum fieret ea processio præsentem Carolo V. summa confusione affecti sunt, ejusque indignationem subire; ergo &c.

PROPOSITIO IV. Jure etiam instituta est processio SS. Corporis Christi.

Not. Negant Centuriatores, Schmidel, & Kemnitiuss, imo ex catholicis Genebrardus, & Juenin, processionem corporis Christi ab Urbano IV. institutam. Verum, licet Urbanus in laud. diplomate non commemoret *processionem*, refert tamen Panvinius noster in Urbano, quod *attonitus Pontifex* (ex Vulsiniano miraculo) *ad se transferri voluit*, corporale, *cum processione Urbem veterem, & illud solemnitate instituta in Ecclesia Urbevetana recondidit*: unde infert, post Serarium, & Lupum Benedictus XIV. Notif. V. n. 6. ex facto saltem Urbani, *processionem* hanc derivasse. Adde Martinum V. supponere, processionem hanc jamdiu institutam, dum indulgentias 180. annorum concessit iis, qui processiones istas secuti fuerint. Tandem nullus profertur illius auctor post Urban. IV. fallitur ergo Genebrardus, qui eam Papiæ institutam narrat contra errores Berengarii; nam Papiæ anno tantum quarto sæc. 15. cœpit obtinere, ut Lupus observat in Diss. cit. Quidquid sit de processionum auctore, eas rite fuisse institutas prob. 1. ex momentis Prop. præced. II. Præsignata videtur hæc processio in circumgestaltunge Arcæ Jos. 3. & 1. Reg. 4. & Hebr. 9. ubi legitur typicum manna Arcæ inclusum cum illa ubique asportatum. III. Constat ex Hist. Ecclesiastica Eucharistiam delatam ad fideles absentes, ad Titulos, & ad episcopos Suburbicarios a Rom. Pontifice missam ad privatas aedes, ad eremos &c. teste Justino, Eusebio, Basilio, & Ambrosio.

Ob. I. Calvinus: Eucharistia ad solum usum cœnæ instituta est; ergo &c. II. Kemnitiuss ait, exhibere cultum mero panis est *artolatria*; ergo &c. III. Ex quo arca capta sit, subdit Kemnitiuss, satis ostendit Dominus cultum hujusmodi a se improbari. IV. Hæc processio scripturis, & Ecclesiæ consuetudini adversatur; ergo &c. R. ad I. neg. conf. Non enim tollitur per hanc processionem usus, aut actio cœnæ, imo magis augetur, nam ea incitati fideles frequentius communicant. Ad II. Vid. Prop. I. Ad III. neg. ant. Non enim ob circum-

gestationem illam Arca capta est, ea enim Eli & majoribus natu Israel annuentibus, Philistæis terrore perculsis, asportata est, sed ob idololatriam militum ex 1. Reg. 7. Ad IV. neg. ant. Nam id scripturis non adversari constat ex prob. II. licet ergo Ecclesia priscis sæculis ob disciplinam arcani prudenter subtraxerit gentium profanationi sacra mysteria, nunc autem iis jam explanatis, & altissima in luce positis æquum est ea palam ab omnibus coli, & venerari. Instat Kemnitiu: cur ergo in sola specie panis offertur Eucharistia, & non etiam sub vini specie? R. quia sub ea specie totum continetur Christi corpus, & in calice esset effusionis periculum.

PROPOSITIO V. Licet aliis etiam temporibus Eucharistiam exponere, & circumferre, servatis tamen servandis.

Prob. I. pars ex Prop. III. & IV. Prob. II. ex consuetudine plurium parochiarum eam processionem faciendi singulis mensibus & Eucharistiam exponendi per horas 40. III. Ex fructibus inde perceptis a populo, quem a ludis, & otio abstrahit, & ad templum trahit; ergo &c. Prob. II. pars. I. enim processiones hujusmodi fieri debent aliqua urgente causa, annuente episcopo, nec ubique frequenter, ut statuerunt Synodus Farfen. ann. 1623. Neapol. an. 1699. Cæsaren. ann. 1693. Spoletana ann. 1688. Mechlinien. ann. 1607. Mediolan. III. & IV. &c. at singulis diebus Eucharistiam super altare non esse exponendam statuit S. R. C. die 4. Mart. ann. 1606. Excipe Octavam corporis Christi in Eccles. Collegiatis, orationem XL. horarum, & processionem menstruam aliquibus in parochiis.

II. Non licet ex decreto Sac. Congr. Concilii quæ statuit: *Non licere etiam Regularibus in eorum ecclesiis Eucharistie Sacramentum publice adorandum exponere, nisi ex causa publica, quæ probata sit ab ordinario. Ex causa autem privata posse, dummodo Sacramentum non extrahatur e tabernaculo, & sit velatum, itaut hostia videri non possit.* Idem statuit S. Congr. Episcoporum & Reg. & Sac. Rituum, Benedictus XIII. in Syn. Benevent. ann. 1693. & Bened. XIV. in Notif. ann. 1734.

III. Hæc expositio fieri debet decenti altaris ornatu, & cereorum splendore. Synodus IV. Mediolan. præscribit cereos ad summum decem, ad minimum vero sex lampades: item nec plures, quam duodecim nec pauciores quam tres (1). Decreto S. R. Congr.

(1) Ut populus Christianus per externa signa ad hujus Sacramenti venerationem magis excitetur, in laud. Const. Auxim. c. 4. statuitur: *Ut ante Tabernaculum, in qua salutatis*

*hostia asservatur, in Cathedrali Ecclesia tres lampades jugiter ardeant in Collegiatis due, & in Parochialibus una, ut latræ cultus huic Sacramento exhibeatur quam maximus.*



Congr. id pietati facientis expositionem remittitur. Exposito Sacramento duos clericos superpelliceo indutos interdiu adflare jubet S. Carolus loc. citato, *quorum alter saltem diaconus sit, noctu vere saltem unus in sacris Ordin. constitutus*. IV. Tandem una cum Sacramento, *nec reliquie, nec imagines exponi debent secundum decreta Romæ emanata*, ut habetur in Ceremoniali Augustinen. p. 3. c. 9.

PROPOSITIO VI. Nulli fas est in itinere Eucharistiam deferre, sed Rom. Pontificibus decenter præfertur.

Not. Non loquimur de vet. disciplina, ex qua constat fideles sibi ad *viaticum* Eucharistiam domum asportasse, ut ex Tertulliano, Cypr. Ambrosio, Hieron. evincitur: quod de monachis etiam, de Roberto, & S. Ludovico Franc. Regibus, & Archiepiscopis Beneventanis ex veteribus Mss. est exploratum: verum iustis de causis ea consuetudo antiquata est. Prob. I. ex can. 3. Concilii Cæsaraug. & 14. Tolet. I. ann. 380. quibus sub anathemate id interdicitur. Idipsum statuit Benedictus XIV. in Constitutione sæpe laud. supra Græcorum Ritibus, qua vetuit Orientalibus monachis, ne deferant in itinere Eucharistiam collo suspensam. Excipitur tamen Rom. Pontifex, quia tunc Eucharistia deferretur honestissimo comitatu. Qua ceremonia monentur fideles, cujus vices gerat ille, qui subsequitur, Maximus episcoporum, & quomodo nil proficit adhærere Christo hujus participatione misterii, nisi mystici corporis capiti Ecclesiæ uniantur. Vide Angelum Rocca in Comm. de hoc arg. t. 1. p. 33.

### DISSERTATIO III.

*De ministro, subjecto, ac ritibus Sacramenti Eucharistiæ.*

DE hisce argumentis sex capitibus, eo qui sequitur ordine, pertractabimus.

#### C A P U T I.

*De Eucharistiæ ministro.*

P Utarunt Valdenses, & Lutherani, penes laicos esse Eucharistiæ conficiendæ potestatem. Marcionitæ vero, & Pepuziani etiam penes mulieres. His accedit Hugo Grotius, qui illis hanc facultatem concedit, *ubi pastores non sunt*. Contra quos sit

PROPOSITIO I. Soli sacerdotes Eucharistiam conficere possunt.

Prob. I. Christus enim Apostolis, *quos tunc novi Testamenti sacerdotes constituebat*, ex Trid. sess. 22. c. 1. ait: *Hoc facite*  
in

*in meam commemorationem*, jubens iisdem, ut panem, & vinum consecrarent, & offerrent. Sed si hoc præceptum, quoad confectionem, & consecrationem Eucharistiæ, omnes fideles obstringeret, omnes tenerentur consecrare, & sacrificare, quod nec hæretici asserunt; ergo &c. II. Accedit canon 18. Conc. Nicæni, quo statuitur, ne diaconi præsumant Eucharistiam dispensare *presbyteris*: neque enim consuetudo tradidit, ut hi qui offerendi sacrificii non habent potestatem, his, qui offerunt, corpus Christi porrigant. Eadem habet Synodus Ancyrana can. 2. , Leodiensis can. 25. & Arelatenſis can. 25. Hinc Lateranense IV. statuit: Hoc Eucharistiæ Sacramentum nemo potest conficere, nisi sacerdos. Idipsum decrevit Florentina Synodus, & Trid. loc. cit.

III. Idem evincitur ex SS. PP. Tertullianus de Præscr. hæreticos carpit, eo quod laicis sacerdotalia munera injungunt. Epiph. Hær. 79: ait: Neque diaconis concreditum est peragere sacrificii mysterium: & in Exp. cath. fidei monachum redarguit, quod cum laicus esset, sacrificia celebrare nefario ausu est aggressus. Hieronymus in Dial. negat, apud Luciferianos Ecclesiam esse, ex quo Hilarius, cum esset solum diaconus, de Ecclesia recessit, neque Eucharistiam conficere potest, episcopos & presbyteros non habens. IV. Prob. ex Hist. Eccl. monumentis. Ex Actibus Martyrum Alutinenſium constat, nunquam celebratam fuisse collectam absque presbytero consecrante. S. Athanasius Apol. 2. impactam calumniam de fracto a se calice ex eo repulit, quod in privata domo habitans habere non poterat poculum mysticum. Fulbertus Carnoten. ep. 36. ad Guidonem Bituricen. plectendum ait diaconum, qui se presbyterum simulavit, Missamque celebrare præsumpsit.

V. Idem evincitur ex ipso diaconi nomine, *diakonos* enim ministro ejus munus designat sacerdoti ministrandi, & sacram oblationem gestandi, ut habetur in Liturgiis Græcorum. Hinc Isidorus l. 2. de Eccl. off. c. 8. ait; In sacerdote consecratio, in ministro dispensatio est sacramenti. VI. Accedit ratio. Si enim absente pastore potest laicus Eucharistiam conficere, cur ex Apol. 2. Justinii Eucharistia missa est ad absentes per diaconos? cur ad eremum, & domum eam deferebant Anachoretæ? cur ad carceres martyrum tanto periculo accedebant, ex Cypriano, sacrificaturi presbyteri? Tandem incredibile est, sacrificium omnium figuratum impletivum omnibus laicis in novo Testamento fuisse permissum, cum in veteri solis Levitis concessum sit offerre sacrificia, quod etiam Ozæ, & Sauli interdictum est.

Ob. I. Ex 1. ep. Petri, & Apoc. c. 1. in nova lege omnes dicuntur sacerdotes; ergo &c. II. Tertull. de Exhort. castit.

castit. ait: *Nonne & laici sacerdotes sumus? Differentiam inter ordinem, & plebem constituit Ecclesie auctoritas. Ubi Ecclesiastici ordinis non est confessus, & offers, & tingis &c.* Confirmatur ex Scopo Tertull., qui est adstruere monogamiæ necessitatem, ex quo bigamini ab altaris ministerio arceantur. III. Ex Can. II. Ancyr. & ex Actis S. Laurentii constat, diaconis jus esse consecrandi; ergo &c. Prob. ant. Ille enim diaconos lapsos interdicit a *sacerdotali ministerio panem vel calicem offerendi*, hæc vero apud Ambrosium l. i. de Offic. & omnia Mss. habent: *Cui commisisti Dominici sanguinis consecrationem, non dispensationem*, ut habet Brev. Romanum. Diaconos calicem offerre asserit etiam Cyprianus de Lapsis: *Offerre autem ex Grotio idem est ac benedicere, & consecrare*. IV. Frumentius laicus ad Indos profectus itineris socios hortatus est Rom. *more convenire, & sacra celebrare* ex Theodoro l. 2. c. 23. In Græco extat *λειτουργίας*, sed hoc nomen exprimit veram consecrationem; ergo &c. Item de laico monacho testatur Sophronius in Prato Spirit. c. 25. *eum verbis sanctæ oblationis panes consecrasse*. Milites etiam Caroli V. Francorum regis invicem se se consecrato pane resexisse constat ex coævis Script. Idque ex traditione Apostolica derivasse observat Erasmus. Panem quoque a pastoribus consecratum in carnem esse conversum narrat Albinus Flaccus apud Lupum. S. Fœminis etiam hoc jus tribuitur ex veteri Martyrologio, ubi legitur de S. Petronilla: *Tertio, die, celebratis dominicæ oblationis mysteriis* accepto Christi corpore spiritum emisisse, quæ verba desunt in Martyrologio Romano.

℞. ad l. dist. ant. Dicuntur sacerdotes lato modo, prout preces Deo offerunt &c., conc., stricto modo, prout consecrant, neg. Vide lib. 30. de Sac. ministro. Ad II. ℞. I. aliqui Tertullianum hæc scripsisse, postquam ad Montanistas defecit, & fœminis jus istud attribuit. ℞. II. ut supra ad I. Nam cap. 2. ad Scapulam scribit; *Sacrificas quomodo præcepit Deus, pura prece*. Et Apologet. 30. *Offer hostiam Deo orationem de Spiritu S. profectam*. ℞. III. Tertullianum accipiendum de oblatione, quam persecutionis tempore a sacerdotibus consecratam fideles in cryptas deferabant, eamque aut a majore natu, aut manibus suis accipiebant. Reaple agnoscit ibi Tertullianus speciale sacerdotium, quod *constituit Ecclesie auctoritas, per ordinis confessum, sanctificatus*, quibus verbis intelligitur institutio ab Apostolis derivata, & *character* impositione manuum collatus. Ad confirm. ℞. Scopum Tertull. esse, ut ostendat, neminem posse gratiam mereri oratione & fide, quæ sunt species quædam sacræ oblationis, dum qui orat, & credit ( & licet non sit sacerdos, agit tamen *pro sacerdote* ) casti-

castitatis amore non se se exhibet obeundis Sacramentis idoneum. Vide Albaspinæum & Petavium.

Ad III. neg. ant. Ad I. prob. dist. ant. Interdicit a sacerdotali ministerio, quod est *panem & calicem deferre*, nempe de *Prothesi*, seu minore ara portare Pontifici munera consecranda, conc., habetur enim græca *ὀψάσθαι deferre*, non *προσφέρειν offerre*, hoc est panem *offerre*, subdist., prout *offerre* est idem ac *exhibere*, con., quo sensu ait Cypr. diaconum calicem offerre, prout est idem ac *consecrare*, neg. Nam Nicæna Syn. aperte negat, diaconis potestatem esse *προσφέρειν*, *offerendi* scilicet, & *consecrandi*. Ad II. probationem neg. ant. Nam Mss. antiquissima 800. annorum habent *dispensationem*, & S. P. Ser. 304. ait: *Laurentium Romæ Christi sanguinem ministrasse, non consecrasse*. Restituerunt quidem *consecrationem* Maurini in Ambrosiana editione ex pluribus Mss. sed utroque vocabulo significatur communione dominici sanguinis nos sanctificari, & consecrari, unde *commixtio*, & *consecratio* dicitur infusio particulæ in calice.

Ad IV. neg. min. Theodoretus enim *λειτουργία* vocat conventus fidelium ad offerendas Deo preces. Rufinus enim, unde hæc hausit Theod. ait Frumentium sociis suis persuasisse, ut *conventicula per loca facerent, ad quæ ritu Romano orationis causa confluerent*. Eadem habent Socrates, & Sozomenus; licet ergo Liturgia propriè designet ministerium sacerdotum, & sacrificium, sæpe tamen significat id, quod cum eo habet analogiam: sic Rom. 15. *λειτούργεις* dicitur *spiritus contribulatus*, quia ut sacrificium Deum placat. Adde Frumentium a S. Athanasio sacerdotes postulasse, ut eos in Indiam transmitteret; ergo &c. Ex historia Sophronii, si eam velimus admittere, oppositum evincitur, legitur enim ibid. a Seniore monachorum fuisse statutum: *Ut nullus addisceret sanctæ oblationis verba, nisi qui ordinatus ad hoc esset*. Pastorum vero miraculum non verborum virtuti, sed omnipotentiz Dei eorum audaciam punientistribuendum est. De militibus Francorum non aliud eruitur ex verbis ab ipso Grotio productis, nisi eos sacerdotibus destitutos *panis communis particulas S. Sacramenti nomine signatas loco communionis accepisse*. De S. Petronilla hæc habent acta Ss. Mart. Nerei: & Achill. *Tertio die veniens ad eam S. Nicomedes presbyter celebravit mysteria Christi*.

PROPOSITIO II. Diaconi aliquando dispensarunt Eucharistiam, maxime sub vini specie, sed jussu antistitum.

Prob. I. ex Justini Apolog. & ex historia Tarficii, ex qua constat, per diaconos, imo etiam per acolytos Eucharistiam absentibus missam. II. Ex Tertulliano & Justino, qui scribunt, sumptam Eucharistiam *de manibus presidentium* & ex

Cy-

Cypriano, qui ait, a diaconis oblatum calicem. III. Ex Aët. S. Laurentii supra laudatis. IV. De septem diaconis cecinit Arator, quod pocula vite misceat, & latices cum sanguine porrigat Agni.

Nota I. Non posse diaconum, presbytero præsente, Eucharistiam ministrare ex can. 15. I. Arelat. II. posse tamen urgente necessitate, & jubente antistite, ex can. 38. IV. Carthaginensis. III. Numquam a diacono posse ministrari presbyteris, ex can. 18. Nycænæ Syn. IV. Infirmos a presbyteris, non a diaconis esse communione reficiendos ex cap. pervenit dist. 2. de consecr. V. Ex Trident. Syn. sess. 13. c. 8. statutum esse, ut laici a sacerdotibus communionem accipiant, sacerdotes seipsos communicent, idque ex veteri consuetudine.

## CAPUT II.

*De suscipientibus Eucharistiam, ac I. de communionis precepto.*

Not. I. *Communio* nomen aliquando consortium fidelium designat, & dicitur communio Ecclesiastica, qua aliquando privantur, qui gravia crimina admittunt, unde excommunicati dicuntur; aliquando Eucharistiæ participationem, aliquando etiam Missæ sacrificium, & *antiphonam*, quæ, dum fideles communicant, cantari solet a clericis. Appellatur etiam *communio laica* poena illa, qua clerici ob patratum crimen in ordinem plebis redigebantur, & *peregrina*, quæ concedebatur laicis & ecclesiasticis cum literis commendatitiis, quas *formatas* vocabant extra propriam diocësim peregrinantibus. Etiam Missæ sacrificium, sumpta parte pro toto, communio improprie dicitur. Proprie tamen communio est ipsa Eucharistiæ perceptio, & dicitur *Dominica communio*, seu *communio divinatorum Sacramentorum*.

Not. II. de hujus communionis necessitate tractaturi duplicem distinguimus necessitatem, *medii* scilicet & *precepti*, de qua l. 30. actum est. Præter Græcos nonnullos apud Arcud., Calviniani, alique novatores Eucharistiam necessariam esse *necessitate medi* ex PP. & maxime ex Aug. evinci putant, & ex S. Innoc. Maldonatus. Hinc duplex oritur controversia, *prima dogmatis*: an quis salvari possit absque perceptione Eucharistiæ? altera facti, an id affirmaverit Augustinus? De prima conveniunt omnes, communionem necessariam non esse *necessitate medi*, licet non desint qui eam necessariam putant tantum in voto, circa secundam, falsum est putasse Augustinum parvulos salvari non posse absque actuali Eucharistiæ communionem, ut demonstrant Pallavicinus, Bona, Norisius, Desiran-

stantius, Piette &c. Sed facile componuntur hæc controversiæ, si distinguamus duplicem corporis Christi comestionem, *realem*, quæ fit sumendo Eucharistiam, & *mysticam*, quæ fit adoptione in mysticum Christi corpus, idest Ecclesiam. De hac loquitur S. P. l. 3. de Pecc. mer. c. 4. ubi docet, parvulos vitam habere non posse, *præter Christi corpus, cui ut incorporentur Sacramento baptismatis imbuuntur.*

Hinc S. Fulgentius productis quibusdam Aug. verbis ait : *Nec esse ambigendum, tunc unumquemque fidelium corporis Domini participem fieri, quando in baptismo membrum corporis Christi efficitur: etiamsi, antequam panem illum comodat, de hoc seculo in unitate corporis Christi constitutus abscedat.* Ex quibus verbis Card. Bona evinci putat, perperam accusari Augustinum, quod Eucharistiam parvulis necessariam ad salutem docuerit contra Ecclesiæ definitionem. Eadem scribit Pallavicinus loc. cit., qui non secus ac Norisius, producit etiam ea de re locum Innoc. I. ex ep. ad PP. Milevit., quo Erasmus, Suavem, & Centuriatores refellit, qui ajunt, Innocentium, & August. putasse, Eucharistiam esse infantibus necessariam, cum id solum uterque neget posse vitam æternam conferri sine baptismo.

Not. III. Ex his constat, Scholasticos, qui Eucharistiam etiam parvulis necessariam dixere ad salutem, locum illum : *Nisi manducaveritis &c. de mystica comestione cum Augustino & Innocentio accepisse.* Quo sensu ait S. Th. q. 73. : *Rem hujus Sacramenti esse unitatem corporis mystici, sine qua non potest esse salus, cuius rei rationem proferens q. 80. art. 9. ait : Quid, sicut Aug. scribit Bonifacio, tunc unusquisque fidelium corporis & sanguinis Domini particeps fit spiritualiter, quando in baptismo membrum corporis Christi efficitur.* Ubi nota, S. P. A. contra Pelag. locum illum de mystica comestione accepisse, sed alibi passim de reali usurpasse, ut supra monuimus c. 2. dissert. 2. præced. in Resp. ad II. His prænotatis sit

PROPOSITIO I. Eucharistia non est omnibus necessaria necessitate mediæ.

Prob. I. Parvuli per baptisma fiunt ex Apost. hæredes quidem Dei, cohæredes autem Christi, ut lib. 31. ostendimus; ergo in baptismali innocentia decedentes absque Eucharistia salvantur. II. Nunquam laici ac mulieres Eucharistiam dispensarunt, licet baptisma conferant in casu necessitatis; ergo hoc, non illa est *absolute* necessaria ad salutem. III. Sublata communione parvulorum nullus PP. scripsit iis sublatum fuisse medium ad salutem necessarium: ergo &c. IV. Ecclesia aliquando eam lapsis negavit, nunquam vero abolitionem Sacram.; ergo &c. V. Trid. Synodus sess. 21. can. 4. statuit, ut,

ut, si quis dixerit parvulis ante annos discretionis necessariam esse Eucharistiæ communionem, anathema sit.

Opponunt Novatores verba Christi: *Nisi manducaveritis &c.*, sed ea vel de solis adultis, vel de mystica comestione accipi debent.

PROPOSITIO II. Mystica corporis Christi comestio, vel in re, vel in voto est cuique necessaria.

Prob. I. Ex quo extra unitatem Ecclesiæ non detur salus. II. S. P. A. l. 1. de Pecc. mer. c. 20. & alibi probat adversus Pelagianos parvulos a regno excludendos, *nisi manducaverint &c.* Idem docet Innoc. I. loc. cit. Sed neuter accipi debet de comestione reali ex Prob. I.; ergo de mystica. III. S. Thomas 3. p. q. 73. art. 3. ait: *Res hujus Sacramenti est unitas corporis mystici, sine qua non potest esse salus: nulli enim patet aditus salutis extra Ecclesiam; ergo &c.*

PROPOSITIO III. S. P. Aug. docens communionem corporis Christi esse parvulis necessariam, loquitur de *mystica*, non de *communione reali*.

Prob. I. Ex Trid. Synodo, quæ ait, a PP. distributam olim parvulis Eucharistiam, sed *nulla necessitate*, atqui hoc falsum esset, si Aug. inculcasset necessitatem realis comestionis; ergo &c. II. De mystica comestione Augustinum exponunt, præter Theologos cl. supra laud. S. Fulgentius in Aug. lectione versatissimus, aliique; ergo &c. III. S. D. l. 3. de Pecc. mer. c. 4. & alibi passim docet, parvulos non posse vitam habere extra corpus Christi, *cui ut incorporentur, Sacramento baptismatis imbuuntur*. Et Tr. 26. in Jo. num. 15. ait: *Hunc cibum & potum societatem intelligi corporis, & membrorum suorum, quod est Ecclesia*. Tandem concludit: *Hoc est ergo manducare illam escam, & illum bibere potum, in Christo manere, & illum viventem in se habere; ergo &c.*

R. Adversarii, Aug. accipiendum de communione Sacramentali; distinguit enim baptismum, & comestionem Christi corporis, recte tamen ex verbis illis: *Nisi manducaveritis &c.* Pelagianos confutasse, quia S. D. Eucharistiam assererat parvulis necessariam ad salutem, non ex sua, sed ex Pelag. hypothese. Sed contra est: nam S. P. ita docuit, parvulos excludendos a vita æterna, propter verba Christi: *Nisi manducaveritis &c.*, sicuti ait a regno excludendos propter eam: *Nisi quis renatus &c.*, distinguebant enim Pelagiani regnum a vita æterna: unde sic arguebat S. D. Nequit non renatus puer intrare in regnum, nec vita frui, nisi incorporaretur Christo, sed sine baptismo decedentes nec sunt renati, nec sunt Christo incorporati; ergo carent utrisque.

PROPOSITIO IV. Sacramentalis communio est adultis necessaria ex præcepto.

Prob.

Prob. I. Christus enim Eucharistiam instituens ait Apostolis: *Hoc facite &c.* idest consecrate, comedite, distribuite; ergo &c. II. Ait Dominus: *Nisi manducaveritis &c.* sed hæc verba etiam de reali comestione a PP. exponuntur; ergo &c. III. Cum caro, & sanguis Christi sit vere cibus, & potus, vitam fastidit, qui hoc divinum negligit nutrimentum; ergo &c.

PROPOSITIO V. Adulti semel in anno tenentur in Paschate ad Communionem Sacram. ex Ecclesiæ præcepto.

Prob. I. ex c. 21. Conc. Lateran. IV. in quo statuitur: *Omnis utriusque sexus Christi fidelis, postquam a. annos discretionis pervenerit, omnia sua peccata saltem semel in anno confiteatur proprio sacerdoti, suscipiens ad minus in Pascha Eucharistia Sacramentum.* Idem statuit sess. 13. can. 9. Trid. Synodus; ergo &c.

Quæres I. Quinam sint *discretionis anni*? quinam proprius sacerdos? quid veniat nomine Paschatis? & an satisfaciatur præcepto communicans extra propriam parochiam: R. ad I. cum D. Thom. in 4. dist. 9. q. 2. cum D. Carolo P. 4. Instr. de Sacr. &c. esse annos *inter* 10. & 12. quibus adultus non solum ratione utitur & in venialia prolabitur, sed etiam idoneus est ad corpus Domini dijudicandum, & divini mysterii percipiendam magnitudinem. Unde in perantiquo carmine apud Martene l. 1. de Ant. Rit. c. 4. *Non pueris infra bis quinque manentibus annos des corpus Domini &c.* (1). Accedit praxis Ecclesiæ, quæ horum puerorum confessiones tantum excipit. Ad II. R. quod *proprius sacerdos* est parochus, & quisquis eo iubente Sacramenta dispensat. Ubi nota: non eandem esse de confessione, & de communione rationem, licet in cap. *Omnis &c. proprio sacerdoti* dicatur facienda confessio, & ab eo sumenda communio. Satisfacit enim annuæ confessionis præcepto, qui confitetur regularibus *simpliciter* ab ordinario approbatis, quia episcopus, qui & ipse *proprius sacerdos* est, non excludit, dum iis facultatem largitur, tempus Paschale. Quare rigidiores Theologi, qui oppositum docent, & negant, episcopum proprium esse sacerdotem, revocant ab orco damnatam sententiam Jo. de Poliac, quæ ea de re a Jo. XXII. proscripta est. Id vero de communione non tenet, quia Rom. Pontifices, maxime Clemens VIII. & X. definiunt, posse utique sæculares regularibus confiteri peccata, dummodo Sacramentum Eucharistiæ in festo Paschatis in propria parochia ab eorum parrocho sumatur.

Ad III. R. Eugenius IV. in Const. *Fide digna, satisfactum esse canoni, si in hebdomada sancta, vel infra Octavam Paschæ* fide-

(1) Idem statuitur in Const. Synod. Auxim. c. 8. de Euch.



*fideles sanctum Eucharistiæ pignus accipiant*. Ad IV. R. negative. Vide R. II. Quæres iterum an habens duo domicilia, communicare queat in utraque parochia, an in Metropolitana, aut Cathedrali, quæ non sit parochialis? R. Ad I. communicandum in ea parochia, in qua tempore Paschali quis habitat. Ad II. R. Benedict. XIV. negative, cum nec Romæ possit quis communicare in Ecclesia Lateranensi.

PROPOSITIO VI. Per commun. sacrilegam non satisfit Eccl. præcepto.

Prob. I. ex Innoc. XI. qui oppositam sententiam proscripsit ann. 1679. Sylvius ergo, qui negat damnandos, qui *partem affirmativam sequuntur*, accipiendus est de scriptoribus, qui ante Innocentium floruerunt. II. Ecclesia non novum edixit præceptum, sed latum a Domino exposuit adjecta temporis circumstantia; ergo eandem iussit communionem, quam Christus edixit, proficuum nempe, & vivificam. III. *Qui manducat & bibit indigne, judicium sibi manducat &c.* ex I. Cor. II. sed qui cibum corporeum fumeret, ut sibi necem inferret, non servaret, sed frangeret præceptum de servando individuo; ergo a pari.

Ob. I. Nequit Ecclesia præscribere actus internos; ergo &c. II. Per confessionem sacrilegam satisfit præcepto Ecclesiastico; ergo & per sacrilegam communionem. III. Ecclesia substantiam actus, non modum præscribit; ergo &c. IV. rite accipitur stipendium per Missam sacrilegam; & rite quis baptizatur, licet simulate baptizetur. Nec peccati macula obstat, quin satisfiat operibus injunctis; ergo &c. V. Frustra datur præceptum, cujus transgressio nec agnosci potest, nec a jubente puniri; ergo &c.

R. ad I. neg. ant. de quo vide Auctorem lib. 20. cap. 15. Adde, hoc præceptum non esse mere ecclesiasticum, sed etiam divinum. Tandem ex omnium consensu præcipit Ecclesia actus internos, ubi hi cum externis ita conjuncti sunt, ut sine iis haberi nequeat actus virtutis: sic attentionem præcipit in oratione vocali, intentionem in conferente, & suscipiente Sacramenta; vetat accessum ad Ecclesiam ad malum finem &c. ut docent Cajetanus, Soto, Suarez, Lessius, Sylvius, aliique. Ad II. neg. ant. Nam hæc prop. est 14. ab Alex. VII. damnata, adeoque ex ea nostra firmatur assertio. Ad III. neg. ant. Modus enim cadit sub præcepto, quoties sine ipso exerceri nequit actus virtutis. Ad IV. neg. conf. Nam sacrificium Missæ suum habet valorem ex opere operato, & character imprimitur etiam in simulatione, neque ad satisfactionem, & alia virtutum officia opus est gratia habituali, ut adversus Bæjum alibi monstratum est. Ad V. neg. ant. Non enim inuti-

lia sunt monita, & consilia, quæ tamen invitos coercere non possunt.

## C A P U T III.

*De communione sub utraque specie.*

**NOT. I.** ab Ecclesiæ primordiis usque ad sæculum 12. Laicos passim sub utraque specie communicasse. Quod ingenue fatentur scriptores catholici Bellarminus, Tapperus, Castro, Lindanus, Mabillon, Bossuet, Estius, Juenin, alique: idque probatur ex 1. Corinth. 11. *De pane illo edat, & de calice bibat*, ex 2. Apolog. Justinj, ubi dicitur, *distributum cuique panem, & vinum &c.* Viguisse etiam hunc morem Cypriani, & Ambrosij ævo eorum scripta demonstrant. Et S. Leo I. & Gelasius utramque speciem in publicis Synaxibus præscribunt. Plura exempla proximorum sæculorum profert laud. Mabillonius. Consuetum etiam fuit aliquando ægris, præsertim pueris porrigere *panem intinctum*, de quo supra c. 3. hujus libri. Hanc tamen consuetudinem perpetuo servatam, aut necessario servandam in laicorum communione negamus.

**Not. II.** Postquam ergo vetusta consuetudo in desuetudinem abiit, & ubique fere locorum obtinuit communio sub una tantum specie, nullo reclamante circa ann. 1414. Petrus Dresdensis & Jacobellus Misnensis asserere cœpere necessariam laicis communionem sub utraque specie, ut narrat Æneas Sylvius. Inde errorem hausit Jo. Hus, & multo post Carlostadius. Lutherus *inter res indifferentes* censebat communionem sub utraque specie, sed parum sibi constans in Visit. Saxon. communionem sub unica specie damnavit. His accessere Calvinus, & Hamelmannus. Nec non ex Arcudio, quidam Græci recentiores, duce Hieremia Patriarcha, qui in epilogo Cens. communionem unius speciei inter abusus enumerat Ecclesiæ Romanæ.

**Not. III.** Nonnulli catholici scriptores putarunt, quod licet utraque species ad salutem necessaria non sit, ex utraque tamen uberior gratia percipiatur. Ita Canus, Uglio Hispaniensis, alique apud Pallavicinum, & post Alex. de Ales, & Arboreum Vasquesius, qui perperam laudat Casalium nostrum: is enim imitatur Tridentinos PP. qui teste Pallavicino noluerunt hanc quæstionis partem definire. Plures etiam in Trid. Synodo nomine summorum principum postularunt, ut ad sedandos Bohemorum animos, & ansam præripiendam novatoribus conviciandi Romanam Ecclesiam, restitueretur cuique

cuique usus calicis a Constantiensi ann. 1415. sublatus, sed Trid. PP. re mature discussa sess. 21. definierunt: I. nulla necessitate præcepti, seu medii, teneri omnes fideles ad utramque speciem. II. totum Christum sub unica specie contineri. III. Ecclesiam iustis de causis laicis unam speciem concessisse. IV. Spectare ad R. Pontificem examinare, an usus calicis alicui vel nationi, vel regno sit concedendus ob graves rationes, & caritati Christianæ conformes. His prænotatis sit

PROPOSITIO I. Communio sub utraque specie laicis non est de necessitate, neque medii, neque præcepti.

Prob. I. Christi præceptum significant tantum Christi verba 1. Corinth. 11. *Hoc facite in meam commemorationem*, alia enim: *Sumite, bibite &c.* sunt potius verba invitantis & porrigentis, quam iubentis, vel si iubentis, ad solos Apostolos & sacerdotes referuntur, quibus etiam ut consecrent & distribuunt commissum est, non laicis: sed iis verbis: *Hoc facite &c.* prolatis post distributionem Christi corporis non præcipitur utriusque speciei distributio; ergo &c. II. Apostolus de specie panis absolute ait: *Hoc facite*, atqui de vini specie non absolute, sed restrictive ait: *Quotiescumque bibetis*; ergo &c. Vide Ectium dist. 11. §. 7. Adde, Apostolum v. 27. laud. cap. disjunctive loqui: *Quicumque manducaverit vel biberit indigne*; supponit ergo comestione a potione sejungi posse. II. Jo. 6. legitur: *Qui manducat hunc panem, vivet in æternum: panis, quem ego dabo, caro mea est pro mundi vita*; ergo una tantum species necessaria est ad salutem.

III. Urgent Tapperus, Bellarminus, aliique exemplum Christi, qui sub una specie fertur distribuisse Sacramentum duobus discipulis Emmauntis. Negant quidem hæretici hanc cœnam fuisse Sacramentalem, & Vossius addit, inde sequi etiam sacerdotibus, quales erant illi discipuli, posse panem solum præberi. Sed stat argumentum, siue dicas cum Aug. & Theophylacto cœnam illam fuisse *Sacramentalem*, siue ejus figuram, quod nemo ambigit. Nec obstat Vossii argumentum; nam nos etiam satemur sacerdotibus non conficiendis unam speciem sufficere. Nec inde sequitur, quod consecrari possit una tantum species: nam id fecit Christus, non ut immutaret institutionem a se factam in ultima cœna, sed eo exemplo ostendit unam tantum speciem distribui posse: nec manducasse Christum, ut id discipuli facerent, sicut mandavit Apostolis, ut consecrarent, comederent, & distribuissent; ergo &c.

IV. Addunt loca ex Act. 2. & 20. ubi legitur convenisse fideles *ad frangendum panem*, quod neque per *Synecdochen* potum includit, quidquid asserant novatores, Christus enim pa-

ne porrecto statim evanuit. V. definita est catholica veritas a Trid. Synodo sess. 21. can. 1. VI. Accedit ratio: incredibile est enim univēfos Christi fideles, doctos & ignaros, laicos & ecclesiasticos, nemine contradicente, acquiescere voluisse, ut sibi adimeretur, aut tolleretur, quod ab iis crederetur saluti necessarium; atqui sæculo 14. priusquam Petrus Dresdensis utramque speciem intruderet, jam ubique obtinebat unica species; nemo utramque poscebat, imo vigente communione sub utraque specie cuique persuasum erat unam sufficere; ergo &c.

PROPOSITIO II. In Ecclesia Occidentali ante 12. sæculum frequens erat usus unius tantum speciei.

Prob. I. Ex Tertull. qui in libro ad Uxorem c. 5. innuit solum panem consecratum fuisse domi servatum. Idem evincitur ex iis, quæ Ambrosius narrat de obitu Saryri, & quæ de Eucharistia diu servata supra protulimus. Hinc Lupus in diff. de Actibus S. Leonis IX. ait: *Nullum, qui utramque speciem servaret novi laicum, nisi Gorgoniam Nazianzeni germanam.* II. Administratum parvulis sanguinem digito sacerdotis intincto constat ex vetustiss. Pontificali apud Martene. III. Infirmis unicam speciem porrectam fuisse constat ex vita Ambrosii a Paulino conscripta ad Aug. ubi de Honorato Vercellensi legitur; *Obtulit sanctum Domini corpus, quo accepto emisit spiritum, bonum viaticum secum ferens.* Cluniacenses dabant infirmis ante annos 600. unam speciem panis, servabantque absque vini specie quatuor hostias in pyxide. Et in aurea columba ex Udalrico. Sub una specie communicasse ægros Monachos S. Columbani constat ex ejus vita. Refert Bona versus Rodulphi abbatis, quibus monet: *Ne presbyter ægris, aut sanis tribuat laicis de sanguine Christi, nam fundi posset leviter, simplexque putaret, quod non sub specie sit totus Jesus utraque.*

IV. Hieronymi ævo virgines abstemiæ calici non communicabant. Hinc mulieres vinolentæ ajebant: *Abstineat ut a Christi sanguine abstineam.* Si quam autem pallentem videbant, eam Monacham vocabant, & Manicheam. S. Bernardus in præcipuis solemnitatibus unicam speciem distribuēbat, ut patet ex facto indigni monachi, qui non potuit S. hostiam ad interiora trajicere, teste Guilhelmo abate in vita S. Bern. Ex antiquo ritu consecr. episcopi in Ordine Romano ei tribuebatur integra hostia, cujus residuo per dies 40. vescabatur; adeoque sub unica panis specie. V. Antiquissimum fuisse in Anglia usum unius speciei evincitur etiam ex Historia Ven. Bedæ, ubi narratur, idololatrias panem nitidum postulasse ab episcopo distribuente Eucharistiam post Missam, non potum, aut calicem; ergo &c.

PROPOSITIO III. Etiam in Orientali Ecclesia obtinuit aliquando communio sub una specie.

Prob.

Prob. I. Græci enim ex Arcudio dant recens baptizatis infantibus Eucharistiam vini guttula eorum linguam imbuentes : micæ vero post Missæ celebrationem residuas pueris grammaticorum ex veteri consuetudine distributas narrat Evagrius &c. II. de ægrotis statuit Elias Creten. apud Arcodium, ut communio accommodetur *ad ipsorum infirmitatem*. Et Serapioni in exitu vitæ porrectam exiguum panis particulam *in aqua intinctam* testatur Eusebius. III. Eucharistiam ab unoquoque domi sumptam in persecutione, & ab eremi incolis de suis manibus utique *sub una specie* perceptam narrat Basiliius. IV. In Missa *Præsanctificatorum*, quam Latini fer. 6. Maj. Hebdom. celebrant, Græci sæpius in Quadragesima solam panis speciem absumunt; ergo &c. V. Apud Maronitas, aliosque Orientales communicare sub unica specie rusticos Pastores, & ægrotos constat ex epistolis Abrahami Echellen. & Gabrielis Sionitz. Idem de Coptis Jacobitis ostenditur a Solerio.

PROPOSITIO IV. Sub utraque specie continetur totus & integer Christus.

Prob. I. Ex dogmate *Transubstantiationis*. Si enim sub specie panis est corpus Christi vivens, & suis partibus constans, divinitati hypostatice conjunctum; nequit ergo alicubi esse corpus Domini, nec ibi esse sanguis, anima, & tota Verbi persona. II. Christus accepto pane ait: *Hoc est corpus meum*, quod pro vobis tradetur, atqui de vino idem asseruit; ergo, sicut in ultima cœna cum suo corpore sanguinem, & cum sanguine corpus Christus distribuit; ita nunc in ejus commemorationem utrumque sub quavis specie distribuitur. III. Idem statuerunt Constantiense Conc. sess. 13. Florentinum in Instr. Armen. & Trid. Sess. 13. c. 3. ubi ait: *Post consecrationem verum D. N. corpus existere sub specie panis, & sanguinem sub vini specie ex vi verborum: ipsum autem corpus sub specie vini, animamque sub utraque vi naturalis connexionis, & concomitantia, qua partes Christi Domini inter se copulantur*. Eadem docet S. Th. q. 76. a. 2.

PROPOSITIO V. Communicanti sub una, vel utraque specie eadem gratia confertur.

Prob. I. Sub una tantum specie continetur ex dictis totus & integer Christus fons & origo gratiarum omnium; ergo &c. II. Totâ virtutis corporis & sanguinis Christi est ab ejus divinitate illis conjuncta hypostatice, sed hæc utrique speciei conjungitur; ergo utrique tota virtus tribuitur. Hinc Jo. 6. modo panis comestioni, modo carnis & sanguinis vita æterna tribuitur. III. Symbola Eucharistica causant gratiam ratione rei, quam continent, sed in una vel utraque specie eadem res confertur; ergo & eadem gratia.

Dices : in utraque specie bis eadem res distribuitur , & duo species habent rationem , significationemque diversam ; ergo &c. &c. neg. conf. Nam in bina illa assumptione fit una eademque communio , ut fit a sacerdote , dum post hostiam plures assumit particulas , quo in casu uberiores gratiam non recipit , nisi ex opere operantis , & ob repetitos devotionis actus , quod etiam in communione unius speciei potest contingere . Licet autem duæ species diversam habeant rationem , tum tamen ad eandem rem referantur , ejusdem sunt efficacia : virtus enim hujus Sacramenti ex re , non e signis repetitur .

PROPOSITIO VI. Jure optimo laicis usus calicis sublatus est .

Prob. I. Usus calicis non est ad salutem necessarius , ut constat ex scripturis , ex Conciliis , & Ecclesie consuetudine , quia factum est , ut parvulis , ægris &c. communio præberetur sub una specie . Aliunde eo abusi sunt Novatores , ut dicerent sub una specie non esse integrum , nec totum Christum ; ergo jure optimo fuit ab Ecclesia hæc disciplina abrogata . Id vero non absolute , sed ob prædictum abusum peractum esse patet , quod tempore Concilii Constantiensis , & paulo post omnes ministri altaris communicabant *sub specie utraque* ex Tappero & Vossio : & post Synodum Basileæ Rom. Pontifex aliquando *sub utraque specie* laicos communicavit , teste Cusano Card. Deinde Ecclesia Romana nunquam id vitio vertit Græcis , aliisque Orientalibus , & Trid. Synodus ait , id spectare ad Rom. Pontificem illam , si expediat , permittere . Unde Basileen. Synodus eam concessit Moravis , Bohemisque ea lege : *Ut sub qualibet specie totum adesse Christum faterentur* : & ex arbitrio episcoporum illam Germanis indulgit Pius IV. Cum ergo usus iste ab Ecclesia haberetur indifferens , nonnisi ex hæreticorum abusu interdictus est . His accessit hujus ritus defuetudo 300. circiter annorum , abstemiorum multitudo , effusionis periculum , difficultas servandi speciem vini , & omnium catholicorum consensus .

PROPOSITIO VII. Non expedit iterum laicis permittere usum calicis .

Prob. I. Id enim nil conferret ad protestantium conversionem , qui non ex sola ritus abolitione a Romana Ecclesia scissi sunt , sed ex pravitate doctrinæ , qua negant , Christum sub una specie contineri . II. Novatores vel ritum suum necessarium putant ad salutem , vel indifferentem ; si illud , cur illi in tanto errore assentiamur ? si hoc , cur potius ipsi ad Ecclesie unitatem non redeant , eique non obtemperant ? III. Cum Rom. Pontifices Martinus V. & Pius IV. quibusdam laicis calicem indulgissent , ita nonnulli eorum indulgentia abusi sunt ,

ut

ut vel ab iis suscitata fuerit Jacobelliana hæresis, vel à Pontifice probatam esse gloriarentur: quod impulit ipsum Martinum V. & Pium V. ut hanc concessionem revocarent. IV. Licet non omnes in hunc errorem descenderent, possent tamen hæretici gloriari, Rom. Ecclesiam suam retractasse sententiam, adeoque non esse infallibilem. His permoti oratores illi, qui in Trid. Synodo pro usu calicis instabant, a petitione recesserunt.

Ob. I. Hæretici: Jo. 6. legitur: *Nisi manducaveritis &c. & biberitis &c.* atqui particula & utrumque, idest præceptum, & symbolum exprimit; ergo &c. II. Uti Christus panem porrigens ait: *Accipite & comedite*, ita calicem præbens ait: *Bibite ex hoc omnes*; ergo etiam laici. Prob. conf. Nam Apostoli in ultima cœna universam exhibebant Ecclesiam. III. Paulus de pane & vino ait Corinth. 11. v. 24. *Hoc facite in meam commemorationem*. Et v. 26. *Quotiescumque manducabitis panem hunc, & calicem bibetis &c.* Et 28. *De pane illo edat, & de calice bibat*; ergo &c. Ibid. c. 10. ait: *Non potestis calicem Domini bibere & calicem demoniorum*, ubi omnes fideles arcet ab idololatria argumento ex communione calicis deprompto; ergo &c.

R. I. Frustra a novatoribus nobis opponi caput 6. Jo. quod de spiritali comestione non de reali a Calvino, aliisque Sacramentariis exponitur. R. II. neg. min. Effectus enim, qui utrique speciei adscribitur, etiam uni tantum tribuitur ex Trid. sess. 21. c. 1. Unde in alio textu particula *Et* potest accipi disjunctive ob contextus ejusdem cap. 6. licet etiam copulative accepta recte dici possit, quod manducans carnem, & panem vivum sumat etiam sanguinem, & sub una specie totum Christum contineri firmissime credat.

Ad II. neg. conf. Ad prob. dist. ant. Exhibebant ut optimates rempublicam, conc. ut plebs & populus; neg. Non ergo omnia, quæ Christus instituit, ad omnes æqualiter attinent, alias omnes essent doctores, & pastores, nec ait Christus: *Distribuite calicem*, sed: *Hoc facite in meam commemorationem*; ergo rō *bibite ex eo omnes* ad Apostolos attinet, ut ipsi sumerent, non ut omnibus propinarent. Hinc Syriaca, Arabica, atque Æthiopica versio habet: *Bibite ex eo omnes vos*. Observat Maldonatus, ideo in fractione panis non dixisse Christum: *Accipite omnes*, quia ipse panem singillatim cuique distribuit, contra dixisse: *Bibite ex eo omnes*, quia calicem uni tantum tradidit, ut is proximiori, iste alteri in finem usque porrigeret, unde Luc. 22. habetur: *Dividite inter vos*. Ad III. neg. conf. Non enim ibi jussit Apostolus, ut quisque calicem biberet, sed ut *quotiescumque biberit, faciat in sui commemora-*

*tionem*. Sic v. 2. jubet, ut Sacramenta digne sumantur. Et c. 10. vult tantum, quod nemo servire possit idolis, & participare S. mysteria, nec spectare simul possit ad satanæ conventum, & mysticum Christi corpus, cujus unitas monstratur participatione unius symboli dicens: *Quoniam unus panis, unum corpus multi sumus* &c.

Ob. II. Communio ex Ap. fit in commemorationem passionis Christi, sed in sola communione panis non habetur commemoratio passionis Christi, hæc enim exhibetur per solum panem, qui non repræsentat effusionem Christi sanguinis; ergo &c. II. hæc effusio dicitur *Testamentum* Luc. 22. sed hoc spectat ad omnes; ergo & sanguinis participatio. R. dist. min. Non habetur commemoratio passionis, idest immolatio mystica, sive imitatio cruentæ immolationis ad sacrificium spectans, conc. idest signum corporis Christi crucifixi, & immolati, quod fat est ad rationem Sacramenti, neg. Ad II. dist. maj. Dicitur testamentum, quia per eam firmatur testamentum, conc. quia seorsim a corpore sit. omnibus tribuendus, neg. Servanda est enim testatoris voluntas, & eorum, ad quos pertinet testamentum, necessitas, & conditio.

Ob. III. Ex traditione constat, servatum hunc ritum per annos plusquam mille ab Ecclesia universa, teste Justino, Cypriano, & Chrysostomo; ergo &c. II. Gelasius statuit apud Gratianum Cap. *Comperimus* dist. 2. n. 12. *Divisionem unius ejusdemque mysterii sine grandi sacrilegio provenire non posse*; ergo &c. Palchafius l. de corp. Domini, post verba: *Accipite & bibite*, addit: *Tam ministri, quam reliqui credentes*: ubi frustra Jo. a Lovanio, & Bellarminus pro *bibite* ponunt *edite*.

R. neg. conf. Non desunt enim exempla vetustatis, quibus etiam sub una specie communio commendatur. Nec dicant hæretici, hanc fuisse privatam & extraordinariam; I. enim privatus conventus non fuit, quo in Actibus Ap. conveniebant fideles ad frangendum panem, quove sub una specie celebrabant synaxim Angli ante Bedam, Monachi Bernardi ævo, & ante Jacobellum plures Ecclesiæ. II. vel illa extraordinaria communio erat *sacramentalis*, vel non. Si hoc; ergo crudelis fuit antiquitas, quæ nec in mortis articulo Sacramentum dedit ægrotis, si illud; ergo necessaria non est sub utraque specie communio. Ad II. neg. conf. Damnat enim ibi Gelasius quosdam sacerdotes, qui sumpto corpore abstinebant a sanguine: unde apud Ivonem, Micrologum, & Gratianum hic ei decreto præfigitur titulus: *Corpus Christi sine ejus sanguine sacerdos non debet accipere*.



R. II. alii: decretum Gelasii latum fuisse adversus Manichæos, qui a vino abstinebant, ut eo indicio deprehenderentur. Ad III. R. Estius, Paschasium accommodasse ea verba: *Bibite &c.* ad usum sui temporis. Probabile est tamen Paschasii codicem fuisse interpolatum. Christus enim porrigens calicem non ait: *Accipite & bibite ex hoc omnes*, sed de pane duntaxat ait: *Accipite & comedite*; ita ergo ob textus germanitatem in Paschasio legendum est: vel si retinendum est *&c. bibite*, id accipi debet de latente sanguine *sub panis specie*.

Ob. IV. Eucharistia est Christi convivium, sed hoc cibo & potu constat se junctum; ergo &c. R. dist. min. Convivium institutum ad corporis nutrimentum constat cibo &c., transeat, convivium paratum ad alimoniam spiritus, neg. Rectius ergo panis & vinum in Eucharistia dicuntur *species* sacri convivii, quam *partes*, cum utraque species etiam se juncta sit plenum convivium, & ex Trid. constat, tantundem sub alterutra, ac sub utraque specie contineri.

## CAPUT IV.

*De iis, quibus communio Eucharistica exhiberi debet, aut denegari.*

Cum Eucharistia sit Sacramentum vivorum, atque ad animæ nostræ alimoniam institutum, quæritur quibusnam præberi debeat, quibusnam subtrahi hoc spiritale alimentum. Sit itaque

PROPOSITIO I. Publicis peccatoribus (1) denegari debet Eucharistia, non vero occultis, si publice petant.

Not. Malos etiam & scelerosos re ipsa sacramentaliter manducare Christi carnem, licet oppositum veteres nonnulli tenuerint, quos sequitur, ex Th. Waldensi, Wiclefus. Nam de Apostolis, nec proditore Juda excepto, habetur Marci 14. *Et biberunt ex illo omnes*. Et 1. Corinth. 11. *Qui manducat & bibit indigne, dicitur reus corporis, & sanguinis Domini*. Hinc S. P. A. l. 5. de Bapt. c. 8. ait: *Indigne sumens Sacramentum non efficit, ut quia non ad salutem accipit, nihil acceperit*. Nec obstat Cap. *Qui discordat* dist. 2. n. 65. ubi legitur: *Qui discordat Christo, nec manducat carnem ejus, nec sanguinem bibit*. Illud enim exponi debet de comestione spiritali, & quoad effectum, non vero de sacramentali, & quoad rem, seu substantiam. His prænotatis

Prob.

(1) Vide Const. Synod. Auxir. c. 13. & 14. de Sacr. Euch.

Prob. I. pars. Ex Matth. 7. *Nolite Sanctum dare canibus &c.* sed canes, ex Chrysostomo hom. 24. in Matth. *sunt in impietate viventes, porci vero in luto luxuriæ*; ergo &c. II. Ex Cap. *Pro dilectione sumpto* ex ep. 61. S. Cypr. ad Eucratium neganda est Eucharistia histrionibus, qui in artis suæ dedecore versantur. Idem dicendum de publicis usurariis, meretricibus, concubinariis, excommunicatis, & mulieribus ad eam accedentibus lascivo habitu. Et ratio est, quia publicus peccator nullum jus habet ad Sacramenta, quæ exigunt probitatem. Est autem publicus peccator, cujus crimen notorium est, aut evidentia facti, aut sæculari, vel ecclesiastico iudicio.

Prob. II. pars. I. enim: *In facie Ecclesie non constat, ipsum amisisse jus suum*, ut ait S. Thom. in 4. dist. 9. art. 5. qu. 1. II. Idem docuit Christus, qui Judæ corpus suum non denegavit. III. Legitur in vita S. Bernardi a Guillelmo Ab. conscripta, S. D. ab altari noluisse fratrem repellere, quem ab communione suspenderat, *quoniam causa latens erat*. Si vero peccator privatim petat, ei deneganda est, quia nulla ei fit injuria, nec irrogatur infamia. Excipe tamen casum, quando crimen notum est sacerdoti per solam confessionem. Nam Eugenius Papa Cap. *Si sacerdos* de Off. judicis ordinarii statuit, sacerdotem, non posse nominatim aliquem *removere a communione, licet etiam ei confessus sit, & sciat eum esse reum, quia non ut iudex scit, sed ut Deus, sed debet eum admonere ne se ingerat, quia nec Christus Judam communione removit*.

Addé confessionis sigillum, & curam summam, ne confessio in contemptum invidiamque trahatur. Licet autem D. Thomas loco cit. doceat oppositum; ab hac tamen sententia, quam junior adoptaverat, recessisse conjicitur ex art. 6. q. 80. ubi probat Aug. regulam: *Nos a communione prohibere quemquam non possumus, nisi aut sponte confessum, aut in iudicio convictum*. Sed hæc regula est de peccatoribus occultis, qui publice petunt; ergo &c. Nota, non posse sacerdotem peccatori occulto dare hostiam non consecratam: Nec fas esse eum repellere propter scandalum aliorum. Sic enim sacerdos, quantum in se est, eum induceret ad idololatriam, nec sunt facienda mala, *ne alius gravius malum faciat*, ut ait S. P. q. 42. in Genes. II. quia sic non impeditur sacrilegium animo accedentis patratum. III. quia id statuitur in cap. *De homine* lib. 3. Decr. tit. 41.

PROPOSITIO II. Licet pueris aliquando concessa sit Eucharistia; non est tamen necessaria ad salutem, nec mos ille improbandus.

Prob.

Prob. I. pars, ex Prop. 2. & 3. cap. præc. Prob. II. pars ex Prop. I. cap. II. Cum enim a 12. sæculo defierit vetusta consuetudo, teste Hug. Viſt., & sæc. 13. invaluerit opinio negans pueris Eucharistiam, id tamen in Occidentali Ecclesia servandum est. Prob. III. pars: Græci enim, Syri, & Copti priorem adhuc retinent disciplinam, ob quam immerito a quibusdam redargui ostendit Auctor de Re Sacramentaria. Non enim reprehendi debet, quod per plura sæcula obtinuit, & permittit Ecclesia Romana: nec fovenda sunt schismata ob variabilem disciplinam, quæ pluribus de causis abolita est apud Latinos. I. Quia pueri non percipiunt quid sumant, adeoque in re ad salutem non necessaria præponi debet reverentia sacramenti illi augmento gratiæ, cujus defectu nullum iis damnum accedit. II. Quia pueri speciem panis non valent digerere; & vini speciem evomunt. De amentibus rationis usu carentibus idem ac de pueris iudicium esto. Si tamen aliquando usum rationis exhibeant, & devotionem erga hoc Sacramentum habuerint, non debent in morte privari viatico ex can. 76. Carth. IV.

PROPOSITIO III. Energumenis porrigenda est communio, nisi actu agitentur a dæmone.

Prob. I. pars. Ex Conc. I. Araus. can. 14. *Energumeni jam baptizati, si se sollicitudini clericorum tradunt, omnimodis communicent, Sacramenti virtute vel muniendi ab incurſu dæmonii, vel purgandi.* II. in Coll. 7. Cap. c. 29. opponenti Germano illud Evang. *Nolite sanctum dare canibus* respondit Serenus: *Communione iis, energumenis, & senioribus nostris nunquam interdictam; Evangelii vero sententiam: Nolite Ec. incongrue huic sensui coaptari.* Addit curatum hoc modo abbatem Andronicum. Puellam quoque Arabam particula Christi corporis liberatam narrat S. Prosper &c.

PROPOSITIO IV. denegata est olim Eucharistia morte plestendis, sed modo jure conceditur.

Prob. I. pars ex Dom. Soto, qui scribit olim id in Hispania obtinuisse, sed modo obtinere contrarium usum testatur Sylvius, & nuper Guerrerus. Cujus vetustæ consuetudinis hanc rationem proferunt Merbesius, & Joenin: quia furciferi plerumque scelera detestantur timore supplicii. II. quia ut plurimum sunt adeo perditæ, ut neque Deum, nec homines revereantur. III. quia accepto mortis nuntio ita consternantur, ut destituti appareant rationis usu. IV. injuriosum est Christo illum in corpus conjicere omnibus sceleribus inquinatum: turpissimum vero est tortoris manu ignominiose tractari corpus illud, quod nuper supremum Regem ex-cepit.

Prob.

Prob. II. pars ex cap. *Quæsitum est* dist. 13. q. 2. ubi furtiferis decernitur communio, *secundum canonicum iussum*. Idem habetur in can. 27. Conc. Mogunt. & in can. 80. Vormacien. & 31. Triburien. ubi communionis nomine non intelligunt laud. canones absolutionem Sacramentalem, ut censet Juenin, sed *Eucharistiam & communionem viatici*, ut ait Mogunt. Synodus: & Triburienfis, præter *communione gratiam*, addit juvandos esse *sacrofanctis mysteriis*. Vormacienfis autem profert latronis exemplum, ut ostendat, *nullum pietatis officium negandum esse morienti*. Accedit consuetudo in Italia, in Hispania, in Gallia, nec non exemplum Theodosii, cui, antequam iussa Phocæ necaretur, data est Eucharistia ex Cedreno in *Phoca*. Adde constitutionem Caroli V. & edicta Belgica. Nec obstat contraria consuetudo, quæ nimis probat, nempe denegandam quoque sacramentalem absolutionem, quæ olim furtiferis ex Morino negata est. Tandem ex Const. Pii V. *Cum sicut accepimus* §. 21. facultas conceditur cappellano Confraternitatis ad confortandos supplicio afficiendos, ut possit *Eucharistie Sacramentum iis ministrare*.

Ad opposita argumenta &. ad I. Possê Deum timore perculsis contritionis gratiam largiri, & *quotiescumque peccata donantur*, tribui debere *dominici corporis Sacramentum* ex Ambrosio l. 2. de Pœn. c. 3. Ad II. &. Baptismi, aut pœnitentiæ lavacro *super nivem* dealbari. Ad III. &. ideo iis tribui Eucharistiam, ut in fortitudine eibi illius possint cum morte luctari. Ad IV. &. exiguo temporis intervallo species Eucharistiæ mutari. Laudat tamen S. Carolus pios iudices, qui ad diem sequentem sententiam executioni mandari jubent.

PROPOSITIO V. Quibusvis, etiam scelestissimis in exitu mortis pœnitentibus non negatur Eucharistia.

Sequitur ex dictis in Prop. IV. & licet aliquibus in extrema vitæ periodo fuerit aliquando negata, eam tamen indulget Nicænus canon 12. quo statuitur: *Cuiuslibet in exitu posito, & poscenti sibi communionis gratiam tribui, episcopus probabiliter ex oblatione dare debet*. II. Concilium Agathen. can. 15. ait: *Viaticum omnibus in morte positis non est negandum*. Et Carthag. III. *Si continuo creditur moriturus, reconcilietur, & infundatur ori ejus Eucharistia*. Idem statuunt Rom. Pontifices Greg. III. & Innoc. III. ergo &c.

PROPOSITIO VI. Ori defunctorum non est ingerenda Eucharistia.

Not. Id olim factum fuisse constat ex Amphilochio in *vi-ta S. Basilii* ed. Combesii pag. 244. ubi ait: *Testamento scripto sanxit cum tertia portione a Domino datæ sibi communio-*  
nis:

*nis*: quæ lectio ad regios codices emendata, & notis a laud. Combesio illustrata germanum Amphil. opus habetur ab eruditiss, licet eam illi abjudicarint, nedum Rob. Cocus, Blondellus, & Riverus, sed etiam Baronius, & Bellarminus. II. Sepulchram iussu S. Benedicti Eucharistiam supra pectus monachi, cujus corpus tumultum extra tumulum repertum est die sequenti, narrat Mabillonius, eumque non violasse canones, qui vetant communionem mortuis porrectam, non vero supra eorum pectora collocatam, demonstrat Menardus ex Beda, & Amalario Fortunato; frustra ergo de hisce historiis dubitat Juenin. Originem vero hujusce consuetudinis inde repetit Lupus I. ne cadavera e sepulcro ejicerentur, II. ne dæmones in ea infævirent.

III. Ut qui vivi Eucharistiam non perceperant, saltem ea juvarentur post mortem. Id confirmatur ex Theodoro Balsamone in eundem can. Addit Basilus Poncius quartam causam, nempe ut hoc ritu avocarentur homines a superstitione gentilium, qui obolum imponebant ori defunctorum pro ratibus navis Acheronti solvendo. Quæcumque tamen sit illius ritus origo, statuit cit. canon, ut *nemo mortuorum corporibus Eucharistiam communice*t. Alios canones profert Poncius, & Lupus loco cit. Obsolevit etiam mos collocandi Eucharistiam supra pectora defunctorum, quorum quieti consultum est benedictione cæmeteriorum, *ne dæmon accedat* &c. Vid. Pontificale R. p. 2. tit. 6.

## C A U T V.

*De dispositionibus, frequentia, & utilitate Sacramenti communionis.*

**D**ispositiones Sacramenti communionis aliz extrinsecæ sunt, & ad corpus spectant, ut jejunium, castitas, habitus &c., aliz intrinsecæ, quæ animo conveniunt, ut recta conscientia, pax, & aliz virtutes. Sit itaque

PROPOSITIO I. Communicantes debent esse jejuni, non ex divino præcepto, sed ex traditione Apostolica.

Prob. I. pars. Ex Augustino, qui in ep. 118. ad Jan. nunc 54. c. 6. ait: *Liquido apparet, quando primo acceperunt discipuli corpus & sanguinem Domini, non accepisse jejunos.* Reapse nullum extat Dei præceptum, ut nonnisi jejuni communicent. Prob. II. pars. I. Ex Tertull. qui scribit, sumi Eucharistiam *antelucanis catibus*: & l. 2. ad Uxorem c. 5. *Ante omnem cibum.* Idem tradunt S. Cyprianus, Basilus, Chrysostomus &c.

II. S.

II. S. P. A. loco cit. ait, jure institutum jejunium, ut in honorem tanti Sacramenti in os Christiani prius dominicum corpus intraret, quam ceteri cibi: quam rationem profert Magister, D. Thomas, & Scholastici omnes. III. S. D. ostendit, non repugnare exemplam Christi, is enim, ut vehementius commendaret mysterii illius altitudinem, ultimum hoc voluit infigere cordibus discipulorum. Cyprianus autem loco cit. ait: Christum offerre oportebat circa vespere diei, ut hora ipsa sacrificii veteris Testamenti ostenderet occasum. Et Paschasius l. de corp. Dom. c. 20. ait, voluisse Christum prius pascha typicum complere, ut inde ad verum Paschæ Sacramentum transiret.

IV. Licet ab hac laudabili consuetudine quidam Ægyptii recesserint apud Sozomen., necnon quædam Ecclesiæ Africanæ ipso Aug. ævo, ut notarunt Schelestratius, & Lupus; hoc tamen arbitror institutum, ait S. D., quia plures ea die lavare consueverunt: & quia nonnulli etiam jejunium custodiunt, mane offertur propter prandentes, qui jejunia simul, & labacra tolerare non possunt; ad vespere autem propter jejunantes. At Trullianus canon 29. referens III. Carthag. Syn. canonem 29. quo statuitur, ut Eucharistia a sobriis sumatur, excepta fer. 5. in cœna Domini, eam consuetudinem reprobat dicens: Statuimus Apostolicas traditiones sequentes, non oportere in Quadragesimæ postrema septimana quinta feria jejunium solvere. V. Excipiuntur tamen ægroti, & sacerdotes, qui peracta consecratione meminerint, se non esse jejunos, vel ab iis consumandum esse sacrificium. Ceterius subito morbo correpti, de quibus vide Suarez, Sylvium, Toletum, Alexandrum &c. VI. Jejunium hujusmodi dicitur naturale, eoque statuitur, ex can. 2. Conc. Tolet. VII., ne percipiatur communio post cibum potumque etiam minimum; adeoque excluditur etiam pharmacum valetudinis causa: non vero ea, quæ per modum cibi, aut potus non trahuntur, ut sudor, & saliva, post gustatum condimenti alicujus saporem, si statim expuatur, pulvis, aut fomigium tabaci: licet Limentis Synodo vetitum sit sub mortali, ne tabacum mandent, aut fumidum glutiant ante rem sacram. Vide Henno disp. 8. Vanroy, Monacellum &c.

PROPOSITIO II. Requiritur etiam ad communionem carnis mundities.

Prob. I. Ex 1. Reg. 21. ubi legitur, panes propositionis datos tantummodo mundis a mulieribus, quo exemplo utitur S. Hieronymus ep. 50. n. 30. ut probet, panem celi non esse tangendum ab iis, qui paulo ante conjugalibus hæserunt complexibus, Equum est enim, ut pani purissimo & purissima Virg.

Virg. nato purissimum exhibeamus habitaculum. II. Ut vit abstineat ab uxore tribus aut quatuor aut octo diebus. Monet etiam caput: *Omnis homo de consecr. dist. 2. & Catechismus Rom. p. 2. c. 4. ut aliquot dies a concubitu uxorum abstineant*, quod quidem de consilio est, non de præcepto, ut habetur cap. *Vir c. 33. q. 4. III. S. Franciscus Salesius p. 2. Philoth. docet, a communicaturo debitum non esse petendum, sed reddendum. Nam ex Aug. in Ps. 149. Pro sanctificatione perfecta Deus tibi computabit, si non quod tibi debetur exis, sed reddis quod debetur uxori.*

IV. Nec obstat, ex Greg. M. ex Theona, Isidoro &c. effusio τὸ σπέρμα, cum ex nature superfluitate, vel infirmitate evenerit, secus si ex causa libera, & voluntaria. V. Merito damnata est a Card. Thoma de Tournon superstitio Sinenfium, qui a Sacramentis arcent menstruatas mulieres. Quam superstitionem prædamnaverat Greg. M. in laud. epist. ad Aug. & Cap. *Ad ejus dist. 5. n. 4. ubi habetur: S. communionis mysterium in iis diebus (menstruatis) percipere non debet prohiberi: si autem non præsumit, laudanda est, sed si percipiat, non judicanda.*

PROP. III. Requiritur in commun. honestus corporis cultus.

Prob. I. Ex veteri consuetudine. Nam antiqui Tabennenses monachi, ex Gazæo ovinam pellem deponebant. Alii balneo utebantur, & S. Wilfridus nocturnis horis lustrali aqua se se mundabat ex Mabillonio & Menardo. II. Debent mares ex D. Carolo reverenter accedere manibus pectori admotis, depositis armis, humili habitu, sed non sordido. Mulieres non sumptuosis vestibus, non intortis crinibus, non picto vultu, aut nudo pectore, vel translucido velo obfecto, sed modesto habitu, demissoque denso velo super faciem (1).

PROPOSITIO IV. Necessaria est quoque gratia sanctificans.

Prob. I. ex Ap. I. Cor. 11. *Qui manducat & bibit indigne iudicium sibi manducat &c.* Præmittenda est ergo Sacramentalis confessio iis omnibus, quos conscientia peccati mortalis gravat, ut statuit sess. 13. Trid. Syn. II. Si sacerdos ex necessitate celebrare cogatur absque prævia confessione, jubet S. Synodus loc. cit. c. 7. *Ut quamprimum confiteatur*, quod quidem præceptum esse non consilium declaravit Alex. VII. damnando prop. 38. & 39. III. Curare debet communicaturus,

rus,

(1) Hanc habitus modestiam præferunt etiam laud. Const. Auximanæ c. 10. de Sacr. Euch. his verbis: *Mulieres fucatæ, & quæ margaritæ, monilia, capitis*

*comas petulanter compositas &c. deferre non erubescunt, ad communionem non admittantur, sed modesto vestitu, & velato capite accedant cum timore & tremore.*

rus, ut irato fratri suo reconcilietur ex Matth. 5. sic enim præclare monet S. P. A. Tr. 26. in Jo. *Securus accede, panis est, non venenum, sed vide si dimittis, nam si non dimittis, mentiris ei, quem fallere non potes.* IV. Ad virtutes omnes excitantur fideles in hoc Sacramento: nam fidem exigit altitudo mysterii, spem sanguinis pretium, charitatem Dei benignitas, timorem ipse iudex vivorum & mortuorum. Vide auctorem.

PROPOSITIO V. Frequentissima Ecclesiæ nascentis exordio fuit communio Sacramentalis, eamque PP. nonnulli suadent.

Prob. I. pars ex Aët. Ap. c. 2. ubi dicitur fideles convenisse *ad frangendum panem*. Et S. Justinus in Apologia ad Antonin. scribit, omnes in unum convenisse ex agris & oppidis, conclusisque precibus percepisse Eucharistiam *die, qui solis dicitur*. Addit Tertullianus, & Epiphanius feriam 4. & 6. in quibus convenisse docent fideles ad *sacram Synaxim*: qua voce participationem Eucharistiæ significari apud Græcos testatur Pachymeres in adnot. ad Dionysium: idque perperam negat Arnaldus l. de freq. Commun. c. 9. Adde fidelium conventus vix olim fieri consuevisse sine communione Eucharistica. II. At frigescente devotione communio primum coarctata est ad dies dominicos, in quibus olim non omisam scribit Auctor sermonis 25. inter Ambrosio adscriptos, & l. de Deo off. c. 120. Jo. Beleth, ubi notat, in Græcia etiamnum excommunicari eum, *qui a tribus diebus Dominicis non communicaverit*, atque hoc etiam in defuetudinem abeunte indicta est, ex eodem Beletho, *in tribus solemnitatibus, nimirum Paschate, Pentecoste, & Natali*. At Lateranen. Con. coarctavit communionis præceptum ad Pascha resurrectionis, ut supra dictum est. III. Monachi vero ad Eucharistiam accedebant semel in hebdomada, & vivente S. Benedicto in solemnioribus diebus communicabant ex Mabillon, quod in Constitutionibus etiam Ordinis nostri sancitum est. Et quidem ut *monachi 1. Dom. mensis semper communicent* statuit Clem. V.

Prob. II. pars ex testimoniis Cypriani, Basilii, & Chrysostomi apud Alex. Accedit Trid. Syn. S. Greg. VII. Theodulphus. Virgines præsertim ex Saleis, debent frequentius ad communionem accedere. II. D. Hieronymus ep. 30. alias 50. ad Pamimach. ait: *Scio Romæ esse consuetudinem, ut fideles semper Christi corpus accipiant, quod nec reprehendo, nec probo: unusquisque enim in suo sensu abundat.* Et S. P. Aug. ep. 54. ad Jan. c. 3. ait: *Faciat unusquisque, quod secundum fidem suam pie credit esse faciendum. Neuter enim eorum exhonorat corpus Domini, si Sacramentum certatim honorare contendunt.* Neque litigaverunt Zachæus, & Centurio, quorum alter



alter gaudens suscepit Dominum, alter ait: *Domine non sum dignus &c.* III. Ex PP. illis a communione abstinendum est, qui habent adhuc voluntatem peccandi, quique eadem die utuntur uxoris amplexibus, tandem qui in eadem peccata quotidie labuntur, & scelestes vivunt ex cap. *Qui scelerate* de Conf. d. 2. n. 24. Qua de re circa frequentem communionem sequentes regulæ servari debent. I. Est Salesii loco cit. ut culpa vacans, & Eucharistiæ desiderio flagrans ad eam singulis Dominicis diebus accedat. II. est D. Bonaventuræ in 4. dist. 12. p. 2. q. 3. ut qui innocenter vivit, & nascentis Ecclesiæ pietatem imitari studet, arbitrio prudentis confessorii etiam quotidie communicet. III. est Ludovici de Ponte, ut qui coelibem vitam agit, & valde proficit in virtutum exercitio, juxta morem a Basilio supra laudatum, *ter aut quater communicet in hebdomada*.

IV. Est laudatum Salesii monitum, ut conjugati, nisi queant frequentius, 15. die communicent. V. est, ut quisque sequatur prudentis, & docti confessorii consilia, qui fideles monere debet, ut colligat unusquisque, quantum sufficit ad *vescendum*, Exod. 16. VI. Meminerit etiam rigidus confessorius, proscriptas esse ab Alex. VIII. ann. 1690. has duas propositiones: I. *Sacrilegi sunt, qui jus ad communionem pre-tendant, antequam condignam de delictis suis poenitentiam egerint*. II. *Arcendi sunt a communionem, quibus nondum inest amor Dei purissimus, & omnis mixtionis experti*. Quod spectat ad communionis effectus, hos omnes his versibus complexus est Richardus in 4. dist. 9. art. 1. q. 1. *Inflamat, memorat, sustentat, roborat, augeat hostia, spem reficit, purgat, vitam dat, & unit, confirmatque fidem, munit, fomitemque remittit, delet deinde venialia peccata, servatque a futuris, & pignus future glorie largitur*.

## CAPUT VI.

*De variis ritibus olim in sacramentali communione servatis.*

DE his consulendi sunt Vicecomes, Menardus, Lupus, Martens, Benedictus XIV. quibuscum sit

PROPOSITIO I. Circa ritus communionis notatione digna sunt fractio panis, distributio, formula &c.

Prob. I. quoad panis *fractionem*. Tradunt Rabini, azymos panes coqui solitos *incisionibus in particulas plures signatos*, ut ad esum opus sit solum frangere. Reapse Christum panem fregisse innuit Evangelista. Solent autem Græci, & Æthiopes oblationem partiri ferro, quod *αὐτὸν*, idest *litem*

*ceam* dicunt, ut notat Cabaſilas, & Humbertus Card. At Romana Eccleſia utitur exilibus *particulis*, ut ſciamus, quod *non ſutietati, ſed ſanctimonie deſervit*. Vid. Prop. 4. c. 4. l. 33. II. De diſtributione notandum eſt, panem Eucharifticum in manus laicorum tradi conſueviſſe ex Nazianz. Cyrillo Jerof. Chryſoſt. Hieron. & Aug. Et de Novato narrat Euſebius l. 6. H. E. c. 43. eum apprehenſis manibus fidelium, quibus adhuc tenebant Euchariftiam, dixiſſe: *Jura mihi per corpus, & ſanguinem D. N. J. C. te numquam me deſerturum* &c. Et Cyprianus refert iniquum quemdam pro Euchariftia apertis manibus cinerem inveniſſe.

At Syn. Antiſiodoreniſis can. 36. ſtatuit: *Non licere mulieri nuda manu Euchariftiam ſumere*. Et can. 42. ſtatuit, ut eam accipiat mundo linteo, quod vocat *Dominicale*. De his plura Martenius, Menardus, Lupus, qui in can. 101. Trull. proferunt quoddam ſacram. communionem excepiſſe vaſculis aureis, quod damnat Trullana Synodus. Immerito ergo præſenti Eccleſiæ conſuetudini veterem præferunt Hoſpinianus, Beza, & Voſſius: illa enim ex neceſſitate, & urgentibus perſecutionibus orta eſt. Deinde etiam Græci eam improbarunt inducto more ſumendi Euchariftiam cochleari, non manu. Tandem hic ritus ante Greg. M. tempora obtinuit. Porro miniſtrabatur Euchariftia ex ſublimi loco, quem *ſoleam* Græci dixere, & ad quem accedebant communicandi *conjunctis manibus*, ſtantes & corpore proni in *adorationis ſignum*, ex Cyrillo, ac *demiffis oculis*, ex Chyſoſtomo, atque *ad inſtar ſeraphim* expandebant alas caritatis, ex eodem Hom. in Seraph.

III. Utebantur etiam diſpenſantes aliqua formula. Gregorii ævo ajebant: *Corpus D. N. J. C. conſervet animam tuam*. Apud Alcuinum hæc habetur: *Corpus D. N. J. C. cuſtodiat te in vitam æternam*. Illyrici hac utuntur: *Corpus, & ſanguis D. N. J. C. proſit tibi in remiſſionem peccatorum* &c. In Galliis olim hæc obtinuit: *Corpus D. N. J. C. ſit tibi ſalus animæ & corporis*. Græci hac utuntur: *Impertior tibi S. Corpus Domini, Dei, & Salvatoris J. C. in remiſſionem* &c. Amen pronuntiabatur olim a ſuſcipientibus, ut alibi dictum eſt. Mos fuit perveſtuſtus ut communicaturi proferrent verba Centurionis: *Domine non ſum dignus*, reſte Duranto, & Card. Bona. Mos olim fuit, dum ſacra agebatur ſynaxis, psalmum canere, & præſertim: *Benedicam Dominum in omni tempore*, qui eſt de panibus propoſitionis, & ut recte ait Micrologus, *Euchariftiæ accommodatur*, cujus loco antiphona Miſſæ *Communio* appellatur, ut ſupra dictum eſt. Ex his conſtat, *poſt communionem celebrantis ante ipſius purificationem communionem eſſe faciendam*, ut monet Trid. Syn. ſeſſ. 22. c. 6. necnon Brancacius,

Le Brun, laudati a Benedicto XIV. &c. qui tamen sacrificio peracto administrandam docet, si magnus sit communicantium numerus, ne adstantes tædio afficiantur, quod docet etiam Gavantus. Quibuscum sit

PROPOSITIO II. Etiam post Missam, & in Agenda defunctorum potest administrari sacra communio.

Prob. I. pars ex Conc. V. Mediolanen. in quo statuitur T. 15. pag. 587. ut sacerdos, si communicare velit peracta jam Missa, *casulam, & manipulum deponat*. Permittitur eadem communio decreto sacre Visit. Ap. ea lege, ut *nec planetam, nec manipulum deponat*. Prob. II. pars. Ex auctoritate Bened. XIV. loc. cit. ex Merato, aliisque. II. Jubet Trid. Syn. ut in *singulis Missis* fideles communicent. III. In Missa defunctorum habetur etiam: *Ut quotquot ex hac altaris participatione &c.* IV. in Rubr. Missæ defunct. legitur: *Si qui sunt communicandi, eo communicet, antequam se purificet*.

Quæres I. an communio administrari possit in nocte Nativitatis Domini, & feria 6. ac sabbato majoris hebdomadæ? R. Ad I. id fieri, quoad clericos non sacerdotes in Vaticana Basilica, idque in usus fuisse apud Carthusianos, & antiquos monachos. Sed decreto Sac. Rituum Cong. sancitum est, ne post decantatam Missam aliæ celebrentur, & in eis communio ministraretur. R. ad II. affirmative, quoad *solos infirmos*. Ad III. negative, ex usu vetustissimo, quo nec cantatur antiphona, quæ dicitur *Communio*.

Quæres II. An in Cæna Domini fieri debeat sollemnis totius cleri communio? R. affirmative ex ver. consuetudine, quam laudant Theodulphus, Ordo Romanus &c. eamque servari a Græcis tradit Allatius. Antiqui monachi communionem sumebant de manu abbatis ex Martene, & ex Decr. S. R. C. omnes de clero etiam canonici sumere debent de manu celebrantis. Episcopus per se ipsum ministrari debet. Sacramentale Ambros. jubet, ut communio prius maribus ministraretur, tum foeminis, nullo habito conditionis discrimine, sed loco aliquantulum ab altari remoto. Decreto Concilii cautum est, ne uni major, alteri minor hostia præbeatur: cum idem Dominus etiam sub minima contineatur. De Viatico (1) dictum supra c. 10. *In decenti habitu* (idest *superpelliceo cum stola* ex Gonzalez) *mundo velamine cum omni reverentia & lumine precedenti* deferendam esse statuit Honorius III. cap. *Sane*. Ad ægrotos autem, qui nequeunt Eucharistiam percipere, nullatenus deferenda est.

(1) Vid. Const. Syn. Auxim. c. 15. & seq. de Euch. ubi *pro decenti SS. Sacram. ad infirmos delatione* plura sanciuntur.

Quæres III. Cur Romanus Pontifex, in folio Ponticali sumat dimidium *hostiæ*, distributa parte altera inter Card. Diaconum & Subdiaconum, fugitque pretiosum sanguinem aurea fistula? &c. Id forte factum esse, quod Pontifex, in altari Symbolum gerit Redemptoris, prout in ultima cœna Eucharistiam fregit, & consecravit: in folio vero communicans facie ad omnes conversa gerit typum Christi palam in cruce immolati, & fistula utitur in memoriam calami, quo Christus gustavit fel & acetum. Vide Innocentium III. Durandum, Roccam &c.

## DISSERTATIO IV.

### *De incruento Missæ sacrificio.*

**D**E Eucharistia prout sacrificium est, quæremus I. an sit verum & proprium sacrificium. II. An sit sacrificium propitiatorium. III. An liceat Missas privatas celebrare. IV. De aliis ad Missam spectantibus sermo fiet.

## C A P U T I.

### *An in Missa offeratur verum ac proprium sacrificium.*

**N**OT. præter Albigenes & Petrobrussianos, qui omnia substulerunt sacrificia, Lutherus, & Œcolampadius Missæ oblationem vocant, *Abominationem*, & altaria, *Impias lapidum congeries*. Et quantvis in Confess. Aug. edita an. 1530. & 1540. scripserint Novatores: *Retineri apud se Missam, & summa reverentia celebrari*; cum tamen velint, homines sola in Christum fiducia iustificari, qui obtulit semetipsum oblationem pro peccatis totius mundi, injuriosum Christi passioni esse ajunt, si alia repetatur oblatio; adeoque Missam fieri putant tantum, ut mortis Christi commemoratione & fiducia excitata, Eucharistia fidelibus porrigatur. Negant proinde hæretici, Missam esse verum sacrificium: hinc Lutherus in sua Missæ formula omnes Liturgiæ partes delevit, quæ spectant ad oblationem. Idem statuit Calvinus, Zuvinglius, & Confessio Aug. supra citata.

Not. II. Sacrificii nomine non accipimus lato modo cum Aug. l. 10. de C. D. c. 6. nempe: *Omne opus bonum, quod agitur ut sancta societate inhereatur Deo*; sed stricto modo ac proprie intelligimus externum religionis officium, quo Deo, tamquam supremo universorum Domino, fit aliqua sensibilis oblatio, puta frugum, pecudum &c. Definatur etiam: *Ex-*

*ter-*

terna oblatio a legitimo ministro facta soli Deo, qua in eius cultum, & supremum dominii argumentum res aliqua sensibilis ritu mystico consecratur, & immutatur. Dicitur externa, ad exclusionem interioris voluntatis, dicitur a solo ministro, ut excludatur populus, cui vetitum est proprium sacrificium offerre: dicitur & res immolata immutari, idest aut ignis assumptione, aut partium divisione, aut liquidorum effusione, ut facernatur ab oblatione. His prenotatis sit

PROPOSITIO I. Christus Eucharistiam instituens obtulit verum sacrificium.

Prob. Prop. ex iis, quæ dicta sunt l. 27. c. 7. quorum hæc summa est. Christus Pl. 109. & Hebr. 7. dicitur: *Sacerdos secundum ordinem Melchisedech*, quia ex Patribus obtulit sacrificium juxta ritum sacerdotis Melchisedech, qui Gen. 14. dicitur: *Sacerdos Dei altissimi*; sicut ergo Melchisedech obtulit panem & vinum symbolum Eucharistiæ; ita Christus sacerdotio functus Eucharistiam sub speciebus panis, & vini consecravit, & obtulit. Vide auctorem tom. 5. pag. 337. ed. Romanæ.

PROPOSITIO II. Christus Eucharistiam instituens jussit Apostolis, ut eam in sacrificium offerrent.

Prob. I. Luc. 22. ait Christus: *Hoc facite in meam commemorationem*, sed ipse obtulit sacrificium, ut alibi dictum est; ergo &c. Hinc Trid. Synodus sess. 22. ait: *Corpus, & sanguinem suum Deo Patri obtulit, ac Apostolis, quos tunc novi Testamenti sacerdotes constituabat, tradidit, & eisdem ut offerrent præcepit per hæc verba; Hoc facite &c.* Prob. II. ex Patribus. Cyprianus ep. 63. ad Cæcilium ait, *si Christus sacrificium Patri seipsum obtulit, & hoc fieri in sui commemorationem præcepit; utique ille sacerdos vice Christi vere fungitur, qui id quod Christus fecit imitatur.* Irenæus l. 4. c. 32. *Novam docuit oblationem, quam Ecclesia ab Apostolis accipiens offert Deo.* Chrysostomus hom. 24. in 1. ad Cor. de Eucharistia & de pane loquens, ait: *Pro cæde brutorum Christus seipsum jussit offerri, ipsumque sacrificium mutavit.* Eusebius Cæsar. l. 1. Dem. Ev. c. 10. ait, Christum hostiam, patri sacrificando immolasse memoriam nobis tradendo, *ut nos vice cruenti sacrificii eandem in perpetuum sacrificemus.* Eadem habet Æcumenius, Theodoretus, & Ambrosius in Pl. 38. dicens: *Sequimur principem sacerdotum ut possimus sacerdotes, ut offeramus pro populo sacrificium: quia etsi Christus nunc non videtur offerre, tamen ipse offertur in terris, quando Christi corpus offertur.* Hieronymus l. 3. Dial. adv. Pelag. tom. 4. ait: *Sic docuit Apostolos suos, ut quotidie in corporis illius sacrificio audeant loqui &c.* Aug. in Pl. 33. *Erat sacrificium Judæorum secundum ordinem*

*Aaron in victimis pecorum. Nondum erat sacrificium corporis, & sanguinis Domini, quod nunc diffusum est toto orbe terrarum; ergo &c.*

PROPOSITIO III. Sacrificium a Christo institutum non est sola ejus corporis distributio, sed verum, & proprium.

Prob. I. Malach. c. 2. habetur: *In omni loco sacrificatur, & offertur nomini meo oblatio munda*, sed hæc oblatio facta Deo ubique locorum est Missæ sacrificium; ergo &c. Prob. min. ex Justino, Irenæo, Chryso. Hieron. Aug. Damasceno, apud Lindanum, & Bellarm. Adde, veteres Rabbinos apud Galatinum hunc locum de vero sacrificio incruento exposuisse: nam vox hebraica מִנְחָה מֵהוֹרָה *minchah meorâ oblatio munda* significat *oblationem simile*, & molitæ farinæ. Eadem est vis Græci textus, θυσία καθαρά *sacrificium mundum*; unde Drusus Tom. 4. Crit. Angl. pag. 801. ita interpretatur: *Munus quod offertur ex farina mundissima*, & Grotius tom. 1. Commen. *Oblationes fidelium, ex quibus Eucharistia fiebat*. Hinc Jerem. 33. prænuntiantur sacerdotes, & levitæ alterius generis ab Aaronicis. Item Ps. 71. ubi Vulgata habet: *Erit firmamentum in terra in summis montium*, Hebræus pro firmamento habet: כֶּרֶם פִּיסַת בָּר *pissath bar, placenta frumenti*, & Chaldæus legit: *Erit sacrificium frumenti in terra in capite montium Ecclesie*; ubi prænuntiatur esse sacrificium Messie in placenta frumenti tradunt antiqui Rabbini apud Martinium, sed hoc est verum & proprium sacrificium; ergo &c.

II. Eucharistiam Apostolis traditam in ult. cœna, & ab Ecclesia frequentatam fatentur hæretici ex Paulo & ex Aët. Apost. sed hæc commendant verum Eucharistiæ sacrificium; ergo &c. Prob. min. Christus enim in sua cœna munducavit Pascha, sed hoc est verum sacrificium ex 1. Corinth. 5. ergo &c. Deinde Christus sumens Eucharistiam, ut fieri solebat in sacrificiis pacificis, distribuit eam discumbentibus. Unde Cyrus Theod. Prodr. in Matth. pag. 119. canit: *Tu qui sacrificium es, sacrificas, qui panis es, panem frangis: utrumque enim es, & sacerdos, & hostia*. Aët. 13. legitur: *Ministrantibus autem illis Domino &c.* ubi græce habetur, λειτουργοῦντες *sacrificantibus*, sive ut vertit Erasmus: *Operantibus sacra*, & H. Stephanus: *Dantibus operam rebus divinis*. Habetur in Syriaco מְשַׁכְּשֵׁין *methchschipin exercentes actionem, qua vel sacrificant, vel preces concipiant*; & in Bibliis Roberti Steph. habetur: *Sacrificantibus*; recte ergo hoc testimonio utuntur catholici adversus Hæreticos. Apostolus 1. Cor. 10. ait: *Videte Israel, nonne qui edunt hostias participes sunt altaris? sed que immolant gentes, demoniis immolant, & non Deo... Non potestis mensæ Domini participes esse, & mensæ demoniorum,*  
quo-

quorum verborum hic sensus est: Israelitæ, ut sacrificii participes fierent, admittebantur ad comedendum de hostiis Deo oblati, hinc gentes comedentes victimas dæmoniis mactatas iis communicant; vos autem, qui mensæ Domini estis participes, & communicatis sacrificio, quo Domino offertur, non potestis manducare, quod immolatur idolis, quin communicetis eorum sacrificiis; supponit ergo Apostolus in mensa Eucharistica sumi sacra munera jam sacrificio immolata; ergo, &c. Hinc Trid. Syn. sess. 22. c. 1. de Miss. sacrif. ait: *Et hæc illa munda oblatio est, quam innuit Apostolus, cum dicit: non posse eos, qui participatione mensæ demoniorum polluti sunt, mensæ Domini participes fieri.*

III. Nicæna Syn. cap. 18. vetat, ne diaconi sacramentum porrigant sacerdotibus: *Cum nec regula, nec consuetudo tradiderit, ut hi, qui potestatem non habent offerendi his, qui offerunt, dent Christi corpus: ubi aperte communio, ab oblatione secernitur.* Justinus in Apolog. 97. ait, prius deferri panem & vinum, deinde offerri Patri universorum, tandem panem distribui cuique præsentium: ubi oblatio populi, sacrificium & communio aperte distinguuntur. Hinc August. l. 2. q. Evang. 33. de epulis filio prodigo a patre paratis ait: *Epule iste nunc celebrantur per orbem terrarum. Vitulus enim ille in corpore & sanguine Dominico & offertur Patri, & pascit totam domum.* IV. Idem evincitur ex Liturgiis. In Missa Chrysostomi habetur: *Tua ex tuis, donis, tibi offerimus;* similia extant in Armeniorum Liturgia. In Missa Syriaca, & Æthiopica: *Offerimus tibi hunc panem, & hunc calicem.* In Maronitica: *Suscipe oblationes istas.* Quamvis autem essentia sacrificii non in oblatione, sed in ipsa consecratione consistat, ut infra explicabimus, cum tamen Liturgiæ omnes illam oblationem, & consecrationem præscribant, quam consequitur oblatio verbis expressa, quæ Ecclesia offert, oratque ut acceptabile fiat sacrificium eadem consecratione immolatum, apparet hæreticorum audacia, qui Liturgias mutilant.

V. Id etiam evincunt altaria ab exordio Ecclesiæ pro sacrificiis erecta. Hæc autem commemoravit Apostolus Heb. 13. *Habemus altare, de quo edere non habent potestatem, qui tabernaculo deserviunt.* Ubi in Græco habetur *θυσιαστήριον altare* pro sacrificio: *θυσία* enim est sacrificium, *hostia*, *vicima*. Horum altarium vetustatem comprobant sacra antiquæ Romæ monumenta; extat enim in *catacumbis* altare lapideum vetustissimum, aliud extat in titulo equitii, ubi sacrificabat S. Silvester: aliud consecratum ab eodem Pontifice habetur, ex Miss. Archivii Lateran. Extructa etiam altaria supra martyrum

tyrum sepulcra narrat S. P. A. ferm. 313. S. Paulinus, alique apud Bosium, Aringhium &c. Sed sicut altaria pro sacrificiis erigunt, ita omnis Pontifex ad offerendum munera, & hostias constituitur ex Heb. 8. atqui semper exsistere veri Pontifices, & sacerdotes; ergo &c.

VI. In Missa est *minister legitimus*, nempe verus sacerdos; offertur Deo res sensibilis, idest Christi corpus & sanguis sub speciebus panis & vini: adest *mystica* quædam mactatio & effusio sanguinis, dum calix consecratur sejunctim ab alio symbolo. Unde Luc. 22. legitur: *Quod pro vobis funditur*, quod cum sit præsentis temporis refertur ad *poculum*, non ad verba: *In sanguine meo*. Tandem in sacrificio Missæ est etiam rei oblatæ consumptio, quæ fit a sacerdote: nec obstat, ex oblatæ servari ad communionem fidelium, nam & de victima oblata servari poterat in diem alteram.

Ob. I. Missa ab homine, non a Christo est instituta; ergo &c. Prob. ant. Nam sacrificii ordinem primi edidere Jacobus & Marcus; sed horum Liturgia vel apocrypha, vel dubia est ex Balsamone, & Bellarmino, qui in Jacobea precum additamenta notavit. Idem de Liturgiis Chrysostomi, & Basilii iudicium esto, quæ Proclo Archiep. Constantinopolitano ab aliquibus tribuuntur. Græci tandem circa formam a nobis dissentiant, ergo &c. R. neg. ant. ad Prob. neg. min. Licet enim Apostolorum successores preces addiderint, aut ritus mutaverint, non tamen sequitur vivificum sacrificium in mensa Domini non fuisse peractum, cum oppositum doceant scripturæ, ac Patrum omnium consensus. Quemcumque autem auctorem habeant liturgiæ illæ, vetustissimæ sunt, & quarto sæculo obtinebant; tunc ergo Missæ sacrificium obtinebant. Meminit etiam Liturgiæ Jacobi & Basilii. Canon Trullanus 32. Dicit etiam potest, Apostolos quemdam ritum instituisse, in quo orationem Dominicam contineri scribit Hieronymus lib. 8. Dial. contra Pelag. Jacobum, aliosque alias preces pro suis Ecclesiis addidisse, deinde Basilium, Chrysostomum, & etiam Proclum ex variis Liturgiis unam collegisse; ita prior origo Liturgiæ fuit ex Apostolis, ampliatio, & collectio ex Basilio, aliisque SS. episcopis. De Græcorum forma dictum supra.

Ob. II. Falso putant Catholici Christum in sua cœna consecrasse corpus suum sub speciebus panis & vini; constat enim ex Evangelio, Christum in ea fregisse panem & distribuisse discumbentibus, non autem sacrificasse; ergo &c.

R. neg. ant. Ad prob. neg. ant. Quamvis enim non legere-tur in Evangelio, Christum sacrificasse; cum tamen in no-  
vo &



vo & veteri Testamento legatur, eum esse sacerdotem, *secundum ordinem Melchisedech*, & eum calicem consecrasse seorsim a pane, illumque appellasse calicem sanguinis sui, id sufficit ad sacrificium comprobandum. Nos enim essentiam sacrificii in consecratione statuimus. Etenim eo ipso, quod Christi sanguis exhibetur, ut separatus a corpore, *mystice* maciatur, immolatur; ideoque in ea separata consecratione sita est ratio sacrificii, & oblatio, non verbis expressa, sed in *actu exercito*: sicut maciatio victimarum erat *oblatio* sacrificii, licet Levita non diceret: *Offero, mactio*, &c. Vide Eñium, Juenin, Bellarm. &c.

Ob. III. Eucharistia est Sacramentum; ergo non est sacrificium: hoc enim Deo offertur, illud nobis datur; ergo &c.

R. neg. conf. Ad prob. neg. conf. Nil enim obstat quod idem sub diverso respectu sit simul Sacramentum, prout est signum efficax nostræ salutis, & sacrificium, prout Deo offertur. Sic agnus Paschalis Sacramentum erat, ut Christum præsignabat, & sacrificium, ut Deo immolabatur. Et Christi corpus per adversarios a nobis comeditur in Eucharistia, & fuit immolatum in Cruce. Nequit autem Deo offerri, quod ab eo datum non sit.

Ob. IV. Unum est Christi sacrificium in cruce oblatum; ergo &c. Prob. ant. Ex Hebr. 7. *Plures facti sunt sacerdotes*, in veteri Testamento, *quod morte prohiberentur permanere*: hic autem (nempe Christus) eo quod maneat in æternum, *semper æternum habet sacerdotium*; sicut ergo nullus est sacerdos, præter Christum, nullus est etiam minister legitimus, qui offert sacrificium. II. Addit Apostolus: *Qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi*: hoc enim fecit semel seipsum offerendo, sed qui incruentum sacrificium propugnant, maximam sacrificio crucis injuriam faciunt, quasi fuerit aut sacerdotis peccato obnoxii, qui prius pro se obtulerit, aut exigui meriti, qui unico sacrificio non valuerit totius populi expiare delicta; ergo &c. III. Et cap. 9. ait: *Introivit semel in sancta, semel per hostiam suam apparuit, semel oblatus est*; ergo Apostolo adversantur, & inutilia sunt quotidiana sacrificia.

R. neg. conf. Ad prob. neg. conf. Loquitur enim Apostolus de summis sacerdotibus, ut patet ex iis verbis: *Quod morte prohiberentur permanere*: sacerdotes enim alii summo sacerdoti subjecti plures simul ministrabant. Unde Syriaca lectio habet: *Multi fuerunt Pontifices*, & Grotius, qui in hunc locum scripsit: *Sacerdotes*, idest *per excellentiam*,  
αρχι-

כֹּהֲנֵי חֲבֹהֵימ חֲבָדֹלִים *chohenim bagadolim Pontifices magni*. Ex quo autem Christus successores non habeat, non sequitur, plures non habere ministros, atque inter istos unum cæteris sublimiorem. Deinde, ex quo Christi sacerdotium sit æternum nostra firmatur assertio: *Neque enim de ea, quæ semel a Deo facta est oblatio, dixisset in æternum, sed respiciens ad præsentis ministros, per quos medios Christus sacrificat, & sacrificatur*, ait Cæcumenius in epist. ad Hebr. pag. 348. Ad II. neg. min. *Semel enim Christus seipsum obtulit in cruce, & ea oblatio efficax fuit ad omnium peccatorum remissionem; sed hinc non sequitur, inutilem esse oblationem aliam, per quam nobis applicetur effectus illius primæ oblationis, nec cedit hæc in illius injuriam, cum in ejus commemorationem fiat: quils enim principem injuria afficit ejus insignia opera celebrando?* Ad III. eadem esto responsio.

Dices: si in novo Testamento iteratur sacrificium, tollitur distinctio Pauli inter utrumque Testamentum inde petita, ex quo Christus unam, Aaronici sacerdotes plures hostias obtulerint; ergo &c. R. neg. ant. Levitæ enim non offerebant eandem numero hostiam, & sæpe mactabant victimam diversigenis, vitulum, ovem &c. Nec una victima sat erat ad expianda omnia peccata, neque per se vim habebat remittendi peccata. Ex adverso immolatur semper eadem numero *Hostia*, qua sola omnia peccata delentur, & per quam, *semel* in cruce oblatam vim habent quotidianæ oblationes, quibus applicatur fidelibus virtus dominicæ passionis.

Ob. V. Jo. 4. habetur: *Eos qui adorant eum, in spiritu, & veritate oportet adorare*; ergo in Evangelica lege nullum offerendum est sacrificium externum. R. neg. conf. Significat enim his verbis Christus Dominus, quod sublato Samaritanorum errore, qui sacrificabant in monte Garizim, & ablatis cruentis victimis, quæ Hierosolymis mactabantur, offerenda erat ubique locorum *oblatio munda in spiritu & veritate*: non in figura & typo, sed in fide, & devotione; non excluso tamen loco, vel externa actione, vel oblatione rei sensibilis, quæ visibili congregationi fidelium sunt necessaria. Adde, sacrificium nostrum spiritale esse, quia sub aspectabilibus signis immolatur victima, quæ non videtur, sed creditur.

Ob. VI. Hostia sacrificii debet occidi, sed Christus in Eucharistia non occiditur; ergo in ea non offertur sacrificium. R. I. neg. maj. Licet enim in sacrificiis cruentis effunderetur victimarum sanguis, plura tamen fuere sacrificia incruenta, quale fuit sacrificium Melchisedech, cujus ordinem oblatio nostra

nostra imitatur. Hinc Cyrillus Jeros. Catech. 5. *Mystag. Spiritale sacrificium cultumque incruentum appellat. Et Chrysostomus ait: Est etiam sacrificium sine sanguine. Eadem habet Nazianz. carm. 12.*

§. II. Fundi etiam sanguinem in Eucharistiæ sacrificio mystice, dum calix separatim consecratur: sic enim *vi verborum* ponitur, ut a corpore effusus, ut supra dictum est. Habetur etiam immutatio victimæ in specierum assumptione, quæ est incruenti sacrificii pars integralis, & complementum.

## CAPUT II.

*Ostenditur, Missam esse sacrificium propitiatorium.*

NOT. I. Sacrificia alia fuisse ratione legis, alia ratione rei oblatæ vel ritus, alia ratione finis. Ratione legis alia fuere *legis naturæ*, puta ab Abel, Enos, Noë oblata; alia *legis scriptæ* ab Aaron, & filiis ejus oblata: alia *legis novæ*, de quibus sermo est. Ratione rei oblatæ, aliud est *Hostia*, seu victima, quæ est oblatio rei animatæ ut ovis, hircus &c. aliud *Immolatio*, quæ erat rei inanimatæ ac solidæ oblatio, ut similæ, hordei, farris &c. aliud *Libamen*, seu liquidorum oblatio, ex. gr. vini, olei, sanguinis &c. Ratione ritus, aliud erat *Holocaustum* ab ὁλόθ, totum, & καίω, pro, in quo tota victima comburebatur. Vid. cap. 1. Levit., aliud *Hostia pacificorum*, in qua pars igne absumebatur pars in usum sacerdotis, vel offerentis cedebat. Ratione finis sacrificium, vel est *Latreuticum*, quod spectat Dei cultum, vel *Eucharisticum*, quod in gratiarum actionem offertur, vel *impetratorium* pro beneficiis obtinendis, vel *propitiatorium* ad peccata delenda.

Not. II. Novatores in Apolog. Confessionis August. fatentur quidem, admitti posse sacrificium *Eucharisticum*, & *Latreuticum*; non vero *propitiatorium*, & *impetratorium*: licet proprie nullum sacrificium admittant, cum nullam agnoscant oblationem Deo factam: atque in Eucharistia laudari Deum, eique reddi grates solummodo arbitrentur. His itaque prænotatis sit

PROPOSITIO I. Incruentum Missæ sacrificium est vere propitiatorium.

Prob. 1. Ex Lucæ 22. *Hic est calix novi Testamenti in sanguine meo, qui pro vobis fundetur.* Addit Matth. 26. *In remissionem peccatorum*, sed ea verba ob participium præsentis

temporis *ἐκ τοῦ αὐτοῦ* refertur ad poculum Eucharisticum; ergo &c. II. Trid. Syn. sess. 22. can. 3. ait: *Si quis dixerit Missæ sacrificium tantum esse laudis &c. non autem propitiatorium, vel soli prodesse sumenti, neque pro vivis, & defunctis pro peccatis, pœnis &c. offerri debere, anathema sit.* III. Idem statuunt PP. Græci: nam Cyrillus Jerof. Catech. 3. illud appellat: *Hostiam propitiationis*, Chrysostomus l. 6. de Sacerd. ait, sacerdotem *legatum esse apud Deum, ut propitius fiat.* Ex Latinis Ambrosius in Exhort. ad Virg. c. 14. Eucharistiam appellat: *Hostiam salutarem, per quam peccatum aboletur.* S. P. A. in Ench. c. 110. ait: *Pro valde bonis gratiarum actiones sunt, pro non valde malis, defunctis, propitiationes sunt.* Cujus rei rationem reddens notat, quod sacrificia veteris legis erant *propitiatoria*; ergo a fortiori tale est unum hoc sacrificium, Eucharisticum, in iis præfiguratum, in quo vera fit remissio peccatorum.

PROPOSITIO II. Sacrificium Eucharisticum tam pro vivis, quam pro pie defunctis offerri debet.

Prob. I. Ex 2. Mach. c. 12. ubi habetur Judam pro iis, qui prælio ceciderant, obtulisse sacrificium, qua de re alibi. Sed, *etsi nusquam in scripturis vet. legeretur*, ait S. P. A. l. de Cur. pro mort. ger. c. 1. *non parva est universæ Ecclesie, que in hac consuetudine claret, auctoritas.* Unde prob. II. ex Liturgiis, ex quibus illa evincitur consuetudo. In Basiliana, & Chrysostomi habetur: *Memor esto omnium dormientium in spe &c.* Et infra orat sacerdos *pro quiete, & remissione animæ servi tui N.* In Liturgia Syrorum legitur: *Memento Domine eorum omnium, qui transierunt de hoc mundo: erue ipsos ex tenebris &c.* III. Accedunt Diptycha, in quibus etiam nomina defunctorum, qui in communione decesserant, recensebantur, ut ostendit Allatius. IV. Idem confirmant exempla. Nam in funere Constantini, episcopos & sacerdotes preces & ceremonias peregrisse, ut ille populo Dei in Ecclesia sociaretur &c. narrat Eusebius l. 4. c. 71. vitæ ejus. Ambrosius pro anima fratris sui Saryri obtulit sacrificium, & de obitu Valentin. n. 56. Date, inquit, *manibus sancta mysteria; pio requiem ejus poscamus affectu &c.* S. P. A. de S. Matre Monica l. 9. Confess. c. ult. ait: *Non cogitavit suum corpus sumptuose tegi, sed tantummodo memoriam sui ad altare tuum fieri desideraverit.* Neque id *vetulæ mulieris simplicitati*tribuendum est, ut Calvinus effinit; nam ipse Augustinus legentes orat, ut ad altare Monicæ, & Patricii parentum suorum reminiscantur. Imo pro ipso Augustino defuncto oblatum fuisse sacrificium, testatur Possidius c. 31. vitæ ejus.

V. Probatur etiam ex PP. Græcis. Cyrillus Catech. 5. *Pro omnibus oramus, qui inter nos vita functi sunt, maximum esse credentes animarum juvamen, pro quibus offertur precatio S. & tremendi sacrificii.* Epiphanius hæz. 57. inter errores Arii, enumerat; quod negaret sacrificia pro mortuis. Chrysostomus hom. 3. in ep. ad Philipp. ait, ab Apostolis legem constitutam, ut in venerandis mysteriis memoria eorum fiat, qui decesserunt. Theophylactus in c. 12. Luc. ait, plures e gehenna erui, propter factas pro mortuis oblationes. Prob. VI. ex PP. Latinis. Tertull. de Corona Mil. c. 3. ait: *Oblationes pro mortuis annua die facimus.* Cyprianus refert ab episcopis statutum, ne sacrificium pro dormitione ejus celebraretur, qui ad curam vel tutelam clericos nominaverit. S. P. A. Enchir. c. 110. ait: *Defunctorum animas pietate viventium revelari, cum pro illis sacrificium Mediatoris offertur.* Prob. VII. ratione Augustini. Nam animæ piorum defunctorum spectant ad Christi regnum, neque separantur ab Ecclesia, quæ etiam nunc est regnum Christi; ergo &c.

PROPOSITIO III. Neque pro damnatis, nec pro SS. cum Christo regnantibus offerri debet sacrificium propitiatorium.

Prob. I. pars. Ex Aug. de Orig. An. c. 9.: *Quis offerat corpus Christi, nisi pro iis, qui membra sunt Christi?* II. Ex Christi exemplo, qui licet pro omnibus sanguinem fuderit, ex eod. Aug., non tamen pro iis mortuus est, qui secundum eorum impenitens cor jam in parte diaboli computantur.

III. Accedit ratio. Damnatis enim applicari nequit fructus passionis Christi, qui ad eos tantum extenditur, qui vel uniti sunt, vel ei uniri possunt, ut L. 17. & 28. dictum est. Prob. II. pars Ex Aug. serm. 159. *Injuria est pro martyre orare, cujus nos debemus orationibus commendari.* Et tract. 84. in Jo. ait: *Eos commemoramus, ut orent ipsi pro nobis.* Et ratio est, quia beati nullam habent peccati maculam, nulla-que premuntur miseria; ergo &c. Vide auct. l. 3. c. 9. & l. 10. c. 17. Offertur tamen sacrificium in memoriam sanctorum ex Trid. Syn. sess. 22. ut de illorum victoriis Deo gratias agamus, ut patrocinium imploremus, & intercessionem. Eadem habet Cyrillus Catech. 5. S. P. A. l. 22. de C. D. Cyprianus ep. 43. & Catechismus Rom. p. 2. c. 4.

Inferitur ex dictis I. Sacrificium non offerri sanctis, sed Deo. Non enim dicimus, ait S. P. A. l. 8. de C. D. c. 27. *Offero tibi sacrificium Petre, vel Paule &c. cum apud eorum memorias offeratur Deo, qui eos martyres fecit &c.* Errant proinde hæretici, qui sacrificia in honorem B. M. V. oblata iis comparant, de quibus Jerem. c. 7. ait: *Ut faciant placentas Regine celi, & libent diis alienis.*

II. Sacrificium propitiatorium pro omnibus viventibus, etiam pro scelestissimis, & pro infidelibus offerendum est: quippe vel uniti sunt, vel uniri possunt Christo, qui pro omnibus mortuus est; ideoque pro omnibus orari iussit Apostolus. Hinc sacrificia legimus oblata pro Nabuchodonosor, pro Heliodoro, & pro omnibus orat Ecclesia in Parasceve. III. Pro excommunicatis *nominatim*, & *publica oratione* offerre nefas est, licet tamen *privatim* pro iis orare, ut redeant ad unitatem. Ita Soto, Suarez, Sylvius, Gotti &c. IV. Pro Catechumenis, si sint ex numero *Competentium*, & decesserint cum voto baptismi, offerendum est, secus si sint in classe *Audientium*, & illum neglexerint. V. Pro excommunicato, si manifesta *pœnitentie signa præcesserint*, offerendum sacrificium jubet Innoc. III. sed priusquam pro eo *publica oblatio* fiat, debet ei etiam defuncto beneficium absolutionis impendi, quod constat exemplo duarum monialium, quas D. Benedictus post mortem absolvit ex Greg. l. 2. Dial. c. 27. VI. Sacrificium, quod est aliquibus *propitiatorium*, potest esse etiam iis *impetratorium*, puta infirmis, peregrinis, & ad famem, pestem, & alia mala avertenda. Sicuti Eucharisticum, nempe pro sanctis oblatum, ut Deo gratias agamus de eorum gloria ac triumpho, potest pro nobis esse propitiatorium, & veniam impetrari sanctorum intercessionibus.

### C A P U T III.

*De Missis privatis, quæ aguntur sine adstantium communione.*

**M**issa privata proprie nulla est, cum sit publicum & commune sacrificium pro omnibus fidelibus oblatum; invaluit tamen usus ut privatæ Missæ dicerentur, in quibus solus sacerdos sacramentaliter communicat, quæque sine ministrorum comitatu, aut solemnitate celebrantur. Dicuntur etiam Missæ *solitariae*, & *peculiares*. Has damnant communiter novatores, Missam enim eo tantum sine institutam putant, ut porrigatur Sacramentum his, qui petunt, adeoque privatas Missas, non nisi quæstus gratia inductas esse criminantur in Confess. Aug. art. 3. Lutherus etiam *de abroganda Missa privata librum scripsit*, eumque alii novatores secuti sunt. Sed hos refellit Coelæus, Bellarminus, Veranus, Bona, Estius, Sylvius, aliique. Sit ergo

PROPOSITIO I. Missæ privatæ nullo argumento illicitæ ostendi possunt.

Prob. Vel enim forent illicitæ, quia iis violaretur Christi præco-

præceptum, aut vetustissima consuetudo, aut Ecclesiasticum ministerium. Sed non ita se res habet; ergo &c. Prob. I. pars. Nullum extat in sacris literis præceptum, ut sacerdotes publice tantum sacrificent, sive ut a communione ipsi abstineant, ubi nemo laicorum eam percipit. Et licet Apostolis mandatum sit, ut etiam non consecrantibus eam porrigant, non tamen præceptum est ut semper distribuunt: imo vetitum est, ne dent *sancta canibus*; ipsorum ergo est dispensandæ Eucharistiæ dijudicare locum, tempus, & opportunitatem.

Prob. II. pars. Sicut enim liberum cuique fuit ad communionem accedere, vel ab ea abstinere, ita liberum fuit non urgente necessitate publicè, aut privatim offerre. Hinc Marcelum Papam in domo Lucinæ rem divinam fecisse ejus acta testantur. Nanzianzenus in cubiculo, Ambrosius in quadam domo trans Tiberim, S. Paulinus in altari ante lectulum, Theodoretus in cellula Maris monachi sacrificia celebrarunt; in iis ergo absque cætu fidelium, & sæpe solo sacerdote communicante Missa celebrata est.

II. Ex Chrysostomo hom. 17. in ep. ad Hebr. *Multi hujus sacrificii sunt participes semel toto anno, alii autem bis, alii vero sæpe*, atqui ex eodem hom. 3. in ep. ad Ephes. multi sacerdotes quotidie sacrificabant, ait enim: *Frustra est quotidianum sacrificium: frustra adstamus altari: nemo est qui participet*: ergo &c. Quotidie pariter sacrificasse S. Goar anachor. S. Geremarum, Licinium, aliosque demonstrat Mabillonius. Adde locum B. Jo. Eleemosynarii apud Leontium Cyprium in ejus vita: *Ego propter vos descendo in S. Ecclesiam, nam poteram facere mihi missas in episcopia*. Item ann. 506. Concilium Agathen. can. 18. jussit, ut sæculares communicarent ter in anno in die *Nativitatis, Paschatis & Pentecoste*; can. autem 47. mandavit, ut *singulis diebus Dominicis* ipsi sæculares Missam audirent; ergo singulis Dominicis pastores Missas celebrare poterant, licet nemo laicorum Sacramentum perciperet.

Prob. III. pars. Quamvis nullus laicus mysteria sacra percipiat, offertur Deo perfectum sacrificium, quo redditur ei cultus, celebratur sanctorum memoriam fidelibus vivis & defunctis pax, venia, & requies impetratur ex capite præcedenti; ergo non profanatur, sed honore afficitur. Merito ergo articulus 3. Confessionis August. a Carolo V. proscriptus est.

PROPOSITIO II. Impie commendant hæretici unam tantum Missam communem, aliis improbatam.

Prob. I. Ex vetusta Ecclesiæ consuetudine, qua ingentem  
fuisse

fuisse numerum sacerdotum ostenditur. Nam in sola C. P. Ecclesia 950. *Decani* sunt constituti ex cod. Justin. tit. de Sacros. Eccl. l. *Non plures*. Et in Ecclesia Romana initio schismatis Novatiani numerabantur *presbyteri* 40. exceptis clericis, ut scribit Cornelius apud Euseb. l. 6. H. E. c. 43. Item Ecclesię initio mos fuit alios, pręter parochos ad sacerdotium promovere, sed hæc sacerdotum copia & promotio frustranea fuisset, nisi pręter communem Missam celebratę fuissent Missę solitarię & privatę absque collecta, & synaxi, ergo &c.

II. Idem evincitur ex privatis Oratoriis, quorum duo in monte Cassino extruxit S. Benedictus, quatuor S. Maurus, alia plura laudat Jonas Aurelianen. alique apud Bonam. III. Idem evincit laud. auctor ex Constitutionibus Angelberti abbatis ex antiquitatibus Fuldensium, ex multitudine altarium in eadem Ecclesia &c.

PROPOSITIO III. Frustra calumniantur hæretici plures Missas privatas pravo fine introductas.

Prob. Vitio vertunt catholicis novatores, quod Missas celebrent pro quotidianis delictis, pro defunctorum suffragiis, & quęstus gratia, sed priora duo supra refutata sunt; tertium vero frustra opponitur; ergo &c. Prob. min. Nam stipendium accipere, non ut pretium sacrificii, sed ratione *proprie substitutionis*; res est Apostoli testimoniis, & Ecclesię praxi probata. Nam Apost. 1. Cor. 9. ait: *Qui altari deserviunt cum altari participant*. II. Hęc stipendia succedere oblationibus, quę initio Ecclesię fiebant a fidelibus. III. Constat a Francorum Regibus villas & territoria legata monasteriis & parochiis pro Missis agendis, ex Bona, Mabillonio, du Cange &c. IV. Ratio postulat, ut qui spiritalia ministrat, temporalia recipiat, quod legibus etiam Imperatorum sancitum est; ergo &c.

Ob. I. Christus ait: *Hoc facite in meam commemorationem*, sed quando consecravit distribuit; ergo &c. II. Apostolus Cor. 10. panem, quem frangimus, vocat: *Participationem corporis Domini*, dicens *cenam dominicam* manducari, ubi in unum plures conveniunt; ergo non manducatur hæc cęna, ubi non conveniunt manducantes. III. Idem innuunt verba illa: *Ut quotquot ex hac altaris participatione &c.* IV. Orientales numquam sine communicantibus Missas agunt. V. Can. 10. Apost. privat communionem fideles, qui intrans Ecclesiam nec sacram communionem percipiunt. VI. Chrys. Hom. 3. in ep. ad Ephes. ait: *Frustra fieri quotidianum sacrificium, si nemo sit, qui participet*. VII. S. Franciscus in epist. ad Fratres sui Ordinis monet, ut ubi *morantur fratres*,



una tantum Missa celebretur in die, secundum formam Sanctæ Rom. Ecclesiæ. VIII. Strabo in Reb. Eccl. c. 22. & Humbertus Card. docent, legitimam esse Missam, in qua est fractio, distributio, offerens, respondens, & communicans; ergo &c. IX. ad esum agni plures conveniebant; ergo & ad Eucharistiam convenire debent.

R. ad I. dist. ant. Ait: *Hoc facite*, quoad substantiam sacrificii, nempe, ut agantur Deo gratiæ, ut benedicantur, & consecrentur oblata, & de his participet sacrificans alique, si velint & adsint, conc. quoad modum & circumstantias, nempe ut populus intersit, & communicet sub una, vel sub utraque specie &c. neg. Hoc enim pastorum iudicio relictum est. Nam, si omnia, quæ Christus gessit, caderent sub præcepto, post cœnam sumenda esset Eucharistia semel in anno a discumbentibus, exclusisque fœminis, quæ est absurdum.

R. II. Christum ibi non solum distribuisse Eucharistiam, sed etiam instituisse; iussit ergo id fieri in sui memoriam, sed non iussit utrumque simul; potest ergo communio distribui, & sacrificii tempore, & extra. Sicut ergo populus sæpe percipit non offerente sacerdote, sic potest sacerdos offerre, licet nullus e populo communicet. Ad II. neg. conf. Cœna enim Dominica communis dicitur, quia pro omnibus est instituta, omnibus legitime petentibus ministratur, omnesque eundem panem participant, non quod fideles nusquam privarim, & absque conventu eam manducaverint.

Ad III. neg. ant. Nam verba illa pluraliter efferuntur, quia sæpe multi de altari participant, vel spiritualiter communicant, & sacerdos suo & fidelium ore offert & orat. Ad IV. retorq. argum. Græci enim ex Allatio l. 3. Conf. c. 15. *Ut plurimum nulla interveniente communionis, tum privatim, tum publice celebrant*. Ad V. dist. ant. Privat ob communionem non perceptam, neg. ob scandalum & perturbationem, conc. Sic enim græce extat cit. canon: *Quicumque Ecclesiam ingrediuntur, & scripturas audiunt, neque usque ad preces & S. communionem permanent, eos tamquam qui ordinis in Ecclesia perturbationem inducant, a communionis arce oportet*. Unde Vossius disp. 22. thesi 2. concludit: *Itaque sententia canonis erit, non ut quisque, quoties adest, communicet, sed ne necdum peracta communionis discedat*. Ad VI. retorq. argum. Nam S. Doctor quotidie sacrificabar, etsi nemo participaret; ergo putabat illicitum non esse solitarium sacrificium. Vide Prop. 1. num. 2. R. II. neg. conf. Reprehendit enim ibi S. D. dignitatem eorum, qui perraro communicabant. Nam hom. 17. in ep. ad Hebr. ait; neminem a se

Tom. IV.

compelli, ad quotidianam synaxim, & id unum optare, ut accedant, qui mundo sunt corde, secus ut numquam id au-  
deant.

Ad VII. R. I. Echius, & Bellarm. eam epistolam non esse S. Francisci, vel de feria quinta majoris hebdomadae esse accipiendam, vel de Missa conventuali, ut exponit Wadingus. R. II. Card. Bona dist. ant. *Secundum formam*, idest ritum *Rom. Ecclesie*, conc. idest consuetudinem, neg. Ostendit enim Vicecomes S. Francisci ævo plures Missas privatas fuisse celebratas. R. III. cum eodem, S. Franciscum hortatum esse fratres suos, ut morem aliorum cœnobarum, qui unam tantum Missam celebrabant, non aliorum presbyterorum servarent. Ad VIII. neg. conf. In Missa enim, etiam seclusa distributione, continetur quidquid spectat ad essentiam sacrificii in cœna instituti, & repræsentatur quidquid Christus pro nostra redemptione peregit. Ad IX. neg. conf. Agnus enim non poterat ab uno manducari, at Christus integer a singulis sumitur. II. Cœna Paschalis non erat communis, sed fiebat per singulas domos; ergo &c.

Quæres: an Missam *privatim* celebrans teneatur laicis penitentibus Eucharistiam distribuere? R. negative, nisi celebrans sit parochus. Ita Bellarminus l. 2. de Miss. c. 10. & clarius Sylvius in 3. p. q. 83. art. 5. de presbyteris non parochis ait: *Hi poterant celebrare, neque tamen obligati erant populum fidelem communicare*. Et Benedictus XIV. die 13. Novembris 1742. statuit I. Missas privatas, seu *solitarias* ex Decreto Trid. Synodi jure celebrari. II. Convenire veteri disciplinæ, nec non institutioni, & exemplo Christi, si fideles in singulis Missis quibus adstant, nedum spiritualiter, sed etiam sacramentaliter communicent, prout se optare ait Trid. Synodus sess. 22. can. 6. III. Veterem disciplinam non esse necessario servandam, sed cuncta in Ecclesia ordinate disponenda esse, ut ex una parte non fraudetur fidelium pietas, ex alia vitetur occasio perturbationis & scandali. IV. concludit nullam injuriam fidelibus fieri, si juxta disciplinam, quæ modo viget, in tanta Missarum multiplicitate non semper ministretur communicatio, nec importune insistendum, ut ministretur in iis circumstantiis, quas Ecclesiarum pastores excipiendas esse declarant. Hæc Benedictus XIV.

## CAPUT IV.

*Ubi nonnulla ad Missæ sacrificium spectantia expenduntur.*

**Q**uari solet imprimis, unde Missæ vocabulum sit derivatum? quod quidem alii Hebraicum putant cum Baronio, Reuclino, Pamelio, Genebrardo &c. atque a verbo *מס* *missat*, quod significat *oblationem* liberali animo factam, Missam derivari propugnant. Alii Græcum putant a vocabulo *μυστήριον*, *initiatio*, *mysterium*, sive a *μύω*, *docere*, *instituo*; unde & *musa*. Alii latinum censent, quibuscum sit

PROPOSITIO I. Missæ vocabulum latinum est a missione, vel dimissione derivatum.

Prob. I. Ideo enim incruento sacrificio hoc nomen tributum est, quod lecto Evangelio dimitterentur catechumeni: hinc Victorinus l. 2. de Eccl. off. c. 41. ait: *Dicit diaconus: ire missa est, quasi revertimini ad propria. Ab hac missione, idest dimissione missam dicunt appellari*. II. Utraque opinio præcedens falsa est: prior, quia nec apud Syros, nec apud Græcos extat Missæ vocabulum, altera levissima est conjectura, & ex ipsa scribendi ratione refellitur. Nullibi enim *Myssam* aut *mussam* scriptum invenies. III. Missæ nomen sæpe apud Cassianum Avitum, Luitprandum usurpatur pro dimissione ab Ecclesia peracto officio; ergo &c.

PROPOSITIO II. Plura sunt Missæ nomina tum latina, cum græca.

Prob. I. pars. Dicitur enim *Oblatio* a Tertulliano, Cypriano, Optato, Augustino, Ennodio, Anastasio, in Capitularibus Caroli M. & in Ordine Rom. Dicitur etiam *Communio*, de qua supra diss. 3. c. 2. lib. hujus. Dicitur *Collecta*, quia populus; ut sacrificio intersit, simul colligitur. Plura de his Lupus noster. Dicitur etiam *Dominicum* a Cypriano, ab Aug. & in Actibus S. Saturnini. Item *Sacrum* idest mysticum sacrificium. *Agenda* dicitur in Antiphonario S. Gregorii, & alibi, quia veteres solebant dicere: *Missas agere*, & quia sacrificare Deo *actio* quædam est singularis, & præstantissima. *Agenda* absque addito apud Bedam, Durandum, & Anastasium Biblioth. Missam pro defunctis significat. Plura de his Bona, Vicecomes, Du-Cangius &c.

Prob. II. pars. Vocatur enim a Græcis *Liturgia* Act. 12. & Luc. 1. necnon in Pandectis, & Novellis Justiniani, & publicum ministerium, oblatumque Deo sacrificium designat. Vocatur etiam *Mystagogia*, seu actio mystica, & *Hierurgia* actioq. sacra. Dicitur *Synaxis* a græco *συνάγω* *congrego*, & idem

sonat ac latine *Collecta*. Item *Thysia sacrificium* a *θύς* mactō, *sacrifico*. Unde a Nazianz. dicitur *ἱερατικὸς θυσία sacrificium incruentum*, *Thelete* a *θελεῖν* perficio consecrationem significat, qua sacrificium completur: De his, aliisque Græcis vocabulis plura Durantus, Bona, Goarius, Du Mortier &c.

PROPOSITIO III. Plura sunt etiam Missarum genera.

Prob. Nam præter eas quæ appellationem habent a tempore, ut *Missæ feriales*, *Dominicalis* &c. vel a ritu, ut *Latina*, *Ambrosiana*, *Illyrica*, *Mozarabica*; vel ab Auctore, ut *Missæ Jacobi*, *Basilii* &c. vel a modo, ut *Solemnis*, *Privata* &c. Est etiam Missa I. *Catechumenorum*, quæ erat liturgiæ nostræ pars complectens epistolas, & Evangelia, quibus recitatis *Audientes* dimittebantur: *Competentibus* vero tradebatur symbolum, atque ita clamante Levita: *Si quis Catechumenus remansit, exeat*, omnes exhibant. Missæ catechumenorum, & præsertim concionibus Episcopi, quæ liturgiæ præmittebantur, etiam hæretici adesse poterant, & Judæi, cum nulli prædicationis gratia neganda sit. Missam catechumenorum etiam a Diaconis celebratam narrat Cassianus: At quæ sequebatur dimissis catechumenis, complectens *sacram Actionem*, dicebatur *Missæ fidelium*, seu *Sacramentorum*.

II. Extat Missa *Præsanctificatorum*, quæ vetustissima est ex can. 52. Trull. in quo præscribitur: *Ut in omnibus Quadragesimæ jejunii diebus fiat sacrum Præsanctificatorum mysterium*. Michael C. P. & Simon Thessalonicens. repetunt illius originem a temporibus Apostolorum; sed nil certi ea de re statui potest: fuisse tamen in usu, quando omnes quotidie communicabant, colligit ex ejus liturgia Leo Allatius. In Ecclesia Latina longe ante tempora Gregorii, & ab Apostolorum ætate quovis die Quadragesimæ *divina mysteria* celebrabantur, exceptis diebus Parasceves, & Sabbati sancti: unde Innocentius I. in ep. ad Decentium ann. 416. ait, ex traditione Ecclesiæ *istò biduo Sacramenta non celebrari*. Cum ergo Missa Sabbati S. quæ agebatur in nocte, fiat modo ante meridiem, sequitur Missam *Præsanctificatorum* ex vetustissima traditione celebrari solo die Parasceves. In hac autem Missa nullam fieri consecrationem, eo quod vinum præsanctificato panis symbolo superinfundatur, dictum supra Diss. 3. c. 3. Prop. 3. unde a Bona appellatur *equivoco dicta*, *nautica*, vel *sicca*, in qua nulla sit consecratio. Vide Allatium, Goarium, Bona, Lupum &c.

III. Extat etiam Missa *sicca*, vel *nautica*, quam male Vicecomes, alique cum Missa *Præsanctificatorum* confundunt. Nam Echius Missam *siccam* ait esse: *Missæ simulationem*, cum Introitu, Epistola, Collecta, Evang. &c. quia tamen sa-

*cerdos non vult communicare, non consecrat*: itaut Missa sit sine corpore, & sanguine Domini. At in Missa, *Præsanctificationum* est verum corpus Christi, & vera communio. *Nautica* vero dicta est, quod aliquando ob fluctuum agitationem in navibus celebrata sit. Censet Genebrardus, Durandus, alique licitam esse, & jussu S. Ludovici celebratam: sed jure fuisse abrogatam *provida episcoporum cura* demonstrat Echius, & Lupus, qui eam *bisfrignalem simulationem* appellant. In ea enim sacerdos sacris indumentis ornatus ad sacrificii locum accedit, ritus liturgiæ servat, orationes præmittit, aut postponit, in quibus peractæ communionis sit mentio: ergo simulat. II. Reprobavit hanc Missam *siccam* Innoc. III. cap. *De homine* in 3. Decretal. tit. 41. c. 7. necnon Concilium Parisien. ann. 1212. can. 12. item Serisberienſe, Ipreſe, Cameracense &c. Nec obstant quorundam piorum exempla, nec ritualia quarundam Ecclesiarum &c. nec Dionysii loca de Eccl. Hier. c. 7. ubi ait catechumenis præsentibus pro defunctis fieri solemne sacram. Laudamus enim SS. virorum pietatem, & quarundam Ecclesiarum consuetudines; sed iis præferendam esse ducimus disciplinam veritati consonam; & ab universa Ecclesia receptam. Dionysium autem eo loci non de Missa, sed de aliis precibus instituisse sermonem nonnulli opinantur: vel ex ejus verbis evinci, Missam quoque pro defunctis *formatam* esse, non *siccam*.

IV. Erant etiam *Bisfaciatæ*, & *Trisfaciatæ* Missæ, ita dictæ, quasi multiplicem habentes faciem, in quibus improbi quidam sacerdotes, ut pro uno sacrificio stipendia plura reciperent, plures Missas, e. g. de Sancto, pro mortuis, & votivam celebrabant usque ad offertorium; deinde tot secretas recitabant, quot Missas incœperant: ac semel recitato canone, una consecratione, & communione peracta totidem addebant collectas, quot initio præmiserant; jure ergo ut *detestabilis abusus*, & ut *monstruosas* has Missas execrantur Durandus, Bona, Petrus Cantor, alique.

PROPOSITIO IV. Persecutionis tempore in quolibet loco Missæ celebratæ sunt, subinde vero in templis & Basilicis.

Prob. I. pars. Ex Dionysio Alex. apud Euseb. l. 7. H. E. c. 22. qui ait: *In agris, in solitudine, in navibus, in carceribus, in diversoriis* fuisse celebratas. Eligebantur tamen *privata fidelium domus*, eorumque partes oculis infidelium imperviæ: Carceres item, ubi Confessores detrusi erant, ex Cyp. ep. 5. ad Presb. & Diac. Cryptæ denique & catacumbæ, de quibus supra, ubi de Missis solitariis, & de titulis S. Evaristi.

Prob. II. pars. Ut enim in templis, oratoriis, Basilicis, non

vero promiscue in omnibus locis divina peragerentur officia, præcipiunt canones a Gratiano collecti de Consecr. dist. 1. id est Concilium Tolertanum XVI. ann. 698. c. 8. Romanum ann. 826. excerpta Egberti c. 9. Capitularia Theodulphi Aurelianen. &c. His accedunt principum constitutiones, Novella 57. Justiniani, capitularia Caroli M., & Regum Franc. Ad stipulatur ratio: cum enim certa loca ad iudicia, & ad publica munia deputentur, congruit ut ad divinum cultum & ad rem sacram loca deputentur, ubi fideles in uno religionis nomine colligantur; ergo &c.

PROPOSITIO V. Decet sacras ædes ab episcopis consecratione dicari.

Prob. I. Nam 3. Reg. 8. Templi Salomonis dedicatio describitur: unde Ecclesiarum nostrarum (ubi sacrificium immolatur longe præstantius) commendat Honorius Fortunatus Carm. 6. l. 3. Romæ in Exquilis a D. Petro consecratam Ecclesiam, nec non Ss. Praxedis, & Pudencianæ domos in Ecclesias consecratas ex Ecclef. H. notum est. Cæcilia triduanas postulavit inducias, ut S. Urbanus domum suam Ecclesie nomine consecraret. Lucinæ ædes dedicavit Marcellus. Ensebius l. 10. H. E. c. 3. refert, festivitates *dedicationum orationum recens per urbes structorum*: & l. 4. Vitæ Constantini narrat, dedicationem Ecclesiæ Jeros., ad quam Imperator invitavit omnes episcopos, qui ad Syn. Tyri convenerant. Athanasius in Apol. commendat dedicationem Ecclesiarum ab Alexandro, aliisque PP. factarum. Accedit ratio ex cap. *Tabernaculum* de Consecr. dist. 1. n. 2.: *Si Judei loca habebant ad offerendum sacrificium; quanto magis nos habere convenit, quibus veritas patefacta est?* Et S. Thomas ait, Ecclesias ex consecratione *acquirere spiritalem quamdam virtutem*, quia Deus in iis peculiariter præsens est preces exaudiens, & peccata dimittens: ut constat ex Ambrosio de Exhort. Virg. num. 94. & ex officio dedicationis Ecclesiæ. Tandem solemni consecratione loca Deo sacra purgantur. Nam Greg. l. 3. Dialog. c. 30. narrat, in dedicatione Ecclesiæ S. Agathæ in *Suburra* demones, sub porcorum imagine exiisse. Eadem de Basilica Fausti scribit Victor Viten. l. 2. de Perf. Vandalica; ergo &c.

PROPOSITIO VI. Pluribus de causis Ecclesia consecrata violari potest, sed nonnisi per episcopum reconciliari debet.

Prob. I. pars. Nam Jureconfulti in tit. 40. l. 3. Decr. enumerant I. *violentam ac voluntariam sanguinis effusionem*. Si vero effusio *voluntaria* non sit, ut si fiat ab homine furioso, Ecclesia non polluitur. Idem dicito, si effusio levis sit, neque ex ea magna effluat sanguinis copia, ut in rixa puerorum.

rum. Violaretur tamen, si jussu tyranni in ea martyr occideretur, aut in Ecclesia vulneratus foris sanguinem funderet. Secus, si extra Ecclesiam sanguinem fundat, & in Ecclesia expiraret. Nec violatur, si quis ex ipsa lapidem; aut telum emittens alium occidat: violatur contra, si extra emissus intra positum interficit. Polluitur etiam Ecclesia *voluntario homicidio*, etiamsi absque sanguinis effusione patrato, sive a se, vel ab alio, etiam prævia sententia judicis. Secus, si fiat extra januam, & in ipso limine, in sacratio, turri, cœmeterio &c. Vide Gonzalez, Barbosa, Navarrum, Cabassutium &c.

II. Polluitur Ecclesia *voluntaria humani seminis effusione*. Sed si occulta sit, sacrilegium erit; non canonica templi violatio. Idem dicendum de mutuo duorum conjugum concubitu, quo templum violari putant Navarrus, Vivaldus, Sylvius, Turrecremata, Sanchez, Gonzalez &c., negant Glossa, Amicus, Arriaga, & noster Poncius. Quod enim citra peccatum committitur, neque notorium est, nullam infert canonicam violationem.

III. Polluitur Ecclesia, si in ea sepeliatur *notorie excommunicatus*, ex cap. *Consuluit* de Consecr. tit. 40. n. 7. Item, si in ea sepeliantur corpora infidelium, vel puer non baptizatus, sive natus, sive ab utero extractus: secus, si non sit extractus, sic enim ei sepulturæ beneficium tamquam personæ distinctæ non impenditur, quod fieret, si extractus puer iterum materno utero includeretur. Sic enim, auctore Sylvio, Ecclesia violaretur.

Quæres: an polluaturs templum *quando Ecclesia consecratur per episcopum excommunicatum*? Affirmant veteres Tabiena, Paludanus, Panormitanus, alique, quibus accedunt Sylvius, Cabassutius, Barbosa &c., qui docent eam sententiam regulis juris esse consentaneam. Negant Gibalinus, Henno, Ugolinus, Gonzalez, qui tamen fatetur, se non invenisse auctores aliquos sibi consentientes, quod argumentum est falsitatis. Unde non leve dubium exoritur, quo stante optimum consilium est, si Ecclesia reconcilietur. Indubium est enim, iterum consecrandas Ecclesias ab hæreticis occupatas ex cap. *Ecclesias*, & C. *Arianorum* de Conf. diff. 1. n. 21. Sed eadem est ratio de excommunicatis, ac de hæreticis; ergo &c. Prob. II. pars. Ex rescripto Greg. IX. cap. *Aqua* de Conf. Eccl. 9. Si vero Ecclesia consecrata non fuerit, reconciliari potest; annuente episcopo, per simplicem sacerdotem ex cap. *Si Ecclesia* ejusdem tituli. Verum delegatione Roman. Pontificis posse a singulis presbyteris Ecclesias reconciliari alibi dictum est.

PROPOSITIO VII. Privatis in domibus, & extra Ecclesiam,

siam, five oratoria *ad Dei cultum dicata* Missæ celebrari non possunt.

Prob. I. ex Canonibus supra relatis Prop. IV. Quis accedit decretum Trid. Synodi sess. 22. quo revocatur facultas, quam olim habebant Episcopi, largiendi licentiam, ut in privatis oratoriis agantur Missæ. Possunt tamen episcopi in suis ædibus privata oratoria habere ad sacrificandum, sed ut erigantur in privatis aliorum domibus petenda est ab Apostolica sede facultas, quæ tamen eam concedendo ex can. 21. Syn. Agathen. excipit dies solemniores *Nativitatis Domini; Epiphania; Fer. 5. in cœna Domini; Paschatis; Pentecostes; Annunciationis; & Assumptionis B. M. V. SS. Petri & Pauli; & omnium SS.* Item in aliis locis *cum altare portatili* celebrari potest Missæ sacrificium *urgente necessitate*. In castris, sub dio, in agro, in litore maris, & etiam in navi in malaciâ & tranquillitate maris (licet ob fluctuum inconstantiam id abnuant nonnulli) cujus rei plura afferuntur vetustatis exempla. Nunc autem, *ex privilegio tantum Apostolicæ Sedis*, peragi posse unanimiter tradunt Pignatellus, Card. Petra, Rotarius, Meratus, & Bened. XIV. qui ostendunt, tranquillo cælo in navibus Indicis Missas celebratas ex privilegio Clementis VIII. & Pauli V. & triremibus Ordinis Jerosolym. id concessum fuisse a Clem. XI.

PROPOSITIO VIII. Altaria ad sacrificandum debent consecrari, & plura etiam mobilia erigi possunt.

Not. Altaria ab Hebræis appellantur מזבח *mizbeach* a radicali זבח *zabach sacrificavi*. Græci vocant θυσιαστήριον, *Thysiastrion* a θυσιαζω *sacrifico*. Latini *altare*, aut ab alendo igne, aut ab ejus altitudine dixere. In vetere lege alia erant lapidea, alia terrea, ænea, vel aurea. Æneum cremandæ hostiæ serviebat, aureum erat pro adolendo thymiamate: unde θυμιατήριον a Græcis dicitur. De his plura noster eruditissimus Schæceus in *Myrothecio* 2. II. In nova lege quædam altaria lignea fuisse constat ex Athanasio, & August. Romæ etiam servatur ligneum altare, ubi Petrus sacrificasse fertur. Aliud consecrasse Silvestrum narrat Turrecremata in *Basilica Lateranensi*, licet Silvestri ævo altare lapideum in usu esset.

Prob. I. pars ex variis canonibus apud Gratianum de Conf. dist. 1. & in 3. Decr. tit. 40. Accedit ratio: oportet enim, ut facer sit non solum locus remotus sacrificii, sed etiam proximus, in quo ipsum peragitur sacrificium: unde Jacob Gen. 28. lapidem erexit in titulum *fundens oleum desuper*, ut nempe consecraretur: quare locum ipsum vocavit Bethel, idest *domum Dei*, & in ea unctione *figuratum aliquid*, quod  
ad



*ad magnum pertineat Sacramentum*, ait S. P. A. l. 16. de C. D. c. 38. & Naz. or. 34. Id etiam evincitur ex altarium expiatione, & dedicatione Levit. 16. Exod. 40. & 1. Mac. c. 4. Adde in altarium consecratione adhiberi reliquias SS. ex cap. *Placuit ut altaria* de Conf. dist. 1. n. 26. ex Hieronymo, Ambrosio, Augustino, Paulino &c.

Prob. II. pars ex Gregorio l. 5. ep. 43. ad Pallad. ubi *tredecim* ejusdem Ecclesiæ altaria commemorat, & Paulinus Natal. 9. ait: *Spektant de superis altaria &c.* Nec obstat locus Hieronymi in c. 2. Os. ubi ait habere Ecclesiam *unum altare*, hæreticos *plurima*; nam ibi S. D. loquitur de fide, & communione, ait enim ib. hæreticos habere *tot altaria quot schismata*: unde phrasis usitata apud Cyprianum, Optatum, & Aug. qua dicitur: *Erigere altare contra altare*, qui ab unitate recedit.

Prob. III. pars. Demonstrat enim Card. Bona ex capitulis Hincmari *Altare portatile* (quod *Altare viaticum* appellat Durandus, *tabulam itinerariam* Ordo R. *Altare gestatorium* S. Anselmus, & *lapidem portatilem* alii apud Mabillonium) olim in usu fuisse, cum celebrandum esset in altaribus fixis, nondum consecratis, aut in oratoriis privatis, in his enim non erant olim altaria *consecrato lapide* ornata. Altaris *viatici* privilegium concessum est quibusdam regularibus, quibus revocatum fuisse declaravit Clem. XI. ex cap. *In his* in 5. Decr. tit. 33. de Privil. n. 30. item episcopis omnibus ex cap. *Quoniam* in 6. tit. 33. n. 12. In his *viaticis aris* includendas esse reliquias SS. statuit S. Rituum Cong. ann. 1612.

Quæres I. Quænam sint præcipua altaris ornamenta ad sacrificium spectantia? R. esse lintea, Crucem, & cerea lumina. Lintea enim, quas *mappas* etiam, & *tobaleas*, seu *sin-dones* vocant, apponi ex more vetustissimo constat ex Optato Milev. l. 2. n. 2. ubi ait: *Altaria in peragendis mysteriis linteamine cooperiri*. Tribus mappis una oblonga, brevioribus aliis, vel una duplicata altaria esse cooperienda inferitur ex cap. *Si per negligentiam* de Conf. dist. 2. n. 27. De Cruce Amalaris, alique omnes, qui de S. mysteriis pertractarunt, ajunt eam ante nos locari: *Ut Christum quasi pendentem in ea mente teneamus*. Addit Sedulius l. 5. Oper. Paschalis: *Neve quis ignoret speciem crucis esse colendam*. Hinc sequitur in altari, dum agitur Missa, crucem esse apponendam, licet ibi sit expositum SS. Sacramentum, ex decreto S. R. C. ann. 1707. secus, si ibidem addit *magna statua SS. Crucifixi*, ex alio decr. ann. 1663. De cereis dictum supra Prop. V. c. 5. Diff. 2. libri hujus. Adde Trid. Consilii decretum sess. 22. vetans *candelarum certum numerum, qui magis a supersticioso cultu inventus est*.

Quæres

Quæres II. Quibus potissimum sacris indumentis uti debeant presbyteri sacrum peragentes? R. Indumenta sacra, quibus uti debent, esse amictum, albam, cingulum, manipulum, stolam, planetam. Amictus, ait Bona, dicitur etiam *superhumeral*, *Ambolagium*, *Anobolarium*, quæ duo græce significant ornamentum, quo humeri protegiuntur, & Ephod ab ἡφῶδ aphad ligavit: Ex Brunone Signien. de Vest. episc. interioris hominis castitatem designat.

Vetat S. R. C. sacrum facere cum *cesarie fista*, imo Tournelyus, indecorum putat, si fiat hærente in capite amictu, viget tamen hic mos in Ecclesia Parisiensi, in Polonia, & apud Sinas, ubi erectio capitis non est honoris signum. Albam vocant nonnulli etiam *camisiam*, *vestem salarem*, *lineam datmaticam*, & a Græco πᾶσις *poderem*: quia demittitur usque ad pedes. Ejus meminit Hieronymus, Gregorius M. & Conc. Carthagin. Eaque designari vitæ innocentiam, ornamenta virtutum, & vestem albam, qua Herodes illussit Christum, ostendit l. 3. Ration. c. 2. Mimaten. episcopus. Cingulum, quod *Balibeum*, ac *Zonam* appellant, esse castitatis indicium docent Innocentius III. Rabanus, aliique. Quare in can. 20. Conc. Aurelianen. in quo dicitur: *Monacho Zonas habere non licet*, pro *Zonas* legendum est *Tzangas*, idest cothurnos, quos & in Urbe singulis vetat Codex Theodosii. Manipulum dictum invenimus etiam *Fanorem*, *Mappulam* &c. eoque significari poenitentiam, ait Honorius Augustodun. patientiam, & humilitatem S. Bonaventura, Balsamon vincula Christi manibus implicata, Latina Ecclesia stertum, & dolorem, cui copiosa merces rependitur.

*Stola* dicitur a σῆλας *orno*, & sumitur a Latinis pro veste muliebri talari, a Græcis etiam pro virili. Frequentius usurpatur ad significandum splendidum ornamentum: unde Josephum, Aaronem, Mardocheum stola indutos legimus; communiter tamen significat vestem angustam in modum fasciæ, quam diaconi ac presbyteri in humeris gestant, & veteres *Ovarium* dixere. S. Antoninus stolam putant signum esse jurisdictionis, unde semper eam gestat Rom. Pontifex. Amalarius, aliique *ministerium Evangelicæ predicationis* per eam designari putant: at ex oratione: *Redde mihi Domine stolam* &c. constat symbolum esse *immortalitatis*, quam S. P. A. & Bernardus stolam appellat. Planetam, quod totum hominem olim ambiret veluti parva casa, *casula* dicta est. Græci φιδόριον, vocant, quæ vox extat c. 2. ad Tim. 4. & noster vertit *penulam*, de qua plura sunt eruditorum dissidia. Vide Auctorem. Extat *planeta* nomen apud Rabanum, Ivopem &c. φιδόριον legimus ap. Græcos, *casulam* denique in libris Alcuini, Rupertii

perti &c. Hæc olim super brachia complicabatur, unde Latini ad facilius operandum cœperunt paulatim eam ad latera scindere. Quidam in casula veterem & novam Ecclesiam, alii duo caritatis præcepta, aut vestem inconsutilem designari putant. De hac vide Durantum.

Quæres III. Quænam vasa præcipue occurrant in Eucharistiæ ministerio? R. *Calicem, patenam, corporale, hamulas, & campanulam*. Calicem a calida potione dictum putant nonnulli. Isidorus a *καλός lignum*, quod olim lignei essent calices. Priscianus a *καλῆς*, quod *torno* fit. Hi vero nedom lignei, sed vitrei etiam, & stannei fuere ex Bona, aliisque. Fervente etiam persecutione argentea vasa pro sacrificiis in cœmeteriis inventa fuisse constat ex Prudentii hymno 2. de *Coronis*, ubi describit Urbis præfectum a Laurentio petentem Ecclesiæ thesauros. Stannei calices sunt vetustissimi, quorum unus in Ecclesia SS. Cosmæ & Dam. & alter in Basilica Lateran. servatur. Calicem in quo Christus consecravisse fuisse argenteum, aut ex achate, vel onychino lapide quidam opinati sunt: at Chrysostomus hom. 60. ad Pop. Ant. ait, nihil in cœna, præter S. *mysteria*, pretiosum interfuisse.

Concilium Triburiense ait, Zephirinum statuisse, ut Missæ celebrarentur *patenis vitreis*. Urbanum autem *ministeria sacra fecisse argentea*, eaque si non ex auro, omnino ex argento fieri statuit idem concilium: si quis autem pauperrimus est, *saltem stanneum calicem habeat*, de ære aut auricalcho non fiat, *quia facit æruginem, & vomitum provocat*, nemo in ligno, aut vitreo calice *presumat agere*. Erant etiam calices *ministrales* aliis ampliores, in quos paululum sanguinis infundebat Archidiaconus ad *complementum communionis* laicorum. Falluntur ergo qui putant in iis, factam consecrationem, & oblationem. Vitreæ patenæ extant in cœmeteriis Calixti, Priscillæ &c. a profanis distinctæ, utpote angustiores, Christi, & Apostolorum imagines referentes. Aureas & argenteas commemorat Anastasius, Alcuinus &c. Calix & patena ab episcopo consecrari debet.

Corporale dicitur etiam a scriptoribus Ecclesiasticis *palla*, ac *pallium*, quod *sacra munera conteguntur*. Sed Concilium Melden. *pallam a corporali* distinguit. Hoc in *bursa* recondi ex veteri consuetudine constat ex adinventis in S. Berini tumulo filis aureis contexta. Ex Hildeberto Cenomanen. calix crucem, tumulumque significat; lapidem superpositum patena, findonem corporale. Hamulas argenteas legimus, sed vitrearum communior usus, & ad vinum ab aqua secernendum magis idoneus. Aliquando *Gemelliones* ob formæ similitudinem dictæ sunt, sed communiter *ampullæ*. Gregorium IX. instituisse,

tuiffe, ut *campanula* pulsaretur, dum conficitur corpus Domini, scribit auctor ejus vitæ. Sed Bona, Mabillonius &c. ostendunt, morem hunc fuisse Gregorio vetustiore.

PROPOSITIO IX. Missæ sacrificium opportuno tempore peragendum est.

Prob. Quamvis enim metu persecutionum olim noctu peragerentur fidelium conventus, quos *antelucanos* vocat Tertull. de Corona Mil. unde *latebrosa*, & *lucifugax* natio a gentilibus dicti sunt, censebant tamen, ubi fieri posset, celebrandos diurnos cœtus, opponebatque ipse Tertullianus Valentinianis *nocturnas initiationes*. Peculiariter pernoctabant in Paschæ solemnitiis, ex Tertull. & Lactantio l. 7. cap. 19. Verum pace Ecclesiæ restituta agebantur publicæ Missæ hora 3. 6. & 9. excepta die Nativitatis Domini, Sabbati sancti, & S. Jo. Baptiste. Agebatur Missa hora 9. diebus jejunii ob jejunantium communionem, ex Conc. Mogunt. apud Ivon. ceteris diebus ante meridiem, ut fideles sacro peracto domum ad prandendum adirent. Privatæ Missæ ab ineunte aurora usque ad meridiem sunt peragendæ, nam vespertinas vetuit ann. 1565. S. Pius V. In quibusdam Ecclesiis domini Venetiarum in vigilia Nativitatis fiunt sub noctis initia ex indulto Apost. Sedis. Regularibus causa itineris fas est celebrare integra hora ante diluculum, duabus circiter horis ante solis ortum.

PROPOSITIO X. Non licet sacerdoti plures in die Missas celebrare, excepta die Nativitatis Domini.

Prob. I. pars ex decreto Alexandri II. Honorii III. Innocentii III. Prob. II. pars ex vetusta Ecclesiæ consuetudine II. sæculo e Telephoro instituta, teste Valefrido, tum ex Hom. 8. S. Gregorii, qui ait: *Quia largiente Domino missarum solemnitas ter hodie celebraturi sumus &c.* In aliis diebus nulla de causa, neque ob viaticum infirmorum, non licet pluries celebrare. In regno Aragoniæ in die omnium defunctorum sæculares presbyteri celebrant Missas duas, regulares tres celebrant ex Julii III. vel Pauli III. indulto, quod etiam frustra petiit sub Clem. XI. Pragensis Archiepiscopus ann. 1711. De stipendio Missæ dictum supra.

Notandum tamen I. Sacerdotes, qui tenentur Missas celebrare ratione beneficii &c. si eleemosynas pro aliis Missis susceperint, non posse eadem Missa utrique obligationi satisfacere. II. Esse contra justitiam pro pluribus sacrificiis stipendium accipere, & unum offerre. III. Sacerdotem non posse per alium satisfacere collato illi minori stipendio: IV. A sacerdote tot Missas celebrandas, quot ad rationem tributa eleemosyna præscripta fuerint. V. Illicitum esse anticipare sacrificium applicare pro eo, qui

qui postea daturus est eleemosynam. Ita Urbanus VIII. Alex. VII. Innoc. XII. & Paulus V.

Quæres. Quænam sint præcipuæ Missæ partes, quidve in iis lateat mysterii? R. Prima Missæ pars, confessione præmissa est *Introitus*, ex vet. consuetudine, qua ante sacrificium Psalmi Davidis canebantur, quibus per horas canonicas distributi selecti sunt versiculi ad excitandam devotionem idonei: proinde *introitus* a psalmis non deprompti dicuntur *irregulares*, iique designant prophetarum oracula, patrum vota, & Christi adventum. II. Sequitur, *Kyrie eleison*, non ex institutione S. Gregorii, sed ex consuetudine vetustiori, quam laudat Conc. Valsenæ ann. 529. Græca verba sunt, & significant: *Domine miserere*, iisque non secus ac Hebræis vocibus utimur, ut pateat, undique esse collectam Ecclesiam. Novies repetitur, ut a tribus divinis personis ter misericordia implore-  
retur, *adversus triplicem miseriam, ignorantie, culpæ, pænæ*, ait D. Thomas.

III. Additur hymnus Angelicus *Gloria &c.* Is memorat, quæ Salvatoris in ortu gaudia pastores angelus edocuit, ait Hil-  
debertus. Quidam Telesphoro, alii Symmacho, ac Hilario tri-  
bunt, ex Conc. Tolet. IV. Reliqua, quæ ibi sequuntur, post  
verba, quæ angeli cecinerant, Ecclesiastici doctores composuerunt.

IV. Orationi præmittitur *Dominus vobiscum*, quæ est po-  
puli salutatio, & ad preces invitamentum. Episcopus dicit:  
*Pax vobis*, quod non opponitur canoni 3. Bracaren. jubenti,  
*ne populos aliter episcopi, aliter presbyteri salutarent*, is enim  
perstringit Priscilianum contendente semper dicendum esse  
ab episcopo *Pax vobis*, & a presbytero *Dominus vobiscum*. V.  
Post *Collectas*, seu orationes recitatur epistola, tum *Gradua-*  
*le*, *Alleluja*, vel *Tractus*. Olim in Missis scripturas fuisse le-  
ctas colligitur ex Justino, Tertulliano &c. Ubi nota, prophe-  
ricam lectionem olim Paulinæ præmissam: illa ad lectorem, hæc  
ad subdiaconum spectat ex can. 4. Remensis Conc. *Graduale*  
ita dictum est, quia canebatur, dum per gradus diaconus in  
*Ambronem* lecturus Evangelium conscenderet. *Alleluja* signifi-  
cat *Laudate Deum*, & spiritualis exultationis est signum.

VI. Evangelium ex primæva institutione legi in Missa o-  
stendit Bona, ex vet. monumentis. Legitur autem *in sinistra*,  
& *Aquilonem versus*, ut pateat Evangelii lucem gentibus as-  
fulisse frustra contranitente diabolo. De symbolo, oblatione,  
& aqua alibi dictum est. VII. Præfatio, quæ dicitur *immo-*  
*latio* & contestatio Missæ, eaque populi affectus excitatur,  
commendatur a Cypriano, a Cyrillo Jerosol., ab Augustin.  
Chrysostomo, Anastasio Synaita &c. eique adnectitur trisagion  
*sanctus, sanctus &c.* quod *ιερικιον*, seu *triumphale carmen*  
Græci

Græci vocant, eoque distinctionem Trinitatis, & divinitatis unitatem prædicari docet Ambrosius l. 3. de Spir. S.

VIII. Canon idem sonat ac *regula*, & ritum complectitur, seu regulam sacrificii peragendi: dicitur etiam *Aëlio*, *Legitimum*, & *Missæ secretum*. Institutum esse multis ante sæculis docet sess. 22. Trid. Synodus, quod constat, ex quo veteres tantum martyres in eo memorentur, ejusque meminerint Ambrosius, Ordo Romanus &c. Recitari debet submissa voce ob mysteriorum dignitatem, ut docet Basiliius, & exemplo Christi, qui exceptis septem verbis, seipsum offerens oravit in silentio. IX. *Orationem Dominicam* in suis liturgiis habent omnes Christiani, & ex Christi & Apostolorum institutione in sacrificio Domini corporis recitari scribit l. 3. advers. Pelag. Hieronymus. De hac plura vide lib. 23. Vetusissima est etiam *fractio hostiæ* ex Clemente Alex. Nazianzeno, Chrysost. &c. cujus significatio his versibus exponitur: *Tres partes factæ de Christi corpore signant, prima suam carnem, sanctosque secundæ sepultos, tertia viventes, hæc est in sanguine vinctæ.*

X. Tempore *confractionis Domini corporis* dicitur: *Agnus Dei &c.* ex antiqua institutione, quæ evincitur ex Græcorum liturgiis. Ea tamen verba: *Dona nobis &c.* addita esse ad Ecclesiæ schismata tollenda scribit Innoc. III. l. 5. de myst. Miss. c. 6. & deesse in antiquis missalibus Basilicæ Lateranen. testatur Em. Bona l. 2. c. 16. De *Communione*, *Collectis*, ac dimissione populi dictum supra. Hæc sunt, quæ de SS. Eucharistiæ Sacramento ex auctore delibavimus. Ubi si quid ex ignorantia erravimus, illum enixe cum Avito rogamus: *Tu Christe veterem exuas formamque virumque in vita novitate tuam fac sumere corpus, & sacrum æterni calicis potare cruorem.*

## APPENDIX POSTREMI CAP. PRÆCED.

*In quo plura ad Missæ sacrificium spectantia expenduntur.*

Cum in Missæ sacrificio opus nostræ salutis exerceatur, illiusque cruenta hostiæ semel in cruce oblatæ per hoc incruentum sacrificium uberrimi fructus ad nos manent, maxime curandum est ut singulari pietate & religione celebretur. Ut optime monent Constitutiones Synodales Auximanæ de SS. Missæ sacrific. c. 1. & seq. Qua de re stricte præcipitur ibid. c. 2. *Sacer-*

*dotes qui sanctissimam Hostiam sunt immolaturi, ut puriores ad rem divinam faciendam accedant, serventque præceptum prophætæ dicentis: mundamini, qui fertis vasa Domini: saltem semel in hebdomada peccata sua confiteantur: ne accedendo ad altare manibus pollutis, cordis impuro Christum iterum crucifigant &c.*

Quod vero, circa interiorum cordis.

cordis animique munditiem, rite præscribunt laud. Constitutiones Auximanæ, idipsum, quoad exteriorem, servari iussit S. Congreg. S. Officii die 14. Maji an. 1675. Proposito enim dubio a Carmelitis Discalceatis missionariis in Perside: *An presbyteris Armenis conjugatis moderandum sit tempus abstinentiæ ab uxoribus, quadraginta scilicet dierum ante, & totidem post Missæ celebrationem, ab eorum ritu præfixum?* Respondet S. Congregatio: Nihil esse innovandum, & episcopus curet, ut presbyteri conjugati catholici Armeni ritum suum observent. Pro Græco-Italici Clemens VIII., ac postea Benedictus XIV. hæc habent: *Presbyter Græcus conjugatus, antequam ad Missam celebrandam accedat, vel per hebdomadam, vel per triduum ab uxore curet abstinere.* Idipsum a sanctissimo Patriarcha Luca de hoc interrogato synodaliter fuisse pronuntiatum Balsamon auctor est, nimirum, tribus ante diebus a corporali congressu abstinere debere conjuges, qui sunt divinum Sacramentorum futuri participes. Ex quibus constat, juxta Orientalis Ecclesiæ disciplinam, Presbyterum ad minus tribus diebus ante celebrationem a conjugali congressu abstinere debere, ut licite celebret, quam abstinentiam illius Ecclesiæ canones etiam in laicis olim exigebant. Hinc Balsamon ipse notat in expositione alterius canonis, compati non posse uxoris usum, cum quotidiana sacra celebratione secundum Orientalis Ecclesiæ Canones.

In iisdem Constitutionibus Synodalibus Cap. de SS. Mis-

*se sacrificio præcipitur omnibus sacerdotibus ut in celebratione hujus Ss. sacrificii servant ad unguem ceremonias a S. R. Ecclesiâ institutas, quæ rubricis generalibus Missalis continentur &c.* Hinc oritur quæstio. An sacerdos carens Missali lingua sui ritus exarato, alterius linguæ Missali uti possit, proprio tamen ritu servato? Sed respondetur id nullo modo licitum esse. Etenim eadem obligatione, qua propriæ Ecclesiæ ritum sequi quilibet tenetur, tenetur etiam servare in sacrificii celebratione linguam sui ritus. Qua de re S. Congr. de P. F. apn. 1631. Missionariis Georgiæ petentibus facultatem celebrandi Missam ritu Latino in idiomate Georgiano, vel Armeno respondit: Illam pro nunc concedendam non esse, nisi esset medium ad convertendos Georgianos potissimum. Hinc patet, nefas esse sine Apost. Sedis dispensatione, aliena lingua sacrum celebrare. Quam dispensationem Fratribus Carmelitæ Discalceatis benigne concessit Urbanus Papa VIII., ut sacerdotibus sui Ordinis, qui in regno Perside existunt liceat Missam in lingua Arabica celebrare... ad consolationem populorum, qui in eo regno catholicam fidem susceperunt cum infascripseis conditionibus, videlicet, ut ritus Latinus retineatur, ut Missale Romanum in lingua Arabica literaliter translatum in Urbe prius approbetur, & ut semel tantum singulis diebus in unaquaque illius Regni Ecclesia in prædicta lingua celebrare liceat. Ita S. Congreg. de Prop. Fid. die 17. April. 1624.

## LIBER XXXIV.

*De Sacramento Pœnitentiæ, ac de pœnitentis actibus.*

**P**IISSIMUS ac misericors Dominus recordatus quoniam pulvis sumus illis etiam, ut aiebant PP. Trid. Syn. vitæ remedium contulit, qui se in peccati servitutem tradidissent, Sacramentum videlicet Pœnitentiæ, quo lapsis post baptismum beneficium mortis Christi applicatur. De hoc itaque tam salutari remedio trina dissertatione pertractabimus. Ac I. de institutione Pœnitentiæ & de contritione, II. de Confessione, III. de satisfactione sermo fiet.

## DISSERTATIO I.

*De institutione pœnitentiæ, & contritione.*

**P**œnitentiæ nomine intelligunt Grammatici ipsum pœnitendi actum, quo aliquem facti pœnitet. Quidam a pœna, alii a puniendo dictam putant. Theologi tamen pœnitentiæ nomine tria significant. I. intimum doloris sensum, ob patratum aliquod crimen, cum vitæ male actæ expiatione, quæ si fiat in compensationem injuriæ Deo illatæ, constituit peculiarem virtutem; II. externum S. ritum, quo per ministerium clavium peccata solvuntur; III. pœnam ipsam, & adjunctam resipiscentibus satisfactionem. Græci vocant μετανοίαν *metaniam*, idest *resipiscentiam*, ἑξομολόγησιν *exomologesim*, seu *confessionem*, præsertim Sacramentalem, & ἐπιτίμιον *epitimion*, idest pœnam, seu *multam* peccatis debitam, idest peccati animadversionem. Pœnitentiæ theologicæ acceptam tripliciter hoc loco spectabimus 1. Prout virtus est, II. prout est sacramentum, III. prout est pars Sacramenti præcipua,

## CAPUT I.

*De pœnitentiâ, prout virtus est.*

**D**efinitur pœnitentiâ communiter: *Virtus, qua commissa a nobis scelera detestamur, ac prævia firma illa emendandi voluntate, ea sponte vindicamus in compensationem injuriæ Deo illatæ.* Novatores, qui sola fiducia in Christum justificari impium putant, nil ultra ad veram pœnitentiâ requiri putant,



tant, præter melioris vitæ propositum: ac melius *resipiscen-*  
*tiam* dici, quam penitentiam. Verum ex sacris literis peni-  
 tentia, præter melioris vitæ propositum; etiam culpæ dete-  
 stationem, animi amaritudinem, & culpæ punitionem im-  
 portat. Nam If. 38. habetur: *Recogitabo tibi omnes annos meos*  
*in amaritudine animæ meæ.* Joelis 2. *Convertimini ad*  
*me ... in jejuniis, & fletu &c.* Luc. 3. *Facite fructus dignos*  
*penitentiae.* Hinc gemitus Davidis, jejunia Ninivitarum, la-  
 crymæ peccatricis mulieris, publicani humilitas, Petri amarum  
 fletus. Ex PP. Nazianzenus Or. 39. penitentiam vocat *lacry-*  
*marum baptismum*, & S. P. A. ep. 153. ait: *Quem veraciter*  
*penitet, quod malifecit, impunitum esse non finit.* His præno-  
 tatis sit

PROPOSITIO. Penitentia est vera virtus divinitus inspirata,  
 & a Sacramento diversa.

Prob. I. Matth. 3. & Act. 3. habetur: *Penitentiam agite,*  
*ut deleantur peccata vestra;* atqui Dei lex, cum sit sancta,  
 præscribit tantum actus virtutis; ergo &c. II. Virtus a D.  
 Thoma 3. p. q. 85. art. 1. definitur: *Habitus electivus secun-*  
*dum rectam rationem,* sed valde rationi congruit detestari pec-  
 cata, de iis dolere &c. ergo &c. III. Vel penitentia oritur  
 ex injuria Deo illata, quam compensare quis saragit, & ita  
 ex D. Thoma loc. cit. ad justitiam pertinet, vel concipitur  
 ob offensam Dei summopere diligendi, & sic juxta alios ad  
 caritatem spectat: ergo &c.

Dices. Ex Aug. *Virtus est ordo amoris,* sed penitentiam sæ-  
 pe in nobis excitat timor gehennæ; ergo &c. R. dist. maj.  
 est ordo amoris: prout caritas debet virtutibus dare formam  
 ac perfectionem, illas ad finem suum dirigendo, ne recto or-  
 dine careant, conc. quia absque caritate virtutes non sunt,  
 & absque illa actus suos bonos non exerunt, neg. Ostendit  
 enim cl. Auctor Tom. 4. ed. Rom. pag. 205. *Dari plures vir-*  
*tutum supernaturalium habitus absque caritate:* & l. 23. c. 10.  
 veram & supernaturalem fidem remanere in impio; & c. 12.  
 timorem servilem bonum esse & donum Dei. Sic penitentia,  
 prout oritur ex Dei amore, & odit peccatum ei contrarium,  
 spectat ad caritatem, & ab ea fluit: prout oritur ex timore,  
 constituit specialem virtutem, quatenus nititur injuriam Deo  
 illatam compensare. Sed cujusvis generis sit, ut habeat vir-  
 tutis formam, & sit recta undequaque, idest tum in se, tum  
 ex parte ejus quem penitet, debet a caritate dirigi in finem  
 suum. Idem docet S. Th. q. 85. art. 2.

Prob. II. pars. Licet enim ex parte nostri requiratur mo-  
 tus arbitrii, & dispositiones fidei, timoris, spei, ac dilectio-  
 nis, non sine gratia præveniente a nobis præmittendæ ut ju-

ificemur ex Trid. Syn. sess. 6. c. 5. & 6. Pœnitentiam tamen ex Deo esse evincitur ex Ps. 84. *Converte nos Deus, & Jer. 31. Converte me, & convertar &c.* Idem evincitur ex orationibus Ecclesiæ, quibus Deum rogamus: *Ut ad veram pœnitentiam nos perducere dignetur.* III. ex definitione Trid. Syn. sess. 6. c. 3. ubi confirmat quidquid de necessitate gratiæ ad omnia opera salutariæ adversus Pelagianos, & Semipelagianos producta sunt.

Opp. Zachar. 1. legitur: *Convertimini ad me, ait Dominus, & convertar ad vos;* ergo &c. R. hoc loco etiam Pelagianos apud August. l. de Gr. & arb. c. 5. abusos esse, quibus respondet S. D. *Nisi domum Dei esset ipsa ad Deum nostra conversio, non ei diceretur: Deus virtutum converte nos, Deus tu convertens &c.* *Converte nos Deus.* Locus ergo Zach. 1. libertatem commendat, non evertit Dei gratiam, qua fatemur nos a Deo preveniri.

Prob. III. pars: Pœnitentiæ enim, prout virtus est, tota se tenet ex parte pœnitentis, ut patet ex ejus definitione: ex adverso pœnitentiæ, prout est Sacramentum novæ legis: *Est Sacramentum a Christo institutum, quo fidelibus post baptismum lapsis & confessis, vi clavium, absolutio sacerdotalis impenditur:* unde exigit necessario sacerdotis potestate præditi absolutionem. Illa ait, S. Thom. q. 89. art. 1. est gratiæ prævenientis effectus, istud causa effectrix gratiæ sanctificantis, quæ quidem omnia ex mox dicendis plana fient.

## C A P U T II.

*Ostenditur pœnitentiæ esse verum Sacramentum a Christo institutum.*

NOT. I. Inter eos, qui primitus Sacramentum pœnitentiæ negarunt, recenset Bellarminus, aliique Scholastici, Montanistas, & Novatianos: eos tamen ab hoc errore immunes fuisse censent Juenin, Le-Droit, aliique recentiores, ex quo Tertullianus l. de Pudic. c. 2. asserat mundari delicta, *quæ quis in fratrem, non in Deum admiserit.* Et c. 19. distinguit inter peccata graviora, *quæ veniam non capiunt*, ut homicidium, idololatriam, & leviora peccata *quotidiane incursonis*, ut iracundiam, detractionem &c. Et de Novatianis scribit Ambrosius l. 1. de Pœn. c. 3. *Ajunt se exceptis gravioribus criminibus, relaxare veniam levioribus.* Verum, cum Epiphanius Hær. 59. S. Philastrius Hær. 82. S. Eulogius, Hieronymus, & Ambrosius ipse cap. 2. unanimiter doceant, Novatianos omnia peccata paribus estimasse mensuris, & æquæ

*eum, qui gallum gallinaceum, atque illum, qui patrem suffocaverit, perpetuo damnandum; dicendum, Montanistas, & Novatianos nimis odiosam agnoscentes illam criminum æqualitatem ab ea recessisse: unde Ambrosius post verba c. 3. laud. ait: Non hoc quidem Novatianus, qui nemini dandam pœnitentiam putavit. Falluntur, ergo recentiores, qui ajunt, ante sæculum XVI. neminem hoc Sacramentum impugnasse. De Valdensibus autem, Wiclefistis, & Hussitis dicimus cum Bossueto l. 11. Hist. Variationum, nunquam ab iis hoc Sacramentum fuisse negatum, licet improbos sacerdotes potestate sacramenta ministrandi carere affirmarent. Idem sentiunt Juehin, Tournelyus, Witalfe &c.*

Not. II. Negarunt tamen præfracte hoc Sacramentum Zuïnglius, Calvinus, Kemnitiùs, Illyricus &c. Lutherus, & Melancthon ancipites fuere, sed ubi pœnitentiam Sacramentum videntur agnoscere, negant absolutionem actum esse judiciale: sed ajunt esse declarationem extrinsecam, qua absolutus excitatur ad fidem, credens a Deo sibi remissa peccata. Eadem habet Confessio Augustana, quæ negat, pœnitenti necessarium esse enumerare peccata, modo ex Evangelio, seu absolutione credat propter Christum remitti peccata. His prænotatis sit

PROPOSITIO I. Pœnitentia est verum & proprium novæ legis Sacramentum, quo judiciaria potestate peccata solvuntur.

Prob. I. pars. Christus enim contulit sacerdotibus facultatem remittendi peccata, sed sacerdotes hoc præstant per verum & proprium Sacramentum pœnitentiæ; ergo &c. Prob. maj. Matt. 16. Petro ait Christus: *Quodcumque ligaveris super terram erit ligatum & in calis, & quodcumque solveris super terram erit solutum & in calis*: quam facultatem contulit etiam aliis Apostolis Jo. 20. dicens: *Accipite Spiritum S. quorum remiseritis peccata &c.* ergo &c. Prob. min. Verum Sacramentum exigit, ut sit a Deo institutum, ut externo signo gratiam significet, & producat, sed in laud. verbis habetur expresse divina institutio, tum ritus externus & gratiæ symbolum; nam ut sacerdos solvat peccata pœnitentis debet exteriori signo judicium proferre, quo conslet quibusnam remittat, quibus vero retineat. Exhibet etiam signum rei sacræ ipse pœnitens ad sacerdotis pedes provolutus, & sui ipsius accusator effectus. Hinc sequitur gratiæ collatio, sine qua neque peccati macula abstergitur, neque renovamur Spiritu S. ergo &c. Idem docet Trid. Synodus sess. 14. c. 1. ubi ait: *Dominus Sacramentum pœnitentiæ tunc instituit, cum insufflavit in discipulos dicens: accipite Spiritum S. &c. Quo insigni facto potestatem remittendi, & retinendi peccata Apostolis, & eorum legitimis successoribus fuisse communicatam PP. consensus semper intellexit.*

Prob. II. ex PP. Tertullianus l. de Pœn. c. 7. ait ; *Hec venena* ( peccata nempe post baptismum commissa ) *prævidens Deus collocavit in vestibulo pœnitentiam secundam &c.* Ne quis vero accipiat hanc pœnitentiam secundam pro sola resipiscentia ait : *Hujus pœnitentiæ secundæ quantum in arcto negotium est , tanto operosior probatio est , ut non sola conscientia præferatur , sed aliquo etiam actu administretur .* S. Cyprianus l. de Lap. p. 383. commendat remissionem factam per sacerdotes . Et ep. 67. conqueritur a Marciano Arelaten. pacem denegatam fuisse servis Dei pœnitentibus , & Ecclesiam lacrymis , & dolore pulsantibus . Et ep. 68. Pupianum rogat , ut sententiam dicat , ne tantus fidelium numerus sine spe salutis & pacis existeret videretur . Chrysostomus l. 2. de Sacerd. c. 5. summam sacerdotum dignitatem commendat , ex quo iis ; non angelis &c. dixerit Christus : *Quæcumque alligaveritis &c. & Quorum remiseritis &c.* Unde infert , eos plus posse , quam reges , qui tantum corporis vincula solvunt ; sacerdotes vero ipsam animam solvunt . Imo ait plus posse , quam Judæorum sacerdotes , cum ipsis non corporis lepram , verum animæ sordes purgare concessum sit .

Eadem habet Theophylactus , alique PP. Græci . Ambrosius l. 1. de Pœnit. c. 3. ait : *Deus misericordiam suam promissæ omnibus , & relaxandi licentiam sacerdotibus suis sine ulla exceptione concessit .* Hieronymus l. 1. Dial. pag. 504. ait , hominem redimi a peccato sanguine Salvatoris , aut in dono baptismatis , aut in pœnitentia , quæ imitatur baptismatis gratiam . Et ep. ad Demetriad. p. 790. pœnitentiam appellat : *Secundam post naufragium tabulam .* S. P. A. in Ench. n. 17. ait : *In Ecclesia remitti peccata : ipsam ideo Ecclesiam Spiritus S. piagnus accepisse , sine quo non remitterentur ulla peccata .* Et Tr. 49. in ea verba : *Solvite illum &c.* comparans reconciliationem peccatoris resurrectioni Lazari , ait : *Quid est solvite , & finite abire : Quæ solveritis in terra erant sunt soluta & in celis .* Victor Viten. l. 2. de Perf. Vand. n. 11. inducit fidelium turbas ante martyrum vestigia ita clamantes : *Quibus nos miseros relinquitis , dum pergitis ad coronas ? qui nobis pœnitentia munus collaturi sunt , & reconciliationis indulgentia obstrictos peccatorum vinculis solvaturi ? quia vobis dictum est : Quæcumque solveritis &c.* Sed ex his testimoniis illa nobis pœnitentia describitur , quæ includit exomologesim , qua sacerdotis ministerio pœnitentibus Ecclesia pacem largitur , & per quam sacri ministri animarum maculas purgant , solvunt , remittunt &c. ergo &c.

Prob. III. Ex perpetua Ecclesiæ consuetudine . I. enim nequeunt hæretici ostendere , quinam primus hoc Sacramentum , sive apud Orientales , sive apud Occidentales invexerit , qui unanimiter sacramentalem absolutionem pœnitentium agnoscunt , ejus-

ejusque varias exhibent formulas in Ritualibus libris a Morino, Martenio, aliisque collectas. II. Perpetuam hanc Orientalium fidem testantur Jobus Monachus, Simeon Thessalon. Jo. Palzologus, Hieremias Patr. C. P. alique, & plura momenta apud Allatum. III. Apud Jacobitas etiam, & Cophthos perpetuo obtinuisse, saltem in Ecclesiis catholicorum, demonstrant Bernatus, Vanslebicus, & Naironus apud Solerium. IV. Lutherus ipse, cui Melanchthon subscribit, inter Sacramenta baptismum, pœnitentiam, & panem recenset: unde in Confess. Augustana a. 11. legitur: *De confessione docent, quod absolutio privata retinenda sit.* Tandem retinuit hoc Sacramentum ipse etiam Henricus VIII. factus apostata. Constat ergo ex sacris litteris, ex consensu Ecclesiarum, ex PP. & ratione, pœnitentiam esse vere, & proprie Sacramentum pro fidelibus, quoties post baptismum in peccata labuntur, a Christo institutum, ut definit Trid. Syn. can. 1. de Pœnit.

Ob. I. Marci 2. legitur: *Quis potest peccata dimittere, nisi solus Deus?* ergo &c. II. In veteri lege nullum tale extitit Sacramentum, licet tunc etiam necessaria fuerit peccatoribus pœnitentia ex Trid. sess. 14. c. 1. ergo neque in nova. III. Sacrae litteræ Ps. 50. & Ezech. 18. remissionem peccatorum tribuunt soli impiorum conversioni, & resipiscentiæ; ergo &c. IV. ad Sacramentum certa verborum forma requiritur, sed hæc necessaria non est ad remissionem peccati, quod sola voluntate dimittitur; ergo &c. V. Locus Matth. 18. *Quæcunque ligaveritis &c.* accipi debet de injuriis invicem condonandis, teste Aug. ferm. 16. de Verbis Dom. Ita etiam exponit Theophylactus in Matth. Jo. vero c. 20. loquitur de remissione facta per baptismum; ergo &c.

R. ad I. Hoc argumentum urgeri etiam a Novatianis, quibus respondet S. Ambrosius l. 1. de Pœn. cap. 2. jus quidem Spiritus S. esse solvere & ligare &c. sed munus Spiritus S. esse officium sacerdotis, & l. 3. de Spiritu S. ait: *Per Spiritum S. peccata donantur, homines autem in remissionem &c. ministerium suum exhibent, non jus potestatis exercent.* R. II. cum Chrysost. dist. ant. Nemo potest dimittere auctoritate suprema, & propria virtute, conc. Spiritus S. munere, ministerio, & officio, neg. Id explicat S. D. exemplo regis & præfecti, qui non sua, sed regis potestate reos solvere potest, & vinculis alligare. Ad II. neg. conf. Ex quo enim necessaria semper fuerit pœnitentia, prout virtus est, non inferitur non debuisse institui pœnitentiam, prout est Sacramentum ad facilius assequendam remissionem, quam ex opere operato producit.

Ad III. neg. conf. Sicut enim per novatores cordis conversio

versio fidem non excludit, ita nec poenitentiam. Nam vere poenitens contemnere nequit sibi praestituta remedia. Ad IV. neg. min. Cum enim remissio illa fiat judiciaria potestate, opus est certa verborum forma. Ad V. dist. ant. Accipi debet relate ad fideles, qui debent injurias remittere commiseratione caritatis, conc. relate ad Ecclesiae ministros, qui *judiciaria* potestate absolvere possunt, neg. Nam S. D. in iis verbis agnoscit *claves datas Ecclesiae* l. 1. contr. adv. Leg. & *judicium propositorum* l. 20. de C. D. c. 9. Eadem sentit Theodoretus, qui ibid. injuriae remissionem distinguit, ab ea qua culpas solvunt sacerdotes.

PROPOSITIO II. Poenitentiae Sacramentum diversum est a baptismo.

Prob. a Trid. PP. sess. 2. de Poen. ubi plura assignant utriusque Sacram. discrimina I. Materia baptismi est aqua, forma: *Ego te baptizo*, sed neutrum adhibetur in poenitentia; ergo &c. II. Minister baptismi iudex non est, Ecclesia enim non judicat de iis, qui *in ipsam per baptismi* januam non sint ingressi, atqui minister poenitentiae habet judiciariam potestatem; ergo &c. III. Poenitentia iterari potest, non baptismus; ergo &c. IV. Per poenitentiam sola actualia crimina dimittuntur, per baptismum vero etiam originalis culpa dimittitur; ergo &c. Prob. II. Ex Aug. qui ep. 23. ad Bonif. ait, *parvulum regenerari per baptismum, si vero adultus malus evadat, tunc propria incipiet habere peccata, quae non regeneratione, sed alia curatione sanentur*. II. Per Aug. l. 1. de Bapt. c. 16. minister baptismi est etiam laicus, poenitentiae vero ii sunt, quibus *judicium datum est*, de quibus legitur: *Qua ligaveritis*. III. Baptismum non iterandum tradit S. D. passim contra Donatistas. Poenitentiam vero iterandam ait in ep. 54. ad Macedonium &c. nunc 153. in ep. 108. ad Seleuc. & l. 1. de Symb. c. 7. IV. Tandem diversum utriusque Sacramenti effectum ostendit cit. ep. ad Seleuc. merito ergo defuit S. Synodus Trid. Si quis dixerit ipsum baptismum poenitentiae Sacramentum esse, quasi haec duo distincta non sint, anathema sit.

Ob. I. Ex illo Jo. 20. *Quorum remisistis &c.* evincitur tantum, Apostolos jussos esse Evangelium annuntiare, & baptizare in remissionem peccatorum. Quem sensum habent etiam verba Matth. ult. *Euntes, docete &c.* ergo remissio illa baptismo est adscribenda, non poenitentiae, prout est Sacramentum. II. Marci 1. legimus Jo. praedicasse baptismum poenitentiae in remissionem peccatorum; ergo &c. Ap. ad Eph. c. 5. ait: *Christus seipsum tradidit pro Ecclesia, ut illam sanctificaret mundans lavacro aqua &c.* sed ibi omnis mundatio baptismum tribuitur; ergo &c.

Prob.

Prob. min. ex Augustino l. 1. de Nupt. c. 33. ubi ait: *Lavacro regenerationis omnia prorsus mala regeneratorum mudiari, etiam quæ posterius contrahuntur, non ut baptismi repetatur, sed quia ipso fit, ut non solum antea, sed etiam postea venia impetretur.* Eadem habet S. D. de Pecc. Orig. contra duas epist. Pel. & contra Jul. ergo &c. IV. Baptismo promittitur æterna salus, nec deletur unquam, eoque nobis imputatur iustitia Christi, sed promissio Dei, iustitia Christi, & virtus baptismi semper manet, cum doceant scholastici, recedente fictione gratiam recipere eum, qui fide baptizatur; ergo &c.

R. ad I. neg. anr. Nam longe diversus sensus est loci Jo. 20. & Matth. ult. Et licet Cyrillus l. 12. in Jo. primum testimonium in baptismo etiam vim habere asserat, *dignos ad baptismum vocando*, subdit tamen S. D. *Sed alio modo Spiritu S. afflati homines remittunt, ac retinent, nempe cum filios Ecclesie peccantes corripunt, vel pœnitentibus ignoscunt.* Ubi exemplum profert incestuosi Corinthii, quem Paulus tradidit in interitum, & postea contritum suscepit. Ad II. neg. conf. Nam baptismi Joannis non vi propria conferebat remissionem, unde Præcursor confluentes hortabatur, ut pararent viam Agno, qui tollit peccata mundi, vide Auctorem l. 31. c. 2.

Ad III. dist. min. Baptismo tribuitur omnis mundatio, quatenus per ipsum induimus Christum, & inferimur Ecclesie, ubi sunt peccatorum remedia, conc. quatenus hæc remedia excluduntur, neg. Valet ergo ad omnem mundationem baptismus, quia per ipsum regeneramur, & nisi per eum spiritalis vita daretur, nec pœnitentia, nec alia Sacramenta proderent.

Reapse Apostolus ibidem non solum lavacro baptismi tribuit salutem, sed fidei etiam, spei, & caritati: monens nos ut vitemus *immunditiam, avaritiam &c.* Ad prob. neg. conf. Nam S. D. post verba laud. statim subdit; *Quid enim prodesset vel ante baptismum pœnitentia, nisi baptismus sequeretur, vel postea, nisi præcederet?* Et l. 3. contr. duas ep. Pelag. *Si a me quisquam quesierit, utrum per baptismum salvi facti fuerimus... omni prorsus modo? respondeo, non ita est.* Et l. 6. contr. Jul. postquam scripsit pervenire hominem baptisinate etiam ad perfectionem futuri sæculi, ait hominem renovari de die in diem, atque id fieri, quando *opera spiritus eriguntur, opera carnis mortificantur.* Ad IV. dist. maj. Et ea promissio est *absoluta*, neg. *conditionata*, neque Sacramenta, neque custodiam mandatorum excludens, conc. Ex quo autem baptismus effectum producat, *sublato obice*, non sequitur remittere peccata, quæ *alia curatione sanantur*, neque aliorum sacramentorum effectus producere,

Ob. II. Licet in consecratione panis & vini diversa sit materia & forma; utraque tamen species ad eandem spectat Eucharistiam; ergo a pari. II. Eadem diversitas occurrit in presbyteratus, & episcopatus ordinibus, & tamen is non est ordo ab illo diversus, sed characteris extensio; ergo &c.

R. neg. conf. Nam in Eucharistia utraque species significat eandem cum Christo unionem, ad eandem spiritalem refectio-nem refertur, & eandem gratiam producit; at in baptismo ac penitentia diversa gratia confertur, diversa habetur significatio &c. unde non solum materialiter, sed etiam formaliter fecernuntur. Ad II. neg. conf. Nam dato etiam episcopatum non esse sacramentum, quod tamen controversitur, & a multis negatur; Sacramentum est tamen penitentia, quæ non solum constat propria materia & forma, sed etiam gratiam, relaxando actu alia delicta, sua efficacia producit. Vide Auctorem.

PROPOSITIO III. Sacramentum penitentiae est *precipue* institutum, cum Christus insufflavit in discipulos dicens: *Accipite Spiritum S. &c.*

Prob. I. auctoritate Trid. Syn. sess. 14. c. 1. supra laudati. Prob. II. ratione. Tunc enim *precipue* instituta est penitentia, cum Dominus discipulis suis ligandi & solvendi contulit potestatem, sed eam contulit post resurrectionem, quando insufflavit dicens; *Accipite &c.* ergo &c. Ubi nota: consulto a S. Synodo adhibitam particulam *precipue*, cum PP. de *judiciaria potestate* exponant verba: *Quaecumque ligaveritis &c.* quæ ante Christi resurrectionem prolata sunt: sed cum iis verbis potestas illa data non sit, sed promissa, non relucet in iis præcipua, ac propria institutio. Sicuti, quia verba illa: *Nisi quis renatus &c.* sonant potius baptismi instituendi necessitatem, quam ejus institutionem, licet ab omnibus de baptismo explicentur, de ejus institutione accipi non debent, sed de necessitate. Hinc D. Thomas q. 84. art. 7. ait, *actus penitentis*, qui sunt penitentiae materia, indictos a Christo initio prædicationis, *officium ministrorum* institutum Matth. 16.; post resurrectionem denique *efficaciam hujus Sacramenti* manifestatam; recte ergo S. Synodus apposuit particulam illam *precipue*.

PROPOSITIO IV. Hoc Sacramentum lapsis necessarium est ad salutem.

Prob. I. Per Sacramentum penitentiae peccata solvuntur ex Prop. I. ergo &c. II. Trid. Syn. sess. 14. c. 2. ait: *Hoc Sacramentum lapsis post baptismum est necessarium ad salutem, ut nondum regeneratis ipse baptismus, sed sine baptismo, vel in re,*  
vel



vel in voto, nemo salutem consequitur; ergo &c. III. S. P. A. Ep. 180. ad Honoratum ait: *Si ministri desint, quantum exitium sequitur eos, qui de seculo exeunt, vel non regenerati, vel ligati?* Et de adulter. Conj. l. 1. c. ult. *Quæ autem baptis-matis, eadem reconciliationis est causa;* ergo &c. IV. Accedit ratio: sacerdotes enim sunt iudices in Ecclesia, & ministri a Domino constituti; ergo rei manent, qui cum possint renuunt ab ipsis absolvi, sicut reus in humanis permanet quisquis furtum, aut homicidium patravit, donec a principe, aut iudice absolvatur.

PROPOSITIO V. Non datur peccatum irremissibile.

Prob. I. If. i. v. 16. legitur: *Lavamini, mundi estote, aufer-te malum cogitationum vestrarum.* Et y. 18. *Si fuerint peccata vestra ut coccinum; quasi nix dealbabuntur.* Jer. 34. *Revertatur unusquisque a via sua pessima, & propitius ero peccato eorum.* Ezech. 18. *Si impius egerit pœnitentiam, non morietur.* Jbel. 2. *Convertimini ad Dominum, quia benignus & misericors est.* Quæ loca proferunt S. Cyprianus, Ambrosius, & S. Pacianus, qui in ep. 1. idem confirmat exemplo Davidis pœnitentis, cui propheta respondit: *Dominus abstulit a te peccatum tuum.* II. Deus vel pœnitentiam indicit, vel impœnitentibus mortem comminatur, sed numquam Deus non pœnitentibus comminaretur, nisi ignosceret pœnitenti, ait ib. Pacianus; ergo &c. *Quid autem durius,* ait Ambrosius l. 1. de Pœn. c. 1. *quam ut indicant pœnitentiam, quam non relaxent. Nemo enim potest bene agere pœnitentiam, nisi qui speravit indulgentiam.*

Prob. II. ex PP. Ambrosius c. 2. de Pœn. ita Novatianos exagitat dicens: *Patrem vestrum propria damnatis sententia, qui distinctionem peccatorum facitis, sed Deus distinctionem non facit, qui misericordiam suam promisit omnibus, & relaxandi licentiam sacerdotibus suis sine ulla exceptione concessit.* Cypr. ep. 52. ad Ant. ait: *Si invenimus a pœnitentia agenda neminem debere prohiberi, exorantibus Domini misericordiam per sacerdotes ejus pax potest concedi.* S. Pacianus idem probat ex Evang. parabolis drachmæ muliebris, ovis erraticæ, filii prodigi &c. Post hæc communem Novatianorum responsionem sic refellit: *Solus hoc, inques, Deus poterit. Verum est: sed & quod per sacerdotes suos facit, ipsius potestas est. Nam quid est, quod dicit: Quæ ligaveritis &c.* S. P. A. l. de Agone Christiano c. 31. de Novarianis ait: *Dum nolunt credere datas Ecclesie claves regni cælorum, ipsi eas de manibus amiserunt: nam quibus veniam peccatorum negant, non eos aliqua sanitate custodiunt, sed agris subtrahunt medicinam.* Cumque l. 1. de serm. Dom. in monte scripsisset dari peccatum, quod nequit remitti, l. l. Retr. c. 19. id corrigens, ait: *Addendum fuit, si*

*in hac perverſitate vitam finierit, quoniam de quocumque peſſimo in hac vita non eſt deſperandum? ergo &c.*

Prob. III. ex definitionibus Eccleſiæ. Nam S. Cornelius in Concilio 60. Episcoporum opinionem Novati declaravit: *Immaniſſimam, & a fraternâ caritate alienam, & in eadem Synodo confirmata ſunt decreta Synodi Carthagin. de lapſis recipiendis*, a Cypriano coactæ, Collegit etiam Cornelius ea de re episcoporum ſententias, qui Rom. Synodo non interſuere *per Italiam, & Africam, aliorumque locorum provincias*, ut narrat Eusebius l. 6. c. 43. conſtat ergo Cornelii ævo omnes catholicum dogma propugnasse. A ſæculo III. ad hæc uſque tempora ſemper Eccleſia Novatianum dogma execrata eſt, & præter Conc. Lateran. IV. an. 1215. celebratum, quod anti- quas definitiones confirmavit, Trid. Synodus ſeſſ. 14. c. 1. ait: *Novatianos remittendi poteſtatem negantes Eccleſia catholica ſan- quam hæreticos condemnavit.*

Prob. IV. ratione. Deus enim veniam obtulit Caino fratri- cidæ; unde Epiphanius inferit, neminem, *ſi exciderit, ab Ec- cleſia deſerendum eſſe*. II. In ſententia Novatiana plus eſſet vi- rium devicto diabolo ad perdendas animas; quam Chriſto ad eas ſanandas, ut notat S. Pacianus ep. 1. & Ambroſius l. 1. de Pœn. c. 3. *Quos Chriſtus ad ſalutem redemit, eos Novatianus damnat ad mortem*, & D. Hieronymus in ep. 82. ad Ocea- num ait, inde ſequi, quod *Chriſtus fruſtra mortuus ſit, ſi ali- quos vivificare non poteſt*. III. Præcipit Chriſtus, ut Eccleſiæ miniſtri miſericordiam ſuam imitentur; ut pro omnibus orent, neminem deſerant &c.; ergo &c.

Ob. I. Eccleſiaſticus c. 21. ſemel lapſum ad reſiſcentiam exhortatus ait: *Quaſi romphaea bis acuta omnis iniquitas, pla- ge illius non eſt ſanitas*; ergo &c. II. Prov. c. 1. ll. 45. & Jer. 7. habetur: *In interitu veſtro ridebo*. III. Amos 1. *Super tribus ſcleribus, & ſuper quatuor non convertam eum*. IV. 1. Reg. 2. *Si in Dominum peccaverit vir, quis orabit pro eo?* V. Mach. 9. *Orabat hic ſcleſtus Dominum, a quo non eſſet miſericordiam conſe- cuturus*. Et Hebr. 12. de Eſau habetur: *Non invenit pœnitentiae locum, quamquam cum lacrymis inquiſiſſet eam*; ergo &c.

R. ad I. neg. ant. Vult ergo Eccleſiaſticus peccata divinam maiestatem irritare, atque homini tale vulnus inferre, cui ſo- lus Deus ſua gratia mederi poteſt. Ad II. R. ea loca acci- pienda eſſe de iis, qui conversionem differunt de die in diem: unde juſto Dei iudicio deſerunt, & deſeruntur, ſicque miſer- rime pereunt. Ad III. R. Hieronymus, peccatum *quartum eſſe poſt peccatum non agere pœnitentiam, in ſuo ſibi compla- cer: delicto*. Theodoretus, aliiſque hunc locum exponunt, quod iterata ſclera Deum compellunt ad punitionem.

Ad

Ad IV. R. Eli ibi filios a scelere detertere voluisse dicendo, cum sacerdotes pro populo interpellent, si ipsi peccent, nullus e populo pro iis offert sacrificium, ita S. P. in Pf. 136. Ambrosius autem l. 1. de Poen. ait, ea phrasi quæri, non excludi, *qui in tali causa orare possit*, ut non excluditur habitator tabernaculi Dei ex v. 1. Pf. 14. *Quis habitabit &c.* sed significari non quemcumque de vulgo orare debere, ut Moyses pro populo. Ad V. R. Chrysostomus, Esau non ut oportuit egisse poenitentiam: Nam de amissa hæreditate, non de culpa doluit; sed continuo in fratrem odio, & invidia contabuit. Adde, Apostoli locum accipiendum de benedictione paterna, quam Esau non potuit lacrymis invenire, ut legenti patet. Antiochus etiam non de culpa doluit, sed de pœna, quia factorem suum ferre non poterat, ut legitur loco cit. Unde insert S. P. Antiochum non fuisse dignum, cui misereretur Deus.

Ob. II. Matth. 12. habetur: *Quicumque dixerit verbum contra Filium remittetur ei, qui autem contra Spiritum S., non remittentur ei, neque in hoc sæculo, neque in futuro.* II. Hebr. 6. habetur: *Impossibile est eos, qui semel sunt illuminati... & prolapsi sunt, rursus renovari ad poenitentiam, rursus crucifigentes Filium Dei &c.* III. Ib. c. 10. habetur: *Voluntarie peccantibus post acceptam notitiam veritatis, jam non relinquitur pro peccatis hostia.* IV. 1. Jo. 5. legitur: *Est peccatum ad mortem non pro illo dico, ut roget quis; ergo &c.*

R. ad I. retorq. argum. Ibi enim dicitur: *Omne peccatum, & blasphemia remittetur; cur ergo alligant vincula, que non solvunt?* ait Ambrosius l. 2. de Poen. Deinde, si Filius, & Spiritus S. est Deus, & tamen blasphemia in Filium remittitur; ergo non a gravitate peccati, sed aliunde repeti debet, si non dimittitur. R. II. cum Aug. serm. 71. de Verb. Ev. Matth. n. 23. blasphemiam in Spiritum S. esse peccatum impoenitentia contra donum Dei, & gratiam regenerationis, vel reconciliationis, que fit in Ecclesia in Spiritu S. ex. gr. peccatum hæreticorum, & schismaticorum, quos non poenitet ejus peccati, quo alieni sunt ab Ecclesia Dei, in qua per gratiam Spiritus S. fit remissio omnium peccatorum. Hæc responsio falsa videtur Tournelyo, & Bellarmino, ex quo nec blasphemia in Filium remittatur, si cum impoenitentia finali conjungatur.

Verum non ait S. P. ib., blasphemiam in Spiritum S. esse tantum impoenitentiam finalem, sed talem esse dividi a Christo, & velle extra unitatem corporis ejus remissionem peccatorum; itaut, si quis ab Ecclesia separatus agat poenitentiam, & non redeat ad unitatem, salvari nequeat. Unde S. D. Ep. ad Bonif. exponens quodnam sit peccatum, quod numquam dimittitur, ait: *Hoc est autem duritia cordis usque*

*usque ad finem vitæ, qua homo recusat in unitate corporis Christi, quod vivificat Spiritus S. remissionem accipere peccatorum.* Per Augustinum ergo vere & proprie numquam blasphemia in Spiritum S. dimittitur, quia nunquam est particeps Dei caritatis, qui hostis est unitatis. Sed qui in Ecclesia est, licet blasphemet in Filium, si pœniteat, veniam consequetur, quærens Spiritum S. in corpore Christi: contra vero ab Ecclesia alienus, repugnans gratiæ vivificari nequit spiritu Christi, qui est salvator tantum corporis sui. Eadem sentit Ambrosius, qui cap. 4. ait, blasphemos esse in Spiritum S. *qui membra Christi discernunt, & separant Ecclesiam Domini.* Hinc tamen non sequitur, irremissibilia esse peccata schismaticorum &c. sed solum, remissionem non haberi extra Ecclesiam.

R. II. cum Chrysostomo, Matth. per verba illa: *Non remittetur &c. significare voluisse præ omnibus hoc peccatum minus esse ignoscibile, & peccatum veritatem apertissimam impugnantium difficilius remitti: quo sensu dicitur Matth. 24. Cælum, & terra transibunt, verba mea non præteribunt.* Et ratio est, quia peccatum illud est ex malitia, non ex ignorantia, adeoque nec spes est resipiscentiæ. Ad II. R. I. cum Epiphanio, Chrysostomo, Ambrosio, aliisque sensum Apostoli esse, eos, qui semel baptismo renovati sunt, non posse iterato baptismate consequi amissam regenerationis gratiam, quæ iteratio summa est Christi injuria, quasi semel affixus cruci rursus mori debeat ad exhaurienda peccata. Quod non impedit, quin patrata a baptizatis crimina deleri possint per pœnitentiam. Semel enim renascimur, at amissam valetudinem sæpius instauramus. Epiphanius enim notat, Apostolum loqui adversus eos, qui Judaicis moribus assueti, volebant baptismum identidem usurpare. Inconcussa est ergo allata responsio.

R. II. alii: *τὸ impossibile* ab Apostolo dici, quod arduum & difficillimum est usitata scripturæ phrasi. Ad III. dist. ant. cum Chrysostomo hom. 20. *Non est amplius hostia, hoc est non est amplius crux secunda, hoc enim vocat hostiam Apostolus, conc. non est amplius pœnitentia, neque est amplius remissio, neg.* Vid. R. præced. Ad IV. neg. conf. Nam ex can. 5. Nicæn. II. *peccatum ad mortem est quando quidam peccantes incorrepti persistunt.* Accedit S. P. A. l. de Corr. & gr. c. 12. ubi ait, illud peccatum esse *fidem, quæ per dilectionem operatur, deferere usque ad mortem.* Nam pro quovis pessimo peccatore vivente non est desperandum, nec pro illo imprudenter oratur, de quo non desperatur.

Opp. III. PP. Ecclesiæ: I. Hermas, seu Pastor de iis, qui  
Deum

Deum negarunt ait l. 3. Similit. 3. *His igitur non est locus pœnitentie.* II. Tertull. de Pudic. c. 1. improbat Zephirini editum, quo Pontifex maximus edicit: *Ego & machie & fornicationis delicta pœnitentia sanctis dimitto.* De Pœnit. autem l. 7. ait: *Collocavit, Deus, in vestibulo pœnitentiam secundam, sed amplius numquam, quia proxime frustra; ergo &c.* III. Auctor Const. Ap. l. 2. c. 23. *Si quis rebellis delinquat tentans Deum, quasi malos non insectantem, hujuscemodi venia carebit.* IV. Idem docuere Origenes, & Theognostus apud Athan. ep. ad Serap. qui eorum sententiam probat, si restringatur ad blasphemiam in Spiritum sanctum. V. S. Cyprianus de Lapsis pag. 379. ostendit, nec Moysen pro peccatis populi orantem obtinuisse peccatoribus veniam, quæ aptat illud Ezech. 14. *Si Noe, Daniel, & Job fuerint in medio ejus, filium, & filiam non liberabunt.* VI. S. Pacianus Ep. 3. de blasphemia in Spiritum S. qua impius non vult videre quod videt, ait: *Hoc est ergo, quod non dimittetur.* VII. Ambrosius l. 2. de Pœn. c. 4. ait, hæreticis, & schismaticis denegari indulgentiam: & l. de Lapfu virginis ait: *Quæ proprio in Dominum peccasti, ab ipso solo te convenit in die judicii expectare remedium.* VIII. Hieronymus ait in cap. 12. Matth. *Qui manifeste intelligens opera Dei, cum Dei virtutem negare non possit, eandem calumniatur, & Christum, & opera Spiritus S. dicit esse Beel-zebul, isti non dimittetur neque in hoc seculo &c.* Et ep. ad Marcellum ait: *Probet Novatianus aliquem de his, qui sacrificare compulsi sunt, respondisse omnia, quæ in Evangelio scripta sunt a Beel-zebul fuisse perfecta, & tunc poterit approbare irremissibilem in Spiritum S. esse blasphemiam. Doceat aliquem negatorem Beel-zebul vocasse Christum, & uliro referam gradum, negatorem non posse veniam consequi post ruinam; ergo &c.*

¶ ad l. dist. ant. *Non est locus impœnitentibus, & obstinatis, de quibus Hermas verba facit, conc. resipiscentibus, neg. de his enim ait: Si cito pœnitentiam egerint, in turri secundam habebunt, si autem non egerint, mortem sibi acquirunt.* Ad II. ¶. Tertullianum cum librum edidit de Pudicitia jam defecisse ad Montanistas. In lib. autem de Pœn. hæc habet Tertullianus: *Nemo idcirco deterior sit, quia Deus melior est, roties delinquendo, quoties ignoscitur.* De his tamen, qui iterum delinquant ait: *Iterata valetudinis iteranda medicina est.* Ad III. dist. ant. *Venia carebit, nisi pœniteat, conc., seculus, neg.* Legitur enim ib. *Gravius delictum idololatria non reperitur; nihilominus tamen & illud per sinceram pœnitentiam condonatum est.*

Ad IV. ¶. ex Athanasio duo affirmari ab Origene, & Theo-

Theognosto, primum blasphemiam in Spiritum S. esse, cum ii, quibus in baptismo donum Spiritus S. tribuitur, ad peccata recidunt, alterum hos remissionem non consecuturos: sed prior pars ab Athanasio refellitur n. 12. & 13. Nam Paulus Corinthium, qui post baptismum peccaverat, pœnitentem suscepit, & Galatas reformare studuit. Quod vero baptizatorum peccata non remittantur, Origenes non absolute affirmavit, sed relate ad eorum peccata, qui ante baptismum delinquant, ob Ecclesiæ disciplinam, qua olim lapsi a fidelium communione rejiciebantur. Nam l. 3. contra Cels. ait: *Qui peccata sua damnant toto pectore, ac mox mutationem præferunt, eis demum condonat, Deus, errata præterita.* Idem de Theognosto dicendum est, cujus opera periire. De Cypriano dicemus alibi. Athanasius autem blasphemiam in Spiritum S. irremissibilem appellat, si adsit perversitas, quod sæpe contingit: nam blasphemiam illam S. D. sæpe Arianis adscribit; atqui Athanasius in Synodo Alexandrina ann. 362. decrevit, Arianos esse recipiendos modo hæresim ejurarent, & Nicænâ fidem susciperent; ergo &c. Et l. de comm. Essentia Patris &c. pag. 79. ait: *Non dixisse Christum blasphemanti, & pœnitentiam agenti remissionem dandam non esse, sed blasphemanti, id est in blasphemia remanenti. Quandoquidem nullum est peccatum irremissibile apud Deum illis, qui vere & ex animo pœnitentiam agunt.*

Ad V. &. S. Cyprianum iis verbis voluisse gravitatem criminis ostendere, & veniæ difficultatem, vel peccantis populi obstinationem, qui dura cervice semper Spiritui S. resistere. Ad VI. Idem esto responsum: qui enim nolunt videre quæ vident, sunt impœnitentes, & in malo obdurati: ait enim ib. Novarianos refutari Christi sententia: *Quæcumque solveritis &c.* quibus verbis ait, *Christus nihil excepit, non magna, non modica peccata.*

Ad VII. Missa responsione Morini, aliorumque, quam merito improbat cl. Auctor hoc loco, quem consulere potes, responderet Ambrosium appellasse inexpressibile hæreticorum scelus pro eo tempore, quo segregantur a Christi membris, juxta Augustini doctrinam supra explicatam. In lib. vero de Lapsu virginis nil aliud intuit S. D. nisi mulierem illam Susannam nomine, quæ post emissum virginitatis votum sæpius ab adolescente vitiata cum maxima plurimorum offensione infantem necasse dicebatur, debere juxta disciplinam illius ævi ad extremum usque vitæ in pœnitentia persistere. Ceterum eandem lapsum ib. sic hortatur: *Sed tu, quæ jam ingressa es agonem pœnitentiæ, fortiter inhere, tamquam in naufragiis, tabule, sperans per ipsam te de profundo criminum liberari.*

Ad

Ad VIII. dist. conf. Ait Hieronymus, blasphemiam in Spiritum S. numquam remitti absolute, neg. si in improbitate permaneant, ut faciunt plerumque qui peccant, non ignorantia aut infirmitate, sed malitia & perveracia, conc. Constat enim Hieronymum in ep. ad Oceanum Novatianos aperte refellere; Et in ep. ad Marcellam contra eosdem demonstrat, blasphemiam in Spiritum S. non esse quodlibet lethale crimen baptizatorum, quod probat iisdem Athanasii argumentis in ep. ad Serapionem. Vide Auctorem.

## CAPUT III.

*De prima pœnitentiæ parte, idest de Contritione.*

NOT. I. Tres pœnitentis actus contritionem nempe, confessionem, & satisfactionem esse Sacramenti Pœnitentiæ quasi materiam cante a Trid. PP. definitum est, indefinitum relinquendo scholasticis, num actus illi sint materia *intrinseca*, an *objectiva* & extrinseca: mens enim S. Synodi erat Lutheranos refellere, qui duas statuebant partes Pœnitentiæ, nempe terrores conscientie incussores, & fidem conceptam ex Evangelio, seu absolutione, qua quis credit sibi remissa esse peccata, ut habetur art. 12. Confess. Augustanæ. Ubi male terrores incussi pars pœnitentiæ dicuntur, male his adnumeratur fides, male absolutionis tribuitur munus Evangelii &c.

NOT. II. Catholicos omnes requirere ex parte pœnitentium, contritionem cordis, confessionem oris, & operis satisfactionem. Quæ tria simul comprobant ratio Sacramenti, quod per modum iudicii est institutum, & in quo resipiscentia, & dolor necessario requiritur ad vitæ emendationem, & ut dispositio reconciliationis; confessio præmittenda est, ut iudex cognita causâ sententiam ferat, satisfactio tandem, ut injuria Deo illata reparetur. Unde S. P. A. in Ps. 146. ait: *Sanat contritos corde, sanat confitentes, sanat seipsos punientes*. Has tres partes nonnulli explicant exemplo Publicani, Niniuitarum, Lazari, & filiarum Archisynagogi, sed horum plura symbola potius sunt, quam firma & inconcussa argumenta. His notatis sit

PROPOSITIO I. Nec terrores incussi, nec fides sunt partes pœnitentiæ, sed contritio, confessio, & satisfactio.

Prob. I. pars. I. enim illa sunt potius contritionis origo vel causa, non ipsa contritio, licet hæc non uno ex capite oriri possit. II. Contritio, ac pœnitentia virtus est, non prout importat passionem indeliberatam, & extrinsecus proveniente, sed prout dicit motum aliquem liberum, rectamque

volun-

voluntatis electionem, ut ait S. Thom. 3. p. q. 83. art. 1. atqui terror incussus passionem dicit, externa peccatorum intimatione excitatam, non electionem; nec propositum voluntatis, aut liberum aliquem motum; ergo &c. III. docent hæretici, terrores, quos *contritionem* appellant, nasci, cum verbo Dei redarguuntur peccata, quibus peccator percipiens suorum criminum foeditatem; timore concutitur; sed dolor ex terrore proveniens per novatores non poenitentem aliquem facit, sed magis hypocritam, & peccatorem; ergo nec in sententia hæreticorum terrores illi pars sunt poenitentiae. IV. Si terrores illi sint pars poenitentiae, quia Evangelium redarguens peccata terrorem incutit, *cui pari ratione spem, charitatem, ceterasque virtutes* (nam & spem & caritatem &c. in nobis excitat, ac precipit Evangelium) *non faciunt esse poenitentiae partes?* ut in Harm. Confess. Augustanae arguit Andreas Leodius.

Prob. II. pars. Quamvis enim ad remissionem peccatorum fidem necessariam esse catholici fateantur, negant tamen esse poenitentiae partem, non enim sequitur, ex quo fides ad poenitentiam praequiratur, ejus tamen esse partem, sicut non tenet hæc illatio: *Cognitio dilectionem præcedit; ergo hujus est pars.* Inepte etiam ratiocinantur Novatores, cum ajunt, fides est primum gratiae donum, quod causat poenitentiam; ergo hujus est pars: sicut inepte quis argueret dicens, Deus est rerum omnium causa effectrix; ergo & earum pars. II. Novatores fidem post terrores enumerant, sed qui non credit Deum impios perdere in gehennam, hanc non metuit; ergo fides præcedit, non sequitur terrores incussos. Docent etiam hæretici, veram fidem in peccatore non esse; quomodo ergo potest justificari per fidem, quando ei offertur per Evangelium remissio? Vide Auctorem. Merito ergo Novatorum doctrinam confixit Leo X. & Trid. Synodus, eamque execrati sunt, præter Melanchthonem. Cassander. Leodius, Hoffmeisterus, Virvesius, aliique hæretici, & catholici omnes.

Prob. III. pars, ex Not. II. hujus cap. Contritio autem, quæ in his tribus partibus priorem locum habet, definitur a Trid. PP. *Animi dolor, ac detestatio de peccato commisso, cum proposito non pescandi de cætero.* Hunc dolorem præcedere fidem, spem, & aliquam dilectionem Theologi docent. Ad justificationem quippe disponimur, dum excitati, & adjuti divina gratia fidem ex auditu concipientes libere movemur in Deum credentes, quæ divinitus revelata, & promissa sunt; atque inter ea, Deum esse remuneratorem bonorum operum, & malorum vindicem: quæ omnia imbuti fide memoria re-

peten-



petentes utiliter divinæ justitiæ timore concutimur. Hinc docent scholastici, initium poenitentiae esse ex timore: nam ex Aug. *Timor primo occupat mentem*: non tamen in eo sistit, sed inde ad considerandam Dei misericordiam se convertens, fidens Deum propter Christum sibi propitium fore, conceptum timorem ipse firma consequitur.

Hac itaque fretus Deum tamquam omnis justitiæ fontem diligere incipiens, peccata odit, & detestatur, statuit ab iis cessare, & novam vitam incipere: ita peccatum, quod coeperat displicere propter supplicia, displicet subinde ob Dei offensam. Hæc Trid. Syn. sess. 6. Hinc sequitur I. timorem servilem esse donum Dei, & disponere ad gratiam, & *quasi locum preparare caritati*, ut ait S. P. A. II. non rejici a nobis fidem, ut calumniabantur hæretici, III. contritionem nostram non coactam esse, sed liberam. Vid. Auct. l. 19. c. 4. & l. 23. c. 12. Ad contritionem autem necessarium esse etiam novæ vitæ propositum ex Trid. constat sess. 6. c. 4. Atque illud debere esse explicitum, & *formale* probabiliter cum Soto, Cajetano, Sylvio, aliisque existimamus. I. enim ipsum propositi nomen deliberationem aliquam sonat, II. Concilii verba odium vitæ veteris, & novæ propositum in contritione esse declarant. III. Hæc sententia tutior est, & in re Sacramentaria tenenda. Unde Sylvius ipse ait: *Per se, seu ordinario loquendo, propositum non peccandi debere esse formale, & expressum, alioquin frustra hanc partem CUM PROPOSITO &c. in definienda contritione addidissent Concilia Florent. & Trid. nisi intellexissent, debere esse explicitum, quia implicitum continetur in priori parte: DOLOR DE PECCATO &c.* quibus verbis Concilii proscribitur hæreticorum articulus, quo ajunt, *contritionem, quæ paratur per discussionem, collectionem, & detestationem peccatorum non preparare ad gratiam Dei.*

Hujus contritionis tres sunt conditiones, nempe ut sit interior, vera, & supernaturalis. I. conditio evincitur ex scripturis, ubi legitur: *Convertimini ad me in toto corde*, tum ex definitione cit. Concilii Trid. & ex ratione: nam in animo extat ratio virtutis, & meriti. Hinc dolor sensibilis in lacrymas erumpens, licet laudabilis, verus non est, nisi animum cruciet. II. conditio est, ut sit vera, non fallax, qualis plerumque est in iis, qui tenues quasdam ac steriles animi commotiones existimant veræ contritionis effecta, quæ sane vera non est, nisi sit ex toto corde. III. conditio est, ut sit supernaturalis, ut constat ex Prop. 57. ab Innoc. XI. proscripta: *Probabile est sufficere attritionem naturalem, modo honestam*. Hinc Trid. Syn. sess. 6. c. 3. ait, *neminem sine Spiritus S. inspiratione poenitere posse, sicut oportet*; qui ergo propter infir-

Ob. II. Licet in consecratione panis & vini diversa sit materia & forma; utraque tamen species ad eandem spectat Eucharistiam; ergo a pari. II. Eadem diversitas occurrit in presbyteratus, & episcopatus ordinibus, & tamen is non est ordo ab illo diversus, sed characteris extensio; ergo &c.

R. neg. conf. Nam in Eucharistia utraque species significat eandem cum Christo unionem, ad eandem spiritalem refectionem refertur, & eandem gratiam producit; at in baptismo ac penitentia diversa gratia confertur, diversa habetur significatio &c. unde non solum materialiter, sed etiam formaliter fecernuntur. Ad II. neg. conf. Nam dato etiam episcopatum non esse sacramentum, quod tamen controvertitur, & a multis negatur; Sacramentum est tamen penitentia, quæ non solum constat propria materia & forma, sed etiam gratiam, relaxando actu alia delicta, sua efficacia producit. Vide Auctorem.

PROPOSITIO III. Sacramentum penitentiae est *precipue* institutum, cum Christus insufflavit in discipulos dicens: *Accipite Spiritum S. &c.*

Prob. I. auctoritate Trid. Syn. sess. 14. c. 1. supra laudati. Prob. II. ratione. Tunc enim *precipue* instituta est penitentia, cum Dominus discipulis suis ligandi & solvendi contulit potestatem, sed eam contulit post resurrectionem, quando insufflavit dicens; *Accipite &c.* ergo &c. Ubi nota: consulto a S. Synodo adhibitam particulam *precipue*, cum PP. de *iudiciaria potestate* exponant verba: *Quaecumque ligaveritis &c.* quæ ante Christi resurrectionem prolata sunt: sed cum iis verbis potestas illa data non sit, sed promissa, non relucet illi iis præcipua, ac propria institutio. Sicuti, quia verba illa: *Nisi quis renatus &c.* sonant potius baptismi instituendi necessitatem, quam ejus institutionem, licet ab omnibus de baptismo explicantur, de ejus institutione accipi non debent, sed de necessitate. Hinc D. Thomas q. 84. art. 7. ait, *actus penitentis*, qui sunt penitentiae materia, indictos a Christo initio prædicationis, *officium ministrorum* insinuat Matth. 16.; post resurrectionem denique *efficaciam hujus Sacramenti* manifestatam; recte ergo S. Synodus apposuit particulam illam *precipue*.

PROPOSITIO IV. Hoc Sacramentum lapsis necessarium est ad salutem.

Prob. I. Per Sacramentum penitentiae peccata solvuntur ex Prop. I. ergo &c. II. Trid. Syn. sess. 14. c. 2. ait: *Hoc Sacramentum lapsis post baptismum est necessarium ad salutem, ut nondum regeneratis ipse baptismus, sed sine baptismo, vel in re,*  
vel

vel in voto, nemo salutem consequitur; ergo &c. III. S. P. A. Ep. 180. ad Honoratum ait: *Si ministri desint, quantum exitum sequitur eos, qui de seculo exeunt, vel non regenerati, vel ligati?* Et de adulter. Conj. l. 1. c. ult. *Quæ autem baptismatis, eadem reconciliationis est causa;* ergo &c. IV. Accedit ratio: sacerdotes enim sunt iudices in Ecclesia, & ministri a Domino constituti; ergo rei manent, qui cum possint renunt ab ipsis absolvi, sicut reus in humanis permanet quicquid factum, aut homicidium patravit, donec a principe, aut iudice absolvatur.

PROPOSITIO V. Non datur peccatum irremissibile.

Prob. I. If. 1. v. 16. legitur: *Lavamini, mundi estote, auferite malum cogitationum vestrarum.* Et y. 18. *Si fuerint peccata vestra ut coccinum; quasi nix dealbabitur.* Jer. 34. *Revertatur unusquisque a via sua pessima, & propitius ero peccato eorum.* Ezech. 18. *Si impius egerit pœnitentiam, non morietur.* Joel. 2. *Convertimini ad Dominum, quia benignus & misericors est.* Quæ loca proferunt S. Cyprianus, Ambrosius, & S. Pacianus, qui in ep. 1. idem confirmat exemplo Davidis pœnitentis, cui propheta respondit: *Dominus abstulit a te peccatum tuum.* II. Deus vel pœnitentiam indicit, vel impœnitentibus mortem comminatur, sed numquam Deus non pœnitentibus comminaretur, nisi ignosceret pœnitenti, ait ib. Pacianus; ergo &c. *Quid autem durius,* ait Ambrosius l. 1. de Pœn. c. 1. *quam ut indicant pœnitentiam, quam non relaxent.* Nemo enim potest bene agere pœnitentiam, nisi qui speravit indulgentiam.

Prob. II. ex PP. Ambrosius c. 2. de Pœn. ita Novatianos exagitat dicens: *Patrem vestrum propria damnatis sententia, qui distinctionem peccatorum facitis, sed Deus distinctionem non facit, qui misericordiam suam promissit omnibus, & relaxandi licentiam sacerdotibus suis sine ulla exceptione concessit.* Cyp. ep. 52. ad Ant. ait: *Si invenimus a pœnitentia agenda neminem debere prohiberi, exorantibus Domini misericordiam per sacerdotes ejus pax potest concedi.* S. Pacianus idem probat ex Evang. parabolis drachmæ muliebris, ovis erraticæ, filii prodigi &c. Post hæc communem Novatianorum responsonem sic refellit: *Solus hoc, inquit, Deus poterit. Verum est: sed & quod per sacerdotes suos facit, ipsius potestas est. Nam quid est, quod dicit: Quæ ligaveritis &c.* S. P. A. l. de Agone Christiano c. 31. de Novatianis ait: *Dum nolunt credere datas Ecclesie claves regni cœlorum, ipsi eas de manibus amiserunt: nam quibus veniam peccatorum negant, non eos aliqua sanitate custodiunt, sed aegris subtrahunt medicinam.* Cumque l. 1. de serm. Dom. in monte scripsisset dari peccatum, quod nequit remitti, l. l. Reg. c. 19. id corrigens, ait: *Addendum fuit, si*

*in has perversitate vitam finierit, quoniam de quocumque pessimo in hac vita non est desperandum? ergo &c.*

Prob. III. ex definitionibus Ecclesiæ. Nam S. Cornelius in Concilio 60. Episcoporum opinionem Novati declaravit: *Immanissimam, & a fraterna caritate alienam, & in eadem Synodo confirmata sunt decreta Synodi Carthagin. de lapsis recipiendis*, a Cypriano coactæ, Collegit etiam Cornelius ea de re episcoporum sententias, qui Rom. Synodo non interfuere *per Italiam, & Africam, aliorumque locorum provincias*, ut narrat Eusebius l. 6. c. 43. constat ergo Cornelii ævo omnes catholicum dogma propugnasse. A sæculo III. ad hæc usque tempora semper Ecclesia Novatianum dogma execrata est, & præter Conc. Lateran. IV. an. 1215. celebratum, quod antiquas definitiones confirmavit, Trid. Synodus sess. 14. c. 1. ait: *Novatianos remittendi potestatem negantes Ecclesia catholica tantum hæreticos condemnavit.*

Prob. IV. ratione. Deus enim veniam obtulit Caino fratricidæ; unde Epiphanius infert, neminem, *si exciderit, ab Ecclesia deferendum esse*. II. In sententia Novatiana plus esset virium devicto diabolo ad perdendas animas; quam Christo ad eas sanandas, ut notat S. Pacianus ep. 1. & Ambrosius l. 1. de Pœn. c. 3. *Quos Christus ad salutem redemit, eos Novatianus damnat ad mortem*, & D. Hieronymus in ep. 82. ad Oceanum ait, inde sequi, quod *Christus frustra mortuus sit, si aliquos vivificare non potest*. III. Præcipit Christus, ut Ecclesiæ ministri misericordiam suam imitentur; ut pro omnibus orent, neminem deserant &c.; ergo &c.

Ob. I. Ecclesiasticus c. 21. semel lapsum ad resipiscentiam exhortatus ait: *Quasi romphea bis acuta omnis iniquitas; plaga illius non est sanitas*; ergo &c. II. Prov. c. 1. ll. 45. & Jer. 7. habetur: *In interitum vestro ridebo*. III. Amos 1. *Super tribus sceleribus, & super quatuor non convertam eum*. IV. 1. Reg. 2. *Si in Dominum peccaverit vir, quis orabit pro eo?* V. Mach. 9. *Orabat hic sceleratus Dominum, a quo non esset misericordiam consecutus*. Et Hebr. 12. de Esau habetur: *Non invenis pœnitentiæ locum, quamquam cum lacrymis inquisisset eam*; ergo &c.

R. ad I. neg. ant. Vult ergo Ecclesiasticus peccata divinam majestatem irritare, atque homini tale vulnus inferre, cui solus Deus sua gratia mederi potest, Ad II. R. ea loca accipienda esse de iis, qui conversionem differunt de die in diem: unde iusto Dei iudicio deserunt, & deseruntur, sicque miserimè pereunt. Ad III. R. Hieronymus, peccatum quantum esse post peccatum non agere pœnitentiam, in suo sibi complacere delicto, Theodoretus, alique hunc locum exponunt, quod iterata scelera Deum compellunt ad punitionem.

Ad

Ad IV. R. Eli ibi filios a scelere detertere voluisse dicendo, cum sacerdotes pro populo interpellent, si ipsi peccent, nullus e populo pro iis offert sacrificium, ita S. P. in Ps. 136. Ambrosius autem l. 1. de Pœn. ait, ea phrasi quæri, non excludi, *qui in tali causa orare possit*, ut non excluditur habitator tabernaculi Dei ex v. 1. Ps. 14. *Quis habitabit &c.* sed significari non quemcumque de vulgo orare debere, ut Moyses pro populo. Ad V. R. Chrysostomus, Esau non ut oportuit *egisse pœnitentiam*: Nam de amissa hæreditate, non de culpa doluit; sed continuo in fratrem odio, & invidia contabuit. Adde, Apostoli locum accipiendum de benedictione paterna, quam Esau non potuit lacrymis invenire, ut legenti patet. Antiochus etiam non de culpa doluit, sed de pœna, quia *factorum suum ferre non poterat*, ut legitur loco cit. Unde infert S. P. Antiochum non fuisse dignum, cui misereretur Deus.

Ob. II. Matth. 12. habetur: *Quicumque dixerit verbum contra Filium remittetur ei, qui autem contra Spiritum S., non remittentur ei, neque in hoc sæculo, neque in futuro.* II. Hebr. 6. habetur: *Impossibile est eos, qui semel sunt illuminati... & prolapsi sunt, rursus renovari ad pœnitentiam, rursus crucifigentes Filium Dei &c.* III. Ib. c. 10. habetur: *Voluntarie peccantibus post acceptam notitiam veritatis, jam non relinquitur pro peccatis hostia.* IV. 1. Jo. 5. legitur: *Est peccatum ad mortem non pro illo dico, ut roget quis; ergo &c.*

R. ad I. retorq. argum. Ibi enim dicitur: *Omne peccatum, & blasphemia remittetur; cur ergo alligant vincula, que non solvunt?* ait Ambrosius l. 2. de Pœn. Deinde, si Filius, & Spiritus S. est Deus, & tamen blasphemia in Filium remittitur; ergo non a gravitate peccati, sed aliunde repeti debet, si non dimittitur. R. II. cum Aug. serm. 71. de Verb. Ev. Matth. n. 23. blasphemiam in Spiritum S. esse *peccatum impœnitentia contra donum Dei, & gratiam regenerationis, vel reconciliationis, qua fit in Ecclesia in Spiritu S. ex. gr. peccatum hæreticorum, & schismaticorum, quos non pœnitet ejus peccati, quo alieni sunt ab Ecclesia Dei, in qua per gratiam Spiritus S. fit remissio omnium peccatorum.* Hæc responsio falsa videtur Tournelyo, & Bellarmino, ex quo nec blasphemia in Filium remittatur, si cum impœnitentia finali conjungatur.

Verum non ait S. P. ib., blasphemiam in Spiritum S. esse tantum impœnitentiam finalem, sed talem esse dividi a Christo, & velle extra unitatem corporis ejus remissionem peccatorum; itaut, si quis ab Ecclesia separatus agat pœnitentiam, & non redeat ad unitatem, salvari nequeat. Unde S. D. Ep. ad Bonif. exponens quoddam sit. peccatum, quod numquam dimittitur, ait: *Hoc est autem duritia cordis usque*

usque ad finem vitæ, qua homo recusat in unitate corporis Christi, quod vivificat Spiritus S. remissionem accipere peccatorum. Per Augustinum ergo vere & proprie numquam blasphemia in Spiritum S. dimittitur, quia nunquam est particeps Dei caritatis, qui hostis est unitatis. Sed qui in Ecclesia est, licet blasphemet in Filium, si pœniteat, veniam consequetur, quærens Spiritum S. in corpore Christi: contra vero ab Ecclesia alienus, repugnans gratiæ vivificari nequit spiritu Christi, qui est salvator tantum corporis sui. Eadem sentit Ambrosius, qui cap. 4. ait, blasphemos esse in Spiritum S. *qui membra Christi discerpunt, & separant Ecclesiam Domini*. Hinc tamen non sequitur, irremissibilia esse peccata schismaticorum &c. sed solum, remissionem non haberi extra Ecclesiam.

R. II. cum Chrysostomo, Matth. per verba illa: *Non remittetur &c. significare voluisse præ omnibus hoc peccatum minus esse ignoscibile, & peccatum veritatem apertissimam impugnantium difficilius remitti: quo sensu dicitur Matth. 24. Cælum, & terra transibunt, verba mea non præteribunt*. Et ratio est, quia peccatum illud est ex malitia, non ex ignorantia, adeoque nec spes est resipiscentiæ. Ad II. R. I. cum Epiphanio, Chrysostomo, Ambrosio, aliisque sensum Apostoli esse, eos, qui semel baptismo renovati sunt, non posse iterato baptismo consequi amissam regenerationis gratiam, quæ iteratio summa est Christi injuria, quasi semel affixus cruci rursus mori debeat ad exhaurienda peccata. Quod non impedit, quin patrata a baptizatis crimina deleri possint per pœnitentiam. Semel enim renascimur, at amissam valetudinem sæpius instauramus. Epiphanius enim notat, Apostolum loqui adversus eos, qui Judaicis moribus assueti, volebant baptismum identidem usurpare. Inconcussa est ergo allata responsio.

R. II. alii: *τὸ impossibile* ab Apostolo dici, quod arduum & difficillimum est usitata scripturæ phrasi. Ad III. dist. ant. cum Chrysostomo hom. 20. *Non est amplius hostia, hoc est non est amplius crux secunda, hoc enim vocat hostiam Apostolus, conc. non est amplius pœnitentia, neque est amplius remissio*, neg. Vid. R. præced. Ad IV. neg. conf. Nam ex can. 5. Nicæn. II. *peccatum ad mortem est quando quidam peccantes incorrupti persistunt*. Accedit S. P. A. L. de Corr. & gr. c. 12. ubi ait, illud peccatum esse fidem, *que per dilectionem operatur, deferre usque ad mortem*. Nam pro quovis pessimo peccatore vivente non est desperandum, nec pro illo imprudenter oratur, de quo non desperatur.

Opp. III. PP. Ecclesiæ: I. Hermas, seu Pastor de iis, qui,  
Deum

Deum negarunt ait l. 3. Similit. 3. *His igitur non est locus pœnitentie*. II. Tertull. de Pudic. c. 1. improbat Zephirinî editum, quo Pontifex maximus edicit: *Ego & machie & fornicationis delicta pœnitentia sanctis dimitto*. De Pœnit. autem l. 7. ait: *Collocavit, Deus, in vestibulo pœnitentiam secundam, sed amplius numquam, quia proxime frustra*; ergo &c. III. Auctor Const. Ap. l. 2. c. 23. *Si quis rebellis delinquat tentans Deum, quasi malos non insectantem, hujusmodi venia carebit*. IV. Idem docuere Origenes, & Theognostus apud Athan. ep. ad Serap. qui eorum sententiam probat, si restringatur ad blasphemiam in Spiritum sanctum. V. S. Cyprianus de Lapsis pag. 379. ostendit, nec Moysen pro peccatis populi orantem obtinuisse peccatoribus veniam, queis aptat illud Ezech. 14. *Si Noe, Daniel, & Job fuerint in medio ejus, filium, & filiam non liberabunt*. VI. S. Pacianus Ep. 3. de blasphemia in Spiritum S. qua impius non vult videre quod videt, ait: *Hoc est ergo, quod non dimittetur*. VII. Ambrosius l. 2. de Pœn. c. 4. ait, hæreticis, & schismaticis denegari indulgentiam: & l. de Lapsu virginis ait: *Quæ proprie in Dominum peccasti, ab ipso solo te convenit in die judicii expectare remedium*: VIII. Hieronymus ait in cap. 12. Matth. *Qui manifeste intelligens opera Dei, cum Dei virtutem negare non possit, eandem calumniatur, & Christum, & opera Spiritus S. dicit esse Beel-zebul, isti non dimittetur neque in hoc seculo &c.* Et ep. ad Marcellum ait: *Probet Novatianus aliquem de his, qui sacrificare compulsi sunt, respondisse omnia, quæ in Evangelio scripta sunt a Beel-zebul fuisse perfecta, & tunc poterit approbare irremissibilem in Spiritum S. esse blasphemiam. Doceat aliquem negatorem Beel-zebul vocasse Christum, & ultro referam gradum, negatorem non posse veniam consequi post ruinam*; ergo &c.

R. ad I. dist. ant. *Non est locus impœnitentibus, & obstinatis, de quibus Hermas verba facit, conc. resipiscentibus, neg. de his enim ait: Si cito pœnitentiam egerint, in turri sedem habebunt, si autem non egerint, mortem sibi acquirunt*. Ad II. R. Tertullianum cum librum edidit de Pudicitia jam defecisse ad Montanistas. In lib. autem de Pœn. hæc habet Tertullianus: *Nemo idcirco deterior sit, quia Deus melior est, toties delinquendo, quoties ignoscitur*. De his tamen, qui iterum delinquant ait: *Iterata valetudinis iteranda medicina est*. Ad III. dist. ant. Venia carebit, nisi pœniteat, conc., se-cus, neg. Legitur enim ib. *Gravius delictum idololatria non reperitur; nihilominus tamen & illud per sinceram pœnitentiam condonatum est*.

Ad IV. R. ex Athanasio duo affirmari ab Origene, & Theo-

Theognosto, primum blasphemiam in Spiritum S. esse, cum ii, quibus in baptismo donum Spiritus S. tribuitur, ad peccata recidunt, alterum hos remissionem non consecuturos: sed prior pars ab Athanasio refellitur n. 12. & 13. Nam Paulus Corinthium, qui post baptismum peccaverat, poenitentem suscepit, & Galatas reformare studuit. Quod vero baptizatorum peccata non remittantur, Origenes non absolute affirmavit, sed relate ad eorum peccata, qui ante baptismum delinquant, ob Ecclesiae disciplinam, qua olim lapsi a fidelium communione rejiciebantur. Nam l. 3. contra Cels. ait: *Qui peccata sua damnant toto pectore, ac mox mutationem praeferunt, eis deum condonat, Deus, errata praevertit.* Idem de Theognosto dicendum est, cujus opera periit. De Cyprianum dicemus alibi. Athanasius autem blasphemiam in Spiritum S. irreversibilem appellat, si adsit perveracia, quod saepe contingit: nam blasphemiam illam S. D. saepe Arianis adscribit; atqui Athanasius in Synodo Alexandrina ann. 362. decrevit, Arianos esse recipiendos modo haeresim ejurarent, & Nicenam fidem susciperent; ergo &c. Et l. de comm. Essentia Patris &c. pag. 79. ait: *Non dixisse Christum blasphemanti, & poenitentiam agenti remissionem dandam non esse, sed blasphemanti, id est in blasphemia remanenti. Quandoquidem nullum est peccatum irreversibile apud Deum illis, qui vere & ex animo poenitentiam agunt.*

Ad V. &c. S. Cyprianum iis verbis voluisse gravitatem criminis ostendere, & veniae difficultatem, vel peccantis populi obstinationem, qui dura cervice semper Spiritui S. rellitere. Ad VI. Idem esto responsum: qui enim nolunt videre quae vident, sunt impoenitentes, & in malo obdurati: ait enim ib. Novatianos refutari Christi sententia: *Quaecumque solveritis &c.* quibus verbis ait, *Christus nihil excepit, non magna, non modica peccata.*

Ad VII. Missa responsione Morini, aliorumque, quam merito improbat cl. Auctor hoc loco, quem consulere potes, responderetur Ambrosium appellasse inextinguibile haereticorum scelus pro eo tempore, quo segregantur a Christi membris, juxta Augustini doctrinam supra explicatam. In lib. vero de Lapsu virginis nil aliud intuit S. D. nisi mulierem illam Susannam nomine, quae post emissum virginitatis votum saepius ab adolescente vitata cum maxima plurimorum offensione infantem necasse dicebatur, debere juxta disciplinam illius aevi ad extremum usque vitae in poenitentia persistere. Ceterum eandem lapsam ib. sic hortatur: *Sed tu, quae jam ingressa es agonem poenitentiae, fortiter inhere, tamquam in naufragio, tabulae, sperans per ipsam te de profundo criminis liberari.*

Ad



Ad VIII. dist. conf. Ait Hieronymus, blasphemiam in Spiritum S. numquam remitti absolute, neg. si in improbitate permaneant, ut faciunt plerumque qui peccant, non ignorantia aut infirmitate, sed malitia & pervicacia, conc. Constat enim Hieronymum in ep. ad Oceanum Novatianos aperte refellere; Et in ep. ad Marcellam contra eosdem demonstrat, blasphemiam in Spiritum S. non esse quodlibet lethale crimen baptizatorum, quod probat iisdem Athanasii argumentis in ep. ad Serapionem. Vide Auctorem,

## CAPUT III.

*De prima pœnitentiæ parte, idest de Contritione.*

NOT. I. Tres pœnitentis actus contritionem nempe, confessionem, & satisfactionem esse Sacramenti Pœnitentiæ quasi materiam cante a Trid. PP. definitum est, indefinitum relinquendo scholasticis, num actus illi sint materia *intrinseca*, an *objectiva* & extrinseca: mens enim S. Synodi erat Lutheranos refellere, qui duas statuebant partes Pœnitentiæ, nempe *terrores conscientie incussos*, & *fidem conceptam ex Evangelio*, seu *absolutione, qua quis credit sibi remissa esse peccata*, ut habetur art. 12. Confess. Augustanæ. Ubi male terrores incussi pars pœnitentiæ dicuntur, male his adnumeratur fides, male absolutionis tribuitur munus Evangelii &c.

NOT. II. Catholicos omnes requirere ex parte pœnitentium, contritionem cordis, confessionem oris, & operis satisfactionem. Quæ tria simul comprobatur ratio Sacramenti, quod per modum iudicii est institutum, & in quo resipiscentia, & dolor necessario requiritur ad vitæ emendationem, & ut dispositio reconciliationis; confessio præmittenda est, ut iudex cognita causa sententiam ferat, satisfactio tandem, ut injuria Deo illata reparetur. Unde S. P. A. in Pl. 146. ait: *Sanat contritos corde, sanat confitentes, sanat seipsos punientes*. Has tres partes nonnulli explicant exemplo Publicani, Ninivitarum, Lazari, & filiarum Archisynagogi, sed horum plura symbola potius sunt, quam firma & inconcussa argumenta. His notatis sit

PROPOSITIO I. Nec terrores incussi, nec fides sunt partes pœnitentiæ, sed contritio, confessio, & satisfactio.

Prob. I. pars. I. enim illa sunt potius contritionis origo vel causa, non ipsa contritio, licet hæc non uno ex capite oriri possit. II. Contritio, ac pœnitentia virtus est, non prout importat passionem indeliberatam, & extrinsecus provenientem, sed prout dicit motum aliquem liberum, rectamque volun-

voluntatis electionem, ut ait S. Thom. 3. p. q. 83. art. 1. atqui terror incussus passionem dicit, externa poenarum intimatione excitatam, non electionem, nec propositum voluntatis, aut liberum aliquem motum; ergo &c. III. docent hæretici, terrores, quos *contritionem* appellant, nasci, cum verbo Dei redarguuntur peccata, quibus peccator percipiens suorum criminum scditatem; timore concutitur; sed dolor ex terrore proveniens per novatores non poenitentem aliquem facit, sed magis hypocritam, & peccatorem; ergo nec in sententia hæreticorum terrores illi pars sunt poenitentiae. IV. Si terrores illi sint pars poenitentiae, quia Evangelium redarguens peccata terrorem incutit, *cui pari ratione spes, charitatem, ceterasque virtutes* (nam & spes & caritatem &c. in nobis excitat, ac precipit Evangelium) *non faciunt esse poenitentiae partes?* ut in Harm. Confess. Augustanae arguit Andreas Leodius.

Prob. II. pars. Quamvis enim ad remissionem peccatorum fidem necessariam esse catholici fateantur, negant tamen esse poenitentiae partem, non enim sequitur, ex quo fides ad poenitentiam prærequiratur, ejus tamen esse partem, sicut non tenet hæc illatio: *Cognitio dilectionem præcedit; ergo hujus est pars*. Inepte etiam ratiocinantur Novatores, cum ajunt, fides est primum gratiae donum, quod causat poenitentiam; ergo hujus est pars: sicut inepte quis argueret dicens, Deus est rerum omnium causa effectrix; ergo & earum pars. II. Novatores fidem post terrores enumerant, sed qui non credit Deum impios perdere in gehennam, hanc non metuit; ergo fides præcedit, non sequitur terrores incussos. Docent etiam hæretici, veram fidem in peccatore non esse; quomodo ergo potest justificari per fidem, quando ei offertur per Evangelium remissio? Vide Auctorem. Merito ergo Novatorum doctrinam confixit Leo X. & Trid. Synodus, eamque execrati sunt, præter Melancthonem. Cassander. Leodius, Hofmeisterus, Virvesius, aliique hæretici, & catholici omnes.

Prob. III. pars, ex Nor. II. hujus cap. Contritio autem, quæ in his tribus partibus priorem locum habet, definitur a Trid. PP. *Animi dolor, ac detestatio de peccato commisso, cum proposito non peccandi de cetero*. Hunc dolorem præcedere fidem, spem, & aliquam dilectionem Theologi docent. Ad justificationem quippe disponimur, dum excitati, & adjuti divina gratia fidem ex auditu concipientes libere movemur in Deum credentes, quæ divinitus revelata, & promissa sunt; atque inter ea, Deum esse remuneratorem bonorum operum, & malorum vindicem: quæ omnia imbuti fide memoria re-

peten-

petentes utiliter divinæ justitiæ timore concutimur. Hinc docent scholastici, initium poenitentiae esse ex timore: nam ex Aug. *Timor primo occupat mentem*: non tamen in eo sistit, sed inde ad considerandam Dei misericordiam se convertens, fidens Deum propter Christum sibi propitium fore, conceptum timorem spes firma consequitur.

Hac itaque fretus Deum tamquam omnis justitiæ fontem diligere incipiens, peccata odit, & detestatur, statuit ab iis cessare, & novam vitam incipere: ita peccatum, quod coeperat displicere propter supplicia, displicet subinde ob Dei offensam. Hæc Trid. Syn. sess. 6. Hinc sequitur I. timorem servilem esse donum Dei, & disponere ad gratiam, & *quasi locum preparare caritati*, ut ait S. P. A. II. non rejici a nobis fidem, ut calumniabantur hæretici, III. contritionem nostram non coactam esse, sed liberam. Vid. Aug. l. 19. c. 4. & l. 23. c. 12. Ad contritionem autem necessarium esse etiam novæ vitæ propositum ex Trid. constat sess. 6. c. 4. Atque illud debere esse explicitum, & *formale* probabiliter cum Soto, Cajetano, Sylvio, aliisque existimamus. I. enim ipsum propositi nomen deliberationem aliquam sonat, II. Concilii verba odium vitæ veteris, & novæ propositum in contritione esse declarant. III. Hæc sententia tutior est, & in re Sacramentaria tenenda. Unde Sylvius ipse ait: *Per se, seu ordinarie loquendo, propositum non peccandi debere esse formale, & expressum, alioquin frustra hanc partem cum PROPOSITO &c. in definienda contritione addidissent Concilia Florent. & Trid. nisi intellexissent, debere esse explicitum, quia implicitum continetur in priori parte: DOLOR DE PECCATO &c.* quibus verbis Concilii proscribitur hæreticorum articulus, quo ajunt, *contritionem, quæ paratur per discussionem, collectionem, & detestationem peccatorum non preparare ad gratiam Dei.*

Hujus contritionis tres sunt conditiones, nempe ut sit interior, vera, & supernaturalis. I. conditio evincitur ex scripturis, ubi legitur: *Convertimini ad me in toto corde*, tum ex definitione cit. Concilii Trid. & ex ratione: nam in animo extat ratio virtutis, & meriti. Hinc dolor sensibilis in lacrymas erumpens, licet laudabilis, verus non est, nisi animum cruciet. II. conditio est, ut sit vera, non fallax, qualis plerumque est in iis, qui tenues quasdam ac steriles animi commotiones existimant veræ contritionis effecta, quæ sane vera non est, nisi sit ex toto corde. III. conditio est, ut sit supernaturalis, ut constat ex Prop. 57. ab Innoc. XI. proscripta: *Probabile est sufficere attritionem naturalem, modo honestam*. Hinc Trid. Syn. sess. 6. c. 3. ait, *neminem sine Spiritus S. inspiratione penitere posse, sicut oportet*; qui ergo propter infi-

miam, morbum, vel mortem corporis doleret, non haberet sufficientem contritionem, sed inutilem, & extortam, ut de Antiocho dictum est.

## C A P U T IV.

*De dolore necessario ad consequendam gratiam, in Sacramento penitentiae.*

NOT. I. Quæri solet non sine animi contentione, an dolor iste aliquem Dei amorem includat, an ille sufficiat, qui ex supernaturali timore gehennæ concipitur, cui nulla accedat dilectio, sive dolor ille imperfectus, quem *attritionem* appellant. Quæ vox nec semper, nec eodem sensu usurpata est, nam ab ea veteres theologi Hugo, Ricardus, Magister, aliique abstinere, & audiri cœpit circa ann. 1230. & a Guilhelmo Parisien. primum, deinde ab Alexandro de Ales, & Alberto M. est usurpata, licet contritionis vocabulum fuerit quovis tempore usitatissimum. Sed nullum hac de re cum adversariis dissidium.

Quod spectat ad sensum. *Attritio* significat apud omnes contritionem imperfectam, quæ imperfectio oritur I. ex defectu conditionum, quas supra laudavimus, nempe, si ex corde non proveniat, si naturalis sit &c. quo in casu *attritionem* non esse sufficientem probi omnes norunt. II. Imperfecta etiam dicitur, quæ ex turpitudine peccati, vel ex gehennæ metu supernaturali concepta expoliatur dilectione Dei benevola.

III. Dicitur imperfecta, quoniam concepta ex metu gehennæ procedit ad amorem *initialem*, & peccata odio habita propter supplicia, displicent ob Dei offensam, nondum tamen est caritate formata, quæ remissionem pecc. importat; differt ergo *attritio* a *contritione* juxta nonnullos, ex intensione caritatis, quia hæc procedit a caritate perfecta, illa vero ab initiali amore, tenui, & remisso. Quare non omnes, qui scripsere *attritionem* sufficere &c. amoris initialis negarunt necessitatem. Juxta alios vero dolor perfectus oritur ex amore caritatis, cuiuscumque gradus ille sit: imperfectus vero, ex solo metu gehennæ. Recte ergo Nostrates ad omnem vitandam ambiguitatem duplicem statuunt *attritionem*, primam, quæ oritur ex metu pœnæ, & includit initialem Dei amorem, ut supra dictum est, alteram, quæ consistit in solo timore, & culpam odit, quia gehennam promeretur: prima ex D. Thom. 2. 2. q. 19. art. 4. & 8. *attritio initialis* dicitur, altera *servilis*. Docet enim S. D. ib. *objectum timoris servilis esse pœnam*, de timore autem initiali ait, esse illum, qui *competit statui incipientium*,

*tionem, in quibus inchoatur quidam timor per inchoationem caritatis.*

Not. II. Lutheranos præsertim affirmasse, quidquid sine caritate agitur esse peccatum; nullam proinde contritionem esse bonam, nisi concipiatur solo amore, qui timorem omnem expellat: & si quis sibi contritionem parare vellet per *discussionem, collectionem, & detestationem peccatorum* recogitando in amaritudine animæ suæ peccatorum numerum & foeditatem, ipsum fieri *hypocritam, & magis peccatorem*. Quod in Lutheranis articulis proscripsit Trid. Syn. can. 5. sess. 14. Hinc sequitur I. timorem, qui prævenit caritatem, bonum esse, II. ab eo haberi pœnitentiæ initium, III. imperfectam caritatem, quæ timorem non excludit, nullam maculam ab ipso contrahere, IV. contritionem nobis parandam esse ponderatione iudicii & gehennæ: quæ omnia nos adversus hæreticos propugnemus. An verò solus timor sufficiat non spectat ad hanc hæresim oppugnandam.

Not. III. Quatuor ea de re esse catholicorum sententias. I. Est Hugonis Victorini, Richardi, Alberti M. Alensis, Bonaventuræ &c. qui docent contritionem *caritate perfectam*; quæ delet culpam apud Deum, & caritati habituali coniungitur, præcedere debere pœnitentiæ Sacramentum. II. eorum est, qui tenent sufficere *attritionem servilem* etiam a caritate initiali, & ab omni actu amoris benevoli sejunctam, quæ, ex. gr. ex metu gehennæ, & ex peccati turpitudine concipitur.

III. præter attritionem mox descriptam aliquem requirit amorem spei, quo Deus diligatur ut bonus nobis, non autem amorem charitatis, quo diligatur propter se. IV. quam sequuntur Nostrates, alique viri cl. docet requiri amorem aliquem initialem, nec sat esse *attritionem servilem*, quæ in solo gehennæ metu consistit, nec ad amorem procedit, nec sufficere amorem concupiscentiæ, sed exigere amorem charitatis. Hanc sententiam, quam vellicare nonnulli ausi sunt, & ab omni censura immunem, & Tridentinæ Synodo consonam, & aliis præferendam esse infra ostendemus.

PROPOSITIO I. Nec sententia de necessitate amoris initialis, nec ei opposita ulla potest censura notari.

Prob. I. ex decreto Alex. VII. ann. 1667. quo sub pœna excommunicationis interdicitur *cunctis & singulis fidelibus, ne audeant alicujus censuræ nota taxare alterutram sententiam, sive negantem, sive afferentem aliqualem dilectionis Dei necessitatem in attritione, donec a S. Sede fuerit aliquid hac in re definitum*. II. Benedictus XIII. utriusque sententiæ meminit, neutram definitam esse declarans. Et Benedictus XIV. nullum non movit lapidem, ut vir cl. Josephus Gorinius, qui ab ingressu

Xenodochii Mediolan. interdictus erat, eo quod nostra sententia in instituendis infirmis uteretur, iterum ad laudabile munus exercendum assumeretur.

Prob. II. Ex pluribus Thesis ubique propugnatis probantibus supremis Iudiciis, 1. In ædibus Sacrae Facultatis Parisien. ab ann. 1675. usque ad annum 1678. hæc thesis defensa & tradita est: *Attritio ex metu gehennæ non est sufficiens &c. nisi includat amorem Dei super omnia, saltem inchoatum.* 2. In Lovanienfi Universitate eam tradidere Tapperus, Hesselus, Ravestein, Stapletonus, & adversus Ledentium Fervantes, Rolliers, Lupus, Vantroy, Piette, alique nostrates. 3. In Duacensi Estius, & Sylvius. 4. In Regio Taurinenfi Lycæo an. 1739. & præced. solemniter proposita est. 5. Eam tenent institutores Seminarii Veronensis, ac Patavini, Cistercienses, Clerici scholarum piarum, qui omnes *aliqualem amorem Dei benevolam imperfectum* requirunt; ergo &c.

Prob. III. auctoritate veterum Theologorum, qui Trid. Synodum præcessere. Pius Thomas Episcopus Stabienfis tom. 3. Exerc. in Prop. damn. ait, neminem ambigere, quin veteres omnes indiscriminatim asseruerint contritionem, quæ aliquam saltem imperfectam caritatem includat, necessariam esse ad valorem Pœnitentiæ. Auctor de Re Sacram. ait, contrariam sententiam Theologis, qui a XII. Sæculo ad Trid. tempora floruerunt, aperte adversari. Idem docet Morinus l. 8. de Pœn. c. 4. ubi per singulos Theologos accurate discurrens ostendit D. Thomæ, omniumque illius & præcedentis sæculi Theologorum fuisse circa necessitatem contritionis constantem sententiam: qui vero attritionis sufficientiam propugnant, aliud ea voce significasse, quam recentiores designent. Dominicus Soto in 4. dist. 18. scribit: *Doctrinam de attritione non esse multum vetus. Patres enim solam contritionem agnoscebant.*

Prob. IV. Ex decreto sacrae Facultatis Paris. quæ in Comitiis celebratis an. 1716. statuit: *Timorem gehennæ etiam supernaturalem, quamvis sit bonus & utilis, non excludere affectum peccandi, nec sufficere ad justificationem, sed præter timorem, actusque fidei, & spei, requiri amorem Dei, quo Deum tamquam iustitiæ fontem diligere incipimus. Hoc solo amore converteri voluntatem ad Deum, & averti a creatura. Amorem Dei super omnia, qui caritatis inchoatæ actus sit, necessarium esse, ut obtineatur remissio peccatorum, quæ omnia docent nostræ sententiæ defensores; ergo &c.*

PROPOSITIO II. Hæc sententia opponitur doctrinæ Hæricorum a Trident. Synodo proscriptæ.

Prob. I. Ex art. 6. Lutheri, in quo rejicit Theologiam illam, quæ inter odium & gratificantem amorem medium fin-

git, quod contritionem paret. Et Jo. Echius l. 1. de Pœn. c. 1. ostendit, in eo sitam esse controversiam inter Lutherum, & Catholicos, quod ille veller pœnitentiam, nonnisi amore concipi, unde inferebat: *Eum, qui contritionem sibi parare vellet in amaritudine animæ suæ reddi hyppocritam, & magis peccatorem*: atqui nos docemus oppositum ex supradictis; ergo &c. II. Lutherus ait: *Imperfectam civitatem esse impedimento ad introitum regni propter vitium, quo imperfecta est, nempe propter metum gehennæ, qui per hæreticos inficit omnia, quæ ante caritatem justificantem fiunt ab impio, etiam actum amoris initialis, cui timor conjungitur; atqui nos negamus amorem imperfectum, & alia impiorum opera per timorem corrumpi, eumque amorem necessarium censemus ad gratiam; ergo &c.*

III. Hæretici ex art. 12. Conf. Aug. duas agnoscunt pœnitentiæ partes, nempe *terrores incussos, & fidem*. Et Lutherus art. 12. a Leone damnato ait: *Si per impossibile confessus non esset contritus, si autem credat se esse absolutum, verissime absolutus est*: unde infertur, hæreticos justificationem repeterè a sola fide, & falso calumniari catholicos, quasi hanc a pœnitentiæ Sacramento removeant. Nos autem ex adverso docemus, non a sola fide, & ejus motu justificationem pendere, sed ad hanc disponere fidem, spem, timorem, & dilectionem: justificationis vero gratiam tamquam causæ instrumentali tribuimus Sacramento; distant ergo nostrates a Lutherano dogmate.

IV. Hæretici magis insectabantur sententiam nostram, quam oppositam, cum enim iustitiam a sola fide repeterent, damnabant eos, qui detestationem peccati, & dilectionem Dei propugnabant, tamquam necessarias ad justificationis gratiam: ut patet ex art. 12. Conf. Aug. anni 1540. ubi legitur: *Damnant illos, qui non docent, remissionem peccatorum per fidem contingere, sed propter dignitatem contritionis, dilectionis &c.* Et Melanchthon in Apologia catholicis objicit, quod dicant: *Peccatorem per actum contritionis recipere remissionem peccatorum*, addens: *Hoc nihil est, nisi legem docere deletò Evangelio, quia lex exigit dilectionem*. Quos ita refellit Virvesius Philipp. 9. *Inter hæreticos numeratis eos, qui docent remissionem peccatorum contingere propter nostram dilectionem, impie damnantes, quod Christus ait Luc. 7. Dimissa sunt ei peccata multa, quoniam dilexit multum*. Unde sic arguitur: sententiæ hæreticorum docentium non fieri remissionem peccatorum ob præcedentem dilectionis actum, directe opponitur sententia docens ipsam dilectionem requiri, & sufficienter disponere ad gratiam in Sacramento recipiendam; sed hæc nostra sententia est; ergo &c.

PROPOSITIO III. Quæ reponere possunt adversarii opposentibus eorum sententiam fuisse a Trid. proscriptam, nostram sententiam confirmant.

Prob. Jo. Morinus, ut alios omittam, capiti 10. de Contr. & attrit. pag. 57. hunc præfigit titulum: *Concilium Trid. non modo non sancivit dolorem ex solo pœnarum terrore ortum justificationi sufficienter præparare, sed etiam hoc asserentibus anathemata dixit*. Quod ut probet, præmittit Concilium sess. 14. c. 4. eos damnare: *Qui pœnitentiæ partes incussos timores, & fidem esse contendunt*. Deinde demonstrat ex art. 12. Conf. Aug. ex Kemnirio, & Calvino, per terrores incussos intellexisse hæreticos pavorem, & dolorem conscientie quærentis, quomodo iram Dei & judicium possit effugere; constat ergo in ea parte pœnitentiæ, quam hæretici vocant *timores incussos*, contineri dolorem animi, & odium peccati. Unde infert Morinus, quod contritio, quæ procedit ex solo metu pœnarum conscientie incusso, nullumque aliud habet motivum, non est pars pœnitentiæ, ut docet Concilium adversus hæreticos. Subdit Morinus: Cum negat Concilium terrores &c. partes esse pœnitentiæ, non negat ista ad contritionem formandam concurrere, id enim damnat sequenti canone; negat ergo eos partes esse pœnitentiæ, quæ ad justificationem consequendam nos sufficienter disponant. Hæc Morinus.

Huic argumento facile occurri potest ab adversariis dicendo, recte proscriptas a Trid. duas illas pœnitentiæ partes *terrores incussos, & fidem*, non quod insufficientis sit dispositio dolor conceptus ex metu gehennæ absque motivo caritatis, sed ob hæreses plures ibi latentes. I. quia in ea divisione excluditur confessio, & satisfactio, II. quia justificatio solum fidei tribuitur in hæreticorum sententia & timor, & odium peccati ad gratiam non præparant. III. quia timor &c. magis animam inficit, & ad desperationem inducit: *Donec enim fides accedat, contritio, ajunt, est fuga Dei & fremitus, quibus ruitur in æternum exitium*. IV. quod post incussos timores, si accedat fides, habeatur contritio Petri, & Davidis alias Judæ & Saulis. A quibus erroribus cum longe distent adversarii, fallitur Morinus docens eorum sententiam a Trid. Syn. esse proscriptam. Atqui neque in nostra sententia excluditur confessio & satisfactio, neque adscribitur justificatio solæ fidei, non asseritur timorem & odium peccati esse animi inquinamenta, neque id quod quarto loco effutiunt hæretici. Sed contra defendimus confessionem peccatorum, satisfactionem, rectitudinem timoris, negantes solam fidem justificare; ergo &c.

PROPOSITIO IV. Trid. Synodus non definit solam attritionem *servilem* sufficienter disponere.

Con-



Constat ex dictis, & prob. I. Ex Historia Conc. Trid. a Pallavicino conscripta, ubi l. 12. c. 10. legitur, sententiam plurimum Theologorum, qui Concilio interfuere, fuisse, in Sacramento penitentiae necessariam esse caritatem aliquam initialem: *Didacus Lainez dixit Sacramento esse necessariam penitentiam, timorem, dilectionem &c. Dilectionem pariter, tamquam necessariam enumeravit Jacobus Terrusius, cum Christus pronuntiasset: Remittuntur ei peccata multa, quoniam dilexit multum. At Melchior Avosmedianus dixit, prius nos propter poenae metum dolere, dein propter Deum, postea peccata confitemur.* Eadem docuit Bernardus Colloredus, Franciscus Contreja apud eundem Pallav. atqui incredibile est a Trid. PP. proscriptam esse sententiam a tot viris cl. propugnatam; ergo &c.

II. Addit Pallavicinus ibi: *Quantum ex actis conjicio, theologorum mens erat, ut error haeticorum damnaretur tamquam inhonestum improbandum poenae timorem, non item ut ferrent sententiam de questione scholastica, an hujusmodi timor, absque eo quod ullus excitetur amor imperfectus, sufficiat ad peccatorum remissionem in Sacramento: atqui assertio nostra scholastica est, & haeticorum dogmati directe adversatur ex Prop. II. ergo &c.*

Id vero clare liquet, subdit Pallav. ex ipsa probatione Concilii, qua Nivivitarum penitentiam ex timore profectam ipsis profuisse, docet, cum certum esset, eo tempore, quo Sacramentum penitentiae non extabat, eam formidolosam penitentiam minime sufficere ad peccatum delendum, sed vim habuisse ad impetrandam novam gratiam, cujus ope adjiceretur caritatis affectus, quem omnes necessarium fuisse fatentur ante novam legem ad justitiam recipiendam; ergo non statuit Trid. Synodus formidolosam illam attritionem amore initiali destitutam ad justificationem sufficere.

III. Narrat ibidem historicus, decretum Trid. Synodi ad eum modum, quo nunc legitur, instante Jo. Æmiliano Tudeano episcopo fuisse reformatum, & loco particulæ solum substitutum communiter in ea periodi parte; ubi legitur; attritionem ex consideratione turpitudinis peccati, vel ex gehennæ & poenarum metu concipi. Desunt etiam ea verba: *Qui servilis timor dicitur, & illa: Sufficere ad Sacramenti hujus constitutionem, item alia: Cum sine aliquo dilectionis in Deum motu vix esse queat.* Unde inferitur in decreto, quod promulgatum est, sermonem non coartari ad solam attritionem servilem, quoniam explora est particula solum, & qui servilis timor dicitur; potest ergo exponi Concilium de attritione, quæ communiter quidem concipitur ex timore servili, sed

sæpe oritur ex amore initiali, sive ex timore ad amorem procedit: præsertim quod hanc etiam attritionem initiali amore conjunctam damnabat Lutherus. Deinde ex quo abraça sint ea verba: *Sufficere ad Sacramenti constitutionem*, insertur noluisse Concilium præjudicium asserre sententiæ veterum scholasticorum docentium opus esse in Sacramento contritione perfecta, in qua ex Pallav. fuit laud. Tudetanus episcopus; ergo multo magis intactam reliquit eorum sententiam, qui asserunt necessitatem amoris tantum *initialis*, qui amor efficacia sua peccatum non remittit, ita ut attrito deleantur peccata *absolutionis supervenientis vi*.

IV. Pallavicinus causam assignans reformationis illius decreti ait, quod *laudatus episcopus Joannes Æmilianus* mortuus, falso dici hujusmodi dolorem sine amore *vix concipi posse*. Quod autem hec attritio satis esset Sacramento constituendo, *variare auctorum sententias, adeoque id esse tolerandum: quamobrem decretum, sicut nunc extat, reformatum est*; ergo Concilium delens verba illa, quibus asseriebatur contritionem imperfectam sufficere, noluit improbare necessitatem contritionis perfectæ, quæ vi sua peccata remittat.

Quæres: an in priori decreto Trid. Synodi ageretur de attritione servili, an de attritione initiali conjuncta amoris imperfecto? &c. de hac pertractatum fuisse constat ex supradictis: videtur enim factam esse decreti reformationem in gratiam adstruentium necessitatem contritionis perfectæ. Vide Auctorem opusculi de mente Conc. Trid. Petrum le-Drou, Vanroy &c. Ceterum aut de attritione imperfectæ dilectioni conjuncta ibi agebatur, aut de pure servili, si de hac, inepte *sufficere* dicitur, postquam hoc verbum expunctum est; si de illa, ineptius in nos detorquent adversarii, quæ nec feriunt assertores caritatis perfectæ. Merito ergo Clerus Gallicanus ann. 1700. damnavit ut falsam, & Trid. contrarium propositionem n. 87. asserentem, a S. Synodo in sententiam nostram fuisse pronuntiatum anathema.

PROPOSITIO V. Sententia nostra conformis est Trid. Synodo, Scripturis, PP. & rationi.

Prima pars sequitur ex præced. Prop. III. & IV. & confirmatur ex quo Trid. Synodus laud. c. 4. declararet, quovis tempore necessarium fuisse ad veniam peccatorum obtinendam motum contritionis, ad hanc requiri aversionem a peccato, & conversionem cordis ad Deum, animi dolorem, & odium peccati, & ut attritio voluntatem peccandi excludat: quæ omnia attritioni pure servili inesse putant adversarii; sed hoc falsum est, infra ut videbimus: ergo ex Trid. Syn. nostra firmatur assertio.

Prob.

Prob. min. ex Trid. c. 6. sess. 6. ubi dicitur: *Disponuntur ad ipsam justitiam, dum excitati divina gratia & adjuti libere moventur in Deum, credentes a Deo justificari impium per gratiam ejus, & dum peccatores se esse intelligentes, a divine justitiæ timore, in spem eriguntur, illumque tamquam omnis justitiæ fontem DILIGERE INCIPIUNT, ac propterea moventur adversus peccata per odium aliquod.* Unde sic arguitur: eadem præparatio requiritur in Sacramento pœnitentiæ ac in baptismo, sed in hoc, præter fidem, timorem, & spem, requiritur amor initialis, quo diligatur Deus, ut justitiæ fons; ergo &c.

R. Adversarii: Concilium accipiendum vel de amore concupiscentiæ, idest spei, non caritatis, vel de amore abstrahendo ab utroque. Sed contra: constat enim ex Pallavicinio l. 8. c. 13. *Per tenorem decreti prius delineati nullam fieri dilectionis mentionem, sed Alepium Archiep. Turritanum, Claudium Jajum S. J. Lippomanum &c. admonuisse, ut aliquis caritatis actus infereretur: cumque id ad PP. judicium relatum esset, 23. ex ipsis illud comprobasse, adeoque insertum decreto: sed postea aliis haud probatum; verum a Theologis strenue propugnatum; & per hæc verba retentum: Non est sermo eo loco de habitu caritatis, sed cum in particula de pœnitentia nulla fiat mentio amoris, visum est cum fide, & spe jungere aliquem dilectionis actum; quia si pœnitentia tota esset ex timore sine amore justitiæ, & dolor esset propter pœnam tantum, non propter Dei offensam, infructuosa esset.*

Hæc Pallavicinus, ubi narrat, ideo ab aliquibus hoc additamentum fuisse improbatum, quia caritas, quæ diffunditur in cordibus nostris, est forma justitiæ, non dispositio ad justitiam, sed ubi formatores decreti responderunt, aliud esse actum, aliud habitum, & in primo loco de quodam actu caritatis, cum insit aliqua dilectio in homine, non quidem obtinente, sed exoptante justitiam, in secundo significari habitum caritatis, assensum singuli præbuere. Ubi nota: falli adversarios, qui putant hoc loco Concilium de amore concupiscentiæ esse accipiendum. Nam formatores decreti perspicue docent actum caritatis qui præparat ad justitiam, hanc exoptare, non obtinere. II. quia ajunt illius dilectionis actum præparare animum ad justitiam suscipiendam, cujus dilectionis habitus est ipsa justitia. Sed hujusmodi habitus non est habitus spei, sed caritatis ex Trid. ib. c. 7.; ergo &c. Deinde ita Concilium exponunt Suarez, Tannerus, aliique apud nostrum Ledrou Diff. 3. c. 2.

Dices I. jubet Concilium esse amandum Deum *tamquam omnis justitiæ fontem*, sed his verbis præscribitur tantum amor Dei propter nos, & tamquam causa justitiæ nostræ; ergo

go Concilium præferibit amorem concupiscentiæ. &c. neg. min. Nam exigit ib. Concilium amorem, quo diligitur Deus propter se, ut summum bonum, a quo est omnis iustitia, non ut est in rivulis, sed ut in fonte plena, atque indeficiens. Reapse amor iustitiæ, prout nostra iustitia est, & peccatorum remissio, includitur in spe, qua confidimus Deum per Christum nobis propitium fore; frustra ergo, præter spem, dilectionem addidisset S. Synodus, ne pœnitentia redderetur infructuosa.

Deinde amare Deum *tamquam omnis iustitiæ fontem* per Aug. l. 10. de C. D. c. 3. est illud diligere, ut finem ultimum: *Ipse enim fons nostre beatitudinis, ipse nostre appetitionis est finis.* Et l. de Catech. rud. c. 27. ait: *Amandas est, sicut amatur sapientia, iustitia, & caritas, non quemadmodum sunt in homine, sed quemadmodum sunt in ipso fonte sapientiæ.* Et in Pl. 46. *Esse non poter justus, nisi convertendo te ad iustitiam manentem, a qua, si recedis, injustus es, si accedis, justus es; ergo &c.*

Adde Tridentinos PP. refellere hæreticos repetentes justificationem a sola fide. Lutherus enim in c. 2. ep. ad Gal. ait, somniare catholicos, qui ajunt: *Fidem non justificare, nisi ornata sit operibus caritatis;* ergo ut eos refellat Concilium de ea dilectione locutum est, quam ipsi negabant ad justificationem disponere. Unde Lovanienses apposuerunt ea verba: *Propter Dei offensam, teste Tappero, propter Lutherum, & Philippum; qui docent, peccatorem non posse dolere de peccatis, ob Dei offensam ex ejus amore, antequam remissum sit peccatum.*

Dices II. Agit Concilium de justificatione extra Sacramentum, aut de dispositione congrua: sed non necessaria; ergo &c. &c. neg. ant. Nam I. studet ibi S. Synodus refellere hæreticos, qui adscribebant iustitiam solæ fidei, quæ excitatur verbis Evangelicis, quibus Sacramentum confertur. De necessaria autem dispositione Concilium peragere evincitur ex quo eodem modo de fide, timore, ac spe loquatur, ac de amore initiali; sicut ergo illa, ita iste necessario requiritur, ne pœnitentia evadat *infructuosa*, ut in additamento decreto facto declarat S. Synodus. Cum ergo, quæ ad justificationem in baptismo per Trid. requiruntur a fortiori necessaria sit ad eandem in Sacramento pœnitentiæ; quod contritionem exigit, recte dicimus, sententiam nostram, non solum non adversari, sed omnino coherere Trid. Synodo.

Prob. II. pars. Deut. 6. habetur: *Diliges Dominum Deum tuum ex toto corde &c.* Atqui licet hoc præceptum, utpote affirmativum, non obliget semper, obligat tamen præsertim cum

cum peccator vult Deo, quem graviter offendit, reconciliari: alias fieri posset, ut scelestissimus homo, cum numquam in vita Deum dilexerit, supplicii terrore percitus confiteatur peccata sua, & statim obeat absolutione percepta, adeoque justificetur, licet nunquam Deum dilexerit, quod ex proscriptis ab Innoc. XI. propositionibus an. 1679. proxime sequitur; ergo &c.

Hinc est auctores nonnullos ex eorum numero, qui defendunt sufficientiam attritionis mere servilis, scribere non potuisse: *Præceptum caritatis solum obligare quando incipit, quia pœnitentiæ Sacramentum non est in promptu, non habet aliquam viam, qua se justificet, nisi eliciat actum contritionis, que semper aliquo modo actum amoris Dei super omnia involvit.* Quod quidem damnatum est Prop. 19. Ex quibus constat, ipsis propugnatoribus attritionis servilis persuasum fuisse aliquando, quod admissa eorum sententia non obliget primum decalogi præceptum, nisi *indirecte*, & ubi nulla alia adest via, qua justificari possimus.

Nos vero illud sæpe implendum asserimus, sed maxime dum irato Deo volumus reconciliari. Caveant ergo qui solo timore supplicii ad veniam petendam accedunt, ne a Deo, qui scrutatur corda, tamquam ab eo averſi, & cupiditatibus irriti Dei miseratione reddantur indigni. *Si servus*, ait Albertus Pighius Contr. 9. *Domino diceret: doleo quod te offenderim, non tamen propter te; sed propter me doleo, quia ob tuam offensam vinculis constringor, bonis careo; numquid hic impetraret veniam?* Hinc Jo. a Daventria ad art. 12. Conf. Aug. ait: *Numquam inimicus reconciliabitur, nisi prius diligat eum, quem odio proſequebatur, ideo catholici tradunt, non sufficere ad peccati remissionem, si tantum timeat, & speret, sed diligat Deum, II. Luc. 7. habetur: Remittuntur ei peccata multa, quoniam dilexit multum;* ergo &c.

Dices: exemplum Magdalenz non esse ad rem: hæc enim sine sacramento justificata est; ergo &c. R. neg. ant. I. enim hoc exemplum protulerunt Theologi, ut *actus dilectionis* capiti sess. 6. infereretur, ut dictum est prop. 4. Deinde illud adhibuerunt catholici, ut evincerent amorem requiri ad remissionem peccatorum. Tandem auctor ferm. 7. de Temp. alloquens Pœnitentes se se disponentes ad Sacramentum ait: *Vos modo debetis amare Deum, & de timore ad dilectionem transire, quia legimus, in Evang. Cui multum dimittitur, multum diligit.* III. Apost. 1. Cor. 13. ait: *Fidem, eleemosynam, & martyrium nihil prodesse sine caritate;* ergo &c. R. Adversarii loqui Apostolum de charitate habituali, sine qua non habetur meritum *de condigno*. Sed contra. Nam S. P. ferm.

serm. 15. nunc 169. de Verb. Ap. n. 14. eam explicat exemplo latronum, qui pene perditis membris nolunt crimina sua confiteri, quod sine magno cupiditatis amore non faciunt; ita, ait S. P. Martyres alloquens: *Nec tu poteris communicare Christi passionibus sine amore. Quero, quo amore? non sit cupiditas, sed caritas.* Ubi S. P. caritatis nomine non habitum, sed actum, seu motum animi intelligit se se convertentis ad Deum; sicut cupiditatis nomine motum animi accipit se se ad creata convertentis.

Deinde Apost. ibi memorat linguas, fidem, eleemosynas &c. sed has refert ad actum dicens: *Si linguis loquar, si distribuerō &c. ergo &c.* Hinc Tannerus disp. 2. q. 2. dub. 3. ait: *Apostolus loquitur de caritate, quoad actum secundum, ut SS. intellexerunt, & constat ex antithesi linguarum, quæ maxime ad actum secundum pertinent; ergo &c.* IV. 2. Cor. 7. habetur de Pœnitentia: *Quæ secundum Deum tristitia est, pœnitentiam stabilem operatur, sæculi autem tristitia mortem operatur.* Unde de Cocque aliique inferunt, attritionem formidolosam non operari salutem stabilem, cum non sit *tristitia secundum Deum*, sed secundum nos ipsos. Et D. Th. lect. 3. in hunc locum ait: *Qualis est amor, talis est tristitia ex amore causata. Est autem duplex amor: unus, quo diligitur Deus, & ex hoc causatur tristitia secundum Deum; alter, quo amatur sæculum, & ex hoc causatur tristitia sæculi.* Si ergo tristitia pœnitentium debet esse secundum Deum, debet oriri ex amore Dei.

Dices, etiam Lutherani damnant timorem servilem, quod proveniat ex amore noxio; ergo &c. R. amorem noxium, ac servilitatem, si timori insit, non esse de essentia timoris, nec timoris vitium esse, sed timentis. Sed dato etiam, quod nulla ibi esset neque ex parte timentis perversitas, non esset tamen pœnitentia ex solo timore concepta *tristitia secundum Deum.* Oportet ergo, ait Tapperus in Expl. art. Lovan. pag. 112. cum attritione, *quæ fit ob metum supplicii, aliam affectus mutationem conjunctam esse, ut rationes, ob quas dolemus, moveant ad altiore considerationem mentisque ad Deum etiam affectionem.* Adde loca Matt. 10. *Qui amat patrem plusquam me &c.* Et 1. Cor. ult. *Qui non amat D. N. J. C. sit anathema.* Item 1. Jo. 3. *Qui non diligit, manet in morte,* de quibus vide Lè-Drou, de Cocque, Juenin, Vitasse &c.

Prob. III. pars. Tertull. de Pœn. c. 4. ait: *Pœniteat amasse, quæ Deus non amat, sed hoc fieri nequit, nisi etiam amemus, quæ Deus amat; ergo &c.* Basiliius in Reg. brev. ait, oportere, *ut penitens ex animo odium adversus ea concipiat, quale is indicavit, qui dixit: Iniquitatem odio habui, legem autem tuam dilexi;* ergo pœnitentia per Basilium ex timore con-

concupitur, sed tunc vere includit odium peccati, quando complectitur Davidis affectionem. Ambrosius etiam l. 2. de Pœn. c. 9. producto exemplo viduæ, quæ obtulit duo minuta, ait: *Quid prodest collatio patrimonii sine gratia caritatis?* Et ep. ad Horont. 74. nunc 78. ait: *Qui non diligit, peccato obnoxius est.* Item ait: *Caritas peccandi excludit affectum.* Chrysostomus hom. 4. in 2. Cor. ait: *Cum peccaveris, ingemisce, non quod pœnas daturus sis, sed quod Dominum Deum tuum offenderis tam benignum, tam te amantem, ut filium suum sui causa tradiderit.* S. P. A. docet, sine caritatis officio, de quo legitur: *Diliges &c.* nil prodesse inter quantacumque tormenta cōfiteri Christi nomen. Item Conc. 21. in Pf. 118. & Tract. 6. in Jo. docet: *Ad caritatem referri omne præceptum:* quod ad eam non refertur, nondum fieri quemadmodum fieri oportet: sola caritate filios Dei discerni a filiis diaboli: ante caritatem, qua diligat Deum, hominem impium esse, nec veraci corde sæculo renunciare.

Ita Ench. cap. ult. Tract. 5. in Jo. ep. & alibi: Et ep. 144. nunc 145. ad Anastasium n. 4. ait: *Inaniter putat victorem se esse peccati, qui pœnæ timore non peccat, quia etsi non impleatur foris negotium male cupiditatis, ipsa tamen mala cupiditas intus est hostis...* Inimicus ergo iustitiæ est, qui pœnæ timore non peccat, amicus autem erit, si ejus amore non peccet, tunc enim vere timebit peccare. Nam qui gebennas metuit, non peccare metuit, sed ardere. Sed qui ex solo timore servili abstinet a peccato inimicus iustitiæ est, nec peccare metuit, sed ardere; ergo &c. Cyrillus Alex. hom. 8. in Pasch. ait: *Plenitudinem omnium, quæ in lege præcipiuntur, effici a studio colendæ caritatis: eam vero qui negligat criminibus alligari.* Quod probat S. D. exemplo illius, qui pudore, & liberalitate ab homine occidendo retinetur, & concludit: *Lex ergo ad omnem virtutem informans plenitudinem habet in caritate.* S. Petrus Chrysologus serm. 94. ait: *Cælestis creditor totum debitum caritate compensat. Absolvi vis? ama, caritas cooperiet multitudinem peccatorum.* Et prope finem ait: *Si nos esse peccatores novimus, & esse nolumus peccatores pedibus Christi demus lacrymas, figamus oscula pietatis, oleum devotione fundamus, ut dicatur nobis. Dimittuntur vobis multa, quia dilexistis multum.*

Et S. Leo serm. 7. de Jejun. ait: *Tanta est sub gemine caritatis edicto utriusque copula Testamenti, ut sine istarum connexionem virtutum nec lex quemquam inveniat iustificasse, nec gratia.* Et Greg. M. l. 1. Moral. c. 26. de S. Jobo ait: *Benedicit timens Deum, & recedens a malo, quia sancta electorum Ecclesia rectitudinis vias timore inchoat, sed caritate consummat: cui tunc est funditus a malo recedere, cum ex amore Dei cō-*  
perit

perit jam nolle peccare. Cum vero adhuc timore bona agit, a malo penitus non recessit: quia eo ipso peccat, quo peccare vellet, si peccare inulte potuisset. S. Bern. ep. 11. ait, solam caritatem esse: *Que ab amore sui & mundi avertere possit animum.* Nec timor quippe, nec amor privatus convertit animum. S. Thom. a Villanova Conc. in Dom. Pass. ait: *Dolendum est de peccato, prout est offensa Dei, sic, ut etiamsi neque esset infernus &c. displiceret peccatum, quia Deus esset offensus.* S. Bernardin. Senen. t. 1. serm. 12. ait: *Qui conteritur principaliter propter timorem inferni, & non propter amorem Dei, non est in statu salutis, quia non dolet amore Dei, sed amore sui.* S. Antoninus in Summa tit. 14. p. 4. c. 5. postquam docuit, *timorem servilem perutilem esse, quia disponit ad caritatem, monet tamen pœnitentes, præsertim in gravi infirmitate constitutos, ne eo timore principaliter moveantur: Nam inutilis esset talis pœnitentia.*

Quod probat tum auctoritate Aug., tum exemplo discipuli cuiusdam, qui præceptorum apparuit post mortem, declaravitque se esse suppliciiis inferni damnatum, *quia pœnitentia ejus & lacrymæ non fuerunt ex amore Dei, & propter Dei offensam, sed propter timorem inferni.* Tandem S. Franciscus Salesius l. 2. de Amore Dei c. 19. ait: *Pœnitentia, que pellit amorem Dei, infernalis est, & pœnitentie damnatorum similis. Quare sicut, inquit Apostolus, nil sibi profuturum, si corpus suum igni traderet, & non haberet caritatem, ita & nos vere possumus affirmare pœnitentiam nostram, tamesi adeo esset vehemens, ut præ dolore oculi in lacrymas erumperent, nisi tamen in nobis sit amor Dei, nullius prorsus adminiculi futuram fore ad vitam eternam consequendam.* Ad hæc autem elevanda non valent ea loca, in quibus laud. PP. timorem commendant; eique sæpe tribuunt consecutionem salutis: nam, præterquamquod hæc PP. affirmant de timore filiorum, qui amorem non excludit, recte dicitur a timore servili concipi spiritum dilectionis. Constat ergo, a PP. Novatores refelli damnantes salutarem geherinæ timorem, & nobis suppeditari argumenta pro S. dilectione propugnanda contra assertores attritionis pure servilis.

Prob. IV. pars. Nempe, sententiam nostram etiam ratione theologica comprobari. I. enim tenemur detestari peccatum; ut Dei offensam, sed hoc sine amore initali fieri non potest; ergo &c. Prob. maj. ex Trid. Synodo, quæ infructuosam pœnitentiam eam dixit, quæ ob pœnam tantum esset, *non propter Dei offensam.* Et licet hæc verba non apponant in definitione contritionis, subintelligit tamen, dum requirit commissi peccati detestationem: quæ sæpe haberi non potest, nisi quis



quis injuriam Deo illatam excretur. Hinc Lovanienſes art. 4. declararunt, comprehendere in definitione Concilii hæc verba: *Contritio eſt dolor de peccatis propter Dei offenſam*. Ut enim ait Ruardus Tapp. *Dolor debet eſſe de peccato, ut peccatum eſt, quia Dei offenſivum eſt, quia eſt reſeſſus a lege Dei, & per conſ. ab ipſo Deo, quod legi ejus non ſubdimur*. Ubi nota: Lovanienſes articulos juffu Caroli V. propoſitos fuiſſe cum hoc titulo: *Axiomata ab omnibus firmiter credenda*. Oſtendimus etiam triſtitiam pœnitentium debere eſſe ſecundum Deum. Tandem Clerus Gall. damnavit ann. 1700. hanc prop. *Attritio ex gehennæ metu ſufficit ſine ulla dilectione, ſine ullo ad Deum offenſum reſpectu*; ergo &c.

Prob. min. Ex iſdem Trid. PP. qui curarunt, ut c. 6. ſeſſ. 6. *aliquis caritatis actus infereretur, ne pœnitentia, ſi tota eſſet ex timore, & non propter Dei offenſam, infructuoſa eſſet*. Et S. Thom. 3. p. q. 84. art. 5. ait, pertinere ad caritatem, quando peccatum diſplicet *propter Dei offenſam*. Et q. 85. art. 5. ad 1. ait: *Quia homo debet magis Deum, quam ſeipſum diligere, ideo plus debet odire culpam, in quantum eſt offenſa Dei, quam in quantum eſt nociva ſibi*; ergo &c. Idem docent Victoria, Soto, Vega apud Marinum, necnon Vaſqueſius in 3. p. q. 85. num. 42. ubi ait: *Sicut in actu dilectionis de bono Dei neceſſario eſt amor ipſius Dei, ſic in odio peccati, ut eſt Dei offenſa, interincluditur amor ipſius Dei... nolleſſe enim Deo, qui eſt ſumme bonus, peccaſſe*.

II. Multiplex eſt in peccato malitia. 1. quod Deum injuria afficiat, 2. quod a Deo ſeparet, 3. quod mereatur ſupplacium, 4. quod ſit res turpis, & inhoneſta. Hi autem reſpectus reſpondent variis animi affectibus, 1. amoris, quo Deum diligimus ut bonum in ſe, 2. ut bonum nobis, 3. incuſſo timori &c.; ergo qui Deum propter ſe non diligit, nequit ſub ea ratione odio habere peccatum, quatenus eſt *offenſa Dei*.

Hinc Catech. R. p. 2. c. 5. ait: *Si, uti Deus ſummum bonum eſt inter omnia que diligenda ſunt, ita peccatum ſummum eſt malum inter omnia, que odiſſe homines debent, ſequitur, ut quam ob cauſam Deum ſumme diligendum conſitemur, ob eandem peccati ſummum odium capiamus*. Et S. P. ep. 145. *Tantum quisque peccatum odit, quantum juſtitiam diligit*: ſi quis ergo juſtitiam non diligit, ut eſt ordo amoris, quo ſummum bonum præfertur rebus creatis, is non odit peccatum, prout eſt offenſa Dei.

Præterea qui ex timore aliquid agunt, odio habent id, quod agunt, *ut eſt in ſe*, licet non coacte, ſed voluntarie illud agant, ut malum vitent, unde S. Thom. 1. 2. q. 6. art. 6. ait:

ait: *Timidus agit contra id, quod etiam nunc secundum se vult*. Ex quibus sic arguitur: qui solo timore se abstinere a peccato, licet voluntarie ac libere abstineat, habet tamen peccandi cupiditatem, si peccatum consideretur secundum se, ut ait ib. S. Th. nempe illud detestatur, non prout est peccatum, sed prout est causa supplicii; ergo qui solo timore abstinere a peccato, non odit peccatum ut peccatum est, & ut offensa Dei est.

III. Attritio pure servilis non excludit voluntatem peccandi; ergo non sufficit in Sacramento poenitentiae. Prob. ant. ex laud. ep. Aug. ad Anast. ubi ait: *Inaniter putat victorem se esse peccati, qui paene timore non peccat.... Qui gehennae metuit, non peccare metuit, sed ardere*. Plura alia ex Aug. profert noster Le-Drou diss. 2. Eique assentiri D. Thomam demonstrat auctor de Re Sacram. pag. 65. Ubi nota: quam longe abesse a proscriptis Quiesnellianis prop. nempe a 60. usque ad 64. ubi timor gehennae adeo deprimitur, ut dicatur, illum quo magis violentus est, eo magis ducere ad desperationem, manum duntaxat cohibere, cor tandiu addici peccato, quandiu ab amore iustitiae non ducitur: scelus committere in corde suo, quisquis ab eo non abstinere, nisi timore poenae: & sub maledicto legis peccati, sive faciendo malum, sive illud nonnisi ob timorem evitando. Non ita sane Aug. & Thomas: nam ille serm. 11. in Ps. 118. *Qui timore poenae opus legis facit, profecto inivitus facit, quod autem inivitus facit, si posset fieri, mallot utique non juberi*, ille 2. 2. art. 1. q. 107. ait: *Lex vetus dicitur cohibere manum, non animum, quia qui timore poenae ab peccato abstinere, non simpliciter ejus voluntas a peccato recedit*.

Non ajunt ergo Aug. & Thomas, poenitentiam ex solo timore supplicii esse absolute violentam, seu ad desperationem inducere, sed extortam, non simpliciter, sed conditionate, & si fieri posset, ut a lege sub tali comminatione non juberetur: nam quae non ex metu sunt, voluntaria sunt, prout movent voluntatem, ut actu agat ad vitandum supplicium, sed involuntaria sunt sub conditione, quatenus voluntas non ageret, nisi timore percelleretur; quod ergo per metum agitur, ait S. Thom. 1. 2. q. 6. art. 6. *fit voluntarium, quia motus voluntatis fertur in id, licet non propter seipsum, sed propter aliud, scilicet ad repellendum malum quod timetur*. Et S. P. A. *Qui timore poenae non concupiscit, puto, quod concupiscit, nempe non concupiscit peccatum, ut gehennam ferens; concupiscit tamen prout peccatum est: ita S. D. Leo telum timens non rapit, nec tamen appetitum deponit ut ultra non rapiat; quod ergo timore agitur non est*

est coactum, sed liberum, habet tamen *secundum se* repugnantiam in voluntate: ut mercator non coacte, sed libere merces projicit in mare, quas amat, & servare vellet, si fieri posset, absque vitæ discrimine.

Nec tamen malus est timor iste, aut ad desperationem trahit, sed bonus est, utilis, & ex Aug. Tr. 9. in Jo. ep. *Preparat locum caritati*. Et Serm. 161. *Volentem peccare animum non finit*. Ex ep. 48. nunc 93. *Excussit de somno lethargico*. Frænat *veternosissimam consuetudinem* ex serm. 28. de Verb. Ap. Et S. Thomas scribit 2. 2. q. 17. hominem metu pœnæ introduci ad amandum Deum: & Trid. sess. 6. c. 6. *per eum peccatores in spem erigi*; ergo &c. Si ergo timor non eradicat illam voluntatis repugnantiam, id provenit ex prava cupiditate timentis, non ex conditione timoris, ut ait S. Thom. 2. 2. q. 18. art. 4. ubi S. D. perspicue declarat, timorem servilem ex substantia bonum esse, sed *servilitatem* ejus esse malam. Ex quibus sic arguitur. Licet timor servilis bonus sit, & paret locum caritati &c. non tamen excludit voluntatem peccandi, si spectetur in se, sed cum eo timore stare potest repugnantia ad pœnitentiam, quam ideo accipimus, ne damnemur: imo stare potest quod voluntas timeat pœnam tamquam principale malum, hominem vero, cui pœna infligitur, amet ut ultimum finem; ergo solus ille timor non sufficit. Nam, ut observat Suarez: *Concilium Trid. requirit attritionem, quæ voluntatem peccandi excludat, non NEGATIVE tantum per solam cessationem a tali voluntate, sed POSITIVE per veram mutationem voluntatis dissentientis peccato, & consentientis grætiæ Dei*. Nam cum sola velleitate, seu simplici assensu non repugnat simul esse voluntatem peccandi: sed qui solo metu pœnæ abstinere a peccatis, nec simpliciter ab his recedit, nec recedere vellet, si peccare posset impune: ergo non alienus est a voluntate peccandi, ut ait S. P. A. *nec peccare metuit, sed ardere*.

Deinde, ut positive aliquid excludatur, debet inter excludens & exclusum esse pugna, & infociabilis oppositio: ita fides infidelitatem, spes desperationem excludit; non tamen intemperantiam, incontinentiam &c. Nam sæpe quis credit, & est intemperans, & incontinens. Nec inde tamen spes, aut fides aliquid habent vitii, sed virtutes sunt, cum sint credendi, aut sperandi principia; arcentque infidelitatem, aut desperationem, cui opponuntur, non tamen vitia reliqua, quod minus est temperantiæ, justitiæ &c. Ita timor fidei & spei conjunctus bonus est, coercet animi contumaciam &c. cui per se opponitur, non tamen excludit voluntatem peccandi secundum se, & prout est Dei offensa.

Tom. IV.

Q

Quia

Quia peccato secundum hanc rationem non opponitur, neque hoc est vitium timoris, quia hoc munus est amoris summi boni, qui amor directe opponitur offensæ summi boni: *Desiderium enim peccandi non extinguitur, nisi contrario desiderio recte facienda, ubi fides per dilectionem operatur*, ait S. P. A. l. 2. contr. Adv. leg. c. 7.

IV. Ad veram pœnitentiam requiritur, ut peccator *avertatur a viis suis pessimis, & convertatur ad Dominum*, ex Ezech. 18. Joel. 2. &c. atqui timor, licet *avertat* ab eo, quod timeatur, non convertit ad illud, quod est amandum: *Fuga enim animi timor est*, ait S. P. Tr. 49. in Jo. Et S. Thomas 2. 2. q. 19. art. 2. ergo ut quis convertatur ad Dominum amor facit: cumque converti debeat in toto corde, Deum super omnia diligens (qui enim creaturam diligit plusquam Deum, non est eo dignus) sequitur ut converti debeat ex caritate: *Eadem via*, ait Maldonatus c. 2. de Pœn. *neceffe est ad Deum convertamur, qua ab eo discessimus: discessimus autem ab eo, quia illi anteposimus creaturas; ergo ducemur ad illum redire dolendo, quod ipsum offenderimus; plusquam doleremus propter omnes res creatas.*

V. Non licet in Sacramentis conferendis sequi opinionem probabilem relicta tutiore, ex I. Prop. ab Innoc. XI. proscripta ann. 1679. atqui sententia nostra tutior est, cum omnes consentiant contritionem ex amore conceptam sufficere, *attritionem* vero servilem satis esse negent permulti; ergo &c.

Deinde adversarii ipsi fatentur, sententiam suam novam esse, nec certam, cui animarum salus committatur, maxime in mortis articulo, *ob grave damnationis periculum*; merito ergo Clerus Gall. cavet, ne administri pœnitentes monere cessent, ut in pœnitendo inchoate saltem dilectionis Dei viam ineant; quæ sola secura est, graviter peccaturi vel eo solo, quod certis incerta præponant.

PROPOSITIO VI. Sententia nostra plurium theologorum etiam adversariorum auctoritate fulcitur.

Prob. I. pars. Nam opposita sententia ignota fuit Theologis, qui præcesserunt Trid. Synodo, ac primum quidem ejus auctorem Melchiorem Canum fuisse scribit Morinus. Suarez ait: *Eam nec valde antiquam esse, nec multum communem*. Lupus ait: *Hæterium esse communem*, urgetque illud Tertulliani adversus Hermog. *Adulterum quodcumque posterius*. Witalse enumerat Theologos 49. qui nostræ sententiæ subscribunt.

II. Theologos qui Tridentino interfuere majori saltem ex parte nostræ sententiæ adhæsisse constat, ex quo plurium suffragio *actus caritatis* sessioni 6. insertus sit. Præ ceteris autem Franciscus

ciscus Sonnius, Tapperus, Rythovius, Jansenius Gandavenfis, Hesselius, Ravestein, apud Farvaquesium in Append. ad Quas. quodlibeticam §. 3. His adde Medinam, Nauseam, Victorem, Casalium, aliosque apud Le-Drou diff. 4. c. 4. §. 4. III. Post Tridentinum vero eandem sequuti sunt Petrus Soto, Ludovicus Granaten. Viguerius, Maldonatus, Hervetus Herneftus, Leodienfis, Samarinus, alique tum noſtrates, tum ex ipſa etiam S. J. Edmundus Augerius Antoine &c. Fallitur ergo Em. de Lugo, qui diſp. 5. de Pœn. ait: *Hæc tamen ſententia eſt contra omnes Theologos, & Tridentinum.*

Nam ſententiam noſtram tradendam præcipit in Inſtr. Paſt. pag. 42. Card. Denof. De Laurea illam indubitataſ appellat. Card. Le-Camus docendam juſſit in Seminario Gratianop. Card. Aguirre, qui *probabiliſſimo* diem dixit, & de præcepto caritatis egregie tractavit. Card. Moniliani, qui negat ſola attritione ſervili veniam impetrari. His addi poteſt Card. Tole-tus, qui l. 3. de Inſtr. Sacerd. c. 4. ait, attritionem non ſufficere ad Sacramentum; *Si talis ſit, ut cognoſcat penitens ſe non deſteſtari peccatum ut eſt offeſſa Dei, ſed tantum ut eſt alicujus mali temporalis cauſa, & pœne inferni.* Quæ poſtrema verba deſiderantur in poſterioribus editionibus, ſed extant in antiquoribus, ut ſcribunt Farvaques, Vitaſſe, Habert &c. & evincitur ex contextu: loquens enim de attritione ait, per eam deſteſtari peccatum, *aut quia ei debetur pœna æterna, vel propter malum temporale*; ergo utrumque in ſupradiſta periodo debuit exponi.

Prob. II. pars. Nam plures ſcholæſtici, qui ajunt *ſufficere attritionem*, non excludunt amorem iniſialem, licet concipia-tur ex metu pœnarum. Deinde adverſariis ſatentur propriam ſententiam incertam eſſe: *Quod attritio ſufficiat*, ait Canus p. 5. Releſt. de Pœn. *non eſt adeo certum.* Idem aſſerit Comitulus, Gonet, alique. Soto ait: *Eam non reperiri apud Aug. nec dignam eſſe cui balances noſtræ ſalutis confidamus.* Suarez in 3. p. q. 90. ait: *Licet ſit opinio probabilis, non eſt certa, & poteſt eſſe falſa*; ergo qui ſciens ita ſe mori permittit, voluntarie ſe exponit periculo æternæ damnationis. Sanchez docet, ſacerdotem mortaliter peccaturum, ſi in articulo mortis pœnitenti cum ſola attritione cognita miniſtret Sacramentum: *Propter grave damnationis periculum.* In eodem mortis articulo neceſſe eſſe, ut pœnitens diſponatur ad Sacramentum per aliquem caritatis actum, ſatentur adverſarii ferme omnes, ait Dicaſtillus; ergo per adverſarios, ſaltem in mortis articulo, neceſſarius eſt amor iniſialis in Sacramento, ob damnationis periculum; cur ergo neceſſarius non erit tum ob hanc cauſam, tum ob periculum confeſſionis ſacrilegæ?

quæ non minus, imo magis cavenda est, quam damnationis periculum, hæc enim creaturæ, illa creatoris maxima injuria est.

PROPOSITIO VII. Ad gratiam Sacramenti requiritur amor caritatis, non spei tantum, qua Deus diligatur *ut bonus nobis*.

Sequitur ex præced. Prop. & prob. contra Tournelyum, aliosque, qui censent necessarium quidem esse ad Sacramentum amorem initialem, sed sufficere amorem spei, quem frustra damnant Lutherani, & Quietistæ. Tournelyus ergo initialem amorem spei requiri ostendit ex Matth. 22. *Diliges Dominum Deum tuum ex toto corde &c.* sed ibi traditur expresse caritatis præceptum; ergo &c. Profert deinde Augustini testimonia, ubi præcipitur dilectio justitiæ, sed vera justitia in eo sita est, quod rationalis animus convertatur per caritatem ad bonum incommutabilem, & illud exquirat in se, & propter se; ergo &c.

III. Affert declarationem Cleri Gallicani ann. 1700. qui ait, non impleri novæ vitæ propositum, *si penitens primi mandati nullam curam gerat*; sed hoc est mandatum caritatis; ergo &c. IV. Affert historiam Pallavicini l. 8. c. 13. Sed ex ea constat insertum fuisse capiti 6. sess. 6. præter fidem & spem, etiam actum caritatis; ergo requiritur in Sacramento actus inchoatæ caritatis ob eadem momenta, quibus Tournelyus offendere nititur amorem spei.

Nec tamen excludimus amorem spei: ostendimus enim l. 26. c. 16. bonis operibus insudandum etiam intuitu sempiternæ mercedis. Sed hoc desiderium dirigi debet in finem ultimum, ut summum bonum, ad quod spes tendit, non tam appetatur gratia nostri, quam propter seipsum, quod si fiat, spes caritate dirigitur & gratis amatur Deus; ergo &c. Adeoque S. P. A. Bonaventura, Salesius, & D. Th. de spe locuti sunt, ut alibi ostendimus. Fatemur ergo dolorem, quo detestamur peccatum, ut est offensa Dei, prout est nostræ beatitudinis objectum, esse sufficientem, sed negamus a sola spe derivare. Nam ex D. Th. q. 65. art. 5. *Caritas est amor Dei, quo diligitur, ut beatitudinis objectum*. Nam in tali amore, præter motum spei tendentis in ultimum finem, est affectio cordis optantis unionem ejusdem finis. Quo sensu ultro concedimus adversariis ethicam amorem beatitudinis excludere per se voluntatem peccandi. Distant proinde a Quietistarum infania animæ illæ, quibus præ ceteris summum bonum in hac vita dulcescit: licet enim Deum diligant propter se, quia tamen carent perfecta illius unionem, sperant adhuc, & ingemiscunt. Vide Auctorem Tom. 4. p. 520. Rom. editionis.

## CAPUT V.

*In quo adversariorum objecta solvuntur.*

**M**omenta adversariorum alia innituntur auctoritati Trid. Synodi, alia petuntur ex vi & efficacia timoris a PP. laudati, quædam ex caritatis præstantia, atque ex Sacramentorum energia, tandem ex oppositæ sententiæ celebritate. Itaque

Ob. I. Trid. Synodus sess. 14. ait, a se traditam esse de Sacr. Pœnitentiæ *exactiorem, & pleniorẽ definitionem*, sed ibi de necessitate *amoris initialis* ne verbum quidem; ergo &c. II. c. 4. sess. 14. declarat, contritionem esse *dolorem animi, & detestationem de peccato, cum proposito non peccandi de cetero*, sed nec ibi meminit amoris initialis; ergo &c. III. Dividit contritionem in eam, quæ caritate perficitur, & in eam, quæ communiter concipitur ex peccati turpitudine, aut gehennæ metu; ergo utraque contritio, idest perfecta & imperfecta, illa definitione comprehenditur, & utraque est pars Sacramenti. III. De hac contritione imperfecta ait Synodus: *Ad Dei gratiam in Sacramento pœnitentiæ impetrandam, peccatorem, disponit*; ergo sufficit.

IV. Ea dispositio, non est *remota*, sed *proxima* & sufficiens, & cui nil deest ex parte pœnitentis; ergo &c. Prob. ant. Nam S. Synodus tribuit attritioni efficaciam in Sacramento, non extra ipsum; atqui attritio servilis etiam extra Sacramentum remote disponit, sternendo viam dilectioni, utiliter peccatorem concutiendo; ergo in Sacramento proxime disponit. V. Verba Synodi: *Ad Dei gratiam in Sacram. impetrandam disponit*, parum distant ab iis, quæ extabant ante reformationem: *Ad Dei gratiam facilius impetrandam disponit*. Sed tunc de dispositione sufficienti sermo fuit, ut notum est; ergo &c.

VI. Definuit Trid. contra Lutherum attritionem, *si voluntatem peccandi excludat, non solum non facere hominem hypocritam &c. verum etiam donum Dei esse, & Spiritus S. impulsus*; sed attritio servilis, etiam dilectione seclusa, est donum Dei; ergo excludit voluntatem peccandi; &c.

VII. Si cum attritione tantum servili remaneret voluntas peccandi, illa hominem redderet hypocritam; intus enim peccata foveret, quæ detestatur exterius: esset etiam pœnitentia extorta, & coacta, non libera & voluntaria: sed hæc damnat S. Synodus; ergo &c. VIII. In attritione nullum, vel minimum caritatis actum requiri constat ex scopo Concilii,

& ex proscriptione hæreticorum, qui metum gehennæ tamquam animæ sordem damnabant. IX. Item ex verbis Concilii quod opponit attritionem ex metu ei, quæ ex caritate proficiscitur, & quæ hominem Deo reconciliat ante susceptionem Sacramenti. X. In anteriori Concilii decreto abrasa sunt hæc verba: *Cum sine aliquo dilectionis in Deum motu vix esse queat*; ergo Concilium accipi debet de timore servili, quacumque dilectione Dei super omnia expoliato.

R. ad I. dist. maj. Et ibi *plenior* & *exactior* definitionem spondet S. Synodus revocans ad memoriam necessitatem amoris initialis in decreto de justificatione statutam, ubi multus fuit de pœnitentiæ Sacramento propter locorum cognationem sermo interpositus, conc. illum excludens, neg. Plena ergo & exacta Trident. Conc. definitio supponit, quæ generatim de justificatione decreta sunt sess. 6. cujus capiti 6. in illis verbis: *Ullumque tanquam omnis justitiæ fontem* &c. insertus est actus caritatis, ne si pœnitentia esset propter pœnam tantum, & non propter Dei offensam, infructuosa esset, & cap. 3. definitum est, neminem posse absque Spiritus S. inspiratione credere, sperare, & diligere, sicut oportet, ut ei justificationis gratia conferatur, ex quibus nostra firmatur assertio, non infirmatur. Adde, noluisse Concilium scholasticam controversiam, & adiaphoram definire: non enim *ad decidendas opiniones*, sed *ad errores recidendos*, Pallavicino teste, Concilium Trid. coactum est.

Ad II. dist. maj. Ait esse *detestationem* de peccato subintelligens, prout est *offensa Dei*, quo sensu detestari peccatum ex D. Thoma pertinet ad caritatem, ut c. præcedi. dictum est, conc. secus, neg. Ideo autem verba illa Synodus non apposuit, quia hæretici admittentes tantum timores incussos, & fidem, inutilem reputabant peccati detestationem, ut patet ex c. 5. illius sessionis; hanc ergo hæresim damnans S. Synodus, ac supponens, detestationem peccatorum spectare offensam Dei, distinguit contritionem perfectam ab imperfecta: quod illa ex flagrantissima caritate, hæc vero communiter ex gehennæ metu concipitur, sed, ut contigit Ninivitis, transit ad contritionem cordis, & conversionem. Verum dato etiam ea verba: *Quatenus est offensæ Dei* non subintelligi in ea definitione, nil aliud inde infertur, nisi attritionem servilem inter actus pœnitentis enumerandam, non autem *sufficere ad Sacramenti hujus constitutionem*, quæ verba in reformatione decreti abrasa fuere, licet non constet, an de attritione ab amore divulsa ibi loquatur Concilium, præsertim cum addita essent verba illa: *Cum sine aliquo dilectionis in Deum motu vix esse queat*.

Ad



Ad III. neg. conf. Cum enim Theologi disputarent, an *trō disponit* accipiendum esset de dispositione proxima, vel de remota, Concilii PP. teste Pallavicino, noluere de hac questione iudicium ferre; eos tamen in nostram conspirasse sententiam Prop. IV. & V. c. præced. monstratum est; si ergo Trident. Synodus loquitur de attritione concepta ex metu pœnæ, & progrediente ad amorem, nobiscum sentit, si de remota dispositione, vult solum Concilium, attritionem bonam esse, nec esse impedimentum, sed dispositionem ad gratiam: quod nos ultro concedimus; ergo &c. Ad IV. dist. ant. Est proxima, si timore, ex quo communiter concipitur, ascendat ad amorem initialem, quo excludat voluntatem peccandi, conc. si in timore consistat, nego.

Ad prob. neg. maj. Non enim ait Trid. quod attritio *PER SE ad justificationem PERDUCIT*, sed ait: *Ad Dei gratiam in Sacramento pœnitentiæ disponit*, caute omittens *trō PER SE, & PERDUCIT*, & pro vocabulo *justificationis*, gratiæ nomen substituens, ut constet contra Lutherum attritionem utilem esse, & licet se sola nequeat justificare, disponere tamen ad caritatem initialem, cujus ope gratia in Sacramento impetratur.

Hanc esse Trid. mentem constat ex Salmerone Trid. Concilii Theologo, qui Tom. II. tract. 22. ait: *Accedens ad Sacramentum ex attrito fit contritus, quia accedente nova gratia perfectum peccati odium concipitur*. Et Franc. Sonnius, qui etiam Trid. Synodo interfuit: *Attritio*, inquit tract. 4. de Pœn. c. 6. *non efficit veram pœnitentiam, sed ad illam præparat: sicut videmus, ait Aug. per setam introduci linum, seta prius intrat, sed nisi exeat, non succedit linum. Sic timor primum occupat mentem, non autem ibi manet, quia ideo intravit, ut introduceret caritatem; timor impellit ad contritionem, caritas perficit, timor medicamentum est, caritas sanitas*. Eadem habentur in Inst. Viguerii a Facultate Paris. probatis, in Constit. Bononien. Card. Paleoti &c. & perspicue evincitur ab exemplo Ninivitarum a Trid. Syn. producto, in quibus formidolosa pœnitentia *vim tantummodo habuit ad impetrandam novam gratiam, cujus ope adjiceretur caritatis effectus*. Attritio ergo servilis ad gratiam disponit, quia viam parat ad conversionem cordis, ad timorem Dei filialem, ad caritatis affectum, idque maxime in Sacramento ob humilitatem, qua peccator se subjicit Ecclesiæ clavibus.

Ad V. R. quod in priori decreto habebatur, attritionem *sufficere*, quod postea fuit erasum. Ad VI. dist. maj. Et attritio servilis excludit voluntatem peccandi, quatenus peccatum est causa supplicii, & damnationis, ideoque utilis est & ad gratiam

tiam disponit, quippe *per timorem*; ait S. P. A. in Ps. 127. *continent se a peccato, & incipit, quod durum erat amari*, conc. excludit voluntatem peccandi, prout peccatum est offensa Dei summe diligendi per amorem caritatis, qui longe est utilior, nec solum disponit, sed sufficit, neg. Ad VII. neg. ant. Hypocrita enim est, qui simulat exterius, quod non habet in corde, sed qui timet, vere timet, & a malo abstinet; ergo &c. Quæ vero latet in eo timore mala voluntas non provenit a timore, sed a prava timentis cupiditate: alias fides, quæ peccatum non excludit, mala esset, cum sit virtus theologica, & donum Dei. Neque extorta, aut coacta dici potest attritio ex solo metu, licet enim concussio animi, seu passio non sit cum arbitrii electione, dolor tamen ex timore conceptus est motus liberrimus voluntatis. Metus enim voluntarium non tollit, ut cum D. Thoma docent scholæ; non tamen excludit voluntatem peccandi, quippe non recederet a peccatis, si peccare posset impune: *Nec peccare metuit*, ait Aug. *sed ardere*. Ut Prop. V. n. 3. dictum est.

Ad VIII. R. Scopum Concilii fuisse non solum attritionem servilem, sed etiam initialem, & motus alios liberi arbitrii inter Dei dona adversus Lutherum recensere. Ad IX. infra erit responsio. Ad X. neg. conf. Inde enim solum evincitur, attritionem servilem posse a caritate divelli, non vero a caritate initiali sejunctam esse dispositionem sufficientem, & proximam ad gratiam in Sacramento obtinendam.

Ob. II. Timorem poenarum commendant I. scripturæ; nam Ecclesiasticus c. 1. ait: *Timor Domini expellit peccatum, nam qui sine timore est, non poterit justificari*. Et c. 21. *Qui timet Dominum, convertetur*. Et c. 25. dicitur: *Beatus habens timorem Dei*. Prov. 14. habetur: *Timor Domini fons vite*. Is. 26. *A timore tuo concepimus Spiritum*. Matth. 11. *Time eum, qui potest corpus & animam perdere in gehennam*; ergo &c. II. idem docet PP. Nam ut mittam Basilium in Ps. 33. Ambros. in Ps. 18. & Hieron. in c. 11. Malach. S. P. A. Tr. 9. in Jo. ait: *Timor Dei sic vulnerat, quomodo medici feramentum putredinem tollit*. Et in serm. de Verb. Ap. *Timor volentem peccare non finit*. Et serm. 156. *Ne possideat diabolus cor tuum, præcedat timor*. Et l. de Catechiz. rud. c. 7. recenset S. D. tria Christianorum genera, primum, & secundum, qui volunt esse Christiani, ut promereantur homines, vel ut feliciores sint rebus terrenis, eosque aut reprobos appellat S. D. aut infirmos in fide: *Qui autem, subdit, vult fieri Christianus, ut non eat in ignem æternum, sed in regnum intret cum Christo, vere Christianus est*; ergo &c.

III. Sententia opposita a Clemente XI. in Bulla *Unigenitus* prop. 60. & seq. proscripta est. Nam ibi Quesnellus ait : *Quod solus timor supplicii ducit ad desperationem ; quod manum cohibet , non cor , & per eum baptizatus adhuc est sub lege , ut Judæus &c.* ergo &c. IV. Accedit ratio , quippe timor servilis voluntatem peccandi excludit : nam , qui vult malum vitare , vult etiam vitare quod ad malum trahit , sed habens attritionem servilem vult vitare gehennam ; ergo & peccatum , quod ad eam ducit .

V. Metus cohibere potest pravam cupiditatem , & parare locum caritati , quod majus est ; ergo & voluntatem internam mutare potest , quod minus est . VI. Timor efficaci spei conjunctus omnem peccandi cupiditatem pellere debet , spes enim media adhibens necessaria ad salutem , debet peccatum amovere , quod est ejus impedimentum ; ergo &c. VII. Non solum in republica improbi pœna , boni honestatis amore in officio continentur ; sed Deus etiam hanc viam tenet , impiis mortem , & gehennam , bonis vitam , & caritatem proponens ; ergo &c. VIII. Tandem vulgare est proloquium : *Accedens ad Sacramentum ex attrito fit contritus* ; ergo &c.

R. ad I. Loca illa urgere Lutherum , ejusque assecclas , qui timorem damnant : nos autem & bonum timorem dicimus , & utilem , & ad gratiam disponere . R. II. cum D. Thoma dist. ant. Timor , si de *servili* sermo sit , est *initium sapientie , expellit peccatum &c.* prout est dilectionis principium , eamque sicut *seta linum* introducit ex August. conc. per se & secluso amore initiali , neg. Ceterum nil obstat quin loca illa de *timore initiali* cum D. Thoma ibidem , accipiamus , quatenus per istum Deum reveremur , eique subijcimus . Nam Ecclesiastici v. 12. habetur : *Timor Domini delectabit cor* , & c. 25. *Timor Domini initium dilectionis ejus* , unde testatur scriptura , ideo timorem esse initium sapientiæ : *Quia est radix & initium amoris* . Hinc August. tract. 9. in 1. ep. joan. ait : *Incipiat timor , quia initium sapientiæ &c.* Timor quasi locum *preparat caritati* . Ex Trid. etiam timor expellit peccatum , ut remota dispositio , sicut fides , & spes ; merito ergo Matth. 10. ait Christus : *Timete eum &c.* ut enim ait S. P. serm. 161. *Nihil est , quod magis timere debeas . Sed rogo te , si non te videret Deus , faceres ? Si faceres ; ergo panem times , serviliter times , formido est mali , nondum dilectio boni : sed time tamen ut ista formido custodiat te , & perducatur ad dilectionem .* Adde timorem mortis , & mali a Deo nobis proponi Deut. 30. *ut diligamus Deum* . Quare in ipsa minarum intimatione *tasite ostendit Dominus suam in homines benevolentiam* , ait Clem. Alex. Præd. p. 117.

Ad II. neg. ant. Basilius enim ibi laudat τὸν τάλμον φόβον *timorem perfectum*, quod de *servili* dici vix potest. Deinde ipsum laudat, quod *instituenda vite jaciatur fundamenta*, id vero est cum Aug. *timorem facere Legis pedagogum*. Ambrosius etiam dum ait: *Clavis configi carnes timore*, supponit *timorem amoris conjunctum*, ait enim: *Qui diligit Domini testimonia; configit clavis carnes suas*. Hieronymus docet, Deum velle nos habere servos, ut metu pœnæ a culpa recedamus, sed addit, velle primum, *ut filii simus, & bonum voluntate faciamus*. Augustinus autem tract. 9. in Jo. statim subdit: *Sunt homines, qui timent Deum, ne mittantur in gehennam, ipse est timor ille, qui introducit caritatem, sed sic venit, ut exeat. Si enim propter pœnas times Deum, nondum amas, quem sic times: non bona desideras, sed mala caves; ergo timor servilis per Aug. pungit, stimulat, ut introducat caritatem, & sufficit ad tollendam putredinem, non ad sanandum*. In Serm. 161. post verba, quæ obijciuntur, addit: *Est enim timor, quasi pedagogus Legis, litera est minans, non gratia juvans. Custodiat tamen te timor iste, dum non facis timendo, & veniet caritas, & quantum illa intrat, tantum timor exit. Timor agebat ne faceres, caritas agit ut nolis facere, etiamsi impune possis facere*. Et Serm. 156. ait: *Ne possideat diabolus cor tuum, præcedat servus (timor servus est, caritas domina est) in corde tuo, & servet domine venturæ locum. Fac timore pœnæ, si nondum potes amore justitiæ. Veniet domina, & servus abscedet*. In l. de Catech. rud. recte ait S. P. *vere dici Christianum, qui spe regni, & timore gehennæ Christi fidem amplectitur; spes enim & timor ille superna fide excitatur. Verum ut ad regnum perveniat, requirit ibi S. D. Ut plus amet Deum, quam timeat gehennam; adeo ut etsi dicat Deus: pecca, nec in gehennam mitteris, sed mecum non eris, omnino non peccet, ne illum, quem sic amat, offendat*. Vide Auctorem.

Ad III. neg. ant. Non enim timidi desperant, quia timent, sed quia sunt fide & spe destituti, Deus autem *timorem incutit salutarem*, ut ad eum convertamur, & in spem erigamur. Verum voluntas libera nondum odit, seclusa caritate, peccatum secundum se, sed ut causam supplicii. Sicut ergo in timente requiritur spes veniæ ne desperet: ita requiritur caritas ut tollatur peccati voluntas. Merito etiam damnata est proxima Quenellii Propos. *timor enim nondum manum cohibet, sed frangit vetustam consuetudinem, & caritati locum parat, nec peccato addicit, sed retrahit; timor ergo servilis est impulsus Spiritus sancti ex Trident. non inutilis & perniciosus, ut ait hæreticus, sed an sufficiat in Sacramento, nec Tridentin. Synodus, nec Clemens XI. definiunt*.

niunt. Tandem nemo nostrum asserit timendo legem servari Judaico more &c. distamus ergo a damnato dogmate Quenellii.

Ad IV. neg. ant. Quem enim poenitet ex solo poenarum metu, non odit peccatum, ut Deo injuriosum, sed peccare vellet, si posset impune. Ad prob. dist. min. cum Aug. in Ps. 127. Vult vitare gehennam *timore patiendi malum*, conc. *timore amittendi bonum*, neg. Non enim adeo est efficax voluntas timentis *serviliter*, ut vitare velit quicquid impedit *sponsi amplexus*, si nullo amore casto inflammetur. Quare, si voluntas illa, sit efficax, poterit tantum niti ad servanda praecepta, quorum primum est: *Diliges Deum tuum &c.* Ad V. R. Per Aug. cohibere interiorum animam, & parare locum caritati unum & idem esse: *Cum enim per timorem homines continent se a peccato, fit consuetudo iustitiae, & incipit quod durum erat amari, & dulcescit Deus*, ait S. P. Serm. cit. malitia autem, a qua avertit timor servilis, est, quod peccatum sit malum nobis, non quod sit offensa Dei.

Ad VI. neg. conf. Spes enim, si efficax est, nitetur finem consequi mandatorum observatione, & incipiet diligere bonum, quem timet summe iustum. Ad VII. neg. conf. Deus enim, ut ait S. P. c. 15. de Doctr. Chr. l. 1. *Timorem incutit negligentibus, ut eum magis bene agendo desiderarent, quam male agendo formident.* In Republica autem magis attenditur externum officium, quam cordis affectus, qui est hominibus impervius. Ad VIII. dist. ant. Ex attrito *fit contritus*, qui accedens ad Sacramentum cum amore initiali recipit gratiam habitualement, conc. secluso omni amore, neg. Ita S. Thomas q. 28. de Ver. art. 8. Adde, estatim illud refelli posse, cum non sit Augustini, aut alterius Ecclesiae Doctoris, neque Evangelicae veritati, aut Ecclesiae definitioni subnixum.

Ob. III. Ex caritatis efficacia. Caritas quantumvis minima non potest cum peccato consistere; ergo nihil conferret Sacramentum, si ad ipsum requireretur actus aliquis caritatis. Prob. ant. I. ex scripturis. Prov. 8. *habetur: Ego diligentes me diligo, Jo. 14. Qui diligit me diligitur a Patre meo &c.* Rom. 13. *Plenitudo legis dilectio.* I. Petr. 4. *Caritas operis multitudinem peccatorum.* II. Trid. Synodus sess. 24. c. 4. *definit: Contritionem aliquando caritate perfectam esse, hominemque Deo reconciliare, priusquam Sacramentum actu suscipiat; ergo &c.* III. Ex PP. Chrysostomus ait: *Sicut ignis, ita caritatis fervor omnia perimit.* S. P. A. tract. 5. in Joan. ait: *Non discernuntur filii Dei a filiis diaboli, nisi caritate.* Ex tract. 9. ait: *Quam cum habere ceperit homo, Spiritum S. habebit, si non habuerit, sine Spiritu S. erit.* Et c. ult. ait: *Caritas inchoata, inchoa-*

*inchoata iustitia est . . . caritas perfecta, perfecta iustitia est, S. Greg. in cap. 3. Reg. 1. ait: Ex vi conversionis magnitudo deletur criminis; vis autem conversionis est affectio caritatis; ergo &c.*

IV. Ex Bajanis Prop. 31. *Caritas perfecta &c.* Et 32. *Caritas, quæ est plenitudo legis potest esse sine remissione peccatorum.* Et 70. *Homo existens in peccato mortali, siue in reatu damnationis potest habere veram caritatem; ergo &c.* V. D. Th. 3. p. q. 7. art. 4. ait: *Minima gratia potest vitare omne peccatum mortale; minima enim caritas plus diligit Deum, quam cupiditas millia auri.* Et in Suppl. ait: *Peccatum solvi per dolorem ex amore, quantumcumque parvus sit dolor; ergo &c.* VI. Accedit ratio. Nam caritas etiam initialis est perfecta; ergo ex Bellarmino opponitur peccato, illudque sufficienter expellit, saltem per modum ultime dispositionis, quam ex natura rei gratiæ infusio consequitur. VII. Amor etiam tenuis creaturam Deo præferens reddit animam impiam; ergo oppositus amor etiam tenuis iustificat. VIII. Major aut minor caritas non variat speciem; utraque ergo iustificat.

IX. Cum vix quis possit discernere an perfectam habeat contritionem, magna inde oriretur anxietas, & perturbatio; ergo &c. X. Si sola caritas imperfecta non iustificaret, qui eliciunt contritionis actum cum voto Sacramenti damnarentur; ergo damnarentur qui Deum diligunt, quod absurdum est; ergo &c.

R. ad I. dist. ant. Si sit caritas *habitualis*, conc. si sit *initialis*, subdist. Non potest cum peccato consistere, quatenus ad iustitiam disponit, conc. quatenus eam perficit, neg. Talis est enim iustitia, qualis est caritas, ut ait S. P. l. de Nat. & Gr. Deinde caritas nos Dei amicos constituit, si cetera adhibeantur. Nam de timore etiam dicitur Ecclesiastici 1. *Timor Domini expellit peccatum*; inde tamen nil aliud infertur, nisi timorem esse dispositionem ad gratiam, & iustificare, dummodo accedat virtus Sacramenti. Idem de fide, & spe affirmat Apostol. Roman. 3. & 8. *nempe iustificari hominem per fidem: spe salvi facti sumus &c.* Sicut ergo de timore, fide, & spe ajunt adversarii hominem disponere in Sacramento; ita de amore initiali idipsum nos asserimus. Ex locis autem productis nostra firmatur assertio: si enim Deus diligentes se diligit, ad eos venit, eis peccata dimittit; ergo sublata dilectione nulla erit peccatorum remissio. Vide Auctorem.

Ad II. neg. conf. Trid. enim illam appellat contritionem caritate perfectam, quæ est acris & vehemens, eaque tantum remitti absque Sacramento peccata affirmat Catechismus

Rom.

Rom. Amor autem initialis ex Trid. requiritur, teste Pallavicino: *Ne pœnitentia sit infructuosa*; ergo &c. Ad III. R. Chrysostomum loqui de caritate perfecta, ut patet ex verbis illis: *Fervor caritatis*. Gregorius etiam in ea conversione exigit *tantum amoris ignem, qui consumere in anima possit omnem peccati rubiginem*; ergo loquitur de vehementissima caritate. Vide auctorem. Augustinus vero in caritate agnoscit vitam & Spiritum S. eo modo, quo habetur & caritas, idest habitualement, si caritas sit inherens, moventem ad perfectam contritionem, si caritas sit actualis vehemens; disponentem ad gratiam, si caritas sit initialis.

Ad IV. neg. ant. Nam sententia nostra Romæ coram Pontifice absque erroris nota, & probantibus viris doctissimis fuit semper propugnata, teste Le-Drou, aliisque; ergo &c. Vide Prop. I. c. præced. Reapse proscriptæ propositiones non de caritate initiali accipi debent, sed vel de *habituali*, quam ab actuali Bajus non secernebat, ut faterur Suarez, vel de flagranti & perfecta, ut vult Bellarminus. Quod patet ex Prop. 43. ubi Bajus agnoscit *in pœnitentibus ante Sacramentum veram justificationem, separatam tamen a remissione peccatorum*: & ex 62. & 63. ubi *distinctio duplicis justitiæ & duplicis vivificationis, quæ fit per Spiritum caritatis inhabitantem, alterius, quæ fit ex inspiratione Spiritus sancti cor excitantis, nondum inhabitantis, ut odiosissima rejicitur*. In hoc itaque Bajus erravit, quod non secerneret habitualement ab actuali justitia, atqui nos asserimus, per caritatem habitualement impium justificari, per actualem disponi ad justificationem, discrimen *duplicis justitiæ, & duplicis vivificationis* a Bajo sublatum propugnantes; ergo a Bajo recedimus.

Ad V. R. Le-Droint tom. 2. p. 105. loqui D. Thomam de gratia habituali, ut eum legenti manifestum est. Ad VI. dist. ant. Est perfecta comparate ad objectum, conc. relate ad motum animi, & conversionem cordis, neg. Fatemur etiam amorem initialement opponi amori noxio; sed etiam contraria se invicem patiuntur, nisi sint intensa. Ad VII. R. I. neg. ant. Datur enim aliqua ad creaturam conversio, quæ non infert maculam culpæ lethalis, ut fit in veniali peccato. R. II. neg. conf. Nam conversio actualis ad Deum non inducit justificationem per se, sed ex Dei promissione, & vi Sacramentorum, ut l. 19. c. 6. & 7. dictum est. Ad VIII. neg. conf. Non enim omnia, quæ ejusdem sunt speciei, habent eandem vim, ut patet de calore remisso, & intenso. Ad IX. neg. ant. Ut enim quiescat anxietas, confugiendum est ad Sacramenta, quæ gratiam supra dispositionem susipientis produciunt. Si vero ea suscipi

scipi nequeant, curandum est, ut doloris vis gravitati scele-  
rum æquari possit, ex Catechismo Rom. Cypriano, Aug. &c.  
Ad X. neg. sequelam. Nam in *mortis articulo* votum Sacra-  
menti eundem effectum confert ac ipsum Sacramentum: tunc  
enim Sacramenti susceptionem *non contemptus religionis, sed*  
*terminus necessitatis excludit*, ut ex Aug. l. 4. de Bapt. scribit  
Innoc. III. l. 3. Decr.

Ob. IV. Ex efficacia Sacramentorum, & ex oppositæ sen-  
tentia: celebritate. I. Pœnitentia est *Sacramentum mortuorum*;  
ergo ejus vi absque caritate sanctificans gratia producit. II.  
Sacramenta novæ Legis sublato obice gratiam conferunt *ex o-*  
*pere operato*: sed timor servilis non est impedimentum ad gra-  
tiam, sed dispositio; ergo per eum gratia recipitur. III. Si  
amor Dei propter se necessarius esset ad justificationem, Lex  
nova non præstaret veteri, in qua impii per illum justificaban-  
tur; ergo &c. IV. Sententiam oppositam tuentur innumeri  
etiam clariss. cujusvis Ordinis Theologi; ergo &c. V. Alex.  
VII. ait: *Eam hodie communiorem videri inter scholasticos*.  
VI. Hæc sententia conformior est communi praxi, & anima-  
rum confert tranquillitati; ergo &c.

R. ad I. neg. conf. Pœnitentia enim est *Sacramentum mor-*  
*tuorum*, quia confertur non habentibus *vivificationem*, & gra-  
tiam *habitualement*; licet habeant *vivificationem*, & gratiam *a-*  
*ctualement*, sine qua non solum diligere non possent, *ut oportet*,  
ut justificationis gratiam obtinerent, verum nec credere, nec  
sperare, nec pœnitentiam agere: ut ait Trid. Synodus. Ad  
II. dist. min. Non est impedimentum, & tamen potest cum  
impedimento consistere, nempe cum voluntate peccandi, pro-  
ut peccatum est Dei offensæ, conc. secus neg. Ad III. neg.  
ant. Nam in Lege veteri opus erat contritione cordis vehe-  
mentissima, unde fiebat, ait Catech. Romanus: *Ut a paucis-*  
*simis hac via peccatorum venia speranda esset: quare necesse*  
*fuit, ut Dominus faciliiori ratione communi saluti consuleret:*  
*quod fecit cum claves regni Ecclesiæ tradidit*.

Ad IV. R. Patronos ipsos oppositæ sententiæ fateri, eam  
fuisse ignotam majoribus, nec esse indubitatam. Plurimi ne-  
gant tenendam in mortis articulo, alii ut Henno in praxi ab-  
jiciendam, 1. ob numerum & gravitatem contradicentium, 2.  
ob eorum rationes non spernendas ex PP. Theologis, & Trid.  
depromptas, 3. Ex Pallavicini Hist. & ex actis originalibus  
Concilii, 4. Ex scriptoribus, qui Concilio præcessere, 5. ob  
*grave damnationis periculum*. Ad V. R. recte Alex. VII. di-  
xisse: *Hodie*, ne quis putaret majores nostros in ea fuisse sen-  
tentia. Recte etiam ait: *Videtur &c.* plures enim, qui tenent  
attritionis sufficientiam, non de servili, sed de initiali loquun-  
tur,



tur, ut dictum est. Alii eo sensu timorem *servilem* sufficere scribunt, quia in Sacramento supervenit timori actus aliquis caritatis; hi ergo videntur tradere attritionis servilis sufficientiam, sed non tradunt.

Ad VI. neg. ant. Nemo enim est adeo ingratus penitens, qui Deo veniam offerenti actum aliquem non exhibeat caritatis. Nullus confessarius, qui in penitentibus illum excitare non curet. Hinc Soto, licet nobis adversetur, negat, se penitentem absolvere audere, si diceret, se non penitere propter Deum. Si qui autem id audent, *Sacramentum* utrique conferunt, non *securitatem*. An vero sententia nostra pariat anxietatem, aut tranquillitatem, experiri poterit, qui ambulare studeat in latitudine amoris, non in timoris angustiis, ut ait August. in Ps. 118.

## DISSERTATIO II.

### De oris Confessione.

**A**Ltera penitentiae pars est oris Confessio, de cujus necessitate, speciebus, & conditionibus, de administro, atque ejus dotibus, de tempore, forma, subjecto, ac veteri sacramentalis confessionis disciplina breviter pertractabimus.

## C A P U T I.

### De Sacramentalis Confessionis necessitate.

**N**OT. I. Trinam confessionem PP. commemorant, fidei nempe, laudis, & peccatorum. De I. ait Christus Matth. 10. *Qui me confessus fuerit &c. confitebor & ego eum*. De II. Matth. 11. *Confiteor tibi Pater &c.* De III. ep. 1. Jo. legitur: *Si confiteamur peccata nostra, fidelis est, ut remittat*. Priori confessione profiteamur Christi religionem, unde Symbolum Apost. dicitur *Confessio*, & fideles *Confessi*. Et pars templi, ubi martyres quiescunt. Græce *Martyrium*, latine *Confessionem* appellamus. Confessio laudis, de qua plura August. in Ps. 117. summam Dei bonitatem, & beneficentiam commendat. Utraque sine confessione peccatorum stare potest, non vicissim. Debet enim qui confitetur peccata sua sperare, credere, & saltem animo Dei pietatem commendare. Definitur peccatorum Confessio (græce *Exomologesis*) *accusatio peccatorum eo fine suscepta, ut virtute clavium veniam impetremus*. Dicitur *accusatio*, idest non simplex aut jocosa expositio, sed accusandi, ac vindicandi animo: additur *venia impetrandæ causa*,

*causa*, ad differentiam iudiciorum forensium, ubi confessionem supplicium subsequitur.

Not. II. Confessioni peccatorum adstrictos olim fuisse Judæos censet Morinus. Nam mense *Tisri*, de quo Levit. 16. habetur: *In hac die expiatio erit vestri ab omnibus peccatis vestris*, probatur ex pluribus hebraicis monumentis Judæos semel iterumque sua peccata confiteri. Profert etiam Morinus hujus confessionis exemplar, & ritum. Similia tradit Baxtophius, & Huetius, qui ex Platone, Aristotele, Plutarcho, & Simplicio probat, etiam apud ethnicos in usu fuisse, ut scelus patratum pœnitentia & confessione vindicarent. Narrat etiam quo ritu peccata sua aperiant. Gaudi, Siamenses, Japonenses, alique ad publicam confessionem ex alta rupe suspensi a suis sacerdotibus compulsi. Mirum proinde est, novatores, veluti tyrannicam rejicere catholicorum confessionem, quæ liberrima est, & non solum ab omni dedecore immunis, sed est etiam utilissima.

Not. III. Confessionem damnarunt I. Novatiani ac Montanistæ. II. Sæculo VIII. exeunte quidam obscuri nominis, qui soli Deo aperienda esse peccata asseruere, ex Alcuino ep. 71. III. Viclefus docuit, confessionem esse instituti Ecclesiastici, inutilem, & noxiam. Idem sensit Petrus Oxoniensis. an. 1478. a Sixto. IV. damnatus. IV. Lutherus eam appellat cruentissimam carnificinam, negat jure divino esse institutam, & in ea aperienda esse lethalia peccata. V. Constat ex Confess. Augustana & Wittemb. a Lutheranis non prorsus rejici confessionem, imo perutilem esse absolutionis beneficium, quæ cum sit vox Dei, valet ad fidem excitandam: sed ajunt, confessionem *auricularem* non esse divinæ institutionis & publicam tantum pœnitentiam commendari ab Ecclesiæ PP. ante Lateranens. Concil. sæcul. XIII. celebratum: & necessariam non esse enumerationem delictorum, ex Gratiano, Scotto, Acosta apud Grotium, & Confess. August. VI. Calvinus fatetur confessionem utilem esse, & vetustissimam, sed ait liberam esse, nullumque ea de re ante Lateranens. Synodum extare præceptum, quod multis nominibus noxium appellat. Pugnat totis viribus pro hac sententia Dallæus. Sit itaque

PROPOSITIO I. Ex sacris literis ostenditur extare sacramentalis confessionis præceptum.

Probari solet ab aliquibus ex variis symbolis veteris Testamenti, ubi recensetur Adami, & Caini confessio, quam Tertullianus, Ambrosius, & Gregorius M. confessioni Sacramentali comparant. Item patratum a se crimen accusarunt Achan coram Josue, Saul coram Samuel, David coram Natan. Suadetur

detur etiam confessio Num. 5. Lev. 26. Ps. 31. ubi Deus hortatur Judæos, ut *confiteantur iniquitates suas*. Verum cum institutio confessionis Sacramentalis ad novam legem pertineat, non aliud ex iis symbolis evincitur, nisi eam fuisse præmonstratam, non secus ac in Judæorum purificationibus baptismus est præsignatus.

Probatur itaque ex novo Testamento, ac I. ex Matth. 18. *Quicumque alligaveritis &c.* Et Jo. 20. *Quorum remiseritis &c.* ex quibus constat sacerdotem constitutum fuisse in foro pœnitentiæ judicem, ejque ligandi ac solvendi potestatem fuisse collatam: sed nequit sine *auriculari* confessione hæc potestas rite exerceri; ergo &c. Maj. patet ex Prop. 1. c. 2. Diss. præced. Min. prob. Constat enim, ait Trid. Syn. sess. 14. c. 5. *Sacerdotes judicium hoc incognita causa exercere non potuisse*. Unde Alcuinus ep. 71. ait: *Quid solvit sacerdotalis potestas, si vincula non considerat ligati?* ergo &c. Sensit hujus argumenti vim Calvinus ipse, unde ut eam eluderet, negavit sacerdotibus judiciariam potestatem.

Prob. II. Act. 19. legitur: *Multi credentium veniebant confitentes, & annunciantes actus suos*. Frustra Lutherus actus interpretatur *miracula*. Nam I. fideles ad confessionem illam adacti dicuntur timore incusso a dæmone in improbos exorcistas insiliente. II. quia Syri legunt: *Delicta sua*, vel, ut habetur in Bibliis Walton. *Offensas suas, confitebanturque quod fecerant*. III. ita hunc locum accipiunt Chrysostomus, & Cumenius, Basilus &c. IV. Calvinus ipse, Kemnitius, & Centuriatores de confessione illam exponunt, licet generali tantum. Sed male: nam Syriacum vocabulum, quod a *nyw schabâ* derivatur, distinctam enumerationem significat, & Græcum habet *ὁμολογῆν* confiteri; ergo &c.

Prob. III. ex illo Jac. 5. *Confitemini alterutrum peccata vestra*, quem locum de Sacramentali confessione accipiunt auctor librorum de Visit. infirm. Alcuinus, Beda, Hugo Viêt. Simeon Thess. &c. Ubi *ut alterutrum* sic exponunt: *Homo homini, reus judici, agrotus medico*. Vide Marin. in App. ad l. de Pœn. p. 133. Plana est ergo hujus loci expositio, quam tradit Calmêt, alique, ad veniam obtinendam aperienda esse peccata, sive coram Ecclesia, si publica sint, sive secreto, si occulta.

Opp. hæretici: I. potestas clavium nil aliud est, præter munus declarandi apud Deum peccata fuisse dimissa; ergo &c. II. Hæc potestas iis competit, qui sunt Spiritu S. donati; ergo nostri sacerdotes, qui sunt eo destituti, illam non habent. III. Solus Deus If. 43. & Marc. 2. peccata dimittit; ergo &c. IV. Ex quo illud Jo. 20. *Quorum remiseritis &c.* quis

dam PP. exerceri scribant in baptismo, non sequitur baptismo præmittendam esse confessionem; ergo nec poenitentia. V. Quidam laici Alcuini tempore commendabant confessionem soli Deo factam ex Ps. 31. & 91. *Bonum est confiteri Domino &c.* ergo &c.

R. ad I. neg. ant. Non enim ajunt sacerdotes: *Declaro te solutum esse*, sed: *Ego te absolvo*, nec annunciandi, sed ligandi & solvendi potestate donati sunt. Ad II. retorq. argum. Nam hæretici nuntiis Evangelicis etiam improbis, & irrisoribus mysteriorum suam fictitiam clavium potestatem inesse putant. R. II. dist. ant. Competit Spiritu S. donatis, ut licite & valide ea utantur, conc. ut valide tantum, neg. Ad III. dist. ant. Solus Deus dimittit auctoritate suprema ac propria, conc. ministeriali & aliena, neg. Sicut enim ex quo Deus solus mirabilia faciat, non sequitur per subjectam creaturam mira non operari, ita nec sequitur per sacerdotes non dimittere peccata.

Ad IV. neg. conf. Nam in baptismo homo renascitur Christo, adoptatur Ecclesie; ergo nudum ministerium exercent, qui baptizant: at in poenitentia judicium exercent, & curam animarum, quæ duo apte fieri non possunt, nisi crimina, & vulnera aperiuntur; ergo &c. Ad V. R. I. Scripturas commendare confessionem Deo factam, nec improbare factam hominibus, quam ipse David coram Natan confessus exercuit. R. II. Confiteri Deo qui confitetur ministris ad id constitutis a Deo. Hinc S. P. A. illud in Ps. 31. *Quoniam tacui &c.* exponit: *Quoniam non protuli ore confessionem*; ergo &c.

PROPOSITIO II. Confessionis Sacramentalis necessitas ex traditione, & usu Ecclesie comprobatur.

Prob. I. Ex definitionibus Roman. Pontificum, qui Innocentium III. præcessere. Miso Clemente, qui ep. 2. ad Cor. lapsis confessionem peccatorum indicit, constat ex Eusebio l. 6. H. E. c. 23. Fabianum Papam tertio Ecclesie sæculo Philippo Cæs. vetuisse sacrorum aditum, *priusquam confessionem scelerum fecisset*. Ubi observat Nicephorus l. 5. c. 25. Philip-pum illorum poenitentium ordini fuisse admixtum, *qui juxta disciplinam Ecclesie, præmissa scelerum confessione, explorabantur*. Innocentius I. Ep. ad Decent. ann. 416. scripta ait: *De pondere delictorum sacerdotis est judicare, ut attendat ad confessionem poenitentis, ad fletus &c. Ac tunc debere dimitti, cum viderit congruam satisfactionem*. Constat ergo etiam solemnem reconciliationem, de qua ibi sermo est, confessionem peccatorum fuisse a poenitente præmissam, & a sacerdote adjunctam congruam satisfactionem. Quam tamen ante Pascha relaxandam monet ei, qui desperata valetudine inciderit in egritudinem, ut

eius necessitas pateat. S. Leo I. Ep. 80. nunc 136. data ann. 459. vetat, ne de singulorum peccatorum genere scripta professio publice recitetur: cum reatus conscientiarum sufficiat solis sacerdotibus indicare confessione secreta. Sufficit enim illa confessio, quæ primum Deo offertur, tum etiam sacerdoti. Tunc demum plures ad pœnitentiam poterunt provocari, si populi auribus non publicetur conscientia confitentis. Et ep. 91. Necessarium est, ait, ut peccatorum reatus ante ultimum diem sacerdotali supplicatione solvatur, nec illius temporis angustias eligat, quo vix inveniat spatium, vel confessio pœnitentis, vel reconciliatio sacerdotis.

Gregorius Magn. plura habet de Confessione Sacr. l. 3. Mor. in Jo. 7. & Hom. 26. in Ev. ad illud: *Quorum remisistis*, ait: *Videndum quæ culpa præcessit, aut quæ sit pœnitentia secutura post culpam, ut illos pastoris sententia absolvat ...* Lazaro dicitur: *veni foras, ac si cuilibet mortuo in culpa diceretur: quo reatum tuum intra conscientiam abscondis? veniat foris mortuus, idest culpam confiteatur peccator. Venientem foras solvant discipuli, ut pastores Ecclesiæ ei pœnam debeant amovere, quam meruit, qui non erubuit confiteri; ergo Innoc. III. qui sæculo XIII. in Lateranen. Concilio annuam confessionem præscripsit, majorum vestigiis inhæsit.*

Prob. II. Ex Coneiliis. Nam Laodicenum paulo ante Nicœnum can. 4. præcipit, ut pœnitentibus, qui in humilitate confessionis perseverant, statuiatur pœnitentiæ tempus: *Secundum proportionem delicti*. Cabilonense ann. 650. præcipit: *Ut a sacerdotibus data confessione indicatur pœnitentia*. Trullanum ann. 792. can. 102. ait: *Oportet eos, qui solvendi & ligandi potestatem accepere, peccati qualitatem considerare, & ejus, qui peccavit studium & affectionem, & sic morbo afferre medicinam*. Sed hoc fieri nequit sine peculiari ac distincta peccatorum manifestatione; ergo &c. Huic addit Lupus Synodum Vormatiensem, & Londinensem. Addit etiam cl. Auctor Cabilonen. alteram ann. 813. quæ can. 32. damnat eos, qui non plene confitentur peccata sua. Et can. 33. eos, qui dicunt, Deo solum confiteri debere peccata: Cum Deus sanitatem nostram non solum potentia sua, sed etiam medicorum operatione producat. Recte ergo monet Lateranen. Concilium in cap. *Utriusque*, ut sacerdos sit discretus & cautus, diligenter inquirens & peccatoris circumstantias & peccati, per quas intelligat quale illi debeat remedium adhibere. Similia habet Trid. sess. 14. ergo &c. Cum autem hæc S. Synodus ibi asserat Ecclesiâ iis verbis: *Quorum remisistis &c.* semper intellexisse collatam sacerdotibus judicariam potestatem, idcirco.

Prob. III. ex PP. Lrenzus l. 1. c. 6. narrat, foeminas a

Valentinianis circumventas *confessas* esse secreti stupri consuetudinem, & c. 13. a Marco præstigiatore *contaminatas* *miro ipsius amore exarsisse*: atque hanc labem *exomologesi* purgasse pulcherrimam diaconi uxorem; ergo occulta etiam crimina *exomologesi* purgare mos erat in Ecclesia. Adde, mulieres quasdam a Marco compressas ob pudorem confessionis faciendæ, ex Irenæo c. 7. *desperasse*; ergo necessariam ad salutem *exomologesim* putarunt. An vero confessio illa fuerit privata, vel publica, ut censet Ernestus Grabe, parum refert ad hanc quæstionem, in qua de ejus necessitate, non de modo sermo est. Utraque tamen Sacramentalis erat, & sacerdoti fiebat, & publicæ præibat privata, ut sacerdos ex occultis criminibus sibi patefactis quædam vulgari juberet, ad tollendos abusus idonea; ergo &c.

Tertullianus de Pœnit. c. 9. ait: *Tantum relevat confessio delictorum, quantum dissimulatio exaggerat; confessio enim satisfactio est, dissimulatio contumaciæ. Hujus pœnitentiæ oporosiior probatio est, ut non sola conscientia præferatur, sed aliquo etiam actu administretur. Is actus exomologesis est, qua delictum Domino confitemur; ergo exteriori etiam actu peccatorum accusatio per Tertull. fieri debet.*

Nec te moveat, quod confitendum dicat Domino; nam paulo post ait, eos, qui Domino confitentur *presbyteris advolvi, & caris Dei adgeniculari*. Addit, plures abstinere ab hoc opere pudoris magis memores, quam salutis. Et ita concludit: *Ergo cum te ad fratrum genua protendis, Christum contrectas*. Merito ergo ex Tertulliano Pamelius exagitat Novatores. Cyprianus, de Lapf. pag. 383. ait: *Confiteantur singuli delictum suum, dum satisfactio, & remissio facta per sacerdotes apud Deum grata est. Deinde laudat eos, qui quamvis nullo sacrificii, idest idololatriæ, facinore constricti, quoniam tamen de hoc cogitaverunt, hoc ipsum apud sacerdotes simpliciter confitentes exomologesim faciunt, animi sui pondus exponunt, medelam exquirunt &c.* cum ergo constet, criminum occultorum confessionem publice præscriptam non esse, *luco clarius est*, ait Editor Benedictinus, eos, qui *exomologesim faciebant &c.* peccata sua auribus alicujus sacerdotis deposuisse. Eadem habet Cyprianus in ep. ad Antonianum. Basilii in Pl. 29. T. 2. ed. Morell. p. 645. ad interrogationem 288. *Quibus peccata sint aperienda?* responder: *Quibus credita est dispensatio divinarum mysteriorum*. Et ep. ad Amphil. p. 771. ait, non esse publicandas adulterio pollutas mulieres, & id confitentes remissionis causa, ob circumspeditionem; ergo &c. De S. Ambrosio narrat Paulinus in ejus vita: *Quoties illi aliquis ob percipiendam pœnitentiam lapsus suos confessus esset, ita flebat,*

ut & illum flere compelleres. Causas autem criminum nulli, nisi Domino soli, loquebatur. Ipse Ambrosius l. i. de Pœn. c. 16. ait: Si quis, occulta crimina habens; studiose pœnitentiam egerit, quomodo ista recipit si ei communio non refunditur? Ubi Dallæus pro multa perperam effutiit occulta irrepsisse, quæ lectio nullo codice subnixa est, ut notant Maurini. Item l. 2. c. 1. ait: Et nos non erubescamus fateri Domino peccata nostra, Quis autem erubescit Deo fateri peccata, cui nuda sunt omnia? Et c. 6. ait: Solvit criminum nexus verecunda confessio peccatorum; ergo &c.

Chrysostomus l. 2. de Sacerdotio ait: Multa arte opus est, ut acri sacerdotum remediis libenter se subicere suadeantur. Ad-dit: Peccantium explorandum esse propositum; idcirco pastori opus esse 600. oculis, ut undique animæ statum circumspiciat. Et l. 3. pag. 384. eos præfert sacerdotibus veteris legis, quod illi non lepram corporis, sed immunditiam animæ non purgatam probandi, sed purgandi potestatem accepere. Et hom. 2. de Cruce, & Latr. ait: Si latronem dignatus est, multo magis nos sua benignitate dignabitur, si voluerimus peccatorum confessionem instituere; igitur peccata propria fateri ne erubescamus, magna enim confessionis est vis. Eadem habet Or. de Samar. Imitemur, ait, hanc mulierem, & ob propria peccata non erubescamus; qui enim homini detegere peccata erubescit, neque confiteri vult, in die illa non coram uno, vel duobus, sed universo orbe spectante traducetur; sed ex his constat, sacerdotes esse medicos animarum, datum illis ut peccata remittant, ut lepram a lepra distinguant, aperienda occulta crimina, vincendam erubescitiam extremi iudicii meditatione &c. ergo &c.

Augustinus Tract. 49. in Jo. ait: Quando confiteris, procedis. Quid est autem procedere, nisi ab occultis veluti exeundo manifestari? hominibus nempe, non Deo, cui nil est opertum. Et Serm. 2. in Ps. 101. Cum audis, inquit, hominem confitendo proferre conscientiam, jam de sepulcro eductus est, sed nondum solutus est. Quando solvitur? A quibus solvitur? Que solveritis, inquit, in terra &c. Ubi interior contritio, scelerum manifestatio, & ablutio sacerdotalis perspicue distinguitur; ergo &c. & in Ps. 66. Conscientia tua saniem collegerat, adhibet medicus fomenta verborum, & aliquando secatur: agnosce medici manum, confitere, & defluat omnis sanies. Et serm. 391. de Pœn. ait: Implicatus vinculis peccatorum dubitat confugere ad claves Ecclesiæ, quibus solvatur in terra, ut sit solutus in celo? Serm. 392. ad Conjugatos: Nemo dicat, occulte ago, novit Deus, qui mihi ignoscat; ergo sine causa dictum est: Qui solveritis in terra &c. Item Serm. 393. monens impium ut pœniteat, dum sanus est, ait: Quia si ad ultimum vitæ stiterit, nescit

*si ipsam pœnitentiam accipere, ac Deo & sacerdoti peccata sua confiteri poteris: quæ verba confessionem peccatorum, & sacerdoti faciendam, & ad mortis articulum non differendam designant. Plura alia profert Torrensis ex opere de vera & falsa Pœnitentia, & ex lib. de Visitatione infirmorum, sed utrumque opus Augustino supponitur; licet utrumque non exiguam habeat auctoritatem. Vide auctorem.*

Jam vero ex PP. sic arguitur. Docent PP. exomologesim fieri solitam ad genua sacerdotum, idque egisse corruptæ vitæ mulieres virosque; docent sacerdotibus tantum datas Ecclesiæ claves, eosque judicare inter lepram & lepram, frustra aliunde expectari remissionem & Evangelium frustrare, qui eos celant occulta crimina; ne inficiantur pestilenti sanie, & maximo rubore in extrema die suffundantur; ergo PP. necessitatem secretæ confessionis tradidere.

Prob. IV. Ex vetustissimo Ecclesiæ usu, cujus vetustissima monumenta produximus prob. i. longe ante Innocentii III. ævum: qui si novum, gravissimumque præceptum fidelibus imposuisset, & ut hæretici putant, *conscientiæ carnificinam*, contra illud episcopi, & fideles reclamassent; ergo &c. Idem dicendum, si alium hujus consuetudinis institutorem obtrudant; constat ergo ex regulis ab Augustino statutis ad inveniendas traditiones, hanc nos a PP. istos ab Apostolis, Apostolos a Christo accepisse. Nec dicas, hanc traditionem servari in sola Romana Ecclesia. I. enim est major hujus, quam aliarum auctoritas, ac diligentia in traditionibus servandis: II. etiam in Ecclesia Orientali servatur, ex Simeone Thessal. Gabriele Philadelph. ex Pœnitentia Joannis II. Constantinop. præsulis, ex pluribus Græcorum euchologiis. Et ex communi etiam hodiernæ Græcorum praxi, ipsos Græcorum presbyteros, licet raro admodum, ne a sacris arceantur, juxta canones Basilianos, aliquando tamen confessione purgari, federe autem quotidie excipientes *exomologesim* laicorum, & nullum ex his ad S. Synaxim inconfessum accedere explorativum est; ergo &c.

Prob. V. Ex aliarum nationum consensu. Armeni, licet variis erroribus impliciti, nullibi de isto insimulantur, Coptos, atque Æthiopes ad aures sacerdotum confiteri peccata, ita certum putat Bernatus: *Ut nihil possit esse explorativius* (1). Fal-

(1) quamvis circa XII. Ecclesiæ sæculum tres Coptitarum Patriarchæ Sacramentalem confessionem abrogare tentave-

rint; huic tamen novitati resistere, Renaudotio teste, primo Marfus quidam, qui Marcum Zaræ filium confutavit,



Falsum est ergo Cophitos ob rigorem disciplinæ non frequentare hoc Sacramentum, ut scribit Alex. H. E. p. 3. c. 9. licet enim

R 4

subinde vero Abnassali fratres duo, alique non pauci. Imo eodem tempore Michael Antiochenus Jacobitarum Patriarcha confessionis Sacramentalis, & canonicæ pœnitentiæ necessitatem demonstravit in tractatu de Præpar. ad Communionem. Cur autem Cophitæ, & Ægyptiorum nonnulli ab avita PP. omnium sæculorum traditione recefferint, rem sic narrat laudatus Renaudotius, in Comment. ad Liturgiam Cophit. S. Basilii. Cum sacerdos, inquit, laicos per Ecclesiam incensaret, solebant Cophitæ ejus precibus commendare se, & confessionem quandam verbis generalibus illi similem pronunciare, quam in Missa recitat Ecclesia Latina. Cum interea sacerdos orationem diceret, quæ ad remissionem peccatorum pertinere videtur, putarunt similes absolutiones valere ad abolenda peccata; quæ ex fragilitate a piis viris quotidie committi solent.

Hinc superstitionis initium, & subinde pœnitentiæ subversio. Nam sæculo XI. & XII. ad S. Synaxim admitti cœperunt graviorum criminum rei, qui sacerdotibus confiteri, & canonicam pœnitentiam subire renuebant, ne forte qui forent a communione remoti, aut calumniam sibi apud Mahumetanos confarent, aut fidem omnino abnegarent. Alii vero longius progressi, ut Joannes Abugaleb Cophitarum Patriarcha, & Marcus Zaræ filius, confessionem penitus abrogarunt. Itaque ex pessima illa institutione multi existimare cœpe-

runt sufficere ad expianda peccata, ut cum sacerdos thuribulum circumferret, inclamareturque a populo: Kyrie eleison, adicerentur hæc verba: Suscipe Domine hoc incensum, quod offertur tibi a sacerdote tuo pro peccatis nostris. Tunc unusquisque animo revolvens peccata sua, ea secrete coram Deo confitebatur, atque ita, illa sibi remitti stulte existimabat: Illam brevem formulam agnoscendi se peccatores coram Deo confessionem vocarunt.

Hæc Renaudotius. Verum, quidquid sit de putida quorundam insanorum hominum superstitione, explorata res est, confessionem auricularem a primis Ecclesiæ sæculis penes Æthiopes, Chaldaeos, Persas, Indos, Cophitos, Syros Jacobitas, & Nestorianos, aliosque Orientales in usu fuisse. Nam inter Sacramenta illam recenset Abedjesus Sobensis in lib. *Margarita* part. 4. c. 1. Josephus Indus *Navigazione novi Orbis* c. 134. de Nestorianis ait: *Confitentur ut nos*. Cum autem quidam Patriarcha Nestorianus, quem cl. Asseman fuisse opinatur Simonem Barmam, eam eliminare conatus esset, hinc contentiones & cædes plurimæ obortæ sunt. Rem ita narrant Sulaka, & Josephus II. *Erat apud nos consuetudo, ut revelaremus peccata nostra inter nos: sed surrexit violentus tyrannus, & abolevit eam: orta est cædes & contentio, & cessare fecit illam*. Gabanus etiam de Sacram. Pœnit. sect. 1. scribit statuisse Nestorianos: *Ne quisquam deinceps alteri, quam soli Deo peccata*

enim raro confiteantur negotiatores, sæpe tamen id agunt ceteri præsertim fœminæ, ut ostendit Sollierius tom. 5. Aët. Ss. Jun. qui etiam profert celebrem fidei confessionem Patriarchæ Babyloniz Habedjesu Apostolicæ doctrinæ conformem. Quid plura? ab Hussitis, atque Valdensibus, imo a pluribus Anglorum minime denegatam sacramentalem confessionem ostendit Bossuet in H. Variationum. Et Lutherani probaverunt aliquando Lutheri Catechismum, ubi præscribitur confessio omnium, *que menti occurrunt*; ergo &c.

Prob. VI. Ex testimoniis monachorum, qui ante Innoc. III. florere. Nam præter Basilium, de quo supra, plura de utilitate confessionis occultorum criminum scribit Cassianus Coll. 2. c. 13. Alcuinus ep. 71. ad quosdam Gothorum, *qui volebant confessionem sacerdotibus dare*, ostendit peccatori ad confessionis medicamenta confugiendum in quacumque morte versetur: idque exemplo trium mortuorum, quos Dominus suscitavit, explanat. Idem probat ex libello de gestis Bertillæ Abbatissæ Præf. 1. in sæc. III. Bened. Mabillonius. Sæculo XII. de necessitate confessionis oralis egit S. Bernardus Serm. de S. Andrea, in Exhort. ad Milites Templi, in vita S. Malachiæ, ubi narrat mulierem ejus absolutione ab infania liberatam. Consimile miraculum a Bern. patratum narrat Guillelmus Abbas. Plura etiam hujusmodi narrat Petrus Cluniacensis. Adam Abbas Perfeniæ ep. 20. ad Antistitem monast. de Vernusia Aug. instituti, teste Martenio, plura habet de confessionis præcepto, conditione, forma, & confessarii munere, quæ licet non sint cum auctoritate PP. comparanda, tamen satis ostendunt hoc dogma majorum traditione subnixum esse.

Ob. I. Ante Lateranen. Conc. nullum erat de confessionis præceptum; ergo &c. II. Ecclesia ex Trid. sess. 24. non judicat de occultis; ergo si quæ confessioni se se subiecerit, non ex vi traditionis, sed ex humilitate id fecere. III. Nectarius C. P. episcopus, teste Socrate, Sozomeno, & Ni-

*sua confiteretur: propterea quod ex revelatione cujusdam confessionis, cujus secretum Spabanensis nescio quis aperuerat, multe inter ipsos Syros dissensiones, et homicidia venissent. Verum confessionem auricularem restituere curarunt imprimis laud. Sulaka Patriarcha, ejusque successor Abedjesus, deinde Missionarii Apostolici tam in Chal-*

*dæa, & Perside, quam in Indiis. Episcopi enim, qui a Patriarcha Babylonico in Indias destinabantur, inter alios Nestorianorum errores confessionis auricularis horrorem populis illis instillabant, teste Antonio de Gouvea in Aët. Alexii Menezii Goensis Arch. 1. 7. c. 13. Hæc land. Affeman to: 3. Bibl. Orient. par. 2. p. 287.*

& Nicephoro, ob exortum scandalum propter stuprum mulieris cum diacono, sustulit presbyterum pœnitentiarium, sed hoc non fecisset, si extasset de confessione divinum præceptum; ergo &c.

Nec dicas a Nectario sublatum tantummodo publicæ confessionis usum: narrat enim Socrates permissum subinde cuique: *Ut pro arbitrio, animique conscientia accederet ad communionem*: postea vero sublato pudoris fræno graviora flagitia erupisse; ergo &c. Idem evincitur ex Chrysostomo, qui Nectario successit.

¶. ad I. neg. ant. De quo vide prob. I. Prop. II. constat enim Innocentium tempus confessionis annuæ determinasse, non eam primitus instituisse, quod etiam evincitur ex c. *Omnis utriusque*, & declarat Trid. sess. 14. c. 5. Ad II. neg. conf. & retorq. argum. Ecclesiæ enim, quæ de occultis non iudicat, collata est ligandi & solvendi potestas; ergo debent occulta crimina per sinceram confessionem eidem manifestari. Ad III. ¶. I. Thomas Valdensis, Canus, & Estius, Nectarium graviter peccasse, eique pravum consilium ea de re Eudemonem dedisse, cui Nectarius rerum Ecclesiasticarum imperitus, utpote qui ad senectam usque inter laicos versatus senex fuit inauguratus episcopus, facile assensum præbuit, ex quo *ansam singulis datam videns* non ultra confitendi, graviter cum Eudemone questus est teste ipso Socrate.

¶. II. Baronius, & Latinus Viterbien. hanc de Nectario narrationem fabulosam esse. Et Baronius quidem Socratem, cum aperte Novatianum se prodat, non esse audiendum existimat: fugillat enim Chrysostomi verba: *Si millies pœnitentiam egeris, in Ecclesiam ingredi*. Cum Socrate delirasse Sozomenum ex eo probat Baronius, quod scribat Nectarii exemplum omnes fere præfules secutos, cum eodem tempore Nysenus canones ediderit pœnitentiales. Tandem, si Socrati & Sozomeno fides habeatur, Nectarium a Novatianis deceptum esse opinatur. Plura alia congerit Latinus ad fidem huius facti elevandam, quæ vide apud Auctorem.

¶. III. Bellarminus, Petavius, Morinus &c. abrogatam a Nectario aut confessionem publicam, aut pœnitentiam publicam criminum occultorum. Ac Bellarminus l. 3. de Pœnit. cap. 14. ait, occasione Novatiænæ hæreseos institutum presbyterum bone conversationis, ut velut in theatro, sub testimonio populi delicta pandantur. Sic enim reddit verba Sozomeni Cassiodorus H. Trip. l. 9. cap. 35. cuius lectionem probant Hesselius, & Tapperus, eamque versionem Nicephori, qui legit: *Grave episcopis visum est in media plebe, velut in theatro, noxam confiteri, præferendam putat Bellarminus, eo quod Cas-*

siodorus fuerit Sozomeno quasi cœvus, Nicephorus vero illo posterior annis plus 800. ergo per Bellarminum non auricularis confessio, sed tantum minister publicæ confessioni præpositus sublatus est, qui occulta secreto servare debuit, & solum publica ad pœnitentiam evulgare poterat: sique Cassiodori, & Nicephori antilogiam censet posse conciliari. Idem præstitit etiam Chrysostomus Nectarium imitatus.

Petavius autem lectionem Cassiodori, utpote alienam a Græcis Sozomeni codicibus, ejusque accuratis Christophoroni, Valesii, & Savilli versionibus rejiciendam putat, & versionem Nicephori retinendam. Negat deinde stuprum mulieris ad Sacramentalem confessionem esse referendum. Nam Socrates habet tantum *ποσβαίνουσα*, quod male vertit interpres: *Mulier longius in confitendo progressa*, cum tantum significet, mulierem illam, cum longius procederet in obeunda pœnitentia, aliud facinus admisisse, quod coram penitentiario deposuit, & quo ab episcopo aliisque comperto, diaconus depositus est, ac fama percrebescente flagitium ad populi notitiam venit, unde Nectarius penitentiarium amovit. Reaple scribit Sozomenus stupratam mulierem, dum hujus rei causa in Ecclesia moraretur, idque abrogatum Constantinopoli, quod Romæ servabatur, nempe publicam pœnitentiam, quam ibi distincte describit. Tandem Nectarius ipse statuit, ut quisque sua conscientia fretus accederet ad communionem, hoc est, ne cogeretur ad publicam pœnitentiam. Hæc Petavius.

Morinus autem l. 2. de Penit. cap. 9. censet, penitentiarium hortatum mulierem, ut juxta morem Ecclesiæ quadam publica peccata enuntiaret, at *mulier longius progressa* (quæ verba recte supplere interpretem opinatur, cum desint in Græco) confessam quoque scelus cum diacono commissum, quod coram populo enuntiandum non erat. Unde infert Morinus a Nectario abrogatam publicam confessionem, nam ex privata nullum scandalum ortum esset, eamque etiamnum retinent Græci, alique Orientales, non tamen negat etiam pœnitentiam publicam fuisse abrogatam, ut constat ex cap. 9. laudar., ubi expresse ait: *Utrumque revera sustulit Nectarius*.

Valesius in not. ad Socratem binam mulieris confessionem distinguit, 1. qua jussa est fletibus jejuniisque vacare, 2. qua revelavit diaconi stuprum. Utraque privata fuit cum Socrates, Sozomenus, & Nicephorus scribant, factam coram presbytero, ad hoc constituto, ne scelera, quasi in theatro vulgarentur. Scandalum proinde ex eo natum est, quod penitentiarius accersito diacono ad fatendum crimen compulit, unde ab episcopo, quem penitentiarius ea de re fecit certior, depositus vulgatum est sacrilegium. Quare Nectarius sustulit peni-

nitentiarium, non confessionem, non enim interdixit fidelibus, ut nullum adirent presbyterum, aut sibi potestatem ademit arcendi a sacris eum, qui publicum crimen admisisset, sed cuique indulgit, ut ad synaxim adirent, absque eo quod se penitentiario, ut antea, subicerent.

Ex quibus colligitur Juenin, Estius, Tournelyus, Vitalse, &c. sublatum penitentiarium, occasione Decianæ persecutionis institutum, ne lapsi absque prævia penitentia reciperentur. Hic presbyter nedum excipiendis confessionibus, sed etiam penitentia peragenda erat præpositus, ut exciperet depositionem testium, reum argueret, & peccatis publicis statutas penitencias indiceret, interdum graviora crimina publicando penitentis consensu: ita patefactum mulieris stuprum; sublatum penitentiarium, & statutum ne habentes occulta crimina illum adirent, sed a quovis alio soluti sine publica penitentia ad synaxim accederent.

R. IV. cl. Auctor. Ex Nectarii facto catholicum dogma invicte probari. Sic enim illud narrat Sozomenus, quem frustra putat Baronius fuisse mentitum: *Cum peccatum necessario confiteri oporteat, grave ab initio visum est sacerdotibus tanquam in theatro crimina sua evulgare. Itaque ex presbyteris aliquem, qui vitæ integritate & prudentia polleret, huic officio præfecerunt; ad quem accedentes ii, qui deliquerant, ætus suos confitebantur. Ille vero pro cuiusque delicto, quod luere deberet, loco pœnæ indicens absolvebat confitentes.* Ex quibus evincitur I. necessitas secretæ confessionis, ne peccata palam vulgarentur. II. Id factum ab initio & ante exortam Novatianorum hæresim. III. Non unum, sed plures extitisse presbyteros secretis confessionibus excipiendis, nam Serapion lapsus in persecutione clamavit apud Euf. l. 6. c. 44. *Accerse mibi unum ex presbyteris.* Ex Cyprianus de Laps. ait, exomologesim fieri *apud sacerdotes.* IV. Penitentiarium, licet & ipse confessiones exciperet, post Novatianam hæresim specialiter constitutum, ut præfesset penitentiis agendis, & nemo ante illas exactas ad synaxim accederet; quod proprie sonat, apud Socratem, & Soz. *Presbyter, qui præest penitentia:* nam *metanias*, prout ab *exomologesi* distinguitur, est executio operis satisfactorii. Opponentibus enim Novatianis, quod in Ecclesia lapsi indiscriminatim reciperentur, Cornelius R. P. & Cyprianus curarunt, ne lapsi levarentur onere penitentia. Reapse sublato penitentiario scribit Chrysostomus adhuc *sedere presbyterum* ad conferendam fidelibus reconciliationem, & pacem. V. Scandalum non est exortum ob confessionem Sacramentalem, sed quia mulier penitentia insistens, postquam ad *penitentiarium*

*rium delicta singillatim deposuerat, ait Socrates, progressu temporis pronuntiasset crimen aliud, ac dixisse quomodo secum diaconus concubuerit. Ubi non ait Socrates, quod mulier crimen confessa est, ἔξομολογήται confessa est, sed κατηγορεῖ accusauit, palam commemorauit, non pœnitentiaro, & secreto, sed palam etiam laicis: unde diaconus Ecclesia ejectus est, & populus grauiter commoueri cepit.*

*Clarius Sozomenus: Matrona quedam ob peccata, que confessa fuerat, iussa ab hoc presbytero jejunare, dum hujus rei causa in Ecclesia moraretur, a diacono se stupratam prodidit. Quo cognito plebs omnis succensuit, eo quod contumelia illata esset Ecclesie. Stuprum ergo illatum est mulieri post confessionem, dum in Ecclesia moraretur ob pœnitentiam, & ab ipsa, non a pœnitentiaro stuprum proditum est: alias pœnitentiaro non solum amotus, sed etiam punitus, a præsule, aut objurgatus fuisset. Quare Nectarius vetuit tantum publicam pœnitentiam, cui aliquis presbyter præerat, ne aliquod simile facinus committeretur: Presbyterum, ait Sozomenus, qui agenda pœnitentie præpositus erat, aboleuit. Nec obstat, quod ait Socrat. permittum cuique ad Synaxim accedere: Pro ut sibi conscius esset &c. nec quod ait Socr. minora fuisse antea peccata: Ob verecundiam eorum, qui sua delicta enuntiabant, & ob severitatem iudicum. Nam sublata forma pœnitentie, qua tantum in conventu Ecclesie absoluta fas erat ad communionem accedere, & amoto pœnitentiaro, improbi sentientes se non atficiendos pudore, & diuturna maceratione, facile invaluit peccandi licentia.*

*Ob. II. Chrysostomus hom. 5. de Incomp. ait: Rogo, ut Deo confiteamini. Non te in theatrum conservorum tuorum duco, neque hominibus peccata revelare cogo, conscientiam tuam expande coram Deo, licet enim taceas, ipse novit omnia. Et Catech. 2. ait, quod Deus non cogit in medio patrata edicere, sed sibi soli confiteri. Et Conc. 4. de Lazaro ait: Cur erubescis dicere peccata tua? Num homini dicis, ut te probro afficiat &c. Mibi soli, ait Dominus, dic peccatum privatim, ut sanem ulcus. Et in Homil. ad Concion. Apud conscientie rationes fiat inquisitio, Deus te confitentem solus audiat, qui peccata non exprobrat, sed delet; ergo &c. II. Basilii in Pl. 37. ait, Davidem soli Deo gemitus cordis sui ostendisse; ergo &c. III. Nyssenus ep. ad Letojum ait, avaritiz peccata non esse confessione expianda; ergo &c. IV. Ambrosius l. 10. in Luc. 22. ait: Lacrymæ lavant delictum, quod voce pudor est confiteri. V. Pomerius confessionem, aut emendationem proponit; ergo alterutram sat esse opinatur. VI. Beda l. 5. in Luc. censet solam hæresim Judæismum, & schisma sacerdotibus esse aperi-*

rienda: *Cetera vitia per seipsum interius in conscientia Dominus sanat; ergo &c.*

R. Neg. conf. Vult enim ibi Chrysostomus peccata non esse aperienda coram multitudine, unde pudor maximus oritur: se fat esse, si soli Deo, nempe Dei ministro fiat, secretam exomologesim nemini revelanti. Non enim ait Chrysostomus: *Ne confitearis sacerdoti, aut ministro Christi*, cui alibi ait esse potestatem solvendi, sed non esse conhtendum *conservo*, laico nempe contumelioso, *qui in publicum proferat*. Nec ait: *Ne accedas ad sacerdotem in templo sedentem, ut tibi reconciliationem impertiat*, nam oppositum ait hom. 33. in Matth. Sed ait: *Ne dicas peccata ei, qui palam enunciet*: unde in hom. Incompr. *Neque in theatrum te duco conservorum tuorum*. Reapse conatur ibi Chrysostomus declamatoria oratione peccatorem inducere ad vincendam erubescitiam, unde utitur comparatione summæ confusionis extremæ diei, quæ longe major futura est, quam sit uni tantum homini peccata detegere, ut ait hom. de Samar. Quod ergo ait, apud rationes conscientia fieri inquisitionem criminum, designat sine testibus, & sola urgente conscientia, contra quam fit in magistratu, exerceri iudicium.

In Conc. de Lazaro nomine confessionis factæ soli Deo designat confessionem Sacramentalem: nam juxta Græcos, quæ per sacros ministros fiunt, a solo Deo fieri dicuntur. Ita S. D. hom. 50. in Matth. de Eucharistia ait, hanc hominem non operari, & in eo solum Christum manus extendere: regi enim tribuimus, quæ a ministris fiunt; sacerdos autem minister est Christi. Hinc Confessarius apud Græcos ait pœnitenti: *Frater ne erubescas: non enim mihi peccata enuntias, sed Deo*. Vide Arcudium, & Goarium; ergo &c.

Ad II. neg. conf. ibi enim de contritione Davidis, non de Sacramento novæ legis tractat Basilius, qui alibi sacerdotibus peccata aperienda esse perspicue declarat. Ad III. neg. conf. Ait enim ibi avaritiæ *mederi posse, dummodo*, avarus, *aperiat peccatum suum sacerdoti*: & largiendo pauperibus quæ habet, evellat ex animo pravam cupiditatem. Ad IV. neg. conf. Nam S. D. docet conversionem initium ducere a lacrymis, sed confessionem non excludit, ait enim ibidem: *Si in aliquo labaris, respicit, Deus, ut fatearis errorem*. Ad V. neg. ant. Nam l. 2. c. 7. ait: *Illi, quorum peccata humanam notitiam latent, nec ab ipsis confessa, nec ab aliis publicata, si ea confiteri, aut emendare noluerint, Deum habituri sunt ultorem*; non ergo alterutrum ibi proponit Pomerius, ut perperam contendit Dallæus, sed ait, Deum esse ultorem illorum, qui aut peccata non confitentur, aut si confiteantur, non se emendant.

Dixe-

Dixerat enim supra: *Quoslibet nobis peccata sua tanquam medicis vulnera aperire*. Ad VI. neg. ant. Loquitur enim Bedas de receptione eorum, qui sunt extra Ecclesiam, non de absolutione Sacramentali. Nam de lepra eorum, qui sunt in Ecclesia ait: *Gravioris lepre immunditiam sacerdoti pandamus, atque ad ejus arbitrium purificari curemus*.

PROPOSITIO III. Consentiunt catholico dogmati Gratianus, & duces scholarum.

Prob. I. pars. Gratianus enim de Pœn. dist. 1. n. 37. docet, quosdam asserere peccatum remitti per contritionem, quæ confessionem præcedit, alios *sine confessione oris, & satisfactione neminem a peccato posse mundari, si tempus habuerit*: & hanc sententiam confirmat verbis Isaïæ & Ambrosii: *Non potest quisquam justificari, nisi ante fuerit peccatum confessus*. Falluntur autem hæretici, dum nobis priorem sententiam opponunt, quasi Gratianus putaverit confessionem necessariam non esse ad delendum peccatum, aliud est enim efficaciam contritionis asserere, quæ vi sua impium justificet, aliud negare confessionis necessitatem. Gratianus ergo ibi profert scholasticorum sententias, qui contritionis quidem efficaciam propugnabant, confessionem tamen non negabant; eaque in sua probabilitate relicta, ait: *Fir confessio ad ostensionem penitentiae, non ad impetrationem veniæ*. Profert etiam plures canones de necessitate pœnitentiæ, 41. Chromatii, quem tribuit Chrysostomo, & 44. ex Aug. serm. 392. & alios ib. Tandem PP. locis oppositæ sententiæ respondet, aliter esse interpretanda, quam ab advers. exponuntur. Prob. II. pars. Nam sententiam nostram tuentur Guillelmus Parisien. Magister, Petrus Pictavien. Alex. Alensis, D. Thomas, Bonaventura, Scotus, alique tam vetères, quam recentiores.

Ob. I. Gratianus, quamvis de Pœnit. dist. 1. num. 87. plurâ protulerit, quibus probatur *sine confessione oris, neminem a peccato mundari*; tamen §. 2. E contra aliis argumentis ex Chrysostomo, Ambrosio, aliisque probare nititur: *Sine confessione oris posse peccata deleri*. Addit verba illa: *Confitemini alterutrum &c.* esse exhortationis, non iussionis, vel ad interiorem pœnitentiam, si quæ sunt hujusmodi esse referenda. Loca autem SS. PP. exponit de satisfactione *pro manifestis criminibus: latentia vero peccata non probari sacerdoti necessario confitenda*. Tandem concludit: *Cui harum, sententiarum, adhaerendum sit lectoris judicio reservatur: utraque enim fautores habet sapientes, & religiosos viros*; ergo &c. Quod confirmat ex Pœnitentiali Theod. Cantuar. ubi habetur: *Quidam Deo solummodo confiteri debere peccata dixerunt, ut Greci, quidam sacerdotibus, ut tota fere Ecclesia*; ergo &c. Ita Dallæus. II.



Jo. Theutonicus de Pœn. ait: *Sed melius dicitur fuisse institutam a quadam universalis Ecclesie traditione*; unde infert Græcis necessariam non esse, quos non obstringit traditio Ecclesie Romanæ, sicut nec traditio consecrandi in azymo.

III. S. Bonaventura in 4. dist. 17. ait, confessionem non requiri ad justificationem: *Cum sequatur contritionem, quæ sine justificatione non est*. Nunc autem hæreticam habendam oppositam sententiam ob definitionem Concilii Lateranensis: *Sed ante non erat hæresis, quia non negabant potestatem clavium, sed necessitatem*. Ideo Magister, & Gratianus hoc referant tamquam opinionem. IV. Scotus dist. 17. negat, ex quo confessio sit a Christo instituta, inferri quod sit necessaria; aut illos posse revinci, qui ajunt, eam esse de jure Ecclesiastico, non de divino. V. Durandus ex Estio eo propendet, ut putet confessionem non esse præcepti, sed consilii.

R. Ad I. Gratianum loco cit. quætere: *An aliquis possit promereri veniam absque sacerdotali judicio, &.* producit 1. Canones 60. pro utraque sententia, at cap. *Voluissent* docet: *Quod sine confessione oris &c. peccatum non dimittitur*, quod probat exemplo eorum, quos Dominus mundavit a lepra inferens: *Quod ille, quem culpe macula inficit, nisi confessione oris, vel Ecclesia intercessione sanari non poterit*. Sequitur postea §. 2. *E contra*, ubi ostendit posse impium per interiorem penitentiam mundari: *Modo in seipso puniat peccatum contritione cordis, & secreta satisfactione*.

Ex quibus constat, Gratianum hinc inde differere de vi peccatorum expiatrix, quæ an insit contritioni cordis, an sacerdotali judicio, an utrique, tunc erat quæstio adiaphora, unde observat Bonaventura, D. Thomas, aliiq. sensisse Gratianum, quod confessio sit utique a Christo instituta, sed ejus necessitas definita solius Ecclesie decreto, quo nondum lato fas erat, salva fide, de ea necessitate disputare. Reapse Gratianus §. 3. ait: *Sine confessione oris, si facultas non defueris, aliquod grave delictum expiari auctoritati penitus probatur adversum*, quod multiplici ratione demonstrat; ergo &c. Idipsam sensit Magister, qui dist. 17. l. 4. ait: *Deo primum, deinde sacerdoti offerri confessionem, nec aliter posse ad paradisum perveniri, si adsit facultas*. In Canone autem: *Quidam Deo rō ut Græci* additum est, cum desit in Penitentiali Theodori & in Concilio Cabil. II. unde canon fuit excerptus, sed etiam admissa Gratiani lectione dicimus Ecclesie Orthodoxæ sententiam, cui saniores Græci subscribunt, opinioni Græcorum errantium esse præferendam.

Ad II. dist. ant. Ait fuisse institutam, quoad temporis definitionem, conc. quoad vim Sacramenti, neg. Eo enim sensu loqui-

loquitur Jo. Teutonicus, quo D. Thomas in 4. dist. 17. q. 3. ait: *Quod ad confessionem obligamur uno modo ex jure divino, alio modo ex precepto juris positivi, EX INSTITUTIONE Ecclesie edita sub Innocentio III. Ad III. R. Bonaventuram sensisse requiri in poenitente contritionem caritate habituali formatam ex q. 4. art. præc. Quare necessitate confessionis propugnat, non ad habendam justitiam, sed ne violetur Dei præceptum, quo quis amittat justificationem. Licet autem excuset Magistrum, & Gratianum, quod nondum esset celebratum Lateranense Concilium; scribit tamen utrumque improbasse opinionem negantium necessitatem confessionis. Ad IV. retorq. argum. Scotus enim probat confessionem a Christo institutam ex illis verbis: *Quorum remisistis &c.* ergo &c. Verum ex ea institutione negat Scotus, invictè probari confessionis necessitatem, non enim sequitur, ait Scotus: *Est Sacramentum a Christo institutum; ergo ad salutem est necessarium*; cum extrema unctio & confirmatio sit a Christo instituta, nec tamen omnino necessaria. Ad V. retorq. arg. Durandus enim dist. 17. q. 8. scribit, institutam esse jure divino, & q. 9. confessionem necessariam esse demonstrat: *Quia remedium ordinatum contra culpam est de necessitate salutis*; ergo &c.*

PROPOSITIO IV. Confessio Sacramentalis necessaria est necessitate medii.

Sequitur ex dictis, & prob. I. Nemo salvari potest, nisi a peccatis solvatur, sed hoc fieri nequit sine Sacramentali confessione; ergo &c. Prob. min. Si alia esset via, ea sane esset caritas & contritio, sed neutra justificat absque voto Sacramenti, quod in iis includitur; ergo &c. Sed etsi contritio vi sua justitiam conferret, cum Christus jussit poenitentes sacerdotibus subjici, qui id facere renueret, a justificatione decideret, ob violatum præceptum. Cumque Christus eos constituerit absolutionis ministros per ea verba: *Quorum remisistis &c.* non poenitens, sed arrogans esset, qui alia via solvi vellet; ergo &c.

Prob. II. ex Roman. Pontificibus, PP. & Conc. Nam S. Leo epist. ad Theod. necessarium putat, ut peccata, ante judicii diem *sacerdotali supplicatione* solvantur. Et Gregor. M. ait, jacere cum Lazaro mortuum in culpa, qui foras non egredditur per confessionem. Concilium Lateranens. sacerdotem declarat esse medicum, qui ægro peccatori debet adhibere remedium. Trid. sess. 14. hoc Sacramentum lapsis ita necessarium declarat: *Ut nondum regeneratis ipse baptismus*. Ex PP. Irenæus scribit, incestuosas mulieres ad confessionem compulsas, quod sine ea nullus saluti esset aditus. Ambrosius ait, per eam solvi criminum nexus. August. docet, frustrare Evan-

Evangelium, qui ait deleri peccatum sine Ecclesiæ clavibus; ergo &c. Prob. III. Ex schola DD. Nam S. Thomas, Sotus, Durandus, aliique ajunt, confessionem esse a Deo institutam in remedium peccatorum. Ab Ecclesia autem semel in anno præceptam, ut fideles suum pastorem agnoscant, & digne accedant ad Eucharistiam; ergo confessio, prout a Christo instituta in peccatorum remedium, vel in re, vel in voto est de necessitate medii; prout præcipitur ab Ecclesia, est de necessitate præcepti.

Ob. I. Ex verbis illis: *Quorum remisistis &c.* evincitur sacerdotum absolvendi potestas, non pœnitentium absoluta confitendi necessitas; ergo &c. II. Evincitur inde potestas prædicandi Evangelium & baptizandi. III. Potestas illa stare potest sine confessione; sicut stat in baptismo, ubi peccata sine confessione solvuntur; ergo &c. IV. Verba illa exponi possunt cum Augustino de mutua injuriarum condonatione. V. Ex verbis Christi non distinguuntur duo criminum genera, quorum unum oporteat remittere, alterum retinere, sed duo peccantium genera: habetur enim: *Quorum, & Quorum*, idest unum *pœnitentium*, alterum *impœnitentium*, quibus datur, vel negatur remissio; ergo sacerdos cognoscere debet statum delinquentis, non peccatorum numerum, naturam, & gravitatem. VI. Christus binas mulieres Luc. 7. & Jo. 8. sine confessione recepit in gratiam. Paralytici fidem videns dimisit et peccata Luc. 2. Petrus etiam Simonem ad pœnitentiam non ad confessionem hortatur Act. 8. ergo &c.

VII. Ezech. 18. remissio peccatorum tribuitur conversioni cordis, non confessioni, habetur enim: *Convertimini &c.* Tob. 4. Eccl. 3. Prov. 15. Dan. 4. & Luc. 11. tribuitur eleemosynæ. Jac. 1. fidei & orationi; ergo &c. VIII. Accedit ratio. Si confessio esset necessaria absolute, posset a qualibet etiam formina administrari, quod est absurdum; ergo &c. IX. Veteres fideles quotidie Eucharistiam sumebant, nec tamen legimus fuisse confessos, nec PP. qui de communionis dispositionibus meminere, confessionem laudant; ergo &c. X. In lege veteri necessaria non fuit; ergo nec erit in nova.

R. ad I. neg. ant. Frustranea quippe esset illa potestas, si peccatores ad nutum possent eam declinare; sicut ergo in veteri lege frustra præsumpisset quis mundari sine sacrificiis a Deo statutis, ita perperam in nova quis sperat sanari absque remedio, quem Christus instituit. Et licet possit Deus peccata absolute sine illo dimittere, ut fit in vehementissima cordis contritione; nemo tamen spernere debet ordinarium reconciliationis modum: ut patet in causis civilis fori, quæ non ten-

minantur absque judiciali discussione, licet rex absolute possit illas absolvere.

Ad II. vide Prop. I. Ad III. neg. ant. Nequit enim rectum iudicium stare sine criminum manifestatione. In baptismo autem nullum iudicium occurrit, cum non renati sint extra Ecclesiam. Ad IV. Vide *R.* ad Ob. V. Prop. I. cap. 2. l. 34. Ad V. neg. ant. Nam, si *τὸ Quorum, & Quorum Jo. 20.* ad personas refertur *τὸ Quicumque, & quicumque ligaveritis &c.* ad peccata referri debet. Verum, licet in Evangelio fieret sola distinctio *pœnitentium*, & non *pœnitentium*, necessaria tamen foret distincta peccatorum notitia, sine qua nec status delinquentis agnosci, nec opportuna remedia prescribi possunt. Vide Prop. I. Ad VI. neg. conf. Mulieres enim & paralyticus a Christo, in quo est plenissima potestas & scientia, qua carent ejus ministri, absolutionem immediate receperunt. Adde, adulteram publice redargutam, peccatricem vero non voce, sed lacrymis *sua vulnera confitentem* laudari a Greg. M. hom. 33. in Ev. Petrus etiam Simonem ortatur ad pœnitentiam, sed hæc confessionem non excludit, & idem valet: *Pœnitentiam age, ac: Convertere, confitere, vindica in te peccata.*

Ad VII. dist. ant. Tribuitur tamquam dispositioni, conc. tamquam causæ instrumentali, neg. Fides ergo dicitur peccata remittere, prout est primum gratiæ donum, unde merita incipiunt: spes & conversio, prout animum erigunt, & a fluxibus bonis avertunt: oratio autem per modum impetrationis. Licet autem fides, & spes &c. ratione sibi propria remissionem peccatorum operentur, non sequitur negligenda esse alia salutis remedia, alioquin, si fides, ex. gr. se sola peccata dimittit, nec baptismus, nec caritas, nec eleemosyna necessaria sunt ad vitam æternam. De eleemosyna autem hæc habet S. P. A. in Ench. c. 70. *In melius est vita mutanda, & per eleemosynas de peccatis præteritis propitiandus est Deus, non ut ea semper liceat impune committere, quamvis miserando delectat peccata, si non satisfactio congrua negligatur.* Ad VIII. neg. sequelam. Nam baptismi necessitas ad omnes extenditur, ideoque pluribus ministris opus fuit. Confessio autem ad solos lapsos, quibus nimia copia ministrorum studium reconciliazionis retardare potuisset.

Ad IX. neg. conf. Ideo enim in primitiva Ecclesia communicantes non semper confessione exiabantur, quia sobrie & pie vivebant; arcebantur tamen improbi, vel publica pœnitentia, vel occulta ex Ap. I. Cor. II. *Probet autem seipsum homo.* PP. ergo, qui confessionis non meminere, sed permittunt ut quisque pro sua conscientia accedat ad Eucharistiam,

... præ-

præterquamquod ex eo negativo argumento nihil concluditur, exponi debent de abolitione pœnitentiarii, ut de facto Nestorii dictum est. Ad X. Vide responsionem ad Obj. II. Prop. I. c. 2. lib. 34. & responsionem ab Obj. IV. n. 3. c. 5. Diss. I. l. 34.

PROPOSITIO V. In confessione debent enumerari omnia peccata lethalia.

Prob. I. Ex divina institutione, & ex PP. consensu potestatem habent sacerdotes ligandi, & solvendi, & *sepram* a lepra dijudicandi: sed hoc fieri nequit sine distincta peccatorum enumeratione, alias iudicium incognita causa exerceretur, neque in pœnis injungendis æquitas servari posset, ut ait Trid. Syn. sess. 14. can. 7. merito ergo S. Synodus hæreticos damnat, qui art. 11. Conf. Augustanæ ajunt: *Necessarium non esse jure divino confiteri omnia & singula peccata mortalia, etiam occulta, quorum memoria habetur, & circumstantias, quæ peccati speciem mutant.* II. Ideo Melanchthon in Apologia Conf. Aug. negat necessariam esse hanc enumerationem, quia putat, ex illa *numquam conscientias fore tranquillas*: sed oppositum inde sequi ostendit Cochleus in discussione art. 11. Conf. Si enim *quædam peccata taceamus, non poterit plena esse per absolutionem in conscientia quies, remordebitur enim adhuc ab iis peccatis; quæ vel per hypocrisim, vel ex erubescencia omisit*; ergo &c.

III. Probat Melanchthon *confessionem & examinationem, ut institui homines melius possint*: sed hoc fieri nequit, sine distincta peccatorum enumeratione; ergo &c. Si quis enim confiteatur: *Se inanibus delectari munusculis; taceat autem libidinem, invidiam &c. quomodo conjectura ea assequi poteris, ut alia ei virtutum dogmata instilles?* ait insignis Theologus in Harm. Confess. Aug. ergo necessaria foret illa enumeratio etiam ad hominum institutionem, quanto magis ad gratiam in Sacramento producendam, ad potestatem judicariam exercendam, & ad peccata solvenda?

Ob. I. ex v. 13. Pf. 18. *Delicta quis intolligit?* & Jer. 12. *Præcivum est cor hominis & inscrutabile*, evincitur enumerationem illam esse impossibilem; ergo &c. II. Ex ea tollitur conscientiarum quies: nam plura peccata nec novimus, nec meminimus; ergo &c. III. Rejicitur a PP. a Gratiano, & a veteribus Theologis: ergo &c. IV. Nemo ait necessarium esse enumerare omnia venialia; ergo nec lethalia.

R. ad I. & II. neg. ant. Docet enim Trid. Syn. sess. 14. c. 5. *Nihil aliud a pœnitentibus exigi, quam, ut postquam quisque diligentius se excusserit, ea peccata confiteatur, quibus se Deum mortaliter offendisse meminerit; reliqua autem, quæ non occurrunt; in eadem confessione inclusa intelliguntur.* Ad III.

vide Prop. II. & III. Ad IV. neg. conf. Nam venialia cum habituali caritate consistunt, non lethalia: eaque possunt mediis pluribus expiari, & ipsa Sacramentali poenitentia: unde sunt ejus materia sufficiens, non necessaria.

## C A P U T II.

### *De variis confessionum speciebus.*

**D**Ocent Theologi Estius, Suarez, Morinus &c. Non spectare ad essentiam Confessionis Sacramentalis, ut fiat secreto, cum ex Trid. sess. 14. c. 5. *Possit aliquis ob Ecclesie edificationem delicta sua publice confiteri*; spectat tamen ad ejus essentiam, ut peccata sacerdoti enuntientur, qualicumque modo id fiat. Sit itaque

PROPOSITIO I. Obtinuit olim in Ecclesia publica peccatorum confessio: sed nulla ea de re lex fuit Ecclesie, quoad crimina occulta.

Prob. I. pars. Ex Irenæo l. 1. cap. 13. ubi de scæminis a Marco vitiatis ait: *Quedam etiam in manifesto exomologesum faciunt*. Ex quibus confessionem publicam evinci ostendit Græbuis, Billius, Massuetus &c. II. Origenes hom. 2. in Ps. 37. ait: *Si, confessorius, prævideris talem esse languorem suum, qui in conventu totius Ecclesie exponi debeat & curari, hoc periti illius medici consilio procurandum est*. III. Cyprianus in ep. ad Pomp. mandat, ut si ex virginibus aliqua corrupta deprehensa fuerit ab obstetricibus, *ad exomologesum publicam compellatur*. IV. Jo. Climacus narrat confessionem publicam cujusdam latronis, qui Alexandriæ ad cœnobium accedens omnia sua facinora accusavit, *verecundia pudore profecto*. Alia exempla producit Morinus, ut præteream celebre Nectarii factum. V. S. P. ser. 351. monet, ne quis recuset agere poenitentiam in notitia multorum, si hoc expedire utilitati Ecclesie videatur antistiti. Ex quibus omnibus inferitur, probabilem esse eorum sententiam, qui consent, aliquando Eccl. antistites præcepisse publicorum criminum publicam confessionem, ut observat hoc loco cl. Auctor, sed merito dubitari, num istæ, & confimiles confessiones apud Eusebium l. 5. H. E. c. 28. & l. 7. c. 7. fuerint sacramentales.

Prob. II. pars. I. Ex Sozomeno qui ait: *Grave ab initio visum esse, tamquam in theatro, crimina evulgare*. II. Basilii in Regulis brevior. ait: *Ut vitia corporis, eodem modo peccatorum confessio fieri debet apud eos, qui ea possunt curare, nempe apud sacerdotes, ut ait ibidem S. D.* III. Plura sunt loca S. Leonis, Chrysostomi, August. Ambrosii &c. quæ vide Prop.

II. e. præc. IV. Trid. Syn. ait: *Nec satis consulte humana lege præciperetur, ut delicta, præsertim secreta, publica essent confessione aperienda.* V. Lex hujusmodi non esset Evangelicæ legi conformis, quæ jugum suave, & leve appellatur: & ex ea infinita exurgerent incommoda. Si enim ex unius criminis revelatione adeo turbata est Ecclesia Constantinopolitana, quid censes futurum, si universa crimina panderentur?

PROPOSITIO II. Publicæ confessioni, & pœnitentiæ præmittebatur secreta, aliquando etiam generalis confessio.

Ita Pamelius, Petavius, Morinus, Sirmondus, Massuetus, alique. Et probatur prima pars I. Ex Orig. qui in Ps. 37. ait: *Circumspice cui debeas confiteri peccatum tuum. Proba prius medicum, qui sciat flere cum flente, ut ita demum quid ille dixerit facias; & sequaris. Si intellexerit talem esse languorem tuum, qui in conventu totius Ecclesiæ exponi debeat, & curari, ex quo ceteri edificari poterunt, multa deliberatione & periti medici consilio hoc procurandum est.* Ex quibus non inferitur necessitas publicæ confessionis, ait Petavius, non enim assereret, ad hoc deliberatione & consilio opus esse, sed inferitur generalis agnitio scelerum, eorumque detestatio, & illius tantum criminis publicatio, quod prudens sacerdos judicet enuntiandum. II. Eadem tradere videntur Tertullianus de Pœn. c. 9. & Cyprianus de Lap. Ep. 12. & 13. Eadem docet S. P. A. Serm. 351. Prop. præced. laudatus. Item Pacianus, Ambrosius, Theodoretus &c. apud Pamelium, & Morinum.

III. Sozomenus, & Nicephorus narrant, excipiendis confessionibus præfectum fuisse aliquem ex presbyteris: *Qui taciturnitate, & prudentia polleteret, ille vero absoluebat pœnitentes a seipsis pœnas criminum exacturos;* ergo secreta confessio publicam pœnitentiam præcessit. IV. Id etiam evincitur ex eo quod post factam sacerdoti confessionem secretam, ne dum pro publicis, sed etiam pro occultis gravioribus peccatis pœnitentia publica, vel a sacerdote fuerit indicta, ut plerique putant cum Morino, sive ultro fuerit a pœnitentibus suscepta, ut placet Sirmondo. V. Canone 32. Concilii Carth. præcipitur, ut confitenti *publicum & vulgatissimum crimen*, quod universa Ecclesia noverit, ante Absidem manus imponatur; sed hinc eruitur, præter peccata publica, alia fuisse, quæ publica pœnitentia punirentur. Si enim omnia manifestata essent in Ecclesiæ conventu, cur solum in manifestissimis criminibus manus ante Absidem imponerentur? VI. Basilius in ep. ad Amphil. c. 34. ait, adulteras communione privatas, licet earum scelus privata tantum confessione sit enuntiandum, ne capitali pœna puniantur.

VII. S. P. A. hom. 49. monet adulteros, ut pro ipsis oret Ecclesia.

*clesia*: Loqui autem S. D. de publica pœnitentia constat ex fide Theodosii Imp. ait enim: *Propterea Deus voluit, ut Theodosius ageret pœnitentiam publicam, quia peccatum ejus celari non potuit: & erubescit plebejus, sive negotiator, quod non erubuit imperator?* ergo ex Aug. præscribitur adulteris, quorum crimen occultum esse solet, publica pœnitentia sine publica accusatione, ob productam a Basilio rationem; constat ergo Sacramentalem confessionem legitimo ministro privatim factam fuisse normam, juxta quam ipse, criminum gravitate, & personarum conditione spectatis, pœnas decernebat: pœnitens vero etiam occultus interdum palam enuntiabat occultum crimen; ergo non publica exomologesis secretam confessionem; sed hæc illam prævit.

Prob. II. pars ex Sozomeno, & Socrate, qui scribunt, mulierem singillatim enuntiassse delicta omnia post baptismum a se perpetrata. Gregorius Turonen. refert S. Aredium confesum omnia acta adolescentiæ suæ coram Nicetio episcopo. Idem de S. Eligio, Clotario, Tillone, Agnete Augusta narrant alii apud Mabillonium, Sermondum, Martenium. II. Accedunt hortamenta ad hanc generalem confessionem Hincmari ad Pipinum, S. Anselmi ad fratrem, Constitutiones Cluniacen. Cisterciën. Carthusianorum apud Mabillonium, & Martenium ib. Huc tamen non spectant confessiones generales, in quibus peccata verbis generalibus exponuntur, ut est *Confessio* S. Fulgentii, Isidori, Roberti apud Mabillonium ibidem; his enim generalibus confessionibus omnia peccatorum genera comprehenduntur, ad juvandam peccantium memoriam: *Nō forte præ verecundia, sive oblivione aliquid putridum in corde remaneat*, ut habetur in Ordine Romano & in Euchologio Græcorum. Quare, præter hanc generalem confessionem, necessaria est distincta enumeratio delictorum, quæ menti occurrunt. Nam generalis illa confessio, qualis est ea; quam Missæ præmittimus, nullam ex opere operato vim habet, ut docet Magister, & S. Thomas, sed ex opere operantis, ut sunt Sacramentalia.

PROPOSITIO III. Quidam per literas confessi sunt, sed ea confessio nec valida, nec licita est, nec unquam fuit.

Prob. I. pars. Ex epistola Roberti episcopi Cenomanen. ad episcopos extra muros Andegavis morantes, ubi cum gravi infirmitate decumberet, petit delictorum suorum absolutionem, quam illi præfules benigne concessere. Alcuinus etiam ep. 63. ad Hadr. rogavit: *Ut juberet a peccatorum vinculis esse solutum*, sed cum ibi criminis nulla fiat mentio, dicendum petiisse relaxamentum ex indulgentia Pontificis: II. Ex Hildebodo episcopo Sueffionen. quem absolvit. Hincmarus,



ut censent Sirmendus . Ex Potamio episcopo Bracaren. qui per epistolas absolutus est a PP. Conc. Toletani X. Ex Gregorio VII. qui non semel eam absolutionem largitus est. Ex Alex. III. qui eam S. Thomæ Cantuariensi impendit. Ex quibus opinatur Morinus, valuisse olim absolutionem datam absentibus .

Quæres . An valida sit confessio facta per nutus ?

R. Affirmative . Nam ad plenam animi significationem nusus sufficere in *subito obmutescensibus* constat ex can. 12. Syn. I. Araus. Et Leo M. in ep. ad Theodosium statuit, etiam pœnitentibus in vitæ exitu *auxiliandum*, ut nec actio illis pœnitentiæ *denegetur*, si eam, *amisso ab eis vocis officio*, per *iudicium querere comprobetur*; ergo a fortiori ferendum est iis, qui linguæ carent officio .

Prob. II. pars. I. Ex constitutione Clem. VIII. ed. an. 1602. in qua hæc propositio, ut *falsa, temeraria, & scandalosa* proscribitur: *Licet per literas, seu per interuentium confessario absentis peccata sacramentaliter confiteri, & ab eo absolutionem accipere*. II. Ex cap. *Quem pœnitet* dist. 1. ubi habetur: *Corporali presentia confitenda peccata, non per nuntium, non per scripturam manifestanda*. Eadem habet Catechismus Rom. III. Accedit ratio. Per confessionem debet confessarius certior fieri, pœnitentem revera admisisse peccata, quæ accusat, illorum pœnitere, ac in emendationis proposito permanere, sed hæc haberi non possunt in confessione per literas, quæ fingi possunt, & a pœnitente negari: aut eo temporis spatio, quo illæ mittuntur, potest pœnitens a proposito recedere; ergo &c. Hæc Soto. Deinde confessio est quædam actio personalis, qua peccator ut reus sistitur ante Ecclesiæ tribunal. ex Trid. sess. 14. c. 2. Verba etiam personam solvendam præsentem designant. Ita Sylvius q. 9. Suppl. art. 3.

Prob. III. pars cum D. Thoma, Scoto, Cajetano, Victoria, Cano, Soto, Toletio &c. adversus Suarez, Morinum, Vissæ, Tournelyum, qui tamen ajunt, rem esse dubiam .

I. Ex PP. confessio significatur in leprosis, quæis mandavit Christus, ut sisterent se sacerdotibus, & in Lazaro, quem ante discipulos statuit colligatum, nec apud eos extat exemplum confessionis per literas: unde in cap. *Quem pœnitet* statuitur confessio facienda *corporali presentia*. R. Tournely: Gratianum falso putasse, hunc canonem esse ex verbis Aug. compactum, cum sit ex libro de vera Religione, qui non est Aug. Sed, & si id ultro daremus Tournelyo, quod tamen non concedimus, cum liber ille summo in pretio sit habitus a D. Thoma, a Magistro, aliisque, ejus auctoritas firmissimæ rationi subnixa summo etiam loco habenda est.

II. Trid. sess. 14. c. 2. ait: *Christus ante hoc tribunal tamquam*

quam reos fisci voluit peccatores. III. S. Thomas in 3. dist. 17. ait, urgente necessitate utilius esse laico presenti confiteri, quam per literas absenti sacerdoti: non quod illa confessio Sacramentalis sit, sed quia ob erubesceniam auget contritionem & vehemens votum ostendit: quod iustificat in casu necessitatis. Sed hoc falsum esset in adversariorum sententia; ergo &c. IV. Synodus Nemausen. probat interpretationem Luc. 17. *Ite ostendite vos*, idest: *Ora monstrate, & omnes, non unus pro omnibus. Non alium statuatis nuntium, sed qui per vos peccatis.* Hinc laud. Synodus habet: *Non debet confiteri per nuntium, nec per scripturam, sed virus vocis, ore proprio, & presentialiter.*

V. Accedit ratio: nam Sacramentalis confessio debet esse contritionis, & propositi perseverantis indicium, quod non adest in epistolari confessione; nisi scribens adsit, nutuque significet peccata scripta sua esse, eorumque absolutionem exposcere: quæ confessio, licet valida aliquibus videatur, si penitens mutus sit, nequit tamen a confessario admitti versecundiz causa, qui nequit dispensare in eo Ecclesiz ritu.

Ob. I. Plura sunt exempla confessionis per epistolam laudata in I. parte hujus Prop. ergo &c. II. Valide contrahitur matrimonium inter absentes; ergo a pari. III. Absolutio Sacramentalis est actus judicialis, sed hic actus in civili rep. exercetur etiam inter absentes; ergo &c. IV. In absolutione a censuris presentia non opus est; ergo a pari. V. Nec obstat Clementis VIII. Constitutio, hæc enim *materia proxima* Sacramenti, idest confessioni certam apposuit conditionem, ut fiat ore, & sacerdote presente, sicut Trid. Syn. illam apposuit assensui nubentium, ut fiat presente parrocho; ergo epistolari confessio nulla est ex Ecclesiz definitione, non ex Sacramenti substantia. Quare censet Suarez, Clementem damnasse illam propositionem *complexive*, non autem *divisive*; declarasse nimirum, non posse absolutionem absentibus dari; non vero quod Sacramentalis non sit confessio facta absenti, si postea a sacerdote presente penitens absolvatur.

VI. Multo minus obstat incertitudo dispositionis in penitente, tum quia, si potest absolvi penitens repente impeditus, ob aliorum testimonium; jam presens confessio *essentialis* non est Sacramento: tum quia de ejus proposito solam moralem certitudinem habere possumus, sed hæc habetur etiam in confessione epistolari; ergo &c. tum quia presentia subjecti opus est in Baptismo, in Eucharistia &c. quorum materia est physicum elementum, non in Penitentia, & Matrimonio, quorum materies in re morali posita est.

R. ad I. neg. conf. Nam Pontificiis epistolis, ex Morino, ipso con-

conceditur absolutio, quatenus *per indulgentiam expungitur pœnitentia canonica*, quarum ep. vi pœnitens a privato sacerdote potest absolvi, ut fit per literas *sacra Pœnitentiarie*. Adde, eas esse absolutiones a censuris, ut fit apud nos in solemnitatibus Ordinis, posita tamen confessione Sacramentali. Quod constat ex epistola Hincmari ad Hildebold. ubi ei jubet, *singillatim sacerdoti confiteri*. Idem monet Alex. III. in ep. ad D. Thomam Cantuar. quæ erat absolutio a censura, quam S. Martyr incurrisse timebat, quod olim a summis viris deceptus Henrico II. Anglorum regi adhæsisset.

Ad II. dist. ant. Valide contrahitur, si sponsi adstante sacerdote (in eorum sententia, qui matrimonii ministrum parochum existimant) consensum innovent, ut docet Canus, Estius, Sylvius, Vanroy &c. vel assensum per alios præstitum confirmantes sibi tradant mutuam corporum potestatem, in eorum sententia, qui ejus ministros existimant contrahentes, conc. secus, neg. Ad III. dist. maj. Est actio judicialis interior, exigensque affectionem pœnitentium sacerdoti manifestaram, conc. externa, ut fit in foro civili, neg. Alias concedi posset absolutio non confitenti, nec dolenti, aut detestanti peccatum. Ad IV. neg. conf. Censura enim pœna est, non culpa, adeoque nedum absenti, sed etiam defuncto potest absolutio a censuris impartiri, ut alibi dictum est.

Ad V. neg. ant. Ad prob. neg. ant. Nam Clemens VIII. expresse declaravit absolutionem absentis esse per se nullam, cum declarat propositionem illam antea prolatam *esse falsam, temerariam, & scandalosam*; ergo talis erat ante Constitutionem; cumque Suarez sect. 4. docuisset: *necessarium* quidem *esse juxta communem sent.* sed non *esse essentiale Sacramento*, ut sacerdos in presentia pœnitentis confessionem audiat, & Constitutionem non *divisive*, sed *complexive* accipiendam, Sectio illa 4. decreto Pauli V. ann. 1605. abscisa est; ergo censent Romani Pontif. nedum necessarium esse confiteri sacerdoti, sed id esse etiam *Sacramento essentiale*. Deinde tum ex verborum syntaxi dicimus eam definitionem accipiendam esse complexæ; tum expunctione Suarezianæ interpretationis, tum denique, quia Clemens VIII. declaravit Bellarmino, damnatam a se utramque propositionis partem. Ad VI. R. casum infirmi excipi in generali Clementina definitione: in eo enim præsens est manifestatio & dispositio peccatorum, eo modo, quo potest: sat est proinde moralis certitudo, quæ deest in confessione epistolari; saltem quoad dispositionis perseverantiam. Quare negamus opus non esse materiæ, & subjecti præsentia in omnibus Sacramentis, quæ efficienter gratiam producant per physicam applicationem.

Quæres: quid sentiendum sit de confessionibus olim factis presbytero per antistitam a monialibus? &c. Eas commendari a Basilio in Regulis brev. nec non in Regula S. Donati, S. Isidori, S. Frustuosi, Cassiani, aliisque collectis in *Concord. Reg. S. Benedicti* Anian. Abbatis c. 15. Plura etiam exempla producit Mabillonius, & Martenius. Sed constat ex dictis confessiones illas non fuisse sacramentales, sed ad humilitatem, & monasticam disciplinam exercendam spectabant, quales sunt, quæ singulis 6. feriis diebus nobis indicunt Constitutiones Ordin. p. 6. c. 1.

## C A P U T III.

*In quo agitur de conditionibus sacramentalis confessionis.*

**N**OT. I. Conditiones hujusmodi hisce versiculis comprehendit: *fit simplex, humilis confessio, pura, fidelis, Atque frequens, nuda, & discreta, libens, veracunda, Integra, secreta, lacrymabilis, accelerata, Fortis, & accusans, & sit punire parata.*

De his agunt theologi omnes. S. Bernardinus Senens. ad septem coarctavit v. 5. Pl. 31. comprehensas, ubi in iis verbis: *Delictum meum cognitum tibi feci &c.* contineri ait I. integritatem confessionis. II. In verbo *dixi* ut sit præmeditata & libera. III. Per *confitebor*, ut si verax. IV. In verbis: *Adversum me*, ut fiat sui accusatio. V. In seq. *injustitiam meam*, ut enuntiet sua, non aliena peccata. VI. In *ro Domine* ut sit secreta. VII. In verbis: *Et tu redemisti*, ut juncta sit tidei, spei &c. Eadem docent S. Bonaventura, S. Petrus Dam. D. Th. de Villanova, aliique.

Not. II. Quoad I. conditionem Sacramentalis confessionis, nempe: *Ut nulla abscondatur iniquitas*, cum cap. 1. demonstratum sit, quantum ad dogma, necessariam esse enuntiationem omnium peccatorum mortalium, quæ memoriæ occurrunt, quædam discutienda supersunt, quæ in morali theologia inquiri solent. Sit itaque

PROPOSITIO I. Venialia peccata utiliter, & citra presumptionem, non tamen necessario in confessione enuntiantur.

Ita definit Trid. Syn. sess. 14. & prob. I. ex usu *piorum hominum*, nempe Theodori Studitæ, Segolenz virginis apud Mabillonium, Anselmæ de Fulgino, Margaritæ Cortonen.; Veronicæ de Binateo Ordinis nostri *ab ipso Salvatore edoctæ quoties*, & *quomodo defecisset* apud Boll. Tom. 1. pag. 927. Merito ergo ait S. Bonaventura, id. congruere maxime viris perfectis; ergo &c. Prob. II. pars. Deus enim quotidianis de-

fecti-

fectibus paravit quotidiana remedia, nempe orationem Dominicam, sacrificia, eleemosynas, jejunia, supplicationes. Censet etiam Ven. Beda locum c. 5. ep. Jacobi: *Confitemini alterutrum ita accipiendum, ut lethalia sacerdotibus, quotidiana autem & levia alterutrum coequalibus confiteamur*; ergo &c.

Quæres: an Ecclesia possit certis temporibus præscribere venialium confessionem? R. cum D. Thoma & Bonavent. affirmative. Licet enim, ait D. Thomas: *Ex vi Sacramenti non teneatur aliquis venialia confiteri*, tenetur tamen ex institutione Ecclesie, sive ut ait Bonaventura: *Propter Ecclesiasticum statutum*; quia omnis fidelis semel in anno tenetur confiteri: & ideo si non habet nisi venialia, saltem illa tenetur confiteri. Nec obstat, quod ait Estius, Sacramentum poenitentiae esse institutum pro peccatis, quæ a regno Dei excludunt, & venialia posse alia via expiari; venialia enim, quæ de jure divino necessaria materia poenitentiae non sunt, talia fieri possunt ex Ecclesiae præcepto, & tunc remedia alia ad augmentum gratiae, meritumque prodesse.

PROPOSITIO II. Singula peccata mortalia memoriae occurrentia debent in confessione aperiri.

Prob. ex Trid. sess. 14. c. 5. & can. 7. Cui præivere Carthag. III. Laodicenum, Cabilonense, Moguntinum, Constantiense & Florentinum. Vide prop. 5. cap. 1. duplex est autem confessio integritas, *materialis* nempe, qua enunciantur omnia prorsus peccata, quæ memoriae occurrunt, & *formalis*; qua omnia enunciantur, quæ prævio diligenti examine occurrunt memoriae. Nos hanc solam necessariam agnoscimus cum Trid. docente: *Ea, quæ diligenter cogitanti non occurrunt in eadem confessione inclusa esse*.

Dices: in foro externo potest reus absolvi a solo crimine, licet plura occulta patriverit; ergo & in foro poenitentiae. II. Potest quis absolvi ab una censura, non ab alia; ergo a pari. III. Plura sunt peccata confessariis nota; ergo frustra panduntur. IV. Si in confessione integra *formaliter* peccata oblita intelligerentur inclusa, non essent aperienda, si post absolutionem occurrant, sed falsum conf. ergo & antecedens.

R. ad I. neg. conf. Nam judicium illud est ad punitionem malorum, hoc autem ad justificationem, & gratiam. Punitur autem unum sine alio scelere, quia hoc ignotum est, sed apud Deum, cui omnia nuda sunt, unum sine alio non dimittitur. Ad II. neg. conf. Nam prior absolutio ordinata est ad fidelium communionem, secunda ad sanctificandam animam, quod una cum peccato stare non potest. Ad III. neg. conf. Requiritur enim criminum etiam notorum confessio, ut habeatur Sacramenti materia, & ut percipiat confessarius statum poeni-

pœnitentis, & remedii opportunitatem. Ad IV. neg. sequentiam. Cum enim *formalis* integritas sit de confessionis essentia, absolutio extenditur ad ea tantum peccata, quæ *in culpa* te ignorantur, ideoque, si in memoriam redeant, in sequenti confessione sunt aperienda, ut constet ex prop. opposita n. 11. confixa ab Alex. VII. an. 1665.

PROPOSITIO III. Idem dicendum de circumstantiis, quæ speciem peccati immutant, aut valde aggravant.

Not. Circumstantiæ præcipuæ hoc versu continentur: *Quis, quid, ubi, quibus auxiliis, cur, quomodo, quando*, quæ sunt cuique notissimæ. Crimen augent sequentes: *Ordo*, nempe ecclesiasticus: *Locus* sacer: *Persona*, puta virgo, vel nupta: *Scientia*, idest plena notitia: *tempus*, ut festum, aut jejunium publicum. *Ætas*, & *conditio*, ut si senex admittat inhonestam, aut furtum dives: *Numerus*, idest consuetudo & multitudo culparum: *Copia* rei ablatæ: *Finis* ut in fractio jejunio gula &c. *Modus*, puta cum scandalo: *Status* altus, ut amittitis, iudicis &c. *Lucta* pusilla, ut si levissima causa cadas, dejeret &c.

Prob. I. pars. Ex Trid. sess. 14. c. 5. ubi statuitur: *Eas circumstantias in confessione explicandas esse, quæ speciem peccati mutant, quod sine illis peccata ipsa nec a pœnitentibus integre exponantur, nec iudicibus innotescant, & fieri nequeat, ut de gravitate criminum recte recensere possint, & penam, quam oportet, pro illis pœnitentibus imponere.* Ex quibus aperta ratio educitur. Quomodo enim iudicium ferret confessarius de gravitate fornicationis, aut furti, nisi pœnitens circumstantias personæ, puta virginis, vel nuptæ, & loci, puta sacri, aut profani declaret?

Prob. II. pars. Quamvis enim opposita sententia tribuatur D. Thomæ, Bonaventuræ, Scoto, aliisque; tamen D. Thomam non suam, sed aliorum exposuisse sententiam opinatur Soto, & Canus; & de solis circumstantiis eum loqui: *Quæ sunt intra lineam peccati venialis* Gonetus existimat. S. Bonaventura ait, eas aperiendas de bono, & æquo, & quanto sunt magis sapientes & perfecti, tanto debere distinctius eas explicare. Scotus denique ait: *Non est ita certum, tamen tutum, & utile est illas confiteri.* Unde eas aperiendas perspicue docent Gabriel, Major, Alensis, Soto, nec non Thomistæ, & Scotistæ ferme omnes, quæ accedunt complures Medistæ, atque nostrates, aliique innumeri recentiores, quos vide apud Auctorem hoc loco. Cum ergo in hac re alii hæsitent, tot vero tantique viri affirmativam sententiam tueantur, & omnes affirmant eam esse valde probabilem & rationem, huic subscribendum esse censemus.

Prob.

Prob. II. ex ratione. I. enim Trid. Syn. licet hanc sententiam non definierit, ait tamen opus esse, confessione omnium criminum ut sacerdotes *de gravitate criminum recte censere possint*; & *pœnam, quam oportet pro illis imponere*. Sed hoc fieri nequit, nisi exponantur circumstantiæ valde aggravantes; aliud est enim crimen primitus admissum ex fragilitate, aliud pervetusta consuetudine in naturam mutatum; ergo &c. Prob. III. ex Catech. Rom. qui de Conf. n. 48. ait: *Explicare oportet, quæ peccatum circumstant, & pravitatem valde augent, vel minuant*. Innoc. III. Serm. 2. de Mart. ait: *Debet peccator omnem peccati circumstantiam confiteri, secundum quod magis peccavit in loco; si facile; si frequenter, si perseveranter*. Eadem habet liber de vera & falsa Pœn. S. Bernard. Senen. Petrus Blesen. Concilium Vornat. Londinen. Farfen. Ariminen. Tandem S. Carolus in Aët. Eccles. Mediol. p. 232. docet confessarium *instrui debere de circumstantiis aut speciem immutantibus, aut valde aggravantibus, quæ duo necessario in confessione exponi debent*; ergo &c.

Quæres: quænam sint hujusmodi circumstantiæ valde aggravantes? R. I. esse peccandi consuetudinem, quam minister explorare, pœnitens autem *tenetur confessario interroganti fateari*, ex contraria Prop. 98. ab Innoc. XI. damnata. II. debet manifestari qualitas, & quantitas criminis, ubi de restitutione res est. III. Circumstantia loci sacri, ut si turpis res fiat coram SS. Sacramento, vel dum sacrum peragitur. IV. Personæ, si crimen augeat, puta si raptor sit prætor, aut si scandalum a præfule oriatur, aut injuria sit ab eo, qui beneficium recens & magnum recepit. V. in eadem specie luxuriæ debet exprimere conditionem personæ. In incestu, si fiat cum matre, aut filia: in adulterio, si utrique sint conjugati; in stupro, si virgo per sponsalia viro sit obligata. In nefando crimine, num ab ephebo, aut viro patratum sit.

Ob. I. Trid. memorat circumstantias, *quæ speciem peccati mutant*, non quæ aggravant; ergo &c. II. oppositum docent plures theologi cum D. Thoma. III. exprimi non debent circumstantiæ, quæ minuunt peccatum; ergo a pari. R. Ad I. rationem, quam affert Trid. de circumstantiis, *quæ speciem mutant*, valere etiam de iis, quæ eam aggravant, ut supra dictum est in prob. 2. part. 2. Ad II. Vide prob. 1. 2. partis. Ad III. R. Suarez neg. conf. Nam circumstantiæ, quæ minuunt peccatum, *non deserviunt ad accusationem, sed ad excusationem, quæ non incumbit ipsi reo*: quæ responsio vera est, si fiat humilitatis causa, non hypocrisis, aut scrupulosæ molestiæ. R. II. alii: circumstantias notabiliter minuentes esse aperiendas, ut minister recte judicet.

PROPOSITIO IV. Peccata dubia, ex rationabili causa, non levi & inani, aperienda sunt.

Ita post D. Thomam Fervaques, Girken, Vanroy, Pietre, alique nostrates adversus Caramuelem: & prob. I. Quia in lege veteri nedum leprosi, sed ii etiam, in quorum cutē gaudor apparuisset, & lepræ suspicio ex Lev. 13. ad sacerdotes adducebantur, quod erat penitentiae symbolum, ex D. Thom. & ex Cap. *Quem pœnitet*. II. Leo X. articulum 8. Lutheri proscripsit, quo asserit: *In primitiva Ecclesia solum manifesta mortalia confitebantur*. Sed Lutherus *manifesta mortalia* non intelligit publica, sed quæ certo mortalia sunt, ut testatur Erasmus ep. ad Card. Mogunt. & Lutherus ipse in assert. art. suorum; ergo &c. Hinc Joannes Rossensis pag. 121. ait: *Si articulum de iis intellexeris, quæ confessus novit, vel dabitur esse mortalia, meritisime damnatur*. Et Latomus in art. 3. Luth. ait: *Qui dubitat, an peccaverit mortaliter, an non, nonne tutius erit confiteri? & quis secundum Martinum (Lutherum) securum reddet penitentem de confessione? Nonne in tali casu non confitens amat periculum?* Bellarminus l. 3. de Pœn. c. 1. demonstrans Lutherum in eo articulo nec de omnino incognitis, nec de occultis fuisse locutum, concludit de dubiis intellexisse; *Qui certe, ait, non parvus est error*; ergo Luthero assentiri videntur, qui oppositum docent.

III. Trid. sess. 14. præcipit, ut recensentur *omnia peccata mortalia*, quorum post diligentem sui discussionem conscientiam habet; ergo peccata dubia illo vocabulo *omnia* comprehensa, dum memoriæ occurrunt, sunt enuntianda. Nam etiam in dubiis sacerdos debet consilia, & remedia præbere. IV. *In dubiis tutior pars est eligenda*, maxime in Sacramentis, ut constet ex prop. 1. ab Innoc. XI. proscripta, unde in nova editione Sylvii tom. 4. p. 392. monetur lector, ut *caveat ab ejus sententia: ob prop. 1. ab Innocentio XI. damnatam*. V. Confirmatur exemplis ægroti, qui in ancipiti valetudine medicum consulit, & baptisimi, qui confertur, si prudenter dubitetur non fuisse collatum; ergo a fortiori id fieri debet de penitentia, quæ seclusa culpa iteratur. Tempia denique iterum consecrantur, si de eorum consecratione dubitetur; ergo multo magis curari debet, ne templa Spiritus S. ob Sacram. neglectum priventur gratia.

Ob. I. Caramuel. Vult Trid. ut confiteamur *omnia peccata, quorum conscientiam habemus*; sed de dubiis non habemus conscientiam, idest certam notitiam; ergo &c. II. Requiritur confessio, ne sacerdos judicet *incognita causa*, sed causa dubia, dici nequit *cognita causa*; ergo &c. III. in forensi iudicio non fertur sententia de dubio crimine; ergo a pari. IV.

Alias



-Alias exponitur Sacramentum periculo nullitatis. V. Cum dubium sit admissum esse peccatum, dubia est etiam obligatio illud confitendi; ergo &c. VI. Id vetatur scrupulosis; ergo & aliis.

R. ad I. dist. maj. *Quorum habemus conscientiam*, sive certam sive dubiam, conc. tantum certam, neg. Vult enim Trid. ut poenitens exploret *conscientia sue sinus omnes, & latebras*, adeoque nedum certa & explorata crimina, sed etiam dubia, quæ intus latent. R. II. neg. min. Nam etiam de peccatis dubiis potest haberi certa persuasio illa revera esse dubia. Ad II. dist. maj. Ne judicet incognita causa, sed certa pro certis, dubia pro dubiis accipiat, conc. ut nullo modo de dubiis intelligat, neg. sicut enim medicus de ancipiti morbo debet erudiri, ut consulat aegroti salutem, sic etiam sacerdos.

Ad III. neg. ant. Sæpe enim in forensi judicio de dubiis incertisque agitur, sicubi adsit vel levis suspicio. Ad IV. neg. ant. Vitatur enim periculum illud, si poenitens dubio addat mortale vel veniale certum, sive impendatur absolutio sub conditione, quam probat ipse Caramuel. Ad V. neg. ant. Potest enim ex dubio certa oriri obligatio, si dubio sit adnexum periculum, sicut tenetur ad medicinam, qui dubitat de sumpto veneno. Ad VI. neg. conf. Scrupulosi enim non prudenter dubitant, sed levissimis momentis nituntur.

PROPOSITIO V. Socius criminis non est manifestandus, nisi id postulet confessionis integritas.

Quamvis olim criminis socios revelari in confessione consuevisse constet Irenæo, qui narrat mulieres a Marco vitiatas prodidisse sceleris auctorem; item ex epist. Cypr. de sanctimonialibus, quæ cum viris cubaverant, inter quos diaconum eas nominasse notum est: qua de re plura vide apud Morinum l. 2. de admin. poenit. Prob. tamen I. pars ex Auctore formulæ vitæ honestæ, qui ait: *De nullo sinistre loquaris, nisi in confessione, & hoc ubi non potes aliter manifestare peccatum tuum*. S. Thom. Op. 12. ad Lect. Bisuntinum qu. 6. ait: *De expressione persona, cum qua aliquis peccavit, videtur quod non sit in confessione facienda, quando potest vitari*. Et ratio est, quia famam proximi absque gravi causa ledere non debemus.

Prob. II. pars. Ex locis supra productis, præsertim ex D. Thoma, qui hæc statim subdit: *Si vero speciem peccati exprimere non possit, nisi personam exprimendo, puta si cum sorore concubuit, necesse est ut exprimat*. Accedit ratio: I. enim ut ait S. Raymundus l. 3. de Poenit. & remiss. *Non est dicendus proditor, qui non dicit ut alium prodatur, vel gravet, sed ut se liberet, quod alias facere non posset*. II. Teneretur quisvis accusare

fare se ipsum; ergo debet & alterum, si id postulet confessio-  
nis integritas. III. Debet quisque detegere patriæ, & amici  
proditionem ab adversario intentatam; ergo a pari: est enim  
salus animæ bonum longe præstantius, quam probrofi hominis  
fama.

IV. Dici nequit, eum diffamare aliquem, qui apud rectum  
judicem, & prudentem medicum revelat crimen alterius, non  
conviciandi animo, sed consulendi propriæ saluti, præsertim  
cum reus criminis eo ipso cesserit juri suo. Cum tamen quis  
complicem producere necessario debet, fieri debet confessio a-  
pud eum, qui illum non novit, ut monet D. Thomas loco  
cit. cui consentit S. Thom. de Villanova Conc. in Dom. 4.  
Quadr.

PROPOSITIO VI. Confessio dividi non debet, nec uni una  
pars, alteri pars altera manifestari.

Prob. I. Ex cap. *Consideres* de Pœn. dist. 5. ubi habetur:  
*Quidam uni celant, quæ alteri manifestanda reservant, quod est*  
*se laudare, & ad hypocrisim tendere, & semper venia carere.*  
II. accedit ratio. Sacerdos enim Dei vices gerit; ergo ei, ut  
Deo, simpliciter peccata enuntiari debent. III. plura crimina  
majorem animi perversitatem ostendunt; ergo &c. IV. si pec-  
cata sint lethalia, utraque absolutio erit invalida: non enim  
dimittitur unum peccatum sine alio.

Quæres I. quid sentiendum sit de eo, qui in grave scelus  
prolapsus, ne apud suum confessarium suam exultationem  
amittat, peccatum ipsum alteri enuntiat, confessori autem de-  
tégit leviora? R. Natalis Alex, illum inanem gloriam & im-  
prudentialiam præferre, & periculo se exponere iterum prola-  
bendi. Alii putant licitum esse, modo vera adsit contritio.  
Cavendum tamen, ne pudore decipiamur, aut amari medica-  
menti fastidio.

Quæres II. Quibus in casibus quis excusetur ab integritate  
confessionis? R. I. Cum post diligentem discussionem, pecca-  
ti obliviscitur. II. Quando imminet periculum mortis, ut in  
Incendio, naufragio, apoplexia &c. III. Quando ex circum-  
stantiæ declaratione timet confessus sibi maximum detrimen-  
tum. Vide D. Thomam, Soto, Suarez, De Lugo, & alios  
apud Auctorem. Ubi nota, non excusare ab integritate Con-  
fess. inanem trepidationem, sed requiri grave momentum:  
deinde adeundos confessarios alios, si fieri possit, vel diferen-  
dam confessionem: tandem nisi confessio differri possit, puta  
ob communionem Paschalem, omnia peccata integre esse en-  
uncianda. Vide Theol. Morali. Petrocoren. Errarunt proin-  
de, qui dixerunt licitum esse sacramentaliter absolvere dimidiatæ  
tantum

*tantum confessor in die magne alicujus festivitatís, aut indulgentiæ, quæ Prop: n. 59. ab Innoc. XI. merito proscripta est. Vide Hennum disp. 5. q. 9. concl. 7.*

Altera confessionis conditio est, ut sit *libera*, & *premeditata*, idest non coacta, sed spontanea, non cæco modo, sed matura discussione peracta. Qua de re frangenda sunt quædam vincula voluntatis: *pudor*, præsertim in pueris & mulieribus: *spes longioris vitæ*: nimius *justitiæ timor*, atque vana de summa Dei pietate *presumptio*. De quibus plura S. P. A. Ser. 393. Fulgentius ep. 7. ad Venant. & Salvianus l. 1. ad Eccl. Cathol. *Premeditata* confessio erit, si ei accuratum examen præmittatur: cum prima medela peccantis sit, ut incipiat nosse quod *languet*, ait S. Prosper ad Cap. Gall. c. 6. Hinc S. P. l. 8. Conf. c. 7. per illud examen se vidisse ait, *quam turpis esset, quam distortus, & sordidus, maculosus, & ulcerosus*. Idipsum probat Chrysostomus exemplo Domini, qui a servo *exigit rationem expensarum, ut videat quid perperam, quid in legitimos usus insumptum fuerit. Quanto magis id in actionibus nostris faciamus, & rationes exigamus ab ea verborum, actionum, cogitationum*. De modo discutiendæ conscientiæ egregie pertractant Confessionalia S. Antonini, & Jo. Nider, Gerson, Medina, a Ponte, Tombour, Toletus, Segneri, S. Carolus, & S. Franciscus Salesius.

III. Conditio est, ut confessio sit *vetax*, nempe *clara, nuda, aperta, non velata, non fuco colorata, sic ut nudum, si posset, cor suum sacerdoti monstraret*, ait S. Thomas de Villan. Conc. in Dôm. 4. Quadr. Quare mentiri circa peccata mortalia mortale est, & reddit confessionem sacrilegam, & nullam. Idem dicendum de mendacio circa venalia, si hæc tantum enunciatur, ut sint Sacramenti materies, quia tunc mendacium, licet in re parva, reddit nullum Sacramentum.

IV. Conditio est, ut pœnitens sit accusator sui: *Cave*, ait S. Thomas supra laud. *ne declines cor tuum in verba malitiæ ad excusandas excusationes in peccatis, ne culpam tuam in mulierem, vel in serpentem rejicias, ut Adam, hoc est in carnem, vel diaboli suggestum*. Vitanda est etiam hypocrisis, & meritum fastidiosa ostentatio, qualis erat illa Pharisei: *Non sum sicut ceteri hominum: sed imitandus Publicanus*. Ut enim ait S. P. Serm. 301. *Ad justos pertinet confessio peccatorum, ad superbos defensio meritum*.

V. Conditio est, ne aperiantur in confessione aliena scelera: *Quidam enim*, ait S. Thomas de Villan. loco cit., *dum se justificare prætendunt, fiunt proximi detractores, & discedunt a confessione deteriore. Dicunt enim: Odi hominem, & merito, quia pravus est & iniquus*. VI. conditio est, ut sit

Tom. IV.

T

secreta.

*secreta*. Constat enim ex Sozomeno confessarios *ab initio* maxima præditos fuisse *taciturnitate*, & *prudencia*. Agemus ergo de *confessionis sigillo*. Sit itaque

PROPOSITIO VII. Confessarius ad *sigillum* tenetur jure naturali, divino, & ecclesiastico.

Prob. I. pars. Nam revelare alterius crimen est eum difamare, eique facere, quod sibi fieri quis nollit. II. Id postulat ordo benevolentiae, ut servetur secretum sponte & fideliter creditum, juxta illud Prov. 11. *Qui ambulat fraudulentè, revelat arcana, qui fidelis est, celat amici commissum*. III. Cum hanc fidelitatem laudabiliter plures ethnici servaverint in humanis officiis, quanto magis in confessione custodienda est, quam hæretici ut odiosam traducunt?

Prob. II. pars, ex institutione pœnitentiae, quæ teste D. Th. q. 11. suppl. poscit, ut peccator sacerdoti subijciatur in signum humilitatis, qua Deo subicitur; sicut ergo Deus, ita sacerdos, regere debet peccata: *Alias peccat*, ait D. Thomas, *tamquam violator Sacramenti*. Et S. Thomas a Villanova, loco cit. ait: *Domino confiteris, non homini; unde nullo casu licet homini confessionem revelare*. Prob. III. pars. Ex cap. *Sacerdos* dist. 6. ubi confessario revelanti peccata indicitur *depositio perpetua*, & *ignominiosa peregrinatio*. In cap. *Omnis utriusque* (1) eidem indicitur *arctum in monasterium perpetua pœnitentia*; ergo &c.

Ob. I. Gabriel, Valquesio teste, censuit confessionem revelari posse, si grave damnum imminereat confessario. II. Idem affirmat Guillelmus Altisiodoren. de impedimento criminis, quod ait manifestari posse episcopo. III. Innocent. III. reprehendit abbatem quemdam, qui non revelaverat confessionem sibi factam monachi non ordinati, & quotidie celebrantis. IV. Publica confessio, & pœnitentia sine manifestatione flare non

(1) Huc spectant Const. Synod. Auxim. an. 1593. quæ cap. 23. de Sac. pœn. hæc habent: „ Commendamus confessariis „ sigillum confessionis, ca- „ veantque omnino, ne dete- „ gant verbis, signis, aut alio „ quovis modo peccatorem, „ peccatum, vel aliquam illius „ circumstantiam, etiam de pœ- „ nitentis licentia, & quamvis „ non revelando aliquod ma- „ gnum immineret periculum, „ cui tamen pro viribus provi- „ dere studeant non prodendo „ confitentem ullo modo, nec „ odiosam faciendo confessio-

„ nem. Sacerdotes etenim, quæ „ sibi in confessione dicta sunt, „ non tamquam homines sci- „ unt, sed tamquam Deus, „ ideoque nec juramento, nec „ summi Pontificis mandato ad „ ea detegenda compelli pos- „ sunt. Animadvertant etiam „ confessarii, ne unquam de „ rebus in confessione auditis „ aliquo modo loquantur. Si „ quis autem contrarium atten- „ tare præsumperit, non solum „ officio sacerdotali deponetur, „ juxta Innoc. III. Constit. sed „ etiam aliis pœnis arbitrio no- „ stro punietur.

non potest; ergo &c. V. Stante sigillo, confessarius interrogatus necessario mentiri, aut pejerare debet; ergo &c. VI. Licet confessionis integritas sit de jure divino, potest tamen quis aliquando ab ea dispensari; ergo a pari. VII. Confessarius non revelans patriæ aut Reip. proditorem præfert bonum privatum publico, quod vetitum est; ergo &c.

R. Ad I. neg. ant. Gabriel enim oppositum docet, & fallitur Vasquesius, ut legenti patet. Ad II. neg. ant. Guillelmus enim solum scribit, id fuisse opinatos nonnullos ob superinum errorem. Ad III. R. Innoc. declarasse in Lateran. Concilio a se Abbatem reprehensum non quidem ob non revelatam confessionem; sed quia alia via id poterat investigare.

Ad IV. neg. ant. Plures enim sponte ex humilitate poenitentiam subibant, & eadem poena pluribus criminibus indicebatur. Ad V. neg. ant. Ut enim ait S. Thom. q. 11. Suppl. art. 1. ad 2. *Homo non adducitur in testimonium, nisi ut homo; & ideo sine læsione conscientie jurare potest se nescire, quod scit tantum ut Deus.* Ita Christus diem judicii se nescire ait Matth. 24. Quod si judex ita confessarium coarctaret: *Jura hoc a te nesciri etiam tamquam Dei ministro, non debet mentiri, sed ei respondere cum S. Jo. Nepomuceno: Sine sacrilegio talia tentari non posse; adeoque abstinere captandis, que uni Deo cognoscenda servantur.*

Ad VI. neg. conf. Nam illa tantum integritas est de jure divino, quæ homini possibilis est, unde ab ea excusantur inculpate ignorantes, & extremo morbo laborantes, non sani, aut scientes, ut sit in secreto confessionis, a quo nemo sui compos potest dispensari. Ad VII. neg. ant. Nam, qui frangit sigillum, nedum lædit famam proximi, sed etiam Sacramento summam irrogat injuriam, exosam reddit confessionem, Deum afficit contumelia &c. sed hæc ordinis præstantioris sunt, quam salus reip. ergo *sigillum* hoc frangi nequit, & si mundus rueret universus.

Quæres: Quænam comprehendantur in lege sigilli? R. Peccata omnia eorumque circumstantias, quæ sacerdoti confessione innotescunt, licet absolutio non impendatur. Sacerdos enim ut Dei minister ea peccata excipit, quæ ipsi sacramentaliter enuntiantur, ex cap. *Quod quidam* Extra de Poenit. & remiss. Hinc laicus, cui alter committit secretum *sub sigillo* &c. non est ejus fractor, quia non committitur illi arcanum tamquam Sacramenti ministro, licet illud arctius custodire teneatur; reus tamen foret violati sigilli, qui simulans se sacerdotem exciperet confessionem ad ipsum recta intentione accedentium. Hinc sequitur ad solos sacerdotes *proprie* spectare

Sacramenti sigillum, qui soli Dei ministerio funguntur: qui vero penitentes audiunt, aut schedas inscripta crimina continentes inveniunt, aut alienæ confessionis interpretes, obstringuntur silentii lege peculiariter, idest lege naturæ, & ob Sacramentorum dignitatem.

Quæres II. Quomodo *sigillum* violatur? R. I. revelando quod spectat ad ejusdem confessionis materiam. II. Qui audita, ex. gr. publici latronis aut pellicis confessione diceret: *Ille patravit homicidium, hæc adulterium*, licet enim hæc crimina sint pervulgata, revelata sunt tamen confessario secreto: secus si alia via ante vel post id didicerit. II. Violaret *sigillum* antistes, qui vulgaret a se concessam tali confessario facultatem absolvendi ab aliquo reservato, si hinc posset inferri criminis reus. IV. Ex can. 21. Lateranen. ne dum *verbo*, sed etiam quolibet signo, unde peccatum possit deprehendi, sigillum violatur. V. vetat Clem. VIII. decret. ann. 1594. *Ne superiores ex notitia de aliorum peccatis in confessione habita ad exteriorem gubernationem utantur*. VI. Et ex decreto Rom. Inquisitionis anno 1682. vetitum est, ne id fiat *cum gravamine penitentis*. VII. Immunis tamen erit a culpa, si id fiat expressa, & liberrima penitentis licentia, & ad penitentis utilitatem, quia tunc penitens cedit juri suo.

VII. Condicio est firma spes remissionis, de qua l. 23. c. 2. actum est: *Salubris enim conversio*, ut ait Fulgentius ep. 7. c. 5. *duplici ratione consistit, si nec penitentia sperantem, nec spes deferat penitentem, ac si ex toto corde renunciet peccato suo, & toto corde spem ponat remissionis in Deo*. Quærent hoc loco scholastici, an confessio possit esse *valida*, cui nihil deest ad rationem Sacramenti, & *informis*, quam nempe gratia non sequatur? Affirmant Thomistæ id fieri, cum quis integre peccata confitetur, sed sine sufficienti detestatione peccati. Alii idem fieri sentiunt, cum quis vel naturalem habet, vel insufficientem dolorem, sive qui non ad omnia peccata, sed ad quædam memoriæ occurrentia tantum extenditur. Negant tamen Major, Adrianus, Gabiæl, Poncius, Brancatus, & *melioris notæ* Scotistæ, ut ait Mastrius. His accedunt nostrates fere omnes, quibuscum sit

PROPOSITIO VIII. Nequit Sacramentalis confessio esse *valida* & *informis*.

Prob. I. Ex Trid. sess. 14. c. 3. nam *quasi materia* penitentiae sunt ipsius penitentis actus, nempe contritio quæ sit *detestatio de peccato cum proposito* &c. confessio omnium peccatorum, *quorum post diligentem discussionem conscientiam habet*, & satisfactio. Vel ergo hi actus sunt in penitente, vel non: si hoc; ergo desunt in Sacramento partes, quæ vicem gerunt ma-

materiæ, nec Sacramentum est *validum*: si illud; ergo non erit *informe*. II. Idem docet S. Thom. 3. p. q. 90. ubi ait assignari partes pœnitentiæ, in quantum est Sacramentum, ad quod *actus comparantur ut materiæ*. Et in Suppl. q. 8. art. 1. ait: *Est etiam de essentia Sacramenti contritio, & confessio*: unde infert Sylvius, S. D. tacite retractasse, quæ scripserat in 4. dist. 17.

III. Deinde S. Th. in 4. dist. 23. q. 1. art. 4. docet, semper consequi remissionem peccati in Sacramento pœnitentiæ *existente contritione, quæ est de essentia ejusdem Sacramenti*, ut sequitur *character in baptismo, & confirmatione*; si ergo non sequitur remissio, non erit contritio, quæ ex Angelico D. spectat ad essentiam hujus Sacramenti III. Vel in examine talem adhibet pœnitens diligentiam, ut omissio excusetur inculpabili oblivione, vel sit ex negligentia; si hoc, confessio est nulla, & *invalida*, si illud, etiam oblita, ex Trid. in enumeratis censentur inclusa; ergo &c.

Ob. I. S. Thomas dist. 17. q. 3. art. 4. ait: *Confessio potest esse etiam in eo, qui non est contritus; quique recedente fictione fructum recipere incipiet, sicut in aliis Sacramentis, unde non tenetur iterare confessionem, qui fictus accedit, sed tenetur fictionem confiteri*: ergo &c. II. Nodum baptismus, sed etiam pœnitentia, ex Melch. Cano, & alia omnia, ex Cajetano, recedente fictione suum consequuntur effectum; ergo &c. III. alia est contritio necessaria ad gratiam, alia ad Sacramenti materiam; ergo hæc sat erit ad Sacramenti substantiam. IV. valida est confessio, qua quis furtum enuntiat, non blasphemiam, cujus post diligens examen non meminit; sed is gratiam non consequitur, cum non habeat contritionem universalem; ergo &c. V. Per nos pœnitens cum sola attritione formidolosa gratiam non consequitur, licet Sacramentum omnibus partibus constet; ergo &c.

VI. Qui bona fide existimat se diligens examen adhibuisse, nec adhibuerit, non confitetur sacrilege, quia Sacramentum non irridet, nec gratiam obtinet defectu integritatis; ergo &c. VII. Si quis cum fictione baptizatus confiteatur peccata post baptismum commissa, & non enuntiet peccata ante baptismum commissa, talis confessio caret effectu, nam peccata ad confessionem spectantia remitti nequeunt, nisi remittantur alia ante baptismum patrata; ergo &c.

R. Ad I. D. Thomam ab ea sententia recessisse, ut supra dictum est. R. II. neg. conf. Vult enim S. D. ib. quod si pœnitens eundem confessarium rursus adeat, & sacrilegium exponat, absolvi valeat non repetita confessione, secus, si alium adeat, aut post longum tempus, unde sacerdos sit

peccatorum oblitus : tunc enim non debet absolvere causa incognita. Ad II. neg. conf. Nam alia sacramenta stare possunt sine gratia : quia actus pœnitentis, quibus ad gratiam disponuntur, non sunt in iis de Sacramenti substantia, ut sunt in pœnitentia.

Ad III. & V. R. quod si contritio non sit supernaturalis, nec actum inchoatum charitatis includat, nec peccata detestetur ut sunt offensa Dei, non est pars Sacramenti, nec ipsum constituit. Ad IV. & VI. responsum est supra in prob. III. Ad VII. R. baptizatum non facere integram confessionem, nisi etiam simulationem fateatur, hæc enim, ut alia peccata, perseverans in susceptione baptismi, enumeratur inter alia a regeneratis admissa, ut lib. 31. dictum est. Vide Vasquesium, Sylvium, Maltrium, Gavardi &c. apud Auctorem.

## C A P U T IV.

### *De ministro Sacramentalis confessionis.*

NOT. I. Lutherum absolvendi munus non solum iis concessisse, qui officium pastoris assumunt, sed etiam diabolo, si specie hominis irrepserit in Ecclesiam. Calvinus tamen ab eo excludit laicos fœminasque. Valdenses autem, nec non Flagellantes id laicis sancte viventibus tribuunt, quod munus cum Albigenensibus, & Hussitis improbis sacerdotibus denegant.

Not. II. Diaconos olim in extremo vitæ periculo confessiones excepisse, lapsosque absente presbytero reconciliaisse, quod ex ep. Cypriani 12. ad Clerum de Laps. evinci putat Morinus l. 8. de Pœn. c. 23. & Rigaltius in notis in cit. epistolam 12. & 14. Laicis etiam absente sacerdote, & urgente necessitate aperienda esse peccata lethalia tradere videntur Petrus Cantor, S. Thomas, D. Bonaventura, Gratianus, alique apud Morinum de admin. Pœn. Cujus rei plura exempla collegit Martenius. Tandem a pluribus sacerdotibus absolutos viros SS. constat ex historicis monumentis apud laud. Scriptores. Sit itaque

PROPOSITIO I. Soli episcopi, & presbyteri possunt Sacramentum pœnitentiæ administrare.

Prob. ex Matth. 18. & Jo. 20. *Quæcumque alligaveritis &c. Quorum remiseritis &c.* sed hæc verba spectant ad solos sacerdotes, non ad laicos; ergo &c. Prob. min. Tunc enim Christus solos discipulos alloquebatur; siquidem hæc verba: *Quæcumque alligaveritis &c.* subjicit, postquam ait contem-

pto-



ptores fraternæ correptionis deferendos esse ad Ecclesiæ iudicium. Hinc Trid. sess. 14. c. 6. declarat: *Falsas esse doctrinas omnes, putantes, verba illa: Quæcumque alligaveritis &c. & Quorum remisieritis &c. ad omnes Christi fideles promiscue ita fuisse dicta, ut quivis potestatem habeat remittendi peccata.* Idem dicimus de alio loco Jo. 20. ergo &c.

Prob. II. ex PP. Nam Cyprianus de Lapf. docet, remissionem fieri per sacerdotes, & horum esse dare *dolentibus, ac deprecantibus pacem, & spei salutaris subsidium.* Basilii in Regulis brev. ait peccata sacerdotibus aperienda, quia iis credita est dispensatio divinatorum mysteriorum. Ambros. l. 1. de Pen. c. 11. ait, ligare, & relaxare peccata esse *officium sacerdotis.* Eadem habet c. 3. n. 10. Chrysostomus l. 3. de Sacerd. c. 5. ait, sacerdotibus tantum dictum esse: *Quorum remisieritis, unde ipsi non lepram corporis, sed animæ purgandi acceperint potestatem.* S. P. A. serm. 351. n. 9. ait, ut solvantur peccata veniendum esse *ad antistites, per quos in Ecclesia claves ministrantur,* quod ostendit ex resurrectione Lazari, de quo ait Christus discipulis: *Solvite illum.* Innocentius I. in epist. ad Decentium ait: *De pondere delictorum sacerdotis est iudicare;* ergo &c.

Prob. III. ratione. I. Cyprianus in ep. ad Corn. & S. P. in ep. 228. ad Honoratum sacerdotes deterrent, ne deserant Christi gregem, eo quod magnum sequatur exitium, si aliqui de hoc sæculo exeant *ligati:* sed hæc frustranea essent, si quisque fidelium a peccatis solvere posset; ergo &c. Hinc fideles in persecutione Vandalica hæc habent apud Victorem Viten. *Qui nobis pœnitentiæ munus collaturi sunt, & peccatorum vinculis soluturi? quia vobis dictum est: Quæcumque alligaveritis &c.* II. Causa, quæ agitur in Sacramento pœnitentiæ, versatur inter Deum, & homines; ergo iis tantum committi debuit, qui Dei legatione funguntur. Hinc Paulus ad Hebr. 5. ait: *Sacerdotes constitui in iis, quæ sunt ad Deum, & neminem debere sibi hunc honorem assumere, nisi vocetur a Deo tamquam Aaron;* ergo &c. Addit S. Th. qu. 8. art. 1. hanc rationem: *Cum in Sacramento pœnitentiæ gratia conferatur, solus sacerdos est hujus minister.* Videtur tamen Sylvio hæc ratio concludere tantum de ministro ordinario, ut patet in baptismo, qui gratiam confert, & tamen urgente necessitate a non sacerdote confertur.

PROPOSITIO II. *Exomologesis*, de qua in ep. 12. Cypriani, & reconciliatio per diaconum non erat confessio Sacramentalis.

Not. Hoc vocabulum, nedum confessionem sacramentalem, sed sæpe eam pœnitentiæ partem ex Tertulliano de pen. c. 9. significat, quæ *prosternendi, & humiliificandi hominis disciplina*

est, que mandat sacco, & cineri incubare. Et Cypr. epist. 9. ait: *Persecutione adhuc perseverante peccatores, nondum pœnitentia acta, nondum exomologesi facta, idest substratione, Eucharistia illis datur.* Exomologesis ergo non semper confessionem sacramentalem importat, sine qua nulli peccatori dabatur Eucharistia. Vide Pamelium, Baluzium, Petavium, alioque apud Auctorem. Hinc Conc. Mogunt. can. 21. ait: *Exomologeses agi pro peccatorum confessione.* Reaple qui sacco & cinere incubans in *substratione* agit pœnitentiam, se peccatorem esse profitetur. His prænotatis

Proc. I. Exomologesis, de qua Cypr. in ep. 12. est exercitium pœnitentiæ, & *substrationis*, quod subsequebatur confessionem Sacramentalem publicæ pœnitentiæ præmissam, ex Prop. 2. Cap. 2. De hac exomologesi accipiendum Cyprianum constat ex ejus verbis, ait enim: *Apud diaconum exomologesim facere delicti sui possint, ut manu eis in pœnitentiam imposita veniant ad Dominum cum pace*, sed hæc exomologesis, & manuum impositio non est Sacramentalis confessio, nec absolutio lapsis concessa, ut dictum est; ergo &c.

Opp. Morinus: *Manus in pœnitentiam imponere* nil aliud sonat, quam absolvere penitentem. Nam diaconus eo in casu pacem dabat, quam dedisset episcopus, aut presbyter, si adfuissent, sed hi sacramentaliter absolvisent; ergo & ille. Rursus dici nequit impositam a diacono manum, ut absolveret lapsos morti proximos ab excommunicatione tantum, cum nec fuerint excommunicati, & proxime morituro non minus succurrendum sit absolutione a peccatis, quam a censuris. R. impositionem illam manuum diaconorum fuisse *ceremonialem*, & dedisse reconciliationem uti dabatur impositione manus presbyteri: licet enim adderet presbyter impositioni absolutionis formam, quam ex Cypriano nec proferre poterant diaconi; tamen eo in casu supplere poterat votum Sacramenti & contritio, ut ait cl. Auctor tom. 7. pag. 583. ideoque reconciliatio illa diaconi non erat *sacramentalis*, ut conveniunt Pamelius, Baluzius, Petavius, Albaspinæus &c.

PROPOSITIO III. Plures in morte laicis absente presbytero confessi sunt, sed hæc confessio Sacramentalis non fuit, nec necessaria ad salutem.

Prob. I. pars. Ex cap. *Sanctum* de Consecr. dist. 4. habetur, quemdam imminente naufragio *petiisse ab ipso, catechumeno, quem baptizaverat, ut eum reconciliaret.* II. Cæsarius in Dial. dist. 3. c. 21. narrat, quosdam navigantes sodalibus laicis fuisse confessos. Commilitonibus suis Richerium Aquilensem, Guidonem magistrum equitum, nec non Hispanos milites fuisse confessos scribunt clariss. historici; ergo &c. Prob. II. pars.

pars. Auctor de vera & falsa Pœn. ait: *Si deest sacerdos, confiteatur proximo*. Hinc Magister in 4. dist. 11. ait, perspicuum esse: *Peccata primum Deo, deinde sacerdoti esse confitenda, & si ipse defuerit etiam socio*. Et S. Th. q. 8. suppl. art. 2. ait: *In necessitate etiam laicus vicem sacerdotis supplet*. Eadem habet D. Bonav. in 4. dist. 17. part. 2. S. Raymundus l. 3. de pœn. &c.

Prob. III. pars ex prop. I. ubi ostensum est, ministrum legitimum confessionis esse solum sacerdotem; ergo sola sacerdotalis confessio sacramentalis est. Qui ergo laudant confessionem laicis factam, ideo laudant, quia, *etsi ille, cui quis confitebitur, potestatem solvendi non habet, fit tamen dignus venia ex desiderio sacerdotis, qui socio confitetur criminis turpitudinem*. Eadem repetit Magister, & S. Thomas, qui ibi subdit, quod in laicali confessione non est aliquid ex parte ministri, scilicet absolutio, & satisfactionis injunctio, sed est tantum quod requiritur ex parte pœnitentis, nempe contritio, & confessio. Item S. Bonaventura ibi ait: *Non fit socio, ut suppleatur locus sacerdotis, vel ut confessio Sacramentum habeatur; sed ut voluntas confitentis probeatur*. Hinc patet laicos, qui auderent confessiones excipere & absolvere, sacrilegium committere, & fieri irregulares, si forent clerici, & juxta plures, quibus subscribimus, etiam si forent laici.

Prob. IV. pars. I. enim confessio necessaria est ob absolutionis beneficium ex Prop. 4. c. 1. II. Chrysostomus, alique PP. docent confessionem non oportere fieri conservis. III. Licet confessio laicis facta commendetur, ea tamen non expedit, nisi ubi a laico injuria affecto peti debet reconciliatio, aut ad tollendum scandalum, aut ubi pœnitens consilio indiget, quod postulat criminis revelationem. Licet ergo laudari debeat, qui mortis proximus laico sua peccata revelaret ad vehementiorem contritionem excitandam, modo id omni circumspeditione fieret, generatim tamen dico, nullum esse hujus confessionis præceptum, nullamque haberi necessitatem. Eadem tradit Scotus, Soto, Suarez, Sylvius, De Lugo, alique apud Auctorem, qui ajunt id vel raro, vel numquam fieri debere.

PROPOSITIO IV. Quidam pluribus simul sacerdotibus confessi sunt, non ex necessitate, aut præcepto.

Prob. I. pars exemplis Guillelmi Normanniæ ducis, & Michaelis Palæologi, apud Morinum: Theodardi episcopi, Vitalis abbatis, & Ludovici pii apud Martene: Ebbonis Remensis episcopi, & Goffridi Antifiod. apud Mabillonium, qui plures in extrema confessione sacerdotes adhibuerunt. Prob. II. pars, tum quia unus sacerdos sat est ad solvendum,

dum, nec ulla lex statuit pluribus aperienda esse peccata. Vide prop. 1. c. 1.

Ob. I. In Jacobi ep. habetur: *Confitemini alterutrum*; ergo &c. II. Idem eruitur ex comparatione baptismi. III. In lege nova omnes sunt sacerdotes; ergo &c. R. ad I. Jacobi verba exponenda esse de confessione facta presbyteris, quos ad infirmos inductos supponit. Vide prop. 1. c. 1. Ad II. vide prop. 4. c. 1. Ad III. vide prop. 1. c. 13. l. 33. ubi exposuimus quo sensu omnes fideles in nova lege dicantur sacerdotes.

Ob. II. Martinus V. præcepit, ut suspecti de erroribus Wiclefii interrogarentur: *Utrum credant, quod Christianus habita copia sacerdotis idonei ex necessitate salutis, illi soli confiteri teneatur, non laico*; ergo quando non est copia, non improbat Pontifex confessionem laico faciendam. R. neg. conf. Ex iis enim verbis inferitur constendum sacerdoti, si hujus copia habeatur, non verò laico, cui Wiclefus potestatem clavium attribuit. Ut si dicam pauperi stipem erogandam, si adiant, non sequitur diviti dandam, si desit pauper. Consulto addit Pontifex, ex necessitate salutis, ut ostendat confessionem ab aliquibus laico factam, non fuisse necessariam, neque sacramentalem. An vero utilis fuerit, vel noxia, ut aliquibus visum est, non opus erat attingere in damnatione Wiclefii.

Ob. III. Martinus ex Cypr. ep. 12. in extrema necessitate excipiebant exomologesim poenitentium, iisque pacem donabant; ergo &c. Idem statuit Conc. Illiberitanum, Toletanum I. & Londinense, quæ omnia diaconis potestatem faciunt imponendi manus supra poenitentes, sed hæc impositio non est *ceremonialis*, sed sacerdotalis, nam per Cyprianum habetur in diaconatu honor sacerdotii; ergo &c. II. cap. *Fures* habetur: *Si comprehensi presbytero, vel diacono confessi fuerint, communionem eis non negamus*, ergo &c.

R. ad I. Ex prop. II. Conc. Illiberitanum loqui de Eucharistia non deneganda a diaconis in mortis articulo constitutis, nisi presbyter inhibuerit. Toletanum I. vetat diaconis illegitime ordinatis: *Ne manus imponant*, idest ne altari ministrent, & cum aliis de clero substratis imponant manum, vide Tom. 2. Conc. Hispan. pag. 131. Londinense agit de excipiendi poenitentium satisfactione ex Tom. 11. Collect. Labb. pag. 14. Honor vero sacerdotii, qui a Cypriano &c. diaconis tribuitur, non infert parem iis fuisse cum presbyteris dignitatem. Tria enim sacerdotii genera veteres distinguebant: *Primi sacerdotes*, ex codice Theodos. de Episc. l. 5. de fide cath. dicebantur episcopi: *Secundi ordinis viri*, apud Rab. l. 1. Inst. Cler. *presbyteri sunt*. *Diaconos vero in tertio sacerdotio constitutos* scribit Optatus l. 1. n. 13. ergo &c. Ad II. R. cap. *Fures*

res exponi posse cum Basilio Poncio de reconciliatione ceremoniali, vel de communione orationum Ecclesiæ, de quibus ibi sermo est, ut notat Gonzalez. Adde in Conc. Triburiensi, unde excerptum est cap. *Fures*, pro *diacono* haberi *Deoque*, teste Van-Espen &c.

Ob. IV. illorum loca, qui commendant communionem laicis factam in mortis periculo. R. Hæc dilui ex dictis Propos. 3.

## C A P U T V.

*De requisitis in pœnitentiæ ministro.*

**A** Gemus hoc loco de confessarii potestate, ac prudentia in excipiendis confessionibus. Sit itaque

PROPOSITIO I. Nequit sacerdos absque potestate jurisdictionis valide absolvere, excepto mortis articulo.

Prob. I. ex cap. *Quod autem* 5. Decr. tit. 38. *A non suo iudice ligari nullus valet, aut absolvi.* Et cap. *Presbyteri* qu. 6. n. 4. *Presbyteri de occultis peccatis iussione episcopi reconcilient.* Trid. sess. 23. c. 15. de Ref. statuit: *Nullum regularem posse confessiones secularium audire, nisi aut parochiale beneficium, aut ab episcopis approbationem obtineat.* Prob. II. ratione. Absolutio enim sacerdotalis est actus judicialis, quo sententia pronuncietur ex Trid. sess. 14. c. 6. sed hic actus exposcit: *Ut sententia in subditos duntaxat feratur*, ib. c. 7. ergo &c.

Dices: presbyteris in ordinatione dicitur: *Quorum remisistis &c.* ergo &c. R. neg. conf. His enim verbis confertur presbyteris potestas ordinis, sed jurisdictionis, aut exercitii, cum sit actus judicialis, non confertur, nisi promoveantur ad curam animarum, cui adnectitur jurisdictio ordinaria, aut ex episcoporum approbatione, unde fuit *subdelegata*. Nam Apostolis etiam, præter facultatem expressam iis verbis: *Quorum remisistis &c.* opus fuit, ut in orbem mitterentur, ut pastores & iudices populorum. Hinc sequitur nullum vel leve peccatum posse a sacerdote sacramentaliter absolvi sine ordinaria, aut delegata jurisdictione.

Not. I. Trid. cit. cap. 15. comprehendere etiam regulares, qui proinde nequeunt confessiones secularium (non fratrum, ad hoc enim sat est sui superioris facultas) excipere, nisi episcopus iis hanc det facultatem, quæ valet pro ea tantum diœcesi, ubi est ordinatus, non pro aliena. Hinc merito proscrip-  
pta est ab Alex. VII. tamquam falsa, & perniciosa hæc propositio: *Regulares Ord. mend. semel approbati ab uno episcopo ad confessiones audiendas in sua diœcesi, habentur pro approbatis in aliis*

*aliis diœcesibus*, quam prop. damnarunt Præfules Gall. ann. 1656. Nec obstant privilegia, quæ a Trid. a Pio IV. & V. necnon a Greg. XV. aliisque sunt abrogata. Statuit etiam Greg. XV. in Constitutione an. 1621. *Ut confessores sive regulares, sive seculares, tam ordinarii, quam extraordinarii ad confessiones monialium, etiam regularibus subjectarum, audiendas nullatenus deputari valeant nisi prius ab episcopo diœcesano idonei judicentur.* Hinc regulares approbati pro audiendis confessionibus unus monasterii, non possunt in alio confessiones audire.

Not. II. Posse fidelium confessiones audire qui habent *parochiale* beneficium, quia illis cura animarum commissæ est, quæ sine iurisdictione stare non potest. Si tamen curam dimittat, aut ea privetur, privatnr etiam iurisdictione. Censent nonnulli parochum non posse extra limites parœciæ suæ hanc iurisdictionem exercere, si hoc valeat exercere ratione beneficii parochialis. Quod extra dubium est, si episcopus ejus facultatem coarctet ad gregem ejus curæ commissum, secus, si non coarctet.

Not. III. ex iis Tridentini verbis: *Per examen, si videbitur necessarium*, satis constat etiam regularibus subeundum examen episcopi, si videatur opportunum. Ita statuit Urbanus VIII. in Const. ann. 1628. Nec ab eo examine quis dispensari censetur, etsi plurima scientia polleat, aut publici doctoris munere fungatur. Quia tamen Concilium disjunctive loquitur: *Aut alias idoneus judicetur*, consuevit Benedictus XIV. cum Bononiensem regeret Ecclesiam, viros doctrinæ laude commendatos, adigere, ut coram se ceteros inferioris ordinis examine explorarent: sicque jura episcopalia tuebatur, probabat idoneos, & doctiores honores prosequeretur. Quare non *satisfacit præcepto annuæ confessionis, qui confitetur regulari ab episcopo, etiam injuste reprobo*, ex Prop. 13. ab Alex. VII. damnata. Nec obstant privilegia regularium, cum fuerint a Trid. Synodo, & a Rom. Pontificibus revocata. Tandem episcopus hanc facultatem coarctare potest, revocare, ac suspendere: *Ex causa ad confessiones pertinente, quam non tenetur ipsis regularibus indicare, sed tantum sedi Apostolicæ*, ut statuit in Brevi ad episcop. Cordubæn. Urbanus VIII. Et in causa Angelopolitana Innocent. X. Vide Suarezium, Merbesium &c.

PROPOSITIO II. Jure possunt graviora crimina summis sacerdotibus reservari.

Ita Trid. Sess. 14. c. 7. & prob. I. Cum enim iurisdictionis potestas ab antistite conferatur, potest ipse iurisdictionem illam certis limitibus coarctare; ergo nulla erit absolutio illa sine episcopi licentia, ut docent Trid. PP. ib. c. 11. Hinc sequitur,

quitur, eos peccata reservare posse, qui aliis conferunt jurisdictionem. Et I. Rom. Pontificem, qui omnem habet plenitudinem potestatis relate ad universos episcopos. II. Episcopos respectu inferiorum presbyterorum. III. Superiores relate ad regulares sibi subditos. Sequitur etiam peccata venialia non esse reservanda, quia absque Sacramento poenitentiae remitti possunt. Quamquam, si potestas jurisdictionis attendatur quae necessaria est: ut eadem venialia absolutione Sacramentali solvantur, possent ex Suarezio, Sylvio, Soto &c. etiam venialia sic episcopis reservari, ut a tali ministro, non ab omnibus absolverentur.

Idem docent laud. Theologi de mortalibus *internis*; licet enim puniri nequeant Ecclesiasticis censuris, nisi quae pertinent ad externum Ecclesiae forum, cum tamen peccata interna jure divino in interiori foro enuntientur, & judicialiter absolvantur, sicuti Ecclesiae jurisdictioni, ita & reservationi subijci possunt. Id tamen non expedit, nec fit a Rom. Pontificibus, aut ab episcopis, quorum nemo hactenus *internum* crimen sibi reservavit.

Hinc sequitur, merito a Rom. Inquisitione proscriptam anno 1744. cujusdam theologi sententiam, qui ex hisce principiis, quod nempe reservari non soleant venialia, & mortalia tantum interna, inferebat, octavum casum reservatum Venetae dioecesis: *Quelibet impudicitia, cum monialibus peracta, vel quocumque modo attentata, non comprehendere actus subimpudicos de se veniales, e. g. genas vellicare, & mammillas tangere, solum ex pravo affectu, vel ex prava intentione mortales, hac ratione, quia nonnisi peccata per externam malitiam mortalia reservantur.* Actus enim illi non veniales sunt, sed mortales. Quamvis enim D. Thomas q. 154. 2. 2. a. 4. scribat, oscula, & tactus posse quandoque fieri absque peccato; loquitur tamen S. D. de iis actibus inspectis secundum speciem, ut ait ib. in R. ad III. At iidem actus peracti cum tali foemina nulla urgente necessitate (quae in chirurgo esse potest) non *secundum speciem*, sed in *individuo* debent attendi; frustra ergo ad laxam illam sententiam tuendam productus est cit. articulus.

Casus Pontifici reservati sunt I. ii, qui extant in Bulla Censurae edita a Sixto V. an. 1586. His adde quae ex mandato Clem. VIII. S. Congr. Episc. & Reg. recensuit: *Violationem immunitatis ecclesiasticae in terminis Const. Gregor. XIV. Violationis clausurae monialium, ad malum finem. Provocantium, & propugnantium in duello. Injicientium violentas manus in clericum. Simonie realis scienter contractae, & confidentiae beneficalis. Qui excipit confessionem complicitis in peccato turpi contra VI. preceptum*

ceptum excommunicatur ex Constit. Benedicti XIV. an. 1741. quam confirmavit ann. 1745. declarans, solum in mortis articulo sacerdoti licitum esse complicem audire & absolvere, dummodo non adsit alius sacerdos, etiam simplex, qui poenitentem possit absolvere, aut vocari & adesse non possit absque infamia, vel scandalo. In casibus, in quibus adnexa est excommunicatio, qui a culpa ex indulto Apostolicæ sedis absoluitur, censetur etiam ab excommunicatione solutus: at in facultatibus etiam Jubilæi casus Apostolicæ sedis reservati, nisi exprimantur, intelliguntur excepti, ut statuit in laud. Constit. Benedicti XIV. Si alii casus sint occulti, potest episcopus vel per se, vel per vicarium absolvere ex Trid. sess. 14. c. 6. excepta irregularitate orta ex homicidio voluntario.

Nota, ex Bulla Benedicti XIV. quæ incipit, *Apostolica indulta*, si per eam concedatur alicui facultas eligendi sibi confessarium ex approbatis, a quo valeat absolvi a censuris reservatis, opus esse ut idem confessarius sit approbatus ab ordinario loci, ubi excipitur confessio: nec sat esse quamlibet aliam approbationem, licet foret episcopi, qui olim fuerit loci ordinarius: atque hac lege etiam regulares obstringi.

Quæres: Quinam casus sint ab episcopo reservandi? R. Prudenter reservari enormiora crimina, quæ laudabiliter ejus prædecessores reservarunt, nec non illa crimina, quæ plurimum labefaciunt Ecclesiasticam disciplinam. Ex cap. *Inter cunctas* in Extr. Com. de Privilegiis & ex decreto Clem. VIII. Reservari autem solent furta, sacrilegia, homicidia, divinationes, & invocationes dæmonum, crimen falsariorum in judicio, quævis percussio parentum, incestus graviores, nefandum crimen, abortus procuratio, incendium ex malitia, suffocatio, monialium violatio &c. In his autem, aliisque non posse regulares quemquam episcopo subiectum absolvere constat, tum ex natura potestatis jurisdictionis, de qua supra, tum ex pluribus S. Canonibus, nec non ex Constit. Gregor. XIII. Clement. VIII. Pauli V. Innoc. X. & Alex. VII. a quo proscripta est Propos. 12. *Mendicantes possunt absolvere a casibus episcopis reservatis, non obtenta ad id episcoporum facultate*. Idem docent Soto, Suarez, Alexander, Vanroy &c. Excipe tamen mortis periculum, in quo ex Trident. Sess. 14. cap. 7. omnes sacerdotes absolvere quoslibet poenitentes, a quibusvis peccatis & censuris: si desit sacerdos jurisdictione pollens, secus si adsit. Ita Rit. R. de Sacr. Poen.

PROPOSITIO III. Confessarius scientia, ac sagacitate pollere debet.

Prob. I. pars, ex cap. *Qui vult confiteri* de Poenit. dist. 6. ubi habetur: *Caveat spiritalis iudex, ut non caveat munere scientiæ*.



*scientiæ . Oportet enim ut sciat cognoscere quidquid debet iudicare . Iudiciaria enim potestas hoc postulat , ut quod debet iudicare discernat . Tenere ergo debet , quæ de hoc Sacramento mandarunt literis moralis Theologiæ tractatores ; quænam peccata sint de genere suo mortalia , quænam venialia , quæque restitutionem , contractus , censuras , proscriptasque propositiones respiciunt . Quæ item adversus confessarios ad turpia sollicitantes sanxerunt Gregor. XV. , & Benedict. XIV. ann. 1741.*

Prob. II. pars . Debet enim confessarius , quantum potest , explorare pœnitentium affectiones , in rudibus interrogandis , in danda , vel suspendenda absolutione , & satisfactione injungenda , sed hæc absque solerti sagacitate fieri non possunt ; ergo &c.

Indicia autem decem præcipue numerantur , quæ animi pravitatem in pœnitente demonstrant . I. Est omissio examinationis conscientiæ . II. Si pœnitens asserat se libenter confiteri peccata , sed ab iis abstinere non posse . III. *Si scelera alia deploret , aliis anhelet* , ex cap. *Pœnitentiam* de Pœn. dist. 3. IV. Si confessionem dividat *ad hypocrisim tendens* , ex cap. *Constitueret* ibid. Si nolit deferere negotium , quod nequit sine peccato exerceri . Ex cap. *Falsa* . VI. si odium servet in corde ex cap. *Fratres* . VII. Si rem alienam , aut famam reddere nolit ex distinet. 14. q. 6. cap. *Si res* . VIII. si proximam peccandi occasionem nolit deferere , ex damnata ab Innoc. XI. prop. 61. & 62. IX. cum pœnitentiam agere detrectet , aut de uno tantum crimine illam agit spretis aliis . X. Si frequenter mutet confessarios , nec velit prudentibus se committere , ex c. 6. Inst. S. Caroli p. 2. & ex can. 8. Concilii Rom. S. Gregorii VII.

Quæres : quid prudens confessarius interrogare debeat rudes ? &c. I. inquirere debet a Pœnitente quandiu sit ex quo non est confessus ? num examen præmiserit ? quo dolore detestetur peccata ? an sit solutus , vel conjugatus &c. Vide Totum de Instr. Sac. l. 3. c. 17. II. An articulos fidei , & præsertim Incarn. mysteria , & præcepta Dei , & Ecclesiæ teneat ? III. Quærat numerum ac speciem peccatorum , incipiens a præceptis Dei & Ecclesiæ , tum a vitiis capitalibus ad obligationes cujusque status discurrat per ea , quæ patrare solent parentes , filii , domini , servi , mercatores , artifices &c. IV. Caveat , ne inquirat peccati complicem , nisi ad integritatem confessionis necessario sit revelandus . V. Nec quærat pœnitentium nomen , domicilium , ætatem &c. VI. In iis , quæ spectant ad sextum decalogi præceptum , gerat se cautissime , & ut ait Gerson. *Procedat pedetentim a generalibus , & que nulum*

*iam videntur culpam includere, non ea inquirens, quibus possit innocentior ætas apprehendere turpitudinem. VII. Si confessionis initio audiat peccata, quæ nequit absolvere, a reliquis audiendis absteineat. VIII. Vitet sequentes abusus. I. Ne confessionis initio se præbeat nimis austerum, & difficilem. II. Ne audiens graviora crimina penitentes perterrefaciat. III. Ne cum foeminis habeat prolixiora colloquia. IV. Ne ægre ferat, aut reprehendat, qui alios adeunt confessorios. V. Ne munusculis se delectari significet.*

## C A P U T VI.

*De tempore suscipiendi Sacramentum penitentiae.*

**Q**UÆRI solet in scholis, an statim post lapsum quis teneatur confiteri? an præcepto annuæ confessionis satisficiant qui parochio non confitentur, vel sacrilege confitentur? Sit ergo

PROPOSITIO I. Qui in grave scelus prolapsi sunt curare debent, ut quamprimum confiteantur.

Not. Communior opinio est: *Non teneri hominem ad statim confitendum; quamvis periculum sit differre, ut q. 6. supplem. art. 5. ait S. Thom. ac posse laicum rationabiliter expectare tempus Quadragesimæ, quod est tempus penitentiae, ait in 4. dist. 17. p. 1. a. 2. S. Bonav. Excipiunt tamen mortis periculum, necnon si conscientia dicat confitendum esse, aut ex dilatione oblivioni subjiatur, si peccet frequentius, aut minus obire teneatur, quod nequeat in peccato exerceri. Alii contra tenent, statim admissio peccato gravi teneri peccatorem illud detestari, præsertim si menti occurrat, prout est offensa Dei, nec differendum confessionis propositum, sed cum primum fieri possit implendum. Ita Alex. Atén. Guillelmus Paris. Maldonatus, Vanroy, Piette &c. Alii denique, quibuscum sentimus, media incedunt via: ajunt enim confessionis præceptum obligare etiam extra vitæ periculum, cum nempe conscientia peccati horrore concutitur, & habetur loci, temporis, ac sacerdotis opportunitas, quæ nisi habeatur, putant saltem eliciendum esse actum contritionis, nec opus esse, ut peccator statim, & quamcitiùs confiteatur. Ita Victoria, Soto, Canns, Estius, Sylvius &c.*

Prob. I. Cum enim ait D. Thom. præceptum confessionis urgere *in mortis periculo*, non intelligit mortis articulum, sed plures casus, unde mors solet accidere, ut in Bello, in mari turbato, in partu foeminæ; ergo &c. II. Præcepta affir-

affirmativa, nedum obligant in extrema necessitate, sed etiam quando eorum actus existimantur rationabiliter necessarii, ut l. 23. c. 7. & 15. dictum est. III. differendam non esse in longum tempus confessionem constat ex momentis secundæ sententiæ, quæ infra proferemus, & suadet lex naturæ, quæ docet, quancitius ei reconciliari oportere, quem offendimus; ergo &c.

Ob. I. Ex D. Th. *Præcepta affirmativa non obligant ad statim, sed ad tempus determinatum*; ergo &c. II. Baptismus diu, & ad mortem usque dilatus fuit ex libri 31. c. 20. ergo & penitentia. III. Præceptum contritionis non obligat statim ac peccatum admissum est ex Juenin diss. 6. de Sacr. q. 4. art. 6. ergo nec confessio. IV. Ecclesia præcipit tantum, ut semel in anno confiteamur; ergo &c.

R. ad I. ex probatione II. hujus propositionis, tum ex iis, quæ diximus de actibus fidei, spei, & caritatis. Ad II. neg. conf. Baptismus enim differebatur, ut catechumeni instruerentur & disponerentur, & tunc statim conferebatur baptismus. Ad III. neg. ant. Non enim videntur aliorum saluti consulere, qui docent oppositum. Ad IV. neg. conf. Ibi enim mens Ecclesiæ est cohibere quorundam licentiam, qui putabant, posse quemlibet pro lubitu confiteri: statuit autem, ut semel in anno id fiat, quia vix reperitur qui eo intervallo aliquod crimen non admittat.

Ob. II. alterius sententiæ patroni. I. Præceptum contritionis obligat statim post peccatum, ex Eccli. 8. *Ne tardes converti, & ne differas de die in diem*, & ex Aug. c. 76. Ench. *Non dixeris cras convertar &c.* sed idem de confessione dicendum est, si adsit ministri copia; ergo &c. II. Statim debet adhiberi corpori medicina; ergo & animæ. III. statim reconciliari debemus proximo; ergo & Deo. IV. Peccatum vel placeat, vel displiceat: si hoc; ergo illud detestamur, & dolemus: si illud; ergo peccatum peccato addimus. V. regem offensum spernit, qui ab eo veniam non petit; ergo &c.

R. ad I. loca illa suadere quod melius est, quia ex dilatione sæpe evenit corporis & animæ interitus, friget penitentiae studium, & occasio conversionis elabitur. Ad II. retorq. argum. *Non est enim de necessitate salutis*, ait D. Thom. ib. *ut statim medicus quærat, nisi quando necessitas curationis incumbat*. Ad III. & V. R. in ipsa fratrum reconciliatione opportunitatem attendendam esse, licet præstet id fieri quantocius. Ad IV. R. posse mentem averti a peccato, ut ipsum nec placeat, nec displiceat.

PROPOSITIO II. Satisfit Ecclesiæ præcepto annuæ confessionis, si hæc fiat cuique sacerdoti, etiam non parochi.

Tqm. IV.

V

Est

Est contra Launojum, cui accedere Juenin, Vitasse, Van-  
spen &c. & prob. I. Nam Joannes XXII. ann. 1231. damna-  
vit hanc propositionem Joannis de Poliaco: *Stante Omnis*  
*utriusque sexus edicto in Concilio generali Rom. Pontifex non*  
*potest fucere, quod parochiani non teneantur omnia peccata sua*  
*semel in anno proprio sacerdoti confiteri, quem constat esse pa-*  
*rochialem curatum.* Item aliam: *Confessi fratribus habentibus*  
*licentiam generalem audiendi confessiones tenentur iterum confiteri*  
*proprio sacerdoti; ergo &c.*

R. Launojus, eam propositionem proscriptam, eo quod af-  
fereret, iterum aperienda esse peccata a regularibus soluta, ne-  
que Romanum Pontificem a necessitate confitendi proprio pa-  
rocho eximerè posse. Sed contra. Vel enim regulares ea pol-  
lent jurisdictione, vel non; si hoc, cur non sunt enuntianda  
parochio peccata ab iis soluta? si illud, cur nequeunt peniten-  
tes absolvere? Deinde, si RR. Pontifices eximere possint ab  
ea necessitate, cur eorum decretis obsistit Launojus, cum illi  
toties declaraverint a se fideles exemptos? II. Leo X. idem  
statuit in Conc. Lateranensi V. anno 1516. Idem decrevere  
Paulus III. ann. 1549. Paulus IV. ann. 1555. aliique apud  
Alex. Tournely, Boucat &c. Accedit definitio Clem. VIII.  
quæ contentione fervente inter regulares & parochos Camera-  
cen. & Atrebaten. diœceseos, sancivit: *Dictis fratribus ab or-*  
*dinario approbatis, etiam Paschali, & quovis alio tempore*  
*confiteri licite posse, dummodo iidem Christi fideles Eucharis-*  
*tiam ab eorum parochio sumant.* Idem statuit Clemens X. ann.  
1670. Nec dici potest ea decreta esse subreptitia, cum extent  
autographa in Romanis Archivis.

Nec obstat, ea decreta, non esse in Galliis recepta, siqui-  
dem ab aliis Christiani orbis partibus acceptari negare non pos-  
sunt Galli theologi; cur ergo ab omnibus pari obsequio exci-  
pi non possunt? quod si fieri potest, possunt ergo episcopi  
hanc facultatem regularibus concedere; ergo qui continentur re-  
gularibus simpliciter approbatis canonem *omnis utriusque* non  
violant. Reapse in eo canone *proprii sacerdotis nomine* posse  
intelligi episcopum, parochum, & quisquis delegata jurisdic-  
tione excipit confessiones, affirmat Alensis, D. Thomas,  
Henricus, & Durandus. Ex recentioribus vero innumeri ab  
ipso etiam Launojo laudati. Eandem doctrinam amplexi sunt  
anno 1252. Theologi Parisienses, anno 1450. Guillelmus Ga-  
strofortius, ann. 1509. Greg. Geringenus, ann. 1530. Jo. Au-  
relianen. ann. 1550. Ludovicus Carnotensis, ann. 1561. Caro-  
lus episcopus Sueffionen. anno 1587. Germanus Aurelianensis,  
anno 1650. Philippus Gamachæus & Isambertus, ann. 1683.  
Harleus & Nat. Alex. anno 1737. Tournel. Boucat &c. qui  
omnes

omnes docent, *proprii sacerdotis nomine* Lateranen. Concil. intellexisse Rom. Pontificem, episcopum, ejus vicarium, parochum; & omnes ab episcopo deputatos, vel si parochum intelligunt, docent tamen canonem explicandum salvo jure episcoporum, qui possunt etiam Paschali tempore sacerdotes quoslibet deputare.

Accedit ratio: I. Possumus in Paschate juxta canonem Later. permittente *sacerdote proprio*, idest parocho, ut adversarii contendunt, confiteri alieno sacerdoti; ergo a fortiori id fieri potest permissu episcopi, qui in parochiis suæ diocesis plenam habet auctoritatem. II. Ille est proprius sacerdos, sine cujus licentia confessarius non potest solvere, sed episcopi a parocho, utpote inferiori, licentiam petere non debent; ergo sunt *proprii sacerdotes*. III. In sententia opposita episcopus esset *proprius sacerdos* tantum confirmationis, & ordinis, sed hoc est absurdum; ergo &c.

Ob. I. *Proprius sacerdos* ex canone Lateranen. ille est, a quo in Paschate recipi debet Eucharistia, sed hæc recipi debet a parocho; ergo &c. II. Lateranen. c. 32. vetat, ne pensiones conferantur de proventibus Ecclesiæ, *quæ curam proprii sacerdotis habere debet*; sed huic *proprius sacerdos* est parochus; ergo &c. III. Martinus IV. in Constit. *Ad fructus uberes* præcepit, ut qui fratribus confitebantur  *suis presbyteris parochialibus confiteantur semel saltem in anno, ut Concilium statuit*. IV. Idem statuit post provinciales plurimas Synodus Mediolan. Facultas Parisien. quæ damnavit asserta Claudii Cussi docentis impleri caput *Omnis utriusque* ab iis, *qui fratribus confitentur*. V. accedit ratio. Nam privilegia regularium a Trident. revocata sunt. Nec parochi suo jure exui debent, quæ episcopi suam auctoritatem committere; ergo &c.

R. Mentem Lateranensis Synodi fuisse damnare pullulantem errorem asserentium cuilibet sacerdoti adesse *potestatem clavium*, licet ab episcopo jurisdictio non conferatur. Mandans ergo Concilium, ut quilibet confiteatur omnia peccata proprio sacerdoti, nec confiteatur *alieno*, nisi de licentia *proprii*, declarat, in confessario necessariam esse potestatem jurisditionis. Jubens autem, ut ad minus in Pascha communicet unusquisque, cohibet S. Synodus contemptum sacrorum mysteriorum; ergo quoad confessionem proprius sacerdos est ille, qui habet potestatem jurisditionis, aut ordinariam, aut delegatam. Neque hinc sequitur, posse impleri extra paræciam præceptum communionis, cum hoc privilegium regularibus non sit concessum, imo statutum sit, ut Eucharistia sumatur a proprio parocho.

Ad I. ergo dist. min. Seclusa episcopi facultate, conc. secus, neg.

neg. si enim episcopus permetteret alicui, ut extra parochiam communicaret, is non teneretur accipere communionem a parochio; ergo a pari. Ad II. &. neg. min. Nam canon ille æque spectat parochias ac nobiliores Ecclesias. Ad III. &. a Martino IV. revocatum fuisse privilegium regularium excipiendo confessiones sine approbatione ordinarii. Ad IV. &. ut ad I. Ceterum Cusii propositio, teste Launojo ipso, erat *de regularibus ab episcopo reprobatis*: adeoque jure a Paris. Facultate, imo ab Apostolica Sede proscripita est. Ad V. &. privilegia regularium esse revocata quoad examen, & approbationem episcoporum, ut supra dictum est: nec nostra sententia parochi suo jure expoliantur, nemo enim nostrum præsumit Sacramenta ordinaria jurisdictione ministrare. Verum dum annunt Pontifices & præfules, asserere jura parochorum regulares invadere, est episcopis injuriosum.

PROPOSITIO III. Non impletur præceptum annuæ confessionis per sacrilegam confessionem. Demonstratur hæc propositio ab Auctore lib. 33. c. 14. Tom. 7. p. 358. Rom. ed.

PROPOSITIO IV. Veteres certis anni temporibus Sacram. confessionem emittebant: ubi de præcepto annuæ confessionis.

Prob. I. ex veteri canone apud Burchard. l. 19. n. 2. ubi legitur: *Presbyteri admonere debent plebem, ut omnis, qui se sentit mortifero peccati vulnere sauciatus, feria 4. ante Quadragesimam, cum humilitate & contritione cordis simpliciter confessus, suscipiat modum pœnitentiæ*. Alios plures canones profert Menardus. II. ex Concilio Toletano celebrato anno 1228. Vigoriensi ann. 1240. & Albiensi ann. 1254. c. 9. quidam episcopi plebem adigebant, ut confiterentur ter in anno. Alii præter festum Paschale addidere diem nativitatis Christi, Ascensionis, Pentecostes, Assumptionis B. M. V. & omnium Ss. De Nativitate narrat Egbertus in fine dialogi: *A temporibus Vitaliani Papæ (qui sedet ab ann. 657. ad 672.) inolevit in Ecclesia Anglorum consuetudo, ut etiam laici cum conjugibus & familiis suis ad confessores pervenirent, & se fletibus mundarent, quatenus puriores communionis perceptionem in Natali Domini perciperent*; hinc refellitur Dallæus negans majores nostros confessionem Eucharistiæ præmisisse. III. Monachi veteres ante tirocinium confessionem edebant ex Climaco in 4. Scalæ gradu, eaque semel ad minus in hebdomada præscribitur a Constitutionibus Ord. nostri p. 1. c. 8.

IV. De ejus necessitate in mortis articulo alibi dictum est, cujus rei plura profert exempla Mabillon præf. 1. in Sæc. 3. Adde constitutiones Rom. Pontificum Pii V. & Greg. XIII. præcipientium medicis, ut moneant infirmos de confessione facien-

facienda. V. Ex Anselmo & Alcuino longum iter *confessione confirmare* debemus. VI. Ex monitis S. Caroli part. 2. Instr. c. 11. laudabilis est eorum consuetudo, qui semel in vita edere student generalem peccatorum confessionem. Eandem saluberrimam esse ad *resarciendas juventutis ignorantias*, & *plurimos defectus*, qui in confessione fiunt a *juvenibus*, docet S. Thomas de Villan. Conc. in Dom. 4. Quadragesimæ. Plurimas etiam illius utilitates recenset S. Franciscus Salesius in Praxi spirit. inter quas recenset maiorem conscientie tranquillitatem præsertim iis, qui ob nimium pudorem aliquando confessionem emisericint sacrilegam.

## CAPUT VII.

*De forma absolutionis Sacramentalis.*

NOT. I. Absolutionis formulam hanc esse: *Ego te absolvo*, ac preces additas ad formæ essentiam non spectare, Concilium Florentinum in Instr. Arn. & Tridentinum sess. 14. c. 3. definiunt. De ea tria quæremus, I. ad historiam spectat, II. ad dogma, III. ad morales Theologiæ Institutiones. Quoad I. quæritur an obtinuerit, & Sacramento idonea sit *forma deprecativa*? Hanc autem in Latina Ecclesia usque ad medietatem sæculi XIII. obtinuisse, & etiamnum in usu esse apud Græcos, adeoque validam esse constanter pronuntiant, Morinus, Juenin, Du Hamel, Tournely, Vitasse, Gotti, Martene, Vanroy, Piette ab Auctore laudati. Pro forma indicativa, quam superiores Theologi necessariam existimarunt, pugnant Frassen, Henno, Boucat. Mirum proinde est, Emin. Gotti scripsisse tom. 14. p. 335. *Certum omnibus esse*, Græcos uti forma deprecativa, cum Launojum, ac Morinum refutasse studuerint Vincentius Baronius, P. Nicolai, Gonet, Alex. aliique Thomistæ cl. Et D. Th. Opusc. 22. scribat: *Qui petit aliquid esse solvendum non solvit: miror qua temeritate aliquis asserat, esse solutum, quem habens claves non significat se solvere, sed solum rogat esse solvendum.*

Quoad II. Cum hæretici omnes affirmant, sola fide: *Quæ concipitur ex Evangelio, seu absolutione*, & credit propter Christum certo remitti peccata, ut habet Confessio Augustana art. 12. certa fide tenendum est, absolutionem Sacramentalem esse *actum judicalem*, non vero *nudum ministerium declarandi remissa esse peccata confitenti*, ut can. 9. sess. 14. definit Trid. a quo errore quam longe absunt veteres Scholastici, qui aiebant, contritionem vi sua peccatum delere ante sacerdotis absolutionem, hi enim, ut cap. 1. dictum est, non

negabant, a sacerdote *actum judiciale exerceri*, nec aiebant, absolutionem esse *nudum declarandi ministerium*; sed docebant contritionem delere culpas absolutionis vi, aut voto, vel per eam conferri gratiæ incrementum; frustra ergo opponunt adversarii, *quod solvere interpretari a Scholasticis pro declaratione absolutionis*. Quoad III. quæritur, in quo sita sit essentia formæ, qua utuntur Latini? Sit itaque

PROPOSITIO I. Incertum est, an olim viguerit forma deprecatoria, & aptior est ea, qua utitur Romana Ecclesia.

Prob. I. Nituntur I. adversarii veteribus Pontificalibus, ac libris Liturgicis; sed in his agi videtur de reconciliatione canonica, cum plures apud Martene hunc titulum habeant: *De Reconciliatione ser. 5. maj. hebdomadae*. ergo &c. II. Forma Sacramentalis brevis est, definita, nec repetitur, nisi repetita Sacramenti materia; sed hi libri ritum exhibent valde prolixum, psalmis, longisque orationibus constantem, & sæpe repetitum; ergo &c. III. In Pontificali Romano Clementis VIII. & Urbani VIII. auctoritate recognito exhibetur ritus hujus *reconciliationis* sub verbis tantum deprecatoriis, sed ætate horum Pontificum sola forma *indicativa* in usu erat in absolutione Sacramentali; ergo in libris illis continetur tantum modus *reconciliationis canonice*.

IV. In ipso Pontificali Egberti a Martenio laudato habetur: *Absolvimus vos*, vel *vobis*, *vice Beati Petri* &c. In Pontificali Anglicano verbis deprecatoriis additur: *Ego immeritis Episcopus hanc absolutionem manu, ore, corde confirmans Dei clementiam imploro*, ubi *quod confirmans* vim habet absolutionis *indicative*. In Ordine Ecclesiæ Aquen. p. 91. legitur: *Absolvimus te vice Beati Petri &c. cujus vicem, quamvis indigni, gerimus*. In pervetusta plumbea Cruce hæc absolutionis forma legitur: *Dominus te dignetur absolvere F. Elia a cunctis peccatis tuis, & quantum mee fragilitati permittitur, sis absolutus ante faciem illius: quæ formula imperativa comprehendit actum judiciale, ut indicativa*. V. Fatentur adversarii indicativam formam præscribi a Conc. Londinensi, & Neumacensi, docere D. Thomam ex Parisiensium Theologorum sententia absolutionem fieri non posse per solam deprecativam orationem, & Fr. Mayropem asserere hanc formam: *Absolvat te Deus*, in Provincia fuisse ab omnibus improbatam, cum a Tridentino & Florentino non negent probatam *indicativam*; sed hanc nonnisi ex traditione illi accepere; ergo &c.

Nituntur II. Patrum & Theologorum auctoritate, nam Tertullianus l. de Pud. c. 19. asserit, veniam dari *per exortorem Patris Christum*. Ambrosius l. 3. de Spiritu sancto ait, quod



in remissione peccatorum *homines rogant*, *divinitas donat*. S. Hieron. in Pl. 28. ait, cessare in nobis flammam libidinis *per orationem sacerdotis*. S. P. l. 15. de Trin. c. 26. ait: a nobis Spiritum sanctum *invocari*, non conferri, & l. 3. de Bapt. ait: *Quid est aliud expiatio sacerdotalis, nisi oratio super hominem?* & serm. 99. arguit Donatistas dicentes: *Ego peccata dimitto*. S. Leo Ep. 126. ait: *Pro delictis sacerdos precator accedit*. Eadem habet in epist. ad Theod. Forojul. Accedunt Theologi, Anonymus Scriptor de Pœn. Petrus Cantor, Guilhelmus Parisien. Alexander &c. Sed hæc momenta infirma sunt; ergo &c.

Prob. min. Patres enim, ut observat Sylvius, absolutionem vocant supplicationem; quia verba illius a legitimo ministro proferuntur cum intentione conferendi Sacramentum a Christo institutum, & sunt tacita divinæ potentiae invocatio. Nam laudati Patres ajunt etiam Eucharistiam *precibus* consecrari; sicut ergo Tournelyus; Juenin &c. reponunt precibus Eucharistiam consecrari non *formaliter*, sed *concomitanter*, & *dispositive*, quia sine orationibus sancta Mysteria non fiunt: ita nos quoque huic argumento reponimus.

Adde, Patres laudatos ibidem refellere hæreticos, qui negabant divinitatem Spiritus sancti, & fidei suæ & probitati vim omnem remissionis tribuebant; recte ergo ajebant: *Isti, homines, rogant, divinitas donat* &c. Alias non sibi contitarent, dum iis judicariam tribuunt potestatem. Tandem, cum Patres nollent vulganda esse arcana fidei, & formam Sacramentorum, ex Innoc. ep. ad Decent. negari potest in iis Patrum locis agi de *forma substantiali*, non autem de precibus supra substratos effusis cum impositione manuum. De Theologis adversantibus hæc habet D. Thomas Opusc. 22. *Numquid eorum opinio prejudicare poterit verbis Domini: QUODCUMQUE SOLVERITIS? Numquid, si nunc viverent, prejudicare possent sententiæ magistrorum, qui contrarium sentiunt, decernentes, absque his verbis: Ego te absolvo, absolutionem non fieri?* Adde, quod cum laudati Scriptores tenerent hominem reconciliari Deo per contritionem, per absolutionem autem reconciliari Ecclesiæ, & per hanc non justificari, sed augeri gratiam, & a debito pœnæ enodari; dum formam deprecatoriam dixere, accipi debent de remissione culpæ. Hinc S. Bonaventura in 4. dist. 18. ait: *In forma absolutionis præmittitur deprecatio, & subjungitur absolutio per modum indicativum, & deprecatio gratiam impetrat, sed absolutio præsupponit tantum, nunquam enim sacerdos absolvet quemquam, nisi esset absolutus a Deo.*

Nituntur III. etiam Græcorum consuetudine, a quibus usurpatam etiamnum formam deprecatoriam probant ex Eucholo-

gio Goarii. Sed responderi posset, ibi haberi formam *reconciliationis canonice*, non *sacramentalis*, cum preces illæ iterum sæpiusque recitentur. Deinde testatur Menardus, Græcos post eas preces hæc proferte: *Habeo te venia donatum*. Tandem in Euchol. Goarii legitur pag. 678.: *Insuper ego absolvo te ab omnibus peccatis tuis &c.* Et infra: *Ego vero condono tibi omnia peccata tua*, quæ forma Latine similis est.

Proferant IV. testimonium Arcudii l. 4. Concord. c. 3., sed ibi Arcudius formam deprecativam rejicit, ex quo forma pœnitentiæ debeat esse judicialis. Ait 2: aliquas preces Euchologii æquivalere formæ latinorum. Profert 3. ex Gabriele Philadelpho hanc formulam: *Gratia spiritus sancti per meam humilitatem habeat te venia donatum, & absolutum*. Addit 4. a Græcis nonnullis adhiberi tantum preces, sed hos esse degeneres ab institutis majorum. Hæc Arcudius. Cui addimus ritus Ecclesiæ Græcæ Latine redditos a Fhelavio, ubi c. 22. hæc formula habetur: *Ex potestate, quam Christus Apostolis concessit, .... quamque ego ab Episcopo meo nactus sum, absolveris & criminum purus pronunciaris a Patre, Filio & Spiritu S.*

Proferunt V. Instructionem Clem. VIII. ann. 1595. quæ Græci jubentur uti *forma in Concilio Florent. præscripta*, & postea illa *deprecativa*, quam pro forma absolutionis dicere tantum consuevere: unde inferunt nunquam apud Græcos obtinuisse formam *indicativam*. Sed R. Card. de Lugo, ideo Græcis præscriptam formulam Florentini Conc., quia *deprecativa*, quæ utebantur, valida non censebatur, alias novam non indixisset Conc. Deinde non sequitur, ex quo Græci, quos Clem. VIII. instruxit, sola deprecatione uterentur, idem præstitisse Græcos omnes; nam in pluribus Græcis formis habetur sententia judicialis expressa forma *indicativa*. Prob. II. pars. I. Ex quo latinam formam tantum probarint Concilia & Rom. Pontifices. II. Quia ex Tridentino absolutio sacramentalis est actus judicialis, deprecatio autem est supplicantis officium. III. Sacerdos absolutioni præmittens ea verba: *D. N. J. C. te absolvat*, non absolvit; nam ex Tridentino ad formæ essentiam non spectant; alias frustra adderet; *Ego te absolvo*.

IV. De validitate formæ *indicativæ* nemo dubitat, ut de forma *deprecativæ*; ergo in re sacramentaria certa incertis præponi debent. V. Forma *indicativa* aptior est revincendis hæreticis, nam *solvere* non est idem ac *solutum ostendere*, ut notat Estius. VI. in aliis Sacramentis usurpatur forma *indicativa*; ergo a fortiori in pœnitentiâ, quæ est actus judicialis. Ex quibus constat, Romanam Ecclesiam præscribere formam absolutionis *indicativam*, & hanc optimam esse, & inviolate servandam.

dam. Num vero ab Apostolorum ævo ad hæc tempora ex deprecatoria evaserit indicativa, non est ita exploratum, ut plures existimant.

PROPOSITIO II. Sacerdos per absolutionis formam non declarat esse remissa a Deo, sed vere peccata dimittit.

Ita Trid. Syn. sess. 14. c. 9. *Si quis dixerit absolutionem Sacramentalem non esse actum judiciale, sed nudum ministerium declarandi remissa esse peccata, anathema sit.* Et prob. I. ex Evangelio: Christus enim dicens Apostolis: *Accipite &c. & Quorum remiseritis &c.* contulit eis potestatem remittendi, & retinendi peccata, sicut PP. tradidere: sed exercere potestatem, & peccata dimittere est aliquid, præter veniæ enunciationem; ergo &c. II. Christus ait ibidem: *Sicut misit me Pater, & ego mitto vos*, idest cum eadem potestate; sed Christus vere peccata dimisit, dum ait mulieri: *Remittuntur tibi peccata*; ergo &c. III. In solutione Lazari, jussu Christi a discipulis facta, significata est absolutio sacerdotalis, sed Apostoli non pronunciarunt Lazarum esse solutum a Domino, sed ipsi vere solverunt; ergo &c.

IV. Chrysostomus præfert sacerdotes novæ legis Leviticis, quod isti explorabant lepram corporis, illi lepram animæ *procul arcent.* V. Augustinus, Leo M. &c. ajunt, *claves datas Ecclesie, & frustrare Evangelium*, qui putant sola interna resipiscencia deleri culpam: addit, probari in cælis, *quod a sacerdotibus judicatur in terra &c.* sed hæc falsa essent in adversar. sententia; ergo &c. Vid. c. 1. VI. Accedit ratio I. ex forma pœnitentiæ: dicitur enim: *Absolute te*, non *Declaro &c.* II. Ex efficacia Sacramentorum, quæ gratiam per se conferunt ex dictis l. 30. III. ex potestate *clavium* solis sacerdotibus facta, cum declaratio a quovis laico fieri possit. IV. Novatores potestatem clavium ita deprimunt, ut nihil valere asserant apud Deum, sed hoc adversatur Matth. 16. *Tibi dabo claves, ... quodcumque ligaveris &c.*; ergo &c.

Op. I. Sacerdos ligans non stringit peccati vinculo, nec damnat, sed tantum declarat; ergo &c. II. Peccator a sacerdote solvendus incertus & anceps erit, an sit revera solutus; ergo &c.

R. ad I. neg. ant. Falsum est enim potestatem ligandi esse nudum declarantis officium, nam per absolutionem vere peccata remittuntur, & per negationem absolutionis vere permanet nexus peccatorum. Ubi notat Virvesius Philip. 9. non dixisse Christum: *Quos damnaveritis erunt damnati &c.* sed: *Quorum retinueritis &c.* retentio autem non est damnatio, sed est judicium, quo peccator pronunciat indigne absolutione. Ad II. neg. conf. Non enim admittimus jacta-

jaſtatant ab hæreticis fiduciam, firmiſſimamque juſtiæ perſuaſionem, quam cap. ult. l. 9. reſutavimus, licet ſpem, quæ nitiſur Chriſti meritis neceſſariam exiſtimemus. Deinde, ut ratiocinatur S. P. A. ſer. 351. de Pœn. *Quis certus eſt quod Imperator ignoſcat? & tamen maria tranſmeantur, ut mors evitetur...* Certiores ſunt claves Eccleſiæ, quam corda regum, quibus quodcumque in terra ſolvitur, etiam in cælo ſolutum promittitur.

PROPOSITIO III. Videntur ſolum verba: *Absolvo te* ad formæ eſſentiam ſpectare.

Prob. Nam pronomen *ego* in verbo *absolvo* continetur, ut de forma baptiſmi dictum eſt l. 31. Deest etiam in forma confirmationis. At pronomen *te* vel ei æquivalens ad eſſentiam ſpectat, nam eo ſublato oratio non eſt demonſtrativa, ex Navarro, Soto, Suarez, de Lugo, Sylvio &c. ergo &c. Cenſet tamen de Lugo ſufficere, ſi dicatur: *Absolvo a peccatis tuis*, cum ea verba æquivaleant iſtis: *Remitto peccata tua*, quod non probo, cum eadem peccata poſſint eſſe alterius complicitis, nec ea forma ſignificetur, cui peccata dimittantur. Verba autem: *A peccatis tuis*, non ſunt eſſentialia; cum ex præmiſſa confeſſione ſatis conſtet pœnitentem abſolvi a culpis, de quibus cauſa peragitur. Ita cum judex reum abſolvit a culpa *abſolute*, ſatis conſtat eum abſolvere ab ea, cujus poſtulatſue fuerat reus. Merito ergo a Ledefma, Sylvio, & Suareſio conſutatur Vaſqueſius oppoſitum docens. Fallitur etiam Durandus, qui cenſuit verba: *In nomine &c.* non ſecus ac in baptiſmi forma eſſentialia eſſe: nam baptiſmus eſt quædam fidei profeſſio, pœnitentia autem eſt judicialis remiſſio, qua fideles reconciliantur. Adde traditionem, quæ hoc docet de baptiſmo, non de pœnitentia.

Nota I. Licet preces formæ præmiſſæ: *D. N. J. C. te abſolvat &c.* ad ritum ſpectent, non ad formæ ſubſtantiam, non ſunt tamen omittendæ; niſi urgente gravi neceſſitate. Poſſunt tamen ex Rituali Roman. omitti: *Miſereatur &c.* & *Pæſſio D. N. J. C. &c.* in confeſſionibus frequentioribus, & brevioribus. II. Cavendum etiam, ne pro lubitu immurentur verba, quæ ipſam formam conſtituunt: unde merito in caſtigatis Ritualibus expuncta ſunt a conſueta forma: *Absolvo te a peccatis tuis*, tria illa vocabula; *Contritis, confeſſis, & obliſis*. III. Cum conſtet ex iis, quæ diximus l. 30. de intentione miniſtri, non eſſe in ipſius poteſtate ſuſpendere, nulloque reddere Sacramentum, vel ejus eſſectum, ſi materiam, formam, & intentionem adhibeat, hinc ſequitur, quod ſacerdos, dum a pœnitente conditio aliqua impleri debet, puta, ſi rem ablatam reſtituat, non debet eam in forma abſolutio-

lutionis exprimere; sed eam tantum præcipere: & si pœnitens veraciter promittat, se obtemperaturum, debet illum absque conditione absolvere, ut docet Card. Toletus. V. Absolutio impendi non debet infantibus ante rationis usum missis a parentibus ut confiteri assuescant, nec iis, in quibus nulla apparent signa contritionis. Nèc unquam in eadem confessione absolutio est iteranda.

## CAPUT VIII.

*De iis, quibus danda est, vel deneganda absolutio.*

**A**bsolutionem iis denegandam, qui vincibili ignorantia laborant mysteriorum fidei, aut pravi animi præbent indicia, cap. 3. dictum est. Jam vero ad peculiare quæstiones ex principiis illis generalibus descendentes, sequentia subjiciamus.

**PROPOSITIO I.** Inolita peccandi consuetudine implicati non sunt absolviendi, nisi in mortis periculo.

**Prob. I.** Ex S. Carolo in tract. de Pœn. §. *Quando absolutio sit differenda*, ait præter eos, qui in otio, luxu, crapula, inhonestis amoribus, turpiloquiis, detractionibus, odiisque versantur, & confessionem differunt ad ultimos Quadragesimæ dies: Idem faciendum cum iis, qui cum multis annos in peccatis suis perdurant, nulla adhibita opera in emendationem vitæ, in eadem peccata iterum, atque iterum labuntur. Et S. Franc. Salesius Instr. Confess. c. 6. ait: *Concubinariis, adulteri, ebriosi absolvi non debent, nisi summum faciant propositum non solum peccata sua relinquendi, verum etiam occasiones eorum, quod intellige de iis, qui consuetudinem assumpsere.* Innocentius XI. proscripsit anno 1679. Prop. 60. *Pœnitenti habenti consuetudinem peccandi non est neganda absolutio, dummodo ore proferat se dolere, & proponere emendationem.*

**IV.** Idem docent PP. Ambrosius in Ps. 118. de veteri vulnere ait: *Aut sectione, aut adustione curari*, quod sacerdotibus inculcans ait: *Consideremus ne deteriore faciamus, cujus miseremur injuste.* S. P. A. Tr. 49. in Jo. ait: *Quam difficile surgit, quem moles malæ consuetudinis premit*, Fulg. l. 1. de Remiss. pecc. *Numquam diluunt gemendo peccatum, qui non desinunt peccare post gemitum.* Consentit Greg. M. Isidorus, aliique: imo etiam ethnici Aristoteles, Horatius, Juvenalis, Ovidius, Martialis &c. docentes, consuetudinis vim summam esse, & vim habere naturæ. Hinc sequitur ea, quæ ex consuetudine fiunt, cum majori fiant propensione, quasi in naturam cupidine commutata, non posse excusari ex inadverten-

tentia, quæ, cum sit voluntaria, culpa non vacat: imo majorem habet ex concupiscentia malitiam. Hinc de ea consuetudine ait Apostolus: *Secundum duritiam tuam, & impenitentem cor, thesaurizas tibi iram in die ire*; errant proinde qui putant ex ea posse gravitatem criminis excusari.

PROPOSITIO II. Nec sunt absolvendi, qui nolunt proxime peccandi occasionem deferere.

Prob. I. ex cit. loco Saleſii, necnon ex D. Carolo, qui subdit: *Nec eos absolvat, qui etiam occasiones vitare non proponunt*. Et Innoc. XI. damnavit hanc propositionem n. 61. *Potest aliquando absolvi, qui in proxima occasione peccandi versatur, quam potest, & non vult ommittere*, una cum duabus aliis, in quibus dicitur, licitum esse occasionem quærere, si adſit causa utilis, & honesta. II. Ambrosius l. 2. de Pœn. in lapide, quem Christus jussit e Lazari sepulcro amovendum, agnovit peccatorum occasiones & incitamenta. III. Accedit ratio: qui enim occasiones vitare nolunt, satis ostendunt, se non habere propositum emendationis, ut hom. 15. ad Pop. Ant. ostendit Chrysostomus, vide Merbesium, Vanroy, Pontas, Concina, aliosque apud Auctorem.

Nota. Cum ergo tales peccatores ad confessarium accedunt, caveat, ne aut nimia illos facilitate (quæ ex D. Th. de Villan. Conc. f. 6. post Dom. 4. Quadr. *Ecclēſiam Domini perdit*) solutos dimittat, aut nimia austeritate deterreat: *Volo reus veniam speret*, ait S. Ambros. l. 1. de Pœn. c. 16. *petat eam lacrymis, & cum secundo, & tertio fuerit dilata ejus communio, fletus augeat, teneat pedes brachiis, nec dimittat, ut de ipso dicat Dominus: Remissa sunt ei peccata multa* &c. quæ sane de peccatis occultis profert S. D. ut advers. Dallæuni notant Maurini tom. 2. p. 413. Non sunt tamen laudandi difficiles quidam, & asperrimi confessarii, ut enim ait S. Thom. de Villanova loco cit. *Vera caritas onustus peccatoribus non indignatur, sed misereatur potius, non irritatur, non exardescit, non lingue verbera lapsis sub onere addit, sed infirmitati condolens fratris necessitati succurrit*. Et S. Ambrosius ib. c. 17. exemplo Pauli producto 2. Cor. 2. ait: *Moralis Magister nostre fragilitatis conscius, vult donari peccatum, vult consolationem adhiberi, ne tristitia penitentem sædio longe dilationis absorbeat*; ergo cavenda est nimia facilitas, & nimia austeritas: *Ne improbi homines nostram laudent facilitatem, nec vere penitentes accusent nostram quasi duram crudelitatem*. Ita Rom. Clerus inter ep. Cypr. 31.

Hinc patet, denegandam absolutionem iis, qui in eadem scelera sæpe prolapsi negligunt adhibere opportuna remedia, & proximas occasiones vitare: *In iis enim aut similibus impedi-*

*men-*

*mentis*, ait D. Carolus loc. cit. *confessarius pœnitentem absol- vere non debet, nisi prius illam ipsam occasionem prorsus ab- scindat*. In aliis vero, quæ non per se, sed ex pravo habitu in peccatum inducunt, ut in frequenti scœminarum collo- quio, in choreis &c. ei, qui sæpe cadit, absolutio differenda est, usque dum signa emendationis appareant. Secus si adhi- beat opportuna remedia, si conetur vitiorum radices evellere, si non ita frequenter cadat ut antea, aut gravitate peccati, quam ignorabat, cognita exhorrescit, dolet, & firmissime pol- licetur non ultra peccaturum. Humaniter etiam excipiendi, qui sunt in occasione proxima, quam nullo modo amovere pos- sunt. Tandem quoties absolutio differri debet, præscribenda est repetita contritio, & caritatis actuum exercitatio, ut, si forte superveniat repentinus carnis interitus, anima sacerdo- rum incuria non pereat.

PROPOSITIO III. Nulli, quamvis perditissimo, reconcilia- tionem petenti in mortis articulo neganda est, licet postea loquela & sensu destituatur.

Prob. I. Pars. I. Ex can. 13. Nicænæ Synodi, ubi legi- tur: *Cuilibet in exitu posito, & poscenti sibi communionis gra- tiam tribui; episcopus probabiliter ex oblatione dare debebit*. Sed si Eucharistia cuilibet peccatori annuente episcopo tribui potest, multo magis concedi debet absolutio, & Sacramen- tum prorsus necessarium ad salutem; ergo &c. II. Causa 26. q. 6. n. 12. habetur: *Si presbyter pœnitentiam morientibus ab- negaverit, reus erit animarum. Vera enim confessio ultimo tem- pore esse potest &c.* Et Trid. sess. 14. c. 7. ait: *Ne aliquis pereat, pie in Ecclesia Dei custoditum semper fuit, ut nulla sit reservatio in articulo mortis, atque ideo omnes sacerdotes quolibet pœnitescentes a quibusvis peccatis & censuris absolvere possunt; ergo &c.*

II. Idem tradidere Romani Pontifices. Nam Cælestinus I. in ep. ad episc. Viennen. & Narbonen. ait: *Agnovimus pœ- nitentiam morientibus denegari. Quid hoc rogo aliud est, quam morienti mortem addere?* Leo M. in ep. ad Theodor. episc. ait: *His autem, qui in tempore necessitatis præsidium reconcilia- tionis implorant, nec est deneganda, quia misericordie Dei nec mensuræ possumus ponere; nec tempora definire.* Clem. V. l. 5. Clem. tit. 9. de Pœn. & remiss. c. 1. damnat abusum denegandi Pœnitentiæ Sacramentum ultimo supplicio afficien- dis, ut damnabilem, & statutis canonicis abolendum. Ex qui- bus constat, sequendam non esse quarundam Ecclesiarum feve- riorem disciplinam, quam Romana Ecclesia ut Dei misericor- diæ contumeliosam improbavit: ut in Notificatione edita anno 1733. pluribus demonstravit Benedictus XIV. III. Accedit ra- tio:

tio: nam poenitentia necessaria est ad salutem, & urget in vitæ periculo; ergo &c.

Prob. II. pars ex 12. can. Conc. Africani apud Ivonem, ubi legitur: *Egrotantes, si pro se respondere non possint, & voluntatis eorum testimonium sui dixerint, baptizentur. Similiter & de poenitentibus agendum.* Idem legitur in Conc. Tolet. XI. c. 12. & q. 6. n. 7. *Subito obmutescens poenitentiam accipere potest, si voluntatis præterite testimonium aliorum habet, aut presentis in suo nutu.* Idipsi extat in excerpto Greg. III. & in cap. *Is qui poenitentiam.* Et S. Leo ep. cir. ait: *Testimonia circumstantium prodesse debebunt, poenitentibus, si ita aliqua egritudine aggravati sunt, ut quod paulo ante poscebant, significare non valeant.*

PROPOSITIO IV. De viro probro, repentino morbo correpto, nullo dato poenitentiae signo non conveniunt Theologi, quibusdam affirmantibus absolvendum esse, negantibus aliis; absolvendus est ergo sub conditione.

Prob. Huic enim denegandam absolutionem censet, fatente Morino, theologorum *pars magna*: nempe Card. de Lugo, Suarez, Vasquez, Henriquez, Turrianus, Soto, Sylvius, & auctor Theologiae Petrocoron. Cujus sententiae præcipuum momentum est, quod in eo casu nulla habeatur *materia sufficiens* ad Sacramentum. Nec diluit hoc argumentum, qui cum Morino ait, Tridentinum actus poenitentis appellasse *quasi materiam*: nec deesse, qui cum Soto negent poenitentis actus esse materiam essentialem hujus Sacramenti, tandem ampliorem esse testificationem vitam præcedentem ægroti irreprehensibiliter traductam, quam testimonium asserentium eum dedisse poenitentiae signa; non diluit inquam, licet enim actus poenitentis dicantur *quasi materia*, necesse est tamen, ut signo aliquo reddantur sensibiles, ut patet in matrimonio, cujus assensum conjuges debent exprimere.

Frustra etiam confugiunt ad Scoti sententiam, quam ut Florent. & Trident. Syn. oppositam rejiciunt, a quibus actus poenitentis dicuntur *quasi materia*. Nec Scotus negat ad Sacramentum requiri poenitentis actus, sed eos vocat materiam, *circa quam*, non vero *essentialem*. Tandem vita irreprehensibilis indifferens est, nec ad claves Ecclesiae ordinata. Nisi ergo constet, moribundum elicuisse contritionis actus, & confessarium petiisse, non sufficit ad absolutionem impetrandam. Adde, veteres canones apponere has conditiones: *Si voluntatis præterite testimonium habeat, si qui audierunt ipsius desiderium significant.* Nam canon. 2. Tolet. XII. *excommunicationi unius anni subicit sacerdotem, qui non sentienti, neque po-*



renti penitentiam dederit, neque manuum indiciis, vel aliis significationibus invitatum fuisse probaverit.

Et Concil. Treviren. apud Martene tom. 2. Anecd. p. 271. statuit indiscriminatim, nullum esse absolvendum, nisi sacerdotem petierit, & aliqua signa ostenderit poenitentiz: idque præscribit in Rituali Rom. Paulus V. Merito ergo Facultas Parisien. ann. 1665. damnavit propositionem Guimenii: *Infirmus, qui amisit loquelam, vel usum rationis, si bene vivebat, & frequentabat confessionem, & communionem, quamvis non petierit Sacramenta, quia ex insperato talia acciderunt, debet præsupponi contritus: & faciente aliquo confessionem generalem pro eo, sacerdos faciat absolutionem ab omni peccato: quæ verba de solis viris probis Guimenius protulit, ut notum est, non de omnibus indiscriminatim, ut quidam opinantur.*

Nec S. Facultatis iudicium præposterum cum Morino dicendum est, nisi velimus eadem censura notare Theologorum partem magnam, quos supra laudavimus. Ex adverso virum probum absolvendum censent, præter Molfesum, Homobonum, & Antonium de Literatis, qui paulo ante soli laudabantur pro hac sententia, postquam prodire Morini commentaria & summa Merbesii, qui eam ampliori argumentorum copia exornarunt, in eam descenderunt viri cl. Gummarus Huigens, Alexander Nat. Genettus, Vanroy, Concina, alique, qui tamen iis, quos supra laudavimus, longe minores sunt numero & ætate, inter quos Merbesius immerito pro se laudat Coninkium, & Suaresium, qui sibi aperte adversantur. Genettus quoque ab aliis distat, nam cum alii in hoc casu adhibendam censeant formam conditionalem, ille constanter id negat. Quis autem in re tam dubia formam sacramentalem absolute proferret? Verum quidquid sit de Theologorum consensu,

Nituntur ipsi I. *Sacerdotali Romano*, ubi apertissime eorum sententia traditur. Necnon c. 21. Statut. Synodi Lemovicen. & absolutioni, quam Clem. VIII. dedit operario ruenti ex alto Vaticani ædificio. Addunt memoriale Bononiense editum an. 1623. Sed hæc nequeunt cum præcedentis sententiae momentis comparari. Nam Sacerdotale Romanum non semel fuit emendatum, adeoque *approbatio summorum Pontificum*, quam in titulo gerit, qua de re plurimum Merbesius exultat, convenit sacris ritibus, non adnotationibus Alberti de Castello, qui hunc librum fertur consarcinasse. Quod narrat de Clem. VIII. fabulam esse ex plurium testimonio demonstrat Card. de Lugo. In memoriali Bononien. additur: *Si tamen aliquis testetur eum ostendisse confitendi desiderium, & in*

eo præcipitur tenendum esse, quod tradit Rituale Pauli V. Nituntur II. Augustino, qui l. 1. de adult. Conjugiis c. 26. ait, catechumenos morbo oppressos baptizandos esse: *Quia ipsorum in fide Christiana voluntas jam nota est*, addit satius esse nolenti dare, quam volenti negare, *etiamsi voluntas ejus incerta sit*. Et ita concludit: *Que autem baptisui, eadem reconciliationis est causa, si forte penitentem vite periculum præoccupaverit*. Sed ex his constat Augustinum loqui de catechumenis, & penitentibus, qui consiliebant in *substitutione*, & quorum, si incerta erat voluntas actualis, nec poterat manifestari, hujus tamen signa præcesserant, cum illi inter catechumenos, isti inter penitentes adscripti sunt, alias absolvi possent, quod absurdum est, qui nullo dato penitentia signo *relinent adulterina consortia*, quos ibi baptizandos asserit Aug. Idem dicendum de catechumeno Æthiope apud Fulgentium in ep. ad Ferrand. *qui sine voce, sine sensu nihil valebat respondere*. Adde illum Æthiopem Symbolum Apostolicum pronuntiassse, & subito morbo fuisse invasum, *dum futuro baptismati parabatur*.

Nituntur III. ratione: nam ad absolutionem sufficiunt nuntus, & testes, sed his prævalet laudabilis vita, qua fit ut vix credibile videatur eum, qui sæpe, & lubens, & sanus sumebat Sacramenta, id etiam non expetere in summo vitæ discrimine. Sed hæc ratio ex dictis refellitur. Qua de re ingenue fatendum est, primam sententiam argumentorum pondere alteri præferendam; cum tamen secunda probetur etiam a vir. cl. nec destituatur omnino auctoritate, & ratione, dicimus huic moribundo impendendam absolutionem conditionatam his verbis: *Si es capax &c.*, quæ a sæc. XII. probata est ab Alex. III. & Clein. VIII. cum penitentia Sacramentum, præsertim in mortis articulo, sit maxime necessarium,

## C A P U T IX.

*De questionibus nonnullis ad veterem disciplinam spectantibus.*

**D**E veteri Ecclesiæ disciplina circa absolutionem lapsis concedendam, non una est eruditorum sententia. Petavius tria distinguit tempora: I. ab Apostolis usque ad ætatem Tertulliani, in quo gravioribus criminibus apostasiæ, homicidio, mœchiæ &c. venia denegabatur: quæ severior disciplina, quoad mœchiam, fuit relaxata: II. quo nulli pax denegabatur, si lapsi, dum sani erant, penitentiam petissent, secus

secus si ad mortem distulissent . III. cum impetrata Ecclesiæ libertate , & pristinæ disciplinæ severitate remissa , lapsis omnibus indiscriminatim resistentibus concessa est reconciliatio , & communio . Idem tenet Albaspinæus , & Lupus , qui tamen severiorem illam disciplinam , qua mœchis , apostatis &c. negabatur absolutio , post tempora Apostolorum inductam opinatur . Quoad mœchiam latum ait a Zephirino decretum , ut posset remitti . A Cornelio deinde ac Cypriano datam pacem etiam idololatris , & homicidis . Idem tradunt Menardus , Martene , Tournely , Vitasse &c.

Afficiendis supplicio denegatam aliquando absolutionem testatur Morinus , qui etiam putat , Romanam , Carthaginen. & omnes Orientales Ecclesias cuilibet crimini veniam indulsisse : idem ostendit expolita dissertatione Eminētiss. Joseph August. Orsi O. P. His prænotatis sit

PROPOSITIO I. Ab Apostolorum tempore usque ad Tertullianum omnibus peccatis venia concessa est .

Prob. I. ex Apostolo , qui 2. Cor. 2. hortatur Ecclesiam Corinthi , ut incestuosum excommunicatum consolentur , ne abundantiori tristitia absorbeatur , eique pacem & communionem donent , ut PP. & interpretes hunc locum exponunt . II. Jo. Apocal. c. 2. Thyatirenos fornicarios ad pœnitentiam hortatur , scribens , hæc crimina a Deo sacerdotum ministerio dimitti , ut ostendunt S. Pacianus , & Hieronymus l. 33. c. 3. laudati . III. Narrat etiam Eusebius l. 3. H. E. c. 23. S. Jo. Apostolum consensu equo latronem sequutum , qui cædibus omnes vincebat , eique non solum veniam dedisse , sed ejus dexteram exosculatum fuisse . IV. Mulieres a Marco vitiatas in pœnitentiam susceptas cap. I. vidimus ex Irenæo : alia etiam exempla proferunt Morinus , Martenius , Vitasse &c. V. Tertullianus de Pœn. c. 7. productis variis gravioribus criminibus Ephesiorum , Thyatirenorum , Sardorum , Pergamenorum , & Laodicenorum , quos S. Jo. Apostolus in Apoc. objurgat , subdit : *Et tamen omnes ad pœnitentiam commonet sub comminationibus . Non comminaretur autem non pœnitenti , si non ignosceret pœnitenti .* VI. Constat ex Prop. IV. cap. præc. nulli in vitæ exitu negatam pacem , & necessarium viaticum ; ergo &c.

PROPOSITIO II. Quidam Tertulliani ævo mœchis absolutionem negabant , sed non ex communi Ecclesiæ consuetudine , quam nec Tertullianus recenset , unde injuria de mendacio accusatur .

Prob. I. pars ex Tertull. l. de Pud. c. 1. ubi vellicans Zephirini decretum , quo Pontifex maximas edicit : *Ego & mœchie , & fornicationis delicta pœnitentia sanctis dimitto* , clamat :  
Tom. IV. X O edi-

*O edictum, cui adscribi non poterit, bonum factum; illi ergo* queis Tertullianus adhæsit, negarunt mœchis reconciliationem. II. Idem testatur S. Cyprianus ep. 52. ad Antonianum dicens: *Quidam de episcopis in provincia nostra dandam pacem mœchis non putaverunt*. Prob. II. pars. Nam Zephyrini decretum in Ecclesia legi, & pronunciari ait Tertull. ibid. Unde adversariorum sententiam pluribus refellere niritur. Cyprianus etiam ib. asserit in eadem provincia plures extitisse, qui pacem dabant adulteris; imo crudelitatis redarguit eos, qui pœnitentiæ locum contra adulteria clauserunt; ergo &c. Prob. III. pars. Accusatur enim de mendacio Tertullianus, eo quod l. de Pud. c. 12. scribat: *Neque idolatriæ, neque sanguini pacem ab Ecclesiis reddi*. At Ecclesiarum nomine non Catholicas accipit, sed Montanistas, in quorum castris tunc militabat; ergo &c.

PROPOSITIO III. Zephyrini decreto non relaxatus est rigor circa mœchiam, sed repressa est durior disciplina Tertulliani ævo inducta.

Prob. I. Zephyrinus enim, ex ipso Tertulliano, solum edixit: *Ut pœnitentia functis dimitterentur mœchie & fornicationis delicta*, sed hæc fuit antiqua Ecclesiæ disciplina ex dictis; ergo &c. II. Non debuit Tertull. in Zephyrino damnare, quod in Africa plures episcopi servabant, qui mœchis pacem dabant, ut ex Cypriano monstratum est; ergo &c. III. Cyprianus, alique putarunt nimis durum mœchis pœnitentibus pacem negare, ergo Zephyrinus relaxavit duritiem aliquorum, non antiquam Ecclesiæ disciplinam. IV. Nil mirum Tertullianum Montanistis addictum Zephyrinum, qui Montanum & Proclum damnaverat, ejusque edictum Montanistis odiosum lacerasse. Errant proinde Novatores, qui Zephyrinum Donatistis adnumerant, cum ipse Cataphrygas omnes, & ipsum Tertullianum damnaverit, & fuerit apertissimus hostis Montanistarum, qui lapsis pœnitentiam negabant.

PROPOSITIO IV. Recte se gessit Cyprianus lapsis pœnitentibus veniam indulgens, qui nec lapsis, neque *Sacrificatis* negavit in exitu vitæ reconciliationem.

Prob. I. pars. Demonstrat enim S. Cypr. in ep. ad Antonianum ex sacris literis Deum omnibus pœnitentibus veniam polliceri: debere episcopos largam Dei pietatem imitari: obstinationem esse indicere pœnitentiam, & nolle pacem concedere. Addit, a se solis impœnitentibus eam denegari, & iis, quos ad veniam rogandam, *non delicti pœnitentia, sed mortis urgentis admonitio compellis*. Deinde secutus est S. Martyr S. Corneliū, qui Trophimū, & magnum *thērificatorum* numerum

merum redeuntem ad Ecclesiam ad communionem admisit, & Africani Concilii sententiam, in quo statutum fuit, ut *Libellaticis* pax, *Sacrificatis* vero pœnitentia daretur, ut constat ex epist. 54. ad Corn. ergo recte se gessit. Neque putandum est S. Cypr. pristinae disciplinae rigorem relaxavisse, tum quia Apostolorum ævo nulli pœnitentium pax negabatur, tum quia Zephyrinum secutus est, suoque antecessores, & exempla, Rom. Ecclesiae; ergo &c.

Prob. II. pars. Constat enim ex cit. ep. ad Anton. S. Cyprianum commendare S. Cornelium, qui Trophimum, ac plurimos apostatas recepit: ostendens non communicare apostatis, qui ipsis periclitantibus succurrit. Discrimen tamen esse inter *Libellaticos* (qui nempe ut se & sua a persecutione subtraherent, etiam *libellis* se sacrificasse, autthurificaturos profitebantur) & *Sacrificatos*, qui reapse ad impium sacrificium accesserant. Ac illis quidem dandam esse pacem, his vero pœnitentiam, & in exitu reconciliationem donandam asseruit. Idem statuerant PP. Concilii Afric. ex Cypr. epist. 54. ubi legitur: *Statueramus quidem, ut qui in persecutionis infestatione sacrificiis se illicitis maculassent, agerent diu pœnitentiam plenam, & si periculum infirmitatis urgeret, pacem sub ictu mortis acciperent*. Verum excitata iterum persecutione statim lapsis dare pacem decreverunt, ut fideles ad prælium, quod imminebat, instruerentur: ut legitur in ep. 54. ad Antonianum, ubi Cyprianus non sine librata ratione a se factum esse demonstrat, quod Evangelium vigorem primum defenderit, postmodum his, qui nefanda sacrificia commiserint, laxandam pacem putaverit: qua de re nonnihil commotus virius fuerat Antonianus. Non debuit ergo Albaspinæus, & Gothofredus opponere Cypriano severitatem disciplinae, in qua potius rigorem iusta de causa remisit. Nec obstat Cyprianum pag. 158. circa finem illius Epistolæ scripsisse: *Apostatæ vero, & desertores, nec si occisi foris fuerint, admitti secundum Apostolum possunt ad Ecclesiae pacem, quando nec Ecclesiae tenuerunt unitatem*. Constat enim ex præmissis, hæc dici de iis, qui in schismate Felicissimi separati ab Ecclesiae unitate trucidabantur, quibus sane nihil profuit martyrium: ut docent Patres, & Cyprianus l. de Unitate Ecclesiae.

PROPOSITIO V. Cyprianus immerito accusatur de laxata disciplina, pro cuius æquitate strenue pugnavit.

Prob. I. pars. I. Accusatur enim Cyprianus, quod in ep. 55. pag. 184. ait: *Vix plebi persuadeo, imo extorqueo, ut tales patiantur admitti*, sed ibi non agit S. Martyr de *Sacrificatis*, & desertoribus, quos de consilio Coepiscoporum statuerat ad pœnitentiam admittere, ut asserit in ep. præc. 54. ad Corn.

sed de revertentibus a schismate Felicissimi cum pravitate, & contumacia, ait enim: *O si posses, frater carissime, istic interesse, cum pravi isti de schismate revertuntur, videres quis mihi labor sit persuadere patientiam fratribus nostris, ut animi dolore sopito recipiendis malis consentiam. Namque ut gaudent cum tolerabiles redeunt, ita fremunt, quoties inemendabiles, & superbi sic ad Ecclesiam remeant, ut bona intus ingenia corrumpant. Vix plebi persuadeo &c. Et justior factus est dolor ex eo, quod unus, atque alius, obnitente plebe, mea facilitate suscepti peiores extiterunt; ergo in recipiendis desertoribus nec facilitate Cyprianus usus est, nec habuit plebem reluctantem, sed tantum in admittendis schismaticis, una aut altera vice faciliorem se fuisse fatetur. Deinde S. Cyprianus admittens desertores secutus est Romanæ Ecclesiæ consuetudinem; ergo &c.*

Prob. II. pars. I. enim nonnisi pœnitentia sanctis absolutionem concessit, excepto mortis articulo, & urgente persecutione, ut protectione corporis Christi muniti alacrius martyrium subirent, ex Ep. 54. ad Cornelium. II. Cum *Libellatici* æquari non deberent *Sacrificatis*, quia etsi conscientia polluti, manus tamen & os ab immolatione, & cibo nefando abstinuerant, consuevit Cyprianus *Libellaticis* contritis & flentibus dare pacem, ne ob duritiam in schisma raperentur; *Sacrificatis* vero pœnitentiam, & in gravi morbo etiam pacem: ut part. 2. propos. 4. dictum est. III. Lapsis redeuntibus cum libellis martyrum pro eorum pace supplicantium partem aliquam canonicæ pœnitentiæ relaxabat; noluit tamen pacem largiri, nisi studerent Deum satisfactione placare: quia, inquit, *facilitas veniæ non concedit pacem, sed tollit*. IV. S. Martyr audiens lapsos nonnullos literas martyrum impudenter querere, ne pœnitentiam subirent, Martyres graviter hortatur Ep. 10. & 14. *Ut sollicito & caute lapsorum desideria ponderarent, & delictorum genera expenderent*. V. In epist. 59. ad Fidum objurgat Therapium Ep. Bullensem, quod *immature tempore, antequam pœnitentiam plenam egisset*, Victori cuidam pacem dederit; ergo &c.

PROPOSITIO VI. Quod statuit Cyprianus, ut nempe satisfactio absolutionem præcederet, aliorum praxi probatur; licet de Sacramenti substantia non sit.

Prob. I. Ex Romanis Pontificibus. Extat decretum Zephyrini, de quo Propos. 2. Ego, & *mæchie*, & *fornicationis delicta pœnitentia sanctis dimitto*. Et Innocentius I. in ep. ad Decentium can. 7. ait: *Sacerdotis est jubere dimitti, cum viderit congruam satisfactionem*. S. Leo Ep. ad Theodorum ait, ejusdem esse *satisfactione purgatos ad communionem Sacr. per*  
*januam*

*Januam reconciliationis admittere*. Prob. II. ex Patribus, S. Pacianus in ep. ad Sempr. scribit, veniam dandam *magno pondere, post multos gemitus, & post totius Ecclesie preces*. Ambrosius l. 2. de Pen. c. 9. ait, prius agendam penitentiam, deinde tribuendam veniam. Prob. III. Ex praxi Ecclesie universalis vigente etiam apud Orientales, saltem ante sublatam a Nectario actionem publicae penitentiae, ut constat ex Sozomeno, & ex canone 2. Conc. Toletani, ex Gennadio, ex antiquo Ordine Romano, & ex aliis monumentis apud Nat. Alex. Menardum, Martene &c.

Prop. II. pars ex propof. 3. cap. præced. Imo in articulo mortis veniam petentibus imponendam non esse laboriosam satisfactionem recte monent S. Antoninus, S. Thomas de Villanova & Rituale Romanum. Constat etiam ex cit. epist. Cypriani, ante exactam penitentiam, urgente persecutione, reconciliatos fuisse lapsos, & *Libellaticos*, ne in schisma, aut hæresim raperentur. Quod probat etiam S. P. l. 3. contra ep. Parm. Aliquando etiam, ut Felici Decimi ministro, Victoriæ conjugii, & Lucio, accelerata est venia, quod post lapsum iterum tentati, & Christum confessi, In exilium sunt deportati. Humanius etiam actum est cum iis, qui ad Ecclesiam redeuntes alios etiam reducere curarunt, ut Trophimus, sed si penitentia debuisset necessario absolutionem præcedere, nulli ex his reconciliatio danda fuisset; ergo &c.

Prob. II. Ex censuris latis in oppositam sententiam, quam in Petro Oxomensis proscripsit jussu Sixti IV. Alphonfus Carrillus Archiep. Tolet. Eundem errorem proscripsit facultas Parisiensis, Alexander VIII. & Clem. XI. Prob. III. Exemplis mulieris peccatricis, adulteræ, latronis &c. qui statim omnes post conversionem a Christo in gratiam recepti sunt; constat ergo penitentes olim longa penitentia detentos, ad explorandam potius illorum conversionem, quam ad explendum definitum, ac necessarium tempus absolutionis. Reapse in Orientali Ecclesia, postquam Nectarius penitentiarium subtulit, continuo penitentes a culpis absolvebantur, & pro sua conscientia ad communionem accedebant. Simeon Srylita, qui VI. sæculo floruit, quendam scelestissimum, qui dæmoni sacrificaverat, comperta vehementi ejus contritione, statim absolvit apud Bolland. die 24. Maji. Idem probavit VII. sæculo S. Eligius Noviomen. VIII. sæculo S. Bonifacius Archiep. Mogunt. sæculo IX. Jonas Aurelian. alique apud Martene, & Bellelli. Prob. IV. Ratione. Satisfactio enim non *ad essentiam*, sed ad *integritatem* pertinet *Sacramenti*. Dummodo ergo penitens illam implere velit, ac promittat, necesse non est, ut

absolutionem præcedat, sed sat est, si injungatur, & acceptetur. Unde juxta diversam Ecclesiæ praxim, modo præcessit, modo absolutionem subsequuta est.

PROPOSITIO VII. Plura apud Cyprianum, aliosque leguntur de pace aliquando lapsis deneganda in mortis articulo, sed ea non evertunt eorum sententiam, qui docent, absolutionem eo in casu nulli esse denegandam.

Prob. I. pars. Cyp. enim in ep. 12. ait: *Pœnitentiam non agentes, nec dolorem delictorum suorum testantes, prohibendos omnino censuimus a spe communionis & panis, nec dignus est in morte accipere solatium, qui se non cogitavit esse moriturum.*

II. Concilium Illiber. an. 305. celebratum can. 1. statuit, cum, qui idolis sacrificavit, *nec in finem communionem accipere.* Idem statuit can. 2. de Flaminibus, idest sacerdotibus idolorum, *qui genuerunt scelera accedente homicidio, vel mœchia.* Et can. 6. de eo, *qui veneficio alterum interfecit.* Et can. 7. de fideli, *si post lapsum mœchie accepta penitentia de-novo fuerit fornicatus.* Et can. 8. de fœminis nulla causa denuo nuptis &c.

III. Conc. Arel. an. 314. can. 2. ait: *De his, qui apostatant, nec pœnitentiam agere querunt, & postea infirmitate correpti petunt communionem, placuit eis non dandam, nisi revolverint, & fecerint fructus dignos pœnitentiæ.* IV. Innocentius I. in ep. ad Exup. cap. 2. de iis, qui voluptatibus dediti omni vitæ tempore, in extremo pœnitentiam simul, & communionis reconciliationem poscunt, ait: *De his consuetudo prior tenuit, ut concederetur pœnitentia, sed communio negaretur. Nam cum illis temporibus crebre persecutiones essent, ne communionis facilitas homines de reconciliatione securos non revocaret a lapsu, negata merito communio est, concessa penitentia, ne totum penitus negaretur, & duriores remissionem fecit temporis ratio; ergo &c.*

Nec dicas, loca cit. accipienda esse, aut de communione Eucharistica, aut de reconciliatione canonica, per quam restitutum sit jus in societatem, & congregationem fidelium, non vero de absolutione Sacram. I. enim hæc dabatur tantum post pœnitentiam peractam, quam statim consequebatur sumptio Eucharistiæ, teste Morino, Albaspinæo &c. II. S. Cyprianus pacem negabat iis, qui in sola infirmitate eam poscebant, eo quod non exhiberent dolorem delictorum suorum, *nec delicti pœnitentia, sed mortis admonitione moveantur;* sed ubi deest dolor & pœnitentia, tum Eucharistia, tum communicatio neganda est; ergo &c. III. Innocentius I. ait, datam iis *penitentiam*, sed negatam *communione*, quam postea *remissionem* appellat; ergo pœnitentiæ nomine non absolu-



absolutionem, sed *actionem pœnitentiæ* intelligit, quam si pœniterentes explessent ante mortem, procul dubio solutionem impetrassent. Nam a Cypriano, aliisque Patribus absolutio nulli post actam pœnitentiam ad differentiam Novatianorum denegebatur. Licet autem ordinaria lege absolutio nonnisi post pœnitentiam completam data fuerit, ut præced. Prop. dictum est: aliquando tamen urgente necessitate datam fuisse ante communionem, & reconciliationem canonicam, adeoque duplicem absolutionem non esse commentitiam sequentibus momentis ostenditur.

I. *Reconciliatio pœnitentium*, cujus forma extat in vet. Ritualibus, unde quidam formam absolutionis *deprecativam* eruerent nituntur, non videtur absolutio Sacram. ut c. 7. prop. I. dictum est; ergo hæc ab illa est distincta. II. Canones Illiberitani supra laudari dum ajunt, scelestissimis peccatoribus, *neque in fine dandam esse communionem*, accipi non possunt de absolutione sacramentali, alias Illiberitani Patres fuissent Novatiani, quod dici nequit, cum ex canone 22. constet, lapsis in hæresim ad Ecclesiam redeuntibus pœnitentiam, & communionem concedere, unde Baronius, qui ex can. 37. de cultu Imaginum in ea Synodo plura esse ait, quæ prope attingunt fines Novatiani erroris, ad annum 305. judicium suum retraxit; exponendi sunt ergo cum Mendoza Tom. II. Conc. Hispan. de Communione Eucharistica, seu de societate fidelium, & participatione orationum; ergo &c.

III. Morinus ipse l. 6. c. 24. pluribus demonstrat, apud Græcos ab annis 1200. post absolutionem peccatorum communionem Eucharisticam retardari, imposita interim longa pœnitentia, eaque completa aliam impendi absolutionem; idem ergo dici potest de Ecclesia Occidentali & de illa solemnī reconciliatione apud Sozomenum l. 7. c. 16. cujus ritus extat in Pontificali Romano p. 3. tit. 3. IV. in cap. *Presbyter si fornicationem* statuitur, ut Sacerdos fornicarius 10. annis pœnitentiæ insit, & tamen ei permittitur, ut *finito primo anno & dimidio corporis Domini particeps fiat*; ergo Sacerdos ille pacem obtinuit, nondum peracto pœnitentiæ cursu, alias non fuisset particeps Eucharistiæ sacramenti.

Idem eruitur ex cap. *De viro nefando* 12. q. 2. Necnon ex Can. 5. 6. & 8. Concilii Ancyran. an. 314. celebrati. Hinc Sylvius colligit, quod, *licet non impenderetur illis pœnitentibus plena, & publica absolutio, qua reciperentur ad oblationem, & conversionem fidelium, dabatur tamen sacramentalis absolutio*, ut possent communicare; qua sententia refellit vir cl. errorem Petri Oxom. ergo &c. Hujus duplicis communionis præsidio facile conciliantur Patrum loca supra laudata. Illi

enim negarunt reconciliationem, per quam jus tribuitur in societate fidelium, quo pacis solatio ad terrorem aliorum sceleriores privarunt. Licet enim nemini *in ultima necessitate posito negarent quod petunt*, nempe sacramentalem absolutionem, jure tamen de eorum salute timebant cum Aug. serm. 393. qui ait: *Agens Pœnitentiam ad ultimum & reconciliatus, si securus hinc exit, ego non sum securus*. Vel ergo Cyprianus, Innocentius, alique non loquuntur de absolutione sacramentali, aut de severitate disciplinæ loquuntur, quam cessante persecutione relaxare opus erat; inde ergo non inferitur, hos pœnitentes absolvi non posse.

## DISSERTATIO III.

### *De operis satisfactione in Sacramento pœnitentiæ.*

Satisfactionis nomine eam compensationem intelligimus, qua homo pro peccatis commissis Deo aliquid persolvit, sive solutionem pœnæ temporalis indictæ a iudice spirituali ad satisfaciendum exercitio bonorum operum injuriæ Deo per peccatum illatæ. Hujus satisfactionis necessitatem, & modum tum ex parte confessarii, tum ex parte pœnitentis hoc loco expendemus: deinde publicæ satisfactionis ritum, tandem varios pœnitentiæ effectus, aut fructus.

## C A P U T I.

### *De Sacramentalis satisfactionis necessitate.*

Hanc denegarunt, post Audianos, & Manichæos nonnullos, Lutherus, Melancthon, Kemnitius, Calvinus, Dallæus, qui ex firmissimâ in Christum fiducia, qua noxam omnem & debitum sibi dimissum putant, eo quod ille cumulate pro omnibus satisfecerit, asserunt, iustificationis per Christum nullam pœnam esse diluendam, nullamque satisfactionem a sacerdote imponendam. Contrâ quos sit

PROPOSITIO I. Plerumque fit, ut dimissa culpa pœnæ temporales luendæ supersint.

Prob. I. ex sacris literis. Adamo enim, ex Sap. 10. & ex I. 12. c. 14. remissum est primæ transgressionis peccatum, & tamen in ejus pœnam una cum posteris innumeris ærumnis subjectus fuit: idque non ad exercitium virtutis, sed *quia comedit de ligno &c.* Exod. 32. v. 14. legitur Dominum, intercedente Moyse, placatum super Israel ob aurei vituli idololatriam. Et tamen ib. v. 34. ait Dominus: *In die ultionis visita-*

*fitatio & hoc peccatum eorum.* Num. 12. Maria, pro qua Moyses Deum deprecatus fuerat, ablegata est *septem diebus extra castra.* Ibid. c. 14. 20. & 24. Populus obmurmurans, cui Dominus testatur se dimisisse culpam, Aaron, & Moyses Deo accepti, excluduntur tamen a terra promissa. Et 2. Reg. 12. David cui ait Dominus: *Transtulit peccatum tuum*, filiorum morte punitur; ergo &c.

Prob. II. ex PP. Aug. in Ps. 50.: *Aliquando Deus, cui ignoscit in futuro seculo, corripit eum de peccato in isto seculo.* Nam ipsi David, cui dictum fuerat, dimissum est peccatum tuum, venerunt, quæ minatus erat Deus propter ipsum peccatum. Et tract. 124. in Jo. Cogitur homo tolerare etiam remissis peccatis, productior est enim pena quam culpa, ne parva putaretur culpa, si cum illa finiretur & pena. Eadem habet de Davide l. 22. contra Faustum. Consentit Ambrosius, Fulgentius, Gregorius M. merito ergo ait Trid. sess. 14. c. 8.: *Falsum omnino esse, culpam a Domino numquam remitti, quin universa etiam pœna condonetur.*

Prob. III. ratione producta a PP. Trid. *Decet enim divinam clementiam, ne ita nobis absque ulla satisfactione peccata dimittantur, ut occasione accepta peccata leviora putantes, veluti injurii Spiritui S., in graviora labamur.* Proculdubio enim magnopere a peccato revocant, & quasi freno coercent hæ satisfactionis pœnæ, cautioreque, & vigilantiores in futurum penitentes efficiunt; ergo &c.

Ob. I. In sacris literis duo memorantur suppliciorum genera, primum quod impiis infligitur, de quo David ait: *Domine ne in furore tuo arguas me*; alterum quo Deus exercet amicos juxta illud: *Castigavit me Dominus, et morti non tradidit me.* Sed illud supponit perveraciam, non remissionem delicti, hoc autem non punitionem importat, sed meritum; ergo &c. II. Ezéch. 18. habetur: *Si impius egerit penitentiam, omnium iniquitatum ejus non recordabor.* Ps. 131.: *Beatus vir, cui non imputavit Dominus peccatum.* Rom. 8.: *Nihil damnationis est iis, qui sunt in Christo Jesu: sed hæc falsa essent in hac nostra sententia; ergo &c.*

III. S. P. A. l. 2. de Pecc. Mer. c. 34. loquens de pœnis originalis peccati ait, eas esse *post remissionem certamina, exercitationesque iustorum.* Et infra ait: *Ut pietas hominis in illa humilitate exerceretur; atque probaretur.* IV. Chrysostomus hom. 28. exponens illud 1. Corinth. *Si nos dijudicaremus &c.* ait: *Non dixit si castigaremus nos ipsos, sed solum, si vellemus agnoscere peccata, liberaremur ab eo, quod & hic & illic est, supplicio.* V. Remota causa removetur effectus; ergo culpa remissa remitti debet & pœna.

R. ad

R. ad I. præter illa duæ suppliciorum genera dari etiam illa, quæ ferri debent ad demonstrationem debitæ miseriæ, & ad vitæ emendationem. Cujus generis sunt ea, quæ supra memoravimus. Hinc S. David etiam dimisso peccato, in cinere & jejunio curabat Deo satisfacere. Et S. Paulinus cecinit: *Si cinerem rex ille Deo dilectus edebat, & sua miscebat pocula cum lacrymis; quid facere beu misero mihi competit?* Ad II. retorq. argum. Ibi enim legitur: *Si impius egerit pœnitentiam, & fecerit judicium, & justitiam &c.* hoc est si punierit admissa, & Deo satisfecerit operibus misericordiæ. R. II. illa verba: *Iniquitatum ejus non recordabor*, designant liberationem a morte æterna, sicut verba: *Vita vivet & non morietur*, significant vitam spiritalem.

In Pf. 31. non imputari dicitur peccatum, quod debito æterno supplicio non punitur. Rom. 8. ostenditur nullum in renatis manere culpæ reatum, aut debitum æternæ damnationis, fomitem vero ad agonem relinqui, nec posse nocere reluctantibus, quod constat ex Trid. sess. 5. & ex August. l. 1. ad Bonif. cap. 10. Vid. l. 6. c. 18. & l. 13. c. 5. Ceterum, si post originale remissum renati hujus vitæ miseriæ, & morti corporis subjiuntur, quanto magis pœnæ exigendæ sunt ab iis, qui semel a peccato liberati, & accepto Spiritus S. dono eum contristare non formidarunt?

Ad III. dist. ant. Sunt *exercitationes justorum debitæ*, conc. indebitæ, neg. Fateamur ergo etiam ea, quæ merito patimur, deservire *ad exercitationem necessariæ patientiæ*, ut ait S. P. A. tr. 124. in Jo. sed dicimus etiam deservire *ad demonstrationem debitæ miseriæ*, ut ib. loquitur S. D. Ad IV. R. id unum velle Chrysostomum, pœnas nempe hujus sæculi, magis esse admonitionis & curationis, quam punitionis, quia Deus hic pœnas exigens, ubi supplicium est temporale, vult nos a sempiternis eruere. Ad V. dist. ant. Removetur effectus cum ea necessario connexus, conc., quicumque, neg. Nam deletio originali peccato remanet mors, & miseriæ.

PROPOSITIO II. Potest ac debet sacerdos confessis pœnas satisfactorias injungere.

Prob. I. ex sacris literis. Nam 18. Matth. & Jo. 20. non solum *ad solvendum*, sed etiam *ad ligandum* Christus concessit claves Ecclesiæ; ergo &c. Ita Trid. PP. Theologi, ac PP. quorum fides ostenditur I. auctoritate S. canonum, nam cap. 3. Concilii Carthaginensis decernuntur *pœnitentibus episcopi arbitrio pœnitentiæ tempora*. In Synod. Laodiceno: *Pro qualitate peccati pœnitentiæ tempus attribuendum statuitur*. Prob. II. ex PP. Nam Basilii in Reg. brev. ait: *Pro qualitate delicti tempus pœnitentiæ impendatur. Hoc sit judicio eorum qui præ-*

*presunt*. Et ep. ad Amphil. ait: *Mensuram temporis in agenda penitentia non aperte prefigunt canones, sed magis in arbitrio sacerdotis intelligentis relinquendum statuunt*. S. P. A. Ench. c. 65. ait: *Recte constituuntur ab iis, qui Ecclesiis presunt, tempora penitentiae, ut fiat satis etiam Ecclesiae, in qua remittuntur ipsa peccata*. S. Leo Ep. ad Nicetam Aquilej. episcopum: *Tempora penitudinis constituenda sunt tuo iudicio, prout converforum animos prospexeris esse devotos*.

III. Accedit ratio. *Penitentia enim, ex Auctore libri de vera & fals. poen. est quedam vindicta dolentis puniens in se, quod dolet commississe, at vindictae peccatorum ab iis sunt intelligendae, quibus spectat iudicii potestas; ergo &c.* Deinde, *qui satisfactionis viam claudunt, falsam salutem promittunt, ex Cypr. de Lapf. pag. 384. Tandem sacerdos curare debet, ut qui delinquant habeant suae infirmitatis medelam, & novae vitae custodiam, sed haec duo praestari poenis satisfactoriis docet Tridentinum; ergo &c.*

Ob. I. Christus paralytico, mulieri peccatrici &c. peccata dimittens nullam poenitentiam imposuit; ergo &c. II. Apostoli solam cessationem a peccatis inculcant. Nam Ap. ad Ephes. 4. ait: *Qui furabatur, jam non furetur, ubi Theophyl. ait: Non dixit Apostolus: puniatur qui furum committit, sed a malo desiciat. Punire namque est fori judicarii, debortari a vitiis Christi doctrina est*. III. Si sacerdotes solvunt a reatu poenae, & a debito mortis aeternae, cur non solvunt etiam a debito temporali? IV. Etiam in baptismo remittuntur peccata, sed in eo nulla poena praescribitur; ergo &c.

R. ad I. neg. conf. Christus enim, cum sit Dominus universorum, potest solus veniam largiri peccatis, quae in ipsum commissa sunt. Homo autem, utpote servus, nec remittere, nec donare indulgentia sua potest, quod in Dominum delicto gravitate commissum est. Dominus ergo nostra satisfactione placandus est, ut docet S. Cypr. de Lapf. p. 378. R. II. Christum tunc voluisse divinitatem suam ac plenissimam potestatem ostendere, nec confessionem exegisse, ut constaret se scrutari renes & corda: nec satisfactionem quaesivisse, ut planum fieret, suam auctoritatem absolutam esse, non delegatam; sicut ergo exemplo Christi non impugnatur oris confessio, ita nec operis satisfactio. Non enim absolutam, sed ordinatam potestatem dedit Christus.

Ad II. neg. ant. Apostolus enim *tradidit satanae incestuosum Corinthium in interitum carnis*: verum si id demonis obsessionem significet, ut censent Graeci PP. siue anathema, ut alii, siue castigationem carnis, ut Ambrosius, aut poenam & penitentiam, ut Aug. existimat, constat Apostolos in peccata ani-

animadvertisse; ergo &c. Ad prob. R. Ap. ibi non excludere pœnitentiam, sed adstruere, subdit enim: *Magis autem labores operando manibus suis, unde tribuat necessitatem patienti.* Ad quæ verba Chrysostomus hom. 14. *Non furati sunt, hoc non est peccatum solvere. Sed quomodo? Laborarunt, & aliis impertierunt: sic solverunt peccatum.* Theophylactus etiam statim post cit. verba ait: *Non enim satis est a peccato quiescere, sed contraria via est adeunda. Ante operabatur malum? jam nunc operetur bonum: verum cum labore, partim ut conterat corpus, partim ut largiores habeat facultates.* Vult ergo ibi Theophylactus ad Christi doctrinam non spectare satisfactiones, quæ cum infamia, aut interitu fiunt: quod innuit Græcum *κολάζειν*, quod est subigere, vi reprimere &c. id enim est fori externi, & magistratuum non Ecclesiæ & sacerdotum. Ad III. R. ut ad I. Ad IV. dist. maj. Remittunt in baptismo peccata per modum remedii, conc.; per modum iudicii, neg. Hoc enim fit in Sacramento pœnitentiæ, ad quam spectat delicti punitio.

PROPOSITIO III. Satisfactione, nedum ad Ecclesiæ ædificationem, sed etiam ad redimenda peccata, & ad compensandas Deo illatas injurias imponuntur.

Prob. I. Scripturis. Prov. 16. habetur: *Misericordia redimitur iniquitas.* Dan. 4. *Peccata tua elemosynis redime.* Matt. 23. *Facite fructum dignum pœnitentiæ;* ergo &c. Prob. II. ex Ecclesiæ definitionibus. De pœn. dist. 1. c. 13. legitur: *Nutlus gravioris pœnæ accipit veniam, nisi qualemcumque, etsi longe minorem solverit penam.* Et cap. Porro illi, habetur: *Si sui ipsius iudices fiant, & veluti suæ iniquitatis ultores, temporalibus pœnis mutabunt æterna supplicia.* Trid. sess. 6. c. 14. ait: *Docendum est, satisfactionem per jejunia, elemosynas &c. non quidem pro pœnâ æternâ, quæ vel Sacramento, vel Sacramenti voto una cum culpa remittitur, sed pro pœnâ temporali, quæ non tota semper, ut in baptismo fit, remittitur illis, qui templum Dei violare non sunt veriti.* Hinc merito proscripta est 76. Baji prop. *Satisfactiones laboriose justificatorum non valent expiare de condigno penam temporalem restantem post culpam condonatam;* ergo &c.

Prob. III. Ex PP. Nam Cypr. de Laps. ait: *Dominus nostra satisfactione placandus est.* Ambrosius, ad Virg. lapsam: *Grande scelus, ait, grande habet necessariam satisfactionem.* Hieronymus in Joel. *Qui peccator est cilicio accingatur, & dormiat in sacco, ut delicias, per quas offenderat Deum, vite austeritate compenset.* Et S. P. A. serm. 351. *Non sufficit a malis recedere, nisi etiam de his, quæ facta sunt, satisfiat Deo per pœnitentiæ dolorem, per humilitatis gemitum;* ergo &c. Prob.

Prob. IV. ratione. Pœnitentiæ enim ex dictis non ad solam Ecclesiæ ædificationem, sed ad peccatorum remissionem, & Dei satisfactionem inductæ sunt; ergo &c.

Ob. I. Opera pœnitentiæ, ex productis testimonijs, nedum pœnas temporales avertunt, sed etiam æternas. Sed pro his ex Trid. nulla injungitur satisfactio; ergo nec pro illis est injungenda. II. Ex Rom. 3. *Justificati sumus gratis per gratiam, & redemptionem, quæ est in Christo Jesu*; ergo &c. III. Christus morte sua pro nobis cumulatissime satisfecit, quoad pœnam & culpam; ergo operis satisfactio est Christo injuriosa. IV. Qui putat operibus suis posse injurias Deo illatas compensare sibi gloriam Redemptoris tribuit, & confidit in homine; ergo &c. V. Solius iustitiæ Dei est punire peccata; atqui Deus ea punit per terrores incussos, quæis conscientiam excruciat; ergo &c.

R. ad I. dist. maj. Avertunt eodem modo, neg. diverso modo, conc. Nam opera pœnitentiæ, *respectu pœnæ æternæ*, habent quandam rationem satisfactionis improprie dictam, in quantum ante susceptionem Sacramenti præparant ad gratiam, eamque promerentur de congruo; & in actu Sacramenti, dum a pœnitente acceptantur, fiunt ejus pars integralis, cujus vi solvitur culpæ reatus. Dum vero fiunt post gratiam remissionis acceptam, habent quidem rationem satisfactionis propriæ, *respectu pœnarum temporalium*; sed relate ad æternas non sunt satisfactoria, nisi prout per sacerdotalem absolutionem æternæ pœnæ commutantur in temporales. Ad II. neg. conf. Cum enim quiddam boni agimus gratiæ munus sit, gratia vero ex Christi redemptione, recte ait Apostolus: *Nos justificari gratis &c.* Recte etiam Ambrosius l. 2. de Abel: *Crimina bonis operibus, fideique pretio & miseratione redimamus*. Vid. Auctorem c. 5. l. 19.

Ad III. neg. conf. Ut enim ait Trid. *Non ita nostra est satisfactio, quam pro peccatis nostris exsolvimus, ut non sit per Christum Jesum. Nam qui ex nobis nihil possumus, eo cooperante omnia possumus. Accedit, quod dum satisfaciendo patimur, Christo, qui pro peccatis nostris satisfecit, conformes effici-mur*; ergo operis satisfactio, qua mortificati carne Christi vestigia sequimur, non est Christo injuriosa, sed grata. Ad IV. neg. ant. Responsio patet ex dictis. Non enim *in homine confidit*, sed in Christo; qui tenet, per gratiam ejus meritis comparatam, non propriis viribus, posse placare Deum, & veniam promereri. Hinc Cyprianus, cum protulit illud Jeremiæ: *Maledictus homo, qui spem habet in homine*, ad opera pœnitentiæ, non ad inanem fiduciam lapsos hortabatur, ut dictum est. Ad V. neg. min. Hæretici enim dupliciter errant,

errant, I. quia contritionem statuunt in incussis terroribus, II. quia intimationem supplicii, unde terror incurritur, cum pœnitentia & satisfactione confundunt. Vid. Auctorem tom. 7. pag. 51. Rom. editionis.

## CAPUT II.

*De modo a confessariis seruando in satisfactionibus  
injungendis.*

**C**um sacerdos ex cap. præcedenti debeat satisfactionem imponere, curare debet ut iuncta opera qualitatis criminum viribusque pœnitentium respondeant. Sit itaque

PROPOSITIO I. Male se gereret sacerdos, qui pro gravissimis culpis opera lævissima imposeret, & vicissim.

Prob. I. ex Trid. Synodo sess. 14. c. 8., ubi ait: *Debent sacerdotes pro qualitate criminum, & pœnitentium facultate convenientes satisfactiones injungere, ne, si forte indulgentius agant, alienorum peccatorum participes efficiantur.* Idem constat ex cap. His, qui diversorum. Ex cap. Pro qualitate, & ex cap. Pœnitentibus, Prob. II. ex PP. Cyprianus de Laps. pag. 385. ait: *Pœnitentia crimine minor non sit. Putasne Dominum cito posse placari, cujus templum sacrilega contagione violasti? Orare oportet impensius, diem luctu transigere, in cinere & cilicio volutari &c.*

Eadem habet Clerus Rom., Ambrosius, Gregorius M., Climacus, & S. Carolus in Inst. Confess., ubi ait: *In satisfactionibus, vel pœnitentiis confessarius circumspiciendus esse debet, ne adeo leves ille sint & faciles, ut potestas clavium in contemptum veniat, neque nimis graves & longæ, ut vel recusent eas exequi, vel plane non perficiant.* Horatius etiam, licet ethnicus: *Adsit, ait, Regula peccatis, quæ pœnas irroget æquas.* Proinde confessarius, subdit S. Carolus, *canones pœnitentiales ad unguem sciat oportet.* Etsi enim pro modo antiquo canonum pœnitentiam non habet sequi; tamen pœnitenti nonnumquam articulos in iis explicatos tractabit, ut sic ad maiorem dolorem adducantur, pœnitentiamque leviusculam, quam ipsi dedit, alacrius exequantur. Idem docet Concil. Parisiense IV. ann. 829., Cabilonen. an. 813., Moguntinum, aliaque apud Merbesium, & Alex. Meminerint ergo qui levissimas satisfactiones imponunt, illud Ezech. 13.: *Væ qui consunt pulvillos sub omni cubito &c.*

Quæres I. An moderata indulgentia nimis severitati sit præferenda? R. affirmative. Et ratio est I. Quia Sacramentum pœnitentiæ non est forum iræ vel pœnarum, ut ait Trid. sess.



sess. 14. c. 8. II. Quia in lege sacrificium, in Evangelio misericordia commendatur, ex cap. Libenter ignosco de Pœnit. dist. 1. III. Quia in cap. Alligant habetur; Si erramus modicam penitentiam imponentes, nonne melius est propter misericordiam rationem reddere, quam propter crudelitatem? IV. Quia S. Thomas de Villan. Conc. f. 6. post dom. Quadr. ait: *Satius iudico eum modica pœnitentia animas ad purgatorium remittere, quam propter rigorem damnationis periculo exponere*; ergo &c.

Quæres II. Quibus de causis possit sacerdos cum pœnitentibus humaniorem se se facilioremque exhibere? R. Ob plures, & I. ob contritionis vehementiam, non falsis indiciis, sed præcedentibus operibus comprobata. Nam ex cap. Mensuram, apud Deum non tam valet mensura temporis, quam doloris, propter quod ipsa tempora pœnitentiæ pro fide, & conversatione pœnitentium abbrevianda sunt, & pro negligentia protelanda. Et cap. de pœnitentibus de Consecr. dist. 3.: *Sacerdotis est iudicare, ut attendat ad confessionem pœnitentis, & ad fletus corrigentis*. Accedit S. Thomas q. 14.: *Quanto est major contritio, tanto magis diminuit de pœna*. II. Ob pœnitentis infirmitatem, cui ea tantum satisfactio debet injungi, quam sacerdos putat infirmum verosimiliter implendum, ait S. Antoninus p. 3. tit. 17. c. 20. In pœnitentiali Theodori Cantuarien. Ep. c. 48. legitur: *Ab infirmis in periculo mortis per presbyteros pura est inquirenda confessio peccatorum, non tamen illis imponenda quantitas penitentiae, sed amicorum rationibus pondus penitentiae sublevandum*.

III. Ob conditionem, & qualitatem personarum: levior enim pœna imponenda est, ubi minus est malitiæ, & voluntatis ex cap. Si quis insaniens. Attendi etiam debet ætas, occasio &c. item patientia in ferendis adversis, quæ locum habet satisfactionis.

PROPOSITIO II. Pro satisfactione imponi debent opera pœnalia, & publicis peccatis publica pœnitentia.

Prob. I. pars. I. Scripturæ, ac PP., dum nos ad Pœnitentiam hortantur, memorant jejunia, squallorem vestium, fletus, elemosynas &c. Dan. 4., Joel 2. Joan. 3. Ita Cyprianus, Ambrosius, & Augustinus supra laudati. Hinc Trid. monet Confessarios: *Ut satisfactio, quam imponunt, sit etiam ad præteritorum peccatorum vindictam, & castigationem*. II. Inter hæc opéra præcipua sunt ex Trid. sess. 14.: *Elemosyna, jejunium, oratio, & alia pietatis opera*; quæ tamen omnia ad tria illa reduci possunt, nempe ad jejunium corporis afflictiones, ad orationem opera spiritalia, ad elemosynam officia misericordiæ. III. Hinc patet, imperite se gerere confessarium, qui homini perditissimo psalmos, rosaria &c. non autem

tem jejunia, cilicia, eleemosynas, vigiliis, aliasque corporis afflictationes injungeret. Prob. II. pars. Ex cap. *Canonica instituta*, ex cap. *Ea vero*, & ex cap. *Id tamen* de Pœn. dist. 1. Item ex Trid. sess. 24. de Reform. c. 8. & ex Catechismo Romano part. 2. c. 5. Accedit ratio Aug. c. 65. Enchir. n. 17. ubi ait, satisfaciendum esse *etiam Ecclesie*, nempe emendationis testimonio, ad bonam frugem eos revocando, quos peccator *exemplo suo ad malos mores provocavit*, ut ait ibid. Tridentinum; ergo &c.

## C A P U T III.

*De modo a pœnitentibus servando in satisfactione adimplenda.*

**P**RO confessariis monita quædam præmissa sunt, nunc alia pro pœnitentibus subjicimus. Sit itaque

PROPOSITIO I. Debet pœnitens injunctam satisfactionem acceptare, & si levis est, graviolem sponte subire.

Prob. I. pars contra Navarrum, Medinam, Armillam &c. I. enim ex Trid. sess. 14. c. 8. debent sacerdotes satisfactionem imponere, quia ipsis *claves, non ad solvendum duntaxat, sed & ad ligandum concessæ sunt*; sicut ergo absolventes vere peccata dimittunt, ita ligantes vere obligant pœnitentes ad satisfactionem. Hinc post Trid. id non posse absque temeritate negari ajunt Victoria, Suarez &c. II. Idem docent S. Thomas, & Bonaventura, S. Antoninus, ac S. Raymundus apud Natalem Alexandrum. Prob. III. ex Patribus, & ex Canonum auctoritate, a quibus præcipitur, ut judicio sacerdotum satisfactio imponatur, & non satisfaciuntibus denegetur communio ex propositionibus præcedentibus. Prob. IV. ratione. Sacerdos enim judex est; illi ergo parendum est. Deinde satisfactio est sacramenti pars integralis; ergo eam mutilat, qui illam negligit.

Dices: Sacerdos est judex arbitrarius, nullumque extat satisfactionis adimplendæ divinum præceptum; ergo &c. R. Esse quidem in pœnitentium arbitrio hunc, vel illum confessarium adire, at illum, quem adit, verum judicem esse, eique parendum, cum polleat potestate solvendi & ligandi, unde sequitur satisfactionis præceptum, ut supra dictum est.

Prob. II. pars. Ex propof. I. cap. præc. ubi ostendimus, debere satisfactionem respondere criminum qualitati: quod Magister probat ex Matth. 3. *Facite dignos fructus pœnitentie*. Alii ex cap. *Falsas*, & *Consideret* de Pœn. dist. 5. n. 6. Hinc S. Petrus Damianus ser. 2. de S. Andrea ait: *Ne tibi blandia-*

*diaris, si graviter peccanti levior pœnitentia dicitur, cum purgatoris ignibus perficiendum sit quidquid hic minus feceris. Ad-  
dit S. Thom. Quodlib. 3. q. 13. art. 1. peccatorem dupliciter  
esse debitorem satisfactionis; uno modo ex injunctiōe Sacerdotis,  
altero ex peccato commisso. Accedit, quod ignoramus, quo stu-  
dio, animique affectione satisfactionem impleverimus: hinc  
monemur, ut æquo animo feramus flagella, & cruciatus hu-  
jus vitæ, & indulgentias lucremur, quibus peccatorum pœnæ  
luuntur; stultissimi ergo putandi sunt, qui satisfactionem dif-  
ferunt ad aliam vitam, & in Purgatorio. Nam præterquam  
quod præceptum satisfactionis violant ex Nat. Alex. certe gra-  
vior erit ille ignis, quam quidquid potest homo pati in hac  
vita, ut docet. S. P. A. in Pl. 37. n. 3.*

PROPOSITIO II. Pœnitens non satisfacit quoad meritum,  
nisi peccati abjiciat affectum; licet satisfacere possit quoad  
præceptum.

Prob. I. cum Merbesio, Tournelyo, Juenin, Le-Droint  
&c. Nam satisfactio est actus pœnitentiæ necessario conjun-  
ctus odio vitæ præteritæ, ac studio placandi Deum; sed hæc  
stare nequeunt cum affectu peccati; ergo &c. Eum vero,  
qui peccatum derelictum, quamvis non sit justificatus, posse  
satisfactionem implere probant laudati Theologi, ex quo an-  
tiquitus pœnitentia præcesserit absolutionem, & opus bonum  
cum auxilio gratiæ ab impio patratum Deo placeat, & sal-  
tem *de congruo* ad justificationem disponat. Ex adverso S.  
Thomas, D. Bonaventura, S. Antoninus, Soto, Ledesma,  
Lugo, Barbosa &c. docent, neminem in peccato existentem  
posse Deo satisfacere.

I. enim satisfactio, cum a sola Dei acceptatione pendeat,  
locum non habet in operibus, quæ fiunt ab inimico Dei.  
II. Quod in Pœnitentiæ Sacramento pœna æterna in tempo-  
ralem mutetur, id fit ex Dei reconciliatione, & amicitia; in  
hac ergo statui debet æquitas satisfactionis. III. Docet Trid.  
satisfactiones nostras a Christo vim habere, quatenus *in ipso  
vivimus, meremur, ac satisfacimus*; si ergo in Christo non  
vivamus, nec per eum mereamur, nulla erit satisfactio. IV.  
Catech. Roman. part. 2. c. 5. ait: *In satisfactione requiritur,  
ut qui satisfacit justus sit*. V. Opera in statu peccati facta non  
habent meritum *de condigno*, ad hoc enim requiritur gratia  
habitualis, nec *de congruo* ex Suarezio in ordine ad satisfactio-  
nem; ergo &c. Conciliantur tamen hæc sententiæ, si præceptum  
satisfactionis ab ejus merito secernatur. Argumenta prioris sen-  
tentię evincunt præceptum satisfactionis posse in statu peccati  
adimpleri, adeo ut in eo statu injunctum opus efficiens, non  
incurrat reatum omissionis ex satisfactione neglecta, nec teneatur

confiteri, quod pœnitentiam impleverit in peccato, ut docet D. Thomas, & Soto. Argumenta autem sententiæ oppositæ tantum probant, opera facta in peccato non habere meritum satisfactionis, & tantum *de congruo* ad justificationem dispo- nere, itaut satisfaciens in statu peccati non sit immunis a pœna temporali, peccatis debita: cum opus illud sit meriti expers, & mortuum, licet sublato obice reviviscat.

Quæres I. An unus pro alio possit satisfactionem implere?

R. I. Ex propos. 14. ab Alexandro VII. damnata: *Pœni- tentem propria auctoritate non posse sibi substituere alium, qui loco ipsius pœnitentiam adimpleat*; nam satisfactio non solum pro solutione debiti est impendenda, sed etiam ad vindictam peccati; ergo &c. R. II. Satisfactionem ab alio exhibitam non esse ejusdem efficaciz cum ea, quæ sit ab ipso pœniten- te. R. III. Ex scripturis, Patribus, ac ratione indubium esse, posse unum pro alio pœnam luere, eique *de congruo* gra- tiam promereri, idque ex communione sanctorum, per quam constat amicorum Dei meritis sæpe impetratam esse indulgentiam.

Quæres II. An possit pœnitens pro uno peccato satisfacere sine alio? R. cum distinctione. Vel enim quæritur, an qui plura habet peccata lethalia possit pœnitentiam agere de uno, nullam de altero sollicitudinem habens, vel de solis veniali- bus, & de sola pœna temporali sermo est. Quoad I. R. cum D. Th. q. 14. suppl. art. 1. negative, quia non potest tolli offensa, *nisi per instaurationem amicitiz*, quam peccatum tollit. Quoad II. & III. R. affirmative. Venialia enim Dei amicitiam non frangunt, unde potest unum sine alio expia- ri; diversis vero peccatis diversæ pœnz respondent, unde uni sine alia potest satisfieri. Nam Ecclesia ipsa plenarias modo, modo limitatas indulgentias concedit, quæ sæpe ex parte tan- tum delicta relaxantur.

Quæres III. An liceat pœnitenti petere a Confessario com- mutationem satisfactionis sibi injunctæ? R. I. Esse pravi ani- mi indicium id petere, quando onus impositum nec gravita- tem criminis, nec vires pœnitentis excedit. II. Posse confes- sarium pœnitentiam ab alio injunctam commutare, dummodo etiam illi fiat eorundem peccatorum confessio. Nec obstat pro- loquium illud: *Par in parem non habet jurisdictionem*. Nam Confessarius non exercet, in casu, jurisdictionem in alterum confessarium habentem parem auctoritatem, sed in pœniten- tem sibi subditum.

## CAPUT IV.

*De publicæ Pœnitentiæ satisfactione.*

**D**E hoc argumento copiose tractarunt Morinus, Sirmondus; Petitus, Albaspinæus, Menardus, Martene, a quibus tractatus a se editos locupletarunt Merbesius, Juenin, Tournely, Vitasæ, Du-Hamel, Le-Droint, Habert, Gotti, &c. Pœnitentiā autem publicā vocat Du-Cangius in Gloss. t. 3. p. 323. *Que pro expiandis criminibus, & delictis publicis imponitur*: eamque iis tantum injunctā putant Sirmondus, Petitus, alique, qui publici alicujus criminis convicti essent. Alii tamen cum Morino, Albaspinæo &c. apud Witasæ docent, etiam occulta crimina fuisse publicæ pœnitentiæ obnoxia. Itaque priori definitione rejecta publicam pœnitentiā eam dicimus: *Que agitur in conspectu populi, & in Ecclesiæ conventu*. Pœnitentes autem ii dicebantur, qui pœnitentiæ stadium percurrerant, qui etiam dicebantur: *In pœnitentiā missi*, vel *In pœnitentiā positi*, ut legitur in veteribus Conciliis.

PROPOSITIO I. Publica pœnitentia ab Apostolicis temporibus obtinuit, licet initio de ea certi canones non extiterint.

Prob. I. Ex epist. D. Pauli, ubi in 1. sæculo profertur exemplum incestuosi Corinthii, in 2. exemplum mulierum, quas Marcus vitiavit: in 3. eorum, quos memorat Tertullianus, & Cyprianus supra cit. II. Ante Montani hæresim circa an. V. Æ. 157. prudentia sacerdotum, non canonum præscriptionibus pœnitentiās fuisse indictas probat Morinus l. 4. de admin. Pœn. c. 1. ex l. 1. Const. Apost. & ex l. 3. Hermæ, seu Pastoris. Hinc pater, mulieres adulteras statim post criminis detestationem, non, ut factum est postea, post annos plurimos, a viris fuisse receptas: unde Tertullianus factus Montanista Hermetem *Mæchorum pastorem* appellat. Idem probat exemplo latronis apud Eusebium, quem S. Jo. Apostolus levi pœnitentia statim reconciliavit Ecclesiæ.

Nec obstat can. 24. Ap. *Laicum seipsum abscindens annis tribus communionē privatur*, non enim omnes canones Apostolici parem habent vetustatē, & auctoritatē. Exorta Montanistarum hæresi, qui ex Hieronymo *ad omne pene delictum Ecclesiæ fores occluserant*, & Catholicis nimiam facilitatem exprobrabant, paulo severior inuenta est disciplina: itant in quibusdam Ecclesiis fornicariis, & *Sacrificatis* vel negaretur omnino, vel in exitu mortis tantum venia daretur, ut suo loco ostendimus. Interim exorto Novatiano schismate circa an.

251. aut 250. Novatiani, ac Montanistæ iniquo fœdere juncti, ut falso zelo disciplinæ fideles ad se traherent, in vulgus spargere cœperunt, Ecclesias esse contaminatas, ibique fornicariis, *Sacrificatis* &c. pacem redditam esse. Hinc saluberrime institutum est, ut nec spes lapsis denegaretur contra Novatianam hæresim, & nemo absque certa emendatione reciperetur, ut supra monstratum est, ad eorundem criminationes refellendas.

PROPOSITIO II. Quatuor pœnitentiæ gradus, grassante Novatiana hæresi, sunt instituti, at quando desierint incertum.

Prob. I. pars ex ep. Canonica S. Gregorii Thaumaturgi, qui interfuit Antiocheno Conc. an. 264. ubi gradus illi, *Fletus* nempe, *Audientia*, *Substrationis*, & *Consistentiæ* recensentur. Item ex Jo. Raythuni monasterii antistite apud Morinum l. 6. c. 1. n. 3. Eisdem gradus definitos pœnitentiæ laudat can. 4. & 5. Sin. Ancyrana, & can. 25. vacantibus vaticiniis præscribit annos 3. substrationis. Et S. Basilus can. 75. tom. 2. p. 777. scribit, ei qui sororem compresserit, triennio *flendum* esse ante oratorii fores, alio triennio *accedendum ad audientiam*, ac dandam tribus aliis annis *substrationem*, & anno decimo *subsistendum*; ergo &c.

Prob. II. pars. Quidam enim gradus illos sublatos putant quarto sæculo ob Nectarii factum, sed inde non eruitur pro omnibus publicis peccatoribus penitentiam fuisse abrogatam, aut Episcopos sibi jus ademisse illam quandoque imponendi, ut alibi dictum est. Reapse Trullana Synodus coacta an. 692. & Abbas Raythuni, qui circa VI. aut VII. sæculum floruit, illa can. 87. hic in schol. S. Jo. Clim. tom. 10. Bibl. PP. pag. 513. hujusmodi graduum expresse meminere. Fallitur ergo Tournelyus, qui putat a Nectarii tempore in Orientalium Ecclesiis cessasse *Fletum*, *Audientiam*, & *Substrationem*, & perseverasse tantummodo *Consistentiam*. Imò *Audientes*, & *Adlaerymanes* memorantur etiam ab alio Climaci scholiaste ad Gradum 12. quem Raderus putat Eliam Cretensem, qui vixit anno 787. In occidentali autem Ecclesia serius gradus hujusmodi cœperunt antiquari. Itaut *Substratio* vix deinceps in epistolis Romanorum Pontificum & decretis Conciliorum commemoretur. Cum enim paucissimi essent Catechumeni, cœperunt omitti preces, & ceremoniæ super substratos, & loco pœnitentiæ canonicæ impositæ sunt peregrinationes, jejunia, elemosynæ &c. Vide Pœnitentiale Theodori, Decreta Iyonis, & Burchardi.

PROPOSITIO III. Tempus publicæ pœnitentiæ ab Episcopis fuit definitum.

Prob.

Prob. I. Ex can. 10. Conc. Africani, & ex Regulis brev. Basilii; nec non ex ep. S. Leonis ad Nicetam. Ne vero Episcopi in pœnis decernendis livore & odio ducerentur, Coepiscoporum consilio, & sæpe adstante plebe utebantur, ut S. Cornelius, & Cyprianus ex ep. 14. & 15. præstiterè. II. Eandem consuetudinem viguisse sequentibus sæculis ostendit Morinus ex can. 2. Conc. Tol. an. 675. ex cap. Hincmarl; & Herardi Turonen. ep. Qui ergo publicam pœnitentiam subire debebat, sistebat se ante Ecclesiæ præfulem coram populo, & clero fer. 4. cinerum, unde in Liturgiis eo die legitur: *Ordo ad dandam pœnitentiam*. In Pœnitentiali Theodori habetur: *In capite Quadragesima omnes, qui publicam suscipiunt pœnitentiam, ante fores Ecclesiæ se representant Episcopo sacco induti, nudis pedibus, vultibus demissis, reos se esse ipso habitu, & vultu protestantes*. Eadem profert de habitu pœnitentium Martene ex Tertulliano, Cypriano, Cæsario, qui ajunt pœnitentes *in sacco, & cinere iaborascere, in cilicio, & sordibus volutari, & foras ejici*. Quod fiebat iisdem verbis, quibus e Paradiso pulsus est primus homo, idest: *In sudore vultus tui &c.* His addi potest S. Pacianus, Optatus, Ambrosius, & Hieronymus ab Auctore laudati, qui *sacrum, cilicium, & cinerem* veterum commemorant.

Quæres: Quid præstiterint pœnitentes in his quatuor pœnitentiz gradibus? R. In primo gradu, qui *Fletus* dicitur, peccatorem stantem fideles, qui ingrediuntur, orare extra portam Oratorii, ut pro se deprecantur, ut ait Gregor. Thaumaturgus. Quod Albaspinus verbis Tertull. confirmat de Pœn. c. 9. ubi ait, eum *ingemiscere, lacrymari dies noctesque ad Dominum, presbyteris advolvi, caris Dei adgeniculari, omnibus fratribus legationes deprecationis sue injungere*. Et Sozomèhus l. 7. H. E. c. 16. ait: *In populo est pœnitentium locus, in quo illi stant masti ac veluti lugentes*. Vid. ep. 84. Hieron. ad Oceanum, ubi pœnitentia Fabiolæ describit. In hac lugentium statione quidam aliis scelestiores extra tectum commorantes, sub dio, imbribus, nivibusque expositi vehementius aliorum commiserationem movebant. De his Ancyranus can. 17. habet: *Eos, qui rationis expertia animalia interviunt, jussit sancta Synodus inter hiemantes orare*. Et Tertullianus de Pud. c. 4. *Libidinum furias ultra jura naturæ, non modo limine, verum omni Ecclesiæ tecto submoventur*.

In secundo gradu auditio est intra portam in Narthece: *Ubi oportet eum, qui peccavit, stare proximum catechumenis, & illinc egredi, ut ait Gregorius supra laudatus*. Ex Nartheçis vocabulo, quod ante finem V. sæculi usurpatum non inveniunt, supposititiam putant Gregorii epistolam Morinus, &

animadvertisse; ergo &c. Ad prob. R. Ap. ibi non excludere poenitentiam, sed adstruere, subdit enim: *Magis autem labore operando manibus suis, unde tribuat necessitatem patienti.* Ad quæ verba Chrysostomus hom. 14. *Non furati sunt, hoc non est peccatum solvere. Sed quomodo? Laborarunt, & aliis impertierunt: sic solverunt peccatum.* Theophylactus etiam statim post cit. verba ait: *Non enim satis est a peccato quiescere, sed contraria via est adveniunda. Ante operabatur malum? jam nunc operetur bonum: verum cum labore, partim ut conterat corpus, partim ut largiores habeat facultates.* Vult ergo ibi Theophylactus ad Christi doctrinam non spectare satisfactiones, quæ cum infamia, aut interitu fiunt: quod innuit Græcum *καλᾶειν*, quod est *subigere, vi reprimere* &c. id enim est *fori externi*, & magistratum non Ecclesiæ & sacerdotum. Ad III. R. ut ad I. Ad IV. dist. maj. Remittunt in baptismo peccata per modum remedii, cōic., per modum iudicii, neg. Hoc enim fit in Sacramento poenitentiae, ad quam spectat delicti punitio.

PROPOSITIO III. Satisfactione, nedum ad Ecclesiæ ædificationem, sed etiam ad redimenda peccata, & ad compensandas Deo illatas injurias imponuntur.

Prob. I. Scripturis. Prov. 16. habetur: *Misericordia redimitur iniquitas.* Dan. 4. *Peccata tua elemosynis redime.* Matt. 23. *Facite fructum dignum poenitentiae;* ergo &c. Prob. II. ex Ecclesiæ definitionibus. De poen. dist. 1. c. 13. legitur: *Nul- lus gravioris penæ accipit veniam, nisi qualemcumque, etsi longe minorem solverit penam.* Et cap. Porro illi, habetur: *Si sui ipsius iudices fiant, & veluti suæ iniquitatis ultores, temporalibus penis mutabunt æterna supplicia.* Trid. sess. 6. c. 14. ait: *Docendum est, satisfactionem per jejunia, elemosynas &c. non quidem pro pena æterna, quæ vel Sacramento, vel Sacramenti voto una cum culpa remittitur, sed pro pena temporali, quæ non tota semper, ut in baptismo fit, remittitur illis, qui templum Dei violare non sunt veriti.* Hinc merito proscripta est 76. Baji prop. *Satisfactiones laboriosæ justificationum non valent expiare de condigno penam temporalem restantem post culpam condonatam;* ergo &c.

Prob. III. Ex PP. Nam Cypr. de Laps. ait: *Dominus nostra satisfactione placandus est.* Ambrosius, ad Virg. lapsam: *Grande scelus, ait, grande habet necessariam satisfactionem.* Hieronymus in Joel. *Qui peccator est cilicio accingatur, & dormiat in sacco, ut delicias, per quas offenderat Deum, vite austeritate compenset.* Et S. P. A. serm. 351. *Non sufficit a malis recedere, nisi etiam de his, quæ facta sunt, satisfiat Deo per poenitentiae dolorem, per humilitatis gemitum;* ergo &c.

Prob.



Prob. IV. ratione. Pœnitentiæ enim ex dictis non ad solam Ecclesiæ ædificationem, sed ad peccatorum remissionem, & Dei satisfactionem inductæ sunt; ergo &c.

Ob. I. Opera pœnitentiæ, ex productis testimoniis, nedum pœnas temporales avertunt, sed etiam æternas. Sed pro his ex Trid. nulla injungitur satisfactio; ergo nec pro illis est injungenda. II. Ex Rom. 3. *Justificati sumus gratis per gratiam, & redemptionem, quæ est in Christo Jesu*; ergo &c. III. Christus morte sua pro nobis cumulatissime satisfecit, quoad pœnam & culpam; ergo operis satisfactio est Christo injuriosa. IV. Qui putat operibus suis posse injurias Deo illatas compensare sibi gloriam Redemptoris tribuit, & *confidit in homine*; ergo &c. V. Solius justitiæ Dei est punire peccata; atqui Deus ea punit per terrores incussos, quæis conscientiam excruciat; ergo &c.

R. ad I. dist. maj. Avertunt eodem modo, neg. diverso modo, conc. Nam opera pœnitentiæ, *respectu pœnæ æternæ*, habent quandam rationem satisfactionis improprie dictam, in quantum ante susceptionem Sacramenti præparant ad gratiam, eamque promerentur de congruo: & in actu Sacramenti, dum a pœnitente acceptantur, fiunt ejus pars integralis, cujus vi solvitur culpæ reatus. Dum vero fiunt post gratiam remissionis acceptam, habent quidem rationem satisfactionis propriæ, *respectu pœnarum temporalium*; sed relate ad æternas non sunt satisfactoria, nisi prout per sacerdotalem absolutionem æternæ pœnæ commutantur in temporales. Ad II. neg. conf. Cum enim quiddam boni agimus gratiæ munus sit, gratia vero ex Christi redemptione, recte ait Apostolus: *Nos justificari gratis &c.* Recte etiam Ambrosius l. 2. de Abel: *Crimina bonis operibus, fideique pretio & miseratione redimamus*. Vid. Auctorem c. 5. l. 19.

Ad III. neg. conf. Ut enim ait Trid. *Non ita nostra est satisfactio, quam pro peccatis nostris exsolvimus, ut non sit per Christum Jesum. Nam qui ex nobis nihil possumus, eo cooperante omnia possumus. Accedit, quod dum satisfaciendo patimur, Christo, qui pro peccatis nostris satisfecit, conformes effici-mur*; ergo operis satisfactio, qua mortificati carne Christi vestigia sequimur, non est Christo injuriosa, sed grata. Ad IV. neg. ant. Responsio patet ex dictis. Non enim *in homine confidit*, sed in Christo; qui tenet, per gratiam ejus meritis comparatam, non propriis viribus, posse placare Deum, & veniam promereri. Hinc Cyprianus, cum protulit illud Jeremiæ: *Maledictus homo, qui spem habet in homine*, ad opera pœnitentiæ, non ad inanem fiduciam lapsos hortabatur, ut dictum est. Ad V. neg. min. Hæretici enim dupliciter errant,

errant, I. quia contritionem statuunt in incussis terroribus, II. quia intimationem supplicii, unde terror incutitur, cum pœnitentia & satisfactione confundunt. Vid. Auctorem tom. 7. pag. 51. Rom. editionis.

## CAPUT II.

*De modo a confessariis servando in satisfactionibus  
injungendis.*

**C**um sacerdos ex cap. præcedenti debeat satisfactionem imponere, curare debet ut injuncta opera qualitatis criminum viribusque pœnitentium respondeant. Sit itaque

PROPOSITIO I. Male se gereret sacerdos, qui pro gravissimis culpis opera lævissima imposeret, & vicissim.

Prob. I. ex Trid. Synodo sess. 14. c. 8., ubi ait: *Debent sacerdotes pro qualitate criminum, & pœnitentium facultate convenientes satisfactiones injungere, ne, si forte indulgentius agant, alienorum peccatorum participes efficiantur.* Idem constat ex cap. His, qui diversorum. Ex cap. Pro qualitate, & ex cap. Pœnitentibus, Prob. II. ex PP. Cyprianus de Lap. pag. 385. ait: *Pœnitentia crimine minor non sit. Putasne Dominum cito posse placari, cujus templum sacrilega contagione violasti? Orare oportet impensius, diem luctu transigere, in cinere & cilicio volutari &c.*

Eadem habet Clerus Rom., Ambrosius, Gregorius M., Climacus, & S. Carolus in Inst. Confess., ubi ait: *In satisfactionibus, vel pœnitentiis confessarius circumspiciendus esse debet, ne adeo leves illæ sint & faciles, ut potestas clavium in contemptum veniat, neque nimis graves & longæ, ut vel recusent eas exequi, vel plane non perficiant.* Horatius etiam, licet ethnicus: *Adsit, ait, Regula peccatis, quæ pœnas irroget æquas.* Proinde confessarius, subdit S. Carolus, *canones pœnitentiales ad unguem sciat oportet.* Etsi enim pro modo antiquo canonum pœnitentiam non habet sequi; tamen pœnitenti nonnumquam articulos in iis explicatos tractabit, ut sic ad majorem dolorem adducantur, pœnitentiamque leviusculam, quam ipsi dedit, alacrius exequantur. Idem docet Concil. Parisiense IV. ann. 829., Cabilonen. an. 813., Moguntinum, aliaque apud Merbesium, & Alex. Meminerint ergo qui levissimas satisfactiones imponunt, illud Ezech. 13.: *Væ qui consunt pulvillos sub omni cubito &c.*

Quæres I. An moderata indulgentia nimis severitati sit præferenda? R. affirmative. Et ratio est I. Quia Sacramentum pœnitentiæ non est forum iræ vel pœnarum, ut ait Trid. sess.

sess. 14. c. 8. II. Quia in lege sacrificium, in Evangelio misericordia commendatur, ex cap. Libenter ignosco de Pœnit. dist. 1. III. Quia in cap. Alligant habetur; Si erramus modicam penitentiam imponentes, nonne melius est propter misericordiam rationem reddere, quam propter crudelitatem? IV. Quia S. Thomas de Villan. Conc. f. 6. post dom. Quadr. ait: Satiùs iudico eum modica pœnitentia animas ad purgatorium remittere, quam propter rigorem damnationis periculo exponere; ergo &c.

Quæres II. Quibus de causis possit sacerdos cum pœnitentibus humaniorem se se facilioremque exhibere? R. Ob plures, & I. ob contritionis vehementiam, non falsis indiciis, sed præcedentibus operibus comprobata. Nam ex cap. Mensuram, apud Deum non tam valet mensura temporis, quam doloris, propter quod ipsa tempora pœnitentia pro fide, & conversatione pœnitentium abbrevianda sunt, & pro negligentia protelanda. Et cap. de pœnitentibus de Consecr. dist. 3.: Sacerdotis est iudicare, ut attendat ad confessionem pœnitentis, & ad fletus corrigentis. Accedit S. Thomas q. 14.: Quanto est major contritio, tanto magis diminuit de pœna. II. Ob pœnitentis infirmitatem, cui ea tantum satisfactio debet injungi, quam sacerdos putat infirmum verosimiliter impieturum, ait S. Antoninus p. 3. tit. 17. c. 20. In pœnitentiali Theodori Cantuarien. Ep. c. 48. legitur: Ab infirmis in periculo mortis per presbyteros pura est inquirenda confessio peccatorum, non tamen illis imponenda quantitas penitentia, sed amicorum rationibus pondus penitentia sublevandum.

III. Ob conditionem, & qualitatem personarum: levior enim pœna imponenda est, ubi minus est malitiæ, & voluntatis ex cap. Si quis insaniens. Attendi etiam debet ætas, occasio &c. item patientia in ferendis adversis, quæ locum habet satisfactionis.

PROPOSITIO II. Pro satisfactione imponi debent opera pœnalia, & publicis peccatis publica pœnitentia.

Prob. I. pars. I. Scripturæ, ac PP., dum nos ad Pœnitentiam hortantur, memorant jejunia, squallorem vestium, fletus, elemosynas &c. Dan. 4., Joel 2. Joan. 3. Ita Cyprianus, Ambrosius, & Augustinus supra laudati. Hinc Trid. monet Confessarios: Ut satisfactio, quam imponunt, sit etiam ad præteritorum peccatorum vindictam, & castigationem. II. Inter hæc opera præcipua sunt ex Trid. sess. 14.: Eleemosyna, jejunium, oratio, & alia pietatis opera: quæ tamen omnia ad tria illa reduci possunt, nempe ad jejunium corporis afflictiones, ad orationem opera spiritalia, ad elemosynam officia misericordiarum. III. Hinc patet, imperite se gerere confessarium, qui homini perditissimo psalmos, rosaria &c. non autem

tem jejunia, cilicia, eleemosynas, vigiliæ, aliaque corporis afflictationes injungeret. Prob. II. pars. Ex cap. *Canonica instituta*, ex cap. *Ea vero*, & ex cap. *Id tamen* de Pœn. dist. 1. Item ex Trid. sess. 24. de Reform. c. 8. & ex Catechismo Romano part. 2. c. 5. Accedit ratio Aug. c. 65. Enchir. n. 17. ubi ait, satisfaciendum esse *etiam Ecclesie*, nempe emendationis testimonio, ad bonam frugem eos revocando, quos peccator *exemplo suo ad malos mores provocavit*, ut ait ibid. Tridentinum; ergo &c.

## C A P U T III.

*De modo a pœnitentibus servando in satisfactione adimplenda.*

PRO confessariis monita quædam præmissa sunt, nunc alia pro pœnitentibus subjicimus. Sit itaque

PROPOSITIO I. Debet pœnitens injunctam satisfactionem acceptare, & si levis est, graviolem sponte subire.

Prob. I. pars contra Navarrum, Medinam, Armillam &c. I. enim ex Trid. sess. 14. c. 8. debent sacerdotes satisfactionem imponere, quia ipsis *claves*, non ad solvendum dumtaxat, sed & ad ligandum concessæ sunt; sicut ergo absolventes vere peccata dimittunt, ita ligantes vere obligant pœnitentes ad satisfactionem. Hinc post Trid. id non posse absque temeritate negari ajunt Victoria, Suarez &c. II. Idem docent S. Thomas, & Bonaventura, S. Antoninus, ac S. Raymundus apud Natalem Alexandrum. Prob. III. ex Patribus, & ex Canonum auctoritate, a quibus præcipitur, ut judicio sacerdotum satisfactio imponatur, & non satisfacientibus denegetur communio ex propositionibus præcedentibus. Prob. IV. ratione. Sacerdos enim judex est; illi ergo parendum est. Deinde satisfactio est sacramenti pars integralis; ergo eam mutilat, qui illam negligit.

Dices: Sacerdos est judex arbitrarius, nullumque extat satisfactionis adimplendæ divinum præceptum; ergo &c. &c. Esse quidem in pœnitentium arbitrio hunc, vel illum confessarium adire, ad illum, quem adit, verum judicem esse, eique parendum, cum polleat potestate solvendi & ligandi, unde sequitur satisfactionis præceptum, ut supra dictum est.

Prob. II. pars. Ex propos. I. cap. præc. ubi ostendimus, debere satisfactionem respondere criminum qualitati: quod Magister probat ex Matth. 3. *Facite dignos fructus pœnitentie*. Alii ex cap. *Falsas*, & *Consideret* de Pœn. dist. 5. n. 6. Hinc S. Petrus Damianus ser. 2. de S. Andrea ait: *Ne tibi blandia-*

*diaris, si graviter peccanti levior pœnitentia dictatur, cum purgatoris ignibus perficiendum sit quicquid hic minus feceris. Addit S. Thom. Quodlib. 3. q. 13. art. 1. peccatorem dupliciter esse debitorem satisfactionis; uno modo ex injunctiōe Sacerdotis, altero ex peccato commissio. Accedit, quod ignoramus, quo studio, animique affectiōe satisfactionem impleverimus: hinc monemur, ut æquo animo feramus flagella, & cruciatus hujus vitæ, & indulgentias lucremur, quibus peccatorum pœnæ luuntur; stultissimi ergo putandi sunt, qui satisfactionem differunt ad aliam vitam, & in Purgatorio. Nam præterquam quod præceptum satisfactionis violant ex Nat. Alex. certe gravior eris ille ignis, quam quicquid potest homo pati in hac vita, ut docet. S. P. A. in Pl. 37. n. 3.*

PROPOSITIO II. Pœnitens non satisfacit quoad meritum, nisi peccati abiciat affectum; licet satisfacere possit quoad præceptum.

Prob. I. cum Merbesio, Tournelyo, Juenin, Le-Droint &c. Nam satisfactio est actus pœnitentiæ necessario conjunctus odio vitæ præteritæ, ac studio placandi Deum; sed hæc stare nequeunt cum affectu peccati; ergo &c. Eum vero, qui peccatum detestatur, quamvis non sit justificatus, posse satisfactionem implere probant laudati Theologi, ex quo antiquitus pœnitentia præcesserit absolutionem, & opus bonum cum auxilio gratiæ ab impio patratum Deo placeat, & saltem *de congruo* ad justificationem disponat. Ex adverso S. Thomas, D. Bonaventura, S. Antoninus, Soto, Ledesma, Lugo, Barbosa &c. docent, neminem in peccato existentem posse Deo satisfacere.

I. enim satisfactio, cum a sola Dei acceptatione pendeat, locum non habet in operibus, quæ sunt ab inimico Dei. II. Quod in Pœnitentiæ Sacramento pœna æterna in temporalem mutetur, id fit ex Dei reconciliatione, & amicitia; in hac ergo statui debet æquitas satisfactionis. III. Docet Trid. satisfactiones nostras a Christo vim habere, quatenus *in ipso vivimus, meremur, ac satisfacimus*; si ergo in Christo non vivamus, nec per eum mereamur, nulla erit satisfactio. IV. Catech. Roman. part. 2. c. 5. ait: *In satisfactione requiritur, ut qui satisfacit justus sit*. V. Opera in statu peccati facta non habent meritum *de condigno*, ad hoc enim requiritur gratia habitualis, nec *de congruo* ex Suaresio in ordine ad satisfactionem; ergo &c. Conciliantur tamen hæc sententiæ, si præceptum satisfactionis ab ejus merito secernatur. Argumenta prioris sententiæ evincunt præceptum satisfactionis posse in statu peccati adimpleri, adeo ut in eo statu injunctum opus efficiens, non incurrat reatum omissionis ex satisfactione neglecta, nec teneatur

confiteri, quod pœnitentiam impleverit in peccato, ut docet D. Thomas, & Soto. Argumenta autem sententiæ oppositæ tantum probant, opera facta in peccato non habere meritum satisfactionis, & tantum *de congruo* ad justificationem dispo-  
nere, itaut satisfaciens in statu peccati non sit immunis a pœna temporali, peccatis debita: cum opus illud sit meriti expert, & mortuum, licet sublato obice reviviscat.

Quæres I. An unus pro alio possit satisfactionem implere?

R. I. Ex propof. 14. ab Alexandro VII. damnata: *Pœnitentem propria auctoritate non posse sibi substituere alium, qui loco ipsius pœnitentiam adimpleat*; nam satisfactio non solum pro solutione debiti est impendenda, sed etiam ad vindictam peccati; ergo &c. R. II. Satisfactionem ab alio exhibitam non esse ejusdem efficaciz cum ea, quæ sit ab ipso pœnitente. R. III. Ex scripturis, Patribus, ac ratione indubium esse, posse unum pro alio pœnam luere, eique *de congruo* gratiam promereri, idque ex communione sanctorum, per quam constat amicorum Dei meritis sæpe impetratam esse indulgentiam.

Quæres II. An possit pœnitens pro uno peccato satisfacere sine alio? R. cum distinctione. Vel enim quæritur, an qui plura habet peccata lethalia possit pœnitentiam agere de uno, nullam de altero sollicitudinem habens, vel de solis venialibus, & de sola pœna temporali sermo est. Quoad I. R. cum D. Th. q. 14. suppl. art. 1. negative, quia non potest tolli offensa, *nisi per instauracionem amicitie*, quam peccatum tollit. Quoad II. & III. R. affirmative. Venialia enim Dei amicitiam non frangunt, unde potest unum sine alio expiari; diversis vero peccatis diversæ pœnæ respondent, unde uni sine alia potest satisfieri. Nam Ecclesia ipsa plenarias modo, modo limitatas indulgentias concedit, quæ sæpe ex parte tantum delicta relaxantur.

Quæres III. An liceat pœnitenti petere a Confessario commutationem satisfactionis sibi injunctæ. R. I. Esse pravi animi indicium id petere, quando onus impositum nec gravitatem criminis, nec vires pœnitentis excedit. II. Posse confessarium pœnitentiam ab alio injunctam commutare, dummodo etiam illi fiat eorundem peccatorum confessio. Nec obstat proloquium illud: *Par in parem non habet jurisdictionem*. Nam Confessarius non exercet, in casu, jurisdictionem in alterum confessarium habentem parem auctoritatem, sed in pœnitentem sibi subditum.

## CAPUT IV.

*De publica Pœnitentiæ satisfactione.*

**D**E hoc argumento copiose tractarunt Morinus, Sirmondus, Petitus, Albaspinæus, Menardus, Martene, a quibus tractatus a se editos locupletarunt Merbesius, Juenin, Tournely, Vitaſſe, Du-Hamel, Le-Droint, Habert, Gotti, &c. Pœnitentiā autem publicā vocat Du-Cangius in Gloss. t. 3. p. 323. *Quæ pro expiandis criminibus, & delictis publicis imponitur*: eamque iis tantum injunctā putant Sirmondus, Petitus, alique, qui publici alicujus criminis convicti essent. Alii tamen cum Morino, Albaspinæo &c. apud Vitaſſe docent, etiam occulta crimina fuisse publicæ pœnitentiæ obnoxia. Itaque priorī definitione rejecta publicam pœnitentiā eam dicimus: *Quæ agitur in conspectu populi, & in Ecclesiæ conventu*. Pœnitentes autem ii dicebantur, qui pœnitentiæ stadium percurrerant, qui etiam dicebantur: *In pœnitentiā missi*, vel *In pœnitentiā positi*, ut legitur in veteribus Conciliis.

PROPOSITIO I. Publica pœnitentiā ab Apostolicis temporibus obtinuit, licet initio de ea certi canones non extiterint.

Prob. I. Ex epist. D. Pauli, ubi in 1. sæculo profertur exemplum incestuosi Corinthii, in 2. exemplum mulierum, quas Marcus vitiauit: in 3. eorum, quos memorat Tertullianus, & Cyprianus supra cit. II. Ante Montani hæresim circa an. V. Æ. 157. prudentia sacerdotum, non canonum præscriptionibus pœnitentiā fuisse indictas probat Morinus l. 4. de admin. Pœn. c. 1. ex l. 1. Const. Apost. & ex l. 3. Hermæ, seu Pastoris. Hinc patet, mulieres adulteras statim post criminis detestationem, non, ut factum est postea, post annos plurimos, a viris fuisse receptas: unde Tertullianus factus Montanista Hermetem *Mæchorum pastorem* appellat. Idem probat exemplo latronis apud Eusebium, quem S. Jo. Apostolus levi pœnitentiā statim reconciliavit Ecclesiæ.

Nec obstat can. 24. Ap. *Laicum seipsum abscindens annis tribus communionē privatur*, non enim omnes canones Apostolici parem habent vetustatē, & auctoritatē. Exorta Montanistarum hæresi, qui ex Hieronymo *ad omne pene delictum Ecclesiæ fores occluserant*, & Catholicis nimiam facilitatē exprobrabant, paulo severior invecta est disciplina: itaut in quibusdam Ecclesiis fornicariis, & *Sacrificatis* vel negaretur omnino, vel in exitu mortis tantum venia daretur, ut suo loco ostendimus. Interim exorto Novatiano schismate circa an.

251. aut 250. Novatiani, ac Montanistæ iniquo fœdere juncti, ut falso zelo disciplinæ fideles ad se traherent, in vulgus spargere cœperê, Ecclesias esse contaminatas, ibique fornicariis, *Sacrificatis* &c. pacem redditam esse. Hinc saluberrime institutum est, ut nec spes lapsis denegaretur contra Novatianam hæresim, & nemo absque certa emendatione reciperetur, ut supra monstratum est, ad eorundem criminationes refellendas.

PROPOSITIO II. Quatuor pœnitentiæ gradus, grassante Novatiana hæresi, sunt instituti, at quando desierint incertum.

Prob. I. pars ex ep. Canonica S. Gregorii Thaumaturgi, qui interfuit Antiocheno Conc. an. 264. ubi gradus illi, *Fletus* nempe, *Audientia*, *Substrationis*, & *Consistentiæ* recensentur. Item ex Jo. Raythuni monasterii antillite apud Morinum l. 6. c. 1. n. 3. Eisdem gradus definitos pœnitentiæ laudat can. 4. & 5. Sin. Ancyrana, & can. 25. vacantibus vaticiniis præscribit annos 3. substrationis, Et S. Basilius can. 75. tom. 2. p. 777. scribit, ei qui sororem compresserit, triennio *flendum* esse ante oratorii fores, alio triennio *accedendum* ad *audientiam*, ac dandam tribus aliis annis *substrationem*, & anno decimo *subsistendum*; ergo &c.

Prob. II. pars. Quidam enim gradus illos sublatos putant quarto sæculo ob Nestarii factum, sed inde non eruitur pro omnibus publicis peccatoribus penitentiam fuisse abrogatam, aut Episcopos sibi jus ademisse illam quandoque imponendi, ut alibi dictum est. Reapse Trullana Synodus coacta an. 692. & Abbas Raythuni, qui circa VI. aut VII. sæculum floruit, illa can. 87. hic in schol. S. Jo. Clim. tom. 10. Bibl. PP. pag. 513. hujusmodi graduum expresse meminere. Fallitur ergo Tournelyus, qui putat a Nestarii tempore in Orientalium Ecclesiis cessasse *Fletum*, *Audientiam*, & *Substrationem*, & perseverasse tantummodo *Consistentiam*. Imo *Audientes*, & *Adlaerymantes* memorantur etiam ab alio Climaci scholiaste ad Gradum 12. quem Raderus putat Eliam Cretensem, qui vixit anno 787. In occidentali autem Ecclesia serius gradus hujusmodi cœperunt antiquari. Itaut *Substratio* vix deinceps in epistolis Romanorum Pontificum & decretis Conciliorum commemoretur. Cum enim paucissimi essent Catechumeni, cœperunt emitti preces, & ceremoniæ super substratos, & loco pœnitentiæ canonicæ impositæ sunt peregrinationes, jejunia, elemosynæ &c. Vide Pœnitentiale Theodori, Decreta Ivonis, & Burchardi.

PROPOSITIO III. Tempus publicæ pœnitentiæ ab Episcopis fuit definitum.

Prob.



Prob. I. Ex can. 10. Conc. Africani, & ex Regulis brev. Basilii; nec non ex ep. S. Leonis ad Nicetam. Ne vero Episcopi in pœnis decernendis livore & odio ducerentur, Coepiscoporum consilio, & sæpe adstante plebe utebantur, ut S. Cornelius, & Cyprianus ex ep. 14. & 15. præstiterè. II. Eandem consuetudinem viguisse sequentibus sæculis ostendit Morinus ex can. 2. Conc. Tol. an. 675. ex cap. Hincmari; & Herardi Turonen. ep. Qui ergo publicam pœnitentiam subire debebat, sistebat se ante Ecclesiæ præfulem toram populo, & clero fer. 4. cinerum, unde in Liturgiis eo die legitur: *Ordo ad dandam pœnitentiam*. In Pœnitentiali Theodori habetur: *In capite Quadragesimæ omnes, qui publicam suscipiunt pœnitentiam, ante fores Ecclesiæ se repræsentent Episcopo sacco induti, nudis pedibus, vultibus demissis, reos se esse ipso habitu, & vultu protestantes*. Eadem profert de habitu pœnitentium Martene ex Tertulliano, Cypriano, Casario, qui ajunt pœnitentes in sacco, & cinere inborroscere, in cilicio, & sordibus volutari, & foras ejici. Quod fiebat iisdem verbis, quibus e Paradiso pulsus est primus homo, idest: *In sudore vultus tui &c.* His addi potest S. Pacianus, Optatus, Ambrosius, & Hieronymus ab Auctore laudati, qui *sacrum, cilicium, & cinerem* veterum commemorant.

Quæres: Quid præstiterint pœnitentes in his quatuor pœnitentiæ gradibus? &c. In primo gradu, qui *Fleus* dicitur, peccatorem stantem fideles, qui ingrediuntur, orare extra portam Oratorii, ut pro se deprecantur, ut ait Gregor. Thaumaturgus. Quod Albaspinæus verbis Tertull. confirmat de Pœn. c. 9. ubi ait, eum *ingenuisse, lacrymari dies noctesque ad Dominum, presbyteris advolvi, caris Dei adgeniculari, omnibus fratribus legationes deprecationis sue injungere*. Et Sozomenus l. 7. H. E. c. 16. ait: *In populo est pœnitentium locus, in quo illi stant mæsti ac veluti lugentes*. Vid. ep. 84. Hieron. ad Oceanum, ubi pœnitentia Fabiolæ describit. In hac lugentium statione quidam aliis scelestiores extra tectum commorantes, sub dio, imbribus, nivibusque expositi vehementius aliorum commiserationem movebant. De his Ançyranus can. 17. habet: *Eos, qui rationis expertia animalia inierunt, jussit sancta Synodus inter hiemantes orare*. Et Tertullianus de Pud. c. 4. *Libidinum furias ultra jura naturæ, non modo limine, verum omni Ecclesiæ tecto submoventur*.

In secundo gradu auditio est intra portam in Narthece: *Ubi oportet eum, qui peccavit, stare proximum catechumenis, & illinc egredi, ut ait Gregorius supra laudatus*. Ex Narthece vocabalo, quod ante finem V. sæculi usurpatum non inveniunt, supposititiam putant Gregorii epistolam Morinus, &

Lupus; germanam tamen, fatente Morino, eam agnovit Balsamon, & Allatius. *Quidquid sit*, ait Lupus, *res est antiqua*. De loco etiam Narthecis ait Allatius: *Ignorant eruditi, quisnam sit vicius, qui cum porticum esse fatentur*. Exploratum videtur, Narthecem fuisse intra Ecclesiæ ambitum: 1. quia in canone, qui Gregorio tribuitur, ponitur intra portam; 2. quia id asserit in Nomocanone Matthæus Blastares; 3. quia extra fores conciones audiri non poterant, ad quas Catechumeni & peccatores admittebantur: Si ergo Narthex dicatur porticus, erat interior porticus æquans rotam Ecclesiæ frontem. Allatius autem potius asserit fuisse locum pro feminis destinatum, seu *Gynæceum*.

III. Gradus erat *Substratio*. Ex Balsamone ita dicitur ἀποκρίνω *decidere, submittere se*, quod in hoc gradu pœnitentes post ambonem consisterent. Cum enim *Substrati* fuerint altari proximiores *Audientibus*, necesse est, ut citra ambonem stationem propriam habuerint. Unde Theorianus apud Lupum ait: *In parte ambonis postica stabunt*. Erat ambo locus superior, quem modo *pulpitum* dicimus, utrimque gradibus instructus, unde episcopus plebem S. concionibus erudiebat. In eo autem loco, qui peculiari nomine *locus pœnitentium* appellabatur, prosternebant se, ac subiciebant impositioni manuum episcopi & cleri, ut tali humiliatione pacem reciperent. De *Substratione* loquuntur canones 19. Laodic. II. 11. Tolet. III. 80. Carth. IV. S. P. A. l. 3. de Bapt. c. 16. Lupus, Albalpinæus &c. Vid. c. 1. l. 22. Definitur a Greg. *Substratio est, ut intra portam templi stans cum catechumenis egrediatur*.

IV. Gradus ex canone Greg. est *consistentia*, ut cum *fidelibus consistent*, nec cum catechumenis egrediantur, in quo pœnitentes una cum aliis fidelibus mysteriis adstabant, non tamen de Eucharistia participabant, nec sacrificanda offerebant. De his ajunt veteres canones orationibus communicare absque oblatione, & absque gratia perfectionis. Sed cum diu inter ambonem, & presbyterium constitissent, & pœnitentiam complessent, ad Synaxim accedebant. Unde ait canon Gregorianus: *Postremo est participatio Sacramentorum*.

Quæres II. Quid præter Eucharistiæ participationem interdictum esset publice pœnitentibus? R. I. Iis vetitum fuisse ad sacros ordines promoveri ex Tolet. I. & III. ex Carth. IV. ex ep. Gelasil, Innocentii I. &c. II. Matrimonium contrahere ex Arelat. II. & Tolet. VI. III. Usus conjugii ex cap. *Pœnitentia conjugatis*. Vide Aug. de adul. Conjugiis c. 2. IV. Militare ex c. *Admonere* 33. q. 2. V. Comas nutrire, saccum abjicere, & nigris vestibus uti. VI. Jubeantur pedestres incedere, mortuos sepelire, &

abje-

abjectissima quæque ministeria exercere, ex can. 18. Conc. Carth.

PROPOSITIO IV. An penitentia publica fuerit injuncta occultis peccatis, nec ne, disputatur utriusque: sed lis componitur, si dicatur eam, licet ab Ecclesia non indictam, sponte aliquos subiisse.

Prob. I. pars. Sirmondus enim, qui publicis tantum criminibus hanc penitentiam impositam censet, nititur I. auctoritate Augustini, qui c. 65. Euch. ait, in actione penitentiae reum a Christi corpore separari. Atqui in ep. 54. ad Maced. docet eos a societate altaris removeri, quorum crimina manifesta sunt; ergo &c. II. S. P. ferm. 351. docens, quoniam penitentia subeunda sit pro illis peccatis, quæ legis Decalogus continet, & de quibus Apostolus ait: *Qui talia agunt regnum Dei non possidebunt*, ait; *Si peccatum ejus, non solum in gravi ejus malo, sed etiam in tanto scandalo est aliorum, atque hoc expedire utilitati Ecclesie videatur antistiti, in notitia multorum, vel totius plebis penitentiam agere non recuset*; ergo solis peccatis scandali publica penitentia imposita est.

Nititur II. etiam canonum definitionibus, nam c. 99. canonum African. legitur: *Si quando episcopus noverit aliquem sibi publicum crimen esse confessum, & ille neget, & penitere noluerit .... Secrete interdicat ei communionem, donec obtinuerit*. Et can. 8. Synodi Vafensis monetur episcopus, ut quantum scelus probare non potest, nihil proferat, sed cum ipso secretis correptionibus elaboret. Idem docet Arelaten. VI. Carthagen. II. & Remen. II.

Nititur III. PP. auctoritate. Ambrosius enim, teste Paulino in ejus vita, nulli, nisi Domino causas criminum, quas illi confitebantur, loquebatur. Et S. P. A. ferm. 82. ait: *Nos non prodimus palam, sed in secreto arguimus: ubi contigit malum, ibi moriatur*. Hinc capitula Hincmari ad canonicam penitentiam compellant eos tantum, qui publicum homicidium, adulterium, seu perjurium perpetraverint. Et Ludovicus Pius l. 6. c. 96. ait: *Si publice actum fuerit, furtum, publicam agat penitentiam, si vero occulte, sacerdotum consilio agat*.

Oppositum sentit Morinus, Alex. Petavius, Juenin, Vasse &c. I. Ex can. 32. Conc. Carthag. ex Origene, Cypriano, Basilio, Innoc. I. & Aug. ex Prop. 2. c. 2. diff. 2. II. ex facto Nectarii, unde constat, mulierem, antequam stuprum, quod cum diacono admiserat, aperiret, post secretam confessionem, penitentiam publicam subiisse.

III. Ex Ancyрани Conc. can. 16. 21. & 22. ubi decernitur publica penitentia ineuntibus bruta animantia, abortus procu-

rantibus, & voluntariis cordibus; sed hæc occultissima putanda sunt; tum quia etiam flagitiosissimi ea occulte agunt, tum quia legibus Imp. capite punita essent, si in vulgus sparsa fuissent; ergo &c. IV. Ex Ambrosio l. 1. de Poen. c. 16. n. 90. ubi ait: *Si quis occulta crimina habens pœnitentiam egerit, quomodo ista recipit, si ei communio non refunditur? Vole veniam reus speret, petat eam lacrymis, petat populi totius fletibus, & cum secundo & tertio fuerit dilata ejus communio, fletus augeat &c.*; ergo &c. V. Accedunt exempla Genebaldi, Laudunen. Episc., & Potamii Bracaren. Episc., qui ob occultissima crimina publicæ pœnitentiæ addicti sunt.

Prob. II. pars. I. enim publicam pœnitentiam non fuisse illis injunctam, in quibus publicæ pœnitentiæ actio potuisset occulti alicujus criminis suspicionem inducere, satis innuunt argumenta Sirmondi, & confirmat finis publicæ pœnitentiæ, nempe satisfactio Ecclesiæ exhibenda, & lex sigilli inviolabilis. II. Plures item, etiam spectatæ probitatis publicam pœnitentiam subisse ex Aug. serm. 144. de Tem. aperte colligitur, ait enim: *Aliqui ipsi sibi pœnitentiæ locum petierunt, aliqui excommunicati a nobis in pœnitentiæ locum redacti sunt.* Idem confirmatur ex can. 4. Araus. I., & 29. Arel. II., ubi statuitur; clericis publicam pœnitentiam petentibus non esse negandam, cum ad eam compelli non possent. Et S. Cæsarius Arel. Episc. hom. 1. ait: *Ille qui pœnitentiam publice accepit, poterat secretius agere, sed credo considerans contra tam gravia peccata solum non posse sufficere, ideo adiutorium populi cupit expetere.* Idem evincitur exemplis Fabiolæ, de qua supra, Wambæ Gothorum regis, & S. Gaudenii Valerientis episcopi.

III. Constat pœnitentiam publicam occultis criminibus caute admodum, & pœnitente non invito, nec reluctante fuisse impositam, ut evincitur ex epist. Basilii ad Amphil., ubi præscribitur, mulieres adulteras non esse publicis pœnitentiis, nisi admodum caute, subjiçendas; ne aut viri in adulterii patrati suspicionem venirent, aut illæ supplicio punirentur ex can. 9. & can. 34. Non poterat tamen ex publica pœnitentia inferri criminum qualitas, cum peccatores diversorum criminum rei in eodem gradu consisterent, multi etiam sponte iis se se adjungerent: cumque Episcopus posset tempus pœnitentiæ protrahere, aut coarctare, sicut ergo ex confessione, aliisque operibus pœnitentiæ non recte inferimus antecessæ vitæ flagitia, ita nec inferebatur ex fletibus, ex substrationibus, ex lugubri habitu &c.

Quæres: Quenam peccata publicæ pœnitentiæ subicerentur. R. Tertull. de Poen. & de Pud. tria enumerat, idololatriam,

triam, fornicationem, & homicidium. Ad hæc referuntur eorum species, ut *Libellaticorum* lapsus, de quo Cypr. maleficia & divinationes ex can. 6. Illib. & 23. Ancy. quæ sub idololatria continentur, eidemque pœnitentiæ subjiciuntur. Falsum testimonium, abortus, & veneficii præparatio, ex can. 20. Ancy. homicidii pœna multabantur: libidinum turpiss. rei inter mœchos censebantur, ex can. Basil. 62. & 63. A pœnitentia publica eximuntur, ex can. 4. Syn. Neocæs. qui in corde suo polluti sunt. Et Illib. 44. meretrix. pagana ad fidem conversa. Ex canone 14. Basil. usurarii lucrum pauperibus dispensantes. Hæretici redeunt ad Ecclesiam sola impositione ex can. 8. Nic. aliisque recipiebantur. Nyssenus ait, avaritiam absque pœnæ medela fuisse a Patribus prætermisam. S. P. A. scribit comestationes, & ebrietates in solemnitatibus sanctorum martyrum admissas, licet sacrilegas; non tamen asperere, nec duriter fuisse punitas. Tandem S. Leo martyr ep. ad Rust. Narb. ait: fieri posse Sacramentorum Christi participes, qui convivio gentilium, & escis immolatis uis, jejuniis & manus impositione fuerint purgati. Vide Morinum, Alex. Vitasse &c.

PROPOSITIO V. Clerici nec primis Ecclesiæ sæculis subire tenebantur publicam pœnitentiam.

Prob. contra Morinum, Natal. Alex. Juenin., Vitasse &c. Et Prob. I. ex can. 2. Carth. V. an. 398. ubi statuitur: *Ut si quando presbyteri, vel diaconi graviore culpa convicti fuerint, quæ eos a ministerio necesse sit removere, non eis manus tamquam pœnitentibus laicis imponatur.* Et S. Leo in epist. ad Rusticum n. 2. ait: id alienum esse a consuetudine Ecclesiarum. *Quod ex Apostolica traditione descendit; ergo &c.* Basilii can. 51. rationem reddens hujusce consuetudinis, ait, quia *iis unum supplicium decerni debet, quod est a sacris Mysteriis amoveri.* Hinc can. 10. edito a S. Petro Alex. an. 306. in Bibl. Patrum statuitur: *Ut Clerici lapsi ministerio suo spoliarentur, & contenti sint laica communione.* Optatus l. 2. c. Parm. ait, nulli clericorum post thurificationem fuisse manus impositas: redarguens Donatistas, qui eas imponebant clericis lapsis: quod etiam reprehendit S. P. l. 1. de Bapt. c. 1.

Ob. I. In Epistolis Cyp. 19. 52. 59. 64. & 68. recensetur pœnitentia Felicis, Trophimi, Victoris, Fortunatiani, Basilidis &c. qui erant sacris ordinibus insigniti. II. Eusebius l. 5. H. E. c. ult. refert pœnitentiam Natalii, & alterius Episcopi a schismate Novat. III. Idem prob. ex Optato, qui refert, Purpurium in ordinatione Cæciliani dixisse: *Exeat nunc, quasi imponatur illi manus in Episcopatu, & quassetur illi caput de pœnitentia.* IV. Item ex Can. 1. Neocæs. & 18. Illibet.

ubi

ubi clericis mœchis imponitur pœnitentia; ergo &c. R. ad I. Ex Cypr. neque Felicem, neque alios pro fide exules pœnitentiæ subiiciendos: *Eo quod maculam pristinam potiore virtute deleverint*, Presbytero autem (si talis erat) eandem cum laicis subeundam pœnitentiam non asseruit. Trophimus sic admissus est, *ut laicus communicet*. Ep. 59. memorat plenam pœnitentiam, non ejus ritum. Ep. 64. Episceto vetat: *Ne audeat sibi sacerdotium vindicare*. Basilidi etiam & Fortun. interdicat Episcopatum gerere & Sacerdotium ministrare.

Ad II. & Natalem ad Zephirini pedes prœvolutum omnium commiseratione fuisse ad communionem admissum ex Eusebio lb. De Episcopo autem Novatiano ait S. Corn. ep. ad Fab. *Cui tamquam laico communicavimus*. Ad III. R. Quod Purpurius fuit Donatista, Donatistæ autem rebaptizabant, manumque imponebant, ad quam impositionem alludit Purpurius. Ad IV. neg. ant. Nam canon Neocæs. præcipit tantum, ut presbyter fornicarius extrudatur, & ad pœnitentiam deducatur; idest pœnitentiam agat, non autem solemnem. Idem dicendum de can. Illib. Præcipitur enim ibidem, ut clerici e gradu dejecti cum laicis communicent. Ceterum clericis pœnitentiam agendam, publicam etiam ad laicorum ædificationem, probabile existimo, non tamen canonicam & per gradus, sed ergastulo, degradatione, aliisque pœnis ab Episcopo statuendis.

Quæres. Quotuplex fuerit manuum impositio in publica pœnitentia. R. Cum Sirmondo & Albaspinzo fuisse multiplicem: I. cum lapsi ab Episcopo ad pœnitentiam admittebantur, ut constat ex Conc. Agathen. Toletano XI. & ex S. Leone in ep. ad Rust. II. In *Substratione*, & sæpe iterabatur, imo ex Carth. IV. *omni tempore jejunii a sacerdote imponebatur*. III. impositio est, qua pœnitescentes expleto *substrationis* tempore quartum gradum subibant, quod absque absolutione Sacramentali, & reconciliatione factum non esse Petavius, & Merbesius demonstrant. IV. Impositio fiebat absoluta pœnitentia, qua majori reconciliatione accepta pœnitescentes oblationi & corpori Christi participabant, unde hæc manus impositio appellatur absolute reconciliatio. Hinc can. 78. Conc. Carth. IV. legitur: *Pœnitescentes, qui in infirmitate viaticum Eucharistie acceperint, non se credant absolutos sine manus impositione, si supervixerint*, unde infertur, duplicem fuisse reconciliationem, unam sacramentalem, alteram canonicam & solemnem, non enim sine illa data fuisset Eucharistia.

Quæres II. Quando, a quo, ubi, & quomodo fieret solemnis pœnitentium reconciliatio? R. ad I. in Romana Ecclesia,

clesia, & in Occidentali factam esse fer. 5. maj. Hebdom. ut constat ex ep. Innoc. I. ad Decem. c. 7. ex can. 47. Cabilonensi II. &c. Ad II. R. A solo Episcopo, & urgente necessitate etiam a presbytero fieri potuisse, ex can. 31. Carth. III. &c. Ad III. R. hanc reconciliationem olim factam in Romana Ecclesia *intra Absidem*, idest intra partem sacre ædis, in qua locatur altare proprio fornice convolutam. Ad IV. R. ex Sozom. l. 7. H. E. c. 16. ejus ritum describi, quo Pontifex obvius fit pœnitentibus, usque ad Ecclesiæ ostium, eosque apprehensa manu certis precibus reconciliat. Reconciliati vero sordidis vestibus, barba, crinibusque depositis, mundis, nitidisque vestibus induebantur.

Quæres III. An publica pœnitentia posset iterari? R. Negative. Ambrosius enim l. 2. de Pœn. c. 10. ait: *Sicut unum baptismum, ita una pœnitentia, que tamen publico agitur.* Et S. P. A. ep. 54. ad Maced. ait: *Locum humillima pœnitentie semel in Ecclesia concedi.* Hinc tamen non sequitur eos, qui iterum peccabant, privata pœnitentia numquam fuisse reconciliatos, licet enim pœnitentia solemnis non iteraretur: *Ne medicina fieret contemptibilis*, ut ait ibidem S. P. A. incredibile est tamen, lapsos in eadem, vel graviora crimina, post peractam publicam pœnitentiam, ab omni spe veniæ fuisse dejectos.

## CAPUT V.

*De variis pœnitentie effectibus, & præsertim de reviviscentia.*

**D**uodecim S. Bernardinus Sen. recenset, septem S. Thomas de Villan. quinque Scholastici, inter quos præcipuus est meritorum reviviscentia. Ubi nota, aliud esse opus bonum mortuum, aliud mortificatum: mortuum fit ab impio gratia sanctificante exuto, quod tamen, si fiat auxilio gratiæ morientis, licet non habitualis, omnino mortuum non est, quoniam per novæ vitæ propositum incipit homo vivificari, & credendo, sperando &c. ad justificationem disponitur. Opus mortificatum illud est, quod ab homine iusto patratum, jus habet ad gloriam, sed superveniente mortali peccato, ab ea excidit, nec operis fructum consequitur, juxta illud Ezech. 18. *Cum averteris se iustus &c.* Et Jo. ep. 2. *Videte, ne perdatis que operati estis.* Et Apoc. 3. *Tene quod habes, ut nemo accipiat coronam tuam.* His prænotatis sit

PROPOSITIO I. Pœnitentia novem fructus producit.

Proba

Prob. ex eorum enumeratione I. est *remissio peccati*, & *venia impetratio*, ex Il. 1. v. 18. Ezech. 18. Act. 2. & ex Trid. sess. 14. c. 1. II. est *liberatio*, non solum a pœna æterna, sed etiam a temporali, ex c. 10. prop. 1. & 3. : quod patet exemplo Ninivitarum, qui pœnitentiam agentes a patriæ subversione liberati sunt, & *conversione sua meruere indulgentiam*, ut ait Hieron. ad c. 4. Dan. III. est quod per eam *quis efficitur de corpore Ecclesiæ*, non quod omnis peccator sit extra Ecclesiam, nam hoc est hæreticum, sed quia per eam qui sunt ab ea hæresi aut schismate separati possunt ei copulari, & qui in ea erant tamquam membra mortua, vivificantur, & percipiunt fructus uberiores.

IV. est, quod per eam *restituatur homo ad dignitatem perditam*, ut scribit Greg. M. in ep. ad Secund. lib. 7. Hinc tamen non sequitur eum, qui ob censuram perdidit usum Ecclesiasticæ dignitatis, acta pœnitentia posse eam exercere; sed tantum posse cum eo dispensari, juxta can. definitiones ex cap. *Quia sanctitas* de Pœn. dist. 3. n. 16. V. Est, quod per eam *redditur conscientie pax*, ex Trid. sess. 14. c. 3. VI. est, ut per eam *bona opera per peccatum mortificata iterum reviviscant*, ut infra videbimus. VII. est, ut per eam *restituantur virtutes omnes per peccatum perditæ*, ex D. Thoma, aliisque Theol. Ubi nota, habitus fidei, & spei, qui etiam in peccatoribus perseverant, non restitui *absolute*, sed quoad perfectionem, formamque virtutis, virginitatem vero posse, quoad *formale*, seu quoad propositum vitandi venerea, non vero quoad *materiale*, idest quoad carnis integritatem, quæ ex Hieronymo *suscitari non potest post ruinam*. VIII. Pœnitentia habet & ipsa proprium meritum: nam contritio ad justificationem disponit, satisfactio temporalem pœnam avertit, & *quoties digne suscipitur, toties gratia augetur, & gloria*, ex D. Thom. de Villanova. IX. est, ut per eam *homo surgat ad ampliorem firmioremque virtutem*. Ut enim ait S. Maximus Taurinens. *Fidelior factus est Petrus, postquam fidem se perdidisse deflevit*.

PROPOSITIO II. Bona opera peccato mortificata reviviscunt per pœnitentiam.

Prob. I. Lucæ 15. ex parabola de filio prodigo, qui ad patrem reversus annulo, ac priori stola exornatus est, quæ significavit Dominus, pœnitentiam agenti gratiarum precedentium ornamenta restitui. II. ex Ap. ad Gal. 3., ubi eos redarguens ait: *Tanta passi estis, sine causa, si tamen sine causa*: quæ verba PP. exponunt de meritorum reviviscencia, quam separabat Apostolus, si Galatæ ad Evangelicam veritatem rediissent. III. Hebr. 6. ait Apost. *Non enim injustus Deus, ut obliviscatur operis vestri*: ex quibus caput *Intermittit*



*sentēs, quod Pauli verbis fabricatum est, de operibus meritoriiis ait: Hec, sicut peccando fiunt irrita, ita per pœnitentiam reviviscunt. II. Ex Trid. sess. 6. ubi ait, operibus, quæ in Deo sunt facta, a justificato, si in gratia decesserit, vitam æternam suo tempore consequendam, sed hæc opera in Deo sunt facta; ergo &c.*

III. Ex PP. nam Chrysostomus in 3. ad Gal. exponens cit. verba ait: *Si volueritis expergisci, non frustra vocatis estis. Hieron. ib. ait: Sicut priora sine causa quis dicitur passus dum peccat; sic rursus non perdit ea, si ad antiquum studium revertatur. Et S. Anselmus ib. Sine causa passi estis, si in hoc errore perseveretis, non sine causa, si resipiscatis. IV. Accedit ratio. Nam bonis operibus ex Dei promissione debetur merces, nisi quis accedente peccato ea se reddat indignum; ergo sublata culpa ei merces debetur. Hinc S. P. Serm. 109. de Temp. ait: Sententia mutata est, non iustitia, quæ integra manet. Deinde non minus est efficax gratia, quam culpa, sed hæc tollit meritum præcedens; ergo illa rursus instaurat.*

Ob. I. Ezech. 18. habetur: *Si averteris se iustus a iustitia sua omnes iustitiæ ejus non recordabuntur; ergo &c. II. Peccatum mortale caritatem habitualement extinguat; ergo tollit jus ad gloriam, quæ in ea fundatur. III. Nec Adam peccator originalem iustitiam, nec virgo corrupta, nec innocens contaminatus integritatem potuit acquirere; ergo &c. IV. Peccata dimissa per subsequens peccatum non redeunt; ergo nec merita per pœnitentiam. R. ad I. dist. ant. Si persistat in iniquitate sua, conc. secus, neg. Subdit enim Ezech. Si averteris se ab impietate sua, ipse animam suam vivificavit; ergo recordabuntur iustitiæ, quas fecerat. Ad II. neg. conf. Gratia enim habitualis per pœnitentiam recuperatur, & per eam redit jus pristinum.*

Ad III. neg. conf. Non est enim eadem ratio de innocentia & virginitate, ac de merito: illa enim irreparabilem jacturam patiuntur; quippe fieri non potest, ut qui peccavit, non peccaverit, & qui aliquid amisit non amiserit. Hoc tamen non valet de merito, quod bonis operibus transeuntibus perseverat in iusto, & instauratur in pœnitente: ad meritum enim requiritur libertas, gratia sanctificans, & divina promissio; recuperata ergo gratia, ac Dei promissione perseverante, meritum redit. Ad IV. neg. conf. & paritatem, de qua in sequenti prop.

PROPOSITIO III. Peccata remissa per sequentem culpam non redeunt, nisi secundum quid.

Not. Certum est actionem transeuntem peccati non redire, & eadem peccata specie posse iterum admitti, atque post  
cul-

culpam remissam remanere temporalem, poenam, maiorem carnis luctum, animique languorem. Quæritur ergo num. idem peccatum redeat, quoad reatum damnationis æternæ, itaut si quis rursus cadat, culpa dimissa ei iterum imputetur? Hoc sensu prob. Prop. I. Ex D. Prosp. qui ad 2. Obj. Gall. ait: *Qui in perditionem cadit, in originali peccato quod remissum est non damnabitur, qui tamen propter postrema crimina morte afficietur*: alias non tolleretur, sed teneretur originale peccatum, sed tam actuale, quam originale deletur per poenitentiae lavacrum; ergo &c. II. Remissio peccati in eo sita est, ut non ultra imputetur ad damnationem: alias non esset dimissum peccatum, ait Estius; sed dilatum supplicium; ergo redire nequit quoad damnationis reatum.

III. In ea remissione applicatur nobis fructus passionis Christi; ergo solum. est debitum, quod peccando contraximus: sed iustus Deus nequit repetere debitum, pro quo pretium solum est, & acceptatum; ergo &c. IV. Gelasius apud Gratianum dist. 10. de Pœn. ait: *Divina clementia dimissa peccata in ultionem ulterius redire non pœnitur*. V. Inter bona opera per peccatum mortificata, & inter peccata dimissa hoc interest, quod illis ex Dei promissione, & iustitia debetur merces, quæ ideo non confertur; quia obstat culpa: contra vero peccata remissione omnino aboleatur, quia homini infunditur gratia habitualis delens peccati maculam: quare bona opera mortificata dicuntur, peccata vero remissa & deleta. Ex quibus objectio ultima propositionis præcedentis plane soluta est.

Prob. II. pars. Redire enim peccata dicuntur, *secundum quid*. I. Quia in peccatum relapsus iterum damnationi subicitur. II. Quia Deus novis culpis provocatus novas poenas infligit, quæ remissa culpa luendæ supersunt. III. Quia culpæ remissio eam reddit acerbiori dignam supplicio. IV. Augustinus l. 1. de Bapt. c. 12. scribit: *Redire dimissa peccata, ubi fraterna caritas non est, apertissime Dominus docet de illo servo, quem cum invenisset debitorem decem millium talentorum, omnia dimisit; ille autem conservum suum, cum miseratus non fuisset, iussit eum Dominus reddere, quæ ei dimiserat*. V. Reddeunt denique peccata, quia quædam directe opponuntur remissionis beneficio, ut odium fraternum, apostasia a fide, & Sacramentorum contemptus. Ex his facile omnia objecta solvuntur, quæ probare videntur oppositum.

## CAPUT VI.

*De aliis Sacramenti pœnitentiæ ritibus nondum explicatis.*

CUM partes omnes hujus Sacramenti percurrere hucusque pro virili studuerimus, superest, ut de congruo, & decenti pro excipiendis confessionibus loco, tempore, ac habitu pauca dicamus.

PROPOSITIO. Confessiones, præsertim mulierum, audiendæ sunt in loco patenti, non ante solis ortum, nec post ejus occasum, & habitu sacerdotali cuique proprio.

Prob. I. pars. Ex c. 8. Concilii Colonien. an. 1280. celebrati, ubi legitur: *In locis obscuris confessiones non audiant, nec extra Ecclesiam, nisi in magna necessitate, vel infirmitate.* Idem statuit Narbonen. Mediolanen. Rituale Rom. Sacramentale Ambr. &c. Quæ etiam præscribunt, in Ecclesiis, non in sacratio, audiendas esse confessiones laicorum, quod locus iste non plebi, sed sacerdoti sit destinatus. *Confessionalia* autem, ex Aquisi Concilio, habere debent *laminam minutis foraminibus instructam*, & a parte confessorii *velum nigri coloris*, appensas interius tabellas casuum reservatorum, & exterius SS. Crucifixi imaginem.

Prob. II. pars ex Synodo Mediolanen. pag. 262. ubi legitur: *Sacerdotes, nisi ex causa necessaria, ante solis ortum, vel post ejus occasum, confitentes non audiant.* Eadem habet Sacramentale Ambros. pag. 90. Prob. III. pars. Ex D. Francisco Salesio, qui in Instr. Confess. c. 2. præscribit sacerdotibus *rogam & superpelliceam, stolam in collo, & pileum in capite.* Idem statuit Rituale Rom. in quo additur: *Prout tempus, vel locorum fert consuetudo.* Nam regulares Romæ stola tantum utuntur. Confessarii sedere debent, ut postulat judicis ministerium: at pœnitentes, licet olim humi sederent, nunc tamen in Ecclesia Latina genuflectunt. Viri arma aut baculum, ex Ordine Rom. deferre non debent. Mulieres, ex Instr. S. Caroli, non utantur lascivo capillorum, aut vestium ornatu. Fucatas autem mulieres non audiendas docet ibid. S. Carolus, aliique. Finem huic libro cum Aug. faciam: *Quibus parum aut nimium est, mihi ignoscant: quibus autem satis est, Domine mecum gratias agant.*

## APPENDIX LIBRI XXXIV.

*In quo peculiaris Ecclesiae Orientalis disciplina in administratione Sacramenti Pœnitentiæ describitur.*

Quamvis accurata, ac distincta peccatorum omnium confessio ad aures sacerdotis secreto facienda per pœnitentes, non secus ac pœnitentiæ canonicæ impositio, & absolutio sacramentalis, postquam etiam sublata est publica pœnitentia, semper vigerit, & vigeat adhuc apud plerosque Orientales; hæc tamen confessio, non flexis genibus, aut nudò capite ab illis pœnitentibus fieri solet ad pedes sacerdotis, ut sit apud nos, sed aperto capite & sedendo, ut Allatius, Goarius, alique testantur. Qui sane ritus, ut olim obtinuit apud Latinos, ex Ordine Romano, Alcuino, aliisque Ritualibus libris apud Martene, ita etiamnum servatur apud Æthiopes, teste Jo. Botero in ep. ad Cardinalem Carasam. Verum ea praxi, tantum abest ut penes Orientales aliquid reverentiæ, aut debitæ submissio- nis erga hoc sacramentum detractum fuerit, quin potius observat Morinus, postquam etiam priscus ille pœnarum rigor remissus est, hæc duo tamen ex veteris disciplinæ rigore penes illos intacta inviolataque remansisse, humilitatem nempe, qua pœnitens, quantavis dignitate polleret, ad sacerdotem accedere tenebatur, & morem laudabilem, quo pœnitentes ob quædam crimina & inquina- menta, etiam naturalia, in foro tantum conscientia cogebantur e Templo secedere, atque in Narthece subsistere tempore Sacrificii Missæ, cum aliis in-

teresse concessam esset divinis officiis.

Porro pœnitentiæ canonicæ rigorem emollivit Jo. Jejunator, qui ea de re nimis indulgentiæ circa finem XI. sæculi fuit accusatus a Concilio Constantinopolitano, atque ab Harmenopulo, qui eodem sæculo floruit, aut paulo post. Unde Leo Allatius l. 3. Concord. c. 9. ait: *Pœna pœnitentibus impositæ mitiores multo nunc sunt, quam erant antea. A Joanne enim Nestouta antiquus ille pœnarum rigor remissus est, licet id alii inter eos non probent.* Et Goarius pag. 697. sic Græcorum disciplinam describit: *Patres spirituales sedentes pœnitentes pro exomologesi audiunt. Si leves & venia dignas culpas deprebenderint, nullam adhibent solutionem; sed de pio quodam opere exercendo monitum amice reddunt: si lethifera crimina detegunt, illa in Nomocanone juxta se posito examinant, censurarumque distributioni, prout legunt, cuncta subjiciunt, & tandem pœnitenti bene precantur. Peccata tandem cuncta ad canonum rigorem examinata pœnis in eis perlectis castigant & emendant. proptereaque pœnitentiam impositam, ut canonibus præscriptam solent ipsi *κρίειν* vocitare. Et post pauca: Publica pœnitentia nulli licet amplius imponatur, aliquos tamen confessione expi- atos a sacra communione per annum, vel plures quandoque arcent. Hi non ita plane reconciliati privationem Eucharistiæ pœnis Eulogici, communionis vices sup-*

*supplentis, sumptione solantur, & sanguinis Domini sumendi loco, aquam in Teophaniis benedictam, diacono eam porrigente, cum communione diebus summa cum religione hauriunt; & tandem oratione super eos recitata ex integro Ecclesiæ reconciliantur.*

Hujus canonicæ poenitentiae meminere etiam Nicephorus Carthophylax, Simeon Theffalonicensis, Gabriel Philadelphienfis, Germanus Amathuntinus, Neophytus Rodinus Cyprius, Hieremias Patriarcha Constantinopolitanus, necnon Dionysius Barfalibi, Michael Patriarcha Antiochenus, aliique Syri, & Coptici scriptores, eamque summopere commendarunt.

Ubi vero disciplina isthæc fuerit immutata, ac mos obtinuerit, ut pro lubitu Confessarii poenitentiae imponantur, ut sit apud Latinos, non tenentur sacerdotes juxta canones illos poenitentias imponere; ad id tamen tenentur, ubi viget canonum observantia. Sic enim exercere debent acceptam ab episcopis jurisdictionem, ut Ecclesiæ legibus obstringantur declarare poenitentibus, quos absolvent, penam singulis criminibus designatam. Quemadmodum in Ecclesia Latina tenetur confessarius declarare poenitentem penam, ex. gr., irregularitatis, vel suspensionis, quam ob patratum aliquod crimen occultum incurrit. Poenæ autem hujusmodi tres præsertim numerantur. I. est Eucharisticæ communionis privatio: Cum enim scopus præcipuus canonum poenentialium esset, ne cuiquam indigno Eucharistia præberetur, hinc factum est, ut etiam post absolutionem S.

Tom. IV.

Synaxim quam longissime differrent. II. est jejuniorum præscriptio, seu ciborum abstinentia. III. est orationum diebus singulis recitatio: quæ omnia Episcoporum auctoritate augeri possunt, aut minui. Solent autem Episcopi diplomata quædam concedere a penis, & canonibus non plene adimpletis poenitentes eximentia, quæ indulgentiarum vices obtinent apud Græcos, ut observat Goarius pag. 680.

Quæ hucusque producta sunt laicorum poenitentiam præcipue respiciunt. In clericorum vero poenitentia tria sunt sedulo animadvertenda. I. Clericum poenitentem teneri promittere confessario, se ab officio cessaturum, si crimina confiteatur, quæ canones depositione, aut suspensione castigant. II. clericum ita depositum communionem Eucharisticam non privari. III. Eandem poenam incurere clericum, si sciens prudensque permisceatur adulteræ uxori suæ, aut hanc ita pollutam nolit dimittere. IV. Ab officio depōnitur etiam clericus, qui propriam habens uxorem, cum aliena peccaverit, ut patet ex ordine a Joanne Jejunatore scripto, ubi hæc leguntur: *Sacerdotes, & Episcopi, & Diaconi, qui in gradu sunt, ad confessionem suscipiendi non sunt, nisi securitatem eorum confessoribus fecerint, quod si alicujus criminis rei sunt, quod eos a sacris ordinibus exercendis prohibeant, non amplius sacris ministrare audebunt. Nihil autem abdicat sacerdotem sacerdotii functione, nisi alteri mulieri, præterquam suæ, misceatur.*

Hic plane erat mos Græcæ Ecclesiæ initio VII. sæculi, qui adhuc viget in Ecclesiis nonnullis;

Z

lis; licet episcoporum indulgentia canonum rigor sit aliqua ex parte temperatus. Reapse Archiepiscopus Trapezuntinus a Morino ipso rogatus de praxi *botiyna in clericum, in carnis vitium lapsum*, respondit: *Si crimen publicum est, aut publice probatum, licet semel perpetratum, Clericus deponitur. Si accusatus, sed non convictus, se se iurejurando purgat, tum communione fruitur. Si crimen occultum confessione secreta sacerdoti aperit, semel bisve condonatur; tertia vice a sacro ministerio cessare seculo injungit spiritualis pater: nec aliter, quam si cessaturum promiserit, absolutionem concedit.*

Ex quibus evincitur confessarius Græcæ Ecclesiæ, ne dum posse, sed etiam teneri canonicam penitentiam lapsis clericis imponere, quæ apud Græcos p̄sariosque adhuc viget, nec posse poenitentes presbyteros eandem rejicere, vel non exequi, ut nonnullis Theologis, nullo satis solido fundamento subnixis, visum est. Græci enim suum habent jus canonicum, quod collectione canonum, qui apud eos sunt in usu, continetur, & cui ut legi Ecclesiæ subijciuntur: ubi ergo viget consuetudo supra laudata, non possunt Græci presbyteri canonicas poenitentias rejicere, aut illas non exequi: sicut presbyter Latinus, qui per homicidium occultum in irregularitatem incurrisset, deberet a sacro cessare, nec posset absolvi, nisi sponderet confessario a sacro ministerio abstinere, donec ab ea censura esset legitima auctoritate solutus.

Quod spectat ad formam, qua utuntur Orientales in administratione Sacramenti Poeniten-

tiz, testatur Arcudius l. 4. c. 3. hanc formulam jamdiu obtinuisse, nimirum: *Divina gratia Sancti Spiritus per me peccatorum, & minimum servum tuum habet condonata quæcumque peccasti.* Ex Rituali Metropolitæ Chiovientis sacerdos hæc verba proferre debet: *Ego quoque pater tuus spiritualis potestate mihi a Deo, & a superioribus meis concessa, te absolvo ab omnibus peccatis tuis.* Græci Calabri, Apuli, & Siculi hanc formam adhibent: *Ego vero condono tibi omnia peccata tua. In nomine Patris &c., vel ista: Insuper ego absolvo te ab omnibus peccatis tuis, quæcumque coram Deo, & mea indignitate confessus es. In nomine &c.,* quas duas formulas Græcæ & Latine ex Goario pag. 678. producit cl. Auctor tom. 8. pag. 140. & 141. Hanc autem formam indicativam a Concilio Florentino præscriptam, hac nostra ætate adhibere Ruthenos ferme omnes, quidam Rutheni monachi testati sunt.

Eadem formâ utuntur, Galano teste, præter Armenos, Syri Maronitæ, Chaldei, alique Orientales, si paucos excipias, quorum forma his verbis exprimitur a Gabriele Philadelpho de Sacramento Poenitentiz c. 8.: *Gratia SS. Spiritus per humilitatem meam habeat te condonatum, & absolutum.* In quodam Officio, quod Goerius latine vertit, in quo poenitentiariorum modus administrandæ poenitentiz præscribitur, leguntur orationes sequentes: *Quæcumque tenuissime humilitati meæ varrasti; & quæcumque exprimere non voluisti, condona tibi Deus in presenti, & in futuro.* Et infra: *Ipse Deus per me peccato-*

torem in presenti, & in futuro seculo tibi parcat. Quæ forma, ait Sorianus, quamvis deprecativa prima fronte appareat, absoluta nihilominus his conditionibus, & ipse per me, redditur: auctoritatem a Deo acceptam, quam prius minister memorat, teo penitenti applicat, & indulgentiæ divinæ instrumentum, & causam subordinatam se predicat. Ex quibus magis, magisque firmatur clarissimi Auctoris sententia, qui tom. 8. p. 137. opinatur, aperte non evinci viguisset olim, sive apud Latinos, sive apud Græcos formam Sacramentalis absolutionis deprecativam.

De ministro hujusce Sacramenti quæri solet, an in diœcesi, ubi permixti sunt Latini cum Græcis, vel utrique cum aliis diversis ritus, possit Latinus Græco, & vicissim confiteri. Et quidem in casu necessitatis dubium non est posse presbyterum quemlibet, etiam diversis ritus absolvere, ex Constitutione *Et si Pastorale* §. 5. de Pœn. n. 5.: ubi etiam præscribitur presbyteris, ut forma absolutionis in Concilio Florentino præscripta utantur: postea vero, si voluerint, dicant orationem illam deprecativam, quam pro forma hujusmodi absolutionis dicere consueverunt.

Certum est etiam missionariis Latinis cujuscunque ritus quemlibet licite confiteri, etiam extra casum necessitatis, cum ii ab Apostolica sede habeant auctoritatem in locis missionum, & in episcoporum subsidium mittantur. Merito ergo sacra Congregatio de Propaganda Fide anno 1645.: Man-

davit moneri Patriarcham Maronitarum, qui excommunicationem ferre ausus est, in præjudicium jurisdictionis Apostolicæ Sedis; in Maronitas, qui Sacramenta recipere voluerunt a Missionariis ejusdem S. Sedis. Hinc potest episcopus Latinus, si in sua diœcesi habeat sacerdotes Græcos, vel alterius ritus, eos probare, & præficere confessionibus etiam Latinorum audiendis, ut liquet ex laud. Const. n. 6.

Possunt etiam penitentes diversi ritus presbyteris hujusmodi ab episcopo approbatis licite confiteri. Romæ enim, & alibi, Græci, Rutheni, Armeni, Syrii &c. Latinis presbyteris diversi ab iis ritus communiter confitentur: quam consuetudinem S. Congregatio S. Officii probavit die 5. Decembris anno 1715., & Sacra Congregatio de Propaganda Fide an. 1630. Ubi vero plures sunt episcopi, qui in solos homines proprii ritus jurisdictionem habent, ut Aleppi, ubi episcopus Græcus, nondum Græcis, Syrus, nondum Syriis præstet &c. Si ibi episcopus limitatam facultatem concedat ad audiendos fideles proprii ritus, non poterit Confessarius alios diversi ritus absolvere. Secus dicendum, si facultas non sit limitata, aut lex peculiaris, aut consuetudo, ad pacem servandam, id non prohibeat. Sicut enim subditi unius diœcesis sacerdotibus alienæ diœcesis rite confitentur, & a peccatis solvuntur; sic possunt fideles ab homine diversi ritus sacramentalem absolutionem rite suscipere.

## P A R S A L T E R A

DE EXTREMA UNCTIONE, DE ORDINE,  
AC MATRIMONIO.

CUM in superiori hujusce voluminis parte de Confirmatione, Eucharistia, ac Pœnitentia distinctis libris, ac peculiaribus dissertationibus fuerit pro virili disputatum, reliquum est, ut ea quæ supersunt saluberrima Sacramenta in hac secunda parte breviter percurramus: quam quidem, non secus ac primam, tribus libris complectimur. Quorum primus, servato auctoris Ordine XXXV. erit de Extrema Unctione, alter, seu XXXVI. de Ordine, postremus, nempe XXXVII. de Matrimonio verba faciet.

## L I B E R . XXXV.

*De extrema Unctione.*

OPTIME monet Trid. Synodus sess. 14. extremam Unctionem, nedum pœnitentiæ, sed totius Christianæ vitæ confirmationem a PP. appellari; merito ergo post Pœnitentiam recto ordine locari debet. Pluribus autem nominibus a Latinis Græcisque extrema Unctio appellatur in Pœnitentia Theod. in Decr. Iyonis, in Capitulari Caroli M. & apud Arcudium, Allatum &c. Dicitur enim: *Sacramentum exeuuntium, Unctio sacri olei &c.* A Græcis vero: *Sanctum oleum, Postrema unctio &c.* Definitur autem: *Sactum ac mysticum signum a Christo institutum, quo per unctionem olei benedicti & orationem baptizatis egrotantibus confertur gratia sanctificans, ut morbum æquo animo ferant, frangantque demonis insidias, & si expediat, a languore sanentur.* De hoc autem Sacramento agemus duabus dissertationibus, in quarum I. De ejus existentia atque essentia, in II. De ministro; ac subiecto verba fient.

## D I S S E R T A T I O I.

*De existentia, atque essentia Sacramenti extreme Unctionis.*

AD essentiam, atque existentiam hujus Sacramenti spectant variae, quæ de eo instituuntur controversiæ: num scilicet hæc unctio sit verum ac proprium Sacramentum novæ legis,



gis, & a Christo institutum. Quænam sit ejus materia proxima, quænam verò remota; quæ tandem ejus forma, ubi variz circa ipsam quæstiones scholasticæ expendi solent.

## C A P U T I.

*An extrema unctio sit verum ac proprium novæ legis Sacramentum.*

NOT. I. Negant Lutherus, & Calvinus dicentes, Christi discipulos per unctionem ( Marc. 6. & Jac. 5. ) solam corporis salutem fuisse operatos; adeoque miraculorum dono cessante, hanc etiam unctionem exolevisse. Unde Calvinus *Sacramentum fictitium* illud appellat. His consentiunt Kemnitius, Dallæus, & omnes posteriores hæretici, qui in Apostolis duplicem potestatem distinguunt, nempe ordinariam, seu *verbi* annuntiandi potestatem, & extraordinariam, seu miraculorum: & hanc desuisse, illam superfuisse asseverant. Alii vero ajunt quidem unctionem illam perseverasse, sed verum sacramentum non esse.

Not. II. Licet Bellarminus asserat, Valdenses, & Wiclestas hoc Sacramentum negasse, non desunt tamen viri docti, qui eos septem novæ legis Sacramenta agnovisse demonstrent. Nam Valdenses id professi sunt in confessione fidei ad regem Uladislaum: Wiclefus verò nequit hujus erroris aperte revinci. Orta est hæc opinio, ex quo hæretici illi hoc Sacramentum contempserint, quod presbyteri, ex avaritia, divites tantum sacro oleo inungerent; unde illud dixere: *Ultimam superbiam*. Hussitæ etiam, non secus ac Valdenses, ad Ecclesiam redeuntes interrogandi erant, an crederent peccare lethaliter Christianum, qui contemnit *susceptionem extremae unctionis*; isti ergo hæretici extremam Unctionem spreverunt, non negarunt.

Not. III. Catholicam veritatem, nedum ex Catholica Jacobi epistola, sed etiam ex Marci 6. demonstrari putant Catharinus, & Maldonatus, alique Patres, ac Theologi clarissimi. Negant tamen Estius, Sylvius, & Bellarminus, qui negantem sententiam se tueri ait, eo-quod affirmantem amplexi sint Lutherus, Calvinus, & Kemnitius: qua de re merito a Launojo reprehenditur, cum eandem sententiam tueantur, præter Alphonsum a Castro, & Thomam Valdensen, etiam alii, quos sibi adversari Bellarminus non diffitetur. Unde Trid. Synodus sess. 14. c. 1. consulto quæstionem illam, an apud Marcum, & Jacobum æque sermo sit *de Unctione Sacramentali*, disputantium arbitrio reliquit, ut infra videbimus. His prænotatis sit

PROPOSITIO I. Ex Jacobi epistola invicte demonstratur extremam unctionem esse verum Sacramentum.

Prob. Ibi enim legitur : *Infirmatur quis in vobis , inducat presbyteros Ecclesiae , & orent super eum ungentes eum oleo , & oratio fidei salvabit infirmum , & si in peccatis est , remittentur ei* : sed ibi habetur *materia & forma* in unctione , & oratione , habetur etiam Christi institutio vel mediata , vel immediata : non enim Jacobus toti Ecclesiae catholicae , hoc est *universali* , epistola ritum praescripisset , nisi illum a Domino accepisset : habetur etiam effectus Sacramenti in illis verbis : *Oratio fidei salvabit infirmum &c.* quibus ostenditur , hac unctione peccati reliquias abstergi , aegrum alleviari , ut morbum ferat , & tentationibus resistat , & sanitatem , si expedit , consequatur . Merito ergo Trident. ibidem Novatorum sententiam anathemate percussit .

Ob. I. novatores : Jacobi epistola non est canonica ; ergo &c. R. neg. ant. Licet enim haec epistola non statim ab initio Ecclesiae exploratam habuerit auctoritatem , eam tamen *paullatim obtinuit* , ut aliis quibusdam libris canonicis contingit , quos nemo , nisi impudenter , rejiceret . Nam inter divina testimonia afferuntur ejus verba in epistola Clementis Papae ad Corinth. teste Blanchinio . Eodem loco habentur ab Innocentio I. Gelasio , Hilario , Ambrosio , Hieronymo , Aug. Fulgenrio , & a PP. universis . Accedunt Canones Conciliorum , Laodiceni , Carthaginen. Milevitani , Arausiaci II. & Tridentini . Adde Graecos PP. Origenem , Cyrillum Jerosolym. Athanasium , Epiphanium , & Gregorium Nazianz. quorum loca citat cl. Auctor . Deinde rejiciunt hanc epistolam Novatores , quia in ea dicitur : *Fides sine operibus mortua est* , cum Rom. 2. habeatur : *Justificari hominem per fidem sine operibus* , sed hoc futile est , & a nobis c. 5. libri 19. refutatum ; ergo &c.

Ob. II. In hac epistola Jacobus inducitur ut institutor & auctor hujus Sacramenti ; ergo vel haec unctio non est Sacramentum , vel Jacobus sibi auctoritatem Christi usurpat . R. neg. ant. Non enim hujus Sacramenti institutor , sed promulgator Jacobus putandus est ex Tridentino , qualis etiam putatur , dum praeccepta orationis , eleemosynae &c. proponit , quae sane non sunt hominis inventa , sed Dei documenta . Adde , hinc sequi unctionem illam neque spectare ad gratiam , sive ad donum curationum , ut contendunt novatores , quia neque donum hoc poterat Jacobus unctionis ritui sua virtute alligare .

Ob. III. Duo proferuntur a Pontificiis pro sua sententia : I. est illud Marci 6. *Ungebant oleo multos aegros* , II. illud ep. Jacobi

eobi c. 5. *Infirmatur quis in vobis &c.* Sed primum a Bellarmino, aliisque rejicitur, secundum a Cajetano in Comment. in eandem epistolam; ergo &c.

℞. I. retorq. argumentum. Omnes enim Pontificii aut ajunt, apud Marcum simul & Jacobum agi de unctione Sacramentali, aut docent, Marcum loqui de unctione instituta ad sanandos ægros, quæ sacramentalis unctionis erat symbolum; a Jacobo autem agi de ipsa Sacramentali unctione apud Marcum insinuata; ergo Pontificii, uno excepto Cajetano, docent ibi agi de vero Sacramento. Cajetani vero momenta, utpote *Augustini ac D. Thomæ doctrina, necnon aliorum DD. & Ecclesiæ traditioni*, contraria, nullo negotio refelli ait Ambrosius Catharinus in Adnot. ad Cajetani Comm. pag. 464. ℞. II. Non eandem esse de utroque testimonio rationem; quod enim Marci 6: sermo fiat de unctione extrema, non est adeo exploratum, ut salva fide negari nequeat, ut negatur a Bellarmino; sed non ita fas est opinari de altero testimonio, quod omnes, excepto Cajetano, de Sacramento accepere. Excusatur tamen ab errore Cajetanus, & quod ante Tridentinum scribenti quædam incaute exciderint, & quod asserat id probari ex traditione, quod ex Jacobi epistola negat ostendi.

Ob. IV. Unctio, de qua Jacobi ep. ad ægros spectat, non ad Sacramenta: imo nec ad ritum sacrum, postquam donum sanationum cessavit; ergo &c. Prob. ant. I. habetur enim ibi: *Oratio fidei salvabit infirmum*, Græce *ὡς αὖ τὸν κάμνοντα*, non *ἀπαρτάροντα*: *Salvabit ægrotantem*, non ait: *Salvabit peccantem*; ergo &c. Deinde frustra ibi Apostolus meminisset morbi, si ageret de spiritali salute. II. ibi habetur *ἐγείρας*, quod significat tantum sanitatem corporis restituere, ut Matth. 8. de socru Simonis e febri sanata legitur *ἐγείρας* surrexit &c. III. ex orationis contextu patet ibi agi de sanatione corporis his verbis: *Salvabit infirmum, & alleviabit eum Dominus*. Deinde de sanatione animæ agitur in sequentibus: *Et si in peccatis est &c.*

IV. Nec sequitur Jacobum agere de Unctione Sacramentali, ex quo spiritalem quoque sanationem commemoret. Hæc enim fidei, non Sacramento refertur, unde verba illa: *Fides tua te salvum fecit, confide* &c. Sic enim Christus primo morbos corporis levabat, postea animæ. V. Verba illa: *Si in peccatis est &c.* significant: *Si peccando contraxit morbum*, qui sæpe peccati poena est; ergo ad eam removendam unctio illa est ordinata, alias non hypotheticam, sed absolutam locutionem esset instituta.

℞. ad I. neg. ant. Nam hoc Sacramentum, ex can. 48. Sy-

modi Cabilonen. an. 813. *Anima, & corporis medetur languoribus*: quorum prior effectus, utpote notior, prius commemoratur in epistola Jacobi, a Trid. vero posterior, rationem habendo effectus nobilioris. Ad I. prob. neg. conf. Licet enim *σῶσαι, & ἐκίπαι* ad sanitatem corporis referantur: at quod sequitur: *Et si in peccatis sit, remittentur ei*, non ad corporis, sed ad animi ægritudinem referri debet. Non secus ad verba ista: *Alleviabit eum Dominus*: hæc enim unctio, ut ait Trid. *agroti animam alleviat, & confirmat, magnam in eo divine misericordie fiduciam excitando*. Reapse corporis salus his verbis: *Oratio fidei* &c. continetur; quid ergo opus erat eundem effectum iterum recensere? Ad II. neg. ant. Nam *ἀγίασιν* spiritalem effectum designat Luc. 1. *ἡρεοι καὶ στερηται ἡμῶν, erexit cornu salutis nobis*. Item Rom. 13. Ephesi. 3. &c.

Ad III. vide R. ad I. Ad IV. neg. ant. Ad prob. neg. ant. Oppositum enim evincitur ex landatis verbis ad Paralyticum: *Confide fili, remittuntur tibi peccata tua*, quæ dicta sunt longe ante illa: *Surge, & ambula*. Hinc Chrysostomus in hunc locum ait: *Primum ei peccata dimittis, tum a morbo liberat*. Ad V. R. Locutionem hypotheticam sæpe rei appositione exprimere, ut Jac. 1. *Si quis vestrum indiget sapientia, postulet a Deo*, ubi sensus est: *Cum quisque vestrum sapientia indigeat* &c. Adde, particulam *Si* non cadere super *τὸ remittuntur*, sed super *τὸ sit*, unde non recte inde inferitur, quoad peccati remissionem, ambiguitas effectus.

Ob. V. Unctio Catholicorum longe distat a Jacobea; ergo &c. Prob. ant. I. enim Jacobus commendat unctionem faciendam ægris, quæ spes salutis affulget, illi in mortis articulo inungunt. II. Illa profuit ob orationem, & fidem; hæc ex vi Sacramenti. III. Illa corporeos morbos, hæc spirituales depellit: Nec salutem corpoream exprimit, aut producit forma Catholicorum; ergo &c. R. neg. ant. Ad I. prob. neg. ant. Nam Catechismus Romanus p. 2. c. 6. docet, eos graviter peccare: *Qui tempus agroti iungendi observare solent, cum omni salutis spe amissa vita & sensibus carere incipiat* (1). Ad II. neg. ant. Nam *Oratio fidei* ibidem non est fides ægrotantium, aut ministrorum, sed forma Sacramentalis, quæ dicitur *oratio fidei*, ut forma Baptismi dicitur: *Verbum fidei*, ut I. 30. c. 11. dictum est. Adde, non possit hoc argumentum urgeri a Novatoribus, qui negant Sacramenta ex opere operatio gratiam producere. Ad III. neg. ant. Non enim

(1) Vide hac de re monitum Const. Syn. Auxim. ann. 1593. de hoc Sacr. c. 1.

enim ad essentiam formæ spectat cujusque effectus recensio, ut constat ex forma Baptismi, & Eucharistiæ. Fatemur autem hac unctione non semper restitui corporis sanitatem: *Quia non semper utilis est*, ait Guilelmus Antisiodoren. l. 4. *sed digne eam suscipiens remissionem peccatorum consequitur, quia semper utilis est.*

PROPOSITIO II. Ex traditione demonstratur sacram unctionem esse verum Sacramentum.

Prob. I. Ex Patribus. Origenes, qui floruit ad ann. 220. Hom. 2. in Lev. ait: *Est autem per penitentiam remissio peccatorum. In quo impletur & illud: Si quis infirmatur, vocet presbyteros, & imponant ei manus ungentes eum oleo, & si in peccatis fuerit, remittentur ei.* Chrysostomus ad ann. 382. l. 3. de Sacerd. ait: *Neque solum cum nos regenerant, sed postea etiam, condonandorum peccatorum facultatem habent. Infirmatur, inquit, inter vos aliquis? accersat presbyteros Ecclesie &c., ubi nota, Chrysostomum prius loqui de remissione per actum judicalem, & absolutionem, postea per unctionem Sacramentalem: ac de I. producit locum Matth. 18., deinde Jacobi textum. Innocentius I. an. 416. in epist. ad Decentium pag. 384. ait: De fidelibus agrosantibus (non sanis, ut Græci solebant) accipi debere, quod sancto oleo chrismatis perungi possunt.* II. Addit, non esse ambigendum, posse Episcopum benedicere, & tangere chrismate; cujus est ipsum chrisma conficere: quodque presbyteris licere non dubium est. III. ait: *Penitentibus infundi non posse, quia genus est Sacramenti.* Nam quibus reliqua Sacramenta negantur, quomodo unum genus putatur posse concedi? Ubi Innocentius unctionem commemorans, de vero ac proprio Sacramento loqui dubium non est: Nam & genus Sacramenti vocat, & aliis comparat Sacramentis, quæ negabantur publicis poenitentibus. Nec est cur putet, unctionem chrismatis accipi ab Innocentio pro Sacramento Confirmationis, nam c. 3. scripserat hanc baptizatis omnibus administrari a Pontificibus solis, hic autem ait: *Dubium non esse hoc licere presbyteris.* Chrisma ergo Innocentii est chrisma infirmorum, quod apud veteres simpliciter chrisma dicitur, cum chrisma principale dicatur oleum balsamo permixtum. Ex Augustino plura testimonia producit Torrensis, sed ei omnia abjudicantur, præter illud, quod habetur in Speculo, de quo supra. PP. vero, qui sequentibus sæculis floruerunt, profert Lauhojus de extrema unctione cap. I.

Prob. II. Ex Conciliis. Cabilonensis anno 817. can. 48. ait: *Secundum B. Jacobi documentum, cui etiam decreta Patrum consonant, infirmi oleo a presbyteris ungi debent, quæ medicina anima corporisque medetur languoribus. Eadem habet Aquigran-*

nem-

nenſe, Nannetenſe, necnon generale Conſtantiſe, quod ſta-  
tuit: *Eum, qui hoc Sacramentum contemnit, peccare mortaliter*  
Florentium in Decreto Unionis extremam unctionem inter  
Sacramenta recenſet. De Tridentino dictum ſupra. Cum ergo  
hæ Synodi non invexerint hoc Sacramentum, non aliunde  
quam ab Apoſtoliſ, ex nota Tertulliani regula, accipere; alias  
Patres, qui ad eas convenire, fidem Eccleſiæ ſuæ iis objeci-  
ſent, nec paſſi eſſent ſacrilègam ceremoniam ſibi obtrudi.

Prob. III. Ex conſuetudine Eccleſiarum. De Romana con-  
ſtat ex Pontificali, & Rituali Romano. De Græciſ ex Eu-  
chologiis Goarii, ex Epitome Gregorii Protoſyncelli, ex  
cenſura Jeremiæ Patriarchæ Conſtantinopolitani &c. Vide li-  
bri 30. c. 5. ubi diximus etiam Cophſos, & Jacobitas hoc  
Sacramentum agnoſcere.

Ob. I. de hoc Sacramento altum eſt ſilentium in ſcriptiſ  
veterum Patrum; ergo &c. Prob. ant. Non enim ejus memi-  
nit Auctor Conſt. Apoſtol. nec Areopagita, nec Cyrillus Je-  
roſol. nec alii de ſacriſ Ritibus expreſſe tractantes. II. Ori-  
genes, & Beda Jacobi verba: *Infirmatur quis in vobis &c.*  
exponunt de pœnitentia. III. Nec obſtat Innocentij I. reſcri-  
ptum ad Decentium: cur enim iſ de re communiter explo-  
ratus dubitaſſet? IV. Epiphanius, & Auguſtinus infirmorum unctionem  
enumerant inter Heracleonitarum deliramenta; ergo  
&c. V. Unctio illa, quæ a veteribus uſurpata eſt, non erat  
Sacramentaliſ, ſed ceremonialiſ, a laicis quoque, & fœminis  
adhibita, per fidem impetrans ſanationes; fruſtra ergo ex ea  
conſtarunt Romanenſes Theologi hoc fictitium Sacramentum.  
R. Tranſeat ant. Nam, & plures Patres illius meminere,  
& potuit in Eccleſiæ praxi perſeverare Chriſti inſtitutio. Ad  
I. prob. vide Auctorem tom. 6. pag. 71. ubi de ſilentio vete-  
rum PP. Adde in Conſt. Clem. Oleum cum hac prece bene-  
dici: *Da vim effectricem ſanitatiſ, demonum fugatricem, o-*  
*mnium inſidiarum proſtigatricem;* quæ omnia oleo infirmorum  
conveniunt: Dionyſius agit de officiis Hierarchicis, non de  
ſinguliſ Sacramentis; Cyrillus vero ea exponit, quæ ſpectant  
ad nuper illuminatos.

Ad II. diſt. ant. Exponunt de pœnit. quoad graviora pec-  
cata, conc. quoad leviora, ſeu peccati reliquias, neg. Vult  
ergo Origenes *pœnitentia laborioſa, & confeſſione ſacerdoti ſa-*  
*cta deleri graviora peccata, leviora autem etiam unctione,*  
de qua Jacobus Apoſt. & quæ eſt quædam pars pœnitentiæ:  
explicat enim quot modis peccata remittantur, inter quæ ef-  
ficaciora remedia deſcribit, nempe Baptiſmum, Pœnitentiam,  
& extremam Unctionem.

Beda autem in 6. Marc. unctionem hanc aperte Sacramentum  
agno-

agnoscit, laudat Innocentii decretum, ac docet ægros presbyterorum unctione, & oratione sanari; addens ergo infirmis peccata non dimitti sine confessione emendationis; ostendit, per eam unctionem solvi peccatorum reliquias, non graviora peccata. At qua fronte hæc obijciunt novatores, qui sacram Confessionem ibi laudatam pugnant? Ad IV. neg. ant. Ibi enim improbant Epiphanius, & Augustinus Heracleonitas, qui sese inungebant magica quadam Marci præsfigiatoris cantilena, non catholicorum unctionem, quam præsertim Augustinus commendat in *Speculo* part. 1. tom. 3. pag. 813. ed. Maur. Ad V. neg. conf. Distinguenda est enim unctio illa ceremonialis a Sacramentali, ut Baptismi lavacrum a lustralis aque aspersione feceritur.

## CAPUT II.

*An Marci 6. v. 13. sermo sit de Sacramento extreme unctionis.*

NON desunt catholici, qui ex loco laud. censent hoc Sacramentum posse saltem probabiliter demonstrari, ut præcedenti cap. dictum est. Sit ergo

PROPOSITIO. Probabile est Marci 6. mentionem fieri unctionis Sacramentalis; non tamen fide exploratum.

Prob. I. pars. Auctoritate theologorum. Fatetur enim Belarminus id sentire a Castro, & Valdensem, quæis addit Tournelyus, Catharinum, & Maldonatum, nos vero D. Thomam, Scotum, Mastrium, necnon Du-Hamel, Vanroy, Juenin. Prob. II. ex PP. Nam Victor Antiochenus in *Catena Gr.* apud Possevinum p. 125. ait: *Adhibitam unctionem olei Marcus memorat, cui consentaneæ Jacobus in Catholica scribit: Infirmatur &c. Significat olei unctio misericordiam a Deo, morbi curationem, & illuminationem cordis; ergo tam Marcus, quam Jacobus eandem unctionem commemorant. Theophylactus in Marc. p. 218. edit. Morell. ait: Quod unxerint oleo Apostoli solus Marcus narrat, quod & Jacobus in Catholica Epistola dicit. Eadem ferme verba habet Enthymius in Marc. Œcumenius in ep. Jac. ad ea verba: Ungentes oleo, ait: Hoc etiam faciebant Apostoli vivente Christo, ungentes egros oleo & sanantes. Alii PP. his non opponuntur: interpretes enim, qui Marci locum exponunt de unctione ad solos morbos corporis leniendos, nullum PP. textum laudarunt, & si quis posset produci, idem de Sacramento unctionis dici posset, quod etiam corporis morbos depellit. Aliunde illi, quos laudavimus, aperte docent Apostolos, vivente Christo,*

idem

idem fecisse, quod ait Jacobus, & utroque agnoscunt mysticum signum, & gratiam; ergo &c.

Prob. III. ratione. Cum veteres Scholastici Hugo Victor. Magister, S. Bonaventura &c. docerent, hoc Sacramentum, non a Christo immediate, sed mediate per Apostolos fuisse institutum, Petrus Theologus Parisien. præceptor Innoc. III. & Senonen. Archiep. in Qq. Mss. de Unct. extr. resellunt, quod dicunt aliqui, quod a Jacobo hæc unctio habuit initium; ait: *Manifeste convincitur per textum Marci, quia ab Apostolis antea fiebat.* Et Scotus in 4. Sent. dist. 2. q. 1. ait: *Lacet, Jacobus, promulgaverit illud Sacramentum, est melius dicere, quod fuerit institutum a Christo.* Legimus enim Marc. 6. quod *Apostoli ungebant infirmos, & sanabantur: constat quod hoc non fecerunt, nisi in virtute Christi, qui instituerat illam unctionem.* D. Thomas in 4. dist. 23. q. 1. art. 1. ait: *De olei unctione mentionem fieri Marc. 6. Ubi asserit quidem S. D. non adeo expresse in Evangelio haberi hujus Sacramenti institutionem, ut Baptismi, & Eucharistiæ, sed posse inferri ex unctione, de qua Marc. 6. quod falsum esset, si ibi non supponeretur institutum extremæ unctionis mysterium.* Jo. Baconus in 4. dist. 23. art. 1. ait: *A Christo institutum Marci 6. ubi Christus misit discipulos, & ungebant &c. Postmodum Jacobus promulgavit, dicens: Infirmatur; ergo &c.*

IV. Tandem in unctione, de qua Marc. 6. adsunt omnia necessaria ad Sacramentum constituendum. Et I. unctionis ritum, non suo sensu, sed præceptoris instituto fecisse, Apostoli, putandi sunt, ut ait Concilium Senonen. decr. 10. ubi de ea unctione, de Marci testimonio, & de hoc Sacramento expresse tractatur. II. Materia proxima, & remota exprimitur his verbis: *Ungetes oleo*, III. De forma non est hæsitandum, eamque postea Jacobus explanavit. Inverisimile est enim presbyteros sine ulla prece ægros anxisse. IV. unctionem illam ad spiritalem effectum fuisse institutam evincitur ex Catechismo Rom. p. 2. c. 6. ubi legitur, *Unctionem, de qua Marc. 6. non ab Apostolis inventam, sed a Domino præceptam, non naturali virtute præditam, sed mystica potius ad sanandos animos, quam ad corpora curanda, institutam fuisse credendum est.* Reaple, ut ait Maldonatus in Evang. gratia sanitatum non unctioni, aut alteri materiæ alligatur, nec solis Apostolis, aut presbyteris, ut c. præcedenti dictum est, sed eam spiritus dividit prout vult. Sed Marc. 6. ejusdem ritus frequens usus, & æternus effectus exprimitur; ergo donum præstantius, & sanitas spiritalis illis verbis exprimitur. Ut enim ait Conc. Colon. apud Vanroy p. 289. *Næque Christus Dominus discipulos suos chirurgas fecit, sed Apostolos, qui nagerent*



gerent agrotos oleo, non medicinali, sed mystico, quamvis Jacobus formam administrationis clarius exprefferit.

Ob. I. Trid. dehñit hoc Sacramentum esse apud Marcum *insinuat*, sed ita dicitur, ut intelligatur fuisse *adumbratum*, & *delineatum*, non *institutum* & *determinatum*; ergo &c. Confirmatur: cum enim Suavis in Hist. Trid. scripsisset, a PP. Tridentinis in decreto substitutum esse *τὸ insinuat* pro, *institutum*, de mendacio revincitur a Pallav. l. 12. ex testimonio Ravestein, & Fedrii Trid. Conc. Theologorum, qui affirmaverant, hoc Sacramentum apud Marcum non *institutum* esse, sed *adumbratum*; ergo &c.

R. ad I. neg. ant. Licet enim Concilium congregatum fuerit ad hæreses extirpandas, non ad definienda scholarum dissidia, ut sæpe ait Pallavicinus; tamen ex Latini sermonis proprietate, quam ubique servat Trid. Syn. verbo *insinuare*, quod idem sonat ac *primum introducere*, & *velut in sinum immittere*, ex Thesauro lingue Lat. tom. 2. hoc voluisse significare: *Quod apud Marcum inductum dicitur, atque institutum, Jacobus promulgavit, & explicavit.* Ad Confirm. R. utroque vocabulo nostram confirmari sententiam, per *τὸ institutum*, ut notum est, per *τὸ insinuat*, ut nuper expositum est.

Ob. II. Marc. 6. agi de sola gratia sanitatum Apostolis collata initio prædicationis evincitur ex Matth. 10. & Luc. 9. II. Tunc Apostoli nondum erant sacerdotes, a quibus tantum extrema unctio potest administrari; ergo &c. III. Apostoli ungebant agros omnes, non solos decumbentes, quibus unctio Sacram. impenditur. IV. Nec ea unctio solos baptizatos, sed omnes sanabat; ergo &c.

R. ad I. neg. ant. Neque enim unctionem ipsam Matthæus, nec Lucas commemorant. Cum unctione autem Sacramentali traditam Apostolis gratiam sanationum a nemine controvertitur. Ad II. R. Maldonatus: *Miror quosdam tam levi conjectura a vera communique sententia diffidere. Potuit enim qui legem tulit pro suo arbitrio lege uti. Nam & ut soli sacerdotes baptizent, præceptum est Christi, qui solos iussit Apostolos baptizare; legimus tamen Apostolos, antequam sacerdotes facti essent, baptizasse.*

Ad III. & IV. R. idem Maldonatus: *Qua ratione docent, Apostolos, aut nondum baptizatos, aut omnis generis agrotos unxisse sine ullo discriminine, cum nullo id scripture exemplo probare possint, & nos exemplis possimus probare contrarium? Nam certe Petrus claudum non unxit, quem ad portam Templi curavit. Vide Auctorem, qui hanc responsionem illustrat.*

Prob.

. Prob. II. pars. I. enim interpretes, ac Theologi cl. aliter sentiunt. Et revera, si nuda verba inspiciantur, nil aliud ibi occurrit, præter unctionem olei, & sanitatem ægrotis restitutam: cetera vero, quæ addita sunt, non sunt invictissima. II. PP. laudati soli traditionem universalem nequeunt efficere, & quidam ex illis, non de omnimoda, sed de aliquali similitudine inter unctionem utramque accipi possunt. Rationes denique adversariorum, cum sint obviæ & planissimæ, nec dialecticæ indigeant artificio, sua vi non carent; ergo &c.

## C A P U T III.

*De institutione Sacramenti extreme unctionis.*

CUM Hæretici præfacte negent hoc Sacramentum, licet agnoscant Apostolicam ægros ungendi consuetudinem, vigente curationum gratia, illius tamen institutionem fictitiam putant. Quidam catholici, ut Hugo Victorinus, Magister Alensis, S. Bonaventura &c. hanc institutionem Apostolis ascribere, non quidem propria, sed Christi auctoritate ac potestate: unde ab hæreticis toto cælo recedunt, qui eam unctionem humanum commentum putant, neque ullo modo a Christo institutum. Alii Theologi etiam vetustiores, Petrus Parisiensis, Albertus M. S. Thomas, noster Argentinas, Thomas Valdensis, alique docent, eam a Christo *immediate* institutam, quibus innumeri recentiores accedunt. Sit itaque

PROPOSITIO. Hoc Sacramentum a Christo fuit institutum, ac probabilius *immediate*, & antequam in cælum ascenderet.

Prob. I. pars. Constat enim ex Scripturis, ex PP. & Conciliis c. 8. l. 30. ab Auctore productis, Christum esse omnium Sacramentorum novæ legis institutorem, atqui ex c. 1. hujus libri unctio ista est Sacramentum novæ legis; ergo &c. II. Solus Deus vetera Sacramenta instituit, licet egena & vacua; ergo a fortiori debuit pleniora instituere. III. Vim effectricem gratiæ, qua pollet hæc unctio, elemento sensibili tribuere creature facultatem excedit: ergo a solo Deo hanc vim habet. IV. Si Christus hoc Sacramentum non instituit; ergo Jacobus instituit: sed is tantum promulgavit, nec proprio nomine: unde primæ institutionis nulla ibi fit mentio; ergo &c. V. Si Jacobus hoc Sacramentum instituit, id non fuit sine Spir. S. inspiratione, sed hæc neque peculiaris fuit, cum Jacobo factam esse non constet, nec communis Apostolia, alius ipsi etiam instruisset; ergo &c. VI. Trid. sess. 14. c. 1. definit: esse vere Sacramentum a Christo institutum; ergo &c.

Prob.

Prob. II. pars. Institutor enim proprie est, qui primus est auctor; Ecclesiæ autem non est a Deo facta potestas immutandi essentiam Sacramentorum, sed ritus, & ceremonias: unde probant Becanus, Bellarminus, Gonet, Vasquez &c. post Tridentinum salva fide negari non posse, Christum *immediate* Sacramenta instituisse. Alii tamen Theologi cl. quos laudat Auctor tom. 6. p. 90. id negant ad fidem spectare, & ideo additum est *ro probabilius*.

Prob. III. pars. Cum enim Jacobus non sit hujus Sacramenti institutor, a Christo debuit institui, cum adhuc in terris versaretur, quando autem, incertum est. Cui placet hanc institutionem *insinuari* tacite apud Marcum, asserere potest a Christo institutum: *Quando Apostolos misit ad predicandum*, ex Sacerdotali Romano p. 107. Tunc enim eos *docuit ungere infirmos* Marc. 6. Cui hæc sententia non placet, asserere poterit institutum intra illud spatium quadraginta dierum, quibus Christus præbuit se ipsum vivum, & in quo, ut ait S. Leo, *magna sunt revelata mysteria*; & simul cum poenitentia, cuius extrema unctio est complementum, fuisse præscriptum, ut docent Origenes, Chrysostomus, & Ven. Beda.

Opp. Hæretici: non conveniunt catholici circa hujus Sacramenti institutionem, ac tempus; ergo nequit certa fide hoc Sacramentum propugnari. R. neg. ant. quoad 1. part. Nunquam enim Ecclesiæ dubitavit de veritate atque institutione divina hujusce Sacramenti, erantque inaudita vocabula *mediate*, vel *immediate* institutionis, sed illud esse Sacramentum ad nos divina & Apostolica traditione derivatum, & de quo extat præceptum *Evangelicum*, & *Apostolicum* PP. docuere. Si hæc fateantur Novatores, finita lis est. Nam quæ de *immediate* vel *mediate* institutione dicuntur, salva fide agitantur in scholis: Vide auctorem.

#### C A P U T IV.

##### *De materia Sacramenti extreme unctionis.*

Consentiunt catholici, hujus Sacramenti materiam esse oleum ab episcopo consecratum; licet hæretici id damnent tamquam *magicam superstitionem*. An vero hæc consecratio sit de *necessitate Sacramenti*, non conveniunt Theologi. Negant Juenin, Natalis Alex. alique &c. Affirmant Soto, Bellarminus, Sylvius, Estius, Gotti. Imò ipsam benedictionem quidam negant a Romano Pontifice simplici sacerdoti committi posse, ut Soto, Estius, Sylvius, & Suarez. Alii, quibus subscribunt Vanroy, Piette, alique, id affirmant.

mant. Agemus ergo hoc loco I. de oleo hujus Sacramenti materia, II. de ejus benedictione.

PROPOSITIO I. Oleum ex olivis expressum, & ab episcopo consecratum est hujus Sacramenti materia.

Prob. I. ex ep. Jac. c. 5. ubi habetur: *Ungetes eum oleo* &c. II. Ex Florent. Syn. in Decr. Instr. Arm. ubi legitur: *Cujus materia est oleum olivæ per episcopum benedictum*. Et ex Trid. sess. 14. c. 1. ubi statuitur, ejus *materiam esse oleum ab episcopo benedictum*. Item Innoc. I. ait, ungi infirmos *sancto oleo ab episcopo confecto*. Beda, *oleo consecrato*. III. accedit ratio. Cum enim Sacramentorum materia habeat cum spiritali effectu quamdam similitudinem: *Aptissimo*, ait Catech. Rom. p. 2. c. 6. *hæc materia illud significat, quod vi Sacramenti interius in anima efficitur*, quod explicat ex olei proprietatibus apud Bern. in 1. Cant. *Oleum enim, quod fovet ignem, nutrit carnem, lenit dolorem* &c. mentis hilaritatem; cordis firmitudinem, ac spiritus & corporis sanitatem designat. Vide Rupertum in Gen. 8. v. 2. Oleum Infirmorum debere esse olivarum constat ex praxi Ecclesiæ, quæ *oleum olivæ* (quod etiam Eugenius IV. in Instr. Arm. commemorat) semper adhibuit. Hinc episcopus feria 5. maj. hebdomadæ orat: *Emitte quæsumus pinguedinem olivæ* &c. Unde non debet balsamo permisceri, cujus neque in Euchologis, nec alibi mentio fit. Nec obstat chrismatis nomen, quodque eodem oleo uncti dicantur sacerdotes, & reges, nam chrisma nomen genericum est, sacerdotes autem & reges apud Latinos oleo catechumenorum absque balsami admixtione consecrantur.

PROPOSITIO II. Frustra Calvinus olei benedictionem irridet.

Prob. I. enim negari potest, quod. in 4. Inst. c. 19. confidenter pronunciat Calvinus, nempe: *Jacobum non aliam unctionem significare, quam vulgaris olei*, ibi enim habetur: *Ungetes eum oleo in nomine Domini*, sed hæc verba referri possunt ad actionem presbyteri ungentis, ut sensus sit, esse ungendum infirmum, nomine & virtute Christi, & ad proximam dictionem: *Oleo*, ut sensus sit, unctionem faciendam oleo consecrato cum invocatione divini nominis, ut quidam exponunt; ergo &c.

II. Hæc benedictio extat in vetustiss. Pontificalibus, in Anglicano annorum mille, in Lirinen. 700. ann. in Remen. & Senonen. 600. ann. Extat in Sacramentario Gregorii apud Menard. in Euchol. Græcorum edito a Goario, ubi p. 408. habetur: *Officium sacri olei*. Hujus benedictionem Ambrosianam laudat Lindanus. Benedictionem, quam in cæna Domini agebat

hujus

hujus olei S. Uldaricus, profert Mabillon sæc. V. Ben. p. 444. III. Idem exprimunt Græci, ac Latini PP. cum ajunt ægros ungendos *oleo divino, oleo per episcopum confecto, oleo benedictione consecrato*. IV. Hæretici has benedictiones improbant, eo quod ad Christi meritum obscurandum sint institutæ; atqui Christus has benedictiones sæpe adhibuit, & præsertim in ultima cœna, eæque fiunt signo crucis, ut vim earum Christo acceptam referamus: ergo &c.

PROPOSITIO III. Potest simplex sacerdos oleum infirmorum conficere in Latina Ecclesia auctoritate Apostolica, non jure ordinario.

Prob. I. Constat enim ex l. 32. c. 5. quibusdam missionariis concessum esse a Rom. Pontifice, ut chrisma conficerent; ergo multo magis iisdem concedi potest, ut oleum pro infirmis benedicant. Nam chrisma conficere ex Conciliorum canonibus ibi laudatis peculiare est munus episcopi. II. Græci presbyteri oleum infirmorum benedicunt ex Arcudio, Allatio &c. Unde Julius Antonius Card. in ep. ad episc. Messanen. de iis ait: *juxta suum ritum presbyteri oleum ipsi benedicunt*, Theodorus Cantuarien. in Capitular. ms. apud Martene ait: *Secundum Græcos, presbytero licet facere oleum exorcizatum, & infirmis chrisma, si necesse est*. Rhodinus in Synopsi ait: *Materia est oleum benedictum a Pontifice, sive a sacerdotibus, juxta morem Ecclesie*. Clem. VIII. Const. 34. statuit, non esse cogendos presbyteros Græcos *olea sancta, præter chrisma, ab episcopis diœcesanis accipere, cum hujusmodi olea ab eis ex veteri ritu conficiantur*. Idem confirmavit Bened. XIV. ann. 1742. Id vero jure ordinario Latinis non competere, constat ex consuetudine, & ex monumentis supra productis.

PROPOSITIO IV. Incertum est tamen, an. validum sit Sacramentum per oleum non consecratum.

Prob. I. Licet enim recentiores Theologi contrariam sententiam adoptarint, eo quod neque ex scripturis, neque ex traditione possit ostendi, hanc benedictionem esse conditionem huic Sacramento essentiali, sed eam tantum ex Ecclesiæ præcepto esse necessariam; alii tamen numero, & auctoritate gravissimi docent cum D. Thoma in 4. dist. 23. & q. 29. Suppl. hoc discrimen intercedere inter aquam baptismi, & oleum infirmorum, quod in aqua necessaria non est sanctificatio, quam illi indidit Christus suæ carnis contactu; est tamen in oleo, quod ex Christi usu efficaciam non habet; atque D. Thomas non loquitur de sola necessitate præcepti, quæ extat etiam in aquæ baptismalis benedictione; ergo loquitur de necessitate essentiali. II. S. D. 3. p. q. 72. art. 3. idem tradit de chrismate, ac de oleo infirmorum, sed de

chrismate quaerit : *Utrum sit de necessitate Sacramenti ( non præcepti ) utrum chrisma fuerit prius per episcopum consecratum ?* ergo &c.

III. PP. & Concilia, dum hujus Sacramenti materiam assignant, & expresse *oleum ab episcopo consecratum* commemorant, quam consecrationem non memorant, dum baptismi materiam tradunt; ergo &c. Hinc tamen non sequitur, quod Sylvius, Estius, & Suarez contendunt, ineptam esse materiam *oleum*, a presbytero consecratum. Nam Gonet disp. 1. n. 24. ait : *Sufficere quod sit ab episcopo benedictum mediate, idest per sacerdotem ex ipsius commissione*. IV. In Synodo Mediolanen. ann. 1579. statuitur, ut *Parochus, si per errorem aliud oleum, quam quod infirmorum est, adhibuerit, etiamsi chrismate, aut catechumenorum sit, ut erratum emendet, unctionem olei sacri, quod proprium infirmorum est, eidem adhibeat, & tunc Sacramenti formam iteret ( 1 )*. Cum ergo ex dictis dubia sit opinio adversariorum, nostra autem auctoritati, & rationi nitatur, graviter peccat, qui oleo non sacro, vel alio ab oleo infirmorum, extremam unctionem conferret, quia in collatione Sacramentorum probabilem opinionem sequeretur, tutiore relicta, quod est illicitum ex propositione I. ab Innocentio XI. proscripta. Recte ergo præcipitur in Rituali Romano, ut hoc oleum distincta ampulla custodiat, & si desit, oleum commune ei superinfundatur, ut totum ex ea mixtione consecrari queat, juxta rescriptum Innoc. III. ad Nidrosiensem episcopum.

## C A P U T V.

*De ægotantium unctione, seu de proxima hujus Sacramenti materia.*

CUM Scholastici, sive veteres, sive recentiores non satis accurate peregerint de hoc argumento; ideo sequentes propositiones subjicimus.

PROPOSITIO I. Varia fuit olim ea de re disciplina Ecclesiae, recte tamen Romana septem unctiones præscribit.

Prob. I. pars ex variis Ritualibus apud Martene, Launojum, & Menardum, ubi, præter oculos, nares, os, manus, pe-

---

( 1 ) Idem statuitur in Const. firmorum adhibitum sit; puta Synod. Auxim. ann. 1593. de chrismatis, vel catechumenorum, unctio, cum oleo infirmorum iteretur, & forma repetatur.

*pedes*, ac *venes*, ut fit in Ecclesia Romana, constat unxisse nonnullos *collum*, *guttur*, & *scapulas*, ex Cod. Sacramentalis S. Eligii, ex Remensi &c. apud Morinum. In vetustissimo Ms. Cameracensi memorantur unctiones *verticis*, *frontis*, *genarum*, *temporum*, ac *pectoris*. Plura Ritualia etiam *umbilici*, præsertim in foeminis, & illius *corporis* partis, quæ acrius dolet, unctionem continent. Vetustiss. liber Sacramentalis apud Launojum unicam *unctionem capitis* commemorat. Ap. Græcos *frontem*, *faciem*, ac *manus* liniiri ait Simeon Theff. in lib. de septem Sacr. Arcudius autem l. 5. Concord. *frontem*, *genas*, *pectus*, *manus*, *pedes*. Cophti solam *frontem* ex Sollerio liniunt.

Prob. II. pars. I. Septem unctiones præscribit vetustissimum Pont. R. & omnes rituales libri quinque sensuum organa inungi jubent, scapulas autem pauci, iique sunt emendati. II. Romano ritui consentiunt Ritualia Ecclesiæ Lingonen. Cabilonen. Rotomag. Lemovicen. Mediol. aliaque innumera. III. unctionem quinque sensuum probat D. Th. q. 32. Suppl. quia illi sunt *principia peccandi*. Idem docet Eug. IV. in Instr. Armen. & Catech. Rom.

PROPOSITIO II. Recte omittitur in foeminis unctio renum, & in sacerdotibus manus unguuntur exterius.

Prob. I. pars. Hæc enim unctio in pluribus Ritualibus desideratur, & ex D. Thoma necessaria non est, cum prior noxii motus origo sit a sensibus. II. Consulendum est etiam in Sacramentis conferendis honestati, unde nec in *umbilico* inungendæ sunt mulieres, de qua unctione, licet agant Ritualia Bajanensis, Abricen. Constantien. & Claromonten. Ecclesiæ, non extat tamen in libris Sacram. Rom. Ecclesiæ, neque in Instr. Eugen. IV. Permultæ etiam, ut Constantiensis, & Parisiens. eam expunxere: maxime cum in umbilico non sit radix noxiæ cupiditatis, Prob. II. pars. Ex Cod. S. Remigii apud Launojum.

II. Ex praxi & Ritualibus Latinarum Ecclesiarum Carnotensis, Remen. Ambianen. Melden. Lingonen. Lugdunen. &c. III. Congruum non est, ut presbyteri, qui S. chrismate in vola sunt delibuti, ibi rursus a simplici sacerdote inungantur, ut habetur in vetusto Carmine Anonymi apud Martene: *Presbyteri palmas, non intus, sed foris ungas*.

Quæres: an necessaria sit unctio illius partis, quæ magis dolet? R. negative. Licet enim hæc unctio extet in Pontificali Rom. in pluribus Ritualibus, & in Instr. Armen. Græci tamen eam non adhibent, & in nulla Ecclesia post Florentinum obtinuit. II. Probabile est, eam non esse unctionem Sacram. sed ad leniendam acerbitem doloris. III. Hæc unctio aduersatur vetustissimæ Romanæ Ecclesiæ consuetudini,

& quodammodo favet hæreticis autumantibus, extr. Unctionem esse institutam ad leniendos corporis cruciatus; ergo rejicienda est.

PROPOSITIO III. Ad essentiam Sacramenti sufficit unica unctio, & aliz septem ad unum Sacramentum referuntur.

Prob. I. pars. I. Enim neque ex scripturis, neque ex traditione certus unctionum numerus erui potest. Jacobus enim de unctionis numero, aut loco non loquitur: disciplina vero Ecclesiæ ex Prop. I. plurimum variat, & ex iis septem, quæ nunc servantur, unctio renum, & pedum, salva Sacramenti substantia, potest omitti. II. Dici potest, septem unctiones ad variabilem disciplinam spectare, non secus ac trina ablutio in baptismo. III. Græci non inungunt oculos, quos *principes ad fallendum in sensibus* vocat S. P. A. in Confess. IV. Non opus est, ut repetitis unctionibus, & formulis exprimentur singuli effectus hujus Sacramenti: nec quinque sensuum unctioni aptari posse videtur verus illa forma, quam S. Bonaventura Ambrosianam appellat: *Ungo te in nomine Patris &c. ut more militis uncti aereas possis superare potestates*.

V. Nil obstat, quominus urgente necessitate sub unica unctione hæc formula proferatur: *Per istam S. unctionem indulgeat tibi Deus quidquid dereliquisti per quinque sensus tuos, & cogitationes*, quam in extremo periculo adhiberi mandat Pastorale Bartolomæi ab Aula a Theologis Lovanien. approbatum, teste Sylvio, qui rem diligentissime investigavit, cum id quidam in dubium verteret. Vide Sylv. in Suppl. q. 32. art. 6. q. 2. Idem statuit Pastorale Meclinien. Manualia Cameracen. & Atrebaten. Ecclesiæ apud Sylv. necnon Octavius Fregipanius, qui in Director. Eccl. disc. ait: *In inungendo contagioso morbo laborante sufficere, si inungatur sensus organum magis oppositum dicendo: Per istam S. unctionem ... indulgeat tibi Deus quidquid deliquisti per visum, auditum &c.* Eadem habent Molanus, & Becanus, Serarius, Maldon. &c.

Ob. I. S. Thomas q. 32. Suppl. ait: *Illæ unctio, quæ fit ad quinque sensus, ab omnibus observatur, quasi de necessitate Sacramenti*. II. Florentina Synodus has unctiones præscribit. III. id maxime congruit, ut p. 2. Prop. I. dictum est; ergo &c. R. Recte S. Thomam addidisse particulam *quasi*, ut ostenderet eas unctiones non esse omittendas, cum omnes Sacramenti rationem habeant, si omnes ac singulæ divisim fiant. An vero, si unctio unica adhibeatur, persistat essentia Sacramenti, nec S. Thomas, nec veteres scholastici inquirunt. Adde, S. D. ibi docere, etiam iis, quibus manus, aut aures forent abscessisse, inungendas partes propinquiores, sed, si sen-  
suum



*suam organa*, ut arguit Serarius, *neccessario ungenda essent*, *vicaria ista unctio nulla foret*; ergo &c.

Ad II. R. Florentinam Synodum ibi præscribere etiam unctiorem *perulum* & *renum*, quam non spectare ad essentiam fatentur omnes; licet ergo Ecclesiæ consuetudo a Florent. Syn. præscripta servari debeat, & jure emendati sint Rituales libri eam non tradentes, non omnia tamen in iis contenta eandem habent essentiae necessitatem. Ad III. neg. conf. Non enim omne quod congruit, est de essentia Sacramentorum, alias trina immersio in baptismo esset de ejus essentia. Prob. II. pars. Licet enim quævis unctio suam habeat formam, referuntur tamen unctioes istæ ad eandem animæ sanationem, sicut una diceretur curatio, si quis eodem unguento in pluribus corporis partibus liniretur. Idem probat Catechismus Rom. exemplo *domus, quæ ex multis partibus composita est, sed una tantum forma perficitur*; ergo &c.

Quæres: an unctio hæc pollice fieri debeat, & an id fiat ex Sacramenti necessitate? R. quoad I. partem affirmative. Id enim jubent veteres Rituales libri, Sacerdotale Rom. Sacramentale Ambrosii, Manuale Salisburgense &c.. Unde episcopus detractis chirothecis presbyteros pollice consecrat, confirmandosque: Dominus etiam digito tetigit aures surdi, linguam muti, & oculos cæci nati Marc. 7. & Jo. 9. ergo &c. Quoad II. partem R. negative. Nam Manuale Cameracen. p. 87. ait, unctiorem illam, *intincta virgula in oleum sacrum*, fieri posse. Et Pastorale Rom. Jo. Hauchini Archiep. Meclinien. p. 88. ait: *Pollicem, vel virgulam intingat*. Salisburgense *spatulam mundam* pro peste laborantibus indicit; ergo &c.

## CAPUT VI.

*De forma Sacramenti extreme unctionis.*

NOT. I. De hac forma plurimum inter se scholastici dissident. D. Thomas negat eam esse posse *indicativi modi*: unde Thomistæ complures orationem esse de hujus Sacramenti substantia ex S. D. arbitrantur. Idem sentit D. Bonaventura, Scotistæ, ac Nostrates apud Gavardi. Pugnant tamen pro forma *indicativa* Morinus, Launojus, Menardus, Martene, qui tantam copiam indicativæ formulæ ex vet. Ritualibus produxerunt, ut facile in suam sententiam traxerint recentiores Theologos Juenin, Tournelyum, Le-Droint: licet non desint ex veteribus Albertus M. Paludanus, Richardus, Estius, Becanus, Navarrus ab Auctore laudati, qui eam probaverunt.

Nor. II. Inter alias ineptias, quibus Novatores hoc Sacramentum oppugnant, ajunt etiam de adhibita a Latinis verborum forma nullum extare vestigium in Evangelica historia. Sit itaque

PROPOSITIO I. In Sacramento extremæ unctionis aliqua verborum forma est adhibenda.

Prob. I. ex ep. Jacobi, in qua per illa verba: *Oratio fidei salvabit infirmum*, injungitur forma indicativa, ut docet ibi Synodus Trid. Vide c. 1. in prob. Prop. I. & in R. ad Obj. 5. II. PP. quos ibi prop. II. laudavimus, non solum unctionem ægrotantium, sed etiam orationem inungentium presbyterorum commendant; ergo &c. III. Euchologia Græcorum, & Latinorum libri Pontificales ritum ungendi præscribunt semper cum certa precum & verborum forma. IV. Idem probat usus universalis Ecclesiæ, qui, cum sit vetustissimus, nonnisi e traditione Apostolica agnoscitur derivatus, ut cit. l. 1. dictum est; ergo &c.

PROPOSITIO II. Sententia docens olim adhibitam formam *indicativi modi*, nulla censura est inurenda, nec improbanda est.

Prob. I. enim hanc sententiam propugnant Theologi cl. supra laudati, ex quibus miratur Martene, potuisse sententiam, quæ tantum probat *formam deprecatoriam*, tanto plausu excipi a Scholæ Theologis. Menardus vero profert theses *formam indicativi modi* non improbant in Universitate Parisien. habitas. II. Albertus M. & Bonaventura in dist. l. 4. hanc formam describunt in Ambros. Ecclesiâ obtinentem: *Ungo te oleo sanctificato in nomine Patris &c. ut more militis uncti aereas possis superare potestates*. III. *Indicativam formam* exhibent vetera Ritualia Halitgarîi apud Arcud. l. 5. Concord. c. 5. ann. 820. Corbejen. ann. 986. & liber vetustiss. Sacramentorum Vaticanæ Bibl. ubi Menardus ait extare hanc formulam: *Inungo te oleo S. sicut unxit Samuel, David &c.* IV. Innumera Mss. cum hac formula profert Launojus. Ex editis vero eam exhibet liber Sacramentorum Greg. Manuale Corbej. Vienn. Sueffionen. Meten. Virdunen. Atrebaten. Lugdunen. ubi hæ formulæ leguntur: *Ungo oculos tuos, ungo aures, nares, labia. Inungo te de oleo S. eandem formam habet Sacramentale Venetum, quod probatum dicitur a Leone X. Hinc Jo. Echius hom. 54. de Sacram. ait, formam indicativam, quam Ambrosianam S. Bonaventura, & Paludanus appellant, sufficere ad Sacramentum perficiendum; licet utraque forma, nempe *indicativa*, & *deprecativa*, prudenter soleat conjungi in nonnullis Ecclesiis.*

V. Inter eas formulas est tantum discrimen accidentale, atqui ex c. 12. l. 30. Sacramentum non irritatur ex accidentaria

teria mutatione verborum ; ergo &c. VI. In sententia cl. Theologorum valet baptismus *forma deprecativa* collatus , qualis creditur a quibusdam forma Græcorum ; sicut ergo pro forma *indicativi* modi posset auctoritate Ecclesiæ usurpari forma optativi , ita pro hac posset illa substitui , quam tot rituales libri præscribunt .

PROPOSITIO III. Aptior tamen videtur forma deprecativa , qua nunc utitur Ecclesia Latina .

Prob. I. Ex ep. Jacobi c. 5. *Infirmatur quis in vobis ? inducat presbyteros Ecclesiæ ; & orent super eum , ungentes eum &c.* ubi unctio materiæ , oratio vero formæ rationem habent , ut ait Trid. sess. 14. c. 1. *Quibus verbis docet materiam , formam , proprium ministrum . Intellexit enim Ecclesia materiam esse oleum ab episcopo benedictum , formam esse illa verba : Per istam unctionem &c.* ergo &c. II. Eadem statuit Conc. Florentinum , & Catechismus Rom. III. Eandem probat praxis Ecclesiæ Rom. ex Rituali Rom. & Ambrosiano , ex vetustissimo Pontificali Laudunen. Ecclesiæ , ex Sacerdotali Rom. &c. IV. Adde Euchologia Græcorum , quæ habent : *Pater sancte sana servum tuum hunc ab illa corporis & animæ infirmitate .* Vide Arcudium l. 5. Conc. pag. 393.

V. Qui validam putant formam indicativam , laudat etiam deprecativam , cum ex adverso , qui hanc tuentur , illam aut invalidam , aut dubiam putant ; ergo dubiæ formæ , ubi agitur de Sacramentis , certa est præferenda . VI. Accedit ratio duplex D. Thom. I. Quia instituta est forma hujus Sacramenti ad modum precum , quarum vi est juvandus infirmus , qui ex vi morbi nequit exercere actus virtutum , qui fieri solent ad fructum Sacramenti percipiendi . II. Quia , cum plurimi ægrotantium de hac vita sint migraturi , Deo in tam arduo discrimine sunt commendandi . III. Illud semper magis opportunum censei debet , quod ab Ecclesia usurpatur , unde Trid. PP. c. 3. sess. 14. ei dixerunt anathema , qui asserit : *Extremæ unctionis ritum , & usum repugnare sententiæ B. Jacobi ; ideoque eum mutandum , posseque absque peccato contemni .*

Quæres I. An Trid Synodus laud. verbis omnino rejecerit formam *indicativam* ? R. Negative : I. enim , ut sæpè dictum est , ad controversias fidei stabiliendas , non ad Scholarum opiniones dirimendas S. Synodus coacta est . II. Quia libri Martene , Menardi &c. qui pro illa forma pugnant , inoffenso pede leguntur . III. Non definit Concilium determinatam formam commendans , eam non posse nunc enunciative , nunc optative elterri : neque improbat Orientalium formulas , licet a Latinis discrepent in modo , & syntaxi orationis : dummodo conveniant in substantiali significatione :

ut de forma baptismi alibi dictum est. Quare mutato ritu, prece, & forma indicativa in optativam eadem remanet formæ substantia, & veritas Sacramenti, sed nefas est a ritu, forma, ac doctrina ab Ecclesia præscripta recedere.

Quæres II. An effectum Sacramentalem utraque forma æque exprimat? R. Affirmative, si utraque ab ea, quam Christus instituit, ac tradiderunt Apostoli, non sit substantialiter diversa. Deinde affirmamus, per formam indicativam: *Ungo te*, significari actionem mysticam, & externam, cujus efficacia producitur salutaris effectus, per formam vero modi optativi: *Per istam S. unctionem &c.* ostenditur, salutarem effectum attendi a Deo gratiarum auctore, sed per sacram unctionem, & signum sensibile, quod ex Christi institutione perficitur, non autem per solam orationem: adeoque in utraque forma eundem sensum reperiri.

Quæres III. An valida sit forma Græcorum, in qua nullimode exprimitur unctionis actus. R. Affirmative. Licet enim nonnulli Theologi necessariam esse dixerint hujusmodi actus expressionem, id tamen non est asserendum de omnibus Sacramentis, sed attendenda est Christi institutio & voluntas, ex scripturis, traditionibus, aut ex Ecclesiæ definitionibus manifestata, unde valida est forma, qua Græci utuntur in Sacramento confirmationis: *Signaculum Spiritus S.* ubi actio ministri nullimode exprimitur. Adde, Latinam Ecclesiam hanc Græcorum formam numquam improbasse: unde Benedictus XIV. formam in Euchologiis descriptam non emendavit in *Const. Etsi Pastoralis*. Tandem precantur Græci, ut ægrotis conferatur corporis & animæ salus: *Unctione olei & sacerdotum*; ergo non deest actionis expressio.

Quæres IV. An differentia inter formam indicativam, & optativam possit componi, ut scholarum dissidia circa sufficientiam utriusque tollantur. R. iniri posse hanc concordiam rationem, quam profert cl. Auctor. Ut in eadem forma *indicativa: Ungo te &c.* quam *Ambrosianam* vocant, inveniatur aliquid *absolutæ* orationis, & aliquid *deprecatorie*. Nam hæc verba: *Ungo te* sunt modi indicativi, & respondent aliis; *Per istam sanctam unctionem*, reliqua: *Ut more militis &c.* sive: *Ut quidquid deliquisti*, continent deprecationem, non fecus ac illa: *Indulgeat tibi Deus &c.* Huic conciliationi non repugnant Thomistæ. Nam Gonet contendit etiam formam illam: *Ungo te &c.* esse deprecatoriam, propterea quod in illis verbis: *Ut more militis &c.* intelligitur deprecatio, ac si dicatur: *Ut Dei ope suscultus valeas &c.* Idem sentit Ludovicus Habert.

Quæres V. Cur hæc forma dicatur a Jacobo: *Oratio fidei?*

R. I.

§. I. cum Estio. Quia a fide profecta est, & fidei subnir-  
tur, saltem Ecclesiæ, cujus fides numquam deficiet. Vid.  
Cap. I. Prop. I. ad Obj. 5. Qua ratione etiam forma indica-  
tivi modi dici potest: *Oratio fidei*, ut forma Baptismi: *Ver-  
bum fidei* dicitur ab Augustino. Forma autem deprecatoria:  
*Oratio fidei* dicitur, quia Deum non invocant, qui in eum  
non credunt, ex Rom. 10. II. Quia pro solis fidelibus sacra-  
menta sunt instituta, excepto baptismate, cujus vi Ecclesiæ  
inferimur. III. Quia magnam excitat in ægrotis divinæ mi-  
sericordiæ fiduciam, qua credunt, sibi e vita migraturis Deum  
propitium fore, ut ait Trident. sess. 14. c. 2.

## DISSERTATIO II.

*De Ministro, ac subiecto Sacramenti extremæ  
Unctionis.*

CUM ex Jacobi Epistola constet, ægrotos a presbyteris ef-  
se inungendos, querendum hoc loco, quinam sit pro-  
prius hujus Sacramenti minister? An senior ætate, vel digni-  
tate? An episcopus, vel simplex sacerdos? An unus, vel  
plures? Quinam vero sit ejus subiectum? An omnibus indi-  
criminatim, an aliquibus tantum sit conferendum? Cui bo-  
no, quove ritu administrandum? Singula distinctis capitibus  
expendemus.

## CAPUT I.

*De vero ac proprio ministro extremæ Unctionis.*

VARIAS hoc loco complectimur tum dogmaticas, cum a-  
diaphoras controversias, quibus expeditis nullam arbi-  
tror de ministro hujus sacramenti superesse difficultatem. Sit  
ergo

PROPOSITIO I. Ministri extremæ Unctionis non sunt senio-  
res ætate, sed sacerdotes.

Spektat ad fidem ex Trid. c. 3. sess. 14. ubi expresse definita  
est hæc propositio. Itaque prob. I. Ex Jacobi epistola habetur:  
*Inducat presbyteros &c.* sed ubi agitur de Ecclesiæ ministeriis  
nomen presbyterorum accipitur pro sacerdotibus Act. 14. & 15.  
ad Tim. 1. c. 5. ad Tit. 1. Petr. 1. c. 5. & initio 2. & 3. Jo.  
ergo &c. II. Jacobus non ait *presbyteros* tantum, sed *presby-  
teros Ecclesiæ*, hoc est qui Ecclesiæ, non communitati præ-  
sunt: quod Grotius aperte significari ait Syriaca versione.

III. Jacobus presbyteros vocari jubet, ut orent, ut ungant:  
*In no-*

*In nomine Domini*, ut eorum ministerio tribuatur peccatorum remissio, sed ad hæc impertinens est senilis ætas; ergo &c. IV. Patres omnes ea verba accipiunt de sacerdotibus, ex propositione II. cap. 1. ergo &c. V. Ex usu perpetuo Ecclesiæ & ex Ritualibus libris constat, non ab aliis, quam a sacerdotibus hoc sacramentum fuisse collatum. VI. Accedit ratio: Nulla enim administratio, baptismo excepto, laico convenit. Deinde ex Trid. sess. 14. hoc sacramentum est *pœnitentiæ consummativum*; ergo & ipsam ad solos sacerdotes spectat.

Opp. Hæretici: I. Hoc nomen *Presbyteri* significat provectiorem ætatem. II. Innocentius epist. ad Decent. ait, oleo sancto ab episcopo confecto, *non solum sacerdotibus, sed omnibus Christianis uti licet in sua, aut suorum necessitate in unguendo*; III. Bedas in c. 5. ep. cath. monet infirmos; *Ut seniorum adjutoria curari se meminerint, neque ad juniores causam suæ imbecillitatis deferant*; ergo &c. IV. Constat etiam S. Anachoretas, & SS. Virgines oleum ad ægros misisse, & eos curasse; ergo &c.

— R. ad I. neg. aut. Vide prob. I. & infra c. 8. & 11. l. 36. Ad II. R. I. Soto, aliique, ea verba non esse accipienda de unctione *Sacramentali*, sed de alia ad corporis sanitatem adhibita pio animi affectu, qua certe Ægyptii monachi, & S. Genovesa, ex D. Thoma q. 31. suppl. usi sunt. Sed melius R. II. cum Bellarmino, Jansenio, Estio, Sylvio, aliisque, participium illud: *Inungendo*, non activa significatione usurpatum, sed passiva: ut sensus sit, non sacerdotes tantum, sed fideles omnes unguendos esse, cum infirmantur. Quod contra Launojum, qui hanc responsionem carpit in Bellarmino, his momentis ostenditur.

I. enim docet Innocentius ibidem, ne dum *a presbyteris*, sed etiam *ab episcopis* hoc sacramentum posse conferri, cum nemo ambigat, id episcopis licere, quod presbyteris commissum est; atqui incredibile est potuisse Decentium dubitare, an fas esset episcopo illud ministerium exercere, quod ab omnibus etiam laicis promiscue adimpletur: & Innoc. si credidisset etiam laicos esse hujus Sacr. ministros, non fuisse responsurum, unctionem ægri, ne dum episcopis, sed etiam presbyteris, laicisque competere.

II. Innocentius participium, *ungendo*, absolute posuit; in hac autem syntaxi habet, ut plurimum, passivam significationem, ut illud Virgillii Geor. 3. *Uritque videndo fœmina*, id est, *cum videtur*. III. unctio, quæ pie agitur extra Sacramentum, non fit eo ab episcopo solemniter benedicto; ergo de sacramentali loquitur Innoc. Ad III. neg. conf. Beda enim verba illa Jacobi 5. *Infirmatur* &c. exponit de *infirmante*, vel *corpo*—

*corpore, vel fide: nec solum de unctione extrema, sed etiam de poenitentia, ob verba illa: Confitemini invicem &c. recte ergo monet, ne quis ad juniores minusve doctos causas deferat sue imbecillitatis, sed ad seniores, & prudentiores, quorum adjutorio curari queat: at infra subdit Beda: Ecclesiae consuetudo tenet, ut infirmi oleo consecrato ungantur a presbyteris, & oratione comitante sanentur; ergo &c. Ad IV. Vide &c. I. & c. 1. præc. diff. ad 4.*

Inst. Launojus: Thomas Valdensis verba Beda ita accipit; ut absente sacerdote quilibet fidelis inungere queat, non secus ac in extrema necessitate liceat Christianæ vetula baptizare; ergo &c. Nec dicas cum Soto, aut Bellarmino, Valdensis opinionem ab omnibus refelli, ea enim & a Martino V. dicitur ab omnibus commendata, & ex Aug. firmatur, qui agrotum monet, ut corpus Christi accipiat, corpus suum ungat, juxta illud: Infirmatur &c. ergo &c.

&c. neg. conf. Fallitur enim Valdensis; & ab eo jure recedendum ait Bellarminus & Soto, ut patet ex dictis. Ad confirm. &c. A Martino V. laudatur Valdensis volumen, ex quo Wiclefistas, & Hussitas egregie confutaverit, licet in eo, ut fit in hoc loco, inserat non recte libratas opiniones. Potest etiam Valdensis intelligi de unctione ceremoniali; non sacramentali: quo sensu quidam exponunt verba Innocentii, sicut etiam nonnulli opinantur in mortis articulo, si desit sacerdos, confessionem laicis esse factam, non utique sacramentalem. Producta verba non sunt Augustini; deprompta enim sunt ex l. de Restitut. cath. conversat. qui Aug. abjudicatur: Quidam tamen legendum putant: Ungatur, ut habent, ait Estius, codices emendatiores. Unde in edit. Maur. legitur: Oleum benedictum fideliter petat, unde corpus suum ungat. Ubi ungere idem est ac unctionem petere, sic enim ungere monetur corpus, ut Eucharistiam accipere; habet enim: Accipiat, ungat, sed hanc a ministro monetur accipere; ergo & illam.

PROPOSITIO II. Possunt episcopi hoc Sacramentum ministrare, & ad eos spectat, uti ad parochos, aliosque presbyteros.

Prob. I. pars. Ex Innocent. I. ep. ad Decen. c. 8. ubi ait: Superfluum esse, ut de episcopo ambigatur, quod presbyteris licere non dubium est. Eadem habet cân. 72. Conc. Vorm. apud Ivonem p. 2. c. 75. & in Decr. dist. 93. c. 3. Idem probatur testimoniis Theophylacti, Œcumenii, Bedæ &c. qui ajunt, hoc Sacramentum Apostolos ministrasse. II. Adde historica exempla Caroli M. S. Ferdinandi Regis, Mathildis &c. qui ab episcopis inuncti sunt. III. Apostolorum ævo episcopi dicebantur presbyteri, ut lib. seq. ostendemus: unde

S. Pro-

S. Prosper in Carm. ait Pelagii hæresim, *prudenciam mille fecum*, idest episcoporum, damnassee.

Prob. II. pars. Ad parochos enim spectat Sacramenta fidelibus ministrare. Simples autem sacerdotes *valide* ministrant, sed, ut *licite* id faciant, jurisdictione opus habent. Nam in Clementina de Privil. l. 5. c. 1. *Religiosi*, qui id audent, *non habita parochialis presbyteri licentia*, excommunicationi subjiciuntur. Eidem poenæ regulares subjici, si ægros inungant absente paroco, censet Navarrus, sed oppositum docet Soto, Nugnus, Sylvius, Gonet, Alex. Tournely, Pietre: quod constat ex scopo illius Clementinæ. Nam ea edita est ad cohibendam licentiam eorum, qui invaderent jura parochorum, quibus in casu necessitatis nulla fit injuria. Addit Tournely, in Conc. 5. Mediolanen. statutum esse, ut instante mortis periculo, *hoc Sacramentum sacerdos alius minister*; ergo &c.

PROPOSITIO III. Diaconus non est hujus Sacramenti minister, neque ejus ministerium aliquando ei commissum est.

Prob. ex I. Prop. ubi ex scripturis, ex Trid. ex traditione & usu Ecclesiæ ostendimus, solos presbyteros esse ejus ministros. II. Diaconi, nec ratione ætatis, nec ratione sacerdotii *presbyteri*, quos tamen *induci* jubet Jacobus; ergo &c. III. Cum diaconi se se presbyteris æquiparare ausi sunt, ex canon 18. Synodi Arelaten. I. ex can. 18. Nicæn. &c. repressi sunt; atqui nunquam tentarunt diaconi ministerium hujusce Sacramenti sibi assumere tam expresse presbyteris demandatum; ergo &c. IV. Hæc est communis theologorum sententia; ergo &c. V. Ex libro de Eccl. Hierarchia Diacono competit solum: vis purgativa, hoc est fideles disponere ad digne Sacramenta suscipienda, non autem illuminativa per gratiæ Sacramentalis collationem, excepto baptisate; ergo &c.

Opp. Launojus. Cyprianus epist. 12. ait, posse urgente exitu *exomologesim* fieri apud diaconum: quod Latomus lib. de poenit. ann. 1550. scribit accipiendum de confessione peccati. Idem probat ex can. 32. Elib. ex Gelasio, ex Pontificali Roman. aliisque monumentis, quos laudat cl. Auctor hoc loco. Ex quibus constat, posse diaconum ægroti confessionem excipere, viaticum dare, & consequenter S. unctione delinire; ergo &c.

R. dist. ant. Et loca illa de reconciliatione *canonica* accipi debent, conc. de *Sacramentali*, neg. Vid. cap. 4. lib. præced. Alias nimis probaret Launoji argumentum: probaret enim posse diaconos urgente necessitate confessiones Sacram. excipere, & absolvere, quod est hæreticum. Sed, etsi possent confessiones excipere ob summam Sacramenti poenitentiae necessita-



cessitatem, non possent tamen ægrotos inungere; cum id non sit tantæ necessitatis. Interim nota: in nullo ex productis a Launojo testimoniis de extrema unctione mentionem fieri, sed omnia de Viatico agunt, & de communione, quam a diacono dispensari posse non diffitemur. Latomus autem in ea fuit sententia, quæ tenet; defectu sacerdotis confitendum aliis ad humilitatem, & contritionem excitandam. Nam Latomus ibidem ex Cypriano solis sacerdotibus absolvendi facultatem concedit.

PROPOSITIO IV. Licet plures aliquando presbyteri ægrotos inunxerint, potest tamen licite, & valide ab uno tantum extrema unctio conferri.

Prob. I. pars. Orientales enim ad hoc septem adhibent presbyteros, duosque saltem, vel ternos, ut fit in episcopi ordinatione, ex Simeone Thessal. requirunt. Vide Arcudium, Allatium, Goarium &c. II. S. Thomas c. 37. contra Gent. id congruum esse ait, ut oratio totius Ecclesiæ ad effectum Sacramenti coadjuvet. III. Idem monet S. Carolus in Conc. Mediol. IV. p. 2. cap. 6. Non desunt tamen exempla, ut S. Eugendi, S. Mauræ, aliorumque, quibus solus presbyter hoc Sacramentum contulit: ut constet, nullo modo repugnare id ab uno tantum presbytero fieri. Itaque

Prob. II. pars. Non enim id repugnat Jacobi verbis: *Inducat presbyteros Ecclesiæ*; sæpe enim in sacris literis per enallagem ponitur pluralis numerus pro singulari. Nam Matth. 27. legitur: *Latrones improperabant ei*, cum ex Luc. 23. v. 39. habeatur: *Unus de his, qui pendebant, latromibus*. Et Lucas ib. v. 36. memorat *milites acetum offerentes*, licet id uni tantum militi tribuat Matth. c. 27. Quid? quod ipse Glassius de solo Herode accipit illud Matth. 2. *Desuncti sunt enim, qui querebant animum pueri*? Et Grotius de solo Daniele illud Hebr. 11. *Obtulerunt ora leonum*? Quid obstat ergo, quominus per enallagen ita explicemus laud. Jacobi locum? Ita sane explicat Estius, confirmatque phrasi Augustini, qui serm. 33. de Divers. nunc 324. scribit mulierem tulisse filium suum a B. Stephano suscitatum ad *presbyteros baptizandum*, nempe ad aliquem presbyterorum.

Deinde Jacobus, nedum orationem, sed etiam unctionem presbyteris tribuit dicens: *Ungentes eum oleo*: sed hæretici non putant necessariam unctionem plurium sacerdotum; ergo &c. Tandem multitudo presbyterorum, de qua Jacobus, non necessitatem, sed solemnitatem importat hujusce Sacramenti. Sicut enim S. Cyprianus ep. 33. ait, Aurelium ordinatum fuisse a se, & a collegis, qui presentes aderant, licet unus episcopus ordinaret; ita recte a Jacobo inducuntur presbyteri

byteri *ungentes oleo*, licet unus inungeret. Neque id opponitur PP. traditioni, aut S. Canonibus; nullus enim ex PP. docuit, hoc Sacramentum irritum esse, si ab uno presbytero administraretur. Quoad canones vero plures extant, ex epist. S. Innocentii, ex Pœnitentiali Theodori Cantuarien. &c. unde colligitur, ab episcopo, qui unus est in quavis diœcesi, posse ægros inungi.

Idem affirmant de uno sacerdote canones ab Aelfrico, & Lanfranco collecti, nec non Rituale Rom. & vetustissima Pontificalia, in quibus præscribitur, ut unus sacerdos inferioribus clericis comitatus procedat ad inungendum ægrotum. Talis est codex Dominicanorum Parisien. *Baptismale* Viennen. Manuale Laudunen. Catalaunen. Ambian. Atrebaten. &c. merito ergo hanc sententiam nostram definit Alex. III. c. *Quæsit* dicens: *Sacerdos uno presente clerico. & etiam solus, potest infirmum ungere.* Et Benedictus XIV. in Const. *Etsi Pastoralis* ait: *Nec refert, utrum extrema unctio per unum, vel per plures presbyteros fiat*; ergo &c. Nec obstat ratio theologica: nulla enim firmiter ratio produci potest, quam quæ ex productis monumentis depromitur. In his autem, quæ ad ritus solemnitatem spectant; sicut debet quisque sequi ritum, quem probat Ecclesia, ita levis arbitrio tolli, ac mutari potest. Deinde sacerdos sacramenta ministrans Christi vicem gerit, sed is una persona est; ergo rationi congruit, ut minister sit unus.

PROPOSITIO V. Idem sacerdos inungens infirmos debet verba formæ proferre.

Prob. Ut enim ait Sylvius art. 2. q. 31. Suppl. Si plures ita ministrent, ut uno ungente alter proferat formam, nihil fit: quia, dum materia proxima Sacramenti est actio ministri, ut ablutio, unctio &c. illa debet ab eo determinari per formam. Si vero unus unam unctionem faciat cum sua forma, & alius aliam cum propria forma, Sacramentum subsistat: quod in Eucharistia posset accidere, dum consecrato per unum panem, alius vinum consecraret priore sacerdote moriente: ut ait S. Thom. 3. p. q. 83. art. 6. Idem confirmatur ex laud. Benedicti XIV. Const. ubi habetur: *Qui ungit dicat formam respondentem, nec alius ungat, & alius formam pronunciet*: ut infra dicemus lib. 36.

Dices: Ritus huiusmodi extat in codice Rodradi libri Sacramentorum Gregor. M. ex Menardo; atqui percipi nequit quomodo is ritus in vetustissimis Pontificalibus libris irrepserit, nisi id Ecclesiæ praxi subnixum esset; ergo &c. R. neg. min. In codicibus enim melioris notæ libri Sacram. ut patet ex editione Mlaurina tom. 3. pag. 253. habetur unum sacerdotem,

tem, dum ungit, pronuntiare illam formam: *Inungo te &c.* Deinde pag. 237. legitur: *Multi enim sacerdotes perungunt infirmum in quinque sensibus corporis*, ibique nulla Sacramentalis forma describitur. Sed monentur sacerdotes, ut crucem faciant de oleo S. dicentes tantum: *In nomine Patris &c.* Hinc patet I. juxta hunc librum unctionem factam ab uno sacerdote cum forma; *Inungo te &c.* esse Sacramentalem, utpote cum forma simul & materia peractam: aliam vero a pluribus fuisse aliquando absque forma Sacramentali peractam, & tunc fuit simplex ceremonia, aliquando cum forma peculiari, cuique unctioni respondente, tunc vero quælibet unctio fuit Sacramentalis. Constat II. in codice Rodradi, ubi describitur forma & unctio facienda a sacerdotibus, qui formam non proferunt, describi unctionem postremam ceremoniam tantum. III. Præferendum omnibus ritum ab Ecclesia Latina probatum, ubi idem sacerdos ungendo formam profert.

## CAPUT II.

*De subjecto, sive de suscipiente Sacramentum extreme Unctionis.*

Conveniunt theologi hoc Sacramentum non esse conferendum sanis, pueris, non baptizatis, impenitentibus, excommunicatis, navigantibus, præliantibus, & supplicio damnatis. Cum tamen Dallæus etiam infantibus extremam unctionem datam esse contendat, idque ad morbi curationem tantummodo, Græci autem etiam sanis conferant; his refellendis sit

PROPOSITIO. Infirmis tantum, iisque adultis, extrema unctio conferri debet.

Prob. I. pars. Ex Jac. ep. *Infirmatur quis in vobis &c.* ubi tria notanda sunt: I. quod Jacobus, postquam ait: *Tristatur quis in vobis &c.* & huic animi morbo remedium attulit dicendo: *Oret &c.* etiam infirmitati corporis remedium tulit dicens: *Infirmatur &c.* ergo de ægris tantum, non de sanis hic locus accipi debet. II. Græca vox ἀσθενεί, quæ extat in Græco de gravi morbo accipitur Matt. 10. Marc. 6. Philipp. 2. ut notat Grotius; eaque enunciat de filio Capharnaitæ, & de Lazaro, qui gravissima detinebantur infirmitate; ergo &c. III. Idem evincitur ex verbis sequentibus: *Oratio fidei salvabit infirmum*, Græce καὶ σωθήσεται; quæ vox significat deficientem, & graviore morbo laborantem, ut notum est; ergo &c.

Prob. II. ex definitionibus Ecclesiæ. Nam Eugenius IV. In Instr. Arm. ait: *Hoc Sacramentum, nisi infirmo, de cuius morte time-*

*timeatur, dari non debet.* Trident. sess. 14. ait, Christum eo Sacramento *finem vite presidio munivisse.* Innocent. I. epist. ad Decentium ait, Jacobi verba *de fidelibus ægrotantibus* accipienda. Aquilgranen. Concil. ungendos docet fideles: *Cum infirmitate depressi fuerint.* Idem statuunt Aelfricus, David Nanneten. Capitularia Caroli M. Pœnitentiale Theodori, Synodus Lemovicen. & Ritualia Orientalis, & Occident. Ecclesiæ. Lingonenſe monet liniendum ægrum: *Quando graviter infirmatur.* Viennen. habet: *Hoc Sacramentum datur solis infirmis, adultis, & pœnitentibus, qui sunt in periculo mortis.* Idem statuit Rituale Rom. & alia omnia edita posterioribus temporibus.

Prob. III. Exemplis plurimis ex Hist. Eccles. S. Eugendi Abbatis Jurenſis, Remberti Archiep. Remen. Hereberti Colonien. episcopi &c. Qui omnes paulo ante mortem S. Unctione sunt delibuti. Idem legitur de S. Leone IX. de B. Bernardo Abb. Tironen. de S. Malachia, & Philippo Francorum Rege, de quo cecinit Guilelmus Brito Armoricus: *Cumque oleo sancto, quasi jam moriturus inunctus &c.* Prob. IV. ex auctoritate Orientalium. In Euchologio Græc. utramque formam pro ægrotis institutam esse satis constat. II. Calecas apud Arcud. l. 5. Conc. ait: *Eucheleon esse spiritalis curationis sigillum: Quoniam infirmitate decumbentibus adhiberi illud oportet.* Job Monachus ait: *In extremis respirationibus administrari debet Eucheleon.* Jo. Nathanael: *In ultima hora conceditur.* Gabriel Philadelphus, ait institutum *pro illis, qui in infirmitate decumbunt.* Vide Arcud. p. 303.

Prob. II. pars. Adultis enim tantummodo, convenire possunt formæ recensitæ, non parvulis, qui nec sensuum illecebris indulgere, nec ope Dei indigent ad repellendas dæmonum insidias: & licet sanitatis corporalis sint capaces, hæc tamen non est Sacramentorum præcipuus effectus. Hinc Ritualia supra laudata vetant liniiri Sacramentali unctione puerulos: idem de amentibus dicendum est, nisi per intervalla habeant rationis usum.

Ob. I. Maldonatus de Sacram. tom. 2. pag. 215. ait, Scholasticos negantes pueris hoc Sacramentum, errare. Quod probat 1. ex quo apud veteres hæc unctio omnibus indiscriminatum jussa sit. 2. ex testimonio Nicolai Cusani. 3. exemplo Eucharistiæ, quæ infantibus conferebatur; ergo &c. &c. Maldonatum propriis verbis revinci; nam q. 1. p. 211. probat hanc formam: *Indulgeat &c.* & remissionem peccatorum esse ait hujus Sacramenti effectum præcipuum, atqui in parvulis indulgentia, ac remissio peccatorum locum non habet; ergo &c. Ad I. prob. neg. ant. Id enim repugnat Jacobi Epistolæ,

Con-

Conciliorum statutis, & Ecclesiæ praxi. Ad II. R. Cusanus, qui infantes olim inunctos ait, ævo tamen suo eos inungi negat: vel forte asseruit Cusanus, non secus ac Maldonatus, infantes olim inunctos *absque forma sacramentali*. Ad III. neg. conf. Possunt enim infantes recipere argumentum gratiæ per Eucharistiam, non possunt autem per extremam unctionem recipere remissionem peccatorum, quæ non habent.

Ob. II. Græci etiam valentibus unctionem hanc conferunt; ergo &c. R. neg. conf. Hanc enim consuetudinem ut sacris Literis, & Græcis Scriptoribus oppositam Arcudius insectatur ob momenta supra producta: eamque turpis lucri gratia, & quorundam audacia inductam esse scribit. Non desunt tamen qui putant falli Arcudium, & unctionem illam censent non esse Sacramentalem (1); nam forma illa Græcorum: *Pater Sancte &c.* licet nostra amplior, exprimit tamen animi, & corporis sanitatem, nec patitur ambiguum sensum, qui subest formæ Sacramenti Confirmationis, quæ est ista: *Signaculum Spiritus Sancti*. Vide tom. VII. pag. 130.

## C A P U T III.

*De variis effectibus, quos in subiecto; seu suscipiente producit Extrema Unctio.*

**P**lures effectus hujusce Sacramenti enumerat Trid. Sess. 14. cap. 2. Præcipui autem sunt peccatorum remissio, animi alleviatio, & corporeæ sanitatis, si expedit, restitutio. Ac prior effectus aperte evincitur ex verbis Jacobi: *Si in peccatis est, remittentur ei*, & ex can. 2. Trid. *Si quis dixerit, sacram unctionem non remittere peccata; anathema sit*. III. Ex Patribus, nec non ex forma, ac ritu hujus unctionis, in qua exprimitur hæc peccatorum remissio.

Querunt tamen Scholastici, an hæc remissio sit hujus Sacramenti effectus primarius, an secundarius? Thomistæ cum D. Th. q. 30. suppl. a. 1. censent, præcipuum ejus effectum esse infirmum contra mortis pericula corroborare, secundarium vero peccata residua sive venialia, sive mortalia delere. S. Bonaventura, Scotus, alique tenent, venialia peccata hoc Sacramento per se primo deleri, & inde consequi animi alleviationem. Sit itaque

Tom. IV.

B b

PRO-

(1) In hanc sententiam descendit etiam Goarius, nec non Benedictus XIV. qui hujus opinionem probare visus est l. 7. de Synodo Dioces. c. 10.

PROPOSITIO I. Non desunt momenta, quibus ostenditur, remissionem peccatorum esse primum extremæ unctionis effectum.

Prob. I. ex momentis supra productis ex Jac. epist. ex Trid. ex Patribus, atque ex forma, ac ritu hujus Sacramenti, ex quibus constat, illius vi præcipue peccata deleri. I. quia effectus hujusmodi priori loco a Tridentino recensentur. II. ex Catechismo Romano n. 14. primo loco recensetur gratia, *quæ peccata leviora remittit*. III. Sacramentum hoc est spiritualis sanatio; ergo debet vi sua delere peccata venialia, non lethalia. Vide S. Bonaventuram, Scotum, Alensem ab Auctore laudatos, &c.

PROPOSITIO II. Plura sunt etiam momenta, quibus Thomistarum sententia defendi potest.

Prob. I. enim Jacobus prius gratiam commemorat, quæ infirmum sanat & alleviat, postea remissionem peccati, & quidem conditionate nempe: *Si in peccatis sit*. II. Nullum Sacramentum videtur per se institutum ad delenda venialia, cum hæc pluribus aliis remediis possint expiari. III. Si hæc remissio esset effectus princeps hujus Sacramenti, etiam sanis cum Græcis conferri posset IV. Omnia peccata actualia per poenitentiam delentur; ergo frustra hoc esset institutum. Ex utriusque sententiæ momentis inferitur, peccata, quæ unctione extrema per se diluuntur, non lethalia esse, sed venialia: cum hoc Sacramentum sit institutum, non ad conferendam primam gratiam, sed ad gratiæ augmentum & ad mortis pericula superanda. Ut enim ait Catechismus Romanus: *Exiales culpa poenitentia Sacramento tolluntur: neque hoc Sacramentum primario ad graviorum criminum remissionem institutum est, sed Baptismus tantum, & Poenitentia vi sua hoc efficiunt*. Ex quibus constat, quam sit infirmum illud argumentum, quod peccata venialia possint sine Sacramento expiari, non enim extra Sacramentum delentur vi alicujus signi ethici, sed per modum impetrationis, ob Ecclesiæ præces, & devotionem fidelium, ut fit aqua lustrali.

Adde, per hoc Sacramentum gratiam conferri contra demonum insidias, & impetus. Remissioni peccatorum affine est peccati reliquias abstergere, languorem nempe, qui peccatorum multiplicitate contrahitur, quæ concupiscentiæ vulnus, ac mentis cæcitas augetur. Accedit timor mortis, quæ ne quis opprimatur, sacra unctione *alleviari* debet; non ergo tollitur hujus vi sacramenti ægrotudo corporis, sed animi: atque hunc Sacramentalem effectum unctio, seu *materia proxima*, & ejus *forma* producit, ut dictum est. Alter effectus, qui verbo *alleviabit* continetur, est animi confirmatio, hujusque

jusque excitatio ex magna fiducia in Dei misericordiam. Ablato enim languore, & tristitia, qua infirmus afficiebatur ex peccati turpitudine, & poenarum formidine, exhilaratur expectans adventum Domini; nec adeo adgitur memoria scelerum præteritorum.

Ex his patet, quinam sit primarius sacre unctionis effectus. Certum est enim, hoc Sacramentum esse institutum ad expellendam animæ lassitudinem, & ad sanandos *contritos* cordes. Manifestum est etiam, infirmitatem illam, & torporem spiritus plurimorum, leviorumque criminum inhaesione induci, & fovei. Certum est etiam, in quavis curatione prius causas morbi tollendas esse; ideoque spiritali unctione sanandos ægrotos, ut extrema valeant superare pericula. Hi ergo effectus, si attendantur singuli in suo ordine, primarii sunt omnes. Sanatio enim est id, cujus gratia hoc Sacramentum fuit institutum, & hoc sensu subscribendum est D. Thomæ In eadem sanatione debet prius tolli infirmitatis origo, & ita prius abstergantur peccatorum reliquæ, ut ait S. Bonaventura. Relate ad finem gratia corroborans est etiam effectus primus. Hac via facile objecta superius posita solvuntur, potestremus effectus est sanitas corporis, si hæc tamen animæ sit profutura, ut ait Tridentinum.

Quæres, cur non semper ægrotus sanctæ unctionis vi convalescat, cum tamen semper gratiam consequatur, nisi adsit opex?

¶ Quia Sacramenta instituta præsertim sunt propter spiritalem animæ utilitatem, & consequenter sanatio corporis est *secundarius* effectus, qui non vi olei nativa, sed sacramenti efficacia producitur: non tamen *absolute*, sed si animæ saluti expediat: ut docet S. Thomas loc. cit. *Quia ratio operans nunquam inducit secundarium effectum, nisi secundum quod expedit ad principalem. Ideo ex hoc sacramento non semper sequitur corporalis sanatio, sed quando expedit ad spiritalem. Hinc refelluntur Novatores, qui ajunt ægrotum nunquam moriturum, si sacra unctio sit sanitatis signum efficax.*

#### C A P U T IV.

*De variis questionibus ad hoc Sacramentum spectantibus.*

**Q**Uæri solet imprimis: An hoc sacramentum sit necessarium necessitate præcepti? (quippe necessitatem mediæ negant omnes). Quidam affirmant, eo quod verba Jacobi: *Inducat &c.* videantur importare mandatum; unde Tridentina

Synodus eos damnat, qui docent: *Hanc unctionem, vel signamentum esse humanum, vel ritum a Patribus acceptum, nec mandatum Dei &c.* Et Synodus Cabillonensis, can. 48. ait: *secundum B. Jacobi documentum infirmos ungi debere.* Ita sentiunt De Cocq, Habert, Le-Droint, & Tournelyus. Negant tamen Suarez, Toletus, Estius, Sylvius, alique sequentibus duelli momentis.

I. Innocentius I. ep. ad Decent. ait: *Ægrotos oleo sancto perungi posse, eoquē uti licere, non autem debere, aut id necessarium esse.* II. Trid. ait: *Hoc Sacramentum fidelibus commendatum, & promulgatum.* Addit: *Tanti Sacramenti contemptum absque ingenti scelere esse non posse;* quibus verbis damnantur contemptores, non vero ii, qui illud non suscipiunt.

III. Hæc denique videtur expressa D. Th. sententia. Hi ergo ajunt, eo sensu sacram unctionem præcipi, & mandari a Jacobo, quatenus est a Christo instituta, & præceptum est non contemni. In hac controversia quatuor certissima sunt. I. Sacrilegium esse hujus Sacramenti contemptum, ex laud. Trid. verbis, & ex Const. Martini V. an. 1418. qua statuitur, ut suspecti de hæresi interrogentur: *Utrum credant, quod Christianus contemnens suspensionem extremæ unctionis peccet mortaliter.* II. Parochus teneri sedulo curare, ne quis absque hoc Sacramento decedat ex Syn. Lingonen. Mediolanen. ex Catech. Rom. &c. III. Ægrotos illos, qui confiteri nequeunt peccata, teneri ad hoc Sacramentum suscipiendum, eo quod delect per se venialia, & per accidens etiam mortalia; ita D. Thom. in 4. dist. 23. q. 1. art. 2. Tenetur enim quisque in extremo periculo opportuna remedia adhibere. IV. Tandem ad illud teneri ægrotos illos, qui crebris tentationibus, & præsertim in fide tentantur.

Quæres II. An peste grassante parochi teneantur cum propria vitæ discrimine infirmis extremam unctionem administrare? Negant Sylvius, Suarez, Possévinus, Diana, alique ex quo Sacramentum hoc non sit absolutæ necessitatis, ut est poenitentia. Alii vero affirmant, ob discrimen, quod interest, ex Aug. ep. ad Honoratum 180, nunc 228, inter pastorem & mercenarium, qui videns lûbum relicto grege aufugit, non item bonus pastor. Tum etiam ex quo parochi ex justitia Sacramenta ministrare teneantur, nec salva æquitate deserere possint in extremo periculo infirmos suæ curæ commissos: ut enim ait Nicolaus I. cap. *Sciscitaris* 7. q. 1. *Si perniciosum est prophetam in tranquillitate navim deferere, quanto magis in fluctibus.* Ex quibus eruitur.

I. Nullo modo permittendum esse, ut parochi infirmos deferant, quoties illorum præsentiam exigit istorum salus spiritalis.



ritalis, nec defunt alii ministri, qui conferant Sacramenta : ut patet ex momentis secundæ sententiæ. II. Parochos omnino teneri ad inungendos ægros, qui peste correnti peccata sua confiteri non valent, ex præced. Prop. ubi ostendimus eo in casu S. unctionem delere lethalia, & patet ex Syn. Namurcen. ann. 1639. *Qui autem peste afflatus non est confessus, nec potest confiteri, pastor teneatur extremam unctionem cum periculo vite dare.*

III. Teneri parochum hanc unctionem peste laborantibus conferre, si periculum non sit evidens, secus si sit inevitabile, ut docent Theologi clariss. apud Sylvium. IV. Tandem debere parochos animadvertere, sibi nefas esse in quovis casu denegare extremam unctionem infirmis si eam petant, aut ex negatione scandalum oriatur: cum non appareat evidens periculum, si providentiæ sese committant, pharmacis salutiferis se muniant, infirmosque virgula, non pollice inungant.

Quæres III. Quo tempore hoc Sacramentum sit administrandum? R. cum Catechismo Rom. n. 9. *Gravissimi peccant, qui illud tempus egroti inungendi observare solent, cum jam omni salutis spe amissa, vita & sensibus curere incipiat.* Idem tradunt Concil. Burdigalen. Remen. Bituricen. & I. Mediolanen. (1) apud Natal. Alex. Ubi nota, male se gerere medicorum complures, qui ne ægotantes tristitia afficiant, etiam in magno vitæ discrimine sanitatem illis promittunt, cum teneantur dare operam, ut morituri disponant domui suæ, nedum terrenæ, & corruptibili, sed etiam spiritali & æternæ.

Quæres IV. An unctio extrema præmittenda sit, an postponenda viatico? R. I. Sacram unctionem olim præmissam fuisse viatico ex cap. *Ab infirmis* 21. qu. 7. ubi legitur: *Sacra unctione inuncti, secundum statuta SS. PP. communionem Viatici reficiantur.* Idem eruitur ex l. 7. Capitular. Caroli M. & ex Concil. Aquisgranen. &c. Accedunt exempla Ramberti Bremen. ep. Guillelmi Arch. Bituricen. S. Malachiz, aliorumque apud Launojum, qui ante communionem S. oleo peruncti sunt. Quod confirmatur ex veteribus Ritualibus Constantiens. Rotomagen. Andegaven. &c. in quibus ordo inungen- di infirmos ordinem administrandi Viaticum præcedit. Ex constitutionibus etiam veterum monachorum Cluniacensium, Cisterciens. &c. ab Auctore laudatis constat unctionem viatico fuisse præmissam.

B b 3

R. II.

(1) His consentit Synodus Auxim. ann. 1593. de Extr. Unct. c. 1.

R. II. Hanc consuetudinem non fuisse universalem, ut constet ex vetustissimo MS. Pontificalis Rom. quod extat Florentiae in Bibl. S. Crucis, ubi, teste Mabillonio, Viaticum praemittitur unctioni infirmorum, idem evincitur ex consuetudine Romanae Ecclesiae. Tandem ex Serm. S. Caesarii, ubi legitur: *Corpus Christi ille qui aegrotat accipiat, & inde corpusculum unget*. Et ex Capitularibus Isaac Lingonen. & Herardi Turonen. Viaticum unctioni praenotitur.

R. III. Non violare Ecclesiasticam disciplinam, qui humiliter unctionem peteret ante Eucharistiam, ut a peccatorum reliquiis purgatus eam majori dispositione susceperet: etenim legitur in Rituali Parisiensi: *Si infirmus prius petat Sacramentum Eucharistiae, quam extremam unctionem, sibi prius confessione facta ministretur*. Idipsum probat Van-Elpen exemplis Lupi, & Fervaquesii, quos vocat *Augustiniane familiae non exigua ornamenta*, qui sane oleo inungi ante viaticum perierunt, & obrinuerunt.

R. IV. Communiter tamen servanda est consuetudo, quae unctione extremae praemittit viaticum. I. Quia congruum est vigentem Ecclesiae disciplinam servare. II. quia, ut illa, ita etiam ista, momentis suis innixa est, quae proferat Bellarminus l. 2. de Arte bene moriendi: quorum illud praecipuum est, quod nempe veteres Sacramenta omnia concludebant, & quasi consignabant Sacramento corporis Christi: unde etiam nunc baptizati, adulti, ordinati, & matrimonio iuncti statim communionem Euchar. rescipiunt. At nostro aevō ordo invertitur, quia saepe contingit, ut infirmi rationis usum amittant, vel aliunde reddantur inhabiles ad Eucharistiam.

Quaerens V. An extrema unctio possit iterari? R. I. Nonnulli, fuisse olim opinionem Goffridi Abbatis, semel tantum fas esse sacro oleo aegros delinire, eo quod nec publica poenitentia, cuius species quaedam est ext. unctio, nec confirmatio repetatur; sed utraque ratio inutilis est. Licet enim poenitentia publica non iteraretur, iteratur tamen peccatorum confessio, quae in publica poenitentia Sacramenti rationem habet. Confirmatio autem non iteratur, quia imprimi characterem: quod non praestat sacra unctio, quae instituta est in remedium, subsidiumque aegrotantium.

R. II. alii: posse quidem iterari unctionem, non tamen intra spatium unius anni, ut habetur in veteri Carm. MS. Ecclesiae Turonensis: *Non bis ungetur in anno*. Veram nec sententia haec firma fuit, nam juxta Pontificale S. Prudentii, qui floruit IX. saeculo, imo juxta librum Sacram. Gregorii in eadem infirmitate repetebatur unctio infirmorum, & Viaticum. Nec valide rationi subnixae est: nam ex Jacobo inungendi sunt fideles,

fideles, quotiescunque infirmantur; si ergo iterum infirmantur, iterum sunt iungendi.

R. Itaque III. Infirmos, si post susceptam unctionem convalescerint, iterum hoc Sacramento juvandos esse, ut docet Trident. c. 3. & confirmatur ratione, cum extrema unctio instituta sit in subsidium infirmorum, & sit spiritalis curatio, quæ proinde morbis spiritalibus redeuntibus iteratur. Quod non fit in eadem infirmitate, quia per se sufficit ad ea incommoda vitanda, quæ attert præsens infirmitas, dummodo hæc non sit nimis diuturna, & infirmus rursus incidat in vitæ discrimen (1): tunc enim accidit nova quædam infirmitas, & ægrotus patitur *recidivam*, ut ait S. Thomas q. 33. art. 2.

Quæres VI. Quenam dispositiones in suscipientibus extremam unctionem requirantur. R. Cum extrema unctio sit Sacramentum exeuntium, & poenitentiae consummativam, in eo præmittendam Sacramentalem confessionem: & si hæc non possit committi, saltem vehementem contritionem, cum spe melioris & incommutabilis vitæ, fide constanti, aliarumque virtutum exercitatione, & maxima in tam efficaci Sacramento reverentia.

## C A P U T V.

### *De ritibus Sacramenti extreme unctionis.*

**D**um infirmi sacro oleo liniuntur, septem psalmos recitandos esse præscribunt Ritualia recentiora, consuetudines Cluniacensium, & omnium Ecclesiarum manualia. Juxta rituales Parisienses Psalmi recitari poterant, *eundo ad infirmum*. Juxta Meldense, *in domo infirmante* S. unctionem: & dum hæc peragebatur a paroco, clerus Psalmos alios canebat. in Sueffionen. Psalmi Poenitentiales recitabantur, *postquam unctus est infirmus*. At Ritale Rom. cui consentiunt alia plura Sacramentalia, jubet unctionem fieri, dum Psalmi Poenitentiales dicuntur: quæ consuetudo invaluit in Ecclesia Narbonen. Tolosana, Massilien. &c.

Quod sane rectissime est constitutum. Nam hoc Sacramentum, ut ait Trid. sess. 14. *Non modo poenitentiae, sed & totius Christianæ vitæ, quæ perpetua poenitentia esse debet, consummativum existimatum est a Patribus*; ideo cordis contritionem, & summam peccati detestationem postulat, quod, teste Possidio, fecit S. P. A. ultima, *qui defunctus est, aegritudine*. Nam

B b 4

sibi

(1) Vide Constitutiones Synod. Aux. an. 1593. de Sacramento Extremæ Unctionis cap. 6.

*sibi iusserat psalmos Davidicos de pœnitentia scribi contra parietem, & legebat, & jugiter flebat. Consueverunt majores nostri cinerem quoque, & cilicium ægrotis imponere ante sacram unctionem ex Manuali Aniciensi, & Noviomen. In Lugdunenſi, & Rotomag. statuitur, ut supra pectus decumbentis crux ex cineribus fiat. Peraclis unctionibus in ditento super terram sagulo, ac cinere superposito infirmi collocabantur ex vet. Pontificalibus; & in Consuetudinibus Cluniacen. Chartufianorum, & Cisterciën. Atque ita animam efflavit S. Martinus Turonen. episcopus. Nec non summi principes Ludovicus VI. & IX. Unde illud eiatum: *Non decet Christianum, nisi in cinere mori.* Tandem mos fuit olim, ut infirmi ante sacr. unctionem recitarent symbolum Apostolicum ex Manuali Sueffion. & Ambianen. quod ad Christianæ fidei confessionem factum puto: unde Græci ægrotos inungentes eorum capiti librum Evangeliorum imponunt, teste Allatio, Goario &c. Atque his huic tractationi finem facimus.*

## APPENDIX LIB. XXXV.

*In quo Orientalis Ecclesiæ disciplina explicatur circa Sacramentum extrema unctionis.*

Optime monet sapientissimus Rom. Pontifex Benediçt. XIV. l. 7. de Syn. Dioecel. c. 26. non obesse hujus Sacramenti valori, si parum balsami huic oleo permisceatur: *Modo admixtio non destruat exteriorē olei speciem, itaut non amplius oleum, sed potius unguentum, aut alterius generis mixtum artificiale censeatur.* Immerito ergo Galanus ea de re Armenos erroris infimulat. Quid vero de Syrorum Nestorianorum detestabili consuetudine censendum est, qui, teste Aſſemano: *Loco olei olivæ, quod pro infirmis olim benedicebant, quum pro iis orare, manusque supra eos imponere decreviſſent, nunc massam quandam componunt ex oleo, & aqua, & pulvere, seu reliquiis alicujus sancti, quam vocant*

HANANA seu TAIBUTA, *idest gratiam talis sancti, eamque in cornu, seu vase conservant in Ecclesia pro infirmis usurpanda?* Ex nuper laud. Benediçti XIV. doctrina satis constat, Syros istiusmodi errore gravissimo detineri. Synodus Diamperien. ex eodem Aſſemano, sess. 8. c. 17. loco hujus olei aquam benedictam in Ecclesiis Malabaricis retinendam præscribit. Armeni, Galano teste, feria 5. maj. Hebdom. butyrum Græcorum more, post lotionem pedum consecrare solent his verbis: *Sanctifica Domine hoc butyrum, ut medicamentum omnium ægritudinum, & sanitatem afferat animabus, corporibusque illorum, quibus applicatur, in memoriam illius unctionis, quæ in Christi pedibus a Magdalene facta fuit.*  
Qua

Quæ quidem unctio, licet apud alias Orientales Ecclesias, teste Galano ipso, non obtinuerit, cum tamen nihil fidei, aut moribus oppositum contineat, non est improbanda; at jure improbat oratio, quam in hujusmodi unctione adhibere solent, qua dicitur unguenti hujusmodi benedictionem ab Apostolis accepisse universalem Ecclesiam. Armenorum nonnulli, ii præsertim, qui Vartani erroribus sunt implicati, loco unctionis infirmorum, sacerdotum defunctorum corpora inungere superstitiose consuevere, ut ii cum pravis spiritibus decertare valeant: Cum autem superstitiosam hujusmodi unctionem adhibent, hæc proferunt verba: *Benedicatur, ungitur, sanctificatur manus, frons, vertex hujus sacerdotis per signum istius S. Crucis, per hoc Evangelium & S. chrisma: In nomine Patris &c.* Porto hæc Armenorum hæreticorum superstitio originem duxisse videtur ex eorum sententia, qui inter alios hujus Sacramenti effectus illum etiam enumerant, nimirum per istam unctionem a Deo muniri fidelem, ut *more militis unctus aereas possit vitare potestates*, quam formam, teste Alberto M., ac D. Bonaventura, in Ecclesia Ambrosiana jamdiu obtinuisse demonstrat cl. Auctor, tom. 8. pag. 278. Rom. editionis. Quod spectat ad hujusce Sacramenti ministrum, optime monet loco cit. pag. 293. cl. Auctor, quamvis aliquando plures sacerdotes ægrotos inunxerint, posse tamen unctionem ab uno presbytero rite confer-

ri. Quod etiam Græci in Ruthena Synodo Zamofcia celebrata anno 1720., & a Bened. XIII. confirmata ann. 1724. professi sunt his verbis: *Si septem, aut tres haberi commode non possint sacerdotes, ab uno confertur, qui totius Ecclesie personam gerens hoc Sacramentum ministret.* Idem statuit Benedict. XIV. in Constit. *Esse Pastoralis* §. 5. nu. 2. & 3. Reaple, ut animadvertit laudata Synodus Ruthena a Bened. XIII. approbata: *Plures sacerdotes advocantur ad ministrandum hoc Sacramentum, tum ob reverentiam ejusdem, & gratie copiam, quam confert, tum ut plurium sacerdotum preces effectum Sacramenti coadjuvent.* Narrat Nathanael magnus oeconomus Cretenfis in Resp. ad quæsitæ episc. Anagnini, Græcos sacerdotes, loco satisfactionis in Sacramento poenitentiae imponendæ, alicubi consuevisse, non levi pretio infirmum sacro oleo inungere, ut ita a peccatorum reliquiis, poenisque pro iis subeundis absolverentur; quem abusum jure improbat post Nathanaelem Arcudius l. 5. cap. 4.: qui arbitratus est Græcos presbyteros in ea fuisse sententia, per eam unctionem verum perfici Sacramentum, cujus capaces esse non solum infirmos, sed etiam sanos, recentiores nonnulli irritò labore demonstrare conati sunt. Quos tamen invictis scripturarum oraculis, firmissimis Ecclesiæ definitionibus, & validissimis Ecclesiasticæ Historiæ monumentis refellit cl. Auctor loco cit. pag. 300.

Not. II. Græci ex traditione hoc Sacramentum servantes illud vocant *κρίσθαιον*, seu *κρίσθηδον*, idest *ministerium impositionem*, quo vocabulo nunc initiationem clericalem, nunc electionem ad Ecclesiastica; & profana etiam munia, quam *manus extendentes faciebant*; ferendi suffragii gratia, Græci designant. Unde electionem episcoporum Cleri suffragio factam *κρίσθηδον* appellant, ut patet ex can. 4. Nicæno: frequentius tamen ritum illum significant, quo facto ministerio aliquis inauguratur. At de hac voce plura Arcudius l. 6. Concord. c. 1. & Morinus de Sacr. Ord. p. 3. Exerc. 1.

Not. III. Postremo sensu acceptus Ordo definitur: *Signaculum quoddam Ecclesie; quo spiritalis potestas traditur ordinato*. In qua definitione tradita a Magistro, & a D. Thoma, aliisque communiter probata, adest *signaculi expressio*, & *genus nempe*, quo convenit cum aliis Sacramentis, & *potestatis spiritalis traditio*, qua Ordo ab aliis Sacramentis secernitur. Dicitur autem hæc potestas spiritalis quia spectat ad sacrum ministerium obeundum: Materiam vero hæc definitio non exprimit, quia in singulis ordinibus diversa est. Aliam definitionem pleniorē tradit Trid. sess. 23. ex cuius cap. 1. & 2. hanc eruit Sylvius: *Ordo est Sacramentum novæ legis à Christo institutum, quo traditur potestas consecrandi; offerendi; ac ministrandi corpus, & sanguinem ejus, nec non sacerdotibus ex officio deferendi*.

Not. IV. Prætermittimus eam quæstionem: an extet in Ecclesia sacerdos. Licet enim plures hæretici omnibus fidelibus etiam sceminis munia Ecclesiastica attribuant, fatentur tamen ad ea deligendum esse quemlibet, aut consensione laicorum, aut presbyterorum delegatione: ne perturbata sint omnia. A nobis tamen in eo dissident, quod negent inaugurationem presbyterorum esse gratiæ signaculum, & proprium novæ legis Sacramentum. Ita Lutherus lib. de Capt. Babyl. quamvis in Tract. de Missa priv. non neget *pastorum ordinationes* servari ex vetust. consuetudine. Melancthon etiam; qui in Locis commun. S. Ordines deiecit; eos tamen recipit in posterioribus editionibus. In Confess. item Augustana Lutheraui ordinem Eccl. professi sunt, sed caute addidere: *Quod nemo debeat in Ecclesia publice docere, nisi rite vocatus*. Quæ de re Eckius, teste Cassandro, nil aliud ad concordiam innotandam a Lutheranis in hoc articulo desiderabat; quam ut docendi ministerio adjungeretur *consecrandi potestas*. Calvinus autem, licet Ecclesiasticorum rituum insensu hostis; ante minores Ordines, Subdiaconatum, & Characterem, & S. Chrismi deridet; tamen *presbyterii munus ore Christi nobis commendatum non diffretur, illic enim, inquit, ceteroniam est; primum*

*num ex Scripturis sumpta*. Ex qua novatorum dissensione catholicum dogma firmatur. Sit ergo

PROPOSITIO. Ordo, quo S. ministri initiantur, est verum & proprium novæ legis Sacramentum.

Prob. I. ex sacris literis. Nam Act. 6. legitur, diaconos ab Apostolis fuisse peculiari muneri destinatos, & cap. 14. a Paulo & Barnaba constitutos esse presbyteros per universas Ecclesias. Ephes. 4. quidam a Christo selecti dicuntur: *In opus ministerii*. Tito c. 1. mandat Apostolus, ut presbyteros per civitates constituat. Et Hebr. 5. ait: neminem assumere sibi honorem sacrificia immolandi, nisi vocetur a Deo tamquam Aaron: atqui talis inauguratio ministrorum fit per verum & proprium Sacramentum; ergo &c.

Prob. min. I. enim habetur ibi signum sensibile, idest manuum impositio. Nam Act. 6. Apostoli electis septem diaconis *orantes imposuerunt manus*. De presbyteris etiam a Paulo, & Barnaba constitutis, ubi Vulgata legit: *Et cum constituisent illis per singulas Ecclesias presbyteros* habet Græca: *Χειροτονήσαντες δι' ἑνὸς ἑκάστης* ubi aperte *Χειροτονία*, seu manus impositio exprimitur. Timotheum quoque, *cum impositione manuum presbyterii*, fuisse ordinatum constat ex ep. 1. & 2. Eodem ritu gratiam ordinatis fuisse collatam testatur Apost. ib. dicens: *Noli negligere gratiam, quæ data est tibi, cum impositione manuum presbyterii*. Tandem a Christo institutum fuisse hoc Sacramentum constat ex Act. cap. 20. ex 1. ad Cor. 12. &c. ubi Christus Apostolis tradidit potestatem remittendi peccata, conficiendi Eucharistiam, sacra mysteria dispensandi, & regendi Ecclesiam Dei; ergo &c.

Prob. II. ex PP. Episcopos enim, presbyteros, diaconos a plebe distingui in epistolis Ignatianis ad Trallianos, & Smytinen. in Iustini Apol. in Canonibus Ap. certum est, atqui PP. loquuntur de constitutis in Ecclesiastico ordine per initiationes Sacramentales; ergo &c. Prob. I. Ex Græcis PP. Nazianzenus Or. in Bat. p. 802. ait: *Verbi potestas sacerdotem honorandum facit, novitate benedictionis a communitate vulgi separatam*. Addit, eum quadam inaspektabili gratia interiorem animum gerere in meliorem transformatum. Est ergo in ordine gratiæ spiritalis effectus. Chrysostomus l. 3. de Sacerd. nu. 4. ait: *Ipse paracletus ministerium istud disposuit*. Unde sublimius esse demonstrat Levitarum, veterumque Sacerdotum ordinibus, quod animum attingat, celosque transcendat. Et tom. 1. p. 571. commemorat ritus adhibitos in sacerdotum ordinationibus. Io. 2. p. 436. ait: *Neque sacerdotes habuissemus, neque possibile foret, horum ordinationes sine descensu (Spiritus S.) fieri*. Gratiam item Ordinatione collatam describit in epist. 1. ad Tim. ergo &c. Prob.

Prob. II. ex Latinis Patribus. Tertullianos de Præscr. c. 40. ostendit, diabolum divina Sacramenta in mysteriis idolorum æmulari, qui tingit, signat in fronte milites suos, celebrat panis oblationes, & pontifices etiam constituit. Ex quibus Pamelius Baptismum, Eucharistiam, Confirmationem, Ordinem, & alia sacramenta a Tertulliano significari demonstrat. Cyprianus etiam *Ordinationem clericam*, ut ipse eam appellat ep. 33. & quidem ad divina ministeria, ab episcopis factam cum collatione spiritualis potestatis commemorat: quemadmodum & sacrificium Christianum ab initiatis tantum oblatum l. de Laps. & alibi. Vide Auctorem l. 33. c. 19. de Missa. At S. P. A. l. 2. contra Parmen. c. 13. ait, tam Baptismum, quam Ordinem in hæretico permanere: *Utrumque enim sacramentum est, & quadam consecratione utrumque homini datur; ideoque in Catholica utrumque non licet iterari: addit, si id fieret, summam illatum iri sacramento injuriam.* Et n. 30. hoc validissimo argumento Donatistas exagitans ait: *Si utrumque sacramentum est ( Baptismus & Ordo ) quod nemo dubitat, cur illud non amittitur, & istud amittitur? Neutri sacramento injuria facienda est; ergo per Augustinum Ordo sacramentum est, de quo nemo catholicus ambigit, quodque imprimit characterem.*

Consentiunt Augustino omnes episcopi Africani in epistolis ad Marcell. ab Aug. productis l. de Gest. cum Emerito Donat. Leo Magnus in ep. ad Episcopos Maurit. ait: *Ante ætatem maturitatis, & experientiam discipline, nulli tribuendum esse sacerdotalem honorem, juxta illud Ap. in 1. ad Tim. 1. Manus cito nemini imposueris.* Ib. c. 5. laicos a clericis secernit, & recenset ordinationes Maximi, Aggari, & Tyberiani. Gregorius Magnus ep. 34. l. 10. meminit ordinationum, quæ sunt impositione manuum episcoporum. Et l. 2. Dial. c. 16. minores quoque ordines vocat sacros, quoniam illis clerici ritu Sacramentali initiantur. Et ep. 46. ad Jo. ep. Ravenn. utitur argumento Augustini contra Donat. *Sicut baptizatus iterum baptizari non debet, ita qui consecratus est semel, in eodem iterum Ordine consecrari non valet.* Ex quibus sic arguitur: Ritus, quo ministri altaris initiantur, eos secernit a plebe fidelium, spirituali potestate donat, Spiritus S. charismate inungit, gratia peculiari innovat, & imprimit characterem; ergo verum est Sacramentum.

Prob. III. ex definitionibus Ecclesiæ. Synodus Chalcedonens. e gradu dejecit episcopos, qui propter pecunias ordinationem fecerint. Eadem habet Conc. Bracaren. & alia Romæ, Ticini, Remis, & Moguntiz habita a S. Leone IX. sed hoc statuit Ecclesia, eo quod in his venalia fierent sacramenta; ergo &c. Idem constituit Eugenius IV. in Decreto unionis;

ubi



ubi Ordinem inter septem sacramenta recensuit. Quod etiam confirmavit Trid. sess. 23. can. 3. his verbis : *Si quis dixerit Ordinem non esse verum . & proprium Sacramentum a Christo institutum , anathema sit .*

Prob. IV. Ex omnium Ecclesiarum consensu . De Græcis constat ex eorum Euchologiis , & ex confessionibus Calecæ , Protosyncelli , Simeonis Thessalon. Adde Ballamonem , Pachymeram , & Hieremiam Patriarcham Constantinopolitanum apud Arcudium l. 6. De Coptis , & Jacobitis diximus c. 5. De Syriacis , & Maronitis testem habemus Jo. Darentem , & Morinum . Hinc perveracissimi ex hæreticis id negare non ausi sunt . De Luthero , Melancthone , & Calvino dictum supra . Bohemos episcopis desertos misisse ad Romanæ Ecclesiæ antistites clericos initiandos ostendit Bossuet in Histor. Var. l. 11. Angli etiam adhuc habere se episcopos jactitant , ex eodem Bossueto l. 7. Per Saxoniam fieri a Lutheranis ordinationes ministrorum , cum impositione manuum , & certa verborum forma , ostendit Lindanus . Valdenses , & Hussitas inter vera sacramenta ordinationes numerasse constat ex eorum Confessione an. 1504. constat ergo Catholicos omnes Latinos , & Orientales , & hæreticos etiam in catholico dogmate consensisse .

Prob. V. Ex comparatione Ecclesiæ Christi cum aliis Religionibus . Nam in lege naturæ existisse sacerdotes , quibus tantum fas erat victimas immolare , cuique compertum est : nec desunt , qui putant , primogeniti jura , quæ Esau cecidit Jacobo , jura fuisse sacerdotalia , non refagante huic opinioni Hieronymo . Filios item Aaron , quos a tribu Levitas dicimus , sacramento quodam sui generis Moses inauguravit , mactato prius vitulo & ariete , & hujus sanguine initiandis delibutis , manibusque eorum capiti impositis Exod. 29. dicti proinde כהנים *cohenim* , אֶהֱרָן *chên* , sacerdotio fungi : unde Sacerdos magnus כהן גדול *Cohen gadol* dictus est . Et de Josue quidem Deut. 34. legimus divino spiritu fuisse repletum : *Quia Moyses posuit super eum manus suas* . A Judæis suorum sacerdotum initiationes ethnico accepisse docet Tertullianus de Præscriptione c. 40. *Si Numa Pompilii sacerdotalia officia , si sacrificalia ministeria , & vasa ipsorum sacrificiorum consideremus ; nonne manifeste diabolus morositatem illam Mosaicæ legis imitatus est ?* Reapse , quoad initiationes , Gentiles ritum Mosaicum fuisse imitatos constat ex epitheto sacerdotibus tributo in veteribus lapidibus , ubi *Crisoboliat* appellantur . *Crisobolium* enim est mactatio arietis , cujus sanguine inauguratos esse Pontifices testatur Prudentius . De his plura erudite postea Scacchius Myroth. 2. De Sacerdotibus Persarum , Indorum ,

rum, Braemanum, Tartarorum &c. vide quaestiones Alnet. Huetii l. 2. c. 20. Cum ergo in Evangelica lege offeratur sacrificium longe praestantius; nil mirum si ad ipsum deligantur peculiare virtutes, atque hi initiarent mystica caeremonia: qua initiationes Christianae tanto excedunt aliarum inaugurationes, quanto nostrum sacrificium omnibus praestat.

Ob. I. Scripturae loca, quae docent fideles omnes esse sacerdotes: sed haec ab Auctore soluta sunt tom. praec. p. 347. Unum addo. Sicuti longe distat sacrificium laudis ab immaculati agni immolatione, ita distat sacerdotium spirituale fidelium ab illo sublimiori, quo funguntur initiati manuum impositione episcoporum. Hoc sacerdotium non esse commune, licet istud saepe assequantur indigni, optime asserit S. P. A. & constat ex ratione ipsa sacrificii, quod exigit externum ritum, oblationem, & immutationem rei, quae Domino offertur, Quod quidem non fit in sacrificio laudis, quod offerunt fideles communiter.

Ob. II. Impositio manuum, de qua Apostolus ad Timotheum, non erat sacramentum, sed gratia gratis data; ergo &c. Prob. ant. Tam in ep. 1. ad Tim. 4. quam in 2. ad Tim. 1. gratia manuum impositione collata dicitur, non *gratis gratia*, sed *χαρισμα charisma*: quo nomine in ep. 1. ad Cor. c. 12. designatur gratia sanctorum, discretio spirituum &c. quae ibidem dicuntur: *Divisiones gratiarum*. II. Apostolus asserit, hanc gratiam datam *per prophetiam*, quae ad illa gratiarum genera refertur: Nam Apostolus in 1. ad Tim. 4. ait: *Alia operatio virtutum, alii prophetia &c.*

&c. neg. ant. Ad prob. neg. ant. Nam *charis*, & *charisma* idem, hoc est omnia gratiarum genera significat. Paulus etiam gratiam justificationis *charisma* vocat Rom. 5. dicens: *Sed non sicut delictum, ita & donum*: Graece *charisma*. Et in 1. ad Cor. 12. ait: *Aemulamini charismata meliora*, ubi Ap. non ad emulationem signorum, sed sanctitatis & caritatis fideles hortatur. Deinde *charisma*, de qua Ap. ad Tim. Ordinem non excludit, sed adstruit: sacra enim ordinario sanctitatem confert, & gratiam multiplicem, hinc Chrys. Hom. 1. in 2. ep. ad Tim. ad ea verba: *Admoneo te, ut resuscites gratiam &c.* ait: *Hoc est gratiam spiritus, quam accepisti ad Ecclesiae institutionem, vel ad omne religionis obsequium, quippe in nobis est hanc vel extinguere, vel excitare*. Addit hanc Spiritus sancti gratiam esse gratiam adoptionis: *Qua clamamus abba Pater*; sed haec est gratia sanctificans; ergo &c. Consentunt Theophylactus, & Eusebius. Ambrosiaster etiam *charisma* definit: *Donum gratiae Dei acceptum per ordinationem*, unde ait subdere Ap. *Non enim dedit nobis Deus spiritum timoris, sed virtutis,*  
*& di-*

& dilectionis, scilicet: *Spiritum letitiae propter justificationem*; ut in Append. Ambr. p. 305.

Ad II. R. I. Timotheo, una cum gratia & charactere ordinis, donum quoque prophetandi quidquid *ad Ecclesiae institutionem* erat necessarium fuisse concessum, ex Chrysostomo, aliisque. R. II. Per prophetiam factum dici quidquid fit Spiritus S. jussu, & inspiratione. Unde Oecumenius tom. 2. pag. 234. ait: *Jussu namque Spiritus S. facti sunt episcopi, & non passim*. Nec improbabile est, Timotheum peculiari Spiritus S. revelatione fuisse inauguratum episcopum: ut docent Lyranus, Estius, Calmet, & ipsi Protestantes Castalio, Zegerus Clarius inferti tom. 7. Criticorum sacr. p. 533. Vide Auctorem.

Ob. III. Ex impositione manuum facta Timotheo nequit inferri Sacramentum ordinationis; ergo &c. Prob. ant. Nam clerici ab episcopis inaugurantur, sed illa impositio facta est a presbyteris; dicitur enim impositio manuum presbyterii; ergo &c. II. Ea impositio est materia indeterminata, & in sanatione aegrotorum, in daemonum expulsiōe, & in aliis ceremoniis adhibita; ergo &c. III. Nec ea usus est Christus in ultima coena, quando Apostolos ordinavit; ergo &c.

R. ad I. neg. ant. Ad prob. neg. minor. *Presbyterii* enim nomine episcopi intelliguntur, non presbyteri. Unde antiquae versiones apud Walton. tom. 5. pag. 828. habent: *Per impositionem manuum episcopi*. Et Chrysostomus: *Non de presbyteris haec ait, sed de episcopis. Non enim episcopum presbyteri ordinaverant*. Ideo in 2. ad Tim. c. 1. Ap. ait: *Per impositionem manuum mearum*; ergo Timotheus ab Apostolo ordinatus est, *per impositionem manuum presbyterii*, quia plures presbyteri ei manus imposuere; cum ad episcopatum probabiliter sit ordinatus. Ad II. neg. conf. Nam materia per formam determinatur. Ad III. neg. conf. Christus enim propria virtute contulit Spiritum S. & gratiam: homines autem per Sacramenta ab ipso instituta.

Ob. IV. Tertullianus l. de Exhort. Cast. c. 7. ait; *Jus sacerdotum in semetipsis laicos omnes habere*. 2. Chryl. de Anathemate t. 1. p. 695. ait: *Ordinatio non in sublime extollit, non potentiam praestat*; ergo &c. R. ad I. Vide Auct. tom. 7. pag. 345. Ad II. neg. conf. Commendat enim ibi Chrysostomus pietatem, & commiserationem in eos, qui peccant, pro quorum salute illis commissum est offerre sacrificia.

## CAPUT II.

*De numero graduum, & ordinum clericorum.*

**NOT. I.** *Clericorum* nomine ii communiter appellantur, qui primum Ecclesiastico ritu tondentur, aut in minoribus sunt constituti; *Cleros* Græce, ait Hieron. ep. 34. ad Nepotian. fors latine appellatur: propterea vocantur *clerici*, vel quia de sorte sunt Domini, vel quia Dominus fors, ideo pars, clericorum est. *Clerici* etiam dicti sunt scribæ, amanuenses, & actuarii, forte, quia clerici penitus illiterati esse non debent.

**Not. II.** Quoad numerum ordinum discrepant vetera monumenta. Nam ex Conc. Carthag. novem ordines enumerat Marthene, & præter presbyteros, diaconos &c. etiam *episcopos*, & *psalmistas*, seu *cantores* recenset. In Rom. Synodo pro *psalmistis* habentur *custodes martyrum*. Syri, & Maronitæ, apud Morinum de Sacris Ord. p. 3. enumerant *psaltes*, *lectores*, *subdiaconos*, *diaconos*, *archidiaconos*, *presbyteros*, *archipresbyteros*, *chorepiscopos* & *episcopos*. Latina Ecclesia septem enumerat Ordines cuique notissimos, Græci quinque tantum ordines cum Latinis agnoscunt, exclusis *Exorcistis*, & *Ostiariis*. Martenius tamen, Natalis Alex. Tournely, Witaſſe &c. quatuor tantum a Græcis admitti ajunt, & quinque, si addatur *episcopatus*. Habert etiam ait serius *hypodiaconi* nomen apud Græcos auditum: ipsumque, non secus ac minores alios, ab Ecclesia esse institutos. Sit ergo

**PROPOSITIO I.** Septem ab initio ad hæc usque tempora obtinuerunt ordines in Ecclesia Latina.

**Prob. I.** In ep. Cornelii Papæ data ann. 252. apud Euseb. l.6. c. 43. numerantur *presbyteri* 44. *diaconi* septem, totidemque *subdiaconi*, *acolythi* 42. *exorcista* cum *lectoribus*, & *ostiariis* 42. Cajus etiam ann. 283. ex Pont. edito ab Anast. Bibl. statuit, ne quis esset *episcopus*, nisi prius esset *ostiarius*, *lector*, *exorcista*, sequens, *subdiaconus*, *diaconus*, *presbyter*. De Sylvestro legitur ib. Hic constituit, ut si quis desideraret in Ecclesia militare, ut esset *lector*, annos haberet 30. *acolythus* 35. *subdiaconus* ann. 5. *custos martyrum* ann. 50. *diaconus* 37. *presbyter* ann. 3. ubi numeri simplices ministerii tempus videntur designare. *Ostiarius*, qui hic deest, memoratur c. præced. Colligitur idem numerus ex initio Synodi, ubi statuitur: Ne *presbyter adversus episcopum*, *diaconus adversus presbyterum* &c. det accusationem. Iidem ordines recensentur in epistola Gelasii ad episcopos Lacaniæ, in epist. Leonis M. ad Anastasium Thessal. In Sacramentario Greg. & in antiquo Ordine Rom. tom. 13. Eibl. PP.

Tom. IV.

C c

Prob.

Prob. II. Conc. Carth. IV. anno 398. celebratum singillatim *septem Ordines* laudat. Toler. I. anno 400. memorat presbyteros, diaconos, lectores, osliarios, & subdiaconos. Concilium vero Aquisgranen. Florentinum, & Tridentinum omnes *septem Ordines* distincte commemorat; ergo &c. Prob. III. ex unanimi scriptorum consensu. Isidorus Hispalensis, Alcuinus, Rabanus Maurus, Hugo Rotomagen. Archiep. Hugo Vict. aliique, quos laudat clariss. Auctor, omnes septem Sacramenta recensent.

PROPOSITIO II. Non tollitur hic septenarius numerus, ex quo alii aliter illum recensent.

Prob. Numerantur enim ap. veteres etiam *psalmiste*, ac *fossarii*, qui etiam *copiate* & *vespillones* dicuntur, in Conc. Carth. IV. in Laodicensi, in Chalcedon. a Rabano, Isidoro, Epiphania, Hieronymo &c. In Aët. Proconsularib. apud Aug. in Cod. Theodosiano, in Justiniani Novell. 43. apud Du-Cangium in Gloss. Verum *psalmiste* in Ecclesia Latina, vel sola, vel nulla tonsura funguntur cantorum officio. Priori sensu ait Durandus Mimaten. ep. *Psalmistatus* quandoque *tonsuratus* vocatur. Alio sensu Conc. Carthag. can. 10. addit: *Psalmista, idest cantor, potest absque scientia episcopi, sola iussione presbyteri, officium suscipere cantandi*. Apud Græcos lectoris, & cantoris idem censetur ordo. Unde Concil. Laodicenum habet: *Non oportet, præter canonicos cantores, qui ex membrana legunt, aliquos alios canere in Ecclesia*, unde Martinus Bracaren. canonem 45. Laodicenum sic latine reddit: *Non liceat in publico legere, aut psallere, nisi iis, qui ab episcopo lectores sunt ordinati*.

Ap. Græcos, Latinosque *psalte* dicuntur, qui alternatim in choro psallunt, ex ep. S. Basilii ad Neocæsarien. ex Chrysostomo hom. 36. ex Ambrosio in eap. 15. Luc. ex Cassiano, Eucherio Lugd. &c. Constat ergo *psalmistatum* non esse distinctum ordinem. Idem de *fossariis* dicendum est, qui *clerici* quandoque dicti sunt: quia *clerici in similitudinem Tobie sepelire mortuos admonentur*, ait Auctor de septem Ordinibus, in Append. Hieron. Quod præsertim servatum est in sepeliendis corporibus martyrum. II. Hoc officium committit Carthag. IV. publicam poenitentiam agentibus. III. ex l. r. de Lustrali Constat. recenti indulto etiam *vespillones* a novis collationibus eximuntur, cum Constantius hanc immunitatem longe ante clericis esset largitus. IV. In eodem cod. l. 12. de Episc. asseritur occupatos defunctorum obsequiis *clericorum vocabula* sibi usurpare; ergo non sunt in ordine constituti.

Idem dicimus de *custodibus martyrum*, de *canonicis*, *chorepiscopis*, & de aliis sceminarum vocabulis, *diaconissarum*, & *subdiaconissarum*, *presbyterarum*, & *episcoparum*. Nam custodes mar-

martyrum, seu *Martyriarii* erant subdiaconi a quibus martyrum reliquiae custodiebantur. *Canonici* initio dicebantur clerici omnes, vel quia *sub canone essent constitui* ex Trullana Synodo, vel quia *canonicam vitam agerent*, ex Capitul. Caroli M. Ita etiam vocati sunt, qui easdem aedes colunt, sive sub episcopi, sive sub abbatis regimine: quorum illi *seculares*, hi *regulares* dicuntur. Et illi demum, qui in cathedralibus, & collegiatis Ecclesiis certis privilegiis insignibusque destinantur: qui non ordine, sed ministerio ab aliis clericis discernuntur. *Chorepiscopi* quasi *την κλην επισκοπι* episcopi ruris ad peculiarem ordinem non spectant: *Subdiaconisse* demum, *diacone* (de quibus infra) *episcopa* &c. uxores initiatorum dictae sunt. Sed ex his omnibus non evertitur septenarius Sacramentorum numerus; ergo &c.

Neque adversantur huic numero, qui tonsuram aut episcopatum accensent ordinibus: hanc enim controversiam Trid. Synodus intactam relinquens statuit ad sacerdotium per septem gradus ascendi. Denique non obstat, quod Optatus, aut Hieronymus solos presbyteros, aut diaconos memorent, quodve in primitiva Ecclesia duos tantum extitisse ordines affirmant Magister, Petrus Blesensis, alique: PP. enim aliorum ordinum meminere ex prop. I. Nec opus erat, ut ubicumque de sacro ordine pertractarunt, ordines singulos recenserent. Duos autem commemorant, quorum ministerium proxime spectat Eucharistiam, quam sacerdotes consecrant, diaconi autem ministrant. Hoc sensu locutus est etiam Magister, qui tamen ordines *septem esse, propter septiformem gratiam*, dist. 24. expresse pronunciat. Nil obstat etiam, si dicamus in Ecclesiae primordiis, ob exiguum fidelium, numerum, plura Ecclesiae ministeria diaconis fuisse concessa, quae postea distincta sunt.

PROPOSITIO III. Etsi non desint momenta, quibus probatur Græcos solum Lectoratum inter minores ordines agnovisse, illi tamen a Latinis parum distant.

Prob. I. In Archieratico Habert p. 37. primum locum obtinet *ordinatio lectorum, & cantorum*, & immediate sequitur *ritus ordinationis hypodiaconi*. Idem habetur in Euchologio Goarii p. 223. II. Quatuor tantum ordines tradunt Auctor Const. Apost. l. 8. c. 16. Canones Apost. Liturgia Marci, Concilium Sardicen. can. 10. Synod. VIII. act. 10. III. A lectoris gradu ad hypodiaconatum clericos ascendere scribunt Græci omnes, praesertim S. Jo. Damascenus, Elias Creten., Georgius presbyter, Nicetas, Simeon Thessal. apud Morinum. IV. Ecclesiae Jacobitarum, Syrorum, Nestorianorum, & Maronitarum apud Morinum alium ordinem minorem non ha-

bent, præter *lectoratum*; ergo apud Orientales Ecclesias ostiarius, exorcistatus, & Acolythatus numquam obtinuit.

Prob. II. pars. I. enim ex his non sequitur, nullo modo ordines istos apud Orientales non obtinuisse, sed eos tantum neglectos esse, per saltum clericos promovendo, ut etiam in Rom. Ecclesia ante Cornelii tempora agebatur. Non quod non darentur minores ordines, sed quod ab his digniores eximerentur, statim diaconi & lectores inaugurari. Fatentur enim Witasse, & Le-Droint eandem fuisse Romanæ & Africanæ Ecclesiæ doctrinam circa ordinum numerum; & tamen S. Cyprianus, apud Surinam, primo *præco*, seu lector, deinde hypodiaconus fuit constitutus, & Pontio teste in ejus vita n. 5. *Ad officium sacerdotii, & episcopatus gradum adhuc neophytus electus est.*

II. Alia præter lectorum munia a principio extitisse constat ex ep. Ignatii ad Antioch. n. 12. ubi legitur: *Saluto sanctum presbyterum, sacros diaconos, subdiaconos, lectores, cantores, ostiarios, laborantes, exorcistas, confessores.* Et Syn. Laod. can. 24. ait: *Non oportet quemlibet ecclesiastici ordinis usque ad ministros, vel lectores, vel cantores, vel exorcistas, vel ostiarios in cauponam ingredi.* Dionysius etiam de Ecclesiastica Hierar. c. 3. præter lectores, alios enumerat, qui foribus templi affiunt, ceteri autem, quod sit ordinis sui, agunt. Epiphanius etiam in Expos. fidei post lectores enumerat exorcistas, copiatas, & janitores. Jo. Citri episcopus memorat deputatos, cum luminibus præcedentes, & Sim. Theff. ait: *Sunt & alia deputati, & ceroferarii officia, quorum inaugurationio ante ordinationem lectoris celebratur, quæ nescio cur non exercetur:* sed his deputati ceros ferentes sunt acolythi; ergo &c. Gabriel Philadelph. apud Morinum p. 2. p. 202. ait: *Septem sunt Ordines sacerdotii. Primus est janitorum, & acolythorum, 2. exorcistarum, 3. lectoris, 4. subdiaconorum, 5. diaconorum, 6. sacerdotum, 7. principium sacerdotum, seu episcoporum;* sunt ergo apud Græcos, præter lectoratum, alii minores ordines.

Inst. Adversarii: spuriam esse tum Ignatii epistolam, tum opus de Hierarchia. II. Simonem Theff. & Gabrielem Philadelph. juniores esse, eosque, dum janitores, exorcistas, & acolythos memorant, non de ordinibus proprie dictis, sed de ministeriis in templo exercendis, secluso ordine, accipiendos; præsertim cum apud Græcos exorcizent soli presbyteri. III. Hinc Laodicensi & Antiocheni canones non omnes distincte ordines recensent, Epiphanius vero etiam alios memorat, quos Latini non recipiunt; ergo &c.

R. ad I. Licet Ignatii non esse epistola illa, in ea tamenprehenderunt *Apostolicum spiritum*, & stylum Ignatii viri  
cla-

clariſſ. qui eam vetuſtiſſimam cenſent, ut Bellarm. obſervat. Opus de Hierarchia productum eſt, ut conſtet non deeſſe ex Græcis, qui præter lectoratum alios ordines minores agnoſcant. Philadelphen. autem ſententiam ſuam confirmat canone 7. Antiocheno, & Trullano 4. & aliis monumentis, quæ omittimus.

Ad II. R. ex cit. momentiſ inferri, etiam oſtiariatum, exorcifatum, & acolyth. peculiareſ ordines eſſe, nam in can. 4. Trull. apud Philadelph. legitur: *Si quis epifcopus . . . , vel lector, vel oſtiarius cum muliere Deo dicata coierit, deponatur. Si autem laicus, ſegregetur*; ergo oſtiarius a laico diſtinguitur, & in Eccleſiaſtico ordine conſtituitur. De exorcifta in can. 10. Synodi Antioch. habetur, chorepiſcopos poſſe tantum conſtituere ſubdiaconos, lectores, & exorciftas; eſt ergo apud Græcos exorcifatus, neque a ſolis preſbyteris adimpletus. Habetur etiam in Euchologio pag. 237. *Oratio in ordinatione deputati & ceroferarii*, nempe acolythi.

Simon etiam Theſſ. loc. cit. *Ordinationem* ceroferarii appellat *αποδραγία* dicens, celebrari ante ordinationem lectoris, & miratur in deſuetudinem abiſſe, cum ante paucos annos vigeret in Eccleſia Theſſalon. Nec dicant, hæc de miniſterio, non de ordine eſſe explicanda: quid enim ultra, præter *chirotoniam*, & verborum formam ad ordinem requiritur? & quid aliud ſervandum præcipitur in ordinatione lectorum? Deinde ſinguli ordines ad miniſterium ſpectant; ex quo ergo ceroferarii miniſterium exercuerint, non ſequitur initiatos.

Ad III. R. non opus eſſe, ut ubicumque de ordinibus agitur, ſingillatim omnes enumerentur, præſertim cum omnes clerici communi vocabulo ſactorum miniſtrorum vocentur. III. Etſi apud Græcos ſeptem ordines non conferantur ſejuñctis initiationibus, acolythatum tamen, & oſtiariatum ſimul cum ſubdiaconatu conferri, exorcifatum vero cum diaconatu conſtat ex Abrahamo Ecchellenſi Maronita, ex Jo. Maro, ex Jo. Dareno, Dionyſio Barſalibo epifcopo Amedenſi apud Naironum Maron. in Evoplia p. 226. Idem conſtat ex formula initiationis ſubdiaconi apud Morinum p. 1. pag. 81. quæ ſic habet: *Domine da illi amare decorem domus tue, aſſiſtere portis templi tui, accendere lumen tabernaculi &c.* Rituale Maron. præcipit, ut initiandus circumducatur per Eccleſiam: *Et cum pervenerit ad candelabrum, accendat illud, & extinguat tribus vicibus, poſtea portam Eccleſiæ claudat, & aperiat tribus vicibus.* Eadem habet Euchol. Melchitarum Arabicum. In Euchol. Cophitico-Jacobitico ait epifcopus ad ſubdiaconum: *Tui officii eſt custodire oſtia domus Dei &c.* Conſtat ergo, oſtiariatum, & acolythatum cum ſubdiaconatu conferri.



Reapse, si quis opponat adversarii verba Jo. Papæ VIII. in ep. ad Basilium Imp. *Volumus ut sit primum lector, deinde acolythus, postea diaconus &c.* Jo. acolythi nomine significasse hypodiaconum, cui Græci, ex Morino, munia acolythorum committunt; sunt ergo in hypodiacono acolythi nomen & officia. Imo ex Morino *proprie subdiaconus Græcorum est acolythus Latinorum*. Jo. ergo non distinguit ordines proprio nomine, quia acolythatus, & ostiariatus simul cum hypodiaconatu a Græcis conferuntur, nec in ea collatione distinctas ordinationes exigit Pontifex, quas tamen exigit Innoc. IV. mandans ut in posterum, *secundum morem Ecclesie Rom.* septem ordines distincte conferantur.

Idem de ostiariatu dicendum est, quem Simeon Theff. a Christo institutum putat, cum *nummularios eiecit de templo*: quod rradit etiam Magister. Unde Benedictus XIV. in Const. *Et si Pastoralis* inquit: *Per subdiaconatum Græco ritu collatum acolythatum & ostiariatum recipi.* Maronitæ censent exorcistatum conferri in ordinatione psaltis: nam episcopus porrigens ei psalterium, quo in Oriente energumeni exorcizantur, ait: *Mereatur conculcare serpentes, & scorpiones.* Unde in fragm. Chald. apud Maïron. p. 227. legitur: *Hi sunt quatuor ordines minores. Primus ostiarius, 2. lector, 3. exorcista, hoc est psalter, 4. acolythus, hoc est hypodiaconus.* Ex quibus constat recte enumerari septem ordines; nec Romanæ Ecclesiæ doctrinam aliarum ritu everti posse.

### C A P U T III.

#### *De tonsura clericali.*

**NOT. I.** Clericalem tonsuram inde natam opinatur Calvinus l. 4. Inst. c. 19. quia olim capillum non aherent, nisi delicati, quales ne viderentur clerici, caput tondere iussi sunt, idque colligi ait ex Augustino I. de Oper. Monachorum. Spencerus tamen initium tonsuræ Nazæzorum, unde permulti nostram esse derivatam existimant, repetit ex moribus ethnicorum, qui Apollini Pythio in juventutis flore litabant, ex Plutarcho. Morinus autem censet, Ecclesiæ institutores, ut majori essent ludibrio, a persecutoribus tonsos fuisse: postea vero ab iisdem in trophæi argumentum tonsionem ipsam fuisse conversam. Alii ut Isidorus, Rabanus, Martene, Menardus, Martenius &c. censent clericalem tonsuram ab Apostolorum temporibus fuisse usurpatam; oppositum tamen censet Juenin, qui ex Hegesippo asserit, Jacobum nunquam comam totondisse, nec tonsuram clericalem in usu fuisse per quinque priora secula.

Not.

Not. II. Tonsuræ formam ex Aniceto Papa fuisse *desuper caput* in modum spheræ. Atque a Petro institutum: *Ut caput desuper tonderetur*, testatur Gregorius Turonen. l. de Gl. Mart. Beda etiam in Hist. Angl. narrat, Theodorum expectasse quatuor menses, donec illi capillus cresceret, *quo in coronam tonderi posset*, ut a Vitaliano Papa ordinaretur. Isidorus l. 2. de Off. c. 2. ait: *In circuli corona regnum Ecclesie figurari*. Eandem *circuli coronam* a clericis deferri jubet Tolet. IV. ejusque meminit Sidonius Apoll. qui floruit ann. 459.

Not. III. Tonsuram inter veros ordines numerari a Fagnano, aliisque scholasticis, quibus accedit Jo. Major, & noster Vanroy. Sed oppositum tenent cum D. Thoma omnes fere & schola Theologi apud Gavardi qu. 1. art. 2. eisque subscribunt Bellarminus, Hallier, Morinus, Gonzalez, Piette, & nostrates ferme omnes, quibuscum sit

PROPOSITIO I. Tonsura obtinuit in Ecclesia ab Apostolorum ætate, idque ut clerici a laicis secernerentur.

Prob. I. ex PP. Not. 2. productis, quorum aliqui, ut Gregorius Turonen. & Sidonius ante exactum VI. sæculum florere: quique cum essent doctissimi, incredibile est eos potuisse ad Apostolica tempora referre ritum illum, qui, si Juenino fides, per quinque priora sæcula esset inauditus. Porro PP. illi docent, clericos ab initio Ecclesiæ in vertice fuisse tonsos, ut Nazæorum more Deo dicarentur, Petrum ipsum coronam clericalem gestasse in memoriam passionis Christi ex Rabano &c. Quidam censent Petrum ludibrii causa fuisse attonsum, atque ex tunc clericos omnes comam abradisse, ex Honorio Augustodynen. II. Ex l. 2. Ammiani Marcellini habetur tempore Juliani Apostatæ Theodorum presbyterum supplicio affectum, eo quod nonnullos pueros detondendo illos cooptaret in clericos, III. Ex actis vetustiss. Ecclesiæ Divionen. apud Martene constat S. Benignum presbyterum, qui fuit S. Polycarpi discipulus, in agnitionem Terentii Comitissæ venisse, ob tonsi capitis coronam. IV. Ubi cumque propagata est Christiana religio, clerici a laicis sunt corona capitis, ac tonsura discreti: licet Orientales fere totum occipitium, & magnam sincipitis partem tondere soleant forcipe, non autem novacula, ne videantur incedere *rasis capitibus*, sicut sacerdotes *Isidis*, atque *Serapis*, qui toto capite radebantur: unde nec ita ad pressum tondendum caput, ut *cutis appareat*, monet Hieronymus in cap. 44. Ezech. Ubi non improbat clericalem tonsuram, ut imperite quidam scripsere, sed tonsuram Orientalium describit; atque universalis consuetudo ubique diffusa ab Apostolis derivari putanda est; ergo &c. V. Idem confirmatur ex consuetudine aliarum sententiarum.

I. Enim falsum est quod ait Calvinus, Augustinum ullibi scripsisse, tonsuram ortam esse, ex quo nonnulli comam tonderent, ne effeminati viderentur, sed invehitur S. D. in eos, qui adversus Ap. monitum 1. Cor. 4. scribentis ignominiosum esse viro, *si comam nutriat*, incedebant demissis crinibus, *timentes, ne vilior haberetur tonsa sanctitas, quam comata*. II. Falsum est etiam, quod ait Spencerus, nempe hunc ritum a gentibus promanasse. Ethnici enim totum caput radebant, ut dictum est de sacerdotibus Isis. Assyrii etiam tondebantur, non in deorum cultum initiandi, sed connubio jungendi: & apud Lacedæmones etiam pueruli. Contra Romani, & Græci comam alebant: & si eam diis sacrabant, semel refecabant, nec deinceps incedebant attonsi. Quæ omnia a forma, & usu clericalis tonsuræ valde distant.

III. Fallitur etiam Morinus referens tonsuræ originem ad Ethnicorum derisionem, qui captivos radebant. Nam ratio illa facta ignominie causa erat totius fere capillitii, non tonsio verticis, & corona: illamquæ Christiani non adhibuere, nisi in publica pœnitentia, & in habitu monachali. Unde S. Optatus l. 2. Donatistas redarguens ait: *Docete ubi vobis mandatum est radere capita sacerdotum*. Adde, in abrasione servorum relictum in vertice flosculum raso capillitii residuo; recte ergo Isidorus clericalem tonsuram, non servitutis notam vocat, sed regni.

PROPOSITIO II. Clericalis tonsura non est ordo.

Prob. I. Tonsura ex adversariis est idem ac psalmistatus; sed hic non est ordo, & *sola jussione* presbyteri exercetur ex can. 10. Carthaginen. IV. ergo &c. II. Certum est, tonsuram apud Græcos non esse ordinem, sed ritum quendam invocato Dei nomine, sed nulla forma prolata: *Signatur ter in capite, ac tondetur in forma crucis*, ait Pontificale Græcorum. Nec in ordinatione lectoris, aut psaltis ullum verbum occurrit, quod possit ad capillorum tonsionem referri. III. Si ordinatus apud Græcos ad ritum Latinorum, annuente Rom. Pontifice, transeat, debet promoveri ad omnes Ordines, quos ab episcopo non habuit; atqui non debet ordinari ad tonsuram; ergo hæc est ordo. IV. In vetustiss. Pontificalibus omnes Ordinationes incipiunt ab ostiariatu ex libris Sacram. Greg. p. 219. unde & Conc. Carthaginen. IV. inter gradus, qui stricte ordines sunt, primo ostiariatum locat, sed si tonsura ordo esset, primum locum ipsa occuparet; ergo &c.

V. Catechismus R. ait, tonsuram esse *quamdam preparationem ad ordines suscipiendos: ut enim homines ad baptismum preparari solent; ita cum tonso capillo tamquam aditus ad ordinis Sacramentum illis aperitur; ubi non comparatur tonsura*  
ba-

baptismo, ut putat Vanroy, sed dispositionibus eum præcedentibus. VI. Trid. Synodus sess. 23. c. 8. declarat, ut si aliquis non a proprio episcopo ordinetur, ordinans a collatione ordinum per annum sit suspensus: & tamen Fagnanus ipse in cap. *Cum contingat*, ait, episcopum Hieracen. ob tonsuram extraneo collatam, non incurrisse suspensionem, quia tonsura a Concilio non habetur pro ordine; ergo fatentibus adversariis per Tridentinos PP. tonsura non est ordo.

Ob. I. Innoc. III. cit. cap. *Cum contingat* ait: *Per primam tonsuram, juxta formam Ecclesiæ datam, clericalis ordo confertur*; ergo &c. R. neg. conf. Nam ordinis nomine accipi potest status, quo clerici laicis præeminent. Unde Pontifex consulto ait: *Clericalis ordo, non ordinis Sacramentum*. Deinde una cum tonsura ibi etiam lectoratus, alique minores ordines comprehenduntur: unde sensus cap. *Cum contingat* is est, tonsuram in clericum, & constitutum in minoribus ordinibus a proprio abbate, revera esse clericum, & ordinatum.

Ob. II. Tonsuratos aliquando degradari constat ex Pont. R. 3. p. ubi de degradatione a tonsura habetur: *Degradamus, & exuimus te omni ordine &c.* ergo &c. R. neg. conf. Degradatio enim non arcet ab ordine, prout Sacram. & character est, non enim est indelebilis, sed ab officio, & habitu, & privilegiis. Idem dicendum de Constit. Sixti V. *Sanctum & salutare*, ubi tonsuratis tribuitur character, non quidem interior, & Sacramentalis, sed exterior nota, & ipsa capillorum detonsio, quæ a Græcis dicitur: *Character tonsuræ*.

Ob. III. Episcopus Deum orat, ut tonsuratis donet spiritum S. ergo &c. R. neg. conf. Nullus enim est ritus sine aliqua divinæ gratiæ invocatione, qui, si accenseatur Sacramentis, horum numerus infinitus exurget.

## C A P U T IV.

### *De minoribus ordinibus.*

NOT. I. Ex septem Ordinibus 2. cap. memoratis primi quatuor minores, tres alii majores dicuntur: quia per hos datur jus propius ad altare accedendi, sacra peragendi, & presbyteris rem divinam facientibus intime adstanti. Constat ex c. 2. & 3. Quatuor minorum Ordinum meminere Cornelius, Cajus, Sylvester Papa, & Synodi vetustiss. Laodiceana, Carthag. IV. ac Tolet. I. nec non Epiphanius, & auctor ep. ad Antiochenos &c. *Ostiarium* autem meminit S. P. A. Nazianzenus, Eginardus, Isidorus, Amalarius, Rabanus, Ivo, alique complures.

*Lection*

*Lectoratus* etiam meminere Græci omnes, apud quos hic ordo prius omnium confertur. Promotum ad *lectoratum* a Melerio Chrysostomum scribit Marcellinus Comes, & idem de se ipsis tradidere Nazianzenus, ac Theodoretus. Ex Latinis hunc ordinem laudarunt Tertullianus l. de Præscr. ubi carpens leves ordinationes hæreticorum ait: *Hodie diaconus, qui cras lector*. Hinc refelluntur Magdeburgen. qui ajunt Cyprianum omnium primum lectores commemorasse. Ipse Cyprianus ep. 24. ait, Saturum a se ordinatum fuisse *lectorem*. Memorantur etiam lectores in historiis Donatistarum, ubi legitur, a Paulo Cirtensi Munatio proditum S. codices a lectoribus asservari. Et in Actis Mart. Cibaltanorum Pullio dicitur: *Primicerius lectorum*. Eisdem laudat S. P. Serm. 17. 18. 67. & alibi: & S. Paulinus l. 4. ubi etiam meminit *exorcistæ*, de quo sermonem habet Tertullianus ad Scapulam, Firmilianus, Hilarius, Eusebius Vercell. Hieronymus &c. Acolythi nomen a Græco ἀκολυθῶν sequor, idem sonat ac pedissequus. Laudatur a Cypriano ep. 28. a Hieronymo, August. Greg. M. &c. Vide Morinum, Menardum, Mattene, Ducangium &c.

Not. II. Quoad officia ac munera osliarii, lectoris &c. legendus Ordo Rom. Isidorus, Alcuinus, Amalarius, Rabanus, Ivo Carnot. & recentiores supra cit. Hugo item, Magister, S. Thom. S. Bonav. &c. Qui communiter tradunt, munus osliarii esse aperire, & claudere fores templorum, infideles, & excommunicatos ejicere, ad divina datis signis plebem vocare &c. urde confertur hic ordo traditione clavium ex canon. 9. Carth. IV. Lectoris munus est novi & veteris Testamenti libros distincte recitare, cantare lectiones, & ex Catech. Rom. priusna fidei rudimenta tradere catechumenis. Confertur propterea hic ordo traditione codicis, in quo psalmi, aut divinæ lectiones continentur. In pluribus Pontificalibus habetur: *Lectorem oportet legere ea, quæ prædicat*: unde imperite suspicantur nonnulli huic ordini alligatum olim ministeriam concionandi, aut cantandi in solemnî Missa Evangelium. Etenim ibi *prædicare* significat alta voce e suggestu pronunciare: unde lectores ab Isidoro *proclamatores* dicti sunt. Notat Habert in Pontificali-Græc. legi: *Ei qui prædicat, non ea, quæ &c.* Olim quippe lector de pulpito legebat præscriptam ab episcopo scripturæ partem, quam postea idem episcopus interpretabatur, ut constat ex serm. 67. S. Aug. & ex Apol. Justin, ubi legimus episcopos populum allocutos, *pausam faciente lectore*. Exorcistæ munus est energumenis manus imponere, & dæmones pellere. Ordinatur traditione libri exorcismorum. Ad acolytos demum spectat luminaria deferre, & accendere, vinum

vinum & aquam ad Eucharistiam ministrare, unde ordinatio fit porrectione candelabri cum candela extincta, & urceoli vacui ex Pontificali Romano.

Not. III. Quæri solet in scholis, num quatuor minores Ordines sint gradus ab Ecclesia instituti, an ordines proprie dicti, & Sacramenta? Et quidem Sacramenta esse probabilius censent Thomistæ cum D. Bonaventura, Scoto, & Scotistis, quibus accedunt Noltrates, Argentinas, Gibbon, Gavardi, Vanroy, Pierrè, nec non Paludanus, Richardus, Estius, Sylvius & scholastici omnes, excepto Cajetano, Durando, Viçtoria, Vasquio &c. qui negant, minores ordines esse Sacramentum. His accedunt Morinus, Le-Droint, & Natalis Alex. In hanc sententiam propendit Lupus in decr. S. Gregor. VII. pag. 832. 1. edit. & huic nos quoque subscribimus. Sit itaque

PROPOSITIO I. Plausibilis est, catholica, & probabilis sententia negans minores ordines esse vera Sacramenta.

Prob. I. ex numero, doctrina, & fama scriptorum hanc sententiam propugnantium, quorum plerique post Trid. Synodum florere, nec unquam fuere censoria nota perstricti. II. Estius ipse dist. 24. scribit: *De minoribus ordinibus probabilis est opinio, quod non sint proprie Sacramenta*. III. Præcipuum adversariorum momentum petitur ex definitionibus Florent. & Trid. Syn. quæ Ordinem proprium Sacramentum esse declarant, eamque in septem dividunt. Sed ex iis id unum vincitur, nempe Sacramentum ordinis certa fide tenendum, & ad eum per varios gradus ascendi, non autem quod omnibus his gradibus Sacramenti ratio ex æquo conveniat. Ac de Florentinam Synod. Armenis tradidisse, non tam dogmata, quam ritus Rom. Ecclesiæ, in quibus tamen dissident Orientales. Et quidem Tridentinum, ex Pallavicino l. 21. c. 13. coactum ad extirpandas hæreses, non ad finienda scholarum diffidia: *Namque declarat omnes ordines esse gradus ex ordinatione Christi, & non mere ex ordinatione Ecclesiæ, cum adhuc in questione versetur, an omnes ordines sint Sacramenta; quod de minoribus negatur a Gabr. Vasquez; cujus præcipua fundamenta hæc sunt: I. quod ii simul cum hypodiaconatu probabiliter a Cajo Pontifice videantur instituti, ex prop. I. c. 2. II. quod Magister, alique eos sacerdotio, & diaconatui adjectos fuisse scribant: Ut ad sacerdotalem gradum productior esset adscensus.*

III. Urbanus II. apud Ivonem p. 5. Decr. c. 72. ait: *Sacros ordines dicimus diaconatum, & presbyteratum. Hos siquidem solos primitiva legitur Ecclesia habuisse*. IV. Græca Pontificalia solum lectoratum commemorant; quem, non secus ac psalmistatum, conferunt quidem Græci, non tamen ut Sacramen-

mentum agnoscunt. V. Non defunt exempla Chrysostomi, Theodoret, Nazianzeni, Pauliniani, Macedonii, Acepſimæ, & Salamanis eremitarum, qui minoribus ordin. omiſſis ad diaconatum, & presbyteratum promoti ſunt. VI. Accedit ratio: I. Enim officia clericorum minorum etiam laicis committuntur; ergo &c. II. Amplior poteſtas per tonſuram, quæ ordo non eſt, confertur, quam per minores ordines; ergo &c. III. Hi referuntur ad ſacerdotium, ut catechiſmus ad baptiſma; ergo ſunt ritus, non Sacramenta. IV. Videntur inſtituti, ne ſacerdotio fungerentur tirones, & neophyti; ergo ad Eccleſiaſticam diſciplinam ſpectant, non ad Chriſti inſtitutionem.

PROPOSITIO II. Veriſimilius eſt quatuor minores ordines eſſe Sacramenta.

Prob. I. Ex Carthag. IV. can. 2. 3. & 4. ubi ait: *Subdiaconus, cum ordinatur, acolythus cum ordinatur, exorcista cum ordinatur &c.* at can. 10. agens de pſalmiſta, & 4. de conſecr. monialis ab ordinationis nomine abſtinet; ergo &c. II. Florent. Synodus agens de Sacr. ait: *Sextum Sacramentum eſt ordinis, cujus materia eſt &c.* Et recensitis rebus, quibus apud Latinos conferuntur ordines majores, ait: *Et ſimiliter de aliis.* Definita etiam ſacerdotii forma ait: *Et ſic de aliorum ordinum formis;* ergo &c. III. Tridentinum etiam in hanc ſententiam propendet: nam ſeſſ. 23. c. 3. ait, *Ordinem vere eſſe Sacramentum*, ubi univerſum de ſacra ordinatione loquitur, *qua verbis, & ſignis exterioribus perficitur.* Et c. 4. ait, non requiri ſæcularis poteſtatis conſenſum *in ordinatione episcoporum, ſacerdotum, & ceterorum ordinum.* Item can. 2. poſtquam definiit: *Præter ſacerdotium eſſe in Eccleſia alios ordines majores, & minores,* ſtatuit, *ſacram ordinationem eſſe vere & proprie Sacramentum.* Et c. 2. ait, nedum diaconos, & ſacerdotes, ſed etiam ſubdiaconos, & in minoribus conſtitutos, *atque uniufcujuſque ministeria ab Eccleſia initio in uſu fuiſſe.*

IV. S. Cyprianus lectorum ordinationes in cit. epistoſis recenſet, eoſque appellat: *Plebi univerſe pro honoris ſui charitate conſpicuos;* ſed ſonat aliquid præſtantius nudo legendi miniſterio: Si autem lectoratus eſt Sacramentum, cur non alii minores ordines? Profert etiam clariff. Auctor Auguſtini, & Hieronymi ea de re teſtimonia, ſed ea non videntur inſicta. Idem probat S. Thomas q. 35. Suppl. art. 2. ex quo minores ordines non iterentur: unde S. D. hanc ſententiam communio-riorem appellat. Item in Pontificali Rom. tit. De ord. confe-rendis habetur: *Moneat ordinandos, quod iſtrumenta, quibus character imprimitur, tangant.* Accedit ratio: I. In ſingulis ordinibus adhibetur materia, & forma peculiaris exprimens poteſtatem miniſterii in ordine ad Euchariſtiam.

II. Si

II. Si min. ord. Sacramenta non essent, nec characterem imprimerent, sed essent gradus & ministeria, quæ per excommunicationem deleterentur; ergo restituti in gradus pristinos essent iterum ordinandi; quod praxi Ecclesiæ adversatur; ergo &c. III. Cum alia sint in Ecclesia ministeria, ut sacristarum, cantorum &c. si minores ordines essent his similes, multo plures essent quam septem; ergo &c. IV. Græcus presbyter veniens ad ritum Latinorum tenetur supplere exorcismatum, & subdiaconatum prætermisum, ex definitione Benedicti XIV. & ex cap. *Sollicitudo* dist. 3. n. 1. sive ex Rescripto Alex. II. ad ep. Constan. ergo &c.

Ad I. momentum oppositæ sententiæ. R. neg. ant. Cæus enim non instituit Ecclesiasticos ordines, sed officia distribuit. Nam septem *ordines* a Cornelio, qui sedit ante Cajum, distincte numerantur. Adde, verbum *constituere* non semper priorem institutionem ostendere. Ad 2. vide Prop. 2. c. 2. Adde scriptores antiquiss. singulos *ordines* commemorantes: sed etsi nulli suppetrent, iis, qui ajunt minores ordines in primitiva Ecclesia non fuisse, præponderare deberent Trid. PP. qui oppositum docent. Ad III. R. Urbanum ibi agere de ordinibus sacris, ac de lege continentia, quæ iis adnectitur. Addit, de minoribus ordinibus non extare *præceptum Apostolicum*, eo quod ii Ecclesiæ arbitrio relictæ essent.

Ad IV. vide Prop. 3. c. 2. Ad V. R. viros quosdam insigniores *per saltum*, ut ajunt, fuisse ordinatos, quod postea legibus Ecclesiasticis vetitum est. Adde ex hoc argumento sequi, nec diaconatum esse verum Sacramentum, cum constet, Macedonium, Acephum, & Salamanem ad Sacerdotium fuisse promotos prætermisso diaconatu. Ad I. rationem R. D. Thomas, ibi laicis id non convenire, *ex officio*, sed iis committi ex clericorum defectu. Ad II. vide cap. præcedens. Ad III. neg. conf. Catechismus enim est mera dispositio ad baptismum, at minores ordines conferunt clericis spiritalem potestatem.

Ad IV. R. Ecclesiam per interstitia, inter unum ordinem, & alium satis providisse, ne statim neophyti ad sacerdotium ascenderent. Ex dictis infertur, duorum ordinum, presbyteratus nempe & diaconatus, quæ vera & propria Sacramenta esse constat, institutorem, & auctorem fuisse Christum Jesum. At de minoribus ordinibus adhuc sub judice lis est. Nam qui eos Sacramenta esse negant, ajunt, Ecclesiasticam institutionem habere, nos autem, qui illis tribuimus Sacramenti excellentiam, a Christo institutos fuisse cum aliis Sacramentis cogimur affirmare. Cujus institutionis indicia, quoniam rationem firmissimam reddere non valemus, I. ex ipsorum ordinum



num vetustate repetimus, cui nullum principium assignare possumus post Apostolorum ætatem. II. Quia inverisimile est, ea quæ spectant ad sacra mysteria non fuisse a Christo ordinata. III. Christus ipse cujusque ordinis implevit officia, ejiciens ementes & vendentes e templo, legens in medio Seniorum librum Isaïæ, & dæmones pellens, quod non solum docuit Magister, sed etiam Egbertus Eboracæ. apud Martene, Simeon Theff. aliique apud Morinum. Quod ergo Christus implevit, cur non potuit Apostolis injungere, & Ecclesiæ suæ commendare?

## C A P U T V.

### *De subdiaconatu.*

**H**ypodiatonos antiquitus extitisse constat ex auctoribus epist. ad Antiochenos, Const. Apost. & Canonum Apost. Nec non ex Epiphanio, Cypriano, Concilio Laodiceno, Carth. IV. Tolet. I. & Agathen. quæ eorum expresse meminere. Eorum officium est, ex Pontificali Roman. aquam ad ministerium altaris præparare, diacono ministrare, pallas altaris, & corporalia abluere, calicem & patenam eidem offerre, & de oblationibus ponere super altare, quantum populo possit sufficere. Apud Græcos episcopo aquam fundit, fores templi custodit, catechumenos introducit, & educit eos, qui sunt in poenitentia, ex Simeone Theff. Zonara, Balsamone, apud Morinum p. 2. pag. 219. & ex Cypriano olim ad eum spectabat catechumenis tradere fidei rudimenta. Confertur hic ordo traditione calicis & patenæ, ex Concilio Carthag. & Flor. Addunt Pontificalia librum Epistolarum, sed communis opinio est, subdiaconos olim epistolam non legisse: Si res ita se habet, liber materia esset accidentaria. Hunc ordinem esse Sacramentum negant ferme omnes, qui negant minores ordines esse Sacramenta. Contra quos sit

PROPOSITIO I. Subdiaconatus habet ea omnia, quæ novæ legis Sacramentum constituunt.

Prob. I. enim habet Christi institutionem. Nam Euchologia, & Pontificalia tradunt, subdiaconum ordinari hac oratione: *Deus, qui per Spiritum sanctum divisisti charismata tua &c.* II. In ejus ordinatione habetur materia, & forma, quibus ei traditur potestas tangendi, & deferendi vasa sacra, & diacono ministrandi. Nec dicas, etiam laicos olim Christi corpus manibus contrectasse, quod magis est, quam sacra vasa tangere; aliud enim est de altari communionem recipere, aliud ad altaris ministerium accedere; illud ad fideles omnes,

hoc

hoc ad solos in Dei sortem adscitos spectat : unde Synodus Laodicena *sacra vasa contingere* etiam sanctimonialibus verat. III. In ea ordinatione character imprimitur, cum nunquam iteretur. Nec dicant recentiores, tonsuram, & consecrationem templi non iterari, licet non imprimant characterem ; nam Morinus ipse, a quo omnia exscribere, sentit tonsuram fuisse in collatione cujusvis ordinis iteratam : & ex consecratione templi inferunt quidam scholastici ordinis characterem, quia chrisma tribuit permanentem consecrationem. IV. Hac ordinatione gratiam conferri ex eo constat, quod effectus unius Sacramenti, ubi adsit dispositio suscipientis, non est ab alio sejunctus ; ergo &c.

Nota : indubitatum est subdiaconatum esse ordinem sacrum, idque perspicue declaravit Trid. sess. 23. c. 2. ubi ait : *Subdiaconatus ad majores ordines a PP. & S. Concilio refertur*, quando autem ad eam dignitatem fuerit evectus incertum est. Menardus, Bona, Thomassinus, Morinus, Lupus, alique innumeri tenent, hypodiaconatum per duodecim priora secula in classe minorum ordinum fuisse locatum, & ad sacros elevatum, quando statutum est a Romana Ecclesia, ut subdiaconi castitatem solemniter voto profiterentur. Hæc sententia his momentis innititur. I. Innocentius III. cap. *A multis* in 1. Decr. tit. 14. ait, subdiaconos posse episcopos eligi : *Cum hodie subdiaconatus inter sacros ordines computetur*. Ibidem laudat Urbanum II. declarantem in Synodo Benevent. ann. 1091. solum presbyteratum, & diaconatum in Ecclesia primitiva sacros fuisse. Circa idem tempus in classem sacrorum ordinum subdiaconatum elatum esse scripsere Ivo, Gratianus, & Petrus Cantor ; ergo &c.

II. Conc. Laodicenum can. 21. ait : *Non oportet ministros locum habere in diaconico, & dominica vasa tangere*. III. Subdiaconatus confertur a Latinis sine manuum impositione, quæ est sacrarum ordinationum materia, & simul cum minoribus ordinibus a Græcis extra sanctuarium in *diaconico*. IV. PP. in ordine Hierarchico locant tantum episcopos, presbyteros, & diaconos : unde Ignatius ait, laicos diaconos subjici, hos presbyteris, istos episcopis. De subdiaconis ne verbum quidem. Hieronymus etiam in ep. ad Evang. subdiaconos in infimam classem rejicit. Idem præstant plures literæ synodice ; ergo &c. Videtur tamen hæc quæstio sic distinguenda. Si ratio ordinis sacri petatur a solemniter coelibatus professione, verum est subdiaconum non semper fuisse sacrum ordinem : sed coelibatus ad sacri ordinis decentiam spectat, non ad substantiam, alias Græcis deessent ordines sacri. Quamvis etiam apud Græcos non liceat hypodiacono inire connubia, & apud

Lati-

Latinos cœlibatam eorum, qui *sacris ordin. presbyteratu, diaconatu, & subdiaconatu sunt positi*, in VI. Synodo constitutum (idest can. 6. Trull.) asserit Innoc. III. loco cit. ergo ante Urbani II. tempora cœlibatus subdiaconorum obtinuit.

Si vero ordo sacer, & hierarchicus accipiat, prout confert in Ecclesia jurisdictionem aliquam, subdiaconatus non est inter sacros ordines computandus, quod constat I. ex 4. præced. argumento. II. Ex Const. Apost. l. 2. 7. & 8. ubi presbyteris, & diaconis, non autem subdiaconis, tribuitur pauperum cura. Idem evincitur ex Tertulliano, Cypriano, Opt. Milév. & ex can. 15. & 16. Nicæno. Ex quibus tamen non infertur, trium *Hierarchicorum ordinum* jurisdictionem parem fuisse. Semper enim episcopi primum locum, secundum presbyteri, tertium diaconi ex Laodicensi, Arelaten. & Nicæna Synodo sibi vindicarunt. His ergo competit plebem regere, quædam Sacramenta ministrare, & verbum Dei prædicare: quod cum subdiaconis non competat, satis constat, hunc ordinem non esse hierarchicum. Si vero ordo sacer dicatur, prout spiritalem donat facultatem propius adstandi ministerio altaris, ibique locandi oblationes, ac sacra vasa ex officio tractandi, cum Trid. dicimus: *Subdiaconatum ad majore ordines a PP. & S. Conciliis referri*, quibus verbis Trid. PP. non posteriora Concilia, sed Patrum traditiones designant. Canones etiam Apost. n. 8. 16. 17. 50. & 62. hæc habent: *Si quis episcopus, presbyter, diaconus, vel ex S. catalogo &c.* ac deinde inferiores clericos memorant. Sed soli subdiaconi medii sunt inter diaconos, & minores clericos; ergo &c. III. Ibi subdiaconi dicuntur: *Sacror. vasorum custodes*, ordinantur a Latinis traditione calicis & patenæ, ex Carth. IV. & vetustiss. Pontific. ergo &c.

Opp. Can. 21. Laodicenum supra cit. n. 2. & quod proferitur n. 3. ex ritu subdiaconatus. R. ad I. Can. Laodicenum loqui de vasis jam in altari locatis, & sacrificii tempore non contractandis, vel de *vasis Dominicis*, quæ nempe actu continent Eucharistiam. Quod vero ibi dicatur, vetitum hypodiaconis ingredi *diaconicum*, id exposuere viri docti de sacrario illo, in quo diaconi post mysteriorum celebrationem recondebant Eucharistiam. Nos tamen opinamur *diaconicum*, de quo canon Laod. locum fuisse Ecclesiæ contiguum destinatum sacrorum vasuum custodiæ, & peregrinorum hospitio, cujus loci diaconus curam gerebat. Hoc enim significat illud: *χωρὸν εἶναι*, idest *sedem & possessionem habere*, quod imperite quidam *ingredi reddidere*; qui tamen secum pugnant, cum ajunt hypodiaconos a Græcis ordinari in *diaconico*. Ad II. R. Impositionem manuum a Græcis adhiberi etiam in ordinatione hypodiaconi, & lectoris. Qui vero ordines hosce negant esse Sacramen-

eramenta, asserere debent impositionem manuum aliquando esse ceremonialem, nec semper sacre ordinationis materiam. Ceterum ideo subdiaconatus extra sanctuarium in *diaconico* conferebatur, quia ibi incipit ejus ministerium, quod est vasa sacra ad altare deferre.

## C A P U T VI.

*De sacro diaconatus ordine.*

NOT. I. Diaconus, græcè *Διάκονος* a *διακονία* ministro, *ministerium* latine significat. Vetusissima ejus institutio evincitur, ex Act. 6. ex ep. S. Ignatii ad Trall. ex 65. Cypr. & Auctor Const. Apost. l. 2. c. 44. diaconos vocat: *Aures, oculos, & animam episcoporum*. Est enim ejus munus eorum sequi vestigia, concionantibus, & conficientibus Sacramenta præsto esse, Evangelium legere in Missa, & de eorum, qui præsumt, facultate prædicare, baptizare, & Eucharistiam distribuere. Vigente enim usu calicis, hunc diaconi ministrabant. Commissa etiam iis erat dispensatio bonorum Ecclesiarum, & ad Concilium deducere adventantes episcopos, & acta publica in iis legere, & clericorum querimonias deferre, iisque cura cartophylacii Ecclesiastici committebatur. In Latina Ecclesia ordinantur diaconi manuum impositione, & traditione libri Evangeliorum. In Græca manus impositione, & porrectione stabelli, quod apud eos sacra dona ventilantur. In aliquibus Anglicanis Ecclesiis eorum manus chrismate ungebantur, sed hoc alienum est a Romanæ Ecclesiæ consuetudine.

Not. II. Diaconatum esse verum Sacramentum communis opinio est, ac talem quoque fuisse ordinationem septem diaconorum Act. 6. non vero ad profanum dumtaxat ministerium institutum, ut sentiunt hæretici, & catholici etiam, inter quos Œcumenius; Beda, Cajetanus, Vasquez &c. Sit ergo

PROPOSITIO I. Septem diaconi, de quibus Act. 6. non ad profanum usum, sed ad Sacramentum, & sacramentali ordinatione initiati sunt.

Prob. I. ex Act. Apost. ubi legitur I. ad diaconatum electos probatos viros *plenos Spiritu S. & sapientia*. II. Eos ad Apostolos fuisse adductos, iisque manus impositas. III. Ex iis Stephanum Christum tanto zelo annuntiasse, ut lapidibus a Judæis obrueretur: Philippum vero ethiopem convertisse, & baptizasse; ergo &c. Ut enim ait Estius, inverisimile est viros tam egregie in fidei doctrina instructos ab Apostolis profanis officiis addictos esse. Deinde manuum impositio, sacre ordinationis materia est, ex c. 1. libri hujus; præsertim

tim cum ei Apostoli preces adjunxerint. Hinc Grotius ait : *Quod hic fecere Apostoli, idem episcopi postea tum in presbyteris, tum in diaconis ordinandis.*

Prob. II. ex PP. Cyprianus ep. 68. querens, cur in ordinatione diaconorum Apostoli plebem convocarint? &c. Ne quis ad altaris ministerium indignus obreperet. Euseb. l. 2. H. E. c. 1. ait : *Septem spectatae virtutis viri per peccationem, manusque impositionem diaconi constituti sunt, qui Ecclesiae ministerium exhiberent.* Chrysostomus hom. 3. in Act. ad ea verba; *Imposuerunt illis manus*, ait : *Hoc ritu septem illos segregatos a multitudine.* Addit eos ordinatos impositione manuum, & prece, & in sacra illa actione fuisse etiam divinam operationem. Beda in priori exp. Act. & in ejus Retract. ait : *Communis dispensatio exigebat, ut ministri pro viduis eligerentur. Verum crescente gradatim, ut solet, providentia consilii salutaris, placuit eisdem ipsos altaris quoque sacri, sicut & refectionis mensae communis fidelium, ministros ordinari.* Unde quædam Pontificalia in ordin. diaconi habent : *Dona illi gratiam, quam Stephano tuo donasti, quem primum vocasti ad opus ministerii tui.* Similia habent Aegyptii, & Maronitæ in ordinatione archid. Apud Latinos ait episcopus : *Cogitate Stephanum merito castitatis ad officium istud electum.* Hinc septem diaconorum exemplo in Rom. Ecclesia totidem ordinabantur, ex ep. S. Cornelii cit. c. 2. ergo &c.

PROPOSITIO II. Diaconatus est ordo sacer, & Sacramentum.

Prob. I. ex momentis Prop. præced. Prob. II. ex canonum auctoritate. Nam in Carthag. IV. can. 4. diaconus dicitur consecrari in sua ordinatione, & can. 38. ei permittitur, annuente presbytero, Eucharistiam distribnere. Trid. sess. 23. ait, Ecclesiasticam Hierarchiam ex episcopis, presbyteris, & ministris constare, diaconis nempe, qui peculiariter, & vi nominis ministri dicuntur. III. ex PP. Ignatius ep. ad Trall. ait : *Cunctos debere revereri diaconos, ut mandatum Jesu Christi : ubi diaconum vocat ministrum non esculentorum, sed mysteriorum.* J. C. Clemens Alex. diaconorum officia comparat angelorum ministeriis. Auctor Eccl. Hierar. c. 3. eos vocat : *Selectos liturgie ministros.* Optatus Milev. l. 1. diaconos vocat : *In tertio sacerdotio constitutos*, idest post episcopos, & presbyteros. Hieron. ep. 803. ad Evang. ait : *Quod Aaron, & filii ejus atque levita in templo fuerunt, hoc sibi episcopi, & presbyteri, & diaconi vendicant in Ecclesia Dei.* S. P. alique PP. docent, diaconos sacrum Christi sanguinem ministrare. Prudenter in Hymno 5. de S. Vincentio ait : *Levita de tribu sacra minister altaris Dei &c.* In vetustiss. Pontificali ordinationi diaconorum hic titulus præfigitur : *Consecratio diaconi.* Hinc Trid. sess. 14.

anathema dicit iis, qui ajunt, in sacra ordinatione frustra dici ab episcopo: *Accipe Spiritum sanctum*, sed hæc profert episcopus in consecratione diaconi; ergo ejus consecratio est signum sensibile conferens Spiritum sanctum, & gratiam.

PROPOSITIO III. Diaconus est ordo hierarchicus.

Prob. I. Nam Antiochena Synod. Illiberitana, Tolet. IV. &c. ajunt diaconos, qui *per parochias constituuntur, plebem regere, & episcopo, aut presbytero annuente, baptizare*. Gregor. Turonensis laudat Cantinum quendam, & Beda Jacobum laudat, qui docendo & baptizando magnas antiquo hosti preda eripuit. Diaconi, ex Chrys. hom. 83. laicos indignos etiam magnates a sacra mensa arcebant. Excommunicabant inferiores clericos, ex L. 8. Const. Apost. c. 28. Corripiebant peccantes adversus Ecclesiam instituta, ex Opt. L. 1. Iplis commissam monialium, & monachorum curam patet ex vita Amonis diaconi. In Urbe singulis regionibus præciebantur, unde *Regionarii* dicti sunt: sicut *Stationarii* dicebantur, qui Evangelium canebant Pontifice ad stationes proficiscente: & *Cardinales diaconi*, qui præcipuas diaconias administrabant; ergo &c.

Ob. I. Act. 6. septem diaconi electi sunt, quia æquum non erat, ut Apostoli ministrarent mensis, unde ad sedandum murmur Græcorum adversus Hebræos præfecti sunt eleemosynarum distributioni inter viduas utriusque nationis; ergo &c. II. Diaconus a Hieronymo *mensarum*, & viduarum minister vocatur; ergo &c.

III. Chrysostomus hom. 14. in Acta ait: illis septem diaconis non factum aliquid ministerium demandatum fuisse, sed functionem laicam subministrandi viduis alimentum, ut observat Sixtus Senens. l. 6. Bibl. Hinc Trull. Synodus can. 16. productis Chrysostomi verbis: *Unde nec diaconorum, nec presbyterorum nomen existimo apertum esse, ac manifestum*, ait: *Propter hæc ergo nos quoque predicamus, ut prædicti septem diaconi non de iis accipiantur, qui mysteriis servant, sed eos esse, quibus fuit tradita dispensatio communi eorum, fidelium, usus*. Eadem docet Œcumenius p. 54.

IV. Item S. Cyprianus ep. 65. ad Rogat. ait: *Episcopos præpositos Dominum elegisse, diaconos autem Apostolos sibi constituisse episcopatus sui ministros*. V. Adde ex ep. Vigilii Papæ ad Rusticum, & Sebastianum evinci aliquos diaconos ad tempus constitui, ut iste Sebastianus, loco Stephani & Anatolii absentum; ergo &c.

R. ad I. neg. conf. Quamvis enim occasione murmuris Græcorum septem diaconi fuerint electi, constat tamen ex manuum impositione, ex Spiritus S. iis facta collatione &c. eos fuisse simul inauguratos ministros sacros. Adde, in publicis

conventibus fidelium, ex 1. ad Corinth. 11. distributam fuisse Eucharistiam; opus ergo erat ut mensarum ministris illius dispensatio committeretur. Eleemosynæ etiam viduis distribuendæ collectæ erant ex fidelium oblationibus factis in sacrificio; ergo & istæ committendæ erant altaris ministris; ergo ex Actibus Apostolicis firmatur potius, quam infirmatur nostra sententia.

Ad II. dist. ant. Vocatur ad comprimendam diaconorum impudentiam, qua se presbyteris comparabant, conc. ad elevandam eorum potestatem, neg. Afferit enim ibi S. D. diaconos sibi vindicare in Ecclesia Dei, quod fuit Aaron, & filii ejus in templo. Vide prop. 2. Ad III. neg. ant. Ad prob. R. Nullius ponderis existimandum esse canonem illum, cum nitarur falsæ Chrysostomi interpretationi, qui loco cit. hæc habet: *Unde neque diaconorum, neque presbyterorum nomen esse opinor perspicuum, sed interea in hoc fuerunt ordinati*, quæ postrema verba a Trullana Synodo, a Sixto Senen. aliisque mittuntur. Vult ergo Chrysostomus ab initio, quoad nomen, non fuisse inter episcopos, presbyteros, & diaconos apertum discrimen, omnesque sacros ministros fuisse appellatos; horum tamen extitisse ordinationes, quæ interim peragebantur, ut formata paulatim Ecclesia suis unicuique gradus consisteret. Nam Chrysostomus caute nomen apposuit, dixitque tunc non extitisse diaconos, nec episcopos; interea tamen peractas fuisse illorum ordinationes. Sicut ergo erant ab initio, quoad characterem, episcopi; ita erant & diaconi: quod Chrysostomus perspicue testatur hom. 11. in 1. ad Tim. & in eadem hom. 14. in Act. ordinationem diaconorum non obscure delineans, ut supra monuimus.

Ad IV. R. Cyprianum id unum voluisse, Christum nempe non consecrasse diaconos, sed istos ab Apostolis fuisse constitutos, ut cujusdam diaconi adversus episcopum insurgentis audaciam reprimeret. Ad V. R. Vigilium non de ordinis characterem loqui, sed de officio, & loco. Sebastianus quippe dissidia excitans merito a Vigilio a diaconatus gradu dejectus est. Nec repugnat, aliqua ordinum ministeria a non ordinatis exerceri, ex indulgentia Pastorum, aut Ecclesiæ necessitate, at plura sunt munia solis diaconis concessa, ut legere Evang. &c.

## C A P U T VII.

### *De diaconissis.*

NOT. I. Diaconissarum nomine, nedum uxores diaconorum designatas fuisse, sed pias quasdam, & pudicas mulieres cer-

cer-

cetis in Ecclesia ministeriis addictas, alibi dictum est. Earum sane antiquissima est institutio. Apostolus enim Rom. 16. *Phœben commendat, quæ est in ministerio Ecclesiæ*: ubi Græcus habet: *Διακόνῃ τῇ Ἐκκλησίᾳ*, *Diaconam Ecclesiæ*. Unde Græci in ordinatione diaconissæ, ita Deum orant: *Largire huic ancille tue gratiam, sicut largitus est Phœbæ, quam vocasti ad opus administrationis*. In Const. Apost. l. 3. legitur viduas illas, quæ publicis eleemosynis alebantur, *episcopis, presbyteris, diaconis, & diaconissis* fuisse subjectas. Diaconissarum quoque fit mentio in epist. Ignatii ad Smyrnæos, ubi habetur: *Virgines quæ dicuntur viduæ*, ob continentię propositum, & ob ordinem, in quem erant adlectæ: Earum quoque meminit Tertullianus, Basilius, canon 19. Nicæn. Chalced. 15. Trull. 14. apud Cotelerium, & Lupum.

Not. II. Negari non potest diaconissas fuisse aliqua ceremonia initiatas. Nam in Const. Ap. l. 8. c. 20. legitur: *Invocatio in ordinatione diaconissæ*, in qua ipsa electa dicitur ad ministerium: ibique præmittitur constitutio Bartholomæi his verbis: *Episcopo impones ei manus*. In Pontificali, & Euchologio Græc. episcopus circumponit collo ipsius subtus *Maphorium* (idest S. virginum pallium) *stolam diaconalem*. Eandem ordinationem præsupponit Trullana Synodus can. 40. mandans, ne ordinetur ante ann. 40. Hoc ordine initiatæ sunt Theosebia uxor S. Gregorii Nyss. Olympias scæmina præstantissima &c. Meminit etiam hujus ordinationis antiquus Ordo Rom. vetus Pontificale Salisburgen. Tolosanum, Tertullianus de velandis Virg. &c. Sit ergo

PROPOSITIO. Ordinatione diaconissarum non fuit initiatio sacramentalis.

Prob. I. enim ad nullum altaris ministerium assumebantur. II. *Custodes sanctuarum januarum* dicuntur l. 8. Const. Apost. c. 20. unde scæminæ ingrediebantur in templum. III. Electæ tantum dicuntur ad mulierum ministeria ex l. 3. c. 15. nempe ad denudandas mulieres sacro baptismo ablundas, ad cohortandas juniores, ad quas non decebat diaconos accedere. Ib. l. 2. c. 26. habetur ad diaconissas spectasse mulieribus ad episcopum introducendis adesse; ergo ad evitanda scandala, non in gratiam sacrorum mysteriorum, eorum ordinatione fuit instituta. Hinc S. Epiphanius hæc. 76. ait: *Diaconissarum ordo est in Ecclesia, non tamen ad sacram aliquam functionem fuit institutus*. Et in Expof. fidei ait: *Diaconissæ adhibentur in ministerium mulierum tantummodo, propter honestatem*. Proferunt nonnulli Nicænum can. 19. quo statuitur: *De diaconissis, quod manus impositionem non habent, inter laicos deputari*, quoque nonnulli ordinationem diaconissarum tot momentis firmatam expungere conati sunt,



nam ille canon, cum Morino, & Lupo, de diaconissis Paullianitarum accipiendus est; non ergo neganda est diaconissarum ordinatio, sed eam fuisse Sacramentalem jure negandum. Vide Lupum in Schol. ad can. 15. Chalced.

## C A P U T VIII.

*De Presbyteratus ordine ac potestate.*

**P**resbyter Græce πρεσβύτερος comparativum vocabuli πρεσβυς *senex*, latine redditur *senior*. Aliquando ætatis nomen est, aliquando muneris, & dignitatis; falluntur ergo qui hoc nomine semper sacerdotes intelligunt: quique presbyteros eos tantum censent, qui ætate, aut magistratus jure præcellunt; atque ita falluntur hæretici, qui putant, in lege Evangelica eos, qui dicuntur presbyteri, nulla sacramentali ordinatione a laicis fuisse discretos. Recte ergo Isidorus l. 7. Orig. c. 12. *Presbyter Græce, Latine senior interpretatur, non pro ætate, sed propter honorem & dignitatem*. Ordinantur presbyteri apud Latinos non solum impositione manuum, sed etiam porrectione calicis cum vino, & patenæ cum pane, quæ est ex Eugen. IV. hujus ordinis *materia*. De presbyterorum munere, & officio ait Pontificale Rom. *Sacerdotem oportet offerre, benedicere, præesse, prædicare, & baptizare*. Præcipue tamen debet offerre sacrificium, & a peccatis absolvere, ad quod duplex munus censent Bellarminus, Estius, Vanroy &c. duplicem conferri potestatem & characterem.

**PROPOSITIO I.** Presbyteratus est proprium novæ legis Sacramentum.

Prob. I. ex argum. cap. 1. hujus libri. II. In presbyteratu extat materia & forma, & spiritalis potestas per eam traditur; ut infra videbimus; ergo &c. III. Act. 14. legitur: *Et cum constituisset illis presbyteros, & crasset, græce κηρυτταίναντες* &c. ibi ergo habetur *chirotonia, & oratio Apostolica*. IV. Florentina Synodus, postquam ordinem esse ait sextum in Ecclesia *Sacramentum*, immediate agit de presbyteratu. Trident. vero anathemate ferit affirmantes sacram ordinationem non esse Sacramentum a Christo institutum; ergo &c.

**PROPOSITIO II.** Sacerdotalis ordo non confertur ob solam prædicationem, sed etiam ob sacrificium.

Prob. I. ex c. 13. & 19. l. 23. apud Auctorem, ubi ostendit dari in novo Testamento sacerdotes, ad quos spectat Eucharistiam consecrare. Et ratio est, quia Christus post consecrationem Eucharistiæ Apostolis, quos ex Trid. *novi Testamenti sacerdotes constituit*, ait: *Hoc facite &c.* II. Idem constat

stat ex ritu, tum Latino, quo ait episcopus: *Accipe potestatem offerre sacrificium, Missasque celebrare*, tum Græco, quo Deus exoratur, ut ordinatus dignus fiat assistere altari, prædicare Evangelium, offerre sacrificia, & renovare populum per lavacrum regenerationis.

III. Aug. l. 2. contra Cresc. c. 2. docet, presbyteri officium non esse prædicare dumtaxat verbum Dei, sed etiam Sacramenta conficere, & ministrare. Et Carthag. IV. can. 13. jubet, ut presbyteri venientes ad alterius Ecclesiam, tam ad verbum faciendum, quam ad oblationem consecrandam invitentur. IV. Tridentinum sess. 23. oppositum sentientes damnat. V. Accedit ratio: remanet enim Sacramentum ordinis in monachis plurimis, qui plebem non regunt, imo etiam in hæreticis, qui falsa prædicant; ergo &c.

PROPOSITIO III. Confertur presbyteris in sacra ordinatione, etiam facultas absolvendi a peccatis.

Ita Trid. loc. cit. & prob. I. ex potestate judiciaria, qua donantur sacerdotes, de qua vide c. 7. hujus lib. prop. 2. II. ex ritu nostræ ordinationis. Episcopus enim manus rursus imponens ordinato ait: *Accipe Spiritum S. quorum remisitis &c.* ubi cum habeatur materia ac forma distincta, agnoscunt theologi clarissimi characterem distinctum a charactere, & potestate presbyteris collata sacrificium offerendi: quæ sententia traditur etiam a Catechismo Romano p. 2. c. 7. Reapse Christus unam ante passionem, alteram post resurrectionem Apostolis contulit. Idem sentit Bellarminus, qui duplicis hujus potestatis præsidio, ad concordiam revocare nititur eorum sententiam, qui materiam hujus ordinis statuunt in sacrorum instrumentorum traditione, & eorum, qui eam constituunt in manuum impositione, dicens, per illam tradi potestatem sacrificandi, per hanc absolvendi. Sed hoc non videtur omnino exploratum: nam impositio manuum in sacerdotum ordinatione necessaria est, sed si statuatur *chirotonia*, quæ in fine Missæ adhibetur, jam sacerdos ordinatus erit ad sacrificium, (actum præcipuum sui ordinis) absque manus impositione, quod est falsissimum; ergo &c. Deinde Orientales in ordinatione presbyteri non exprimunt potestatem solvendi peccata, tamen unica sacre ordinationis ceremonia utramque potestatem accipiant: ergo &c.

## CAPUT IX.

## De ordine episcopatus.

NOT. I. Episcopus, Græce ἐπίσκοπος, ab ἐπὶ super, & σκοπῶν speculator derivatus, idem valet ac *superinspector*, & *speculator*. Unde August. l. 19. de C. D. *Episcopatus*, ait, *nomen est oneris non honoris, atque inde ductum, quod ille qui præficitur, eis quibus præficitur superintendit, curam eorum gerens*. In veteri Testamento episcopi dicebantur, qui Levitis præerant, ut 2. Esdr. Azzi filius Bani hebraice dicitur פקיד *Pakid* *visitator*. Hinc 1. Petr. 2. Christus dicitur: *Pastor, & episcopus* animarum nostrarum. Promoventur episcopi impositione manuum, verborum forma, & ex ritu latino unctione etiam chrismatis: unde quaeritur a Theologis, num eorum ordinatio sit verum Sacramentum.

Not. II. Id negasse ex veteribus plurimos, nempe Hugonem Viêt. Magistrum, D. Thomam, Bonaventuram &c. apud Estium, & Morinum. Aiebant enim ordinis nomen ampliori sensu, prout significat spiritalem potestatem, nedum jurisdictionis, sed sacrarum etiam actionum, puta baptizatos confirmandi, aut clericos initiandi, etiam episcopatu convenire; non autem, si stricte sumatur, & prout est Sacramentum ad Eucharistiam consecrandam, & offerendam a Christo institutum: eaque potestas, qua nulla major, in presbyteratu colata est. Alii putarunt in episcopali ordinatione non imprimi novum a presbyteratu characterem, sed hunc ampliari, & perfici, ut sit cum presbytero superadditur absolventi potestas: juxta quos episcopatus est Sacramentum, sed ab ordine sacerdotali indistinctum. Ita Paludanus, & Vasquez, apud Morinum, nec non Gavardi, Argentinas, Gibbon &c. Alii demum censent, episcopatum, & Sacramentum esse, & a presbyteratu distinctum. Ita Major, Scotus, Cajetanus, Soto, Bellarminus, Estius, Sylvius, Meratius, Isambertus, Gonzalez, Habert, Tournely, Juenin, Vitasse, Le-Droint, Varray, Piette &c. ab Auctore laudati, quibuscum sit

PROPOSITIO I. Ordo episcopatus Sacramentum est, & a presbyteratu distinctus: atque scholarum dissidia ea de re facile componuntur.

Prob. I. pars. Ex 1. ad Tim. 4. & ex ep. 2. c. 1. ubi legitur, Timotheum ordinatum fuisse *per impositionem manuum presbyterii*, eaque ordinatione gratia exornatum. Sed ex Chrysostomo, Oecumenio, Theophylacto, Anselmo, D. Thoma, aliisque Apostolus loquitur de ordinatione Timothei in episcopo.

scopum; ergo aut episcopatus est ordo, aut, quod dici nequit, ordo non est Sacramentum. II. Trid. Synodus, postquam ex Ap. ostendit, *ordinem esse verè & proprie unum ex septem Ecclesie Sacramentis*, quod verbis, & signis perficitur, & gratiam Dei resuscitat, ait: *Sacra ordinatione episcoporum, sacerdotum, & ceterorum ordinum constitui Ecclesiasticam Hierarchiam*, quam divinitus institutam agnoscit can. 6. ergo per Trid. episcopatus est verum & proprium Sacramentum. III. PP. omnes inter *hierarchicos ordines* præcipue episcopatum enumerant, sed nemo perfecte in *Hierarchia* constituitur, nisi per Sacramentum *Ordinationis*, sive ut ait Tertullianus: *Cum Sacramento, cum traduce Spiritus S.* Unde electus episcopus nondum consecratus, nequit exercere ea, quæ sunt ordinis, nec vocatur *episcopus*, licet jurisdictionem exerceat ex cap. *Transmissam* de elect. & ex c. *Tua nuper*; ergo &c. Proinde S. Leo, & S. Gregorius M. ordinationem episcopalem expresse vocant *Sacramentum*.

IV. Ordinatione episcopi dicitur *chirotonia* a Græcis, *ordo* a Latinis, non secus ac presbyteratus &c. ut patet, ex libris Eucharisticis, ex Nicæn. can. 4. ex cod. canonum Eccl. Rom. ex laud. Trident. verbis, ex ep. Innoc. I. &c. Unde qui ordines numerant, episcopatum septimo, aut octavo loco constituunt, ut PP. Carth. IV. Rabanus, Simeon Theff. aliique Græci, & Latini: qui, licet inter se discrepent in eo calculo, nemo tamen episcopatum omittit. V. De institutione divina episcopatus dubium non est. Apostolus enim a Christo institutos, & positos esse regere Ecclesiam Dei expresse habetur Act. 20.

VI. Ritus solemnior est in ordinatione episcopali, quam in aliis Sacramentis. Extat in eo idonea *materies*, idest manuum impositio: confertur gratia, & character, ex 1. ad Timot. 4. ubi gratia sensibili signo, idest *impositioni manus*, tribuitur: ideoque *ex opere operato*, ut in aliis Sacramentis confertur. Unde S. P. A. l. 1. de Actis cum Fel. Manich. ait, cum gradu episcopali *miram virtutem* donari. Hinc est, quod Moyse quidam apud Theod. l. 4. c. 20. numquam induci potuerit, ut a Lucio Ariano episcopo consecraretur in episcopum, quod certus esset Spiritum S. ad illius invocationem numquam descensurum: & Martyrius apud Sozom. p. 716. ad Nestarium ait: *Munus episcopale delictorum esse remedium, & expiationem*. Observat tamen cl. Auctor, pro *ἱερωσύνη* sacerdotio, sponte sua munus episcopale apposuisse Frontonem Duczum.

VII. Validæ sunt ordinationes episcoporum, qui ab Ecclesia separantur, aut schismate, aut hæresi ex Aug. l. 2. contra Parmen. c. 13. ergo episcopi vi consecrationis suæ habent *perseverantiam*

*reſtatem aliquam indelebilem*, adeoque *characterem*. Unde ſemel rite collatus epiſcopatus iterari non poteſt; conſtat ergo ex nomine, inſtitutione, materia, forma, & characterē eſſe verum, & proprium Sacramentum, cumque peculiari ritu, diſtincta conſecratione, propriaque materia & forma, & ampliori poteſtate conferatur, quam preſbyteratus, ſatis liquet, eum eſſe ab hoc ordine diſtinctum.

Prob. II. pars. Qui enim negant epiſcopatum eſſe Sacramentum, fatentur tamen ordinatione epiſcopi gratiam conferri cum D. Thom. 1. 3. in ep. 2. ad Tim. ubi ait, *Timotheo in manus impositione datam eſſe gratiam Spiritus S.* Ajunt autem, hanc non eſſe gratiam Sacramentalem, quia non datur ad conſiciendam Euchariftiam, ſed ad munus epiſcopale digne exercendum. Fatentur in ordinatione epiſcopi ſpiritualem poteſtatem, nedum jurisdictionis, ſed etiam ordinis conferri, ex D. Th. q. 40. Suppl. ſed quia, inquirunt, non referur ſpecialiter ad Euchariftiam, non eſt poteſtas ordinis, ut Sacramentum eſt, ſed ordinis late accepti. Fatentur in epiſcopatu ampliari ordinis characterem, quod explicat Vaſquez exemplo characteris preſbyteralis, qui extenditur ad poteſtatem ſolvendi peccata. Quæ ſane apud omnes ſunt explorata: incertum eſt autem, an character iſte realiter, & *entitative* diſcrepet a gratia, eaque mere ſcholastica quæſtio eſt, & ſufficit, ſi gratia & character *commutative* tantum diverſa ſint, ut de characterē ſacramenti Confirmationis dictum eſt ab Auctore Tom. 7. pag. 119. & 135. ergo &c.

Ob. I. In hac ſententia Sacramenta eſſent plura quam ſeptem; ergo &c. R. neg. ant. Nam epiſcopatus, & preſbyteratus ſub uno ſacerdotii ordine comprehenduntur, ſive ſacerdotium in duos ordines diſpeſcitur, in quorum primo traditur poteſtas Euchariftiam conſiciendi, in ſecundo ordinandi, & conſecrandi eos, qui Euchariftiam conſiciunt: ut ait Sirmondus ad Sidonii Apoll. ep. 2. l. 4. ubi de Clandiano preſbytero legitur: *Antifteſ fuit in ordine ſecundo*. Hujus ſecundi ordinis meminere etiam S. Optatus l. 1. n. 12. leges Theodoſii, Fidegoldus &c. Hinc Trid. ſeſſ. 23. c. 2. enumerans ſeptem ordines, ſupremum non preſbyterorum, ſed ſacerdotum appellat. Conſtat etiam ex c. 2. libri hujus ab aliquibus preſbyteratum in ſexto, epiſcopatum in ſeptimo ordine collocari: nec deſſe qui octo ordines recenſeant, quæ conſentit Carthagin. IV. & Pontificalia Græca, & Latina: unde, ſi quis teneret ordines eſſe octo, nulla eſſet cenſura notandis.

Ob. II. Epiſcopatus ad Euchariftiam ex dictis non ſpectat; ergo non eſt ordo. R. diſt. ant. Non ſpectat, id eſt poteſtatem non conſert Euchariftiam conſecrandi, eſto; conſecrandi

crandi eos, qui illam conficiunt, neg. Vide R. ad I. Obj.

Ob. III. *Tempora ordinationum sunt sabbata quatuor temporum, ante Domin. Passionis, & sabbatum S. ex Pont. Rom. atque episcopatus conferri potest singulis Dominicis, & in natal. Apostolorum; ergo &c. R.* Recte id lege positiva constitutum esse; ut ordo omnium præstantissimus in præcipuo Dominico die, & in Apostolorum solemnibus, quibus episcopi succedunt, conferretur.

Ob. IV. Si ob ampliorem dignitatem episcopatus a presbyteratus sejungendus sit, etiam patriarchatus, & archiepiscopatus ordines erunt, & Sacramenta ab episcopatu diversa; ergo &c. R. neg. sequelam, nam in iis amplior est quidem jurisdictionis, non autem ordinis potestas, ut est in episcopatu.

Ob. V. In consecratione episcopi nec specialis gratia Sacramentalis, nec distinctus character confertur: ergo &c. R. neg. ant. De quo vide prob. primæ partis hujus n. 6.

Ob. VI. Ignatius, Augustinus, alique PP. docent, *sacerdotium* esse graduum omnium præstantissimum; ergo &c. R. neg. conf. PP. enim loquuntur de *sacerdotio*, prout duos diversos ordines complectitur, ut supra dictum est.

Ob. VII. Unus ordo sacer sine alio collatus imprimit characterem, ut patet de presbytero, aut diacono per saltum ordinatis, ex cap. *Sollicitudo* dist. 52. sed nemo promoveri potest ad episcopatum non suscepto presbyteratu; ergo &c. R. Estius, ideo non posse aliquem in episcopum ordinari absque presbyteratu, quia potestas episcopi ad consecrandum, ad conferendos ordines &c. cum sit eximia, ac præstantissima, ex divina institutione solis sacerdotibus communicatur. Vide Auct. tom. 7. p. 82.

## C A P U T X.

### De chorepiscopis.

NOT. I. Chorepiscopos, quasi τὸ ἐπίσκοπος τὸ ἐν ὄρει, ruris vel pagi episcopos dictos esse c. 2. prop. 2. dictum est. Hinc inter canones Nicænos Arabicos n. 8. legitur: *Chorepiscopus est loco episcopi super villas, & monasteria, & sacerdotes villarum, quæ sub potestate ejus sunt.* Ex apud Hincmarum *episcopi vicari*, apud alios *Villani* dicuntur. Non omnes tamen parochi villarum chorepiscopi dicuntur, sicut nunc non omnes parochi sunt episcoporum vicarii. Nam in Apol. 2. S. Athanasii legitur impium Ischyram, qui Athanasium fracti calicis reum traduxerat, fuisse episcopatu insignitum, licet in agro Mareotes, cui præerat, nunquam antea episcopus, imo ne chorepiscopus fueris; erant ergo jam a præcis sæculis Exarchi, aut

aut primates, seu archiepiscopi, qui plures provincias moderabantur, Metropolitæ, qui unicam, episcopi, quorum plures in eadem provincia erant, & chorepiscopi in pagis episcoporum vicarii, fallitur ergo Rabanus, aliique afferentes chorepiscopos ita dictos: *Quod essent de choro sacerdotum.*

Not. II. Quidam chorepiscoporum originem ab Apostolorum ævo repetunt, ac tales fuisse putant Linum, Cletum, Clementem, aliosque Rom. Pontificis vicarios, priusquam fierent Pontifices. Verum si qui tales exstiterent, quod Pagius negat, cum isti extra urbem vices Pontificum non gererent, chorepiscopi dici non possunt. Hi ergo ante IV. sæculum non inveniuntur: & primum eorum mentio fit can. 12. Conc. An-cy-rani an. 314. cum tamen heic eorum institutio supponatur, circa finem sæculi III. contigisse dicenda est. Censet tamen Tournelyus, post Salmasium, Basnagium &c. longe vetustiorum fuisse chorepiscoporum institutionem, constat enim ex Clementis ep. ad Corinth. Apostolos *per urbem, & agros episcopos constituisse*. II. Eusebius l. 7. H. E. c. 30. narrat, Sarnosatenum episcopos vicinorum paganorum & civitatum submisisse ad populum decipiendum. III. Idem lib. 5. meminit episcoporum Comanensis & Apamensis, qui pagi erant. IV. Et l. 8. c. 13. Sylvanum laudat, *qui fuit episcopus Ecclesiarum vicinorum Gazæ*, non episcopus Gazæ, ut male vertit Valesius. Epiphanius: etiam hæc. 30. laudat episcopum vicinum Teberiadis, non Tiberiadis, ut male vertit Petavius; ergo &c.

℞. Hæc nimis futilia esse. In his enim testimoniis episcopos audio, non chorepiscopos. Clemens autem loco cit. hæc habet: *Prædicantes per regiones & urbes episcopos, & diaconos eorum, qui credituri erant, constituerunt*: ubi græce habetur: *χαίρας ἢ πόλεις*. Porro *χώρα*, nedum *pagi*, ac *vici* nomen est, sed *regionis*, & cuiusque loci, neque ad episcopos hoc nomen referendum est, sed ad *res prædicantes*, ut sensus sit, Apostolos per varias regiones prædicantes episcopos, ubi opus esset, fidelibus regendis constituisse.

Ad II. ℞. *Episcopos vicinorum pagorum*, non evinci ex Eusebio, esse alios ab *episcopis civitatum*. Ad III. ℞. Eusebium ibi asserere, Zoticum ex agro viciniisque Comanæ, & Julianum ex Apamia duos viros probatos & episcopos venisse ad explorandum spiritum Maximillæ, non vero eos fuisse paganorum tantum antistites. Ad IV. ℞. Immerito reprehendi Valesium, is enim vertit: *Sylvanus Gazæ oriundus episcopus*. Nec repugnat unum, eundemque Gazæ urbis proximarumque Ecclesiarum fuisse episcopum: unde vertit Christophorus: *Ecclesiarum Gazæ episcopus*. Ad V. ℞. Male reprehendi Petavium; episcopus enim, quem Ellet Judæus arcessit, fuit episcopus

scopus urbis Tiberiensis, non ruris : habetur enim in græco *ἐπίσκοπος πόλεως*, quod non solum propinquum significat, sed etiam *accolam* : cur enim Ellel in urbe degens non urbis, sed pagi antistitem in mortis articulo accessisset?

Not. III. Controverti ab eruditissimis, an chorepiscopi essent consecrati episcopi, an insigniti tantum presbyteratus ordine. Consecratos fuisse in episcopos censuit Rabanus, cui subscribit noster Lupus, Basnagius, Tournely, qui duo hanc sententiam pluribus momentis ostendere conati sunt, quorum I. est, quod can. 12. Conc. Ancyran. legitur : *Chorepiscopis non licere presbyteros, aut diaconos ordinare sine precepto episcopi*; ergo horum facultate id poterat. II. In can. 10. Antioch. de chorepiscopis legitur : *Ordinent lectores, subdiaconos &c. nec presbyterum, nec diaconum audeant ordinare*. III. S. Basiliius ep. 181. reprehendit chorepiscopos suos, quod aliquos in sacerdotalem numerum cooptarent, cum antea, nisi premonitis episcopis id non audent. IV. Synodus Neocesaria. can. 13. & Nicolaus I. in ep. ad Archiep. Bituric. ait : *Ad formam 70. discipulorum facti chorepiscopi, quo quis dubitat episcoporum habuisse officia?* ergo &c. Contraria tamen sententia communior est, & his momentis innititur. I. Leo M. ep. 88. vetat chorepiscopis chrisma conficere, & baptizatorum frontes inungere, eo quod non habent pontificatus apicem. II. in cit. canone Ancyrano iis vetatur *ordinare presbyteros & diaconos*. III. Ipse ordinationis ritus chorepiscoporum, qui nullibi extat, nisi in solis Pont. Maronitarum apud Mor. non est ritus Sacramentalis, sed ceremonialis, eique similis, quo archipresbyteri instituuntur, & longe diversa ab episcopi ordinatione. IV. Chorepiscopos ab uno episcopo ordinatos observat Morinus, cum episcopi a tribus ordinentur. V. Ex can. 6. Sardicen. quem laudat Leo M. in urbis tantum, non in pagis constitui debent : *Ne episcopi nomen, vel auctoritas vilipendatur*; ergo &c. His prænotatis sit

PROPOSITIO. Chorepiscopi per se quidem erant presbyteri, sed aliquando, & per accidens, episcopali dignitate præditi.

Prob. I. Ex auctoritate scriptorum : hanc enim sententiam ruerunt Bellarminus, Hallier, de Marcha, Morinus, Thomassinus, Alexander, Dufresne, Juenin, Vitalle, Le-Droint &c. II. hæc opinio ab utraque præcedente fulcitur, atque a nulla rejicitur. III. In canone 10. Antiocheno permittitur chorepiscopis ordinare presbyteros & diaconos : *Si impositionem manuum episcoporum perceperint, & ut episcopi consecrati sint*. IV. Cum episcopi in solis urbibus statuendi essent, Cathari autem, alique hæretici illos in pagis locarunt, ex can. 8. Nicæno : imo hoc etiam apud Arabes Cyprios & Novatianos fuit in usu, ex Sozomeno l. 7. H. E. c. 19. atqui Cathari episcopi



scopi ad catholicam redeuntes chorepiscopi fiebant, si id catholico episcopo videbatur, ex cit. Nicæno can. 8. catholici etiam, aut ob persecutionem, aut alia de causa a propria Ecclesia pulsi, ad aliquem chorepiscopatum promovebantur; ergo &c.

Nec obstant prioris sententiæ momenta. Nam ad I. R. in eo can. 12. Ancyrano absolute legi: *Chorepiscopis non licere presbyteros, vel diaconos ordinare*, & in alia canonis parte, ubi de licentia episcopi dicecesani sermo est, non legitur: *Ordinare*, sed *committere, imperare*. Ad II. R. Aliquos chorepiscopos habuisse consecrationem episcopalem, sed non omnes: unde canon conditionate loquitur, non absolute. Ad III. R. Basilium exponi a viris doctis de initiatione inferiorum clericorum; in eo enim peccabant chorepiscopi, quod inter præsentandos episcopo aliquos cooptabant, quos presbyteri indigpos esse affirmabant.

Ad IV. R. Ex lxx. discipulis quosdam episcopos fuisse, sed non omnes, nec iis, ut discipulis, convenisse episcopalem dignitatem ex eo patet, quod episcopi, non discipulorum; sed Apostolorum successores appellantur. Hinc patet etiam, cur tandem chorepiscopi fuerint abrogati. Instituti enim sunt initio, ut pagis vice episcoporum fungerentur, rurales Ecclesias regerent, eleemosynas erogarent, *formatas* literas dispensarent: tum iis datum est, ut minores ordines, & subdiaconatum conferrent, & in Oriental. Ecclesiis ut confirmarent, ac templa, & virgines consecrarent, ex Syn. Antioch. Neocæs. & ex ep. Basil. Cum ergo etiam in Occidentali id aude- rent, & jura episcoporum invaderent, de iis eliminandis actum est Sæc. VIII. ex Capitul. Caroli M. l. 6. c. 119. At Sæc. XI. chorepiscopos omnino exolevisse scribit Balsamon in notis ad can. 13. Ancyran. Censet Du-Cangius chorepiscopos, quoad officium ac dignitatem, etiamnum vigere in primo subdiaconarum Ecclesiæ Ultrajecten., in primo cantorum Ecclesiæ Colleg. Colonien. & Treviren. Verum in abbatibus tantum, qui mitra & pastoralis utuntur, & quatuor minores conferunt, aliqua eorum umbra servatur.

## C A P U T XI.

*De distinctione episcoporum a presbyteris, & an ea sit ex institutione divina.*

**N**Ovatores. non aliam inter eos distinctionem agnoscunt, quam *primogeniture*, eo quod prius in clerum adlecti fuerint episcopi, quam presbyteri. Idque I. commentus est IV. sæculo

saeculo Acrius, de quo S. P. hom. 53. & Epiph. hom. 75. ægre ferens, quod episcopalem honorem obtinere non potuisset. Eandem insaniam, ob non adeptum Wigorien. episcopatum adoptavit Wiclefus, ex Th. Valdensi l. 2. Doctr. fidei, nec non Calvinus, Blondellus, & Salmasius. At impium dogma impugnarunt Petavius, Alexander, Habert, Vitasse, Cotelarius, Beveregius, Armacanus, Pearsonius &c. quibuscum sit PROPOSITIO: Ab Apostolorum ævo episcopi ordine, ac dignitate præfuerunt presbyteris.

Prob. I. Ex scripturis. I. Etiam in lege Evangelica admitti debet Hierarchia, ad quam ii tantum pertinent, qui in sortem Domini adsciti vocantur a Deo tamquam Aaron, sed hæc postulat, ut episcopus presbyteris, & clericis præsit, ut Aaron præerat filiis suis, & levitis; ergo &c. Maj. est Hieronymi, & Trid. defmientis, hanc hierarchiam divina ordinatione institutam: min. patet ex c. 28. Exodi, ex c. 9. Levit. &c. ex quibus constat, Aaron ampliorem facultatem habuisse, & supra sacerdotes, & levitas omnes amplissimam jurisdictionem: idque non diffitetur Calvinus l. 4. Inst. c. 6. nec Magdeburg. Cent. 1. c. 7. ubi ajunt: *In Ecclesia Judaica unus erat lege divina summus sacerdos, quem omnes agnoscere tenebantur*. II. Ap. in 1. ad Tim. 3. exigit, ut episcopus sit doctor, & ad Tit. 1. *Ut potens sit exhortari in doctrina sana, & eos, qui contradicunt arguere*. Sed hæc de episcopis dicuntur ad distinctionem presbyterorum, tum quia illi per singulas urbes præsidet, ac magistri constitui debent, ex Chrysostomo hom. 10. in ep. ad Tim. tum quia Apostolus sejungit seniores, qui laborant in verbo, & doctrina, ab aliis presbyteris, eosque duplici honore ait dignos esse. III. Ib. c. 5. ait Apost. *Seniorem ne increpaveris &c.* quæ S. Epiphanius urget adversus Aerium dicens: *Quid attinebat episcopo vetare, ut presbyterum objurgaret, nisi majorem supra presbyterum haberet auctoritatem?*

IV. Ib. subdit Apostolus: *Adversum presbyterum accusationem noli recipere, nisi sub duobus, aut tribus testibus*; ergo Timotheus, qui certe fuit episcopus, erat presbyterorum antistes, & judex; unde infert Chrysost. Timotheo, ut episcopo, creditam fuisse gentem Asiaticam: *Ut omnes episcopum tamquam præsidem, judicemque formident*. V. Evangelica historia Apostolos a discipulis aperte distinguit, quos Dominus ab iis separatim elegit, illi enim ad regendam Ecclesiam, & prædicandum Evangelium a Christo Domino missi sunt. Atqui constat ex PP. maxime ex Nysseno, Chrysostomo, Hieronymo &c. Apostolorum successores esse episcopos; ergo &c.

Prob. II. Ex definitionibus Ecclesiasticis. I. In canone Ap. decet-

decernitur, ut presbyter *ab uno* tantum episcopo ordinetur; episcopus autem *a duobus*, vel *tribus aliis*. Idque can. 3. Conc. I. Arelat. & Can. 4. Nic. I. statutum est. II. Iidem Canones tres ordines *episcoporum, presbyterorum, & diaconorum* aperte distinguunt, can. 3. 4. 5. &c. Can. 12. interdicatur presbyteris in aliam parœciam migrare, *absque proprii episcopi permissione*. Et can. 34. cuncta administrare jubentur ad nutum episcopi. III. In eadem Urbe ex ordinatione Apostolorum *duo episcopi prohibentur existere*. Hinc cum decreto Constantii iustum esset, ut cum Liberio sederet Felix, clamavit populus: *Unus Deus, unus Christus, unus episcopus*. Sed ex Nicæno can. 8. non repugnat plures presbyteros ibidem morari; ergo &c. IV. Tridentina Synodus sess. 23. can. 6. statuit Hierarchiam Ecclesiasticam divina ordinatione institutam constare *ex episcopis, presbyteris, & ministris*; & can. 7. ait episcopos presbyteris superiores esse; ergo &c.

Prob. III. Ex Patribus: Missis enim Dionysio de Ecclesiastica Hierarchia c. 5. ubi ait, presbyteros esse *sub ordine pontificum*, missis Const. Ap. l. 2. ubi episcopus *dux, & princeps credentium* appellatur, nec non Clemente, qui eum Aaroni comparat; certe Ignatius in ep. ad Magnel. n. 6. ait, cuncta omni studio agenda esse; *presidente ceteris episcopo Dei locum tenente*. Ad Trall. n. 2. ait: *Episcopo subiecti sitis tamquam Jesu Christo*, & infra: *Necessarium est ut sine episcopo nihil agamus*: quæ verba iterum profert n. 7. ep. ad Philadelphien. II. Clemens Alex. l. 3. Pædag. c. 12. ait, alia præcepta data in sacris literis *episcopis, alia presbyteris, alia diaconis*, & in 6. Stromat. ait: *Nam & hic quoque sunt progressiones episcoporum, presbyterorum, & diaconorum*. Ubi Græcum *πρὸς ἄνω* profectum, a *πρόχωμι* proficio, procedo, de uno gradu in alium superiorem progressum significat: ibique explicat Clemens Ecclesiasticam hierarchiam, in qua primo diaconos, 2. presbyteros, 3. episcopos statuit. III. Origenes Hom. 2. in Jer. ait; plus a Deo exigi ab episcopis, quibus *super diaconos, & super presbyteros commissus est principatus Ecclesiasticus*.

IV. Tertullianus de Bapt. c. 17. ait, illum dandi jus non habere presbyterum, *sine episcopi auctoritate, propter Ecclesie honorem*. V. Cyprianus ep. 65: ad Rog. de diacono in episcopum contumaci ait: *Meminisse diaconi debent, quoniam Apostolor, idest episcopos & præpositos Dominus elegit*. Et in Carthag. Syn. Clarus a Mascula ait: *Apostolis nos successimus, eadem potestate Ecclesiam Domini gubernantes* VI. S. P. A. hom. 53. Aetium, ut hæreticum notat quod assereret: *Presbyterum ab episcopo nulla differentia discerni*. Et epist. 82. ait: *Quamquam episcopatus presbyterio maior sit, tamen in multis*

Augu-

*Augustinus Hieronymo minor est. Vide Leonem M. ep. 27. Cælestini ep. ad Gall. episcopos, Greg. M. l. 4. in 1. Reg. 6. &c.*

Prob. IV. Ex Hieronymo & Chrysostomo, quibus Presbyteriani innotuntur, I. enim in ep. ad Tit. ad ea verba : *Constituas per civitates episcopos*, ait : *Audiant episcopi, qui habent constituendi presbyteros per urbes singulas potestatem*. Et epist. ad Marcellam 27, ait : *Apud nos Apostolorum locum episcopi tenent*, eosque ait : *Stare loco Pauli, & tenere gradum Petri* in ep. ad Heliod. Et in ep. ad Nepotian. 34. ait : *Quid Aaron, & filii ejus, hoc esse episcopum, & presbyterum noverimus*. Et in Epithal. Nepotiani, vel ep. 35. ait : *Ut regi sic episcopo; imo minus regi quam episcopo*; Hieronymus ergo tribuit episcopis potestatem constituendi presbyteros, ordinis discrepantiam, successionem Apostolorum, Aaronis præminentiam, regiam majestatem; ergo &c.

Chrysost. etiam in Or. contr. Judæos ait, Ecclesiæ episcopos prænuntiatos Is. 40. ubi dicitur : *Ponam prepositos tuos iustitiam*. Et Orat. de S. Philogon. episcopos vocat : *Præfectos Ecclesiarum*. L. 3. de Sacerd. tribuit episcopo summam auctoritatem, & potentiam : & hom. 3. ait : *Princeps est hic quoque, & quidem, rege, honoratior*. Et hom. 34. in ep. ad Hebr. ait, episcopos esse, quos Paulus vocat *prepositos*, & *principes*, & episcopatum esse imperii molem, Hom. demum 13. in 1. ad Tim. ostendens illud : *Per impositionem manuum presbyterii*, de episcopo accipiendum ait : *Non enim presbyteri episcopum ordinaverunt*. Quibus verbis distinctionem, & prærogativam episcoporum perspicue tradidit.

Prob. V. Ex successione episcoporum, ex qua cum PP. aut dogmatum veritatem, aut Ecclesiarum antiquam institutionem ostendant, necesse est, ut ab initio unus fuerit in Ecclesiis gradus & auctoritate præstantior, ceterisque præfectus. Ita S. Irenæus l. 3. advers. Hæres. c. 3. Valentinianos refellit, quod oppositam illis doctrinam teneant Ecclesiæ, in quibus ab Apostolis constituti sunt episcopi, ibique successiones episcoporum Romanæ Ecclesiæ a Petro ad Eleutherium enumerat. II. Tertull. de Præscr. c. 32. *Evolvaat*, inquit, *heretici ordinem episcoporum suorum*, ut primus ille episcopus aliquem ex Apostolis, aut Apostolicis viris habuerit auctorem. Profert deinde Polycarpum a Joanne, & Clementem a Petro ordinatum, addens : *Confringant tale aliquod heretici*. III. Eadem habet auctor Carminum advers. Marcionem inter opera Cypriani, ubi post Petrum, Linum laudat, usque ad Anicetum.

IV. Eandem successionem urgent contra Donatist. S. Optatus l. 2. & S. P. ep. 52. nunc 165. ex quo nullum antiquum episcopum proferre possunt, referens ex adverso Rom. Pontifi-

ces a Petro usque ad Anastasium, V. Huc referri possunt antiquissimi aliarum Ecclesiarum episcopi apud Eusebium, Hierosolymitanæ, Alexandrinæ, Lugdunen. Smyrnen. &c. VI. Adde, acta S. Ignatii Mart. ab Usserio, & Ruinartio edita, ubi legitur: *Honorabant sanctum per episcopos, presbyteros, & diaconos Asiæ civitates, & Ecclesie*. In epist. Smyrnen. Ecclesiæ S. Polycarpus dicitur: *Doctor Apostolicus, & catholice Smyrnen. Ecclesiæ episcopus*. Hinc ipsi persecutores in suis proscriptionibus episcopos nominabant, unde S. Cyprianus ep. 55. meminit proscriptionis suæ, quæ sic habet: *Si quis tenet de bonis Cæcilii Cypriani episcopi Christianorum &c.*

Prob. IV. Ex ipso nomine episcoporum, quod ethnici tribuebant diis suis, quos rectores universorum putabant. Observat etiam Beveregius ex Plutarcho in Numa, & Tullius l. 7. ep. 2. viros, qui rebus administrandis præficiuntur, *episcopos* nominari. Hinc Apost. Act. 20. ait: *Vos Spiritus S. posuit episcopos regere Ecclesiam Dei*: II. Apocal. 2. episcopi angeli dicuntur, ob Evangelium, quod annuntiant, & ob eminentiam auctoritatis; angeli enim Dei *nuncii* rebus creatis præstant. Hinc S. P. Filio Dei, qui est episcopus animarum nostrarum, angeli nomen, ob Evangelii annuntiationem, & Ecclesiæ regimen, convenire demonstrat: III. Licet etiam presbyteri sacerdotio fungantur, episcopus tamen antonomastice *Sacerdos* nuncupatur, ut vocatur S. Hilarius a Venantio Fort. quod nempe inter sacerdotes præcipuo fulgeret honore. Dicitur etiam: *Summus sacerdos*; Ambrosius enim l. 7. de Sacr. c. 1. ait: *Succinctus summus sacerdos*, episcopus, *pedit tibi lavit*. Adde, quæ ex Optato, & Sidonio diximus de Sacerdotio in primum & secundum ordinem dividendo.

IV. S. P. A. in Ps. 126. ad ea verba: *Nisi Dominus custodierit civitatem &c.* ait: *Ideo altior locus positus est episcopis, ut ipsi superintendant, & custodiant populum*. Nam *Græce* episcopus *superintensor* interpretatur, quia *superintendit*, quia *desuper videt*. Quomodo enim vinitori altior sit locus ad custodiendam vineam, sic & episcopis altior locus factus est. V. Nazianzenus Carin. 11. ad episcopos eorum eximios characteres describens ait: *Lux vitæ; fidei columen, fundamenta mundi, doctores vitæ nullo quæ clauditur ævo, Christiferi, solis præclaris, quique sedetis sublimis: ex quibus titulis, & officiis eorum potestas elucet*.

Prob. VII. rationum momentis. I. Enim nisi admittatur Ecclesiastica Hierarchia, quam PP. & Concilia definiunt, omnia permixta forent, & confusa, nisi unus ceteris præficeretur, nec esset ordo Procerum & antistitum, quibus presbyteri, diaconi, aliique clerici, & laici in spiritualibus subicerentur.

rentur. Item in eadem Hierarchia sunt *episcopi*, *presbyteri*, & *diaconi*, sed diaconi presbyteris subijciuntur; ergo & presbyteri episcopis. II. Ab Apostolorum ævo unus tantum episcopus præfuit majoribus Ecclesiis. Unde loco Narcissi Jerosolymæ episcopi decrepitæ ætatis, Alexander, nonnisi *divina dispensatione & oraculo*, Eusebio teste l. 6. H. E. c. 1. suffectus est. Singularis autem præsul solium tenens, & in locum unius pastoris suffectus, in communem presbyterorum ordinem redigi nequit. III. Habet episcopus supra presbyterum amplioris ordinis potestatem, cum possit ad ordines promovere, conferre Sacramentum confirmationis, & alia præstare, quæ nequeunt presbyteri; ergo &c.

IV. Presbyter alium ordinans in presbyterum frustra ordinat; ergo caret episcopi potestate. Prob. ant. ex D. Athan. Apol. p. 134. qui nullam fuisse ordinationem Ischyre probat, ex quo fuerit ordinatus a Collutho, qui cum esset presbyter obiit. Unde omnes, qui schismatis tempore a Collutho fuerunt ordinati, ad laicalem statum, ait, fuisse reductos; ergo &c. V. Episcopi ampliore jurisdictionem habent, quam presbyteri: nam statim possunt confessarios approbare, censuras ferre, presbyteros ipsos suspendere, & degradare, sed hoc facere nequeunt presbyteri: ergo &c.

Ob. I. Act. 14. legitur, Apostolos constituisse per singulas civitates presbyteros. Et c. 15. & 16. recensetur conventus Apostolorum, & seniorum, græce *presbyterorum*. In 1. ad Timoth. 4. cœtu sacrorum ministrorum dicitur: *Presbyterium*: & c. 5. presbyteri appellantur, qui præsent. Sed sacerdotes in civitatibus constituti, ab Apostolis in Concilium & administrationem communem recepti, quique aliis præficiebantur, erant episcopi; ergo a presbyteris non erant secreti. Nec dicas, quosdam presbyterorum episcopos fuisse, at non omnes: nam Act. 20. presbyteros omnes Ephesos, quos *Majores natu* appellat Vulgata, Græca vocat τὰς πρεσβυτέρους, eosque v. 28. appellat *episcopos*. Hinc Apostolus ad Philipp. 1. pacem omnibus sanctis apprecatur: *Cum episcopis, & diaconibus*, idest cum presbyteris, & diaconibus.

R. dist. maj. Et loca producta demonstrant idem omnino fuisse episcopos ac presbyteros, quoad ampliorum vocabulorum significationem, conc. quoad gradum, ordinem, ac dignitatem, neg. Nomina ergo *apostoli*, *episcopi*, *presbyteri*, & *diaconi* nunc communi, nunc peculiari acceptione inveniuntur descripta. Apostolus enim dicitur Christus Hebr. 3. Apostoli dicuntur duodecim, Barnabas, Paulus, Andronicus, Junius &c. Episcopus etiam dicitur Christus 1. Petr. Episcopi vocantur, quos Spiritus S. posuit regere Ecclesiam Dei. Presbyterum

se vocat Petrus in 1. ep. c. 5. & Jo. initio ep. 2. & 3. Diaconus etiam dicitur minister presbyteri, & tamen de Archipo episcopo, ex Hieronymo, hoc nomen enunciatum prope finem ep. ad Coloss. sicut ergo, ex quo Christus episcopus dicitur, & D. Petrus *compresbyter*, non sequitur, aut Christum, aut Petrum nullam habuisse supra Apostolos, aut episcopos auctoritatem aut præminentiam; ita nec sequitur, ex quo eodem nomine episcopi & presbyteri sint appellati, pari eodem auctoritate pollere. Adde, ex iisdem locis refelli adversarios: ibi enim dicitur ad Tit. 1. episcopos Ecclesiæ præfici, ut constituent presbyteros, 1. ad Tim. 5. ut Ecclesiæ causas dirimant; ergo &c. Vide Prob. 1. *Majores natu autem interpretatur Irenæus l. 3. c. 14. de episcopis, & presbyteris, qui erant ab Epheſo, & a reliquis proximis civitatibus; distinguuntur ergo ibi episcopi a presbyteris.*

Ob. II. Clemens Rom. in ep. ad Corn. n. 42. ait, Apostolos, per regiones prædicantes constituisse probos viros, *in episcopos, & diaconos eorum, qui credituri erant*; ergo &c. II. Hinc Papias apud Eusebium l. 3. presbyterum appellat S. Marcum Alex. episcopum, & Zoticus Comanensis præsul *compresbyter* dicitur ab auctore de gestis Montanistarum.

R. Ad I. ut supra, vocabula episcopi, & presbyteri fuisse aliquando communia, verum S. Clemens ibi episcopos a presbyteris aperta secernit dicens: *Præpositos nostros, idest episcopos, revereamus, & presbyteros nostros honoramus: & infra ait: Summo sacerdoti, episcopo, sua munera tributa sunt, & sacerdotibus locus proprius assignatus est, & levitis sua ministeria incumbunt.* Ad II. R. eodem modo. Quamvis Papias hæc habeat: *Etiam hoc presbyter narrabat, quod Marcus interpretæ Petri &c.* ubi presbyter dicitur, qui de Marco loquebatur. Non Marcus ipse, ut patet ex versione Rufini, & Valeſii. Zoticus etiam Comanensis episcopus, de quo l. 5. H. Euseb. c. 16. non est ille, qui supra dicitur *presbyter*; iste enim Ottenus erat, non Comanensis.

Ob. III. Chrysostomus in epist. ad Philipp. ad illud: *Cum episcopis, & diaconibus* ait: *Presbyteros ita appellavit.* Eadem ferme habent Theodoretus, & Theophyl. Et hom. 11. in 1. ad Timoth. querens, cur post episcopos, *omisso presbyteratus ordine*, ad diaconos transierit respondet: *Inter episcopum & presbyterum interest fore nihil, quippe & presbyteris Ecclesiæ cura promissa est, & quæ de episcopis dixit, etiam presbyteris congruunt*; ergo &c.

R. Ut supra Chrysostomum velle, quod etiam episcopi interdum presbyterorum nomine dignentur, iisque animarum curam, & manus baptizandi, sacrificandi, & absolvendi com-

committi. Quærens enim cur Paulus unius Ecclesiæ Philipp. plurali numero episcopos dixerit, ait: *Quid hoc? unius urbis multi erant episcopi? nequaquam: sed presbyteros ita appellavit, tunc enim adhuc communicabant nominibus, & episcopus, & diaconus dicebantur.* Quod confirmat ex 2. ad Timoth. c. 4. ubi Paulus ait: *Ministerium tuum imple, cum tamen esset episcopus: quod ostendit ex epist. 1. c. 4. Ex quibus inferit: Antiquitus etiam presbyteros vocatos episcopos, & diacones Christi, quamobrem & hodie multi episcopi scribunt. Compresbytero, & Condiacono; ergo Chrysostomus inter episcopos & presbyteros solam vocabulorum communionem admittit.*

Idem dicendum de hom. 11. ad Timoth. ubi ex verbis: *τοῦ τοῦ μισοῦ*, quæ melius reddas: *Haud multum interest, quam: Interest fere nihil, differentiam episcoporum a presbyteris proficitur.* Ibi enim episcopis facultatem ordinandi tribuit, quam presbyteris negat. Quod autem etiam presbyteris curam fidelium adscribat ultro concedimus adversariis. Theodoretus autem in 1. ad Timoth. 3. ait: *Eosdem olim vocabant presbyteros & episcopos, eos autem, qui nunc vocantur episcopi, Apostolos nominabant: Procedente autem tempore Apostolatus nomen reliquerunt iis, qui vere erant Apostoli: Episcopatus autem appellationem iis, qui olim appellabantur Apostoli, imposuerunt.* Theophylactus autem ait, etiam presbyteros dici episcopos, quod etiam ipsi populum inspiciant, sed alia esse episcopi officia: non enim presbyteri ordinant. Qua de re in Creta relictum Titum ait: *Ut episcopalia exerceret.*

Ob. IV. Hieronymus ep. 85. nunc 101. ad Evang. ait: *Cum Apostolus doceat, eosdem esse presbyteros, quos episcopos, quis patiat ut mensuram minister (diaconus) supra eos se efferat, ad quorum preces Christi corpus conficitur? productisque locis ad Philipp. 1. Act. 20. 1. ad Tit. 5. & 1. ad Timoth. 4. ad episcoporum, & presbyterorum vetuilliss. æqualitatem probandam, ait: Quod autem postea unus electus est, qui ceteris preponeretur, in schismatis remedium factum est.* Addit etiam rationem: *Quid enim facit, excepta ordinatione, episcopus, quod presbyter non facit? Et in c. 1. ad Tit. Idem est presbyter, qui episcopus; & antequam diceretur in populis: Ego sum Pauli, ego Apollo, ego autem Cephæ, communi presbyterorum consilio Ecclesiæ gubernabantur.* Post schisma autem subdit S. D. *In toto orbe decretum est, ut unus de presbyteris electus superponeretur ceteris, ad quem omnis Ecclesiæ cura pertineret, & schismatum semina tollerentur.* Id postea ex ep. ad Philipp. 1. & Act. 20. confirmat, ubi unius urbis presbyteri vocantur *Episcopi* & vicissim. Addit in epist. ad Hebr. inter plures dividi Ecclesiæ curam, & concludit: *Apud veteres eosdem fuisse presbyteros, quos &*



*episcopos : paulatim vero , ut dissensiones evellerentur , ad unum omnem sollicitudinem esse delatam . Sicut ergo presbyteri sciunt se ex Ecclesie consuetudine , ei qui sibi prepositus fuerit esse subiectos , ita episcopi norint se magis consuetudine , quam dispositionis Dominicæ veritate presbyteris esse majores , & in commune debere Ecclesiam regere : ex quibus dogma suum invicte firmari novatores contendunt .*

*R. Hieronymi scopum ibi esse diaconorum insolentiam rerundere , qui sese presbyteris comparare audebant : idque præstat S. D. presbyteros summopere commendans , qui episcopi nomine in Actibus , & in epist. Apostolicis designantur , & ubi nondum multiplicatis fidelibus nullum schismatis periculum erat , ipsi quoque gubernarint Ecclesiam , non pari auctoritate , sed communi consilio . Quod constat ex ipsa ep. 101. ubi S. D. presbyteros adæquat episcopis , in conficienda dumtaxat Eucharistia , & ubi agit de Act. c. 20. negat in una Ecclesia plures fuisse episcopos , Titum vero ait in Creta relictum , ut presbyteros constitueret ; ergo ex iis qui presbyteri , & episcopi promiscue dicebantur unum Ephesiorum , alterum Crentensium agnoscit episcopum , qui nedum Eucharistiam conficere , sed etiam eos , qui conficiunt , poterant ordinare .*

*Addit S. D. Alexandrie a Marco usque ad Heraclam , & Dionysium episcopos , presbyterum semper unum in excelsiori gradu collocatum , episcopum nominabant , quomodo si exercitus imperatorem faciat , aut diaconi eligant de se , quem archidiaconum vocent , sed imperator & archidiaconus præ eminentia audent & ampliori jurisdictione ; ergo &c. De potestate ordinis addit ib. Quid enim facit , excepta ordinatione episcopus , quod presbyter non faciat ? uterque enim baptizat , sacrificat , non tamen confirmat , ut tom. 7. p. 77. ostendit cl. Auctor .*

*Addit S. D. episcopos omnes ejusdem esse meriti & sacerdotii , non jurisdictionis , quia omnes Apostolorum sunt successores ; sicut ergo Apostoli , ita episcopi presbyteris præfunt : claudique Epistolam statuens inter eos discrimen , quod inter Aaron , filios , & Levitas intercedebat , de quo supra ; ergo &c. Eadem repetit S. D. in epist. ad Tit. ubi ostendit ex ep. ad Philipp. presbyteros dici episcopos , ex quo ibi enuncientur episcopi numero plurali : Et certe in una civitate Philippi , plures episcopi esse non poterant ; sed si plures esse non poterant , unus erat , penes quem summa regiminis residebat ; ergo &c.*

*Addit , initio gubernatam Ecclesiam , communi presbyterorum consilio , deinde ad unum episcopum delatam sollicitudinem , demum hac in re magis consuetudine , quam dispositionis Dominicæ veritate episcopos majores esse presbyteris . Hæc nimis mirum ,*

mirum, quoniam Apostoli ab initio etiam *seniores* in partem sollicitudinis Ecclesiæ admitterebant, cum tamen ipsi pleniorē haberent auctoritatem; postea vero crescente fidelium numero satius duxerunt ad schismata removenda ceteris unum præficere, qui plura præciperet, presbyteris inconsultis. Illam enim consiliorum communionem, quam initio servatam ait S. D. exponit exemplo Moysis: *Qui cum haberet in potestate solus præesse populo Israel, 70. elegit, cum quibus populum iudicaret*; fallitur ergo quidam imperitus scholasticus, qui audacter asseruit, Hieronymum in Aerii hæresim fuisse prolapsum, nec non Blondellus, qui hæresim suam ipsam esse Hieronymi sententiam impudentissime commentus est. Vide auctorem.

Ob. V. Presbyteri, sicut episcopi, Eucharistiam conficiunt, & etiam ordines conferunt, ut chorepiscopi, & S. Conciliis interfunt; ergo *unus* utrisque *honos est*, & una dignitas, ut aiebat Aerius. II. PP. etiam docent, sacerdotium esse dignitatem omnium præstantissimam; ergo &c. III. Docent etiam, eos ætate, & officio differre. IV. Alii ajunt, episcopos a presbyteris creari, alii idem evenire ajunt, cum presbyter episcopus fit, ac cum episcopus creatus Rom. Pontifex, utrobique enim jurisdictio ampliatur.

R. ad I. neg. conf. Baptizant enim & sacrificant presbyteri, idque jussu episcopi, qui potest eos degradare & suspendere, sed alios presbyteros *non generant*, ait Epiphanius, chorepiscopi autem, qui sacros ordines contulere, fuerunt veri episcopi ex cap. præced. Qui autem Synodis interfuerunt, suffragium non tulere, nec subscribere, nisi episcoporum vires gererent.

Ad II. R. Sacerdotium in duos ordines dividi, ut alibi dictum est. Ad III. R. PP. optime episcopi ac presbyteri etymologiam explicasse, hæc enim dictio seniore[m] significat, illa *superinspectorem*, qui nempe aliis præficitur. Ad IV. R. Creari quidem episcopos, idest eligi alicubi presbyterorum, imo aliquando etiam laicorum suffragiis, sed præter electionem habent ipsi consecrationem, & amplitudinem characteris per *impositionem manuum* episcoporum: non enim presbyteri, ait Chrysostomus, episcopum ordinant. Quæ ordinatio indicat quantum distet progressio episcopi ad summum pontificatum ab inauguratione presbyteri in episcopum: in utroque enim ampliatur jurisditionis potestas, sed in episcopum electo confertur amplior ordinis auctoritas; ita ut Rom. Pontifex ad supremam jurisditionem, episcopus ascendat ad apicem sacerdotii, & sint ambo pares ordinis caractere, & longe diffiti regiminis potestate.

## CAPUT XII.

*De materia, ac forma Sacramenti Ordinis.*

NOT. I. Eugenius IV. in Instr. Arm. de materia, ac forma sacrarum ordinationum hæc habet; *Presbyteratus traditur per calicis cum vino, & patene cum pane porrectionem; diaconatus per libri Evangeliorum dationem; subdiaconatus per calicis vacui cum patena vacua traditionem: & similiter de aliis per rerum ad ministeria sua pertinentium assignationem. Forma sacerdotii est: Accipe potestatem offerendi sacrificium in Ecclesia pro vivis & mortuis, in nomine Patris &c. Et sic de aliis, prout in Pontificali Rom. continetur.* Apud Græcos tamen ordinationo presbyteri, & diaconi fit sola manuum impositione. Orarii enim, seu stolæ in anteriorem partem deductio, & flabelli porrectio, cum sit muta ceremonia, & absque ulla verborum forma, *materia Sacramentalis* dici nequit.

Hinc magnum inter scholasticos dissidium ortum est, quorum nonnulli post Capreolum, Soto, Vasquesium, aliosque, quæ videtur accedere D. Thomas q. 34. Suppl. art. 5. docent: *Ordinationum materiam* in sola instrumentorum porrectione consistere. Cumque Eugenii Instructio Arm. excerpta sit ex Opusculo 5. S. Thomæ ad Archiepisc. Panormit. omnes Thomistæ stant pro hac sententia, docentes impositionem manuum ad *integritatem*, non vero ad *substantiam* Sacramenti pertinere. Alii *Ordinum Hierarchicorum* duplicem statuunt materiam partialem, nempe instrumentorum porrectionem, & in presbyteratu, & diaconatu manuum impositionem: quam in subdiaconatu Latini non adhibent, ex vet. consuetudine, & ex can. 5. Carthag. IV. Ita Soto, Ledesma, Hosius, Estius, Sylvius, & Vasquez, quoad presbyteratum. Alii presbyteratus, & diaconatus materiam statuunt in sola manuum impositione, instrumenta vero materiam putant accidentalem, aut integram. Ita Morinus, Martenius, Goarius, Habert, Juerin, Tournely, Vitasse, Le-Droint, & ex veteribus S. Bonaventura, & Durandus.

Not. II. Nittur I. sententia auctoritate Florentini Conc. in Instr. Arm. ubi non alia assignatur hujus Sacramenti materia; sicut ergo aliorum sacramentorum materia in eo decreto assignata est *essentialis*, talis est etiam, quæ sacris ordinationibus præscribitur. II. Cap. *Presbyter* de Sacram. non iterandis statuit, non esse iterandam ordinationem presbyteri, & diaconi, in quibus omissa fuerit impositio manus, sed eam caute supplendam; sed ubi deest *substantialis materia*, integrum

tegrum Sacramentum est iterandum, non supplenda materia accidentalis, cum ritus præcedens nullus fuerit; ergo &c. Hinc Inrioc. III. cap. *Cum venisset* de Sacr. Unct. hanc suppleri jubet in quodam episcopo, qui in consecratione sua eam non acceperat: quia hæc non spectat ad Ordinationis substantiam.

III. Nulla ex tribus manuum impositionibus est essentialis in ea ordinatione. Non prima, qua episcopus ponit manum super caput ordinandi nihil dicens, quia fit absque ulla verborum forma. Non secunda, qua episcopus & sacerdotes simul dexteram tenent extensas super ordinandum, & ille ait: *Oramus fratres carissimi*; hæc enim non est forma Sacramenti, cum sit nuda divini auxilii, pro ordinatione proxima, deprecatio. Quod patet tum ex lectione orationis, tum ex rubricis sequentibus, quæ usque dum instrumenta tradantur, adstantes semper vocant: *Ordinandos, & consecrandos*, imo *consecrandi* dicuntur in altera oratione episcopi: *Exaudi nos &c.* Nec tertia, cum episcopus in fine Missæ impositis super ordinatum manibus ait: *Accipe Spiritum S.* Cum presbyteri ante oblationem, & consecrationem Eucharistiæ sint jam ordinati; ergo &c. IV. Imprimitur *character* ex Pontificali Rom. in traditione instrumentorum. V. *Substantialis* materia est sensibile signum, quo traditur ordinato *potestas spiritalis*; sed hæc traditur per instrumentorum traditionem, cum dicitur: *Accipe potestatem*; ergo &c.

Not. III. Sententiam, quæ diaconatus & presbyteratus materiam essentialem statuit in sola manuum impositione his momentis inniti I. Valida est ordinatio facta in omnibus Orientis & Occidentis Ecclesiis, sed in eorum plerisque sola manuum impositio locum habet; ergo &c. II. Carthaginen. IV. can. 3. Ancyran. can. 9. Nicænan. can. 19. & Trid. sess. 14. c. 3. presbyteros ordinari ajunt *manuum impositione*, nulla facta instrumentorum mentione. III. Hæc impositio est gratiæ, & characteris signum efficiens, eique PP. gratiæ vim tribuunt, atqui nemo ex iis hanc vim tribuit traditioni calicis, patenæ, aut libri Evangeliorum; ergo &c. Ad I. argum. respondent, Eugenium IV. ibi addidisse impositioni manuum, quam Armeni admittebant, materiam integram; quam ii non adhibebant, ut cum Latinis eisdem ritus servarent. Ad II. Respondent qui duplicem statuunt in sacra ordinatione materiam; si una ex iis ab altera separetur, unam potestatem conferri, ejusque *signaculum* imprimi; ideoque illud tantum esse iterandum, quod incaute fuit omissum, alteram nempe materiam cum sua forma partiali. Et ita exponunt etiam caput *Cum venisset* cl. Iureconsulti apud Gonzalez t. 1. Decr. p.

489. Ad III. &c. In Pontificali R. usurpari nomen *ordinandum*, quando nondum ritus ordinationis completus est; verba autem: *Accipe potestatem*, esse jam collatæ potestatis explicativa.

Not. IV. Ex utriusque sententiæ momentis tertia conflatur, quæ docet, essentialem ordinationis sacræ materiam esse traditionem instrumentorum accedente formula: *Accipe potestatem*, nec non postremam impositionem manuum, prolata forma: *Accipe Spiritum S. &c.* ut c. 8. prop. 3. dictum est. His notatis sit

**PROPOSITIO.** Facile conciliantur, quæ de materia & forma sacrorum ordinum tradunt scholastici.

Prob. Nam in minoribus ordinibus non alia apud Latinos occurrit materia, præter porrectionem instrumentorum, ex c. 4. præced. Huic autem materiæ æquivalet manuum impositio: manus enim est, quæ instrumenta præbet. Unde S. Bonaventura ait, quod in primitiva Ecclesia plures ordines *implicite dabantur manuum impositione*, quoniam manus est organum organorum. Quam sententiam ad conciliandos Græcos Latinosque aptiorem vocat Arcudius. Dicimus etiam Ecclesiam impositionem manuum, quæ est sane *substantialis materia*, in diaconatu, presbyteratu, & episcopatu ampliassse ad ceremonias alias, in diaconatu ad traditionem libri Evangel. calicis &c. Formam quoque, quæ apud Græcos in sola oratione consistit, apud Latinos fuisse divisam; adeo ut cum episcopus porrigens instrumenta ait: *Accipe potestatem*, tunc fiat Sacramentum. Ita omnia conciliantur, & sic manus impositio est ordinum *materia* ex l. 30. c. 10. & 32. c. 4. Et si hanc solam materiam cum sua forma conditores Latinæ Ecclesiæ præscripsissent, non minus valida foret huius ordinatio, quam est ordinatio Græcorum. Nec porrectio instrumentorum manuum impositionem excludit, sed est ejus materiæ ampliatio, sicut verba: *Accipe potestatem* præmissam episcopi orationem extendunt. Eugenius autem hanc solam commendat, quia peream perficitur sacramentum, & character imprimitur. Dicimus tandem, Latinam Ecclesiam non immutasse materiam sacrorum ordinum, sed complexam explicuisse. Atque his Occidentalis, & Orientalis Ecclesiæ ritus facile conciliantur.

## DISSERTATIO II.

*De ministro, subjecto, ac ritu sacrarum ordinationum.*

**Q**Uæremus hoc loco, quinam sint legitimi, quinam vero illegitimi sacrarum ordinationum ministri, tum ordinarii, cum extraordinarii? Quinam ad eas promovendi, quinam

nam vero sint arcendi? Quæ dotes in iis requirantur, & quæ ritus servari debeant?

## C A P U T I.

*De legitimo sacrarum ordinationum ministro, tum ordinario, cum extraordinario.*

**N**Ot. Certum est, ordinarios hujus sacramenti ministros esse episcopos, ut statuit Trid. sess. 23. c. 4. & longe ante can. 5. statuerat Cartagenen. I. can. 7. Arelat. V. necnon Bracharen. Nanneten. &c. Episcopi enim ex Trid. ib. c. 4. in locum Apostolorum succedere, & positi sunt regere Ecclesiam Dei. Ea de re ab Apostolis constitutos esse presbyteros, Titum relictum Cretæ, monitum Timotheum, ne cito manus imponeret, constat ex Actibus Apost. & Pauli epistolis, nec non ex PP. Chrysostomo, & Hieronymo aperte docentibus, a presbyteris episcopos differre, quod isti, non illi, ordinationes faciant. Vide c. 9. & 10. præced. Dissert.; tota ergo controversia est de extraordinario ministro. Sit itaque:

PROPOSITIO I. Abbates ab episcopo benedicti possunt extraordinario jure conferre ordines minores.

Prob. I. ex can. 14. Syn. Nicænæ II. quæ id abbatibus permittit, dummodo *presbyteri sint, & ab episcopo juxta morem abbatum præficiendorum fuerint benedicti*. Id confirmavit Innocent. III. ex 1. decret. tit. 14. cap. *Cum contingat*, Alex. IV. in Const. quam laudat Du-Cange in Gloss. v. *Ostiarium*, & Trid. sess. 23. c. 10. II. Eadem facultas concessa est chorepiscopis ex can. 12. Ancyrano, ex 10. Antioch. & 14. VII. Synodi. III. Idipsuin ex privilegio concessum esse S. R. E. Card. non episcopis constat ex c. 16. Noritiz Cardinalatus Cohellii privil. 2. IV. Videtur etiam ab Apostolica sede concedi posse non episcopis potestatem conferendi *subdiaconatum*, I. quia eadem gaudebant olim chorepiscopi, II. quia is non est ordo *hierarchicus*, licet sit ordo sacer, III. quia Gelasius ep. 1. c. 8. chorepiscopis concedi negat, *ut subdiaconum, vel acolythum ordinent, absque Rom. Pontif. permissione*; ergo hac accedente id ipsis conceditur.

Opp. Minores ordines, & subdiaconatus, cum sint vera Sacramenta, & ordines proprie dicti, a solo episcopo conferri possunt, ergo &c. R. Non repugnare, quod aliquis per characterem episcopalem constituatur hujus Sacramenti *ordinarius minister*, & per characterem presbyteratus habeat aptitudinem quandam, qua accedente Sedis Apostol. privilegio ordinare valeat, sicut ex eodem privilegio potest chrisma conficere, & con-

& confirmare: ut l. 32. c. 5. ab Auctore demonstratum est.

PROPOSITIO II. Nequit collatio presbyteratus a Rom. Pontifice committi simplicibus presbyteris, licet committi possit diaconatus collatio, ut abbati Cisterciensi olim commissum est.

Prob. I. pars. Ex D. Th. q. 38. Suppl. art. 1. ad 3. qui etiam rationem præfert: *Quod majores ordines* (quæ ratio tenet præsertim de presbyteratu, ut notat Sylvius in hunc loc.) *habeant immediatam relationem ad corpus Christi*. In hanc D. Thomæ sententiam abiire omnes posteriores Theologi. Resp. nullum momentum, sive ex PP. aut ex Conciliis, vel ex H. E. proferri potest, quo ostendi possit, a simplici presbytero alios presbyteros fuisse ordinatos. Tandem hæc potestas, uti a Christo & Apostolis collata est; ita ab eorum successoribus conferri debet. Oppositum tamen senserunt Card. Hostiensis, Innoc. IV., alique canonistæ apud Morinum: necnon Guillelmus Antisiodoren. Aureolus, Meratius &c.

Prob. II. pars ex privilegio Innoc. VIII. concessio an. 1489. abbati Cisterciën. diocesis Cabilonen. & abbatibus quatuor monasteriorum, quæ per dictum monasterium fundata erant, ne monachi pro suscipiendis subdiaconatus, & diaconatus ordinibus extra claustrum discurrere cogantur, ut suorum monasteriorum religiosi subdiaconatus, & diaconatus ordines conferre valeant.

¶. aliqui, hoc privilegium, vel supposititium esse, vel dubium. II. Navarrus illud vocat *exorbitans*. III. Nec inveniri ait in Bullario Romæ edito. IV. Nec Cistercienses eo usos esse. V. Postulatum quidem, sed inverisimile esse confisum. VI. Adversari Trid. sess. 23. de Ref. c. 10. ubi hæc facultas ad quatuor minores coarctatur. VII. Eam bullam exponendam de dimissoriis, quibus Cisterc. ordinari possint a quocumque episcopo, ut exponit Trid. & Clem. VIII. Sed contra est: nam privilegium illud ut germanum agnoscunt Major, Navarrus, Henriquez, Isambertus, Meratius, Morinus, Vanrov, Henno, Vasquez, qui asservari ait in collegio Comptelen. & a se lectum fuisse: sicuti illud legit cl. Auctor, tum apud Henriquez, tum apud Rodericum Ord. Min. p. 257. ed. Tournoni.

Ad II. ¶. A Navarro *privil. exorbitans* appellari, quia communia abbatum jura excedit. Ad III. Vide ¶. ad I. Ad IV. ¶. Cistercienses eo privilegio uti, ex Morino. Imo eorum Generalis monachos suos Romæ ordinavit diaconos, & subdiaconos ann. 1662. consentiente Alex. VII. & ann. 1663. consimiles ordinationes habuit Gandavi. Ad V. ¶. Innoc. VIII. Jo. abbati concessisse privilegia ampliora petitis, neque hoc privilegium ad quædam monasteria coarctasset, cum eo gaudeant, quoad ordines minores, alia omnia. Ad VI. ¶. Trid. decretum universale esse, neque in eo eos comprehen-

di,

di, quibus Romanus Pontifex peculiare privilegium imperitur: alias nec possent non episcopi ex facultate Romanorum Pontificum subdiaconos ordinare, quod falsum est.

Ad VII. &c. eam expositionem adversari privilegio Innocentii Cisterciensibus collato, ne *extra claustra vagentur*. Bulla autem Clementis VIII. Innocentianæ non meminit: confirmat quidem commune Abbatum privilegium, quoad collationem Minorum, sed Cisterciensem non revocat. Imo consimile in India Franciscanis concessum narrat Henriquez apud Morinum, & Vasquez apud Henno.

PROPOSITIO III. Episcopatus a solis episcopis, & quidem pluribus, conferri debet, id tamen ad valorem ordinationis non requiritur.

Prob. I. pars ex momentis allatis in notis hujus capituli, quæ a fortiori probant de Ordine episcopatus. Deinde ex Glossa in cap. *Manus quoque de Consecr.* d. 5. *Papa delegante ordinatus potest conferre ordinem, quem habet*; qui ergo eo carent, conferre non possunt. Hinc Novatus, ut in Episcopatum irrueret, ex Italia quosdam episcopos rudiores accivit, qui temulenti, & crapula oppressi umbratili manuum impositione sibi traderent episcopatum. Prob. II. pars ex 1. ad Timotheum c. 4. ubi verba illa: *Per impositionem manuum presbyterii*, a Chrysostomo, aliisque exponuntur *de episcopis*. Act. 13. quinque episcopi laudantur, ex quibus Paulus, & Barnabas segregati ab aliis tribus, qui erant episcopi, acceperunt manuum impositionem. Jacobum Justum ordinatum fuisse Jerosolymorum episcopum a Petro, Jacobo, & Joanne scribit l. 2. H. E. c. 1. Eusebius. In 1. canone Ap. & in Const. Ap. legitur, episcopum ordinandum a duobus vel tribus Episcopis. Idem tradunt can. 21. Arel. I. 4. Nicæni I. 19. Antioch. 39. Carth. III. &c. Tandem Cyprianus Ep. 68. præcipit, ut ad ordinationes rite celebrandas cum plebe, cui præpositus ordinatur, episcopi ejusdem Provinciæ proximi quique convenient.

Prob. III. pars, in quam descendunt Lupus in Appendice ad can. 4. Nicæni. Gavardi, Piette, alique nostrates. I. enim non opus est, ut ad ordinationem episcopi omnes ejusdem provinciæ convenient, ut part. 2. dictum est; traditio ergo, de qua Cyprianus, ad disciplinam variabilem spectat, non ad dogma. II. Habert, qui nobis præcipue adversatur, probat ut validam ordinationem Armentarii a duobus episcopis ordinati ex can. 5. Conc. Regensis an. 439. Idque statuitur can. 1. Apost. & in Constit. Apost. In vitis etiam Romanorum Pontificum legitur, Pelagium I. consecratum fuisse ab episcopis Perusino, & Ferentino, & Andrea Ostiensi Archiep. quod in tota Italia non fuerit inventus tertius episcopus. III. Timo-



Timotheum peculiari ratione a Paulo ordinatum legitur ep. 2. c. 1. Unde Estius notat: *Ceremoniam quidem impositionis manuum a pluribus fuisse adhibitam, sed solum Paulum peregrisse, quæ sacramento substantialia erant.*

II. Titus post discessum Zenæ & Apollinis solus remansit Cretæ: *Ut constitueret per civitates presbyteros, idest episcopos* ex ep. ad Tit. c. 7., & ex dictis c. 11. III. Episcopum urgente necessitate ab uno ordinari constat ex Constit. Ap. l. 8. c. 27. IV. In can. 2. Carth. IV. habetur, ab omnibus episcopis tangi caput electi, sed ab uno *fundi benedictionem.* V. Gregorius Magnus ep. 64. l. 10. ad Augustinum Anglicanum episcopum scribit: *In Anglorum ecclesia, in qua adhuc solus tu episcopus inveniris, ordinare episcopum non aliter, nisi sine episcopis poter.*

VI. Theodoretus l. 5. H. E. c. 23. refert, Evagrium a solo Paulino ordinatum episcopum Antiochenum, nec unquam de validitate ejus ordinationis disputatum est, licet de ejus legitima successione in sede Antiochena fuerit magna contentione disputatum. Imo Innocentius I. ratas habuit Evagrii ordinationes; constat ergo eum valide fuisse ordinatum. VII. Plures episcopi convenire jussi sunt ad ordinationem electi: *Ne futurum beneficium prestitum videatur*, ut ait Innocentius I. ep. ad Vitricium; ergo non ad validitatem. VIII. Ann. 1686. Innocentius XI. indulgit Godefrido Duci Franciæ Orientalis, ut ab uno episcopo cum assistentia duorum Abbatum consecraretur episcopus, ex Gavardo tom. 6. Theol. Ægid. p. 526. IX. Accedit ratio: habet enim quivis episcopus apicem pontificatus, & plenitudinem sacerdotii; ergo &c. Canones itaque ideo deponunt ab uno ordinatum, quia furtim, & absque majestate, quam postulat episcopatus, est ordinatus, non quod invalide, & sine caractere.

PROPOSITIO IV. Debet quisque promoveri a proprio episcopo, a quo, non ab alio, ordinationis forma proferri debet.

Prob. I. pars. Ex Tridentino sess. 23. c. 8., ubi ordinans a collatione ordinum per annum suspenditur, ordinatus vero ab eorum executione, quandiu proprio ordinario videbitur expedire. Eandem suspensionem incurri etiam collatione minorum ordinum, & tonsuræ clericalis, si id fiat absque licentia superioris ordinandorum, statuunt Gregorius X., & Bonifacius VIII. Sacerdotes etiam a proprio episcopo ordinandos constat ex vet. can. dist. 67. c. *Reliqui*, ex can. 21. Antioch., ex 3. Constantinop. I., ex 15. Aurelian. III. &c. Constat etiam ex Sozom. l. 3. c. 21. Athanasium ab Arianis accusatum, quod ordinationes fecisset in Urbibus ad illum non spectantibus. Et S. Jo. Chrysostomus apud Nicephorum l. 13. c. 13. ægre tulit S. Cyprianum Salaminiæ episcopum ordinasse diaconum

num in Basilica septem millia passus ab urbe Constantinopolitana distante. Primates tamen extra diocesim suam aliquando ordines contulere, ut episcopus Carthagenensis in tota Africa, in Syria Antiochenus, in Hispania Toletanus, & ubique terrarum Romanus Pontifex.

Prob. II. pars ex can. 5. Conc. Hispal. II. an. 619. cui præfuit S. Isidorus, ubi irrita declarata est ordinatio presbyteri, & duorum diaconorum ab episcopo Egrabensi facta, quibus, dum ipse detentus dolore oculorum manus imponeret, quidam presbyter formam protulerat. Vide Auctorem lib. 35. c. 8. prop. 5.

## C A P U T II.

*De ordinatione Episcopi intrusi, Heretici, Schismatici,  
& Simoniaci.*

Cum Donatistæ nulla existimarent Sacramenta baptismi, & ordinis ab improbo ministro collata, vetustiores ex ipsis ordinatos a catholicis inter laicos detrudebant. At posteriores Donatistæ ab ea severitate recedentes, illos quidem iterum baptizabant, sed aliquando rursus ad ordines promovebant, quod quibusdam diaconis factum narrat S. P. A. ep. 27. Donatistis autem accessisse posteriorum sæculorum hæreticos dictum est c. 14. l. 30. De quatuor autem improborum ministrorum generibus questio est, nempe de intrusis, hæreticis, schismaticis, & simoniacis. Cum autem multum anceps & difficultatibus implicata olim fuerit hæc questio, ut patet ex 5. Exerc. Morini de sacramentorum Ordinationum iteratione, ut breviores & faciliores simus, nonnulla notanda præmittimus.

Not. I. Veteres scholasticos, qui cum Mag. in 4. dist. 25. putant irritas ordinationes factas ab episcopis hæreticis, vel degradatis, nullo modo posse invicem conciliari. Quidam enim ajunt, episcopos exauctoratos caractere, & potestate ordinis exui; alii censent hos episcopos potestatem quidem ordinandi retinere, sed ea carere illos, qui ab iis ordinantur: quod primi in Ecclesia, alii extra Ecclesiam fuerint inaugurati.

Not. II. Non de licita, sed de valida ministrorum ordinatione controversiam hanc agitari.

Not. III. Nil facere ad eam dirimendam, quod ab hæreticis, aut schismaticis ordinati venientes ad catholicam, modo ad solam laicam communionem recepti, modo clericis sint cooptati. Hæc enim questio de validitate Sacramenti dogma respicit, non disciplinam, qualis est modus recipiendi clericos venien-

venientes ab hæresi, in qua pro qualitate, ac temporum circumstantiis resipiscentes clerici, modo pristino honore privati sunt, modo totum vel ex parte exercere iterum permisi sunt. Ita Cornelius Papa Maximum, & Nicæni Patres Arianos recepere.

Not. IV. Scholasticos ferme omnes, qui a 500. annis florere, affirmasse validas esse, nec iterandas hæc ordinationes, licet ex prava suscipientium dispositione (non ob sacramenti inefficaciam) qui scienter a schismaticis, aut hæreticis episcopis ordines suscipiunt, gratiam non recipiant, teste D. Thoma q. 38. suppl. cui omnes subscribunt. Sit itaque

PROPOSITIO. Valide sunt ordinationes factæ ab episcopis hæreticis, schismaticis, excommunicatis &c. dummodo habeatur debita materia, forma, & intentio.

Prob. I. ex canone Concilii Capuani sub Siricio celebrati an. 389. qui a Carthaginensi III. his verbis confirmatus est: *Non liceat fieri rebaptizationes, & reordinationes, quod etiam in Capuensi plenaria synodo videtur statutum*. Idem statuit Florentinum in decreto unionis, & Tridentinum sess. 23. can. 4. ubi ait, Sacramento Ordinis imprimi characterem, ideoque non posse iterari.

Prob. II. ex PP. & præsertim ex Augustino, qui l. 1. de Bapt. c. 1. ait: *Sicut baptizatus, si ab unitate recessit, sacramentum baptismi non amittit, sic etiam ordinatus*. Et l. de Bon. Conjug. c. 24. de clericis improbis, & officio privatis ait: *Manet tamen in illis ordinatis Sacramentum ordinationis*. Theodoretus H. Relig. c. 13. etiam ait: *Fieri non potest, ut his fiat eadem manuum impositio*. Similia habet Hieronymus in Dial. contr. Lucif. Prob. III. ratione. Nam potestas ordinis semel collata nunquam auferri potest, ut potestas consecrandi: secus dicendum de potestate jurisdictionis, quæ potest auferri; atqui potestas ordinandi est potestas ordinis; ergo &c.

Prob. IV. Discurrendo per classes eorum, quorum ordinationes nullæ censentur. Quarum I. est *Intrusorum*, qui alie nam sedem contra fas & jura invaserunt. Quidam recentiores cum Vitassio producant exempla Felicis II. Liberii, & Vigilli Romanorum Pontificum, quos Auxilius, & S. Petrus Damiani intrusos dixere, nec tamen repetitæ sunt eorum ordinationes. Sed Felicem tanquam verum Pontificem agnoscunt antiquiores Romanæ Ecclesiæ catalogi, Breviarium, & Martyrologium Romanum, pervetustæ Pontificum imagines in Ecclesia S. Pauli via Olienfi, Nicephorus, Theophanes &c. Liberii fidem c. 2. diff. 2. l. 8. vindicavimus. Vigiliū quoque eruditissimus Constantius in epistolis summorum Pontificum egregie defendit.

Tria ergo exempla producam, quibus prop. invicte demonstratur. I. est Anatolii, qui in locum S. Flaviani C. P. episcopi a Dioscoro intrusus, a S. Leone Magno Marciani & Pulcheriæ Aug. precibus susceptus est; probatis quoque singulis ejus ordinationibus: ut patet ex ep. 78. Leonis. II. Est Petri Moggi, qui, etsi intrusus in episcopatum Alexandrinum, & ab uno tantum episcopo ordinatus contra canones, fecit tamen plures ordinationes, quas Rom. Ecclesia ratas habuit; ut narrat Metrophanes apud Lupum Tom. 2. pag. 1526. III. est Photii, qui S. Ignatii sedem invasit, & a Gregorio Syracusano episcopo degradato consecratus fuit; defuncto tamen Ignatio Jo. VIII. Rom. Pontifex in Patriarchalem gradum illum restituit, nullo eorum, qui ab eo fuerant in schismate initiati, reordinato. Qua in re, licet nonnulli Joannem nimis facilitatis redarguant, defenditur tamen a Lupo, a Petro de Marca &c. Sed etsi molliter se gessisset Jo. non tamen sequeretur, irritas fuisse illius ordinationes, ut falso scribit Morinus a Lupo, aliisque refutatus.

II. Est schismaticorum I. enim Maximum presbyterum, aliosque resipiscentes Novatianos tertio sæculo absque nova ordinatione suscepit Cornelius Papa: ergo in schismate character perseverat. II. Sæculo IV. ordinati in schismate Donatistarum, non sunt rursus ordinati, sed sicut baptisma in eis, ita ordinatio mansit integra, ait S. P. A. l. 2. contra Parm. c. 13. III. S. Melchiades ordinatos a Majorino suscepit, ejusque sententiam ut *providam, & pacificam* laudat S. P. A. epist. 43. Ex adverso Donatistas reordinantes passim exagitat S. D. IV. Confirmatur nostra sententia exemplis schismaticorum posteriorum, in quibus promoti ad Ecclesiasticos ordines numquam fuerunt repetita ordinatione recepti, quod nec factum est in diuturno schismate, quod ab anno 1378. usque ad 1417. ab Urbano VI. usque ad Martinum V. vexavit Ecclesiam; ergo &c.

III. Est hæreticorum: Nam de Novatianis canone 8. Nicæno definitur ex versione Dionysii: *Ut impositionem manus accipientes, sic in clero permaneant*. Quæ verba perperam Morinus de reconciliatione canonica intelligit, cum legitima Græcorum verborum versio sit: *Eas, qui manus impositionem perciperint, ita in clero permanere*; unde ipsa versio Dionysii in secunda canonis parte habet: *Ut qui ex illis erant ordinati, sic maneant in clero*. Sic enim Nicænum can. accepere monachi Studitz in VII. Synodo, quæ eorum expositionem Act. 1. probavit, Collector canonum Arabum n. 18. Hieronymus in Dial. & Innoc. I. Item S. Athanasius, ex ejus epist. ad Rufinianum, & ex Act. 1. Syn. VIII. ann. 362. coacta Synodo statuit inter clericos recipiendos

eos, qui ad Arianismum vi adacti erant. Basilius ep. ad Anph. scribit, idem factum esse cum Zoi, & Saturnino Encratitis. Et Ephesina Synodus hæreticos Messalianos respicientes ea lege suscepit: *Ut si clerici fuerint, maneant clerici &c.* Toletana Synodus anno 400. in suas sedes restituit Symphonium, Dioclinium, & Anterium episcopos Priscillianistas. Leo M. epist. 1. n. 6. ait, non esse ab episcopali sede ejiciendum Donatum Salicinen. Novatianum, si ostendat *quomodo episcopalem ordinationem sit adeptus*. In VII. Synodo ann. 787. Act. 1. lectæ sunt diversæ S. Basilii, S. Cyrilli, & S. Athanasii epistolæ, Nicænæ item; & Ephesinæ Synodi canones, quibus statuitur solos hæresiarchas, perpetuo ab Ecclesiasticis honoribus deiciendos, reliqui, & ipsi iconomachi, in clericalem gradum ad Ecclesiam redeuntes suscepti sunt. Produxit Tarasius exemplum eorum, quos Sergius, & Pyrrhus Monothelitæ initiarunt: cumque a Sabba nimis facilitatis argueretur, purgavit sese. Tandem S. Gregorius M. l. 2. epist. 46. cum Augustino ait: *Sicut baptizatus semel &c. ita consecratus semel non debet iterum consecrari*. Et l. 9. epist. 61. præcipit, ut Nestoriani *servatis propriis ordinibus in suo catu suscipiantur*.

IV. Est de simoniaciis, qui ex can. 2. Chalcedonen. aliisque innumeris, dignitate & officio privantur, at nullo canone definitur simoniaca ordinatione non imprimi characterem. Imo simoniaca lue grassante ipsi Romani PP. permiserunt, ut in acceptis ordinibus ministrarent, qui gratis ordinati fuissent, aut ignorassent episcopum ordinantem esse simoniacum, aut si hoc scientes ordinationis tempore, postea egissent pœnitentiam, ut patet ex epistola Nicolai II. ex Concilio Rom. sub Alex. II. ex epistola S. Gregorii VII. & ex Rom. Synodo III. apud Lupum in 2. Diss. proemiali p. 3. ergo &c. II. Licet Symoniacas ordinationes quidam iterandas censerent, PP. tamen, inter quos eminere S. P. A. de iis ac de baptismo eandem habendam esse rationem docuere, ut supra dictum est. Basilius in epist. ad Episcopos suos ait quidem; *Satane venditor, qui vendere, ut emere audet donum Dei; non tamen irritat, sed monet, ut posthac non fiant, sed emendentur ordinationes simon.* ita se gessit Chrys. in simoniace ordinatis ab Antonino Metropolita Ephesi, ex Palladio in ejus vita. III. S. Petrus Damiani, ferventibus de simoniaca ordinatione dissidiis, pluribus momentis ostendit, a simoniacis ordinatos non esse reordinandos. Quod etiam ratione firmavit, ex quo nempe homines exterius Sacramenta ministrent, & unus sit, qui interius baptizat, & consecrat: nec Spiritus S. ex merito sacerdotum, sed ex vi sacramenti conferatur: ex quo Ecclesia ratas habuerit ordinationes Anatolii, Polychronii simoniaci, aliorum-

aliorumque: ex quo Deus per simoniacos episcopos, ut per Rainaldum Fesulanum, plura mirabilia patraverit: ex quo denique, sicut baptizari, ita denuo consecrari nemo valeat.

Ob. I. Producta momenta sacris canonibus, Patribus, & Eccl. Hist. adversantur; ergo &c. Prob. ant. quoad primam part. I. enim can. 68. Apost. habetur: *Qui a talibus, hæreticis, baptizati, vel ordinati fuerunt, neque fideles, neque clerici esse possunt*; ergo &c. II. Nicæn. can. 8. finit quidem, ut ordinati a Novatianis in clero permaneant, sed accepta manuum impositione, sive, ut habet Latina versio, si iterum *ordinentur*. Et in ep. Synodica apud Theodoretum eadem S. Synodus jubet ordinatos a Meletio schismatico ad nullum Ecclesiæ ministerium admitti, nisi prius fuerint *sanctiore ordinatione confirmati*. Ex quo loco Dupin, Valesius, Binghamus, alique censent aperte ostendi reordinationes schismaticorum. Unde Theodorus Oxyrinchi episcopus iterum ordinavit presbyteros & diaconos partis Meletii. III. Innocentius I. ep. 18. de Arianis ait: *Quibus solum baptismum ratum esse permittimus, quoniam cum a fide desciscerent perfectionem spiritus amiserunt: nec dare ejus plenitudinem possunt, quæ maxime in ordinationibus operatur, quam per impietatis suæ perfidiam perdididerunt*; ergo &c.

IV. Cæcilianus apud Optatum l. 1. ait: *Si traditores sunt, qui me ordinauerunt, ipsi veniant, Donatistæ, & ordinent me*, quod in Coll. diei 3. apud Augustinum Donatistæ objecerunt Catholicis. V. Basilii ep. ad Amphil. ait: *Tam baptismum, quam ordinationes hæreticorum nullam vim habere*. VI. Idem sensit Firmilianus, qui in ep. 75. inter Cyprianicas ait, Conc. Iconiense statuisse, hæreticos *nec baptizare posse, nec ordinare*. Firmiliano adhæsit Cyprianus, alique rebaptizantes; ergo &c.

VII. Accedunt plura exempla Historiæ Eccl. Nam can. 4. Synodi Constantinopolitanæ irritæ habitæ sunt ordinationes Maximi Cincii, qui eam sedem dolo occupaverat ann. 767. VIII. Stephanus IV. ann. seq. reordinavit episcopos, & presbyteros a Constantino pseudo-pontifice ordinatos. IX. Hincmarus an. 853. iteravit ordinationes Ebbonis. Et ann. 869. ordinationes Photii irritas declaravit VIII. Synodus. X. Idem præstitit Innocentius, quoad ordinationes Bonosi Episcopi Naxitani. XI. Urbanus II. anno 1088. reordinavit Duibertum, a Nezel Moguntinæ sedis invasore simoniaco ordinatum. XII. Idem ante Urbanum præstitit, quoad plures simoniacos, S. Leo IX. Et Stephanus VII. quoad ordinationes Formosi; ergo &c.

R. neg. ant. Ad l. prob. neg. conf. Nam cit. canon Apost. sive a Firmiliano, sive ab Iconiensi rebaptizantium in Synodo de-

promptus sit, nullius est roboris, nisi forte accipiatur de baptismo, & ordinationibus hæreticorum, qui legitimam formam non adhibebant; sicut ergo adversus hunc canonem recte recipimus hæreticorum baptismum collatum cum *invocatione SS. Trinitatis*, ita suscipi debent ordinationes hæreticorum legitima forma peractæ.

Ad II. De interpretatione canonis 8. Nic. dictum supra classe 3. Adde, *manuum impositionem* (dato etiam laud. canone 8. præscribi) non fore sacramenti repetitionem, sed reconciliationis ritum, ut ostendit cl. Auctor tom. 3. pag. 124. Idem dicendum de ep. Synodica, in qua manus impositio significatur participio præteriti temporis *βεβαυδισται confirmati*, & nomine *confirmationis*, quo designatur approbatio præcedentis ordinationis a Meletio factæ.

Hinc Sozomenus l. 1. c. 24. de Nicæno illo decret. ait, latam contra Meletium sententiam: *Ut in Lyco degeret, nec deinceps ordinationem nullam faceret*. Hi vero, qui ab illo prius ordinati fuissent, ministerium suum retinebant, reliquis tamen clericis inferiores essent; ita tamen ut in locum morientium succederent, dummodo plebis suffragio judicarentur idonei, episcopo Alex. electionem eorum confirmante. Ex quibus verbis Valesius, qui *χρηστωρια* accipi non posse, nisi pro ordinatione affirmaverat, coactus est dicere, in decreto Nicæno de Meletianis eam accipi de *simplici benedictione*. At Sozomenus omnem dirimit controversiam dicens, a Nicænis Patribus ratas habitas ordinationes Meletii, ordinaros tamen a Meletio indiguissse, ut in locum morientium succederent, suffragio plebis, & confirmatione Ecclesiæ; ergo *χρηστωρια* ibidem, vel est præcedens ordinatio Meletii, vel populi electio, & episcopi confirmatio. Vide c. 1. libri huius not. 2. Theodorus ergo Oxyrichi episc. non secutus est mentem Nicænz Synodi, sed Apollonii cujusdam, ut narrat Marcellinus scriptor alioquin fidel suspectæ.

Ad III. neg. conf. Licet enim *ratum*, & *validum* promiscue sæpe usurpentur, *ratum* tamen dicitur, quod comprobatur, & omnem sortitur effectum; cum ergo ordinati ab Arianis, ex disciplina illius temporis, non admitterentur ad ministerium Ecclesiastici ordinis, sed tantum donarentur laica communione, ideo Innocentius negat *ratam* esse ordinationem Arianorum. Id enim ab eo quaesierat Alexander episcopus Antiochenus, an scilicet ordinati ab Arianis essent in suo honoris gradu restituendi? Cui respondens Innocentius, allato Baptismi & Ordinis discrimine, recipiendos non esse cum ministerii dignitate, nec episcopum Arianum clericis suis contulisse jus ministerii, & Spiritus sancti plenitudinem, quam ipse

*sua*

*sua perfidia amisit*, satis ostendit, se de hoc jure; ministerio, ac plenitudine loqui, non de Ordinis *charactere*. Vide notas Binti, Lupi, & Bellarmini.

Ad IV. R. S. P. A. in Brev. Coll. 3. diei c. 16. Cæcilianum hæc dixisse ad illos irridendos, quibus hæc mandasse perhibetur: *quoniam certus erat, ordinatorum suos non esse traditores*. Probe hanc irrisiōnem intellexit Porphyrius Donatista, qui statim respondit: *Exeat huc, quasi imponatur illi manus in episcopatu, & quassetur illi caput de penitentia*. Ad V. & VI. neg. conf. Basilius enim, uti Firmilianus, & Cyprianus, in errore rebaptizantium versati sunt docentes, hæreticos nec ordinandi habere potestatem, ut qui non possint Spiritus S. gratiam aliis præbere, a qua ipsi exciderunt. Sed hæc ratio, quæ gratiam a charactere non sæcernit, & Sacramenti efficaciam a conditione ministri, sicut nunc a nullo Theologorum admittitur; ubi agitur de baptismo, nec debet admitti, ubi agitur de ordinis Sacramento.

Ad VII. R. I. productis exemplis probari tantum, sacras ordinationes fuisse aliquando repëtitas, nondum hac controversia finita, hoc tamen non officit præsentī causæ: sicut nec officit validitati baptismi, quod aliqui viri sanctissimi rebaptizaverint.

R. II. Quoad can. CP. neg. ant. Licet enim in eo statuatur: *Nec maximum episcopum esse, vel fuisse, nec eos, qui ab ipso sunt ordinati*; id tamen de ministerio, & gradu honore accipiendum est, non de charactere Sacramenti. Constat enim, Maximum fuisse rite ordinatum a S. Petro Alex. cum tribus aliis episcopis. Unde apud Harduinum T. 1. Conc. p. 819. legitur: *Nec ille, qui ordines ab eo accepit, in quemlibet sacerdotii gradum admittatur*. Ad VIII. R. I. Baronius ad an. 769. n. 6. & N. Alex. H. E. sæc. 8. n. 6. ordinatorum a Constantino suscepisse benedictionis consecrationem, idest sacramentum, quæ ordinati ad pristinum honoris gradum restituuntur. R. II. Auxilius l. 2. de Ord. Form. c. 4. in ea manifeste peccatum, dum rite ordinatorum eos nefario ausu iterum in eadem ordinatione consecrandos esse statuerunt.

Ad IX. R. Acta Hincmari rescissa fuisse a Nicolao I. in epistola data ann. 866. in qua statuit, ut clerici ab Ebbone ordinati suis gradibus restituerentur. De Photio dictum supra. Ad X. R. Bonosiacos fuisse Paulianistarum discipulos, nec formam servasse baptismi, ideoque ad Ecclesiam redeuntes juxta can. 19. Nicæni II. 16. Arelat. II. &c. iterum baptizandi erant. Ad XI. R. Hanc Urbani II. epistolam de ordin. Daiberti spuriam a doctis viris censeri. Incertum est etiam Nezelonem invasorem fuisse episcopum. Certum est demum Urbanum II. epist. 17. ad Lucium in ordin. Hæret. & Schism. veram Sacramenti formam agnoscere.



& confirmare: ut l. 32. c. 5. ab Auctore demonstratum est.

PROPOSITIO II. Nequit collatio presbyteratus a Rom. Pontifice committi simplicibus presbyteris, licet committi possit diaconatus collatio, ut abbati Cisterciensi olim commissum est.

Prob. I. pars. Ex D. Th. q. 38. Suppl. art. 1. ad 3. qui etiam rationem præfert: *Quod majores ordines* (quæ ratio tenet præsertim de presbyteratu, ut notat Sylvius in hunc loc.) *habeant immediatam relationem ad corpus Christi*. In hanc D. Thomæ sententiam abiere omnes posteriores Theologi. Responde nullum momentum, sive ex PP. aut ex Conciliis, vel ex H. E. proferri potest, quo ostendi possit, a simplici presbytero alios presbyteros fuisse ordinatos. Tandem hæc potestas, uti a Christo & Apostolis collata est; ita ab eorum successoribus conferri debet. Oppositum tamen senserunt Card. Hostiensis, Innoc. IV., alique canonistæ apud Morinum: necnon Guillelmus Antistodoren. Aureolus, Meratius &c.

Prob. II. pars ex privilegio Innoc. VIII. concessio an. 1489. abbati Cisterciensi diocesis Cabilonen. & abbatibus quatuor monasteriorum, quæ per dictum monasterium fundata erant, ne monachi pro suscipiendis subdiaconatus, & diaconatus ordinibus extra claustrum discurrere cogantur, ut suorum monasteriorum religiosis subdiaconatus, & diaconatus ordines conferre valeant.

¶. aliqui, hoc privilegium, vel supposititium esse, vel dubium. II. Navarrus illud vocat *exorbitans*. III. Nec inveniri ait in Bullario Romæ edito. IV. Nec Cistercienses eo usos esse. V. Postulatum quidem, sed inverisimile est esse concessum. VI. Adversari Trid. sess. 23. de Ref. c. 10. ubi hæc facultas ad quatuor minores coarctatur. VII. Eam bullam exponendam de dimissoriis, quibus Cisterc. ordinari possint a quocumque episcopo, ut exponit Trid. & Clem. VIII. Sed contra est: nam privilegium illud ut germanum agnoscunt Major, Navarrus, Henriquez, Isambertus, Meratius, Morinus, Vanrov, Henno, Vasquez, qui asservari ait in collegio Compluren. & a se lectum fuisse: sicuti illud legit cl. Auctor, tum apud Henriquez, tum apud Rodericum Ord. Min. p. 257. ed. Tournoni.

Ad II. ¶. A Navarro *privil. exorbitans* appellari, quia communia abbatum jura excedit. Ad III. Vide ¶. ad I. Ad IV. ¶. Cistercienses eo privilegio uti, ex Morino. Imo eorum Generalis monachos suos Romæ ordinavit diaconos, & subdiaconos ann. 1662. consentiente Alex. VII. & ann. 1663. consimiles ordinationes habuit Gandavi. Ad V. ¶. Innoc. VIII. Jo. abbati concessisse privilegia ampliora petitis, neque hoc privilegium ad quædam monasteria coarctasset, cum eo gaudent, quoad ordines minores, alia omnia. Ad VI. ¶. Trid. decretum universale esse, neque in eo eos comprehendi,

di, quibus Romanus Pontifex peculiare privilegium impertitur: alias nec possent non episcopi ex facultate Romanorum Pontificum subdiaconos ordinare, quod falsum est.

Ad VII. R. eam expositionem adversari privilegio Innocentii Cisterciensibus collato, ne *extra claustra vagentur*. Bulla autem Clementis VIII. Innocentianæ non meminit: confirmat quidem commune Abbatum privilegium, quoad collationem Minorum, sed Cisterciensem non revocat. Imo consimile in India Franciscanis concessum narrat Henriquez apud Morinum, & Vasquez apud Henno.

PROPOSITIO III. Episcopatus a solis episcopis, & quidem pluribus, conferri debet, id tamen ad valorem ordinationis non requiritur.

Prob. I. pars ex momentis allatis in notis hujus capituli, quæ a fortiori probant de Ordine episcopatus. Deinde ex Glossa in cap. *Manus quoque de Consecr. d. 5. Papa delegante ordinatus potest conferre ordinem, quem habet*; qui ergo eo carent, conferre non possunt. Hinc Novatus, ut in Episcopatum irrueret, ex Italia quosdam episcopos rudiores accivit, qui temulenti, & crapula oppressi umbratili manuum impositione sibi traderent episcopatum. Prob. II. pars ex 1. ad Timotheum c. 4. ubi verba illa: *Per impositionem manuum presbyterii*, a Chrysostomo, aliisque exponuntur de episcopis. Act. 13. quinque episcopi laudantur, ex quibus Paulus, & Barnabas segregati ab aliis tribus, qui erant episcopi, acceperunt manuum impositionem. Jacobum Justum ordinatum fuisse Jerusalemorum episcopum a Petro, Jacobo, & Joanne scribit l. 2. H. E. c. 1. Eusebius. In 1. canone Ap. & in Const. Ap. legitur, episcopum ordinandum a duobus vel tribus Episcopis. Idem tradunt can. 21. Arel. I. 4. Nicæni I. 19. Antioch. 39. Carth. III. &c. Tandem Cyprianus Ep. 68. præcipit, ut ad ordinationes rite celebrandas cum plebe, cui præpositus ordinatur, episcopi ejusdem Provinciæ proximi quoque conveniant.

Prob. III. pars, in quam descendunt Lupus in Appendice ad can. 4. Nicæni. Gavardi, Piette, alique nostrates. I. enim non opus est, ut ad ordinationem episcopi omnes ejusdem provinciæ conveniant, ut part. 2. dictum est; traditio ergo, de qua Cyprianus, ad disciplinam variabilem spectat, non ad dogma. II. Habert, qui nobis præcipue adversatur, probat ut validam ordinationem Armentarii a duobus episcopis ordinati ex can. 5. Conc. Regensis an. 439. Idque statuitur can. 1. Apost. & in Constit. Apost. In vitis etiam Romanorum Pontificum legitur, Pelagium I. consecratum fuisse ab episcopis Perusino, & Ferentino, & Andrea Ostiensi Archiepiscopo, quod in tota Italia non fuerit inventus tertius episcopus, III.

Timq.

Timotheum peculiari ratione a Paulo ordinatum legitur ep. 2. c. 1. Unde Estius notat: *Ceremoniam quidem impositionis manuum a pluribus fuisse adhibitam, sed solum Paulum peregrifse, quæ sacramento substantialia erant.*

II. Titus post discessum Zenæ & Apollinis solus remansit Cretæ: *Ut constitueret per civitates presbyteros*, idest episcopos ex ep. ad Tit. c. 7., & ex dictis c. 11. III. Episcopum urgente necessitate ab uno ordinari constat ex Constit. Ap. l. 8. c. 27. IV. In can. 2. Carth. IV. habetur, ab omnibus episcopis tangi caput electi, sed ab uno *fundi benedictionem*. V. Gregorius Magnus ep. 64. l. 10. ad Augustinum Anglicanum episcopum scribit: *In Anglorum ecclesia, in qua adhuc solus tu episcopus inveniris, ordinare episcopum non aliter, nisi sine episcopis potes.*

VI. Theodoretus l. 5. H. E. c. 23. refert, Evagrium a solo Paulino ordinatum episcopum Antiochenum, nec unquam de validitate ejus ordinationis disputatum est, licet de ejus legitima successione in sede Antiochena fuerit magna contentione disputatum. Imo Innocentius I. ratas habuit Evagrii ordinationes; constat ergo eum valide fuisse ordinatum. VII. Plures episcopi convenire jussi sunt ad ordinationem electi: *Ne furtivum beneficium prestitum videatur*, ut ait Innocentius l. ep. ad Vitricium; ergo non ad validitatem. VIII. Ann. 1686. Innocentius XI. indulgit Godefrido Duci Franciæ Orientalis, ut ab uno episcopo cum assistentia duorum Abbatum consecraretur episcopus, ex Gavardo tom. 6. Theol. Ægid. p. 526. IX. Accedit ratio: habet enim quivis episcopus apicem pontificatus, & plenitudinem sacerdotii; ergo &c. Canones itaque ideo deponunt ab uno ordinatum, quia furtim, & absque majestate, quam postulat episcopatus, est ordinatus, non quod invalide, & sine caractere.

PROPOSITIO IV. Debet quisque promoveri a proprio episcopo, a quo, non ab alio, ordinationis forma proferri debet.

Prob. I. pars. Ex Tridentino sess. 23. c. 8., ubi ordinans a collatione ordinum per annum suspenditur, ordinatus vero ab eorum executione, quandiu proprio ordinario videbitur expedire. Eandem suspensionem incurri etiam collatione minorum ordinum, & tonsuræ clericalis, si id fiat absque licentia superioris ordinandorum, statuunt Gregorius X., & Bonifacius VIII. Sacerdotes etiam a proprio episcopo ordinandos constat ex vet. can. dist. 67. c. *Reliqui*, ex can. 21. Antioch., ex 3. Constantinop. I., ex 15. Aurelian. III. &c. Constat etiam ex Sozom. l. 3. c. 21. Athanasium ab Arianis accusatum, quod ordinationes fecisset in Urbibus ad illum non spectantibus. Et S. Jo. Chrysostomus apud Nicophorum l. 13. c. 13. aggre tulit S. Cyprianum Salaminæ episcopum ordinasse diaconum

num in Basilica septem millia passus ab urbe Constantinopolitana distante. Primates tamen extra diocesim suam aliquando ordines contulere, ut episcopus Carthagenensis in tota Africa, in Syria Antiochenus, in Hispania Toletanus, & ubique terrarum Romanus Pontifex.

Prob. II. pars ex can. 5. Conc. Hispal. II. an. 619. cui præfuit S. Isidorus, ubi irrita declarata est ordinatio presbyteri, & duorum diaconorum ab episcopo Egrabensi facta, quibus, dum ipse detentus dolore oculorum manus imponeret, quidam presbyter formam protulerat. Vide Auctorem lib. 35. c. 8. prop. 5.

## C A P U T II.

*De ordinatione Episcopi intrusi, Heretici, Schismatici,  
& Simoniaci.*

Cum Donatistæ nulla existimarent Sacramenta baptismi, & ordinis ab improbo ministro collata, vetustiores ex ipsis ordinatorum a catholicis inter laicos detrudebant. At posteriores Donatistæ ab ea severitate recedentes, illos quidem iterum baptizabant, sed aliquando rursus ad ordines promovebant, quod quibusdam diaconis factum narrat S. P. A. ep. 23. Donatistis autem accessisse posteriorum sæculorum hæreticos dictum est c. 14. l. 30. De quatuor autem improborum ministrorum generibus quæstio est, nempe de intrusis, hæreticis, schismaticis, & simoniacis. Cum autem multum anceps & difficultatibus implicata olim fuerit hæc quæstio, ut patet ex 5. Exerc. Morini *de sacrarum Ordinationum iteratione*, ut breviores & faciliores simus, nonnulla notanda præmittimus.

Not. I. Veteres scholasticos, qui cum Mag. in 4. dist. 25. putant irritas ordinationes factas ab episcopis hæreticis, vel degradatis, nullo modo posse invicem conciliari. Quidam enim ajunt, episcopos exauctoratos caractere, & potestate ordinis exui; alii censent hos episcopos potestatem quidem ordinandi retinere, sed ea carere illos, qui ab iis ordinantur: quod primi in Ecclesia, alii extra Ecclesiam fuerint inaugurati.

Not. II. Non de licita, sed de valida ministrorum ordinatione controversiam hanc agitari.

Not. III. Nil facere ad eam dirimendam, quod ab hæreticis, aut schismaticis ordinati venientes ad catholicam, modo ad solam laicam communionem recepti, modo clericis sint cooptati. Hæc enim quæstio *de validitate Sacramenti dogma* respicit, non disciplinam, qualis est modus recipiendi clericos venien-

venientes ab hæresi, in qua pro qualitate, ac temporum circumstantiis resipiscentes clerici, modo pristino honore privati sunt, modo totum vel ex parte exercere iterum permisi sunt. Ita Cornelius Papa Maximum, & Nicæni Patres Arianos recipere.

Not. IV. Scholasticos ferme omnes, qui a 500. annis floruerunt, affirmasse validas esse, nec iterandas hæc ordinationes, licet ex prava suscipientium dispositione (non ob sacramenti inefficaciam) qui scienter a schismaticis, aut hæreticis episcopis ordines suscipiunt, gratiam non recipiant, teste D. Thoma q. 38. suppl. cui omnes subscribunt. Sit itaque

PROPOSITIO. Valide sunt ordinationes factæ ab episcopis hæreticis, schismaticis, excommunicatis &c. dummodo habeatur debita materia, forma, & intentio.

Prob. I. ex canone Concilii Capuani sub Siricio celebrati an. 389. qui a Carthaginensi III. his verbis confirmatus est: *Non liceat fieri rebaptizationes, & reordinationes, quod etiam in Capuensi plenaria synodo videtur statutum.* Idem statuit Florentinum in decreto unionis, & Tridentinum sess. 23. can. 4. ubi ait, Sacramento Ordinis imprimi characterem, ideoque non posse iterari.

Prob. II. ex PP. & præsertim ex Augustino, qui l. 1. de Bapt. c. 1. ait: *Sicut baptizatus, si ab unitate recessit, sacramentum baptismi non amittit, sic etiam ordinatus.* Et l. de Bon. Conjug. c. 24. de clericis improbis, & officio privatis ait: *Manet tamen in illis ordinatis Sacramentum ordinationis.* Theodoretus H. Relig. c. 13. etiam ait: *Fieri non potest, ut his fiat eadem manuum impositio.* Similia habet Hieronymus in Dial. contr. Lucif. Prob. III. ratione. Nam potestas ordinis semel collata nunquam auferri potest, ut potestas consecrandi: secus dicendum de potestate jurisdictionis, quæ potest auferri; atqui potestas ordinandi est potestas ordinis; ergo &c.

Prob. IV. Discurrendo per classes eorum, quorum ordinationes nullæ censentur. Quarum I. est *Intrusorum*, qui alienam sedem contra fas & jura invaserunt. Quidam recentiores cum Vitassio producant exempla Felicis II. Liberii, & Vigiliæ Romanorum Pontificum, quos Auxilius, & S. Petrus Damiani intrusos dixere, nec tamen repetitæ sunt eorum ordinationes. Sed Felicem tanquam verum Pontificem agnoscunt antiquiores Romanæ Ecclesiæ catalogi, Breviarium, & Martyrologium Romanum, perverus Pontificum imagines in Ecclesia S. Pauli via Ostiensi, Nicephorus, Theophanes &c. Liberii fidem c. 2. diss. 2. l. 8. vindicavimus. Vigilium quoque eruditissimus Constantius in epistolis summorum Pontificum egregie defendit.

Tria

Tria ergo exempla producam, quibus prop. invicte demonstratur. I. est Anatolii, qui in locum S. Flaviani C. P. episcopi a Dioscoro intrusus, a S. Leone Magno Marciani & Pulcheriæ Aug. precibus susceptus est; probatis quoque singulis ejus ordinationibus: ut patet ex ep. 78. Leonis. II. Est Petri Moggi, qui, etsi intrusus in episcopatum Alexandrinum, & ab uno tantum episcopo ordinatus contra canones, fecit tamen plures ordinationes, quas Rom. Ecclesia ratas habuit; ut narrat Metrophanes apud Lupum Tom. 2. pag. 1526. III. est Photii, qui S. Ignatii sedem invasit, & a Gregorio Syracusano episcopo degradato consecratus fuit; defuncto tamen Ignatio Jo. VIII. Rom. Pontifex in Patriarchalem gradum illum restituit, nullo eorum, qui ab eo fuerant in schismate initiati, reordinato. Qua in re, licet nonnulli Joannem nimis facilitatis redarguant, defenditur tamen a Lupo, a Petro de Marca &c. Sed etsi molliter se gessisset Jo. non tamen sequeretur, irritas fuisse illius ordinationes, ut falso scribit Morinus a Lupo, aliisque refutatus.

II. Est schismaticorum I. enim Maximum presbyterum, alioque resipiscentes Novatianos tertio sæculo absque nova ordinatione suscepit Cornelius Papa: ergo in schismate character perseverat. II. Sæculo IV. ordinati in schismate Donatistarum, non sunt rursus ordinati, sed sicut baptisma in eis, ita ordinatio mansit integra, ait S. P. A. l. 2. contra Parm. c. 13. III. S. Melchiades ordinatos a Majorino suscepit, ejusque sententiam ut *providam, & pacificam* laudat S. P. A. epist. 43. Ex adverso Donatistas, reordinantes passim exagitat S. D. IV. Confirmatur nostra sententia exemplis schismaticum posteriorum, in quibus promoti ad Ecclesiasticos ordines numquam fuerunt repetita ordinatione recepti, quod nec factum est in diuturno schismate, quod ab anno 1378. usque ad 1417. ab Urbano VI. usque ad Martinum V. vexavit Ecclesiam; ergo &c.

III. Est hæreticorum: Nam de Novatianis canone 8. Nicæno definitur ex versione Dionysii: *Ut impositionem manus accipientes, sic in clero permaneant*. Quæ verba perperam Morinus de reconciliatione canonica intelligit, cum legitima Græcorum verborum versio sit: *Eas, qui manus impositionem perceperunt, ita in clero permanere*; unde ipsa versio Dionysii in secunda canonis parte habet: *Ut qui ex illis erant ordinati, sic maneant in clero*. Sic enim Nicænum can. accepere monachi Studitæ in VII. Synodo, quæ eorum expositionem Act. 1. probavit, Collector canonum Arabum n. 18. Hieronymus in Dial. & Innoc. I. Item S. Athanasius, ex ejus epist. ad Rufinianum, & ex Act. 1. Syn. VIII. ann. 362. cõacta Synodo statuit inter clericos recipiendos

eos, qui ad Arianismum vi adacti erant. Basilius ep. ad Amph. scribit, idem factum esse cum Zoi, & Saturnino Encratitis. Et Ephesina Synodus hæreticos Messalianos respiscentes ea lege suscepit: *Ut si clerici fuerint, maneant clerici &c.* Toletana Synodus anno 400. in suas sedes restituit Symphosium, Dielinum, & Anterium episcopos Priscillianistas. Leo M. epist. 1. n. 6. ait, non esse ab episcopali sede ejiciendum Donatum Salicinen. Novatianum, si ostendat quomodo episcopalem ordinationem sit adeptus. In VII. Synodo ann. 787. Act. 1. lectæ sunt diversæ S. Basilii, S. Cyrilli, & S. Athanasii epistolæ, Nicænæ item, & Ephesinæ Synodi canones, quibus statuitur solos hæresiarchas, perpetuo ab Ecclesiasticis honoribus dejiçiendos, reliqui, & ipsi iconomachi, in clericalem gradum ad Ecclesiam redeuntes suscepti sunt. Produxit Tarasius exemplum eorum, quos Sergius, & Pyrrhus Monothelitæ initiarunt: cumque a Sabba nimis facilitatis argueretur, purgavit sese. Tandem S. Gregorius M. l. 2. epist. 46. cum Augustino ait: *Sicut baptizatus semel &c. ita consecratus semel non debet iterum consecrari.* Et l. 9. epist. 61. præcipit, ut Nestoriani *servatis propriis ordinibus in suo cætu suscipiantur.*

IV. Est de simoniaciis, qui ex can. 2. Chalcedonen. aliisque innumeris, dignitate & officio privantur, at nullo canone definitur simoniaca ordinatione non imprimi characterem. Imo simoniaca lue grassante ipsi Romani PP. permiserunt, ut in acceptis ordinibus ministrarent, qui gratis ordinati fuissent, aut ignorassent episcopum ordinantem esse simoniacum, aut si hoc scientes ordinationis tempore, postea egissent pœnitentiam, ut patet ex epistola Nicolai II. ex Concilio Rom. sub Alex. II. ex epistola S. Gregorii VII. & ex Rom. Synodo III. apud Lupum in 2. Diss. proemiali p. 3. ergo &c. II. Licet Symoniacas ordinationes quidam iterandas censerent, PP. tamen, inter quos eminet S. P. A. de iis ac de baptismo eandem habendam esse rationem docuere, ut supra dictum est. Basilius in epist. ad Episcopos suos ait quidem; *Satane vendutos, qui vendere, aut emere audent donum Dei;* non tamen irritat, sed monet, ut *posthac non fiant, sed emendentur ordinationes simon.* ita se gessit Chryl. in simoniace ordinatis ab Antonino Metropolita Ephesi, ex Palladio in ejus vita. III. S. Petrus Damiani, ferventibus de simoniaca ordinatione dissidiis, pluribus momentis ostendit, a simoniacis ordinatos non esse reordinandos. Quod etiam ratione firmavit, ex quo nempe homines exterius Sacramenta ministrent, & unus sit, qui interius baptizat, & consecrat: nec Spiritus S. ex merito sacerdotum, sed ex vi sacramenti conferatur: ex quo Ecclesia ratas habuerit ordinationes Anatolii, Polychronii simoniaci, aliorum-

aliorumque: ex quo Deus per simoniacos episcopos, ut per Rainaldum Fefulanum, plura mirabilia patrauerit: ex quo denique, sicut baptizari, ita denuo consecrari nemo valeat.

Ob. I. Producta momenta sacris canonibus, Patribus, & Eccl. Hist. aduersantur; ergo &c. Prob. ant. quoad primam part. I. enim can. 68. Apost. habetur: *Qui a talibus, hæreticis, baptizati, vel ordinati fuerunt, neque fideles, neque clerici esse possunt*; ergo &c. II. Nicæn. can. 8. finit quidem, ut ordinati a Novatianis in clero permaneant, sed accepta manuum impositione, siue, ut habet Latina versio, si iterum *ordinentur*. Et in ep. Synodica apud Theodoretum eadem S. Synodus jubet ordinatos a Meletio schismatico ad nullum Ecclesiæ ministerium admitti, nisi prius fuerint *sanctiore ordinatione confirmati*. Ex quo loco Dupin, Valesius, Binghamus, alique censent aperte ostendi reordinationes schismaticorum. Unde Theodorus Oxyrinchi episcopus iterum ordinavit presbyteros & diaconos partis Meletii. III. Innocentius I. ep. 18. de Arianis ait: *Quibus solum baptismum ratum esse permittimus, quoniam cum a fide desciscerent perfectionem spiritus amiserunt; nec dare ejus plenitudinem possunt, quæ maxime in ordinationibus operatur, quam per impietatis suæ perfidiam perdidit*; ergo &c.

IV. Cæcilianus apud Optatum l. 1. ait: *Si traditores sunt, qui me ordinauerunt, ipsi veniant, Donatistæ, & ordinent me*, quod in Coll. diei 3. apud Augustinum Donatistæ objecerunt Catholicis. V. Basiliius ep. ad Amphil. ait: *Tam baptismum, quam ordinationes hæreticorum nullam vim habere*. VI. Idem sensit Firmilianus, qui in ep. 75. inter Cyprianicas ait, Conc. Iconiense statuisse, hæreticos *nec baptizare posse, nec ordinare*. Firmiliano adhæsit Cyprianus, alique rebaptizantes; ergo &c.

VII. Accedunt plura exempla Historiæ Eccl. Nam can. 4. Synodi Constantinopolitane irritæ habitæ sunt ordinationes Maximi Cinici, qui eam sedem dolo occupauerat ann. 767. VIII. Stephanus IV, ann. seq. reordinavit episcopos, & presbyteros a Constantino pseudo-pontifice ordinatos. IX. Hincmarus an. 853. iteravit ordinationes Ebbonis. Et ann. 869. ordinationes Photii irritas declaravit VIII. Synodus. X. Idem præstitit Innocentius, quoad ordinationes Bonosi Episcopi Naxitani. XI. Urbanus II. anno 1088. reordinavit Duibertum, a Nezelio Moguntinæ sedis invasore simoniaco ordinatum. XII. Idem ante Urbanum præstiterat, quoad plures simoniacos, S. Leo IX. Et Stephanus VII. quoad ordinationes Formosi; ergo &c.

&c. neg. ant. Ad I. prob. neg. conf. Nam cit. canon Apost. siue a Firmiliano, siue ab Iconiensi rebaptizantium in Synodo de-



promptus sit, nullius est roboris, nisi forte accipiatur de baptismo, & ordinationibus hæreticorum, qui legitimam formam non adhibebant; sicut ergo adversus hunc canonem recte recipimus hæreticorum baptismum collatum cum *invocatione SS. Trinitatis*, ita suscipi debent ordinationes hæreticorum legitima forma peractæ.

Ad II. De interpretatione canonis 8. Nic. dictum supra classe 3. Adde, *manuum impositionem* (dato etiam laud. canone 8. præscribi) non fore sacramenti repetitionem, sed reconciliationis ritum, ut ostendit cl. Auctor tom. 3. pag. 124. Idem dicendum de ep. Synodica, in qua manus impositio significatur participio præteriti temporis *βεβαιωθέντες confirmati*, & nomine *confirmationis*, quo designatur approbatio præcedentis ordinationis a Meletio factæ.

Hinc Sozomenus l. 1. c. 24. de Nicæno illo decr. ait, latam contra Meletium sententiam: *Ut in Lyco degeret, nec deinceps ordinationem nullam faceret. Hi vero, qui ab illo prius ordinati fuissent, ministerium suum retinerent, reliquis tamen clericis inferiores essent; ita tamen ut in locum morientium succederent, dummodo plebis suffragio judicaretur idonei, episcopo Alex. electionem eorum confirmante*. Ex quibus verbis Valensius, qui *χειροτονία* accipi non posse, nisi pro ordinatione affirmaverat, coactus est dicere, in decreto Nicæno de Meletianis eam accipi de *simplici benedictione*. At Sozomenus omnem dirimit controversiam dicens, a Nicænis Patribus ratas habitas ordinationes Meletii, ordinatos tamen a Meletio indiguisse, ut in locum morientium succederent, suffragio plebis, & confirmatione Ecclesiæ; ergo *χειροτονία* ibidem, vel est præcedens ordinatio Meletii, vel populi electio, & episcopi confirmatio. Vide c. 1. libri hujus not. 2. Theodorus ergo Oxyrichi episc. non secutus est mentem Nicænæ Synodi, sed Apollonii cujusdam, ut narrat Marcellinus scriptor alioquin fidelis suspectus.

Ad III. neg. conf. Licet enim *ratum*, & *validum* promiscue sæpe usurpentur, *ratum* tamen dicitur, quod comprobatur, & omnem sortitur effectum; cum ergo ordinati ab Ariano, ex disciplina illius temporis, non admitterentur ad ministerium Ecclesiastici ordinis, sed tantum donarentur laica communione, ideo Innocentius negat *ratam* esse ordinationem Arianorum. Id enim ab eo quaesierat Alexander episcopus Antiochenus, an scilicet ordinati ab Ariano essent in suo honoris gradu restituendi? Cui respondens Innocentius, allato Baptismi & Ordinis discrimine, recipiendos non esse cum ministerii dignitate, nec episcopum Arianum clericis suis contulisse jus ministerii, & Spiritus sancti plenitudinem, quam ipse  
*sua*

*sua perfidia amisit, satis ostendit, se de hoc jure; ministerio, ac plenitudine loqui, non de Ordinis charactere. Vide notas Bini, Lupi, & Bellarmini.*

Ad IV. R. S. P. A. in Brev. Coll. 3. diei c. 16. Cæcilianum hæc dixisse *ad illos irridendos, quibus hæc mandasse perhibetur, quoniam certus erat, ordinatores suos non esse traditores.* Probe hanc irrisiorem intellexit Porphyrius Donatista, qui statim respondit: *Exeat hic, quasi imponatur illi manus in episcopatu, & quassetur illi caput de penitentia.* Ad V. & VI. neg. conf. Basilius enim, uti Firmilianus, & Cyprianus, in errore rebaptizantium versati sunt docentes, hæreticos *nec ordinandi habere potestatem, ut qui non possint Spiritus S. gratiam illis præbere, a qua ipsi exciderunt.* Sed hæc ratio, quæ gratiam a charactere non sæcernit, & Sacramenti efficaciam a conditione ministri, sicut nunc a nullo Theologorum admittitur; ubi agitur de baptismo, nec debet admitti, ubi agitur de ordinis Sacramento.

Ad VII. R. I. productis exemplis probari tantum, sacras ordinationes fuisse aliquando repetitas, nondum hac controversia finita, hoc tamen non officit præsentis causæ: sicut nec officit validitati baptismi, quod aliqui viri sanctissimi rebaptizaverint.

R. II. Quoad can. CP. neg. ant. Licet enim in eo statuatur: *Nec maximum episcopum esse, vel fuisse, nec eos, qui ab ipso sunt ordinati;* id tamen de ministerio, & gradus honore accipiendum est, non de charactere Sacrament. Constat enim, Maximum fuisse rite ordinatum a S. Petro Alex. cum tribus aliis episcopis. Unde apud Harduinum T. 1. Conc. p. 819. legitur: *Nec ille, qui ordines ab eo accepit, in quemlibet sacerdotii gradum admittatur.* Ad VIII. R. I. Baronius ad an. 769. n. 6. & N. Alex. H. E. sæc. 8. n. 6. ordinatorum a Constantino suscepisse *benedictionis consecrationem*, idest sacram ceremoniam, quæ ordinati ad pristinum honoris gradum restituuntur. R. II. Auxilius l. 2. de Ord. Form. c. 4. in ea manifeste peccatum, dum rite ordinatorum eos *nesario ausu iterum in eadem ordinatione consecrandos esse statuerunt.*

Ad IX. R. Acta Hincmari rescissa fuisse a Nicolao I. in epistola datâ ann. 866. in qua statuit, ut clerici ab Ebbone ordinati  *suis gradibus restituerentur.* De Photio dictum supra. Ad X. R. Bonosiacos fuisse Paulianistarum discipulos, nec formam servasse baptismi, ideoque ad Ecclesiam redeuntes juxta can. 19. Nicæni II. 16. Arelat. II. &c. iterum baptizandi erant. Ad XI. R. Hanc Urbani II. epistolam de ordin. Daiberti spuriam a doctis viris censerî. Incertum est etiam Nezelonem invasorem fuisse episcopum. Certum est demum Urbanum II. epist. 17. ad Lucium in ordin. Hæret. & Schism. veram Sacramenti formam agnoscere.

Ad XII. R. Leonem *Simoniacorum ordinationes*, ut narrat S. Petrus Damiani, *cassasse*, non quoad Sacramenti substantiam, sed quoad ordinis dignitatem, & jus ministerii: & quasi repetitas esse ceremoniali traditione clericalium insignium, quæ videtur tamquam nova ordinatio. Quod confirmatur, ex quo pluribus affirmantibus, non esse honore privandos, qui ordinationis suæ tempore ignorabant episcoporum ordinationem esse simoniacam, Leo temperata sententia hos *in officio perseverare mandavit*, & idem aliis scienter simoniace ordinatis indulgit, indicta quadraginta dierum poenitentia. Cum Formoso autem imple se gessit Stephanus, de quo scripsit Auxilius, eum nec poeticam attendisse sententiam: *Parce piæ scelerare manus; iam parce sepulto*, & in eo apparet non error in fide, sed violenta tyrannidis in facto.

## C A P U T III.

*De Ordinationibus presulum Anglicanorum.*

NOT. I. Anglorum ordinationes validas esse asserunt, præter D. Malonum Norfolciæ Archidiaconum; Godwinum episc. Landaven. aliosque protestantes Anglos, etiam P. Courayer, qui pro Anglorum ordinationibus quasdam edidit dissertationes. Ex adverso P. Le-Quien, Harduinus, Tournelyus, Boucat, alique, quibus subscribimus, eas irritas esse demonstrant.

NOT. II. Non moveri quæstionem de ordinationibus peractis regnante Henrico VIII. Licet enim is a catholica religione deficiens ann. 1534. Summum Ecclesiæ Anglicanæ caput seipsum temere nominaverit, Missæ tamen sacrificium, & ordinis Sacramentum admisit, teste Sanderò de Schism. Angl. l. 1. pag. 132. verum postquam Henricus satis cessit ann. 1546. cum in comitiis Londinensibus habitis ann. 1547. a Seimero sancitum sit, ut cum episcopi ad illud usque tempus ritu fere catholico presbyteri Anglicani, excepta Rom. Pontificis obedientia, ordinati fuissent, in posterum alia forma haberentur ordinationes: & ea de re ederetur ritualis liber, qui vulgo dicitur *Rituale Eduardi VI.* a Pseudo-Synodo Londinen. probatus. Porro episcopus consecrator prius ab electo exigit mandatum regium, ut apud nos producit mandatum Apostolicæ Sedis; tum loco juramenti, quod post responsiones ad quæsitæ circa fidei articulos apud nos præstat electus, is apud Anglicanos interrogatur, an hæreticis dogmatibus, quæ traditiones, & Rom. Ecclesiæ doctrinam rejiciunt, assentiatur: juratque se hæretica illa dogmata ex corde

de credere, promittens in iis commissam sibi plebem instruere, addito juramento sacrilego, quo regem declarat in omnibus Ecclesiasticis, & spiritualibus rebus supremam habere auctoritatem.

Post hæc consecrator super electum cum impositione manuum hanc sacrilegam orationem effundit; *Deus, qui hanc tibi voluntatem concessit, concedat vires ad hæc efficaciter prestanda, ut opus istud suum, quod incepit in te, absolvas per J. C. D. N. Aven.* Licet autem defuncto Eduardo ann. 1552. Maria Henrici, & Catharinæ filia Eduardi & Londinensium comitiorum statuta resciderit, & res sacras instaurare, & Angliæ regnum ad fidei communionem revocare studuerit; hæc tamen, cum quinquennio tantum regnasset nullis post se relictis liberis, regnum obtinuit Elisabetha illegitimo Henrici & Bolenzæ matrimonio edita, quæ religionem catholicam, quam dissimularat, abiciens, arripuit, ut Henricus & Eduardus, Anglicanæ Ecclesiæ primatum, præscripta formula execrabilis sacramenti, quam l. 3. pag. 369. recitat Sanderus. Tunc fidei formulas immutare statuit, Missam ritumque administrandi Sacramenta abolere, episcopos in exilium pellere, & novum clerum, juxta Eduardi Ritualia, instituere: quorum princeps, aliorumque consecrator fuit Matthæus Parkerus ritu illo heretico archiepiscopus Cantuarien. De his ergo ordinationibus, non de illis sub Henrico & Maria habitis, quæritur, an validæ haberi debeant? Sit itaque

PROPOSITIO. Ordinatione Anglorum hodiernæ irritæ proflus & nullæ sunt.

Prob. I. enim Anglia destituta est legitima episcoporum successione. Parkerus enim, alique cum eo consecrati, Elisabetha regnante, in Londinensi hospitio, non a legitimis episcopis, sed a Guilhelmo Barlow, a Jo. Scorszo, & Milone Coverdalo (quos ex Act. *Parlamenti* a Raymery collectis constat non fuisse episcopos, cum episcopatum iis tributum, alii occuparent antistites) umbratili ceremonia fuit consecratus. Verum cum hoc argumentum pendeat a factis, in quibus scriptores discrepant, licet ludicra Parkeri consecratio firmari possit testimonio Hardingi, Henrici Fitz-Simons, D. Campney, aliorumque Anglorum scriptorum, cum tamen affirmant alii Parkerum consecratum fuisse in cappella palatii Archiep. Lame-then. ann. 1559. ejusque promotores legitimos fuisse episcopos; ut adversariis os penitus obstruatur, ordinationem illam irritam fuisse dicimus, etiam ex forma consecrationis. Itaque

Prob. II. Forma enim illa, vel fuit, quæ præscribitur in rituali Ednardi, si hæreticis credimus, vel si fides Henrico Fitz-Simons, aliisque, hæc verba fuerit: *Accipe potestatem sumere ver-*

*bum Dei predicandi*, quæ Scoræus protulit super caput Parkeri primum, deinde Grindalli sacro codice imposito. Formam Eduardi ad ordinationem sufficere putat P. Courayer, eo quod oratio inpositioni manus addita satis sit ad ordinationes perficiendas. Nam oratio illa non eadem est in singulis mundi Ecclesiis: quævis enim natio ritus ad disciplinam spectantes pro variis temporum circumstantiis permutare potest. Substantialis quidem verborum mutatio tollere potest integritatem sacramenti, non accidentalis: quæ omnia nos ultro admittimus, illo tantum excepto, quod per quemcumque pastorem mutari possint ritus Ecclesiastici, & multo minus, quod in Anglia accidit, per regem impuberem, laicos, & feminam. Verum ex his non infertur, validas esse Anglorum ordinationes. Nam Eduardi forma, si non expresse hæretica, saltem ambigua est, cum non exprimat, cur electo supernas vires ordinator apprecetur: imo si attenditur præmissæ ceremoniæ, juramentum de primatu regis Anglicani in Ecclesia, & professio hæreticorum dogmatum; verba illa hunc sensum reddunt: „ Det tibi „ Deus, ut defendas primatum regis, ut conculces sanctæ Se- „ dis auctoritatem, ut propugnes Novatorum blasphemias, ut „ commissam tibi plebem seducas „. Altera deterior est: nam & idem ac prima significat & ulterius episcopos, & sacerdotes ordinari ait tantum ad *ministerium verbi*, ut placet hæreticis; hæc ergo forma non Christum auctorem habet, sed homines perditissimos. Adde *formam* etiam legitimam, si verbis æquivocis constet, non esse *sacramentalem*, si a circumstantiis, ab intentione ministris, a præcedentibus, vel sequentibus ceremoniis ad alium effectum determinetur. Itaut nec ipsa formula confirmationis, nempe: *Signaculum doni Spiritus S.* qua Græci utuntur in reconciliandis hæreticis, satis sit ad Sacramentum constituendum: multo minus sat erit forma dubia contra Ecclesiæ praxim inducta, & in officinis hæreticorum proculsa. Ex quibus constat, formam Ritualis Eduardi, utpote ambiguum, animoque conferendi solum verbi ministerium, attemptoque impio juramento electi, non sufficere ad sacram ordinationem; adeoque Anglorum consecrationes irritas esse, & inanes. Quod erat demonstrandum.

## C A P U T IV.

*De subiecto, seu de promovendis ad sacros ordines.*

**D**E hoc argumento plura quæri solent in scholis, quæ omnia sequentibus propositionibus expendemus.

PRO-

PROPOSITIO I. Nequeunt mulieres suscipere ordinis Sacramentum.

Prob. Nam præter communia argumenta, quibus ostendimus, non omnes Christi fideles esse ministros Sacramentorum, sed eos tantum, quos Christus, Apostoli, & episcopi consecrarunt, quæ nec mulieres, nec B. V. M. accenseri ait S. Epiphanius; quæ de re Pepuziani fœminis sacra mysteria committentes a PP. repressi sunt; id peculiariter probatur I. Ex Apostolo 1. Corinth. 14. & 1. ad Tim. 2. ubi vetat mulieribus palam docere, licet hoc non sit munus sacrorum ministrorum præstantius.

II. In epist. laud. 1. ad Corinth. 11. ait Ap. *Turpe est mulieri tonderi*, eique præcipit, ut semper incedat *velato capite*. III. In lege veteri Ecclesiasticum munus fœminis non est demandatum, in novo autem nec ultimæ cœnæ fœminæ adfuerit, ubi Apostoli sunt consecrati. IV. ratio est D. Bonaventuræ, quod Christus, cujus legatione sacerdotes funguntur, vir fuit, non fœmina. His adde caput *Mulieris* dist. 32.

Opp. I. Quod narrat Historia Eccl. de diaconissis: sed R. eas nullo ordine fuisse insignitas constare ex cap. 7. libri hujus. Addunt II. non repugnare mulieribus politicum regimen, unde præfunt monialibus abbatissæ. At respondetur aliam esse rationem regiminis a Deo, aliam ab homine instituti. Imo ex Philosopho I. 1. Polit. fœminarum regimen corruptela reipublicæ appellatur. Abbatissæ autem munus est cura quædam domestica sacrarum virginum, quam viris committi non decet. Ceterum sacerdotium viris tantummodo etiam Ægyptii commiserunt, ex Herodoto, imo & Romanis olim sacerdotia non fuisse promiscua scribit Livius l. 10. Historiarum.

PROPOSITIO II. Vir non baptizatus incapax est Sacramenti ordinis.

Prob. Baptisma enim est *janua omnium Sacramentorum*; nequit ergo Ecclesiæ ministeriis frui, qui nondum ejus corpori insertus est. Vide Auctorem l. 32. c. 8. II. Ecclesia numquam ratos habuit ordines non baptizatis collatos. Quisque enim damnat ordinationem Zanajæ, quem Petrus Fullo Patr. Enrychianus episcopum consecravit. III. Nicænus can. 19. præcipit, ut clerici Paullianistæ baptizati absque invocatione Trinitatis *rebaptizati ordinentur*. Et in 3. Decretal. tit. 44. extat antiquissimus canon: *Si quis presbyter deprehenderit, se non esse baptizatum, baptizetur, & iterum ordinetur*. Eadem habet Innoc. III. c. *Veniens*, eodem titulo.

Dices: Socrates l. 5. H. Eccl. c. 22. ait: *Alexandria lector & psalter absque ullo discrimine fuerunt tam catechumeni, quam fideles*. R. Socratem non loqui de ordine lectoratus & psal-

psaltis, sed de legendi, & canendi munere, quod interdum etiam laicis committitur: non enim ibi eorum *chirotoniam* memorat.

PROPOSITIO III. Quævis ætas apta est ad recipiendum ordinis characterem.

Prob. Quamvis enim ad canonicam ordinationem exigit Ecclesia certam ætatem, tamen etiam infantes esse ordinationis capaces contra Durandum censent Theologi omnes, ipso fatente Tournelyo. Constat enim ex can. 1. Toletani II. olim parentes ab infantia pueros clericatus officio mancipasse: quod ex epistolis Siricii & Zosimi ostendit Morinus Exerc. 15. n. 5. idque ait sine clericali tonsura, & primi ordinis collatione factum non esse. Martenius producit etiam exemplum S. Felicis Nolani. Inter clericos in exilium pulsos in persecutione Vandolica, *quamp plurimi erant lectores infantuli*, ex Victore Viten. l. 5. c. 9. Euthimius abbas triennis baptizatus, tonsus in clericum, & ordinatus est, ex Cyrillo Scythopolitano. De Eugenio I. habetur in Pontificali, fuisse clericum a *cunabulis*. Profert Baldinus marmoream capsulam, in qua cum ossibus Maximi pueruli inventus est annulus cum inscriptione: **MAX. LEVIT.** ex qua declaratur clericus, non diaconus, aut subdiaconus. Nam Levitæ nomen etiam minoribus clericis tribuerunt antiqui. Porro ex productis exemplis constat Euthymium, & Eugenium valide fuisse ordinatos, ex cap. *Tue nobis* de clerico per saltum promoti, ubi jubetur ad diaconatum promoveri, qui hoc ordine omisso ordinatus fuerat sacerdos, non tamen iteratis ordinibus inferioribus, quos infra annos discretionis susceperat; ergo hi ordines valide in primis pœnitentiæ annis fuerant collati.

Opp. Durandus: non potest parvulus fieri sacerdos, vel episcopus; ergo nec suscipere alios ordines. II. requiritur in suscipiente intentio; saltem interpretativa, sed hæc deest parvulis; ergo &c. III. Addit Tournely, quod nullum hujus rei in traditione exemplum occurrit, cumque ordini adnexa sit lex continentię, nemo ante rationis usum ei debet adstringi. R. ad I. cum Soto, Palud. &c. dist. ant. Non potest, quoad munus & officia, conc. quoad potestatem & characterem, neg. Ad II. dist. ant. Requiritur in adulto, conc. in parvulo; neg. Vide Auctorem cap. 18. l. 30. Ad III. neg. ant. quoad 1. partem, & quoad 2. vide R. ad 1.

PROPOSITIO IV. Non substituit ordo collatus invito, & reluctanti.

Not. Cum in Eccl. Historia plura sint exempla SS. virorum, qui ad ordines promoti dicantur invito, censuit Auxilius, & Morinus, quæis subscribunt De Coq. Vanroy, Norisius etiam, Sali-

Salinas, alique, olim in usu fuisse ut inviti ad ordines promoverentur. Sed ii non appellaverunt invitos constantissime reluctantes, sed humiles a populo apprehensos oblatosque Pontifici, cui tandem sponte acquievere. Tales fuere Cyprianus ex Pontio in ejus Vita, Nazianzenus ex ejus Or. 20. Nepotianus ex Hieronymo, S. P. A. ex Possidio, Paulinus ex epistola inter Augustinianas 35. Difficiliora tamen sunt exempla sequentia;

I. Pauliniani fratris Hieronymi, de quo S. Epiphanius ep. inter Hieronym. 60. ait: *Per multos diaconos apprehendi Justianus, & teneri os ejus, ne forte liberari se cupiens adjuvaret nos per nomen Christi, & primum diaconum ordinavimus, & rursus ingenti difficultate tento ore ejus ordinavimus presbyterium.* De Macedonio autem hæc habet Theodoretus in Hist. Relig. c. 13. *Per speciem obiectæ accusationis adductum. ad mortuum altari coopratum fuisse in numerum sacerdotum, cumque peracta liturgia hoc illi quidam indicasset, ignoravit enim prorsus quid agissent, arrepto baculo Pontificem ipsum insectum.* De seipso Balsanus Ephesinus ait in epist. ad Valentinianum, & Marcianum Imp. Ego non acquiescebam; sed ab hora tertia usque ad sextam coram altari me plagis affixit, & S. Evangelium & altare sanguine est impletum. De S. Gregorio Thaumaturgo scribit Nyssenus tom. 2. pag. 976. cum eum Phœdimus manu cupere non posset, & ad sacerdotium adducere, interjecto spatio triduanum videris, loco impositionis manuum sermonem adhibens ordinavit. Idem S. Danieli Stylitæ factum est: Salamanem quoque prorsus inscium, nullaque expressa ab eo voce, ordinatum narrat Theodoretus in Philoth. c. 19. Accedit ratio, baptizatus enim est Ecclesiæ subditus; ergo potest, si urgeat necessitas, ad Ecclesiasticam dignitatem compelli; ut religiosus ad regimen monasterii. His notatis.

Prob. I. ex Innoc. III. c. Majores, ubi ait: *Ille, qui nunquam consensus, sed penitus contradixit, nec rem, nec characterem suscipit Sacramenti.* R. Vanróy: Innocentius de solo Sacramento baptismi locutum, ad quem nemo cogi potest, cum non sit Ecclesiæ subditus, ut est, cum agitur de ordine. Sed fallitur vir clariss. Ibi enim Innocentius eorum sententiam refellit, qui aiebant, quod baptismus, & ordo invitis & contradicentibus, quantum ad characterem, conferuntur; ergo, &c. Adde, quod sicut ante baptismum quisque liber est ut eum suscipiat; vel non ita post baptismum liber est ut clericis numeretur, vel non; sicut ergo ad baptismum nemo compelli potest, ita neque ad ordinem clericalem. Quod probat Lupus exemplo rufiniani, qui a Firmo armata manu in episcopum Thyanensem consecratus; indutus chlamyde clamans se per vim fuisse ordinatum, in theatrum ludos spectaturus nemine prohibente



bente ingressus est ; eo quod cuique persuasum foret irritam esse ejus ordinationem .

Nec obstant, imo hanc sententiam confirmant, opposita exempla : cum enim primis Ecclesiæ sæculis exiguus esset numerus clericorum, & Ecclesiastici gradus plus oneris, quam commodi asferrent : *Multi*, ait S. P. A. *ut episcopatum suscipiant tenentur inviti, perducuntur, includuntur, patuntur tanta quæ nolunt, donec eis adsit voluntas suscipiendi operis boni*, ita Ambrosio, Paulino, Nepotiano, & Augustino factum est ; ergo voluntate non accedente non ordinantur . Unde de Pauliniano ait S. Epiphanius loc. cit. *Valde obtinebatur indignum se esse contestans ; vix ergo compulsumus eum, & persuadere potuimus testimoniis scripturarum &c.* Nec oris obstructio coactionis indicium est, sed libertatis . Quidam enim cum tenerentur a plebe jurabant, se inservire nolle altaris ministerio ; unde ne perjuri fierent, nunquam ordinabantur . Hinc Epiphanius jussit, *teneri os Pauliniani, ne forte liberari se cupiens adjurares nos per nomen Christi*, & Pinianus per vim raptus a plebe ad August. ait : *Se velle populo jurare, quod si esset ordinatus invitus, ex Africa discederet* .

Macedonii historiam haud laudandam scribit ib. Theodoretus . Deinde Macedonius erat quidem inscius rei, quæ agebatur, sed sponte altari se admoventi passus est, & dum sacra ceremoniam ageretur, tacuit : *Plus est tamen*, ait Innocentius ib. *expresse contradicere, quam minime consentire* . Salamanes autem adeo se Dei voluntati commiserat, ut lubens sineret in se agi quicquid aliis placeret, *nulla umquam ab eo expressa voce* . Exempla Thaumaturgi, & Stylitæ mira sunt, nec in his controversiis proferenda : probarent enim posse ordinari absentem, & absque manuum impositione . Hi ergo vel divinitus sunt ordinati, vel postea suppleti sunt ritus ordinationis . Idem enim de Greg. thaumaturgo affirmat ipse Nyssenus dicens : *Post hæc iis, quæ legitime fieri solent, super illum peractis &c.* Ad ult. *¶* . Potestatem Ecclesiasticam inhaerere animo, qui cogi nequit, regimen autem religionis vel reipublicæ in exteriori ministerio situm est, hoc autem coactioni subijci manifestum est .

## C A P U T V.

*De conditionibus, quæ in subjecto, sive in ordinandis prærequiruntur .*

**C**onditiones præcipuæ ordinandorum sunt vocatio, ætas, conditio, scientia, probitas, titulus & præparatio .

§. I. De Vocatione . Neminem absque Dei vocatione Ecclesiæ

ecclēsiæ ministerio accensendum ex Hebr. 5. satis liquet: moner enim Apostolus, ne quis sibi hunc honorem assumat, nisi, *qui vocatur a Deo tamquam Aaron*, proposito exemplo Christi, *qui non semetipsum clarificavit ut Pontifex fieret*. Deinde Ecclesiasticus adstare debet altaribus, plebem erudire, cōlibem vitam agere, Sacramēta conficere &c. quæ absque speciali Dei ope digne exerceri non possunt, II. Hujus autem vocationis indicia sunt, primo sēcularium curarum abjectio, secundo studium divini cultus, tertio recta intentio &c. Ac de prima ait Ap. 2. ad Tim. 2. *Nemo militans Deo implicet se negotiis sēcularibus*. De secunda ait Trid. sess. 23. *Prima tonsura non iniungitur, de quibus probabilis conjectura non sit, eos hoc vitæ genus elegisse, ut Deo fidelem cultum præstent*. De tertia S. P. ait l. 2. de Verb. D. *Si evangelizamus ut manducemus, vilius habemus Evangelium quam cibum*. III. in ea vocatione perseverandum est. Vetant enim sacri canones, ne semel inter clericos deputati, ad militarem expeditionem, vel minus sēculare pertranseant.

§. II. De Ordinandorum ætate. Cur aliqui infantes tonsura fuerint initiati id factum est, vel pietate parentum, ut prop. 3. cap. præced. dictum est, vel ut imberbes adolescentuli ob sanguinis dignitatem promoveantur ad Ecclesiasticas dignitates, ut ait D. Bernardus ep. 42. Huic morbo occurrir Trid. Synodus præcipiens sess. 23. c. 6. ne prima tonsura initiatus ante 14. annum beneficium obtinere possit, ad curam vero animarum non promoveatur ante ann. 25. Quoad minores ordines requiritur ætas, quæ episcopo videtur idonea commissis officiis accurate adimplendis. Subdiaconi ante 22. diaconi ante 23. presbyteri ante 25. ætatis annum inchoatum ordinari nequeunt, ex Trid. sess. 23. c. 12. Veteres tamen non ordinabant diaconum ante ann. 25. eo quod *in lege veteri*, ait Romanus Pontifex Zacharias ep. 13. *ab annis 25. Levite in tabernaculo servire mandantur*. Ad presbyteratum olim ex can. 11. Neocæsariē. ex 17. Agathē. &c. opus erat ætate ann. 30. qualis modo necessaria est in consecrandis episcopis: licet eos annorum 50. desiderare videatur auctor Const. Apost. Constat tamen Thaumaturgum, Acholium, imo Timotheum juniores fuisse ordinatos.

§. III. De Ordinandorum conditione. Cautum est olim, ex 1. ad Tim. 3. ne ad supremos Ecclesiæ gradus Neophyti promoverentur. Vide can. 2. Nicæn. II. Nec ordinandi sunt, qui se ipsos mutilant, ut de Origene narrat Eusebius l. 6. Hist. Eccl. c. 8. Ordinatos tamen legimus eunuchos ab utero matrum, aut in persecutione Deciana mutilatos. Hi enim neque *opificii Dei hostes*, nec *falsæ pietatis ostentatores* dici poterant, quæ de re ad clericalem ordinem eos assumj. vetat can. 7. Arelatē. II.  
Idem

Idem dicendum de insigni macula notatis, quos ab altari etiam lex vetus arcebat, ex Levitici c. 16. Non ordinandos, qui militiam sectantur, constat ex ep. 23. Innoc. I. item servos, & liberos absque dominorum assensu, ex can. 10. Tolet. I. & 80. Illib. Curiales etiam, decuriones, & in forensibus curis versatos a sacerdotio removet cit. epist. Innoc. Digamos etiam, *propter sanctitatem Sacramenti*, ut ait S. P. A. de Bon. conj. ordinari non decet, neque illegitimum ob clericalis ordinis dignitatem.

§. IV. De scientia Ordinandorum. Cur in promovendis ad minores ordines Trid. Synodus sess. 23. de Reform. c. 2. requiratur, ut saltem Latinam linguam intelligant; in promovendis autem ad majores necessum sit explorare, num ad docendum populum, & Sacramenta ministranda idonei sint, exquisitè demonstrat Notificatio Benedicti XIV. edita ann. 1735.

Doctrinam autem necessariam esse sacerdotibus constat ex Malach. 2. *Labia sacerdotis custodiens scientiam*. Item ex Ap. 1. ad Timoth. 4. *Attende lectioni, exhortationi, & doctrine*. Accedunt rationes Chrysostomi. I. Quod sacerdos variis animorum affectionibus curandis idoneus esse debet, quod nonnisi Evangelicæ doctrinæ usu consequi potest. II. Quod infidelium, & hæreticorum impetus reprimere debet. III. Quod concionibus & disputationibus ad populum vacare debet. Inter clericorum studia, ut docet S. P. epist. 3. nunc 137. ad Voluf. præcipuum esse debet lectio, & meditatio sacrarum scripturarum, ac SS. PP. Hinc Hieronymus laudat Nepotianum, quod data quavis occasione recitans veterum testimonia ajebat: *Illud Tertulliani, istud Cypriani, hoc Lactantii, illud Hilarii est*, & can. 16. Carth. IV. ait: *Episcopo nefas esse ignorare canones, & librum Gregorii Papæ de cura pastoralis*.

§. V. De probitate clericorum. Hæc necessaria omnino est, debent enim clerici laicis prælucere. Hinc vetat canon Iliber. 24. ordinationes peregrinorum: *Quod eorum minime sit cognita vita*. Cujus rei rationem reddit Siricius, quoniam *nullam debent gerendorum Sacramentorum instrumenta suscipere, qui dudum fuerint vasa vitiorum*. Vetant proinde canones ordinari apostatas, homicidas, adulteros, fœneratores & usurarios. Scite ergo S. Leo ad illud Apost. 1. ad Timoth. 5. *Manus cito nemini imposueris*, exigit, ne id fiat *ante ætatem maturitatis, ante tempus examinis, ante meritum laboris, ante experientiam discipline*.

§. VI. De Ordinationis titulo. Titulus, quo in primis Ecclesiæ sæculis clerici ordinabantur, fuit additio uni tantum Ecclesiæ, atque sacro ministerio in illa exercendo: cujus gratia portio eis ab episcopo debebatur Ecclesiasticorum reddituum, oblationumque fidelium: unde beneficiorum collationes promanarunt. Hinc ex 6. can. Chalcedonen. nusquam mi-

ni-

nistrare poterant, *ad episcopi ordinantis injuriam*, qui *absolute* & absque titulo ordinarentur: & viri sanctissimi Hieronymus, & Paulinus notati sunt, quod sine titulo consecrati essent presbyteri. Extat etiam apud Gratianum hoc caput dist. 70. *Decernimus, ut sine titulo facta ordinatio irrita habeatur*. Porro ex tituli præscriptione factum est, ut clerici de una ad alteram Ecclesiam absque episcopi licentia transire non possent, secus *communione tantum laicam perciperent*, ex can. 3. Antioch. ex 21. Arelat. &c. Et ex can. 70. Agathen. *communione privantur presbyteri, & diaconi sine episcopi sui literis divagantes*. II. Ob exiguum tamen beneficiorum numerum factum est, ut titulus in majoribus tantum ordinibus necessarius judicaretur, & ejus loco substitueretur patrimonium, quod a Sæculo XII. ex Thomassino receptum est.

Nam in Lateranen. Synodo, sub Alex. III. statuitur episcopum, si aliquem sine titulo ordinaverit, debere ei necessaria ministrare: *Nisi ordinatus de sua, vel paterna hereditate subsidium possit habere*. Cum autem patrimonium loco beneficii constituatur, optime statuit Sacra Congreg. Concilii anno 1589. non posse titulo patrimonii industriam, & lucrum ordinandorum computari: nec sat esse, si ludimagistri sint, pictores, doctores &c. Deinde, cum beneficium impendatur pro ministerio Ecclesiæ, sequitur neminem solius patrimonii titulo ordinandum, nisi *pro necessitate, vel commoditate Ecclesiarum*, ex Trid. sess. 21. c. 2. III. Religiosi, cum divino cultui, & Ecclesiasticæ vitæ mancipientur, & de monasteriorum redditibus, & fidelium eleemosynis sustententur, parum a priorum sæculorum clericis videntur absimilos; possunt ergo religiosæ paupertatis titulo, ut definit laud. canon Chalcodonen. ordinari; triplex ergo erit sacrarum ordinationum titulus, nempe beneficium, patrimonium, & professio monastica (1).

## §. VII.

(1) De sacris ordinationibus complura, eaque utilissima, sancivit Eminentiss. Card. Gallus in sæpe laud. Constitutionibus Synodalibus Auxim. ann. 1593. ubi postquam c. 1. animadvertit manuum impositionem solis episcopis commissam, esse tamquam ostium, per quod intrant, qui Ecclesiarum gubernaculis sunt perficiendi, tan-

tamque esse Sacramenti ordinis dignitatem, ut quodammodo ex hominibus Deos faciat, omniaque Sacramenta ab hoc uno ita pendeant, ut sine ipso partim confici, & administrari nequeant, partim solemnibus ceremoniis careant; cap. 2. monet ordinandos, ne in suscipiendis ordinibus partem aliquam habeat ambitio, aut avaritia

§. VII. De præparatione ad ordines. Debent ordinandi ex Mediolanen. Conc. ann. 1576. ex Alex. VII. Innoc. XI. & Clem. XI. emittere spiritalia exercitia. Hinc S. P. A. a Valerio Hipponen. episcopo extemplo, & nulla prævia præparatione ordinatus presbyter enixe rogavit, ut priusquam ordinem exerceret, sineret ut certo dierum spatio se disponderet, *petendo, querendo, pulsando, plangendo &c.*

CA-

ritia; sed ut solum Dei gloriam, & salutem animarum in omnibus quarant, & Ecclesiæ ministerio additi in iustitia, & sanctitate deserviant. Cap. 3. præcipitur, ut parochi pueros quamplurimos, præsertim valde pauperes, sed bona indole præditos, vitæ Ecclesiasticæ præceptis erudiant, & ad primam tonsuram promoveri curent: ut in Seminarium cooptati studiis gravioribus vacare queant. C. 4. & 5. jubentur fieri proclamationes publicæ ordinandorum, & vetantur litteræ dimissoriæ pro ordinibus suscipiendis extra diocesim, nisi ex gravi necessitate, & prævio examine. Cap. 6. Præscribitur ordinandorum examen, & mandatur examinatoribus Synodalibus, ut in hoc pergravi negotio sint oculatissimi, nec humanis affectibus obsequantur: sed Deo imprimis, conscientiæ, Ecclesiæ, & animarum salutis consulant.

Cap. 7. interdicatur familiaribus episcopi, ne quid ab ordinandis accipiant, etiam pro ordinis instrumento. Neve cancellarius curiæ episcopalis plus audeat accipere, quam in Concil. Trid. sess. 21. c. 1. præfinitum est, & in tabella mercedum continetur. Cap. 8. Jubentur ordinationes fieri in Cathedrali Ecclesia præfentibus canonicis, & universo cle-

ro: vel in digniori Ecclesia, si fiant in diocesi. Cap. 9. & 10. præcipitur ordinandis, ut exhibeant testimoniales litteras parochi, & ludi magistri, tum de fide & moribus, cum de exercitio literarum. Cap. 11. & 12. jubentur ad majores ordines promovendi secum ferre testimonium rectoris Ecclesiæ, ubi fuit adscriptus, de prioris ordinis exercitio, de legitima ætate, hoc est 22. annorum inceptorum quoad subdiaconum, 23. quoad diaconum, & 25. quoad presbyterum: tandem de Ecclesiastico beneficio, vel patrimonio sufficienti &c.

C. 13. statuitur, ut in ordinandis regularibus, præter litteras testimoniales suorum superiorum, & fidem ordinis proxime suscepti, & loco tituli professionis regularis emissæ, necnon legitima ætatis, diligens quoque eorum habeatur examen de doctrina, de functionibus ad ordinem spectantibus, de usu & ratione recitandi officium, missamque celebrandi &c. Cap. 14. mandatur legi Bullas Pii II. & Sixti V. contra illegitime, aut male promotos. Cap. 15. indicitur processio, & gratiarum actio absoluta Synodo. Tandem cap. 16. catalogus texitur eorum qui ex dispositione sacrorum canonum ad ordines promoveri non possunt.

## CAPUT VI.

*De quibusdam sacrarum ordinationum ritibus  
nondum expofitis.*

CUM de duplici Sacramenti ordinis effectu, gratia nempe, & charactere in præcedentibus dissertationibus non uno loco fuerit pertractatum, sat erit hoc loco proferre canonem 4. sess. 23. Trid. Synodi, qui sic habet: *Si quis dixerit, per sacram ordinationem non dari Spiritum S. aut per eam non imprimi characterem, anathema sit.* Superest modo, ut peculiariter quosdam hujusce Sacramenti ritus percurramus.

§. I. De tempore sacrarum ordinationum. Gelasius Papa epist. ad Lucaniæ episcopos ait, ordinationes presbyterorum, & diaconorum fieri debere in jejunio quatuor Temporum, *Mediæ* Quadragesimæ hebdomadæ, & sabbati præcedentis Dominicæ Resurrectionis: quod postea Gregorius II. Urbanus II. Leo IX. Innoc. III. aliique Rom. Pontifices, & Concilia tradidere. De his agunt Lupus, Martene, Juenin &c. Censet Sandinus, Gelasium sacris ordinibus conferendis præstituisse solemniū quatuor jejuniorum tempora. At Quænelius sacros ordines quovis die Dominico collatos fuisse opinatur, Binghamus autem quolibet hebdomadis die. Sed plane falluntur: constat enim ex libro Pontificali, Romanos PP. ad Simplicium usque ordinationes habuisse mense Decembri, ob proximam Nativitatis Domin. solemnitatem, ut ait Amalaris. Ex quo autem Romani PP. in decimi mensis jejunio sacros ordines contulerint, non sequitur, non potuisse illos conferre in aliis quatuor temporum sabbatis, ut notat Bencinus.

Ivo etiam Carnoten. ut ipse ait epist. 58. renuit in festo Purific. ordinare presbyterum, quod hoc vetarent *paterni canones*, & *Apostolica constitutio*. Et S. Leo epist. 4. ad Anast. Theff. ait, repugnare PP. traditioni: *Presbyteros, & diaconos qualibet die dignitatem accipere.* Hæc de sacris ordinibus, nam tonsura juxta Pontificale Rom. *quocumque die, hora, & loco*, & minores ordines *singulis Dominicis, & festis diebus* conferri possunt.

§. II. De ordinationis loco. In Ecclesia tantum, atque inter missarum solemnias fiunt ordinationes sacræ. Apud Græcos presbyteri, & diaconi in sanctuario, hypodiaconi & lectores in *diaconi*, aut ante *portam*, quam vocant *speciosam*, ordinantur. Hujus publicæ ordinationis causa, præter rituum solemnitatem, est quod ad ordinem promovendi probari debeant cleri plebisque testimonio. Hinc Ecclesiastica Hist. reprobatur

ordinationem Novati, clero & plebe reluctantibus factam ex Eusebio l. 6. c. 35. Ordinatio diaconum extra templum facta obiecta fuit etiam Jo. XII. Et Parkeri ordinario ob loci turpitudinem a nullo non improbat. Recte ergo statuit Trid. sess. 23. *Ordinationes sacrorum ordinum in Cathedrali Ecclesia presentibus Canonis publice celebrari*. Romanos episcopos consecrari ex antiqua consuetudine ad aram S. Petri constat ex Ordine Rom. quod fieri puto ad ostendendam perpetuam Romanorum PP. a B. Petro successionem, & fidei unitatem. Hinc obiter nota, cur de corpore S. Petri sumatur Pallium, quo Archiepiscopi ornantur ex Pontificali Rom. p. 3.

§. III. De ordinum interstitiis. Cum in minoribus ordinibus multi insigniti essent adhuc adolescentuli, nec sacerdotio initiarentur ante ann. 25. 30. aut 35. constat diuturniorem quam sit modo fuisse in clericis inferiorum ordinum exercitium. Hinc can. 10. Sardiceni. definitur exigi a cuiusque ordinis gradu *non minimi temporis longitudinem, per quod fides, & morum probitas, & constantia possit dignosci*. In epist. Siricii ad Himerium episc. c. 9. definitur; *Ut quicumque se Ecclesie vovit obsequiis, ante pubertatis annos lectorum ministerio societur, & ab accessu adolescentiæ acolythus, & subdiaconus sit usque ad 30. etatis annum*: in officium autem diaconi quinque annis se exerceat, priusquam presbyteratum consequatur. Eadem habet Innocentius I. & Zosimus. Hinc Trid. Syn. sess. 23. c. 11. statuit, ut minores ordines tradantur *per temporum interstitia*, nisi aliud episcopo expedire videatur. Nec aliquis ad sacros ordines promoveatur, nisi post annum a susceptione acolythatus, nisi necessitas, aut Ecclesiæ utilitas aliud exposcat. Omnino autem vetuit, ne eodem die duo sacri ordines etiam regularibus conferantur, sublata facultate episcopi, & solo Romano Pontifice excepto.

§. IV. De gradualitate ordinum. Licet S. Thomas qu. 35. suppl. art. 3. scribat, in primitiva Ecclesia, aliquos ordinatos fuisse in presbyteros, qui prius inferiores ordines non susceperant; constat tamen ex Siricii, Innocentii I. & Leonis M. epistolis decretal. clericis gradatim ascendendum fuisse ad ordinem presbyterii. De Græcorum autem ritu, qui clericos ordinabant per saltum, plura diximus c. 2. libri hujus. Hunc autem ritum non esse sequendum confirmatur ex cap. *Illud nos* dist. 77. Canones etiam mandant, ut ordinati in presbyteros, aliquo inferiori ordine omisso, nequeant officium suum exercere, nisi prius illo suscepto, ex cap. *Sollicitudo* dist. 52. Item ex Const. *Et si pastoralis* Ben. XIV.

§. V. De vestibus ordinandorum. Postquam clerici ab episcopo attonsi sunt *superpelliceo* induuntur, ad ostendendum quomodo

modo absque labe vitam ducere teneantur, ut ait S. Carolus. Hinc clerici a PP. ob vestium nitorem *candidati* passim sunt appellati. Olim enim superpellicea ad instar albæ talaria erant, & laxa: ut ostendit Bona l. 1. Rer. liturg. c. 24. Hujus generis vestem, quam ob angustiores manicas *Rochetum* dicimus; fuisse putat Baronius (cui subscribunt Dominicus Georgius, & Joseph Catalani) *lucernam birri*, quam exuit S. Cyprianus Martyrii subiturus; Sed *birri* vocabulum ambiguum censent Rulnartius, Balutius, Binghamus &c. Clericos certe *birro* usos constat ex serm. 356. S. Augustini, sed quale indumentum sit inde non inferitur. Græci etiam supra nigram vestem *καυρία καμισium* imponunt, lineam nempe vestem albæ similem.

Subdiaconi, præter albam cum cingulo, lineumque capitis velamen, accipiunt in ordinatione parvam tunicam, & manipulum in sinistra, loco mappulæ; quam ad usum episcopi ante sæc. X. ferebant. Hinc *tunicellam* subdiaconis serius, hoc est tempore S. Gregor. M. concessam fuisse, eosque sola alba ministrasse ostendit Bona ib. c. 24. Apud Græcos etiam subdiaconi *tunicam* deferunt, non tamen, ut Latini, utrimque discissam, quam *εὐχάριος sticharium* vocant. Diaconis hujus loco imponitur cum orario dalmatica. Sed ante Silvestrum utebantur *veste cucullata sine manicis*, teste Honorio Augustodunensi. l. 1. c. 211. De vestibus presbyterorum actum est l. 33. c. ult. Episcopi, præter alia presbyterorum indumenta, sumunt tunicam, & dalmaticam ex prisca consuetudine, & alia insignia, de quibus fufe Bona, Georgius, & Catalanius.

Dum electi consecratio peragitur, ei dantur *pastoralis baculus*, *mitra*, & *chirotheca*. Baculus pastoralis, ait Hugo Viêt. in speculo Eccl. c. 6. *reclitutine sui rectum regimen significat. Quod autem una pars curva est, altera acuta, monstrat præesse subiectis, & debellare superbos*, unde dictum est: *Curva trahit, quos recta regit, pars ultima pungit*. Anulus Ecclesiæ sponsum, *chirotheca* manuum custodiam, *mitra* bifida jus spiritale & temporale significat. Vide Honorium, Amalarium, Hugonem, Bonam, & Mabillonium præf. 2. in sæc. 4. n. 182.

§. VI. De presbyterorum & episcoporum unctione. Apud Latinos presbyteris utraque manus oleo catechumenorum linitur, electis vero chrismate liniuntur manus & caput. Hanc unctionem antiquissimam esse constat ex epist. 3. S. Paciani ad Symphotonianum, ex serm. 8. S. Leonis M. de Pass. Dom. ex Gregorio M. Nicolao I. & Innocentio III. Quidam, ut Hallierius, & Jo. Caramsyritus Italo-Græcus, apud Græcos etiam, antistites *chrismate deliniri* putant ex Nazianzeni Or. 5. aliisque. Arcudius tamen, Morinus, Habert contendunt, id



accipiendum de chrismate mystice intellecto. Certum est autem Græcos Orientales modo ritum unctionis non agnoscere, ut constat ex eorum Euchologiis, & ex Simone Thessalon. scribente: *Resse non ungiuntur qui ordinantur, propterea quod nihil materiale agant, sed omnia spiritualia*; licet hæc ratio sit infirmissima, cum in omnibus Sacramentis *res materialis sit potestatis spiritualis mysticum symbolum*; quod in hac unctione adesse ostendit noster Scacchius Myroth. 3. Non spectat tamen hæc unctio *ad substantiam Sacramenti* ex D. Thoma, Bonaventura, Scoto, Richardo &c. Alias irritæ forent Græcorum ordinationes, quas Romani PP. ratas se habere satis ostendunt, cum mandant, ut *episcopi Græci in ordinibus conferendis ritum proprium Græcum in Euchologiis descriptum servent*, ex Benedicti XIV. Const. *Essi Pastoralis*. Vide Auctorem.

## A P P E N D I X.

*De varia Orientalis Ecclesie disciplina circa sacras ordinationes.*

Quamvis Orientales prope-  
modum universi, ut Cophti,  
Syri Nestoriani, Maronitæ &c.  
tonsuram lectoratui præmittant,  
ut Græci solent, certum est ta-  
men Syros Jacobitas Cantora-  
tui, quem non secus ac Ma-  
ronitæ veluti gradum habent  
ad lectoratum, tonsuram nullo  
modo præmittere; licet in com-  
pendio ordinationum a Morino  
edito p. 479. ad diaconatum or-  
dinandi in modum crucis ton-  
deri ab episcopo jubeantur. Co-  
phti vero, ut constat ex eo-  
rum Pontificali a Morino edi-  
to, sequentes ordinationes ag-  
noscunt, I. *Agnostæ*, seu  
Lectoris. II. Subdiaconi. III.  
Diaconi. IV. Presbyteri. V.  
*Hegumeni*, seu Archipresbyte-  
ri, qui ex Kirkero est *prælati*,  
*qui curam habet subditorum, di-*  
*ctus Abigumenos animarum*. VI.  
Archidiaconi. At in Pontifica-  
li nuper transmissio ad Sacram  
Congreg. de Propag. Fide ex-  
tant etiam ordinationes *episco-*  
*pi Metropolitanani*, quo ritu et-

iam Patriarcham Alex. conse-  
crari posse, ac solere adnota-  
tur. Vide Affem. tom. 3. par.  
2. pag. 789.

Syri Nestoriani sequentes or-  
dinationes exercent. I. Lectoris.  
II. Hypodiaconi. III. Dia-  
coni. IV. Archidiaconi. V.  
Presbyteri. VI. Chorepiscopi,  
& *Periodæutæ*, seu visitatoria.  
VII. Episcopi. VIII. Metropo-  
litani. IX. Patriarchæ. Verum  
episcopi ac metropolitani, pau-  
cis exceptis, una eademque or-  
dinatio est. Adde, Timotheum  
II. Patriarcham Cantorem, &  
Exorcistam loco *Periodæutæ*,  
& *Chorepiscopi* posuisse. Mara-  
nitæ undecim adhibent ordina-  
tiones, quarum I. est Canto-  
ris, seu psaltæ. II. Lectoris.  
III. Subdiaconi. IV. Diaconi.  
V. Archidiaconi. VI. Presbyte-  
ri. VII. *Periodæutæ*. VIII. Ar-  
chipresbyteri, quem *Cburi* vo-  
cant. IX. Chorepiscopi. X. E-  
piscopi, & Metropolitanani. XI.  
Patriarchæ. Syri Jacobitæ uno  
eodemque ritu ordinant Episco-  
pum,

pum, Metropolitam, & Patriarcham, sicut eodem ritu consecrant Chorepiscopum, Periodeutam, Hegumenum, Abbatissam, & Diaconissam. Alias autem ordinationes Cantoris, Lectoris, Subdiaconi, Diaconi, Archidiaconi, & Presbyteri communes habent eum Syris Maronitis. Vide Assen. loco supra cit.

Optime observat Renaudotius to. 2. Liturg. Orient. in diss. de Patriarchis Alex. pag. 412. Nestorianos, & Syros Jacobitas gravi se se reordinationis crimine obstringere, eo quod Patriarchas, vel Metropolitans jam episcopos usitata episcoporum consecratione promoveant. Maronitæ ex adverso, quibus Cophti coherant, dum Patriarcham, sive Episcopum aliquem consecrant quovis ordine destitutum, puta simplicem monachum, omnis minoribus, a diaconatu ordinationem prima die auspicantur, secunda die presbyterum, tertia archipresbyterum ordinant. Tandem die Dominica Patriarcham episcopali manuum impositione consecrare consuevere. Quod sane & praxi Ecclesiæ, & summorum Pontificum constitutionibus adversatur, ut alibi dictum est. Hinc Benedict. XIV. in sua celeberrima Const. *Et si Pastoralis* §. 7. num. 6. animadvertit, quod licet in Euchologio Græco nonnulli de minoribus ordinibus prætermitti videantur, eos tamen vel nunquam habuisse, vel eorum exercitium aliis ordinibus esse adnexum iidem Græci affirmant. Et nu. 7. præcipit, ut qui ritu Græco clericus & lector tantum fuit initiatus, & ex benignitate Sedis Apostolicæ obtinuit, ut majores ordines Latinis cere-

moniis sibi conferantur, is antequam subdiaconus ordinetur, tres minores ordines omisos debet ritu Latino supplere.

Clerici institutio apud Græcos terna crucis signatione, capillorum tonsione, & SS. Trinitatis invocatione perfici certum est, eaque tonsura continetur. Lectoratus materiam apud Græcos in manus impositione facta ab episcopo super ordinando, dum cruce manu expressa obsignat, constitui posse, ex Balsamone, Chersalonicen. aliisque Goarius ostendit. Forma verò sunt verba episcopi. Græcis hac in parte conveniunt Syri Nestoriani, Jacobitæ, Maronitæ, & Cophti, ut ex eorum libris demonstrat cl. Asseman. tom. 12. par. 2. pag. 800. & sequentibus.

In ordinatione Subdiaconi Græci, Cophti, & Syri eadem ferme utuntur precandi formula, in qua censent Theologi illius consecrationis formam sitam esse. Ibi enim manus imponitur, sive capiti, sive temporibus ordinandi, ac simul exoratur Deus: *Ut dignum faciat illum gratia subdiaconatus, ut contrectet vasa ministerii Ecclesiæ, adsit januis templi, accendat lampades &c.* Ast in ritu Nestorianorum, ut observat Asseman loc. cit. non ita expressa est ordinationis forma, nec manus imponitur ordinando, dum ea recitatur, sed postquam absoluta est, signat episcopus caput ordinati signo crucis, contra communem Orientalis Ecclesiæ morem in omnibus Euchologiis præscriptum: in quibus manus impositio, sive capiti, juxta Græcos, sive temporibus, juxta Syros, Cophtosque in ordinatione diaconi indigitur.

Diaconi materia apud Orientales universos manus impositione tota perficitur, forma vero apud Græcos est: Κύρις ὁ Θεὸς ἡμῶν &c. *Domine Deus noster &c.* Apud Coptos: *Domine Deus omnipotens &c.* Apud Nestorianos: *Deus noster bone &c.* Apud Maronitas, & Jacobitas: *Deus qui Ecclesiam tuam edificas &c.* Vide Morinum Exercit. 2. c. 3. & 4. Sicut ergo aliæ preces, adhibitæ in collatione hujus ordinis ad ejus formæ substantiam non spectant; ita nec spectant traditio flabelli apud Græcos, ut suo loco monuimus, nec thuribuli apud Syros Jacobitas, & libri Apostolorum apud Nestorianos, quæ post manuum impositionem, ac formam prolatam adhiberi solent.

Presbyteratus materiam apud omnes Orientales est manuum impositio; forma vero apud Græcos: *Deus in virtute magnus &c.* Apud Nestorianos: *Domine Deus fortis omnipotens &c.* Apud Coptos: *Domine Deus omnipotens, qui cuncta creasti &c.* Apud Syros Jacobitas, & Maronitas: *Deus magnus, & admirabilis &c.* Aliæ vero orationes, quæve deinceps presbytero tradi solent, neque ad formam, neque ad materiam spectant presbyteratus, sed ad ejus effectum, vel usum.

Quod verò attinet ad obligationes, aut peculiare usus clericorum Orientalium, tria præcipue occurrunt observanda, nempe delatio vestium sacerdotalium, ætas conveniens, & continentia. Quoad primum, dubium non est, quod ubi lex, aut consuetudo viget, vestibus propriis uti debeant, non secus ac Latini, etiam clerici

Orientales. Excusari tamen posse a culpa videntur Syri illi Nestoriani, qui ob motam in Ecclesiasticos persecutionem in Perside, usum omisere distingarum vestium, cum hæc vestium distinctio per plura sæcula, ne apud Latinos quidem obtinuerit.

Quoad alterum vero, cum apud Coptos, & Syros Nestorianos plures infantili ætate sacris ordinibus fuerint initiati, Benedictus XIV. constituit: „Diaconos in ætate „puerili ordinator, licet ante „16. ætatis annum ministraverint in ordine suscepto, „& in statu cœlibi; tamen non „censeri ante nuptias ordinationem ratam habuisse, eo „quod nihili faciendi sint actus „illi, quos in ætate puerili, „& ante 16. annum exercuerint.“ Quod explicat doctissimus Pontifex exemplo tacitæ professionis ante 16. ætatis annum emissæ, quæ locum non habet, „etiamsi ante prædictam ætatem actus illi expleantur: ex quibus tacita „professio inducitur, sed omnes pro nihilo habentur ad tacitam professionem inducendam; nisi expleti fuerint post annum 16. & postquam expressa professio emissæ non est. Ita constituto a nobis anno 16. quo præfectus „missionum diaconos in puerili ætate ordinator interrogare debet, velint ne, an secus, perseverare in ordine suscepto, ex ordinis exercitio ante annum 16. peracto nulla tacita ratihabitio argui debet, cum ad summum hujusmodi actus tacitam ratihabitioem importare possint, si gesti fuerint „post

„ post ann. 16. eo casu, quo  
 „ præfectus missionum anno de-  
 „ cimo sexto ipsos interrogare  
 „ neglexerit “

Quoad tertium vero hæc  
 habet sapientissimus Pontifex  
 in laud. Const. pro Italo-Græ-  
 cis §. 7. num. 16. & 17. „ Et-  
 „ si expetendum esset, ut  
 „ Græci in sacris ordinibus  
 „ constituti castitatem, non  
 „ secus ac Latini, fervarent;  
 „ nihilominus ut eorum cleri-  
 „ ci, subdiaconi, diaconi, &  
 „ presbyteri uxores in eorum  
 „ ministerio retineant, dum-  
 „ modo ante sacros ordines vir-  
 „ gines, non viduas, neque  
 „ corruptas duxerint, Roma-  
 „ na non prohibet Ecclesia.  
 „ Eos autem, qui viduam,  
 „ vel corruptam duxerunt,  
 „ vel ad secunda vota con-  
 „ volarunt, ad subdiaconatum,  
 „ diaconatum, & presbyterat-  
 „ um promoveri prohibemus.  
 „ Præterea, si quis subdiacon-  
 „ us, vel presbyter post sa-  
 „ cram ordinationem, uxore  
 „ mortua, aliam duxerit, vel  
 „ si non habeat, ducere præ-  
 „ sumperit, nedum excom-  
 „ municationis poena punie-  
 „ tur, verum etiam statim  
 „ ab ordine erit deponen-  
 „ dus “

An vero expediât, nec ne,  
 Cophtos aliosque Orientales ab  
 hac lege aliquando dispensare,  
 re mature discussa, statuit sa-  
 pientiss. Pontifex: Recurrendum  
 ad Apostolicam sedem in casibus  
 particularibus, in quibus,  
 si ob graves causas, dispensatio  
 concedenda videbitur, nullum  
 verbum fiat de renovatione con-  
 sensus. Ubi notandum est,  
 quoad Orientales omnes, non  
 posse hominem unius ritus ab  
 alterius ritus episcopo licite

ordinari, sed ordinatum ma-  
 nere suspensum, ordinantem  
 vero fieri irregularem. At-  
 que idem dicendum, si or-  
 dinetur sine dimissoriis proprii  
 episcopi; & proinde requiri  
 dispensationem Pontificiam, ut  
 quis rite ab alieni ritus epi-  
 scopo ordinetur. Ordinatos  
 autem ab Hæreticis & Schis-  
 maticis cum debita materia &  
 forma, valide quidem, sed  
 illicite esse ordinatos; adeo-  
 que ab ordinum exercitio ma-  
 nere suspensos, donec ab ir-  
 regularitate sint absoluti. Tan-  
 dem apostatas, & hæreticos  
 ad Ecclesiam redeuntes non  
 esse iterum ordinandos. Er-  
 rant proinde Syri Nestoria-  
 ni, qui diaconos, & presby-  
 teros apostatas iterum ordi-  
 nant, juxta canonem 100. Sy-  
 nodi Josue Barnan Patriarchæ  
 habitæ anno 820. Quid vero  
 dicendum de ordinationibus  
 Archiepiscopi Æthiopæ, qui  
 ordines conferre non solet, ni-  
 si dum octo, aut decem mil-  
 le sint ordinandi per Ecce-  
 lesiam dispositi, & singulis ma-  
 nus imponens celeriter discor-  
 rendo ait: *Accipe Spiritum*  
*S. diaconis vero non manus,*  
*sed crucem Patriarchalem su-  
 per caput imponit?*

R. Cum Supremæ Inquisi-  
 tionis Consultoribus die 10.  
 Aprilis 1704. *Ordinationem pre-*  
*byteri cum manus impositione,*  
*& formæ prolatione vali-*  
*dam esse, sed disconi ordina-*  
*tionem cum simplici crucis Pa-*  
*triarchalis impositione omnino*  
*invalidam esse. Quo vero ad*  
*proxim admittendi presbyteros,*  
*vel diaconos ad exercitium su-*  
*orum ordinum, postquam catbo-*  
*licam fidem susceperint, sequen-*  
*tia observanda sunt. Si sacer-*

## LIBER XXXVII.

## De Sacramento Matrimonii.

**D**E hoc Sacramento, quod magnam habet cum sacra ordinatione similitudinem, propterea quod utrumque ministerium ad utilitatem Christianæ Reipublicæ sit institutum, unica dissertatione, ac pluribus capitibus eo, qui sequitur, ordine pertractabimus.

## CAPUT I.

*An Matrimonium sit naturali jure præscriptum, in se bonum honestumque, & præceptum.*

**N**OT. I. Quatuor sunt hujusque Sacramenti vocabula I. *Matrimonium*, quod a *matris* nomine dici spe & omine mox adipiscendo tradunt Jurisconsulti apud Brisson. Et S. P. A. l. 19. contr. Faust. c. 26. ait: *Matrimonium ex hoc appellatum est, quod non ob aliud debeat fœmina nubere, quam ut mater fiat*; non dicitur autem *Patrimonium*, quia licet pater sit sexu præstantior, matri tamen fœtus est ante partum onerosus, dolorosus in partu, post partum laboriosus ex Greg. IX. II. *Nuptiæ* dictæ sunt a flammeo, quo caput nubentis obvolvabatur, quod veteres *obnubere* vocabant, ut ait Festus. Hinc de Rebecca legitur Genes. 24. quod conspecto Isaac viro suo tollens cito pallium operuit se.

III. *Connubium* etiam a nubere derivatur, & definitur in Pandectis Florent. *Uxoris sue ducendæ facultas*. Idem fere significat conjugium, quasi duorum ad idem jugum alligatio. A Græcis dicitur γάμος a δαίμων, ex Arcud. quod conjuges domet. Ex his infertur, nihil aliud Matrimonii nomine intelligi, nisi mulieris ac viri perpetuum ac sacrum vinculum, quod Jurecon-

sulti

dos dicat se ordinatum cum manus impositione, & verborum prolatione .... poterit missionarius postquam illum ab irregularitate dispensaverit, & ab excommunicatione absolverit, eum ad exercitium ordinum admittere. Secus, si non meminerit, aut absolute asserat utrumque omissum esse, formam nempe,

& manuum impositionem. Tunc enim reordinandus erit absolute, antequam ad exercitium suorum ordinum admittatur. Quia vero sacerdos valide ordinatus, fuit invalide ad diaconatum promotus, idcirco debet cum illo, tamquam per saltum ordinato, super irregularitate dispensari.

utri divini & humani juris communicationem dixere, & Magister, viri mulierisque conjunctionem maritalem. Et definitur: *Maris & femine conjunctio individuum vite consuetudinem retinens*. Est autem Matrimonium sic acceptum officium naturæ, & fidelibus, ac infidelibus connubia ineuntibus commune. At Christus Dominus huic naturæ officio suam gratiam alligando, ut conjuges sanctificaret, ad Sacramenti dignitatem evexit, & sic definitur: *Matrimonium est Sacramentum novæ legis, in quo vir mulier per conjunctionem maritalem, individuum vite consuetudinem legitime ineunt*.

Not. II. Matrimonium esse novæ legis Sacramentum, negarunt Lutherus, Calvinus, alique Novatores. Longius tamen insaniendo progressi sunt Simon Magus, Saturninus, Tatianus, Marcionitæ, Manichæi, & Priscillianistæ, qui illud opus diaboli, scortationem, & impudicitie negotium appellarunt. Contra quos fit

PROPOSITIO I. Matrimonium naturali, & divinæ legi est consentaneum, & honestum.

Prob. I. pars. Matrimonium enim spectat ad naturæ conservationem, perfectionem, & propagationem; ergo &c.

II. Hoc interest inter hominem & bruta, quod hæc non indigent morum institutione, quoniam cum ratione destituta sint, non reguntur alterius animantis eodem genere propagati potestate, & consilio; at homines dominii ac regiminis capaces, cum non iniantur solo naturæ instinctu, sed benevolentia, libertate, & communium liberorum causa, perpetuo nexu, & indissolubili vinculo erant constituenda. Hinc Deus ex una ex costis Adæ fabricavit mulierem, ut sese mutua benevolentia, & conjugio indissolubili complecterentur. Atque Adam Gen. 2. v. 23. ait: *Hoc nunc os ex ossibus meis, quamobrem relinquet homo Patrem suum &c.*

III. *Jus naturale*, ex Isidoro apud Gratian. dist. 1. est illud, quod est commune omnium nationum, ut viri & femine conjunctio, sed tale est Matrimonium; ergo &c. IV. Hanc naturæ legem Dei institutione esse firmatam, constat ex primorum hominum formatione, & ex Adæ verbis supra cit. Hinc Trid. sess. 24. ait: *Matrimonii perpetuum nexum primus parens pronuntiavit, cum dixit: Hoc nunc os ex ossibus meis, & hanc institutionem firmavit Christus Matth. 19.*

Prob. II. pars. Matrimonium enim naturali, ac divina lege est institutum; ergo honestum est. Id autem Prob. I. scripturis. Nam Matth. 19. legitur: *Qui fecit hominem ab initio, masculum & feminam fecit eos, & dixit: Propter hoc dimittet homo patrem, & matrem &c. quod ergo Deus conjunxit homo non separet*. Hinc Christus ipse nuptiis voluit adesse, sed per hoc

Chri-

eos esse, qui sunt in carne, & vivunt secundum carnem, nam de iis, qui ipsa carne corruptibili bene utuntur, ait Apostolus: Vos autem in carne non estis, sed in spiritu. Ad IV. R. cum Hieronymo, quod sicut ii, qui sive bibant, sive manducant, in nomine Domini faciunt, seminare dicuntur in spiritu, non in carne; ita in spiritu seminant, qui cum ratione implent divinam institutionem: Crescite & multiplicamini.

Ad V. R. S. P. Serm. 51. dist. ant. Conceditur secundum indulgentiam iis, qui propter incontinentiam ineunt connubia, conc. qui propter generationem filiorum, neg. illi enim, quamvis ob intemperantiam permittantur uti conjugio, ne invicem continendo irruant in adulteria, tamen committunt peccatum aliquod, etsi veniale, dum amplius, quam liberorum procreandorum necessitas cogit, exigunt a conjugē debitum, quæ sententia propugnatur a Norlso in Vind. c. 3. & aliis præfertur ab Estio in 4. dist. 26. §. 4. Deinde Pauli verba non consilium significant, sed permissionem, ibi enim indulget conjugibus, ut post orationem revertantur ad conjugales amplexus, propter incontinentiam, ne satanas illos ad adulteria sollicitet, Ad VI. neg. ant. Nuptiæ enim potius repagulum sunt, quam occasio peccandi, ut dictum est. Quod si quis non cohibens intemperantiam nuptia abutatur, id non nuptiarum vitium est, sed nuptiarum.

Ad VIII. dist. ant. Exercent cum libidine serviente, conc. cum libidine subjugante, neg. Conjugalis concubitus, ait S. P. A. de Nupt. & Conc. l. 1. c. 12. qui fit intentione generandi, non est peccatum, quia bona voluntas animi sequentem ducit, non ducen-tem sequitur corporis voluptatem: nec humanum arbitrium tribuitur subjugante peccato, cum iuste redigitur in usum generandi plagam peccati. Ad III. vide Auctorem Tom. 3. pag. 32. ubi ostendit cum Augustino, nuptias ad propagationem naturæ fuisse institutas, ideoque earum finem bonum esse; nec enim peccati causa sunt nuptiæ, sed Adæ voluntaria transgressio. Ad IX. Vide responsionem ad VII. Ad ultimum neg. conf. Nam lex vetus præcipiebat expiationes etiam pro contactu, ac sepultura mortuorum, pro foeminarum fluxu, & pro naturali effusione seminis in somniis, quæ nemo dixerit esse peccata.

PROPOSITIO III. Matrimonium cadit aliqua ratione sub præcepto, non tamen obligat in particulari.

Prob. Nam in mundi exordio, quando multiplicandum erat humanum genus, tenebantur omnes ad connubia ineunda, donec omnes ad certum aliquem numerum pervenirent. Hinc verbis illis: Crescite, & multiplicamini &c. vim præcepti inesse putant Richardus, Gabriel, Durandus, Argentinas, &c. Licet Estius, Silvius, & noster Poncius benedictionem, & auspiciam

ad nuptias, qui propositum continentię servare non valent ex 1. Cor. 7. *Melius est nubere quam uri*, & Principes, si hac via Reipublicę, aut fidei Christianę damno consulere possint. X. Ex quo autem in Evangelio virginitas præferatur matrimonio, non sequitur tamen nuptias malas esse, cum unum bonum sit alio præstantius, & matrimonium plura habeat commoda, quę eleganti carmine Nazianzenus describit. Vide Auctorem.

## CAPUT II.

*An Matrimonium in Lege Evangelica sit ad Sacramenti dignitatem evectum?*

**M**atrimonium & signum esse rei sacrę, & gratiam producere negant Hæretici, contra quos sit

PROPOSITIO I. Matrimonium ex Divina institutione est signum rei sacrę.

Prob. I. Ex Apost. ad Ephes. 5. ubi ait: *Sacramentum hoc magnum est; ego autem dico in Christo, & in Ecclesia*. Quę verba exponens Chrysostomus ait: *Quid est magnum mysterium? Ipse dicit, quod magnum quid significavit Moses, imo vero Deus. Interim autem dicit: In Christo dico, quoniam & ipse dimisso patre descendit, & venit ad sponsam, & factus est in spiritum unum*. Hieronymus in hunc locum ait, appellari ab Apostolo *Sacramentum magnum*, eo quod ineffabilibus plenum sit *Sacramentis*. D. N. J. C. reliquisset patrem suum, ac matrem Jerusalem, ut venerit ad terras propter suum corpus Ecclesiam, & de suo eam latere fabricaretur. Et S. P. A. in Psalm. 30. ea verba exponit de Verbi incarnatione præfigurata in Matrimonio: *Quia ex sponso & sponsa fit una quædam persona*. Vide l. 2. de Genes. contra Manichæos c. 24. & l. 12. contra Faustum. Patrum sententiam complexus est Avitus Viennens. in carmine de Origine mundi, ubi loquitur de Evę formatione & conjugio.

R. Hæretici: Non conjugium viri cum muliere, sed Christi cum Ecclesia conjunctionem Sacramentum appellari: vel si id Adę & Evę conjugio convenit, non convenit tamen posterorum conjugii, inter quos plures sunt infideles, quique polygamiam admittunt, quę hac conjunctionem non significat.

Sed errant. Nam incarnatio Christi est quidem magnum mysterium, sed hinc non inferitur ejus signum non præcessisse in Adę conjugio, cum aperte id testetur Apostolus dicens: *Sacramentum hoc magnum est* &c. ubi in Græco habetur: *In Christum*



*stum & in Ecclesiam*, ex qua Græca syntaxi ostenditur, quod Christi & Ecclesiæ unio sit terminus mysticæ significationis Matrimonii; ut Patres docent. Ad alterum dicimus, quod spectat ad Christi, & Ecclesiæ conjunctionem, in singulis conjugis recte institutis significari, cum in omnibus impleatur illud: *Adhærebit uxori suæ, & erunt duo in carne una*: Hinc patet, infidelium matrimonia esse Sacramentum, ut docet Innocentius III. quia ex prima institutione sunt insolubilia, & cum unica uxore contrahenda; iniquitate autem, vel incontinentia infidelium, aut solvantur, aut cum pluribus contrahuntur.

PROPOSITIO II. Matrimonium novæ legis est signum gratiæ efficax, & proprium Sacramentum.

Prob. I. Ex laudatis verbis Pauli ad Ephesios: *Sacramentum hoc &c.* nec non ex aliis, quæ Apostolus profert ibidem: *Viri diligite uxores vestras, sicut Christus dilexit Ecclesiam*. Quamvis enim Vasquesius, & Estius laudatis testimoniis catholicum dogma efficaciter non probari contendat (quod verum est, si solitarie hæc duo loca sumantur, cum Sacramenti & Mysterii vocabula significationem habeant amplissimam, & symbolum mystici conjugii etiam in matrimoniis infidelium gratia destitutis inveniatur) si tamen attendantur adjuncta, & Apostoli scopus, qui est ostendere, Christum uniri Ecclesiæ, ne dum per naturæ consortium, sed etiam per caritatem & gratiam, matrimonium esse verum, ac proprium Sacramentum his argumentis ostenditur.

I. enim matrimonium per Apostolum significat conjunctionem Christi cum Ecclesia, sed hæc unio non est solum secundum carnem, sed etiam secundum caritatem, & gratiam; ergo &c. Deinde ut Christus dilexit Ecclesiam, ita conjugati, præsertim fideles, se invicem diligere debent; sed Christus dilexit Ecclesiam, non solum ut sibi eam copularet carnis assumptione, sed ut illam sibi exhiberet immaculatam, & gloriosam; ergo conjuges fideles tali nexu uniri debent, ut invicem sanctificentur. Hinc Trid. Synodus sess. 24. *Gratiam*, inquit, qua naturalem illum amorem perficeret; ipse Christus sua nobis passione promeruit: quod Paulus innuit dicens: *Viri diligite &c.* mox subiungens, *Sacramentum hoc &c.* Ubi rō promeruit hunc sensum videtur habere: *Promeruit, & alligavit*, nam inde infert sancta Synodus, quod cum Matrimonium in lege Evangelica veteribus connubiis per Christum gratia præstet, merito inter novæ legis Sacramenta adnumerandum PP. & traditio docuerunt. Et S. P. A. l. i. de Nupt. & conc. *Non tantum fecunditas, verum etiam quoddam Sacramentum nuptiarum commendatur fidelibus conjugatis, unde Apostolus dicit: Viri diligite &c.* II. Argu-

mentum petitur ex Jo. 2. ubi Christus insigni miraculo nuptias comprobavit, eisque presentia sua gratiam contulit, & benedictionem, ut Patres tradidere. Nam S. Cyrillus in ep. ad Nestor. c. 26. ait: *Christum benedixisse nuptiis, & ad illas venisse in Cana Galilææ.* Et l. 2. in Jo. ait, ideo Dominum ad eas venisse, ut illas presentia sua cohonestaret, iisque, qui postea nascituri erant, gratiam præsisteret. Epiphanius Hær. 67. ait: *nuptias Dei gratia regnum obtinere quis vel ex eo non agnoscat, quod ad nuptias invitatus Salvator fuerit, ut iis benediceret?* Et S. P. A. Tr. 9. in Jo. ait: *Venit ad nuptias, ut conjugalis castitas firmaretur, & ostenderetur Sacramentum nuptiarum.* Et S. Maximus hom. 1. de Epiphania ait: *Vadit ad nuptias, ut quas dudum potestate constituit, nunc presentie sue benedictione sanctificet.*

Prob. III. ex traditione. Tertullianus l. 2. ad uxorem felicitatem matrimonii commendat, ex quo illud Ecclesia conciliat, confirmat oblatio, & obsignat benedictio. Et c. 40. de Præscript. ubi ostendit diabolus amulari in idolorum mysteriis res divinarum Sacramentorum Baptismi, Confirmationis, Eucharistiæ, & Ordinis ait: *Quid? quod & summum Pontificem in unis nuptiis statuit; ergo & matrimonium aliis Sacramentis accenset.* Ambrosius l. 1. de Abr. c. 7. ait, ab iis, qui sese miscent ancillæ, ut filios suscipiant, *solvi gratiam matrimonii.* Et Ep. 19. ad Vigil. ait: *Conjugium velamine sacerdotali, & benedictione sanctificari.*

Innoc. I. epist. 9. ad Protum irritat matrimonium illius, qui uxore in captivitatem abducta sibi alteram copulaverat, statuitque: *Illud esse conjugium, quod primitus erat gratia divina fundatum.* S. P. A. l. de Bon. conjug. c. 24. ait *Bonum nuptiarum per omnes gentes in causa generandi est, & in fide castitatis, quoad autem populum Dei, etiam in sanctitate Sacramenti.* Ubi Sacramenti nomen stricte accipit S. P. quia illud tribuit solis conjugii fidelium. Et c. 18. matrimonium appellat Ecclesiæ signaculum, & Sacramentum, eique gratiam tribuit his verbis: *In nostrarum quippe, mulierum, nuptiis plus valet sanctitas Sacramenti, quam fecunditas uteri.* Vide c. 34. de Pecc. Origin. de Fid. & operibus c. 34. de S. Virginitate c. 12.

Prob. IV. ex definitionibus Ecclesiæ. Nam inter vera Sacramenta matrimonium enumerat Conc. Constantien. sess. 15. & Martinus V. in Bulla *Inter cunctas*, Conc. Florent. & Eugenius IV. in Instr. Armen. Trid. sess. 7. can. 1. & sess. 24. c. 1. ubi anathema dicit iis, qui ajunt: *Matrimonium non esse vere & proprie unum ex septem legis Evangelicæ Sacramentis a Christo institutum, neque gratiam conferre.* Vid. Auctorem to. 6. a p. 62. ad 68.

Ob. I. Magister dist. 26. in 4. quem sequitur Durandus q. 3. in eandem dist. 26. negat matrimonium esse verum *Sacramentum* dicens, institutum fuisse *in remedium tantum*, non ut gratiam conferret. Et S. Bonaventura duas sententias Theologorum profert, quarum una nullam per matrimonium gratiam conferri ait, altera nannisi ex devotione fuscipientium sacerdotis benedictionem, ut fit in Sacramentalibus; neutram tamen ut hæreticam damnat S. D. Hinc Glossæ antiquiores in cap. *Quidquid invisibilis* aiebant, fas esse in matrimoniiis de dote pacisci, quin revera non sunt Sacramenta; ergo &c.

R. neg. conf. Cum enim Magistrum, & Durandum refellant Theologi, non solum auctoritate PP. sed etiam Hugonis Viêt. SS. Bonaventuræ, ac Thomæ, Scoti &c. non est cur de illorum perpauco numero glorientur heterodoxi; præsertim cum ipse Magister sacramentis novæ legis matrimonium accenseat, licet aliquibus visus sit denegasse gratiæ efficientiam. Durandus autem loco cit. ait: *Tenendum est absolute, quod matrimonium est Sacramentum, cum hoc determinet Ecclesia Extra de Hæreticis. Ad abolendam*. Deinde Magister ex D. Thoma, & Estio ait, matrimonium institutum esse ad remedium, quoad finem institutionis, ad cuius tamen consecutionem virtus Sacramenti, idest gratia necessaria est. Quod spectat ad Jureconsultos distinguendum est matrimonium, *ut est officium nature, & ut est Sacramentum*. Cum enim primo sensu uxoris & liberorum sustentationem secum ferat, fas est hac de causa pacisci de dote, quæ non impenditur ratione Sacramenti, & spiritalis effectus. Quo sensu accipienda est Glossa decreti, quæ loquitur de conjugio, *ut initium habuit in lege nature*, non prout tribuit *consolationem celestis gratiæ*, quæ verba leguntur ad cit. cap. *Quidquid invisibilis*.

Ob. II. *Sacramentum*, de qua Ap. ad Ephes. 5. amplissima significatione debet accipi, ut est in Græco *mysterium*: nam ibi Apostolus loquitur de matrimonio Adami, & Evæ, quod etiam inter paganos contrahitur. Hinc sequitur I. matrimonium non esse *signum rei sacræ a Christo institutum*, cum hæc institutio fuerit mundi initio. II. Non esse *signum conferens gratiam*, cum nubant etiam infideles gratia destituti. III. rationem signi in matrimonio esse dumtaxat naturalem, quisque enim hunc ritum spectans statim percipit marem & fœminam simul jungi, cum in aliis Sacramentis arcamum occurrat. IV. Licet matrimonium sit signum conjunctionis Christi cum Ecclesia, non tamen inde infertur gratiæ collatio, quam libidine conferri absurdum est opinari.

R. In matrimonio, ut supra dictum est, duplicem conjugatorum unionem esse cum Magistro dist. 26. distinguendam, nempe  
secun-

*secundum consensum animorum, & secundum permixtionem corporum: sic Ecclesia Christo copulatur voluntate & natura, quia idem vult cum eo; & ipse formam sumpsit de natura hominis. Copulata est ergo sponsa sponso spiritaliter, & corporaliter, id est caritate, & conformitate nature; prout ergo conjugium est institutum lege naturæ ad officium, habetur symbolum tantum conjunctionis Christi & Ecclesiæ secundum consortium naturæ: & prout est Sacramentum legis Evangelicæ, habetur etiam signum conjunctionis secundum naturam, & gratiam: prima ratio signi communis est conjugii etiam infidelium, altera propria est matrimonii Christiani. Priori sensu quodlibet matrimonium est Sacramentum late acceptum, cum sit signum rei sacræ, ex 1. Prop. posteriori autem matrimonia tantum fidelium sunt Sacramentum, quia sunt signum caritatis, & gratiæ. Ad I. ergo R. institutionem illam initio mundi esse matrimonii, ut naturæ officium est, non ut est Sacramentum. Ad II. R. matrimonia infidelium habere priorem tantum signi rationem, non posteriorem. Ad III. R. in matrimonio Christiano, præter insolubilem unionem corporum, significari etiam, & produci internam conjunctionem animorum per caritatem. Ad IV. R. Hoc Sacramentum, prout gratiam confert, non consistere in copula, sed in consensu animorum.*

Ob. III. In matrimonio sæpe deest materia, forma, & intentio; ergo &c. Prob. ant. Sæpe enim contrahitur solo nubentium consensu absque ullo signo externo, sæpe nutu absque verbis, & sine intentione faciendi, quod facit Ecclesia. Deinde ejus substantia immutata est irritatis clandestinis, & consanguinitatis conjugii; ergo &c.

R. ad I. neg. ant. *Materia* enim matrimonii sunt actus contrahentium. *Forma* vero sunt verba legitimi ministri cum intentione &c. Ad alterum R. Romanam Ecclesiam damnando clandestina conjugia, & statuendo impedimenta non immutasse Sacramenti substantiam, sed declarasse quid opus sit, ut contractus sint rati, & personæ legitime contrahant, ut infra explanabimus.

Ob. IV. Matrimonium nullam gratiam producit, cujus sit signum efficax; ergo &c. Prob. ant. I. enim conjunctio Christi cum Ecclesia, sive secundum humanæ naturæ consortium, sive secundum caritatem, matrimonii vi & efficacia non producit. II. Matrimonium non confert nec primam, nec secundam gratiam. Non primam, quia hanc per se conferunt solum baptisimus, & poenitentia. Non secundam, quia ex Apost. 1. ad Cor. 7. *Qui matrimonio virginem suam non jungit, melius facit*. III. A Sacramento & gratia nemo arcendus; sed

Ecclesia a matrimonio arcet sacras virgines, monachos, & ordinatos: ergo &c.

℞. neg. ant. Ad I. prob. ℞. In conjugis, præter conjunctionem Christi cum Ecclesia, externo ritu connubii significari conjunctionem animorum in caritate, & hanc esse Sacramentalem gratiam conjugibus vi Sacramenti collatam, ut si liberis procreandis dent operam, id non faciant *subjungente libidine*, ut susceptos filios imbuant optimis institutionibus &c. Ad II. neg. ant. Ad prob. ℞. Apostolum ibi conferre statum conjugalem cum virginali. Non ait tamen per matrimonii Sacramentum gratiam non conferri, validiusque præsidium, ne conjugatus sub onere multiplici gravatus succumbat. Ad III. dist. min. Arcet defectu gratiæ Sacramentalis, neg. ob impedimenta, quæ præfert ut est naturæ officium, conc. Aliunde clerici, & virgines hisce impedimentis soluti ea gratia non egent, quæ ad onera matrimonii ferenda conferitur.

Quæres: Quondam matrimonium in ratione Sacramenti fuerit a Christo institutum? ℞. Probabilem esse admodum plurimum Theologorum ac PP. sententiam, qui cum Cyrillo docent, in Cana Galilææ nuptias fuisse sanctificatas, præstitutam gratiam nascituris, & aditum ad hanc vitam cælesti benedictione suffultum: quam sententiam tuentur etiam Tournelys, Piette, alique recentiores. Non desunt tamen, qui cum Frid. Gavardi putant hoc Sacramentum institutum, cum Christus Matt. 19: ait: *Quod Deus conjunxit &c.* Verum ex his verbis nil aliud inferitur, nisi Christum Dominum sublata polygamia abrogasse repudii consuetudinem, conjugia revocando ad arctum illud vinculum, quod habent ex primæva Dei institutione.

### C A P U T III.

*De materia proxima hujus Sacramenti, idest de matrimoniali contractu.*

**M**ateria remota hujus Sacramenti sunt personæ diversi sexus, nullisque impedimentis obstrictæ, quæ tradunt sibi invicem corporum potestatem, sive hæc eadem potestas mutuamque dominium. Materia proxima sunt actus contrahentium, seu contractus legitimus, quo per mutuam consensum exterius manifestatum jus in propria corpora transferunt. Quod Sylvius explicat comparatione Sacramenti Pœnitentiæ, in quo personæ suscipientes Sacramentum actibus suis exterius expressis materiam exhibent Sacramento. De materia pro-

proxima ( nam de remotè infra erit sermo ) plura quæri so-  
lent, quæ nos breviter expendemus. Sit ergo

PROPOSITIO I. Non spectat ad matrimonii substantiam, ut  
conjuges post mutuo carnaliter cognoscant.

Prob. I. Nam ex Decreto Eug. IV. matrimonium sit tam-  
quam causa efficiente *per mutuum consensum* verbis de præsen-  
ti expressum; & ex Trid. sess. 14. aliud est matrimonium *ra-  
tum*, aliud *consummatum*; atqui illud firmum est, licet conju-  
ges se mutuo non tangerent; ergo &c. Unde Valdensis inter er-  
rores Wiclefi recenset oppositam sententiam. II. Possunt  
conjuges post initum matrimonium unanimiter castitatem vo-  
vere, qua de re S. P. A. ep. 45. nunc 127. Armeniario &  
Paulinæ gratulatur, qui id unanimiter præstiterunt. Et de Bo-  
rio conjug. c. 25. ait: *Qui pari consensu continentiam Deo vo-  
verunt, sciunt sibi mercedis amplius deberi, quam conjugalis  
castitas poscit*. III. Idem confirmatur exemplis Ss. Valeriani  
& Cæcilie, Juliani Antiocheni & Basilissæ, Henrici II. &  
Cunegundis, nec non B. V. Mariæ & S. Josephi: de quo  
plura S. P. A. l. 4. adv. Jul. c. 12. ubi hæreticum refellit,  
qui conabatur ostendere, quia concubitus defuit, nullo modo fuisse  
conjugium. IV. Accedit ratio I. Non dissolvitur conjugium  
inter senes, qui effæta ætate non possunt, quod poterant ju-  
niores. II. Fuit matrimonium inter Adam & Evam, ante-  
quam istam ille cognosceret. III. Dominium ab usu, & pote-  
stas ab actu separatur; ergo &c.

PROPOSITIO II. Ut validus sit contractus matrimonialis,  
non est necessaria consensus in carnale commercium.

Prob. I. Nam inter B. M. & Joseph verum intercessit ma-  
trimonium, licet B. V. M. voto absoluto virginitatis sese ob-  
strinxisset; sed cum hoc voto nequit consistere consensus in  
carnalem concubitum; ergo &c. Prob. major, quoad votum  
absolutum B. V. ex Aug. qui l. de S. Virginit. c. 4. illud evin-  
ci ait ex verbis, quæ sibi factum annuntians angelo Maria red-  
didit: *Quomodo fiet istud &c. Quod profecto non diceret, nisi  
Deo virginem se ante vovisset*. Quæ verba Mariæ ad angelum  
ita eleganter expressit Sannazarus de partu Virg. l. 1. *Mene  
attactus perferre viriles posse putas? cui vel nitentis matris ab  
alvo, protinus inconvulsam & ineluctabile votum virginitas fuit  
una, nec est cur fœdera rumpam*. Hoc vero Virginis votum  
non fuisse ea conditione expressum, e. g. *Nisi Deus aliter jus-  
serit*, licet hoc probabiliter censuerint Magister, S. Thomas  
&c. prob. I. Tunc enim locum non habuisset admiratio Vir-  
ginis, imo ex tali nuncio percepiisset Deum aliter jubere. II.  
Hæc conditio est superflua, & in omni voto includitur. III.  
Votum B. V. M. perfectissimum fuit, & in exemplum aliis

virginibus propositum, sed tale est votum absolutum, utpote magis firmum & tenax; ergo &c.

IV. Anselmus l. de Excell. Virg. c. 4. docet, B. V. perpetua virginitate se Deo consecrassse, & certissime credidisse, se nunquam virum esse cognituram. Addit S. Bonaventura, certam quoque extitisse de B. Josephi continentia; nil ergo obstat, quin votum absolutum emiserit. Emissum autem hoc votum a B. V. ante desponsationem expresse traditur ab Augustino l. de S. Virg. c. 4. ubi ait: *Desponsata est viro iusto, non violenter ablaturus, sed potius custodituro, quod illa jam voverat*. Quæ sententia, quam propugnant Scotus, S. Bonaventura, Estius, & Sylvius, confirmatur, propterea quod B. V. M. votum jam emiserat, quando illis angelus conceptum partum nunciavit, tunc autem S. Joseph mysterii infcius, nondum virginitatem voverat, uxoremque duxerat, ut prolem ex ea susciperet, quam spem deposuit, quando revelante angelo, B. Virginem Spiritus S. virtute fecundatam cognovit. Hinc Hieronymus ait: *Conveniendi desiderium uteri conceptione sublatum est*. Et S. P. l. 5. contr. Jul. ait: *Non ideo vinculum fidei conjugalis iudicavit esse solvendum, quia spes commiscende carnis ablata est*, non ergo unanimi consensu Maria & Joseph post desponsationem, sed ante sese continentia voto obstrinxere. Si enim Mariæ expectandus fuisset consensus conjugis, non fuisset fixum ejus propositum de virginitate servanda.

Inter Joseph autem & Mariam verum intercessisse conjugium probat S. P. A. l. 1. de Nupt. ex verbis angeli: *Noli timere accipere Mariam conjugem tuam*, dicens: *Conjux vocatur ex prima fide desponsationis, quam concubitu non cognoverat, nec fuerat cogniturus*. II. Idem confirmat S. D. ex quo: *Propter fidele conjugium parentes Christi vocari ambo meruerunt, & non solum illa mater, verum etiam ille pater ejus, sicut conjux matris ejus; utrumque mente, non carne*. Neque enim mentitur Evangelium ubi legitur, *Et erant pater ejus, & mater &c.* & alio loco: *Ecce pater tuus &c.* III. Conjugium illud ex Aug. habuit omne nuptiarum bonum. Prolem cognoscimus Dominum Jesum, fidem, quia nullum adulterium, & Sacramentum, quia nullum divortium. Et l. 5. c. 12. contra Jul. asserentem Mariam fuisse conjugem Joseph in hominum opinione, sicut Christus ex Luc. 3. *putabatur filius Joseph*, sic eum urget: *Numquid & angelus secundum opinionem potius, quam secundum veritatem fuerat locuturus, qui ei dixit: Noli timere accipere Mariam conjugem tuam*. Deinde, quid opus erat ut usque ad Joseph generationes perducerentur, si non ea veritate factum est, quæ in conjugio sexus virilis excellit? IV. accedunt rationes, quas profert Hieronymus adv. Helvidium, l.

Ut per genealogiam Joseph origo quoque Mariæ monstraretur. 2. Ne ut adultera lapidaretur. 3. Ut in Ægyptum fugiens haberet solarium. Quartam addit Ignatius M. in ep. ad Ephes. Ut paritas ejus celaretur diabolo; ergo &c. Vide auctorem.

Prob. II. ratione Theologica I. Si quis mulieri juramento sponderit infra biennium nubere, postea vero privata legē ductus statuerit ad religionem migrare, is potest contrahere, ut impleat juramentum, & postea, si elegerit, ad religionem transeat, ex c. *Commissum* de Sponsalibus l. 4. Decr. tit. 1. sed in eo nequit esse consensus in carnale commercium; ergo &c.

II. Sufficit ad matrimonium conjunctio duorum sexus diversi, per quam ineant individuum vitæ consuetudinem: *Matrimonium enim non facit coitus, sed voluntas, & ideo non solvit illud separatio corporis, sed separatio voluntatis. Non defloratio virginittis facit conjugium, sed pactio conjugalis.* Ita canones a Gratiano collecti 27. q. 2. Et S. P. A. l. de Bono conjug. c. 11 ait, quod in utroque sexu potest esse absque commixtione concubitus, alterius regentis, alterius obsequentis amicitabilis quedam, & germana conjunctio, quod probat exemplo senescentium, & B. V. & S. Josephi, de quibus supra. III. Dominium ac potestas in corpus alterius, quæ requiritur in matrimonio, separari potest ab usu, quod constat in senibus, & in iis, qui post connubii jura statuunt coelibem vitam ducere, sed rerum, quæ separantur, una intendi potest sine altera; ergo possunt conjuges invicem transferre dominium sui corporis, licet nolint, nec intendant exercitium. Vide Auctorem.

Ob. I. Inter Mariam & Joseph verum non fuit matrimonium; ergo ineptum est primum hujus sententiæ momentum. Prob. ant. I. enim inverisimile est virum aut mulierem alio sine nupsisse, quam gignendi causa, præsertim vigente veteri lege, ex qua maledicti erant non suscitantes semen in Israel. II. Joseph, cum invenisset Mariam habentem in utero, ex Matth. 1. *Voluit occulte dimittere eam*, sed hoc fieri non poterat absque libello repudii; ergo Maria non habebatur vera uxor. III. Epiphanius Hær. 78. de B. Virgine ait: *Videbatur uxor, & non erat.* Et Hieronymus refellens Helvidium dicentem, virginem, si viro desponsata fuit, quandoque nupturam, negat id contigisse: additque esse scripturarum consuetudinem, ut sponsæ appellentur uxores; ergo sponsam esse fatetur B. V. negat esse uxorem. Item S. P. serm. 17. de Temp. ait: *Concepit virgo antequam sponsum haberet, parit antequam nubat.* Et Gregorius hom. 27. in Evang. l. 2. de Joseph ait: *Ad ejus*, nempe B. V. M. *nuptias non pervenit.* IV. Joseph in Evangelio dicitur



citur Christi pater, quia *putabatur*, non quia *erat*; ergo a pari. V. In matrimonio B. V. & S. Joseph fuit bonum conjugii, & proles de Spiritu S. sed hoc deest in connubiis initis cum continentia proposito; ergo &c.

R. ad I. neg. ant. Ad I. prob. neg. ant. Id enim inverisimile non est in iis, quos conjunxit caritas ad redemptionis mysterium exequendum vinculo animorum, non autem ad gi-guendos filios carnis copulavit consuetudo legis corporum commixtione. In lege autem fecunditas non præceptum erat, sed promissio, & suscitare prolem ad eos solum spectabant, quorum fratres absque liberis defuncti essent uxore superflite. Ad II. dist. min. Et libellus ille dabatur uxoribus, quas viri haberent exosas, ut cum aliis inirent conjugium, conc. secus, neg. Joseph ergo nec virginem oderat, nec ei ut alteri nuberet permisit unquam, sed voluit occulte dimittere eam: forte quia sortam videns, & causam ignorans, & aliunde ejus pudicitiam perspectam habens, prudentissima judicavit non esse traducendam ut adulteram, & se ab ea separandum, ne aliqua dedecoris nota sibi obveniret.

Ad III. dist. ant. cum ipso Epiphanio. Non erat, quatenus cum eo nullam habuit corporis copulationem; nec rem habuerunt nuptiarum, ut ait Hieron. conc. nullo modo, neg. Eodem modo exponendi sunt Gregorius, & August. Ad IV. dist. ant. Non fuit Christi pater per carnis concubitus, conc. per copulationem conjugii, neg. Cum Lucas narret, ait S. P. A. de Consen. Ev. c. 1. *non ex concubitu Joseph, sed ex M. V. natum Christum, unde eum patrem ejus appellat, nisi quia & virum Mariæ recte intelligimus sine commixtione carnis, ipsa copulatione conjugii; & ob hoc etiam Christi patrem multo conjunctius, qui ex ejus conjugio natus sit, quam si esset aliunde adoptatus.* Ad V. R. prolem esse conjugii bonum spectans ad finem secundarium.

Ob. II. S. P. A. l. 19. contr. Faust. c. 26. ait: *Matrimonium ex hoc appellatum est, quod debeat femina nubere, ut mater fiat.* Ex c. *Institutum* 27. qu. 2. num. 23. habetur: *Mulierem non pertinere ad matrimonium, cum qua docetur non fuisse commixtio sexus.* II. In ea commixtione consistit ratio Sacramenti, ut inferitur ex Eph. 5. ex c. *Cum societas*, excerpto ex ep. S. Leonis ad Rullicum, ubi habetur: *Præter commixtionem sexus non habere nuptias conjunctionis Christi & Ecclesie Sacramentum.* III. Ad substantiam Sacramenti spectat mutua potestas in corpora, sed hæc est commentitia secluso actu conjugii, ut est venditio domus hac pactione: *Modo ea nunquam utaris*, alias etiam eunuchi possent nubere, & valeret matrimonium ea pactione: *Duco te in meam, si prolis conceptionem*

*evites*. Tandem sacrae virgines nubere possunt, quod c. *Voventibus* 17. q. 1. *damnabile* dicitur; ergo &c.

R. ad I. Augustinum ibi refellere Manichæos, qui aiebant, uxorem non ad matrimonii fidem, sed ad concupiscentie crimen habendam esse; ex ipso ergo matrimonii vocabulo ostendit S. D. gignendi, non explendæ libidinis causa nubendum esse. In cap. vero *Institutum* verba illa sunt Gratiani, non Augustini, ut notatum est in emendatione Decreti. Ad II. R. Verba S. Leonis loco cit. ita se habere: *Cum societas nuptiarum ita ab initio constituta sit, ut præter sexuum conjunctionem, haberet in se Christi & Ecclesiæ Sacramentum, dubium non est eam mulierem non pertinere ad matrimonium, in qua non docetur nuptiale mysterium*, quibus verbis ostendit S. Leo non omnem mulierem viro junctam esse uxorem, nisi publicis nuptiis sit honestata.

Ad III. neg. min. De qua vide prob. 3. Ad allata exempla R. primum non esse ad rem, cum ex matrimonio, etiam seclusa prole, plura habeantur emolumenta, nempe vinculum caritatis, qua se conjuges mutuo fovent, & solantur; communio bonorum, domus regimen &c. Nec secundum; nam spadones ex impotentia dominium suorum corporum transferre nequeunt. Nec tertium, quia licet liberum sit conjugibus dare operam liberis procreandis, liberum tamen non est postquam in concubitum consensere. Non quartum, virgines enim nedum a commixtione, sed etiam a vinculo conjugii abstinere voverunt; ergo &c.

PROPOSITIO III. Licet, communiter loquendo, peccent filii nubentes invitis parentibus, tamen valide contrahunt.

Dixi *communiter loquendo*. Nam, filius iustis de causis, ut si mulierem matrimonii promissione vitiaisset, aut haberet cum ea stupri consuetudinem, licite nuberet etiam repugnante patre, secus si id præstaret sine legitima causa, & ut propriæ tantum libidini indulgeret. Prob. I. pars. Ex c. *Honorantur* 32. q. 2. ubi habetur: *Consultitur puella non de sponsalibus, nam illa iudicium expectat parentum, non est enim virginalis pudoris eligere maritum. Unde illud Euripideon: Sponsalium meorum pater meus curam subibit: hoc enim non est meum*. II. Fieri potest, ut iussio parentum nedum honestatem commodumque familiæ, sed etiam Dei cultum spectet, ut cum Jacob filio suo Isaac iussit, ne uxorem acciperet de filiabus Chanan, sed ex genere Laban; ergo eis parendum est.

Prob. II. pars. Ex cap. *Sufficiat* 27. q. 2. in quo ex verbis Nicol. I. ad Consulta Bulgar. definitur, ad matrimonium sufficere solum illorum consensum, de quorum conjunctionibus agitur, & Trid. sess. 24. c. 1. damnat eos, qui falso affirmant,

*matrimonia a filiis familias sine parentum consensu contracta irrita esse, & parentes ea rata, vel irrita facere posse: Accedunt rationes ipsius Trid. Syn. apud Pallav. l. 22. c. 4. I. est: non potest tolli filiis familias innata libertas, cum in iis, quæ ad statum capeffendum spectant, filii patribus sint pares, nec iis subjiciantur. II. A juvene e patria absente parentis assensus haberi nequit; ergo si prohiberetur uxorem ducere, in continuo periculo incontinentiæ versaretur. III. Apost. 1. Cor. 7. ait: Si se non continent, nubant, nec subjicit: Nubant post talem ætatem, & si parentes consenserint; ergo &c. IV. Divini juris est, ut homo relinquat patrem & matrem, & adhæreat uxori suæ, non autem ut a ducenda uxore abstinere, ne se jungatur a patre & matre. V. In usu Sacramentorum locus non est paternæ potestati ex c. Cum causa, imo nec heri dominio, ex c. Dignum est. VI. Ex D. Thoma nequeunt filii ad matrimonium compelli; ergo nec ab eo prohiberi.*

*Ob. I. Ad Coloss. 3. habetur: Filii obedite parentibus per omnia; ergo &c. II. Cap. Nostrates 30. q. 5. nuptiæ celebrantur consensu eorum, qui contrahunt, & eorum, in quorum potestate sunt. Idem consensus requiritur ex Cap. Placuit 36. q. 2. n. 2. Et ex c. Videtur eo seculo consensu, secundum leges, nullum est matrimonium. III. Definitio Trid. adversus solemnem postulationem oratorum Gallorum edita est. IV. Talia matrimonia vetantur nedum a Theodosio, Valentiniano, & Justiniano Imper. sed etiam ab Henrico II. & III. Galliarum Regibus, Carolo V. & Philippo IV. ergo &c.*

*℞. ad I. dist. ant. In iis, quæ patriam potestatem non excedunt, conc. fecus, neg. Porro in iis, quæ spectant electionem status filii sunt sui juris, unde si iusta patrum iussa non sequantur, illicitum quidem erit, non tamen invalidum Sacramentum. Ad II. ℞. laudatos canones accipiendos esse de honestate, non de necessitate, ut habet Glossa ad cap. Sufficiat. Et cap. Nostrates ait quidem Nicolaus nuptialia fœdera celebrari parentum consensu, non ait tamen esse irrita, si absque tali consensu celebrentur. At in cap. Videtur R. Pont. leges civiles intelligit, non canonicas. Vide Sylvium art. 6. q. 47. Suppl. ad 4. Ad III. ℞. Postulatum illud non fuisse absolutum, sed ut adhiberetur certus annorum numerus, quo exacto, si filius non fuisset matrimonio junctus, fas illi esset per se ipsum uxorem ducere; ergo parentum consensus non spectat ad substantiam contractus matrimonii.*

*Ad IV. neg. conf. Non enim quarimus, an ea matrimonia sint licita, sed an sint valida. Ipsum enim Trid. Concilium, licet definiat matrimonia ista rata esse & legitima, subjicit tamen, illa semper Ecclesiam detestatam fuisse, cum ex iis*

*injala*

mala plurima oriantur, quæ parochi contrahentibus significare debent, nisi gravis ratio urgeat oppositum. Civiles itaque leges, & Principum statuta, ad hæc mala avertenda, & reverentiam servandam parentibus debitam, & publicam honestatem lata sunt, & valent, *quoad civiles effectus, non quoad conjugii firmitatem*, jure naturæ, & Ecclesiæ definitionibus stabilitam. Unde ait Van-Espen, leges principum Ecclesiæ sanctiones adjuvare. Hinc Carolus V. statuit anno 1548. *Audiendi non sunt ii, qui volunt ut dissolvantur matrimonia contracta a filiis familias, ubi non adsit assensus parentum. Nihil hic a nobis detrahitur obedientiæ filiorum debite patribus, sed nolumus ut patres abutantur potestate sua in prepediendis matrimoniis.*

Quæres: an parentes possint hac de re filios exheredare? R. Soto, aliique non posse, ubi id non statuunt leges regni, aut provinciæ. Ubi vero vigent leges istæ, posse quidem, sed monendos, ne ob libertatem matrimonii, quam jura longe æquiora permittant, in filios suos durius, quam exigat paternus amor, se gerant.

PROPOSITIO IV. Matrimonium inter absentes initum, si serventur præscriptæ conditiones, validum est, saltem ratione contractus.

Enumerantur conditiones istæ a Bonifacio VIII. in 6. Decret. l. 1. tit. 19. cap. *Procurator*. I. Est ut procurator ad id mandatum habeat speciale. II. Ut alium deputare nequeat, nisi id ei commissum sit. III. Ut mandatum non sit revocatum. IV. Post Tridentinum requiritur ut matrimonium contrahatur coram paroco, & testibus, coram quibus literæ legantur. Quibus positis Prop. probatur: nam huic matrimonio nihil deest, quoad contractus validitatem, cum adsit contrahentium consensus, nec desit conditio ulla naturali, aut humano jure adjecta; ergo &c. Diximus: *In ratione contractus*; nam *in ratione Sacramenti*, plures scholastici, ut Cajetanus, Victoria, Canus, Sylvius, Vanroy &c. tunc perfici putant, quando principales contrahentes consensum per procuratores præstitum innovant coram paroco, & is profert verba: *Ego vos in matrimonium conjungo*. Non desunt tamen qui putant, omne matrimonium validum in ratione contractus inter fideles esse Sacramentum, & sacerdotis verba esse ceremonialia; qua de re infra erit sermo.

## CAPUT IV.

*De quibusdam spectantibus ad matrimonii contractum.*

**P**utarunt nonnulli sufficere ad matrimonium contrahendum consensum exterioribus verbis expressum, absque interiori animo,

animo, sed non apparenti, atque occulta simulatione, Contra quos fit

PROPOSITIO I. Irritum est matrimonium absque intentione, atque occulta simulatione contractum.

Prob. I. Ex ipso vocabulo consensus, quod actum interiore rem significat, unde commune estiatum: *Matrimonium non coitus facit, sed voluntas*, ut habetur 27. qu. 2. num. 1. II. Innoc. III. Cap. *Tue Fraternitati* ait, matrimonium in veritate contrahi per legitimum viri & mulieris consensum, sed necessaria esse, quoad Ecclesiam, verba consensum de presenti exprimentia: ubi aperte verba exteriora ab interno consensu discernuntur. III. Idem Innoc. cap. *Tua nos* irritum declaravit conjugium viri, qui suum nomen simulavit; *Eo quod non vocaretur hoc nomine, nec haberet propositum contrahendi, sed copulam tantum exequendi carnalem, quoniam dolus affuit, & desuit consensus, sine quo cetera nequeunt factus perficere conjugale.*

IV. Idem statuit Clemens VIII. de nobili foemina, licet viro liberos peperisset. Vide hac de re Comitolum, Poncium &c. V. S. Thom. in 4. dist. 27. q. 1. ait: *Expressio verborum sine interiori consensu matrimonium non facit.* Eadem habet D. Bonaventura, aliique. VI. Omnis contractus est actus humanus; ergo non fit sine voluntatis consensu. Hac tamen intelligenda sunt de foro interno, nam quoad externum, cum Ecclesia de internis iudicium ferat, prout signis externis patefiunt, ubi hac adfint, putari debet adesse consensum.

Ob. I. Magister in 4. dist. 27. ait, matrimonium contrahi, si sponsi verbis explicant, quod tamen corde non volunt. II. Non desunt Theologi clariff. qui negant ad perficiendam Sacramenta opus esse intentione interna. III. Est etiam Juris proloquium: *Fraus, & dolus nemini debet patrocinari*, sed patrocinaretur in eo, qui simulate cum muliere contraheret, ut ea impune frueretur; ergo &c. IV. Verba externa sufficiunt ad detrahendum; ergo etiam ad contrahendum. V. Nisi hac matrimonia valida essent, possent conjugia quæque dissolvi, subortis enim inter conjuges diffidiis, ut sæpe fit, diceret quisque se invitum consensisse in conjugium; ergo &c.

R. ad I. Magistrum refelli ex iis, quæ infra subjicit §. *Quod autem consensus eadem distinct.* 27. ubi ex Patribus, & sacris canonibus ostenditur, solo voluntatis consensu contrahi matrimonium. Ad II. R. Eam sententiam a nobis esse refutatam c. 16. l. 30. Ceterum differt consensus ex natura rei ad contractum necessarius ab interna intentione ex institutione Christi ad Sacramentum requisita. Ad III. neg. min. Ille enim, præter maximum crimen, tenetur ad ducendam mulierem,

rem, quam decepit. Ad IV. neg. conf. & paritatem. Nam sola verba per se famam lædunt, sed per se non efficiunt animi consensionem. Ad V. neg. sequelam. Non possunt enim matrimonia dissolvi, nisi iudicio Ecclesiæ, quæ, ubi verba præcessere, præsumit adfuisse consensum, de quo moralem habet certitudinem: eo modo, quo vota religiosorum, licet in foro conscientiæ sine intentione facta sint, rata, & legitime emissa censentur.

PROPOSITIO II. Qui simulate matrimonium contraxit cum fœmina tenetur illam ducere, ac filios tamquam legitimos habere.

Prob. 1. pars. Nam eo sensu dolus ac fraus deceptoris minime patrocinator, quatenus in utroque foro tenetur ad eam ducendam, quam decepit, in foro nempe externo propter verborum significationem, in interno autem propter damnum & injuriam, qua deceptam affecit; ergo &c. II. Simulator æquitatem violavit; ergo ad satisfactionem tenetur, nempe simulatione deposita sincero animo eam ducens, quam improbe fœellit, innovando utriusque consensum, cum prior fuerit nullus. Vide Vanroy de Contr. Matrim. c. 3. q. 9. Nota simulatorum teneri, ut supra, nisi forte cum alia postea contraxerit, aut ipsa quoque fœmina virum ita deceperit, ut injuria injuriæ possit compensari.

Prob. II. pars. Dummodo enim matrimonium bona fide contractum fuerit ab uno ex conjugibus alterius fraudem ignorante, nec clandestine, sed in facie Ecclesiæ initum sit, hoc matrimonium, quod putativum appellatur, non asserre filiis præjudicium docent Jureconsulti omnes in 5. Decr. tit. 17. n. 2. cap. *Cum inter*, ubi Alex. III. definit, filios conceptos a parentibus, qui publice, & sine contradictione Ecclesiæ contraxere, licet postea matrimonium solvatur; tamen legitimos habendos esse. Eadem habentur cap. *Ex tenore* tit. 17. n. 14. Ex ratio est, quia in eo matrimonio in facie Ecclesiæ contracto præsumitur bona fides. Idem statuunt etiam leges civiles. Dummodo filii concepti fuerint, ante conjugii solutionem. Imo nec hæreditate privari possunt, etiam si mater de adulterio accusata, spurios eos esse fateatur. Tanta enim est matrimonii dignitas, ut semel in Ecclesia bona fide contractum, quotquot non separatis conjugibus filii nascuntur, proprii & legitimi censeantur. Vide Basilium Poncium l. 2. de Matrim. Gonzalez tit. 17. l. 4. decr. &c.

Quæres: quibus verbis exprimi debeat consensus matrimonialis? R. *Verbis*, ut canones & Theologi ajunt, *de presenti*, quibus uterque contrahentium declaret, se nunc in conjugium & translationem potestatis, in corpus suum assentiri.

Hoc

Hoc enim interest inter sponsalia, & matrimonium, quod illa sint futurarum nuptiarum, promissio; matrimonium vero est ipsa maris, & foeminae conjunctio. In mutis autem, surdisque, juxta cap. *Cum apud sedem* ib. n. 23. pro verbis nutus sufficiunt: nam *quod verbis non possunt*, signis declarare possunt, ibidem n. 23.

## C A P U T V.

*De impedimentis matrimonii, & ad quem spectet illa statuere, atque in iis dispensare?*

**P**Ræter Lutherum, & Calvinum, Marcus Antonius de Dominis fuisse scripsit, nullam inesse Ecclesiæ facultatem conditiones & causas apponendi, propter quas aliqui nequeant matrimonium contrahere, ex quo penes eos matrimonium sit civilis contractus, adeoque causæ ad ipsum spectantes non sint a spiritalibus iudiciis pertractandæ. Hanc hæreticam doctrinam proscripsit Trid. Synodus can. 4. sess. 24. his verbis: *Si quis dixerit; Ecclesiam non potuisse constituere impedimenta matrimonii dirimentia, vel in iis constituendis errasse, anathema sit.* Ubi perperam contendit Laurojus Ecclesiæ nomine comprehendere regum personam, & per Ecclesiam induci impedimenta, quæ inducuntur per reges. Inquirendum ergo quid hac in re potestas Ecclesiæ, & quid principum valeat auctoritas. Sit itaque

PROPOSITIO I. Potest princeps sæcularis constituere impedimenta matrimonii, prout est civilis contractus.

Prob. I. Potest enim princeps leges ferre, quæ ad reipublicæ bonum conducunt, atqui tales sunt contractus civiles omnes; ergo &c. II. Per matrimonium, prout est civilis contractus, conjuges potestatem suorum corporum sibi tradunt, at princeps potest leges ferre, ut contractus, quibus dominium transfertur, fieri non valeant, nisi sub certa forma, & a certis personis, ut patet in pluribus contractibus venditionis & alienationis, in quibus nonnulli redduntur ad contrahendum inhabiles; ergo &c. III. Plures sunt leges Imperatorum *de sponsalibus*, & *de ritu nuptiarum*, quas legere est l. 23. Digestorum; ergo &c.

Ob. I. Contractus matrimonii sunt juris naturæ; ergo &c. R. dist. ant. Sunt juris naturæ, quoad aliqua, conc. quoad omnia, neg. Quod enim actus hujusmodi sint voluntarii, nec per vim fiant, nec coacte, & sint de re justa, lege naturæ institutum est. Quod vero fiant coram testibus, post pubertatem, & ab iis, qui votorum vinculis non sunt obstricti, id a temporum & locorum circumstantiis repetitur. Primum  
imma-

immutabile est, alterum mutabile, & principum auctoritati subijcitur: estque firmissimum, si naturæ legibus non adversetur, & reipublicæ utilitatem promoveat.

PROPOSITIO II. Statuere impedimenta matrimonii, prout est Sacramentum, spectat ad auctoritatem Ecclesiæ.

Ita Tridentinum cit. can. 4. & longe ante Conc. Senon. c. 17. Prob. 1. ex 2. Corinth. 6. *Nolite jugum ducere cum infidelibus*. Quæ verba comparans Hieronymus cum iis, quæ extant 1. Corinth. 7. ubi mulier infidelis, cum viro fidei habitare finitur, ait: *Ignoscere Apostolum infidelium, mulierum, conjunctioni, quæ habentes maritum postea crediderunt; non vero iis, quæ cum Christianæ essent, nupservnt gentilibus*. Et infra ait: *Quod Christianæ non liceat omnino ethnico nubere*. Id etiam probat S. D. exemplo Abraham, qui adjuravit servum in favore suo, unde Christus nasciturus erat, ne filio Isaac uxorem adduceret alienigenam, ex 1. Esdræ 10. v. 30. & Malach. 2. v. 2. habetur: *Contaminavit Judas sanctificationem Domini, & habuit filiam Dei alieni*, sed hoc est impedimentum, quod dicitur: *Cultus disparitas*; ergo &c. II. Prob. ex PP. Tertullianus de Corona c. 13. ait: *Non nabamus ethnicis, ne nos ad idololatryiam usque deducant*. Idem fuse tradit l. 2. ad Uxorem. S. P. A. l. 15. de C. D. c. 16. ait: *Quis dubitet hoc tempore etiam consobrinarum prohibita esse conjugia?* quæ tamen antiquis Rom. legibus ex Cassiod. l. 7. legitima habebantur, eaque reprobati S. D. ait a cœlesti civitate ob pudicitiam conjugalem.

Prob. III. ex antiqua Ecclesiæ consuetudine. Siricius enim Papa in ep. ad Himerium vetuit, ne monachi, aut sacræ virgines nubant, cum id Ecclesiastica jura condemnent. Innoc. I. sententiam protulit, quoad ligamen, de conjugio viri, cujus prior uxor de captivitate rediit. Leo M. ep. 92. ad Rust. definiit, episcopos & presbyteros, qui cum essent laici duxerunt uxorem, debere ab operibus nuptiarum cessare, non autem repudiare conjugium. Greg. M. l. 11. ep. indict. 4. ep. 64. declaravit, tertia vel quarta generatione connubia fidelium licenter jungi, a secunda omnino abstinendum, nec non a noverca, & cognata. Idem canones præstitere. Sæculo IV. Synodus Eliber. an. 315. statuit, can. 15. & 16. ne Christianæ virgines gentilibus & hæreticis nuberent, nisi ad catholicam fidem venirent. Ancyra ann. 314. can. 11. irritat matrimonium cum puellis a viro raptis. Neocæsareen. eodem an. can. 1. confirmavit impedimentum ordinis. Chalcedonen. an. 451. vetat can. 16. monacho, & sacræ virgini nubere. Agathen. an. 506. can. 61. plures consanguinitatis gradus assignavit. Lateran. IV. ann. 1215. impedimenta consanguinitatis intra quartum gradum coarctavit. Trid. sess. 24. cap. 1. de Refor. de-

cla-



claravit nulla, & irrita matrimonia clandestina, quæ antea rata fuere.

IV. Confirmatur ex Jure Can. quod ante Tridentinam, nedium plura impedimenta constituit, sed etiam causas natalium ad forum Ecclesiasticum spectare decrevit. Cap. *Tuam* de Ord. cogn. n. 3. Neminem prætextu consanguinitatis posse propriam uxorem abjicere, donec episcopi causam examinauerint, cap. *Multorum*, & alia complura statuerunt. V. Nec dici potest, Ecclesiam jus istud sibi arrogasse violata principum jurisdictione: constat enim ex supradictis jus illud antiquissimum, & principum approbationibus, factis, legibusque firmatum. Vigilius enim Rom. Pontifex ann. 540. separationem indixit Theodeberto Francorum Regi a vidua fratris sui, quam uxorem duxerat. Leo III. irritavit conjugium Henrici I. Castellæ regis cum filia regis Lusitanæ ob consanguinitatis impedimentum. Greg. V. nullum pronuntiavit matrimonium Roberti Regis Franciæ & Bertæ illius consanguineæ. Idem præstitit Clemens VIII. cum Henrico IV., quem adiegit ut Margaretam dimitteret, cum qua contraxerat post repudiij sententiam a iudicibus Ecclesiasticis pronuntiatam; ergo &c.

VI. Principes ipsi statuentes aliquid spectans ad matrimonii causas, illud Ecclesiastico juri subiectum, & ad hujus normam servandum affirmarunt. Nam Chilpericus in Capitul. editis an. 595. art. 2. iussit incestas nuptias juxta episcoporum sanctiones emendari: & ex Greg. Turon. l. 5. c. 18. adversus Prætextatum exposulavit, quod contra statuta canonum Merovechum cum amita sua conjunxisset. Carlomanus etiam in congressu Liptinen. c. 3. præcepit, ut *adulteria & incesta emendantur episcoporum judicio*. Eadem statuit Carolus M. ex l. 5. Capitul. n. 5. Quod quidem exemplo firmavit abjiciens post sententiam episcoporum Bertam Regis Longobardorum filiam: *Eò quod esset ad prolem inhabilis*, nec nisi post divortium factum sacerdos SS. judicio Hildegardæ nupsit. Cor præterea Gallorum oratores tanto æstu postularunt, ut clandestina conjugia prohiberentur in Ecclesiæ senatu, si ad Ecclesiasticos iudices non pertinebant? Tandem post Trid. Henricus IV. & Lud. XIII. declararunt in matrimoniis servanda esse, quæ a Conciliis præscripta sunt; ergo &c.

VII. Accedunt rationes. I. Matrimonium ordinatur ad bonum Ecclesiæ, ut nupti fidelium plebem generatione multiplicent. Sed ex D. Thoma in 4. adv. Gent. c. 78. *Quod ad bonum Ecclesiæ ordinatur, oportet quod subiaceat regimini Ecclesiastico*; ergo &c. II. Quæ juris sunt naturalis, prout ad Dei cultum referuntur, subiciuntur legibus Ecclesiasticis, quæ  
modum

modum cultus præscribunt, e. g. an Deus sacrificiis; an tali observatione festorum, rituumque decencia colendus sit. Sed matrimonium, licet jure naturæ institutum, tamen ob generationem Christianæ plebis, ob caritatis vinculum &c. ad Dei cultum & religionem spectat; ergo &c. Ita noster Gavardi. Ecclesia irritas reddit leges civiles magistratuum circa matrimoniales contractus. Abrogavit enim; ex cap. *Cum secundum Apostolum* de secundis nuptiis, infamiam, qua lege Cæsarianæ afficiebantur viduæ infra annum iterum nubentes. Ex adverso leges circa matrimonium ab Ecclesia latæ a sæculari principe abrogari nequeunt; ergo &c.

PROPOSITIO III. Ubi dicimus ad Ecclesiam spectare causas matrimoniales, Ecclesiæ nomine non veniunt principes sæculares.

Sequitur ex dictis. Et probatur. Nam quæ constitutionibus Rom. PP. & episcoporum judicio statuuntur, ab Ecclesia decernuntur, prout potestatem habent a sæculari distinctam; sed quæ spectant ad matrimonium, decernuntur Rom. PP. & episcoporum judicio; ergo &c. II. Tridentini canones editi sunt aduersus Novatores, asserentes, non posse in gradu consanguinitatis aliud statui, quam quæ extant c. 18. Levit. Id-eoque immerito legibus Ecclesiæ vetitum esse, ne inter se nubant consobrini &c. sed Ecclesiæ nomine accipiunt hæretici hierarchiam sacerdotum; ergo idem intellexit S. Synodus, III. Reges num. 6. Prop. præced. laudati hac de re confugere ad Pontificium tribunal, quod etiam præstitit, antequam a fide deficeret, Henricus VIII. cum veller repudiare Catharismam, & matrimonium inire cum Anna Bolena, missis ea de re ad Clem. VII. Stephano Gradinero, & Franc. Briano, ut ab eo hanc facultatem extorquerent; ergo &c.

Ob. I. Nequit Ecclesia immutare *materiam* Sacramentorum, sed talis est contractus civilis; ergo &c. R. neg. conf. Ecclesia enim non immutavit materiam hujus Sacramenti, neque constituit pro ea rem aliquam, præter contractum legitimum, sed tantum definiit qualis contractus in his circumstantiis legitimus habendus sit.

Ob. II. Si Ecclesia facultatem habet statuendi hæc impedimenta, eadem quoque inducere poterunt principes sæculares. I. enim, cum ex prop. I. matrimonium sit contractus civilis, & ad reipublicæ utilitatem referatur, subijci debet juri principum, quorum curæ politicum regimen commissum est, eoque exui non possunt lege ulla Ecclesiastica, cum ab imperii auctoritate jus illud sit indivisum. II. Ecclesia laudavit plurimas leges principum, & servandas mandavit. Nam Theodosii lex vetans inter consobrinos connubia laudatur ab Ambrosio.

brofio. Alias leges vetantes inter confanguineos matrimonia laudant Siricius, Leo M. Nicolaus I. &c. ergo &c. III. Pri-  
mis Ecclefie ſæculis poterant hæc impedimenta præſcribere fi-  
delibus æque ac infidelibus ſibi ſubditis principes idololatræ,  
qui ob diverſam ſubditorum religionem jus ſuum non amitte-  
bant; ergo debent jure ipſo frui Chriſtiani principes, qui ob  
fidem, quam tenent, ſua jurisdictione ſpoliandi non ſunt.  
IV. Galliarum reges irritarunt matrimonia a filiis familias  
abſque patrum conſenſu contracta, nec non a viris, forminis-  
que regii ſanguinis; quæ adverſantur Trident. decretis; er-  
go &c.

¶. Huic argumento, quod non exigui momenti eſt, non  
una eſt Theologorum reſponſio. Quidam, ut Soto, Victoria,  
Gerbeſius, du-Hamel, Gamachæus, Le Droiat, Tournely  
&c. ajunt etiam principibus in impedimentis matrimonii ſta-  
tuendi jus eſſe ſuum, & in conjugii ſuas habere partes jus  
naturale, civile, atque Eccleſiaſticum: quod probant ex D.  
Thoma in 4. diſt. 34. ubi ait: *Matrimonium, in quantum eſt*  
*in officium nature, ſtatuitur lege nature; in quantum eſt Sacra-*  
*mentum ſtatuitur lege divina: in quantum eſt in officium com-*  
*munitatis, ſtatuitur lege civili.* Alii putant præteritis ſæculis  
jura principum circa cauſas matrimoniales in ſua vi ſteriſſe,  
ſed poſtea Eccleſie definitionibus fuiſſe abrogata, eo quod Pon-  
tifices ea ſibi reſervarint. Ita Sanchez l. 7. de Matrim. diſp.  
3. Et quidem Eccleſiam poſterioribus tantum ſæculis nactam  
eſſe poteſtatem ſtatuendi impedimenta matrimonii, quam ſibi  
dudum arrogaverant Imperatores, eo quod matrimonium ſit  
etiam civilis contractus, docent etiam Lupus, & Van-Eſpen,  
qui tamen non ajunt, principibus ab Eccleſia ademptum jus  
priſtinum, quod nequit probari.

Alii putant, ſæculares principes nullam habere poteſtatem  
in iis, quæ ſpectant ad viaculum matrimonii, & nexum con-  
tractus, nec circa ejus impedimenta, aut ea, quæ inde ne-  
ceſſario conſequuntur, ut ſunt firmitas conjugii, proliſ con-  
ditio, divortium &c. & quæ pendent a ratione contractus,  
aut ſacramenti: ſeculari autem judicio relinquì accessoria, &  
extrinſeca, quæ ſpectant ſolum ad civilem ſocietatem, ut cau-  
ſæ dotis, hæreditatis &c. Ita Bellarminus, Poncius, & Jure-  
conſulti plurimi, quos laudat, & ſequitur Gonzalez in 2. De-  
cretal. tit. 10. c. 3. Idque prob. I. Quia contractus legitimus  
matrimonii apud fideles nequit ſeparari a ratione Sacramenti,  
ſed de his ſpectat ad ſolam Eccleſiam judicium ferre; ergo  
&c. II. Eſt Sacramentum non foret matrimonium, ad con-  
ſcientiam tamen ſpectaret; ergo &c.

III. Chriſtus ipſe de repudio, & divortio judicium protu-  
lit.

lit; Apostolus de conjugio inter fidelem, & infidelem. Concilia ac Rom. PP. sæpe in causis hujusmodi sententiam tulerunt; ergo &c. Hæc Bellarminus, qui hanc responsionem vindicat a Kemnitii effugiis. IV. Licet contractus matrimonialis in se spectatus subjiciatur principibus sæcularibus, postquam tamen ad rationem Sacramenti evectus est, ad Ecclesiam refertur, ut ordinis Sacramento initiatus, & res Deo sacra e dominio laicorum subtrahuntur. Ita noster Poncius. V. Hinc Honorius III. cap. *Tuam* de Ord. cognit. ait: *Causam natalium* spectare ad solum forum Ecclesiasticum, causam vero successionis ad politicum. VI. Si princeps statueret impedimentum dirimens, etiam quoad contractum & vinculum, puta si irritaret conjugium invitis parentibus contractum, quod ratum habet Ecclesia, tunc validum hoc esset lege Ecclesiastica, invalidum lege civili, sed hoc est absurdum, quidquid censeat Tournelyus; sic enim posset princeps separare, quos Deus & Ecclesia junxit, si matrimonium hoc posset dissolvere, sin minus, vana essent impedimenta a se constituta; ergo &c. Nec dicas cum Tournelyo, nil tale timendum ex Christianorum principum religione ac pietate. Quid enim, si principes sprete Ecclesiæ auctoritate jus suum exercerent? ergo &c.

Quamvis hæc sententia vetior sit, quibusdam tamen exceptionibus circumscribi debet, quæis facile objectio expeditur. Prima est, principes, ut juris naturalis custodes, & civilis legis auctores, posse illa impedimenta statuere, quæ juri naturæ sunt consentanea, & ad politicum regimen spectant in omnibus conjugiiis politicis, quæ Sacramenta non sunt, ut conjugia infidelium: eaque impedimenta etiam a fidelibus servanda esse, & ab Ecclesia probanda, cum Christi religio juri naturali, & civili non opponatur, sed utrumque perficiat. Secunda est: quod in conjugiiis fidelium, quæ sunt Sacramenta, non debet sese immiscere sæcularis potestas, nisi in rebus accessoriis, ut sunt causæ hæreditatis, & dotis. Tertia est, leges Christianorum principum utiliter constitui, nedum in iis, quæ spectant ad matrimonium, sed etiam in iis, quæ Deum cultum respiciunt, & sacerdotium. Hoc tamen fieri Ecclesia annuente, ut facilius Ecclesiastica statuta promoveantur, ut l. 20. c. 16. prop. 2. dictum est.

Id vero probat objectio præcedens. Nam leges Imperatorum Christianorum latæ sunt ad jura Ecclesiastica promovenda ipsi pastoribus probantibus, leges vero ethnicorum nullam sacramenti rationem habuere, iisque pro legum æquitate, & ratione temporum Ecclesia obtemperavit. Notandum tamen, olim apud ethnicos nuptiarum & adoptionis causas ad eorum pontifices spectasse ex Dione Cassio, Tacito,

Tullio, & A. Gellio. Hinc Tacitus l. 12. Annal. temporum injuriæ adscribit, quod senatus post Claudii cum Agrippina connubium, inter patruos, & fratrum filias permiserit matrimonium. Spectabant ex adverso quæstiones hæreditatis ad prætorem. Vide Grævium to. 5. Antiq. R. p. 86. De legibus Gallorum, quoad conjugia inita invitis parentibus, dictum cap. præc. prop. 3. Leges aliæ circa matrimonia regii sanguinis, vel peculiari indulto sedis Apostolicæ latæ sunt, vel vim habent solum, quoad hæreditatem, & successionem.

Ob. ult. Leges matrimonii constituit Deus in Levitico; ergo &c. R. neg. conf. Plura enim præscripta sunt in veteri lege, quæ nullam vim habent in Evangelio. II. Non vetuit ibi Deus plura addi in posterum impedimenta, quæ revera statuta esse ostendit Seldenus in *Uxore hebraica*. III. Christus Ecclesiæ contulit, quoad ritus & Sacramenta, amplissimam potestatem; ergo &c.

PROPOSITIO IV. Dispensare in impedimentis matrimonii ad Ecclesiam spectat, quæ urgentibus tantum causis dispensare debet.

Prob. I. pars. Ex Trid. sess. 24. c. 3. ubi ait: *Si quis dixerit, non posse Ecclesiam in nonnullis (consanguinitatis & affinitatis gradibus) dispensare, aut constituere, ut plures impediant & dirimant, anathema sit*. Prob. II. ratione, necesse est enim, ut dispensatio fiat ab iis, qui habent jurisdictionem, sed hæc convenit Ecclesiæ; ergo &c. Ubi nota I. Ecclesiam dispensare non posse impedimenta, quæ jure naturæ, & divino positivo constituta sunt, e. g. circa validum matrimonium, vel impotentiam, sed solum in iis, quæ jure Ecclesiastico fuerunt inducta. Hinc Trid. PP. apposuerunt in cit. can. *In nonnullis illorum*.

II. potestatem dispensandi esse in Romano Pontifice, quamvis aliqua, vel ex consuetudine, vel ex Rom. Pont. permissione ab episcopis dispensari queant. Prob. II. pars. Ex Trid. sess. 24. c. 5. ubi legitur: *bi matrimoniis, vel nulla detur dispensatio, vel raro, idque ex causa concedatur. In secundo gradu nunquam dispensetur, nisi inter magnos principes, & ob publicam causam*. Accedit ratio à Trid. producta: id enim adiutum cuique aperiret ad leges violandas. Causæ autem dispensationis sunt 1. discordiæ perniciosæ sedatio. 2. Incompetentia dotis. 3. Angustia loci. 4. Infamiæ aut scandali periculum. 5. Illustris familiæ conservatio. 6. Meritum singulare petentis in Ecclesiam. 7. Ætas puellæ annum 24. excedens, & ideo remanens innupta &c. De quibus plura Barbosa, Fagnanus &c.

## CAPUT VI.

*De nonnullis ad impedimenta matrimonii spectantibus.*

**N**OT. Matrimonii impedimenta alia esse *dirimentia*, alia *impedientia*; illa matrimonium irritant, hæc impediunt, & faciunt, ne inculpate, & sine crimine celebretur. Impedimenta dirimentia sunt 14. hisce versibus comprehensa.

*Error, conditio, votum, cognatio, crimen,  
Cultus disparitas, vis, ordo, ligamen, honestas,  
Si sis affinis, si clandestinus, & impos,  
Si mulier sit rapta, loco nec reddita tuto.*

De quibus breviter distinctis paragraphis differemus.

§. I. De impedimento erroris. Error, ut legitur in Decreto 29. q. 1. *alius est personæ, alius fortunæ, alius conditionis, alius qualitatis*. Error personæ est, quando hic putatur esse Virgilius, & ipse est Plato. Error fortunæ, quando hic putatur dives, & est pauper. Conditionis, quando putatur liber, & est servus. Qualitatis, quando putatur esse bonus, qui malus est. Hæc Gratianus, Error ergo personæ, & conditionis, cum spectet ad matrimonii substantiam, nullum reddit conjugii consensum. Sicut enim qui paciscitur se Titio agrum venditutum, aut empturum auream laminam, illegitimus est contractus, si Cajus Titio, auricalchum auro fraudulenter supponatur, ita dicendum de matrimonii contractu ex cap. *Tua nos*, de Spons. 26. Cum autem consensus jure naturæ requiratur ad matrimonium, ad consensum autem requiratur actus humanus præcognitus liber, & voluntarius, hoc impedimentum irritat matrimonium de jure naturæ. Nec obstat exemplum Jacob, qui deceptus pro Rachele Liam accepit. Nam Jacob inspecta consuetudine primogenitarum, quam errans compresserat, sciens ac lubens complexus est.

Secus tamen de errore fortunæ, & qualitatis dicendum est. Cum enim is non spectet ad contractus matrimonialis substantiam, sed ad accessoria, stat cum tali errore robur contractus, & hinc firmitas connubii non enervatur. Si quis ergo ducat mulierem pauperem, ignobilem, & corruptam, quam divitem, nobilem, & integram putabat, is conjugii vinculo adstringitur, nisi conditionatus fuerit assensus: puta: *dummodo hæc fortuna bona, aut hæc qualitates personæ intersint*: tunc enim error qualitatis in errorem personæ transit. Si tamen de qualitate, ac fortuna in desponsatione actum esset, in conjugio autem ineundo absolute præstaretur consensus, ratum foret connubium, ex Navarro, Poncio, Sylvio &c. quia error qua-

litis non afficeret directe personam, quæ absolute recipere-  
tur in uxorem.

Quæres I. Quid sentiendum sit, si in contrahendo error facti, & scientia juris interfit? puta si contrahentes falso putantes ligari se aliquo impedimento dirimente, e. g. consanguinitatis, quod re nullum sit, ineant connubium, nec ignorent hoc impedimento illud dirimi? R. irritum esse in eo casu matrimonium, consensus enim contrahentium, cum sit actus voluntatis, pendet a iudicio mentis; si ergo mens non iudicet posse firmari conjugia, nec poterunt firmari deliberato legitimoque consensu. Valeret tamen cum illo errore facti conjugium, si contrahentes conditionem illam apponerent: *Si possumus, atque impedimentum istud non officit*. Nam consensus conditionatus effectum consequitur; quoties conditio impletur.

Quæres II. Quid sentiendum sit de consensu conditionato? R. S. Thomas q. 47. art. 5. ratum esse connubium, si conditio sit *de præterito*, vel *de præsentī*, ut si vir mulierem ducat hac conditione, *Si dives es, si nobilis, virgo &c.* dummodo ea prædita sit his conditionibus; quia statim dominium corporis sui alteri in alterum transfert. At si sit de futuro, e. g. *Tecum contrabo, si pater assentiatur, si dotem promittat &c.* contractus ante conditionem extantem nullam vim habet. Si autem conditio sit *de impossibili*, aut *de re turpi*, ex. gr. *si assentiatur pater defunctus, si occidas fratrem*; cum hæ conditiones substantiæ matrimonii non adversentur, *pro uno adjectis*, ex iure canonico, *haberi debet*. Si autem inferantur conditiones contra substantiam conjugii, e. g. *Contrabo tecum, si generationem prolis evites, aut si pro questu te adulterandam evadas*, ex cap. *Si conditiones*, contractus nullus est. Illæ autem conditiones censentur adversari substantiæ matrimonii, quæ repugnant tribus ejusdem matrimonii bonis, nempe proli, fidei, & Sacramento.

§. II. De impedimento conditionis. Conditio, de qua hic agimus, est status servitutis, quem alter contrahentium ignorat, ubi nota, olim civili jure servorum conjugia fuisse nulla, tum apud Romanos, cum apud Longobardos, & Gallos. Imo nec inter liberam, & servum Romano jure nuptiæ subsistebant: nam libera, post trinam monitionem Decemviri a servo non se subducens, cogebatur una cum illo venire in domini potestatem. Libertinam quoque ducere vetabantur senatores, & hujus filiarum liberos; nisi ob corporis questum, aut artem ludicram sedassent generis qualitatem. Alicubi tamen, *ut in Græcia, Carthagine, & Apulia*, permixtæ sunt ex Plauto serviles nuptiæ. Inter Christianos autem, licet hi servilis essent

con-

conditionis, non vetantur, sed ratæ sunt nuptiæ, etiam invitis dominis contractæ, ex c. *Dignum est* de Conjug. servorum, nam in Christo Jesu nec Judeus est, nec Grecus, nec servus, nec liber. Hinc Justinianus declaravit legitimum concubium: Si quis ancillam suam sibi sociaverit in matrimonium. Idem statuit Pipinus Gallorum rex, & Compendienfis Synodus an. 576. Cabilonen. an. 812. quæ can. 30. statuit, ut servi, qui etiam diversos habent dominos, in uno conjugio permanentes dominis serviant suis. Nec obstat cit. canone Cabilonenfi, & 40. Basilii ad Amphil. irritas declarari nuptias servorum præter domini sententiam contractas; nam abrogata est prisca illa consuetudo, quæ Christianæ libertati adversabatur.

Debent tamen servi, etiamsi nubant Dominis suis, obtemperare, non tamen invicem separari. Cum conjugii vinculum jure naturali, servitus autem humano jure inducta sit. Quare, si mas longe distet a femina, tenetur, ex Glossa, unus dominus servum suum alteri vendere. Impedimentum autem conditionis tunc intercedit, quando liber ignoranter contrahit cum ancilla, & est quo talem esse novit, nunquam in matrimonium consensit, ex cap. *Dignum est*, & *Ad nostram* de Conjug. serv. n. 1. & 4. Et ratio est, quia is error versatur circa rem spectantem ad matrimonii substantiam: nam libere contrahens putat posse alterum conjugem tradere sibi plenam sui corporis potestatem, quod tamen non potest. Ac præterea officii servilibus a filiis enutriendis, atque instruendis impediri potest, ne non ab uxoris libera consuetudine. Secus dicendum, si ingenuus ancillam ducat, quam talem esse sciebat, vel si ignoranter contrahens, postquam novit ancillam esse, cum ea rem habuit, tunc enim tamquam uxorem retinere debet ex c. *Proposuit* de Conjug. serv. Nec obstat c. *Ancillam*, ubi S. Leo ancillam ab uxore fecernit; loquitur enim S. D. de ancilla fornicaria, non de ea, quæ ducta est in uxorem.

Quæres: an libera sit proles, quæ nascitur ex uno tantum parente servilis conditionis? R. Theologi cum D. Thoma q. 37. Suppl. art. 4. quod *partus sequitur uterum*, & ejusdem est cum matre conditionis.

§. III. De impedimento voti. Votum, de quo hic agimus, est illud, quo quis proponit cœlibem vitam agere oblatione corporis sui Deo facta, & duplex est, *solemne per suspensionem sacri ordinis, aut per professionem factam alicui de religionibus approbatis*; & hoc dirimit matrimonium, ex capitibus. Neque viduas, quæ Christo, Viduas quæ spontaneæ, Si quis sacro 27. q. 1. &c. & ex Trid. sess. 14. c. 9. Simplicia vota sunt ea, quæ, etsi quandoque matrimonium impediant, non tamen rescindere possunt matrimonia post contracta. Ita Bonifacius VIII. in 6.



ex cap. *De voto, & voti redemptione*. Si quæras, an denam inter simplex & solemne votum intersit discrimen, cum utrumque sit promissio Deo facta, ac simplex etiam irritet sponsalia postea ineunda? R. I. Id constare ex Ecclesiæ definitionibus. II. dicimus votum simplex esse ad solemne, sicut sponsalia ad matrimonium de præsentî: in voto simplici intelligi quandam servandæ virginitatis promissionem, in solemni autem consecrationem, & sui corporis cælesti sponso traditionem. Quare, sicut sponsalia de futuro solvantur per sequentia de præsentî, ita vota simplicia, quæ sunt promissio tantum, dirimuntur per contractum matrimonialem de præsentî.

Quæres: an votum solemne religionis dirimat matrimonium *ex sui natura*, an jure tantum Ecclesiastico? R. Non strates cum Basilio Poncio, Vanroy, Gavardi, nec non cl. Jureconsultis, Gonzalez, & Wan-Espen: ex jure Ecclesiastico. I. enim voti solemnitas sola Ecclesiæ constitutione inventa est, ex Bonifacio VIII. loc. cit. II. discrimen illud voti solemnitis & simplicis, quorum unum non alterum conjugia dirimat, primitus inductum videtur ex can. 7. Concilii Rom. an. 1139. III. Can. 16. Chalced. habetur, posse fieri *humanitatem* virgini & monacho, qui, postquam se Deo dedicaverunt, matrimonio jungantur. Alii autem canones hæc matrimonia censuris & pœnitentiæ subijciunt, non tamen irrita declarant. Et S. P. A. de Bon. Vid. improbat sententiam eorum, qui asserbant: *Lapsarum a sancto proposito fœminarum, si nupserint, non esse conjugia*.

At D. Thomas, Bonaventura, Major, Soto &c. censent, solemne votum dirimere ex sui natura matrimonium. Quod probant, ex quo per hoc votum homo abdicaverit a se corporis sui potestate, eamque tradiderit Deo, & ex aliis momentis, quæ collegit Sylvius in art. 2. qu. 53. Suppl. Quidquid sit, putamus nunquam sanctimonialium monachorumque rata fuisse conjugia; si ergo hæc lege Ecclesiastica nulla sunt, vetustissima hæc lex est censenda. Nam Innocentius I. Virginitibus, quæ *nondum sunt sacro velamine testæ*, si nupserint, aliquanto tempore pœnitentiam agendam esse; ergo iis, quæ fuerint hoc velamine testæ, non fuit indultum ut nuberent. Hujusmodi plures alios canones proferit Lupus ad can. 16. Conc. Chalced. At S. P. potest commodè exponi de *voto simplici*. Chalcedonen, autem canon conjugia monachorum, & S. virginum irrita declarat ex Balsamone, Arsenio &c. & facultatem facit episcopis exercendæ in illos *humanitatis*, absolvendo nempe a censuris ob incestas nuptias contractis. Ex prima sententia Rom. Pontificem in voto solemnî dispensare posse

posse facile intelligitur, quia hoc votum lege tantum Ecclesiastica dirimit matrimonium, licet ab eo dispensare posse censeant cl. Theologi, etsi votum esset impedimentum dirimens natura sua, uti dispensare potest in matrimonio rato, non consummato.

§. IV. De impedimento cognationis. Cognatio triplex est, naturalis, legalis, & spiritalis. Naturalis ab Oslensi definitur: *Consanguinitas est vinculum personarum ab eodem stipite descendantium, vel ascendentium carnali propagatione contractum. Stipes, radix, vel truncus, est persona illa, qua consanguinei originem ducunt, aut in quo colligantur, ut respectu duorum filiorum pater, duorum nepotum avus: constituitque vir & uxor, utpote una caro, stipitem unum. In consanguinitate distinguunt canonistæ gradus, seu majorem vel minorem distantiam, qua consanguinei inter se distant. Lineam vero vocant consanguineorum collectionem ordinatam, qua ab uno stipite descendunt, & ad eum referuntur: & duplex est, recta, quarum una est ascendentium, altera descendantium, & transversa, seu collateralis.*

*Recta* est collectio personarum, quarum una ab alia procreatur, estque descendantium, si a stipite progrediatur ad posteros, ascendentium, si ab his ascendatur ad stipitem: transversa est, in qua ambo ab eodem stipite descendunt, & a latere se spectant, ita avus, pater, filius sunt in linea recta, fratres, & sorores, patruelis, consobrini in transversa. In linea recta tot gradibus unus ab alio distat, quot sunt personæ, una dempta: sic pater a filio distat uno gradu, avus a nepote duobus. Idem evenit in transversa æquali, seu quæ utrimque æque distat a stipite, ita duo fratres uno gradu distant, eorum filiis duobus, at in transversa inæquali, in qua ex uno laterum plures, ex altero pauciores personæ numerentur, tot sunt gradus, quot personæ a latere magis distante, dempto stipite: si frater & sororis filius 2. gradu distant, filii autem consobrini, vel patruelis gradu 3. In jure tamen civili non excluditur stipes, ac duo fratres duobus gradibus distant.

Not. Fuerunt olim conubia verita etiam in septimo gradu ex can. 10. Conc. Aurelian. ann. 538. At S. Greg. M. in ep. 64. ad Aug. Angl. episcopum indulgit, ut *tertia, vel quarta generatione fideles jungerentur*. Jam vero in Lateran. c. 50. prohibitio conjugii inter consanguineos ad quartum gradum statuta est.

Quæres: quinam consanguinitatis gradus, jure naturæ dirimat matrimonium: R. I. In primo gradu lineæ rectæ inter patrem & filiam, filium & matrem: quod constat ex communi hominum sensu ac reverentia parentibus debita. Hinc Tertullianus in Apol. c. 9. velut probrorum omnium maxi-

num cenſet, quod nonnulli Perſarum in tam enorme ſcelus prolapſi fuerint. Et Ambroſius ep. 28. ait: *Ne pater filiam ſuam accipiat uxorem interdictum eſt, jure nature*. Id etiam lege civili interdictum eſt ex l. *Nuptie* ff. De ritu nuptiarum nu. 53.

II. Etiam in primo gradu lineæ *transverſe*, ideſt inter fratres, & ſorores videtur matrimonium adverſari juri nature; nam S. P. A. l. 5. C. D. c. 16. perverſas vocat ethnicorum leges, quæ *permittunt fraternæ conjugia*, ut fecerunt Athenienſes, qui probarunt olim connubia fratrum, ex Minucio in Octavio, licet lege Solonis fas eſſet ducere ſolum *germanas uterinas*, at non eodem patre progenitas.

Videtur etiam hoc juris nature impedimentum agnoviſſe Conc. Trid. Statuens enim, in ſecundo gradu non diſpenſandum, niſi inter magnos principes, ſupponit in primo nunquam omnino diſpenſandum. In aliis gradibus nullum eſt impedimentum jure nature: nam ex cap. *Gaudemus* De divortiis n. 8. Innocentius III. definiit, paganis, qui in ſecundo, vel tertio gradu ſibi conjunctas uxores duxerunt, poſt converſionem ſuam poſſe inſimul remanere, eo quod a paganis, qui conſtitutionibus canonicis non arctantur, *matrimonium licite ſit contractum*. In quibus autem gradibus jure divino prohibeantur conjugia eruitur ex c. 18. Lev. & ex ſeq. verſibus: *Nata, ſoror, neptis, matertera, patris & uxor, & parvi conjug, mater, privigna, noverca, uxorique ſoror, privigni nata, nuruſque, atque ſoror patris conjungi lege vetantur*.

Cognatio legalis oritur ex adoptione alienæ perſonæ in filium ab iis facta, qui filiis, aut nepotibus carent. Frigidi & impotentes, qui filios naturaliter procreare non poſſunt, ex 2. ff. *de Adoptione*, adoptare nequeunt. Spadones tamen & in ſacris ordinati, ſi attigerint 25. ætatis annum, poſſunt adoptare. Fœminæ autem ex privilegio tantum principis. Duplex eſt autem adoptio, nempe *arrogatio*, & *ſimplex adoptio*. Prima fit *rogando* adoptatum, an velit in patrem habere adoptantem, & viciffim: quo caſu conſtituitur adoptatus illius hæres, ac ſi naturalis eſſet filius. Simplex adoptio eſt, quæ fit ſine principis reſcripto, & per quam adoptatus tranſit in poteſtatem adoptantis, nec jus ad hæreditatem nanciſcitur, licet *ab inteſtato* fit hæres adoptantis.

Sola autem cognatio *ex arrogatione* dirimit matrimonium ex Silveſtro; Soto, Sanchez, Ledefma, Silvio, aliisque. In cognatione legali, ut in naturali attendendæ ſunt duæ lineæ, *recta*, & *lateralis*: in recta impedit matrimonium uſque ad quartum gradum inter adoptantem & adoptatum, hujusque poſteros; ut docent Eſtius, & Vanſoy. In lineæ *transverſa* eſt im-

impedimentum inter filium adoptatum, & inter filiam naturalem adoptantis, sed adoptione soluta possunt inter illos nuptiæ consistere, ex cap. *Si qua* unico de cognat. legali.

Cognatio spiritalis est, quæ jure Ecclesiastico oritur ex administratione & susceptione duorum Sacramentorum baptismi, & confirmationis. In baptismo ex Trid. contrahitur tantum inter baptizantem & baptizatum, & baptizati matrem, & patrem. Idem de confirmatione dicendum est. Hinc susceptores nullam contrahunt cognationem inter se, & si conjuges sint, & alterius prolem suscipiant, possunt invicem debitum exigere. Baptizatus item, aut confirmatus nullam cognationem contrahit cum suscipientium fratribus, sororibus, & consanguineis.

§. IV. De impedimento criminis. Crimen, quo matrimonium dirimitur, est adulterium, aut homicidium, machinatione facta in necem alterius conjugis, aut fide futuri matrimonii præmissa. Contrahitur hoc impedimentum I. Si vir ei, quam polluit adulterio, fidem dederit uxore sua vivente, quod eam hac demortua ducet in uxorem, ex cap. *Si quis vivente* 31. q. 1. n. 5. II. Si vir cum ea, quam adulterio vitiat, conspiraverit in necem conjugis, sive mortis machinatio adulterium præcesserit, sive fuerit subsequuta, ex cap. *Significasti* eodem titulo. III. Si occisio conjugis ex mutua conspiratione sequatur, licet nullum antea, vel post accesserit adulterium. IV. Si adulter in mortem uxoris conspiraverit, sive fidem dederit eam ducendi, sive non. Secus, si alterius virum casu aut rixa occiderit, non autem ejus uxorem ducendi animo, vel si mortua uxore contrahat cum ea, quam ea viva absque ulla fidei datione cognoverat, dummodo neuter in mortem defunctæ sit machinatus.

§. V. De impedimento disparis cultus. Hoc impedimentum, quod extat inter baptizatum, & non baptizatum, lege Ecclesiastica statutum est. Cum neque naturali, neque divina lege hoc matrimonium irritum censeatur. Constat enim Josephum, Ismaelem, Esau, Esther, Salomonem, Roboamum &c. cum ethnicis, & alienigenis iniisse connubia, quæ irrita, aut nulla fuisse non legimus. Hinc Apost. 1. Cor. 7. præcipit, ut, *si quis frater, aut mulier uxorem habet, vel virum infidelem, & consentit habitare cum illo, non dimittat*. Nam & S. Mater Monica, Patricio a fide alieno nupsit, atque is ex illius consuetudine ad fidem conversus est. Hinc filii ab ea suscepti, quæ ante baptismum fuit uxor, legitimi dicendi sunt, non naturales, aut spurii, & jus habent ad hæreditatem. Verum cum matrimonium in dispari cultu contractum subversionis periculo non careat, ideo hujusmodi conjugia fuisse communi-

brofio. Alias leges vetantes inter confanguineos matrimonia laudant Siricius, Leo M. Nicolaus I. &c. ergo &c. III. Primis Eccleſiæ ſæculis poterant hæc impedimenta præſcribere fidelibus æque ac infidelibus ſibi ſubditis principes idololatræ, qui ob diverſam ſubditorum religionem jus ſuum non amittebant; ergo debent jura ipſo frui Chriſtiani principes, qui ob fidem, quam tenent, ſua jurisdictione ſpoliandi non ſunt. IV. Galliarum reges irritarunt matrimonia a filiis familias abſque patrum conſenſu contracta, nec non a viris, ſœminifque regii ſanguinis; quæ adverſantur Trident. decretis; ergo &c.

R. Huic argumento, quod non exigui momenti eſt, non una eſt Theologorum reſponſio. Quidam, ut Soto, Victoria, Gerbeſius, du-Hamel, Gamachæus, Le Droict, Tournely &c. ajunt etiam principibus in impedimentis matrimonii ſtatuendi jus eſſe ſuum, & in conjugii ſuas habere partes jus naturale, civile, atque Eccleſiaſticum: quod probant ex D. Thoma in 4. diſt. 34. ubi ait: *Matrimonium, in quantum eſt in officium nature, ſtatuitur lege nature; in quantum eſt Sacramentum ſtatuitur lege divina: in quantum eſt in officium communis, ſtatuitur lege civili.* Alii putant præteritis ſæculis jura principum circa cauſas matrimoniales in ſua vi ſteriſſe, ſed poſtea Eccleſiæ definitionibus fuiſſe abrogata, eo quod Pontifices ea ſibi reſervarint. Ita Sanchez l. 7. de Matrim. diſp. 3. Et quidem Eccleſiam poſterioribus tantum ſæculis naſtam eſſe poteſtatem ſtatuendi impedimenta matrimonii, quam ſibi dudum arrogaverant Imperatores, eo quod matrimonium ſit etiam civilis contractus, docent etiam Lupus, & Van-Eſpen, qui tamen non ajunt, principibus ab Eccleſia ademptum jus priſtinum, quod nequit probari.

Alii putant, ſæculares principes nullam habere poteſtatem in iis, quæ ſpectant ad vinculum matrimonii, & nexum contractus, nec circa ejus impedimenta, aut ea, quæ inde neceſſario conſequentur, ut ſunt firmitas conjugii, proliſ conditio, divortium &c. & quæ pendunt a ratione contractus, aut ſacramenti: ſæculari autem judicio relinqui accessoria, & extrinſeca, quæ ſpectant ſolum ad civilem ſocietatem, ut cauſæ dotis, hæreditatis &c. Ita Bellarminus, Poncius, & Jureconſulti plurimi, quos laudat, & ſequitur Gonzalez in 2. Decretal. tit. 10. c. 3. Idque prob. I. Quia contractus legitimus matrimonii apud fideles nequit ſeparari a ratione Sacramenti, ſed de his ſpectat ad ſolam Eccleſiam judicium ferre; ergo &c. II. Eſt Sacramentum non foret matrimonium, ad conſcientiam tamen ſpectaret; ergo &c.

III. Chriſtus ipſe de repudio, & divortio judicium protulit.

lit; Apostolus de conjugio inter fidelem, & infidelem. Concilia ac Rom. PP. sæpe in causis hujusmodi sententiam tulerunt; ergo &c. Hæc Bellarminus, qui hanc responsionem vindicat a Kemnitii effugiis. IV. Licet contractus matrimonialis in se spectatus subjiciatur principibus sæcularibus, postquam tamen ad rationem Sacramenti evectus est, ad Ecclesiam refertur, ut ordinis Sacramento initiatus, & res Deo sacræ & dominio laicorum subtrahuntur. Ita noster Poncius. V. Hinc Honorius III. cap. *Tuam* de Ord. cognit. ait: *Causam natalium* spectare ad solum forum Ecclesiasticum, causam vero successionis ad politicum. VI. Si princeps statueret impedimentum dirimens, etiam quoad contractum & vinculum, puta si irritaret conjugium invitis parentibus contractum, quod ratum habet Ecclesia, tunc validum hoc esset lege Ecclesiastica, invalidum lege civili, sed hoc est absurdum, quidquid censeat Tournelyus; sic enim posset princeps separare, quos Deus & Ecclesia junxit, si matrimonium hoc posset dissolvere, sin minus, vana essent impedimenta a se constituta; ergo &c. Nec dicas cum Tournelyo, nil tale timendum ex Christianorum principum religione ac pietate. Quid enim, si principes sprete Ecclesiæ auctoritate jus suum exercerent? ergo &c.

Quamvis hæc sententia verior sit, quibusdam tamen exceptionibus circumscribi debet, quæ facile objectio expeditur. Prima est, principes, ut juris naturalis custodes, & civilis legis auctores, posse illa impedimenta statuere, quæ juri naturæ sunt consentanea, & ad politicum regimen spectant in omnibus conjugiiis politicis, quæ Sacramenta non sunt, ut conjugia infidelium: eaque impedimenta etiam a fidelibus servanda esse, & ab Ecclesia probanda, cum Christi religio juri naturali, & civili non opponatur, sed utrumque perficiat. Secunda est: quod in conjugiiis fidelium, quæ sunt Sacramenta, non debet sese immiscere sæcularis potestas, nisi in rebus accessoriis, ut sunt causæ hæreditatis, & dotis. Tertia est, leges Christianorum principum utiliter constitui, nedum in iis, quæ spectant ad matrimonium, sed etiam in iis, quæ Deum cultum respiciunt, & sacerdotium. Hoc tamen fieri Ecclesia annuente, ut facilius Ecclesiastica statuta promoveantur, ut l. 20. c. 16. prop. 2. dictum est.

Id vero probat objectio præcedens. Nam leges Imperatorum Christianorum latæ sunt ad jura Ecclesiastica promovenda ipsi pastoribus probantibus, leges vero ethnicorum nullam sacramenti rationem habuere, iisque pro legum æquitate, & ratione temporum Ecclesia obtemperavit. Notandum tamen, olim apud ethnicos nuptiarum & adoptionis causas ad eorum pontifices spectasse ex Dione Cassio, Tacito,

Tullio, & A. Gellio. Hinc Tacitus l. 12. Annal. temporum injuriæ adscribit, quod senatus post Claudii cum Agrippina connubium, inter patruos, & fratrum filias permiserit matrimonium. Spectabant ex adverso quæstiones hæreditatis ad prætorem. Vide Grævium to. 5. Antiq. R. p. 86. De legibus Gallorum, quoad conjugia inita invitis parentibus, dictum cap. præc. prop. 3. Leges aliæ circa matrimonia regii sanguinis, vel peculiari indulto sedis Apostolicæ latæ sunt, vel vim habent solum, quoad hæreditatem, & successionem.

Ob. ult. Leges matrimonii constituit Deus in Levitico; ergo &c. R. neg. conf. Plura enim præscripta sunt in veteri lege, quæ nullam vim habent in Evangelio. II. Non vetuit ibi Deus plura addi in posterum impedimenta, quæ revera statuta esse ostendit Seldenus in *Uxore hebraica*. III. Christus Ecclesiæ contulit, quoad ritus & Sacramenta, amplissimam potestatem; ergo &c.

PROPOSITIO IV. Dispensare in impedimentis matrimonii ad Ecclesiam spectat, quæ urgentibus tantum causis dispensare debet.

Prob. I. pars. Ex Trid. sess. 24. c. 3. ubi ait: *Si quis dixerit, non posse Ecclesiam in nonnullis (consanguinitatis & affinitatis gradibus) dispensare, aut constituere; ut plures impediant & dirimant, anathema sit*. Prob. II. ratione, necesse est enim, ut dispensatio fiat ab iis, qui habent jurisdictionem, sed hæc convenit Ecclesiæ; ergo &c. Ubi nota I. Ecclesiam dispensare non posse impedimenta, quæ jure naturæ, & divino positivo constituta sunt, e. g. circa validum matrimonium, vel impotentiam, sed solum in iis, quæ jure Ecclesiastico fuerunt inducta. Hinc Trid. PP. apposuerunt in cit. can. *In nonnullis illorum*.

II. potestatem dispensandi esse in Romano Pontifice, quamvis aliqua, vel ex consuetudine, vel ex Rom. Pont. permissione ab episcopis dispensari queant. Prob. II. pars. Ex Trid. sess. 24. c. 5. ubi legitur: *In matrimoniis, vel nulla detur dispensatio, vel raro, idque ex causa concedatur. In secundo gradu nunquam dispensetur, nisi inter magnos principes, & ob publicam causam*. Accedit ratio à Trid. producta: id enim adiutum cuique aperirer ad leges violandas. Causæ autem dispensationis sunt 1. discordiæ perniciosæ sedatio. 2. Incompetentia dotis. 3. Angustia loci. 4. Infamiæ aut scandali periculum. 5. Illustriæ familiæ conservatio. 6. Meritum singulare petentis in Ecclesiam. 7. Ætas puellæ annum 24. excedens, & ideo remanens innupta &c. De quibus plura Barbosa, Fagnanus &c.

## CAPUT VI.

*De nonnullis ad impedimenta matrimonii spectantibus.*

**N**OT. Matrimonii impedimenta alia esse *dirimentia*, alia *impedientia*; illa matrimonium irritant, hæc impediunt, & faciunt, ne inculpate, & sine crimine celebretur. Impedimenta dirimentia sunt 14. hisce versibus comprehensa.

*Error, conditio, votum, cognatio, crimen,*

*Cultus disparitas, vis, ordo, ligamen, honestas,*

*Si sis affinis, si clandestinus, & impos,*

*Si mulier sit rapta, loco nec reddita tuto.*

De quibus breviter distinctis paragraphis differemus.

§. I. De impedimento erroris. *Error*, ut legitur in Decreto 29. q. 1. *alius est persone, alius fortunæ, alius conditionis, alius qualitatis. Error persone est, quando hic putatur esse Virgilius, & ipse est Plato. Error fortunæ, quando hic putatur dives, & est pauper. Conditionis, quando putatur liber, & est servus. Qualitatis, quando putatur esse bonus, qui malus est.* Hæc Gratianus. Error ergo personæ, & conditionis, cum spectet ad matrimonii substantiam, nullum reddit conjugii consensum. Sicut enim qui paciscitur se Titio agrum venditurum, aut empturum auream laminam, illegitimus est contractus, si Cajus Titio, auricalchum auro fraudulenter supponatur, ita dicendum de matrimonii contractu ex cap. *Tua nos*, de Spons. 26. Cum autem consensus jure naturæ requiratur ad matrimonium, ad consensum autem requiratur actus humanus præcognitus liber, & voluntarius, hoc impedimentum irritat matrimonium de jure naturæ. Nec obstat exemplum Jacob, qui deceptus pro Rachele Liam accepit. Nam Jacob inspecta consuetudine printogenitarum, quam errans compresserat, sciens ac lubens complexus est.

Secus tamen de errore fortunæ, & qualitatis dicendum est. Cum enim is non spectet ad contractus matrimonialis substantiam, sed ad accessoria, stat cum tali errore robur contractus, & hinc firmitas connubii non enervatur. Si quis ergo ducat mulierem pauperem, ignobilem, & corruptam, quam divitem, nobilem, & integram putabat, is conjugii vinculo adstringitur, nisi conditionatus fuerit assensus: puta: *dummodo hæc fortunæ bona, aut hæc qualitates personæ intersint*: tunc enim error qualitatis in errorem personæ transit. Si tamen de qualitate, ac fortuna in desponsatione actum esset, in conjugio autem ineundo absolute præstatur consensus, ratum foret connubium, ex Navarro, Poncio, Sylvio &c. quia error qua-



litis non afficeret directe personam, quæ absolute recipere-  
tur in uxorem.

Quæres I. Quid sentiendum sit, si in contrahendo error facti, & scientia juris interfit? puta si contrahentes falso putantes ligari se aliquo impedimento dirimente, e. g. consanguinitatis, quod re nullum sit, ineant connubium, nec ignorent hoc impedimento illud dirimi? R. Irritum esse in eo casu matrimonium, consensus enim contrahentium, cum sit actus voluntatis, pendet a iudicio mentis; si ergo mens non iudicet posse firmari conjugia, nec poterunt firmari deliberato legitimoque consensu. Valeret tamen cum illo errore facti conjugium, si contrahentes conditionem illam apponerent: *Si possumus, atque impedimentum istud non officit*. Nam consensus conditionatus effectum consequitur; quoties conditio impletur.

Quæres II. Quid sentiendum sit de consensu conditionato? R. S. Thomas q. 47. art. 5. ratum esse connubium, si conditio sit *de præterito*, vel *de presenti*, ut si vir mulierem ducat hac conditione, *Si dives es, si nobilis, si virgo* &c. dummodo ea prædita sit his conditionibus, quia statim dominium corporis sui alteri in alterum transfert. At si sit de futuro, e. g. *Tecum contrabo, si pater assentiatur, si dotem promittat* &c. contractus ante conditionem extantem nullam vim habet. Si autem conditio sit *de impossibili*, aut *de re turpi*, ex. gr. *si assentiatur pater defunctus, si occidas fratrem*, cum hæ conditiones substantiæ matrimonii non adveniant, *pro uno adjectis*, ex iure canonico, *haberi debet*. Si autem inferantur conditiones contra substantiam conjugii, e. g. *Contrabo tecum, si generationem prolis evites, aut si pro questu te adulterandam evadas*, ex cap. *Si conditiones*, contractus nullus est. Illæ autem conditiones censentur adversari substantiæ matrimonii, quæ repugnant tribus ejusdem matrimonii bonis, nempe proli, fidei, & Sacramento.

§. II. De impedimento conditionis. Conditio, de qua hic agimus, est status servitutis, quem alter contrahentium ignorat; ubi nota, olim civili jure servorum conjugia fuisse nulla; tum apud Romanos, cum apud Longobardos, & Gallos. Imo nec inter liberam, & servum Romano jure nuptiæ subsistebant: nam libera, post trinam monitionem Decemviri a servo non se subducens, covebatur una cum illo venire in domini potestatem. Libertinam quoque ducere vetabantur senatores, & hujus filiarum libertos; nisi ob corporis questum, aut artem ludicram sedassent generis qualitatem. Alicubi tamen, *ut in Græcia, Carthagine, & Apulia*, permissæ sunt ex Plauto serviles nuptiæ. Inter Christianos autem, licet hi servilis essent

con-

conditionis, non verantur, sed ratæ sunt nuptiæ, etiam invititis dominis contractæ, ex c. *Dignum est* de Conjug. servorum, nam in Christo Jesu nec Judeus est, nec Græcus, nec servus, nec liber. Hinc Justinianus declaravit legitimum concubium: *Si quis ancillam suam sibi sociaverit in matrimonium*. Idem statuit Pipinus Gallorum rex, & Compendiensis Synodus an. 576. Cabilonen. an. 812. quæ can. 30. statuit, ut servi, qui etiam diversos habent dominos, in uno conjugio permanentes dominis serviant suis. Nec obstat cit. canone Cabilonensi, & 40. Basilii ad Amphil. irritas declarari nuptias servorum præter domini sententiam contractas; nam abrogata est prisca illa consuetudo, quæ Christianæ libertati adversabatur.

Debent tamen servi, etiamsi nubant Dominis suis, obtemperare, non tamen invicem separari. Cum conjugii vinculum jure naturali, servitus autem humano jure inducta sit. Quare, si mas longe distet a femina, tenetur, ex Glossa, unus dominus servum suum alteri vendere. Impedimentum autem conditionis tunc intercedit, quando liber ignoranter contrahit cum ancilla, & est quo talem esse novit, nunquam in matrimonium consensit, ex cap. *Dignum est*, & *Ad nostram* de Conjug. serv. n. 1. & 4. Et ratio est, quia is error versatur circa rem spectantem ad matrimonii substantiam: nam libere contrahens putat posse alterum conjugem tradere sibi plenam sui corporis potestatem, quod tamen non potest. Ac præterea officii servilibus a filiis enutriendis, atque instruendis impediri potest, ne non ab uxoris libera consuetudine. Secus dicendum, si ingenuus ancillam ducat, quam talem esse sciebat, vel si ignoranter contrahens, postquam novit ancillam esse, cum ea rem habuit, tunc enim tamquam uxorem retinere debet ex c. *Proposuit* de Conjug. serv. Nec obstat c. *Ancillam*, ubi S. Leo ancillam ab uxore secernit; loquitur enim S. D. de ancilla fornicaria, non de ea, quæ ducta est in uxorem.

Quæres: an libera sit proles, quæ nascitur ex uno tantum parente servilis conditionis? R. Theologi cum D. Thoma q. 57. Suppl. art. 4. quod *partus sequitur uterum*, & ejusdem est cum matre conditionis.

§. III. De impedimento voti. Votum, de quo hic agimus, est illud, quo quis proponit cœlibem vitam agere oblatione corporis sui Deo facta, & duplex est, *solemnis per susceptionem sacri ordinis, aut per professionem factam alicui de religionibus approbatis*; & hoc dirimit matrimonium, ex capitibus. Neque viduas, quæ Christo, Viduas quæ spontaneæ, Si quis sacro 27. q. 1. &c. & ex Trid. sess. 14. c. 9. Simplicia vota sunt ea, quæ, etsi quandoque matrimonium impediunt, non tamen rescindere possunt matrimonia post contracta. Ita Bonifacius VIII. in 6.

ex cap. *De voto, & voti redemptione*. Si quæras, undenam inter simplex & solemne votum intersit discrimen, cum utrumque sit promissio Deo facta, ac simplex etiam irritet sponsalia postea ineunda? R. I. Id constare ex Ecclesiæ definitionibus. II. dicimus votum simplex esse ad solemne, sicut sponsalia ad matrimonium de præsentî: in voto simplici intelligi quandam servandæ virginitatis promissionem, in solemni autem consecrationem, & sui corporis cælesti sponso traditionem. Quare, sicut sponsalia de futuro solvantur per sequentia de præsentî, ita vota simplicia, quæ sunt promissio tantum, dirimuntur per contractum matrimonialem de præsentî.

Quæres: an votum solennæ religionis dirimat matrimonium *ex sui natura*, an jure tantum Ecclesiastico? R. Nostrates cum Basilio Poncio, Vanroy, Gavardi, nec non cl. Jureconsultis Gonzalez, & Wan-Espen: ex jure Ecclesiastico. I. enim voti solemnitas sola Ecclesiæ constitutione inventa est, ex Bonifacio VIII. loc. cit. II. discrimen illud voti sollemnis & simplicis, quorum unum non alterum conjugia dirimat, primitus inductum videtur ex can. 7. Concilii Rom. an. 1139. III. Can. 16. Chalced. habetur, posse fieri *humanitatem* virgini & monacho, qui, postquam se Deo dedicaverunt, matrimonio jungantur. Alii autem canones hæc matrimonia censuris & pœnitentiæ subjiciunt, non tamen irrita declarant. Et S. P. A. de Bon. Vid. improbat sententiam eorum, qui asserbant: *Lapsarum a sancto proposito fœminarum, si nupserint, non esse conjugia*.

At D. Thomas, Bonaventura, Major, Soto &c. censent, solemne votum dirimere ex sui natura matrimonium. Quod probant, ex quo per hoc votum homo abdicaverit a se corporis sui potestate, eamque tradiderit Deo, & ex aliis momentis, quæ collegit Sylvius in art. 2. qu. 53. Suppl. Quidquid sit, putamus nunquam sanctimonialium monachorumque rata fuisse conjugia; si ergo hæc lege Ecclesiastica nulla sunt, vetustissima hæc lex est censenda. Nam Innocentius I. Virginitus, quæ *nondum sunt sacro velamine tectæ, si nupserint, aliquanto tempore pœnitentiam agendam esse*; ergo iis, quæ fuerint hoc velamine tectæ, non fuit indultum ut nubèrent. Hujusmodi plures alios canones profert Lupus ad can. 16. Conc. Chalced. At S. P. potest commode exponi de *voto simplici*. Chalcedonen. autem canon conjugia monachorum, & S. virginum irrita declarat ex Balsamone, Arsenio &c. & facultatem facit episcopis exercendæ in illos *humanitatis*, absolvendo nempe a censuris ob incestas nuptias contractis. Ex prima sententia Rom. Pontificem in voto sollemni dispensare posse

posse facile intelligitur, quia hoc votum lege tantum Ecclesiastica dirimit matrimonium, licet ab eo dispensare posse censeant cl. Theologi, etsi votum esset impedimentum dirimens natura sua, uti dispensare potest in matrimonio rato, non consummato.

§. IV. De impedimento cognationis. Cognatio triplex est, naturalis, legalis, & spiritalis. Naturalis ab Ofsiensi definitur: *Consanguinitas est vinculum personarum ab eodem stipite descendendum, vel ascendendum carnali propagatione contractum. Stipes, radix, vel truncus, est persona illa, qua consanguinei originem ducunt, aut in quo colligantur, ut respectu duorum filiorum pater, duorum nepotum avus; constituitque vir & uxor, utpote una caro, stipitem unum. In consanguinitate distinguunt canonistæ gradus, seu majorem vel minorem distantiam, qua consanguinei inter se distant. Lineam vero vocant consanguineorum collectionem ordinatam, qua ab uno stipite descendunt, & ad eum referuntur: & duplex est, recta, quarum una est ascendendum, altera descendendum, & transversa, seu collateralis.*

*Recta* est collectio personarum, quarum una ab alia procreatur, estque descendendum, si a stipite progrediatur ad posteros, ascendendum, si ab his ascendatur ad stipitem: transversa est, in qua ambo ab eodem stipite descendunt, & a latere se spectant, ita avus, pater, filius sunt in linea recta, fratres, & sorores, patruelis, consobrini in transversa. In linea recta tot gradibus unus ab alio distat, quot sunt personæ, una dempta: sic pater a filio distat uno gradu, avus a nepote duobus. Idem evenit in transversa æquali, seu quæ utrimque æque distat a stipite, ita duo fratres uno gradu distant, eorum filiis duobus, at in transversa inæquali, in qua ex uno laterum plures, ex altero pauciores personæ numerentur, tot sunt gradus, quot personæ a latere magis distante, dempto stipite: si frater & sororis filius 2. gradu distant, filii autem consobrini, vel patruelis gradu 3. In jure tamen civili non excluditur stipes, ac duo fratres duobus gradibus distant.

Not. Fuerunt olim connubia verita etiam in septimo gradu ex can. 10. Conc. Aurelian. ann. 538. At S. Greg. M. in ep. 64. ad Aug. Angl. episcopum indulgit, ut *tertia, vel quarta generatione* fideles jungerentur. Jam vero in Lateran. c. 50. prohibitio conjugii inter consanguineos ad quartum gradum statuta est.

Quæres: quinam consanguinitatis gradus, jure naturæ dirimat matrimonium: R. I. In primo gradu lineæ rectæ inter patrem & filiam, filium & matrem: quod constat ex communi hominum sensu ac reverentia parentibus debita. Hinc Tertullianus in Apol. c. 9. velut proborum omnium maxi-

num censet, quod nonnulli Persarum in tam enorme scelus prolapsi fuerint. Et Ambrosius ep. 28. ait: *Ne pater filiam suam accipiat uxorem interdictum est, jure nature.* Id etiam lege civili interdictum est ex l. *Nuptiæ ff. De ritu nuptiarum* nu. 53.

II. Etiam in primo gradu lineæ *transversæ*, idest inter fratres, & sorores videtur matrimonium adversari juri naturæ; nam S. P. A. l. 5. C. D. c. 16. *perverfas* vocat ethnicorum leges, *quæ permittunt fraterna conjugia*, ut fecerunt Athenienses, qui probarunt olim connubia fratrum, ex Minucio in Octavio, licet lege Solonis fas esset ducere solum *germanas uterinas*, at non eodem patre progenitas.

Videtur etiam hoc juris naturæ impedimentum agnovisse Conc. Trid. Statuens enim, in secundo gradu non dispensandum, nisi inter magnos principes, supponit in primo nunquam omnino dispensandum. In aliis gradibus nullum est impedimentum jure naturæ: nam ex cap. *Gaudemus* De divortiis n. 8. Innocentius III. definit, paganos, qui in secundo, vel tertio gradu sibi conjunctas uxores duxerunt, post conversionem suam posse insimul remanere, eo quod a paganis, qui constitutionibus canonicis non arctantur, *matrimonium licite sit contractum.* In quibus autem gradibus jure divino prohibeantur conjugia eruitur ex c. 18. Lev. & ex seq. versibus: *Nata; soror, nepotis, matertera, patris & uxor, & patris conjux, mater, privigna, noverca, uxorisque soror, privigni nata, natusque, atque soror patris conjungi lege vetantur.*

Cognatio legalis oritur ex adoptione alienæ personæ in filium ab iis facta, qui filii, aut nepotibus carent. Frigidi & impotentes, qui filios naturaliter procreare non possunt, ex 2. ff. de *Adoptione*, adoptare nequeunt. Spadones tamen & in sacris ordinati, si attigerint 25. ætatis annum, possunt adoptare. Fœminæ autem ex privilegio tantum principis. Duplex est autem adoptio, nempe *arrogatio*, & *simplex adoptio*. Prima fit *rogando* adoptatum, an velit in patrem habere adoptantem, & vicissim: quo casu constituitur adoptatus illius hæres, ac si naturalis esset filius. Simplex adoptio est, quæ fit sine principis rescripto, & per quam adoptatus transit in potestatem adoptantis, nec jus ad hæreditatem nanciscitur, licet *ab intestato* sit hæres adoptantis.

Sola autem cognatio ex *arrogatione* dirimit matrimonium ex Silvestro; Soto, Sanchez, Ledesma, Silvio, aliisque. In cognatione legali, ut in naturali attendendæ sunt duæ lineæ, *recta*, & *lateralis*: in recta impedit matrimonium usque ad quartum gradum inter adoptantem & adoptatum, hujusque posteror, ut docent Estius, & Vansoy. In linea *transversa* est im-

impedimentum inter filium adoptatum, & inter filiam naturalem adoptantis, sed adoptione soluta possunt inter illos nuptiæ consistere, ex cap. *Si qua* unico de cognat. legali.

Cognatio spiritalis est, quæ jure Ecclesiastico oritur ex administratione & susceptione duorum Sacramentorum baptismi, & confirmationis. In baptismo ex Trid. contrahitur tantum inter baptizantem & baptizatum, & baptizati matrem, & patrem. Idem de confirmatione dicendum est. Hinc susceptores nullam contrahunt cognationem inter se, & si conjuges sint, & alterius prolem suscipiant, possunt invicem debitum exigere. Baptizatus item, aut confirmatus nullam cognationem contrahit cum susipientium fratribus, sororibus, & consanguineis.

§. IV. De impedimento criminis. Crimen, quo matrimonium dirimitur, est adulterium, aut homicidium, machinatione facta in necem alterius conjugis, aut fide futuri matrimonii præmissa. Contrahitur hoc impedimentum I. Si vir ei, quam polluit adulterio, fidem dederit uxore sua vivente, quod eam hæc demortua ducet in uxorem, ex cap. *Si quis vivente* 31. q. 1. n. 5. II. Si vir cum ea, quam adulterio vitiat, conspiraverit in necem conjugis, sive mortis machinatio adulterium præcesserit, sive fuerit subsequuta, ex cap. *Significasti* eodem titulo. III. Si occisio conjugis ex mutua conspiratione sequatur, licet nullum antea, vel post accesserit adulterium. IV. Si adulter in mortem uxoris conspiraverit, sive fidem dederit eam ducendi, sive non. Secus, si alterius virum casu aut rixa occiderit, non autem ejus uxorem ducendi animo, vel si mortua uxore contrahat cum ea, quam ea viva absque ulla fidei datione cognoverat, dummodo neuter in mortem defunctæ sit machinatus.

§. V. De impedimento disparis cultus. Hoc impedimentum, quod extat inter baptizatum, & non baptizatum, lege Ecclesiastica statutum est. Cum neque naturali, neque divina lege hoc matrimonium irritum censeatur. Constat enim Josephum, Ismaelem, Esau, Esther, Salomonem, Roboamum &c. cum ethnicis, & alienigenis iniisse connubia, quæ irrita, aut nulla fuisse non legimus. Hinc Apost. 1. Cor. 7. præcipit, ut, si quis frater, aut mulier uxorem habet, vel virum infidelem, & consentis habitare cum illo, non dimittat. Nam & S. Mater Monica, Patricio a fide alieno nupsit, atque is ex illius consuetudine ad fidem conversus est. Hinc filii ab ea suscepti, quæ ante baptismum fuit uxor, legitimi dicendi sunt, non naturales, aut spurii, & jus habent ad hæreditatem. Verum cum matrimonium in dispari cultu contractum subversionis periculo non careat, ideo hujusmodi conjugia fuisse communi-

tec

ter prohibita, licet aliquando propter gentium conversionem contigisse legantur, docent, ut diximus, Tertullianus, Ambrosius, & Hieronymus. Quo factum est, ut Ecclesia disparitatem cultus inter matrimonii impedimenta recenscat, ut observat S. Thomas q. 59. suppl. art. 1. *Nam si conjuges sint diversæ fidei intentio unius alterius intentioni contraria erit, & ita inter eos non potest esse conveniens matrimonium.* Adde ex Cypriano, & Aug. de Fid. & Op. c. 19. *nihil aliud esse jungere cum infidelibus vincula matrimonii, quam prostituere gentibus membra Christi.*

§. VI. De impedimento violentiæ, seu coactionis. Vis & coactio etiam jure canonico & naturali matrimonium dirimit. Jure canonico ex Tolet. III. ann. 589. can. 10. ex Hormisda, & Urbano apud Ivonem p. 8. c. 23. & 24. Accedit Trident. sess. 24. cap. 9. ubi vetat sub excommunicationis pœna ipso facto incurrenda *omnibus cujuscumque gradus existant*, ne aliquem cogant, quo minus libere contrahat matrimonium. Quod naturali etiam jure firmatur, Nam conjugium facit plene liber assensus, is autem deest, si vi aut metu extorqueatur contractus. Sed quia *inter vim & vim differentia est*, ut ait Innocentius III. cap. *De muliere* de Spons. num. 6. oportet distinguere violentiam, qua extrinsecus impellente aliquis movetur retinens omnino & invitus, & violentiam alteram, qua metu incusso aliquis eligit, quod secluso metu illo non eligeret. Prima violentia, utpote sejuncta ab omni deliberatione, omnem consensum excludit. Secunda autem tunc dirimit matrimonium, quando est metus cadens in virum constantem, non vero si levis sit.

Metus cadens in virum constantem est ille, quo vir, ut gravius malum evadat, e. g. mortem, mutilationem, exilium, levius malum amplectitur, ut solutionem pecuniæ &c. Metus levis est, cum ob minimum incommodum vir imbecillis præbet assensum, prior metus, non posterior, impedit matrimonium. Censetur tamen metus gravis etiam ille pavor puellarum, quæ cum parentes habeant austeros, illorum jussu & comminatione eligunt nuptias, a quibus abhorrent.

Perfistit quidem in iis, quæ ex metu fiunt, ratio liberi & voluntarii, ast in contractibus ad humanam societatem institutis hæc a legibus addita est conditio, ut sint nulli, si terroribus, & minis fiant. In contractibus autem matrimonialibus adest ratio quædam peculiaris, ob quam irriti esse debent, si sint violenter extorti: cum conjugium sit conjunctio perpetua, retineatque individuum consuetudinem, neque actionem ullam admitteret, semel ac esset legitimus, & ex se ratus.

Hinc

Hinc canones statuunt, ut ubi timetur ne puellæ violentia inferatur, tuto honestoque loco detineatur: ut improbetur stipulatio contractus, in quo pœna imponitur parti contravenienti: ut mulier, quæ se nupturam juravit, & postea servare renuat quod juravit, moneatur quidem, sed non cogatur. Si tamen uxores reclamant, se nunquam in matrimonium consensisse, viri autem legitime probent oppositum, ad implendum juramentum nuptiarum, quod libere præstitere, omnino teneantur ex cap. *Consultationi* De sponsalibus & matr. Licet autem vis & coactio matrimonium impediatur, si tamen post violentiam intercedat consensus, aut cohabitatio spontanea excludat probationem coactionis, juxta cap. *De muliere &c.* conjugium per vim contractum convalescit: secus, si invita contrahatur, & se cognosci non sinat, ex cap. *Veniens* De sponsalibus.

§. VII. De impedimento ordinis, ligaminis, & honestatis. Minores ordines matrimonium non impediunt, nisi forte ratione voti & religiosæ professionis, ut docent Greg. M. & Humbertus, & constat ex praxi Ecclesiæ. Impediunt ergo ordines sacri, inter quos comprehenditur etiam subdiaconatus, ut definit Alexander III. in 4. Decr. tit. 6. Imo Clerici ipsi Græcorum nequeunt matrimonio jungi post subdiaconatum ex can. 6. Trull. Hinc Trid. sess. 24. can. 9. ait: *Si quis dixerit, clericos in sacris ordinibus constitutos, vel regulares castitatem solemniter professos, posse matrimonium contrahere, contrariumque validum esse, non obstante lege Ecclesiastica, anathema sit.* Græci autem, quibus ante sacros ordines uxorem unam, & virginem ducere permissum est, si post sacram ordinationem, defuncta uxore, aliam ducant, vel si non habeant, ducere præsumant, ex Const. Bened. XIV. *Et si pastoralis*, puniuntur excommunicatione latæ sententiæ & ab ordine statim deponendi sunt. Tenentur etiam, ex eadem Constit. saltem per triduum, ab uxoribus abstinere ante sacrum.

Impedimentum ligaminis est matrimonium cum alia uxore antecederet contractum. De hoc ait Hieronymus: *Una cocta in unam uxorem versa est. Et erunt, inquit, duo in carne una, non tres, neque quatuor.* Ubi nota I. matrimonium, quo aliud dirimitur, esse matrimonium ratum, per verba de presenti, nam sponsalia de futuro solvuntur per sponsalia de presenti: II. Matrimonium ratum nullum reddere subsequens matrimonium etiam carnali copula consummatum. III. Mulieres viris junctæ rursus contrahere prohibentur, donec certum quicquid de illorum morte recipiant, ex cap. *In presentia* De sponsalibus.

Impedimentum publicæ honestatis oritur ex sponsalibus, & matri-



matrimonio *rato*, non consummato: & ita dicitur, quia Ecclesia inhonestum putat nubere cum sponsæ vel uxoris suæ, etsi non cognita, consanguineis. Hoc impedimentum nullum est si sponsalia non sint valida, si autem valida sint, ex Trid. primum gradum non excedit. Persistit autem hoc impedimentum, licet sponsalia mutuo consensu solvantur, ut definit ann. 1658. Cong. Concil. idque etiam post mortem sponsi, vel sponsæ; impedimentum enim semel contractum solius Ecclesiæ auctoritate dissolvitur. Hoc impedimentum, si contrahatur ob matrimonium ratum, usque ad quartum gradum extenditur, ut definit S. Pius V. ann. 1568. definitio ergo Trid. spectat solum sponsalia de futuro. Cumque Trid. nihil innovarit circa impedimentum ex matrimonio rato, sive ex sponsalibus de præsen- ti sequitur induci impedimentum hoc, licet matrimonium ratum nullum sit ratione consanguinitatis, affinitatis, impotentiae &c. *Dummodo non sit nullum defectu consensus*, ex e. unico *Ex sponsalibus* in 6. l. 4. tit. 1. Vide Vanroy c. 4. q. 9.

§. VIII. De impedimento affinitatis. Affinitas est propinquitatis orta ex viri mulierisque consummato concubitu, sive licito, sive illicito. Contrahitur inter virum, & consanguineos mulieris, & vicissim, non autem inter consanguineos utriusque: nam *affinitas*, ex communi effato, *non parit affinitatem*. Nec fratres, vel sorores unius conjugis affines fiunt fratribus, aut sororum alterius. Neque affinitas sequitur, nisi sequatur concubitus. Hinc obscœne puellam urgere absque effectu carnali, carnale vinculum non infert. Requiritur etiam ut concubitus iste sit naturalis ex cap. *Extraordinario* 35. q. 3. num. 2. Affinitas lineas, & gradus habet, ut consanguinitas. Tanta ergo erit distantia *affinitatis* inter virum, & consanguineos mulieris, quanta est consanguinitatis distantia inter mulierem, ejusque consanguineos. Sic in linea recta uxor est affinis in primo gradu cum socero, sive patre mariti, in secundo cum avo, & sic deinceps. In linea autem laterali primus gradus affinitatis est uxoris cum fratre, aut sorore viri, secundus cum viri nepote vel nepte. Affinitas olim usque ad septimum gradum impedi-ebat, at ex Trid. c. 4. sess. 24. ad eos tantum restringitur affinitas ex fornicatione contracta, qui in primo & secundo gradu junguntur. Quæ vero ex honesto concubitu & matrimonio provenit, usque ad quartum. Si vir cognoscat sororem uxoris suæ, aut hujus filiam, nequit petere debitum, secus si commiscuit consanguineam uxoris in tertio, vel quarto gradu, quia concubitus illicitus impedit tantum in primo & secundo. Affinitas ergo non solvit matrimonium ratum, cui supervenit, sed impedit contrahendum, licet intersint sponsalia, ipsumque matrimonium dirimit, si ante dispensationem contrahatur.

§. IX. De impedimento impotentia. Hæc est coeundi impotentia. Eaque vel ex naturali causa oritur, vel ex maleficio: atque adesse creditur, ubi id fateretur uterque. Si autem vir asserat, & neget mulier, viro potior fides habenda est, nisi per inspectionem & iudicium vera assertio mulieris comprobetur. Hæc autem impotentia *cobitatione triennii* comprobanda est. Naturalis impotentia ex parte viri adesse dicenda est, si naturæ sit frigida, aut aliis de causis ad actum conjugii censeatur ineptus, dummodo ope medicorum nequeat impotentia illa juvari, ex cap. *Requisti* 32. q. 1. nu. 2. Impotens etiam est spado utroque teste exsectus, qui non prolifico semine potest rem uxoriæ exercere. De hoc plura Sixtus V. Const. 59. *Cum frequenter*. Idem dicendum de pueris ad signandum nondum aptis, ex cap. *Tue nobis* de despons. impub.

Ex parte feminae hoc impedimentum oritur ex *arctatione*, cui nequeat absque corporali periculo mederi, ex c. *Fraternitatis* de Frig. & malef. n. 6. Negant proinde nonnulli, mulierem incisioni cogendam esse. In cit. c. *Fraternitatis* legitur, mulierem adeo arctam, ut a nullo potuerit deflorari, posse per iudicium Ecclesiasticum ab eo sejungi, & alteri nubere, cui arcta non sit: quod non multo ante in nobilissima femina certum est contigisse. Falluntur ergo qui putant nullam dari impotentiam *respectivam*, quæ dirimat matrimonium: quæ sententia, licet vera esse possit de impedimento frigidity, quod ex eventu constat non adfuisse, vel non fuisse perpetuum, vera non est, si loquamur de impedimento *arctationis*, quæ etsi perpetuum non fuerit absolute, perpetuum tamen erat *respectu*, idest relate ad virum, cum quo mulier primum contraxerat, quia is eam nunquam deflorare potuerat.

Verum si hæc impotentia superveniat contracto jam matrimonio, hoc non dirimitur; ex cap. *Si uxorem* 32. q. 5. n. 18. Senes etiam efficta ætate impotentes ad *humanitatis solatium* cum uxoribus morari debent. Maleficium, quo connubia impediuntur, est *fascinatio*, cuius vi conjuges devinciuntur, nec coire valeant, quod Deo permittente arte dæmonum fieri posse dubium non est, cum id dæmonum facultatem non excedat. Hæc autem *perpetua*, ac dirimens conjugium censeatur, si per triennium Ecclesiasticis remediis, oratione, jejuniis &c. sanari nequeat. Vide Auctorem l. 10. cap. 21.

§. X. De raptus impedimento. Raptus est violenta mulieris abductio ad contrahendum cum ea matrimonium, aut ad explendam libidinem. Raptor ergo non est, qui consentiente muliere ipsam a parentibus invitis abducit, ex cap. *Cum causam* De raptoribus. Statuunt hoc impedimentum etiam leges civiles

civiles ex cod. Theodosii l. p. tit. 24. & ex cod. Justiniani eodem tit. Apud Gallos est etiam raptus subornatio puellarum, quæ abique expresso parentum, aut tutorum consensu abducuntur, si 25. annum non attigerint, & raptores capite plebuntur, & excommunicantur. Et cap. *Placuit* decernitur, ut raptores raptas foeminas non habeant uxores, licet inter se conveniant, & parentes assentiantur. Verum Trid. Synodus statuit sess. 24. nullum esse matrimonium, *quandiu ipsa, rapta, manserit in potestate raptoris*, a quo posse alit in uxorem duci, quando *in loco tuto, & libere constituta, illum in virum habere consenserit*; raptorem tamen eo etiam in casu ipso jure esse excommunicatum, non secus ac omnes raptori consilium, & favorem prebentes. Mulierem vero jubet arbitrio judicis decenter a raptoe dotandam, *sive eam duxerit, sive non.*

§. XI. De impedimentis non dirimentibus. Dicuntur vulgo *impedientia*, quia impediunt quidem licite fieri, sed facta matrimonia non dirimunt. Sunt autem his versibus comprehensa: *Ecclesie veritum; necnon tempus feriatum; atque catechismus, crimen, sponsalia, votum.* I. Est Ecclesie inhibitiio: vetare enim potest ne conjugia jungantur iudex Ecclesiasticus pendente lite circa matrimonium, ex cap. *Tua nos* De spons. & parechus, si illi denunciatur aliquod impedimentum, vel huius suspicio oriatur cap. *Cum inhibitiio* ibidem.

Quæres; an matrimonium irritum fiat, si illud veter Rom. Pontifex? R. Si in prohibitionis formula, insit clausula irritans matrimonium, erit nullum, secus, si non adsit: & ita conciliantur canones, qui hac de re videntur oppositi. II. Tempus feriatum est, quo nuptiæ vetantur, *ab adventu Domini, usque in diem Epiphaniæ, & a feria 4. Cinerum usque ad Octavam Paschæ*, ex Trid. sess. 24. Hæretici hoc impedimentum novitatis damnant, & tyrannicæ superstitionis, cum tamen ab anno 364. vel 357. Laodicensi Syn. 52. statuerit: *Quod non oportet in Quadragesima nuptias, vel natalia celebrare.* III. Catechismi nomine intelligitur ceremonia illa, quæ susceptor baptizati infantis responder interrogacionibus, quæ fiunt ante fores Ecclesiæ, & quæ fiebant olim catechumenis: quæ ceremonia contrahitur spiritalis affinitas. IV. Crimen hoc loco est grave scelus, propter quod antiqui canones flagitiosis vetabant contrahere cum quavis persona, licet non conscia criminis. Tale est incestus, raptus alienæ sponsæ, mors illata uxori, vel sacerdoti, aliaque omnia, quæ publicæ poenitentiae subiciebantur: hæc autem sublata sola crimina dirimentia attendi solent, de quibus supra. V. *Sponsalia* faciunt, ut matrimonium cum alia muliere insum, ob promissi violationem, culpa non vacet, licet illud non dirimat ex supradictis.

VI. Votum denique simplex matrimonium impedit, non dirimit, vide paragrahum 3.

## CAPUT VII.

*De clandestinis conjugis.*

NOT. I. Clandestinum dicitur, quod clam peragitur, unde *consilia clandestina* apud Cæsarem l. 7. de Bello Gall. Matrimonium clandestinum est, quod absque forma a Conc. Lateran. IV. præscripta, & confirmata a Trid. sess. 24. c. 1. idest non præmissis proclamationibus, nec præsentem parochum, vel alio sacerdote, & duobus, vel tribus testibus contrahitur. Cum autem ipsa Trid. Synodus declaret, hæc clandestina conjugia, *quandiu Ecclesia ea irrita non fecit*, rata & vera matrimonia fuisse, & aliunde non possit Ecclesia mutare, quæ spectant ad Sacramenti substantiam, idest materiam & formam, queritur, an post illam definitionem sint rata?

Not. II. Ante Trid. Synodum clandestina connubia rata fuisse, eaque a Lateran. Synodo improbata esse, non irrita declarata, imo adhuc valida esse, ubi Trid. Concilium non fuit promulgatum, quia ipsum Conc. declaravit, suam definitionem de clandestinis conjugis suum robur habere post 30. dies, a die primæ publicationis in eadem parochia factæ. Sit ergo

PROPOSITIO I. Licet clandestinæ nuptiæ ante Trid. ratæ fuerint, semper tamen ab Ecclesia sunt improbatæ.

Prob. I. pars I. ex c. 3. libri hujus prop. 2. ubi ostendimus juxta legem naturæ sufficere ad matrimonium contrahendum liberum contrahentium consensum. II. Ex jure canonico, ac præsertim ex capitib. *Matrimonium quidem, Sufficiat, Omnis res 27. q. 2.* III. ex Trid. sess. 24. c. 1. ubi ait: *Dubitandum non est, clandestina matrimonia rata, & vera esse matrimonia, quandiu Ecclesia ea irrita non fecit.* IV. ratione. Congruit enim naturæ, ut unus sponte ac libere conjugem se se tradat alteri, & cum ipso ineat individuum vitæ consuetudinem: reliqua vero ad eam necessitudinem firmandam sunt humani instituti; ergo &c.

Prob. II. pars. Ex cap. *Aliter 23. q. 5.* ubi legitur: *Legitimum non sit conjugium, nisi ab his, qui super ipsam familiam dominationem habere videntur, uxor petatur, a parentibus sponsetur, & a sacerdote benedicatur; aliter vero presumpta, non conjugia, sed adulteria esse non dubitate; nisi voluntas propria suffragaverit, & vota succurrerint legitima.* Quibus verbis, licet non irritentur clandestina conjugia, ut Poncio visum est, ostenditur tamen ea in se inspecta vix distingui ab illegitimis  
contu-

contuberniis, & eandem turpitudinem præferre ad adulteria, licet propria voluntate rata esse queant. Hinc Tertull. de Pudic. c. 4. ait: *Penes nos occulta conjunctiones, idest non prius apud Ecclesiam professæ, juxta maculam & fornicationem judicari periclitantur.* Accedunt canones, leges civiles, quibus clandestina connubia inhihentur. Unde Innocentius III. & Conc. IV. Lateran. illegitimam declaravit sobolem ex clandestinis conjugiiis susceptam; & Trid. c. 1. animadvertit, gravia inde oriri peccata: *Dum in clandestinis nuptiis, priore uxore, cum qua clam contraxere, relicta, cum alia palam contrahunt, & cum ea in perpetuo adulterio vivunt;* ergo &c.

PROPOSITIO II. Potuit Trid. & recte se gessit, hæc irritando connubia, quæ posthac & noxia, & nulla sunt.

Prob. I. pars. I. Licet enim Christus *materiam* hujus Sacramenti constituerit civile contractum, qui jure naturæ exigit liberum contrahentium consensum; non tamen excedit limites auctoritatis Ecclesiasticæ talem formam, conditionemque præscribere, qua non apposita censeantur personæ inhabiles ad contrahendum, nec inde sequitur immutari materiam, nam eadem materia est civilis contractus, de cujus ratione est, ut præter consensum liberum, subjiciatur conditionibus humana lege præscriptis, sine quibus nudus consensus non sufficit. Sed hoc præstitit Tridentinum, præter liberum consensum, præscribens præsentiam parochi, & tæctium, & sine hac conditione declarans personas ad contrahendum inhabiles; ergo &c.

Prob. maj. pluribus exemplis. Nam professio religiosa ante ann. 16. emissæ irrita declaratur, nedum a Trid. PP. sess. 24. sed etiam ex cap. *Ad nostram*, & *significatum est* in 3. Decret. tit. 31. de Regularibus. Nulla etiam Ecclesiastico jure declarantur matrimonia inter consanguineos, licet ea naturæ legi non adversentur. Idem dicendum de peccatis episcopo, aut Rom. Pontifici reservatis. Tandem quod jus naturæ statuit de libero assensu in matrimonio, statuit etiam in aliis contractibus; ex. gr. venditionis, alienationis &c. sed hi jure humano nulli sunt, nisi sub certa forma civili jure præscripta, ergo a pari. II. Contractus civilis ad bonum commune ordinatur, sed hoc subjici debet certis legibus, sine quibus bonum commune læderetur, ut fieret in contractibus a prodigo, vel pupillo factis, qui ea de re abrogantur l. 1. ff. de Curat. furiosi & l. *Pupillus* ff. de regulis juris; & multo magis in clandest. contractibus, quibus ut plurimum læditur fides conjugalit, beneficium prolis, & gratia Sacramenti, ut PP. Trid. demonstrarunt, ex Pall. l. 22. c. 4. ergo &c.

Prob. II. pars ex verbis Trid. supra cit. prob. 2. prop. 1. Deinde

Deinde hæc conjugia esse irrita constat ex his verbis Tridentinæ Synodi: *Qui aliter, quam presente parochio, vel alio sacerdote, & duobus vel tribus testibus; matrimonium contrahere attentabunt, eos sancta Synodus ad sic contrahendum omnino inhabiles reddit, & hujusmodi contractus nullos, & irritos esse decernit, & annullat*, sed in his Ecclesia non excessit, ut constat ex supradictis, cum non semel duo ad contrahendum ineptos declaraverit, puta consanguineos, uxoricidas, affines &c. ergo &c.

Ob. I. decretum illud latum est a Trid. PP. reluctantibus S. R. E. Card. Simoneta, Morono, Madrutio, Patriarcha Jerof. aliisque, teste Pallav. l. 23. c. 9. ergo &c. II. In eo contradictoria enunciantur, nempe clandestina connubia rata & vera fuisse, *quandiu Ecclesia ea irrita non fecit*. Item illa *semper Ecclesiam esse detestatam*. Quid autem absurdius Ecclesiam detestatam esse vera Sacramenta? Hæc Sarpus. III. Hæc conjugia jure naturæ olim rata erant; ergo & nunc, cum jus naturæ immutabile sit. IV. Nequit Ecclesia immutare materiam Sacramentorum; ergo &c. V. Parochi præsentia non fuit semper necessaria ad matrimonii contractum; ergo ea est accidentalis, & adventitia: sed quod tale est, nequit Ecclesia constituere pro essentia Sacramenti, alias posset irritum reddere baptismum &c. ergo &c. VI. ex eo decreto majus emerit incommodum. Ubi enim antea clandestine contrahentes innoxie conveniebant, posthac in perpetua fornicatione versantur; ergo &c.

R. ad I. neg. conf. Nam laudati PP. re melius discussa, in eandem sententiam, ex Pallavicino cit. loco, descenderunt. Ad II. neg. ant. Ad prob. dist. ant. Ecclesia ea matrimonia detestabatur per se, neg. per accidens, & ex hominum pervicacia, quo sensu execramur, quævis Sacramenta sacrilege administrata, aut suscepta, conc. Ad III. neg. conf. Non enim jus naturæ pervertitur, sed perficitur, cum ei humanis legibus apponuntur conditiones ad bonum commune directæ. Vide prop. 2. n. 2.

Ad IV. neg. conf. Nam etiam nunc contractus civilis est hujus Sacramenti materia, neque hæc immutata censenda est, ex quo Ecclesiæ justa de causa quosdam ad contrahendum ineptos declaraverit, ut supra dictum est. Id etiam lege civili statutum est, quoad prodigos, & pupillos. Ad V. R. Non semper quidem necessariam fuisse præsentiam parochi, & testium, sed semper necessarium fuit, ut contractum inirent personæ legitimæ; atqui Ecclesia nunc præsentiam illam exigit, ut personæ legitimæ contrahant, sicut in professione religiosa certum requirit annorum numerum; ergo &c.

Ad VI. neg. ant. Eo enim decreto consuluit S. Synodus vinculo ac fidei maritali, bono legitimæ prolis, & Sacramenti sanctitati. Neque hinc sequitur fornicationi patere aditum, cum, ubi S. Synodus promulgata est, sciant omnes clandestina conjugia, æque ac mœchiam, reprobari. Nec leve adversus fornicationem remedium est cavere, ne velut uxores scorta habeantur.

## C A P U T VIII.

*De matrimoniis Hæreticorum, præsertim in Hollandia tractis, & de Benedicti XIV. Constitutione.*

**M**atrimonia inter catholicos, & hæreticos inita valida quidem esse, sed noxia docent Sanchez, Poncius &c. & demonstratum I. ex quo nulla lege tamquam irrita declarantur. Non naturali, cum enim constet veteres Patriarchas, & mulieres SS. ut Monica & Læta ethnicis nupsisse, *disparitas cultus* non fuit olim impedimentum dirimens. Nec divina lege. Nam Apostolus reprobat quidem ut illicita hæc conjugia, non ut nulla. Neque Ecclesiastica, cum in cap. *Decretis* de Hæreticis in 6. firma & valida ea conjugia supponantur; tum quia hæretici inter Christianos connumerantur, & subiunguntur jurisdictioni Ecclesiæ, tum quia matrimonium hæreticorum Sacramentum est, licet sacrilegio pollutum. Nec obstat canon Trull. 72. quo declaratur, *nuptias hujusmodi irritas existimari*. Nam cit. canon accipiendus est de separatione fidelis conjugis a viro hæretico, nisi cum illo habitare consentiat. Sequitur enim: *Si fidei homini placet cum infidele cohabitare, aut e contra, ne a se invicem separantur, ex divini enim Pauli sententia sanctificatus est infidelis &c.* Esse autem illicita hæc Sacramenta prob. I. ex Ap. Corinthi. 6. *Nolite jugum ducere cum infidelibus*, quæ verba accipit Hieronymus I. 1. adversus Jovinian. de matrimonio. II. Illud I. Corinthi. 7. *Cui vult nubat, tantum in Domino*, Theodoretus, D. Thomas &c. de viro fidei tantum accipiunt, ut sensus sit: *Nubat, sed temperanter, nec a Christi fide desciscens.*

III. Idem constat ex sacr. canonibus, ex 67. Laodic. 14. Chalced. 12. Carthag. I. 16. Illib. IV. Ex periculo subversionis conjugum, & filiorum, quam probat Poncius ex Tertulliano, Ambrosio, & Chrysostomo, & exemplis eorum, quos pravæ mulierum illecebræ deceperunt. Hac de causa Juvenin, alique hæc connubia juri naturali adversari opinantur, sed plane falluntur, constat enim plura matrimonia, etiam cum ethnicis inviolato naturæ jure stetisse, plura etiam ad fidei

fidei incrementum, & conjugum sanctificationem valuisse, ut de Monica, & de Læta dictum est: Cæcilia item, Lucia, & Crotildis ethnicis nupsere; Ringundis; & Brunichildis A-tianis.

V. Greg. XIII. Urban. VIII. Clem. VIII. & Benedict. XIII. in hujusmodi matrimoniis dispensaverunt: Nec dicat Juenin, hanc dispensandi praxim esse valde recentem, nam ipse in superiori art: docuit, hæc matrimonia cum infidelibus usque ad V. sæculum valuisse; nullumque jus ea irrita fecisse; vetantur ergo solo jure Ecclesiastico, in quo potest Rom. Pontifex dispensare: Dummodo ergo causa dispensationis inter sit; qualis est spes conversionis conjugis infidelis, vel si vir permittat uxorem filiosque vivere juxta ritum catholicum, potest pontifex dispensare, secus; si adsit subversionis periculum; eo quod quisque vitare teneatur periculum perditionis. Ex dictis autem de claudellinis conjugis constat; hæc matrimonia nulla esse; si in catholicorum regionibus; ubi Tridentinum promulgatum est, clandestine celebrentur.

Sed difficilior quæstio est de matrimoniis, quæ coram magistratu, absente pârôcho, contrahuntur in Hollandia, aliisque Fœderatj Belgii provinciis. Complures enim irrita esse ea matrimonia dixerunt, quod in illis provinciis Trid. decretum opera Margaritæ Parmensis, quæ tunc pro Philippo II. Belgium regebat, promulgatum fuerit ann. 1565, ut scribunt Huyens, De Cocq; Zypæus; Neusser; Reinfestuel; alique, quos laudat noster Piette. Alii Theologi vero non negantes hæc matrimonia fuisse irrita initio revolutionum, quando pârôchi adesse poterant, tradidere, tunc ratâ illa extitisse; cum jugo religionis excusso politici tantum; & hæretici magistratus vigeret auctoritas.

Dum hæc controversia ita penderet; Benedictus XIV. causam hanc sedulo expendendam commisit Guidoberto Cavalchini, & Joachimo Besozzi, quos postea sacra purpura ornavit, aliisque doctissimis viris; quorum consultationibus ad examentevocatis Constitutione, quæ incipit *Matrimonio*, anno 1741. statuit; & declaravit: I. matrimonia ab hæreticis inter se in locis Fœderatorum Ordinum dominio subjectis celebrata; non servata forma à Trid. præscripta; *pro validis habenda esse; dummodo aliud non obstiterit canonicum impedimentum*; adeoque; si uterque conjux ad catholicam redeat; eodem, *quod antea; conjugali vinculo ipsos ominino tenet*; licet mutuis consensus coram pârôcho non renovetur: Sin autem unus tantum ex conjugibus convertatur; *neutrum posse; quamdiu alter superstes erit; ad alias nuptias transire*: Quoad vero conjugia, quæ in iisdem fœderatis Belgii provinciis absque forma à Trid.



præscripta a catholicis cum hæreticis contrahuntur, monet laud. Pontifex episcopos, vicarios, parochos &c. ut catholicos ab hujusmodi nuptiis ineundis, quantum possint, absterreant. At si forte aliquod hujusmodi matrimonium contractum jam sit, aut in posterum, quod absit, contrahi contingat, statuit matrimonium hujusmodi, alio non concorrente canonico impedimento, validum habendum esse, & novum ex conjugibus, donec alter supervixerit, posse sub obtentu dicte forme non servatæ novum matrimonium inire. Debere tamen conjugem catholicum pro gravissimo scelere pœnitentiam agere, & conari pro viribus conjugem a fide alienum lucrari, scientem se istius matrimonii vinculo perpetuo ligatum iri.

## C A P U T IX.

*De sponsalibus, atque denunciationibus, quæ matrimonii celebrationem præcedunt.*

**S**ponsalia sunt futurarum nuptiarum promissio, ut ait cap. Nostres 30. qu. 1. Nicolaus I. De his autem sequentia sunt adnotanda.

I. Ad sponsalia ineunda non sufficit interior animi cogitatio, mentis propositum; neque indeterminata voluntas, neque nuius assensus, sed requiritur viri ac mulieris mutua promissio, aut verbis, aut signis expressa. Hinc jure Ecclesiastico ad sponsalia 7. annorum ætas requiritur, ut statuit Alex. III. cap. Literas De desponsat. impub. Si autem pro minoribus septennio parentes contrahant, sponsi usque ad legitimam ætatem expectare debent, nisi ante annos pubertatis carnalis commixtio interfuerit, vel urgentissima causa interveniat, ex cap. Ubi non est consensus, tit. cit. Cum itaque ad sponsalium valorem necessarius sit contrahentium consensus, hinc sequitur ea Hormisdæ verba: *Potest filium nondum adultum pater, cui vult matrimonio tradere, & postquam filius pervenerit ad perfectam ætatem, omnino debet hoc adimplere, accipienda esse de solo debito honestatis, ut ait Glossa, & colligitur ex Bonif. VIII. cap. Si infantes in 6. Nam in iis, quæ arbitrii sunt, cessat in adultis patria potestas.*

II. Dum ergo adultus contrahit parentibus annuentibus sponsalia, non luxuriæ causa, sed sola posteritatis dilectione, uxorem quærat, ut habetur Tob. 9. Illud etiam meminerit: *Si vis nubere, nube pari.* Inferior quippe uxor despicitur, superior despicit. De tempore nuptiarum notum illud Hesiodi: *Junge tibi uxorem annos cum numeras terdenos, sed fœmina decimoquarto anno pubescit, nubat mox inde sequenti.* De uxoris do-

dotibus pulchre auctor. Prov. ait : *Fallax gratia, & vana est pulchritudo &c.* Nec illepide quidam scripsit : *Quæ tibi ducenda est habeat P. quinque puella: Sit pia, sit prudens, pulchra, pudica, proba.* Inter sponsalia debet aliquod tempus intercedere, ne vilem habeat maritus datam, quam non suspiraverit sponsus dilatare, ait l. 8. Confess. c. 3. Aug. At post sponsalia debet virgo, quantum potest, se ab oculis sponsi subducere, ut monet Tertull. quare sponsi monendi sunt, ne ante contractionem matrimonium sub eodem tecto simul habitent.

III. Dissolvuntur sponsalia I. partium consensu. II. per matrimonium cum alia initum *per verba de presenti*. III. Si apposta conditio non impleatur, nisi tamen accedat carnalis commixtio. IV. per professionem monasticam, & susceptionem Ordinis sacri. V. Si alter conjugum abeat in regionem longinquam incio altero, nec redeat statuto tempore. VI. per unius contrahentium fornicationem. VII. Si inter sponso, vel eorum parentes graves inimicitie oriuntur. VIII. Si eorum unus in turpia vitia se se immerferit, si sit pauperrimus, leprosus, vel insanus ante copulam, ex cap. *Pastoralis* De except. &c.

IV. Præter sponsalia, nuptiis proclamationes sunt præmittendæ, faciendæ tribus continuis diebus festivis inter Missarum solemnias, juxta definitionem Concil. IV. Lateran. can. 51. ac Trid. sess. 24. cap. 1. Hæ proclamationes fieri debent ex Rituali Rom. a proprio utriusque contrahentis paroco. Permittit tamen Trid. ut si fuerit suspicio matrimonium malitiose impediri posse, tunc vel una tantum fiat, vel saltem paroco, & duobus, vel tribus testibus presentibus matrimonium celebretur. Sed hanc dispensationem S. Synodus solius Ordinarii judicio committit.

## CAPUT X.

## De ministro Sacramenti matrimonii,

Veteres Theologi fere omnes docent, hujus Sacramenti ministros esse contrahentes, sacerdotis vero benedictionem & verba ritum esse ad ejus substantiam non spectans, ut ait S. Th. 3. p. 2. q. 42. art. 1. cui subscribunt scholastici in 4. dist. 26. & Jureconfulti cum Fagnano, qui oppositam sententiam ait esse *periculosam in fide*. Et Soto ait esse *singularem*. Illam tamen postea plures secuti sunt, propugnantes sacerdotis benedictione ad Sacramenti dignitatem matrimonium attolli. Ita post Cajetanum, & Melchior. Canum, Toletum, Ledesma, Maldonatum, Estium, Sylvium, du Hamel, De-Cocq. Juenin, Tournely, Piette, aliosque, quos laudat clariss. Auctor. Sit ergo

PROPOSITIO. Communior sententia est matrimonii iniustum esse contrahentes, licet opposita docens parochum esse huius Sacramenti ministrum, sua probabilitate non careat.

Prob. I. pars. Ex decreto Eug. IV. ubi legitur: *Causa efficiens matrimonii regulariter est mutuus consensus per verba de presenti expressus*, sed hæc verba proferuntur a contrahentibus; ergo &c. Nec dici potest ibi agi de matrimonio, ut est contractus, cum constat ibi Eugenium agere de Sacramentis, per ragraphum illum sic incipiendo: *Septimum est Sacramentum matrimonii*. Unde in Enchiridio Instit. Christianæ editæ nomine Conc. Colonien. habetur: *Verbum huius Sacramenti est, quo ambo mas & femina sibi mutuo fidem conjugalem dant*. II. Trid. Synodus iess. 24. c. 1. definit: *Matrimonia clandestina libero contrahentium consensu facta rata & vera esse matrimonia, quandiu Ecclesia ea irrita non fecit*. Nec Trid. vera & rata illa dicit in ratione contractus, constat enim ex cap. *Quanto magis* De divortiiis: *Quod matrimonium inter fideles verum, & ratum existit, ad differentiam matrimonii infidelium, quod nisi verum sit, non est tamen ratum*. Adde quod Trident. Synodus ibi benedictionem nuptialem aperte inter ceremonias enumerat. III. Adhæserunt huic sententiæ Theologi universi, excepto Guilelmo, cuius sententia est ambigua, sed a communis doctrina non est absque gravi rationum pondere recedendum; ergo &c. Frustra vero nititur Canus D. Thomam ad se trahere; is enim nunquam retractavit, quod scripsit in 4. dist. 26. q. 2. art. 1. *Verba, quibus consensus exprimitur, sunt firma huius Sacramenti, non autem benedictio sacerdotis, quæ est quoddam Sacramentale*. IV. A Sacra Congreg. Concilii definitur, non esse de substantia matrimonii, ut parochus loquatur, sed sat esse si præsens sit. Confirmatur tum ex Concilio Trid., quod parochi ac testium præsentiam requirit, non ut sit minister; sed ut vitentur incommoda orta ex clandestinis conjugis, tum ex innumeris Ritualibus Latinorum, & Græcorum, ubi nullum apparet formæ sacramentalis vestigium.

V. Quod verba sacerdotis habeant rationem formæ nullibi expresse legimus, imo haud obicure insertur oppositum ex cap. *Licet præter solitum*, & ex cap. *Tua fraternitas* De sponsa duorum, formam utam esse in verbis contrahentium: *Ego te accipio in meam, vel meam*. Diversa quoque sunt etiam in Latinis Ecclesiis verba a parochis prolata, quidam enim ajunt: *Ego vos sponso, & Sacramentum confirmo*. Alii: *Quod Deus conjunxit &c.* quæ potius supponunt factum Sacramentum. Imo Trid. ipsum statuit, ut quis *utatur verbis, juxta uniuscujusque provincie ritum*. VI. Forma sacramentalis ea est, quæ effectum Sacramenti producit, sed hanc præstat consens-

fus

sus contrahentium verbis aut signis expressus; ergo verba sacerdotis: *Ego conjungo vos*, nil aliud sonant, nisi: *Ego approbo, confirmo &c.* quippe conjuges jam conjunctos supponunt,

Prob. II. pars. Opposita enim sententia nititur I. auctoritati Tertulliani, qui l. de Pudic. damnat matrimonia apud Ecclesiam non celebrata. Ambrosius etiam ep. 70. ait: *Ipsium conjugium sacerdotali benedictione sanctificari oportet.* Eandem benedictionem memorant Innoc. I. Carth. IV. Siricius &c. Et S. P. in Ps. 149. ad matrimonium exigit *episcopi manus*, idest *potestatem*, ut explicat Vanroy. II. Ritualia complura sacerdotem vocant hujus Sacramenti ministrum, ut Romanum, Colonien. Cameracen. & Conc. Petrocoren. III. Sacerdotale, Rituale Rom. & Trid. Syn. præscribunt paracho, ut dicat: *Ego vos conjungo &c.* sicut ergo hæc verba: *Ego te absolvo* constituunt veram poenitentiae formam, ita & illa matrimonii formam constituunt. IV. Matrimonium est novæ legis Sacramentum, sed ad sacerdotes spectat divina dispensare mysteria; ergo &c. V. Contrahentes Sacramentum recipiunt; ergo non efficiunt. Adde, quod ante Trid. carnalis concubitus supplebat vices verborum: *Accipio te &c.* Absurdum est autem carnalem actum Sacramentum perficere; ergo &c. VI. Alexander III. cap. *Cum in Ecclesia* de Simonia benedictiones nubentium aliis Sacramentis adjungit; ergo &c. Hæc argumenta hanc sententiam probabilem reddunt, sed prior sententia his momentis non evertitur.

Ad I. ergo R. ex PP. id unum inferri, nuptias in faciem Ecclesiæ celebrandas esse, ut ministrorum benedictionem firmiorem nexum acquirant. Nam PP. eodem modo detestantur nuptias clam a sacerdote benedictas, ex cap. *Nullus* 30. q. 5. & Conc. Turonen. c. 12. eas vetat sub excommunicationis pena. Ad II. R. parochum dici hujus Sacramenti ministrum, quia solus minister est sacri ritus & benedictionis nuptiarum. Ad III. Vide argum. 4. & 5. prioris sententiæ. Ad IV. R. S. Thomas, sacerdotem esse ministrum aliorum Sacramentorum, quia in iis actus suscipientium non sufficiunt ad effectum Sacramenti, ut sufficiunt in matrimonio, ubi *quicumque est sui juris potest se alteri obligare; & ideo sacerdotalis benedictio non requiritur tamquam de essentia Sacramenti.*

Ad V. neg. conf. Cum enim contrahentes ex mutuo consensu ligari possint, possunt utique conficere Sacramentum, eique consensui, non quidem ut actus humanus est, sed ex Dei institutione, sacramentalis gratia confertur, non autem carnali commercio. Alij duplicem consensum distinguunt, alium ex *naturali affectione*, alium ex *religiosa intentione*, ex quo tantum perficitur Sacramentum. Ad VI. dist. ant. Adjungit, ut

*formam, & causam efficientem*, neg. ut *benedictionem Sacramenti* (1); conc. Nubentes enim benedicuntur; dum in faciem Ecclesiæ mutuo consensu Sacramentum efficiunt.

Quæres: quinam sit *proprius parochus* nuptiarum celebrandarum? R. De hoc argumento egregie scripsisse Benedictum XIV. in sua Notificatione edita ante pontificatum ann. 1734. ubi statuit, ex authenticis sacre Congreg. Concilii decretis, Nuptias celebrandas coram paroco, *non originis, sed domicilii*. Quo nomine non rās, aut locus alius, ad quem, *recreationis, vel peragende rei causa accedatur*, intelligi debet, nec civitas aut locus, ad quem vir & mulier solo animo illic celebrandi matrimonium veniunt, proprio domicilio non relicto. Qui ergo animo domicilium suum retinendi pergit ad loca, ubi Trid. nondum est promulgatum, invalide contrahit: secus, si in iis sedem figat. Qui extra patriam versantur studiorum causa, vel rectoris, judicis, medici officium exercentes, item famuli, alique, *quasi domicilium* habentes, coram paroco illius loci contrahere possunt. Perpetuo carceri addicti parochum loci, ubi sunt carceres; custos autem carceris sui domicilii parochum adire debent.

Puella, quæ apud moniales educantur, domum propriam adire debent, quam si non habeant, a paroco, sub quo est monasterium, jungi debent in matrimonium: Si vero domum habeant paternam, a paroco domicilii. Item orbatæ parentibus, ac derelictæ, quæ in hospitibus servantur, non a confessorio, sed a loci paroco jungi debent. Errones, & *Zingani*, in quorum numerum non veniunt peregrini, aut alii habentes alicubi domicilium, adire debent parochum, in cujus parochia tunc consistunt. In qua vero parochia matrimonium celebratur, illius parochus præsens erit. Hæc Benedictus XIV. ex supra laud. sacre Congregationis decretis.

## C A P U T XI.

### *De Polygamia.*

**N**OT. *Polygamia* est multiplicatio conjugii, & duplex est. Prima, quando vir unus plures simul uxores habet, & *successiva*,

(1) Videtur Alexander III. accepisse nomen Sacramenti *laico modo* prout significat sacramentale. Etenim jungit benedictionem nuptialem exequiis defunctorum, quæ dici nequeunt

nisi sacramentale: *Horribile est*, ait Alex. III. *ib. quod pro sepultura & exequiis mortuorum, & benedictionibus nubentium, & aliis sacramentis aliquid requiratur*,

*cessiva*, cum altero conjugum defuncto transit superstes ad alias nuptias. Nullum extat in sacris literis exemplum, quod eadem mulier pluribus viris nupserit, idque juri naturæ repugnare, *apud omnes exploratum esse*, ait Bellarminus de Matr. c. 10. Plura sunt autem ibi exempla Lamechi, Abrahami, Jacobi &c. qui plures duxerunt mulieres. Hos peccasse contra jus naturæ affirmarunt Sadducæi, & novatores plurimi, Calvinus, Junius, Beza &c. repugnantibus tamen non solum catholicis, sed Glasio, Brentio, Cuneo, & Lutheranis universis. Vera & communior sententia est, polygamiam muliebrem primario conjugii fini, qui est prolis susceptio, non adversari, licet repugnet fini secundo; idest perfectæ societati: adeoque ad propagationem Hebraici populi cum patriarchis fuisse in polygamia dispensatum. Christus autem matrimonium ad priorem institutionem reduxit; adeoque in lege Evangelica verita omnino est polygamia. Polygamiam successivam, seu secundas nuptias, damnarunt Montanistæ, & Novatiani, Catholici autem eam non improbant, ut falso scribit Kemnitius. His notatis sit

PROPOSITIO I. Polygamia virilis scelus foret turpissimum, & juri naturæ contrarium.

Prob. I. Ex Aug. qui l. de Bono conj. c. 17. ex quo vir sit caput mulieris, ostendit non perverti naturæ ordinem, si uni viro uxores multæ jungantur: *Non sicut uni viro etiam plures habere licebat uxores, ita uni femine plures viros. Occulta enim naturæ lege amant singularitatem, quæ principantur. Subjecta vero, si ratio socialis admittit, etiam plura uni non sine decore subduntur. Neque enim sic habet unus servus plures Dominos, quemadmodum plures servi unum Dominum.* II. Idem probat S. D. quia pluribus maritis viris nullam legimus servisse sanctitatem, plures autem fœminas uni viro legimus: neque enim contra naturam nuptiarum est. III. Addit S. D. ib. *Plures fœminæ ab uno viro fetari possunt, una vero a pluribus non potest.* IV. Si eadem mulier pluribus viris nuberet, haberet hoc conjugium idololatriæ symbolum, ut enim ait S. P. ibi: *Sicut multe animæ uni Deo recte subduntur, ideoque non est verus Deus animarum, nisi unus, una vero anima per multos falsos Deos fornicari potest, non secundari; ergo &c.*

PROPOSITIO II. Polygamia muliebris finibus matrimonii secundarii, ac perfectioni adversatur.

Prob. I. Ex sacris literis. Deus enim unicum masculum tantum creavit, eique unam fœminam, non plures junxit. II. Ex PP: De Lamecho enim, qui primus accepit uxores duas, ait Tertull. de Exhort. cast. *Duabus maritatus tres in unam carnem effecit*, & Hieronymus ep. 85. ad Salvinam: *Unam cœsum divisit in duas.* III. Ex historia constat ab ea polygamia plura

plura diffidia ortum habuisse, ut inter Saram & Agar, inter Liam & Rachelem. Hinc Euripides, qui ex Agellio l. 15. *Duas simul uxores habuerat*, in Andromaca agebat: *Numquam geminos lectos laudabo, neque binas matres habentes liberos, rixam quidem domorum*. Eandem damnarunt leges complures. Cecrops enim Athenis unicam uni viro junxit mulierem, hinc Socrati objectum est a Callisthene, eo quod binas duxisset. Apud Romanos l. *Eum polygamos comitabatur infamia*. Imo Constantinus polygamiā sub pœna capitali proscripsit; ergo &c.

PROPOSITIO III. Antiqui Patriarchæ uxores plures inculpate duxere.

Prob. I. Ex Tertull. qui c. 5. de Cast. ait: *Nobis quoque licebit innumerum nubere, si adhuc typi futuri alicujus Sacramenta supersunt, vel si etiam nunc locus est vocis illius: Crescite & multiplicamini*. Chrysostomus hom. 56. in 26. Genes. ait: *Tunc enim, quia principia erant, permixtum fuit cum dibus, vel tribus uxoribus misceri, ut humanum genus propagaretur*. Ambrosius l. 1. de Abr. c. 4. ejus polygamiā excusat, quia ex studio propagandæ sobolis, non ardore vagæ libidinis. se se ancillæ permiscuit. Idem docet S. P. l. 16. de Civ. Dei c. 25. Nullo modo, ait, est inurendum de hac concubina, Agar, crimen Abrahæ; usus est ea quippe ad generandam prolem, non ad explendam libidinem. Et l. 22. contr. Faust. c. 30. de Jacob ait: *Quid tandem criminis est, quod de pluribus simul habitis uxoribus objicitur sancto viro Jacob? Si naturam consulat, non lasciviendi, sed gignendi causa illis mulieribus utebatur. Si morem, illo tempore hoc factitabatur: si præceptum, nulla lege prohibebatur*. Nec te moveat ab Aug. Tertulliano, ac Leone M. Agar Abrahæ concubinam appellari, hoc enim vocabulum secundariis uxoribus non inepte tribuebatur, quod non essent ea dignitate præditæ, ac uxor prima, nec filios gignerent paternorum bonorum hæredes, atque ad prolis genefim, non ad familiæ regimen ducerentur.

Ob. Sadducæi, & Calviniani: Levit. 18. habetur: *Mulierem unam ad alteram ne assumito*. Et Deuter. 17. *Non multiplicabis uxores*; ergo &c. II. Polygamia repugnat substantiæ conjugii; eandem enim potestatem habet vir supra corpus mulieris, ac ista supra corpus viri ex Aug. l. 1. de Adult. conjug. c. 8. Unde infert Estius, polygamiā illicitam esse spectato jure conjugali, utrique enim conjugii fit injuria, si alteri tradatur alterius corpus.

R. neg. conf. Nam Vulgata hebraicum אִשָּׁה recte reddit: *Sororem* ejus, ut habent etiam Chaldaica, Samaritana, Syriaca, Græca, Arabica, exigitque, fatentibus etiam Grotio, Drusio, Fagio &c. hebraicæ linguæ proprietas. In secundo au-

tera

tem loco vetatur solum nimius uxorū numerus, unde vulgata habet: *Non habebit uxores plurimas*, & Hebraica: *Non multiplicabit valde*. Nam teste Plutarcho ex nimio uxorū numero enervatur gignendi vis. Idque exemplo Salomonis confirmatur, qui ex 700. uxoribus & concubinis 300. unicum Roboamum, & duas sœmellas Evaphet & Basemat legitur suscepisse. Ad II. vide notas & prop. I. hujus cap. Quoad potestatem vero unius conjugis in corpus alterius, dici potest supremum Dominum Patriarchis potestatem fecisse disponendi de suo corpore per novum contractum, non dissoluto priori, ut docet cl. Auctor tom. 4. pag. 26. Hinc cap. *Gaudemus* De divortiis polygamia Patriarcharum a crimine adulterii excusatur, quod fuit divina revelatione concessa, eo modo, quo excusantur Israelitæ a furto, & Sampson ab homicidio. Quid plura? Abraham, Jacob, David, Elcana, alique polygami commendantur in sacris literis, nunquam ea de re reprehenduntur; ergo &c.

PROPOSITIO IV. In lege Evangelica polygamia vetita est.

De fide est ex Trid. definitione sess. 24. Et prob. 1. ex Matth. 19. ubi Christus ait: *Quicumque dimiserit uxorem suam, nisi ob fornicationem, & aliam duxerit, mœchatur*. Ex quibus Innoc. III. cap. *Gaudemus* De divortiis ait: *Si ergo uxore dimissa duci alia de jure non potest, fortius & ipsa retenta*. II. Innoc. I. ep. 9. ait: *Secundæ mulieris conjugium, priori supersistere, nullo modo potest esse legitimum*. Et Nicolaus I. ad Consultam Bulg. n. 51. ait: *Duas tempore uno habere uxores, nec ipsa origo humanæ conditionis admittit, nec lex Christianorum ulla permittit*; ergo &c.

Dices: Valentinianus, Constantius, & Lotharius duas simul uxores habuere; ergo &c. R. Valentinianum, ut probum & dedecus hujusmodi a se amoveret, legem impiam constituisse, ut cnlibet duas simul uxores habere fas esset, ait Socrates l. 4. H. E. c. 31. Constantius Arianus fuit: Lotharius denique una cum pellice communione privatus est a Nic. I. ergo &c.

PROPOSITIO V. soluto per mortem cum priore uxore conjugio fas est secundam, tertiam, & quartam &c. ducere.

Prob. Ap. I. Cor. 7. ait: *Mulier alligata est legi quanto tempore vir ejus vivit: quod si dormierit vir ejus, cui vult nubat, tantum in Domino*. Quid est in Domino? ait Chrysostomus hom. 19. *Cum temperantia, cum honestate*. Ambrosius de Viduis c. 2. num. 10. ait: *Secundas nuptias Apostolica precepta non damnant*. Hieronymus ep. 27. ad Marcellam: *Nos secundas nuptias concedimus, Paulo jubente ut viduæ adolescentulæ nubant*. Et ep. 30. *Ego libera voce proclamo, non damnari in Ecclesia digamiam, imo nec trigamiam, & ita licere quinto, & sex-*



Et sexto, Et ultra, quomodo Et secundo marito nubere, sed istæ nuptiæ solatia miseriæ sunt, non laudes continentie. S. P. A. I. de Bono viduit. c. 12. ait: De tertiis, Et de quartis nuptiis solent movere questionem, unde nec ullas nuptias audeo damnare, nec eis verecundiam numerositatis auferre, Accedunt definitiones Ecclesiæ: nempe Nicænæ Synodi can. 8. Urbani III. cap. Super alia, Innoc. III. cap. Cum secundum Apostolum 4. Decret. tit. 21. Eugenii IV. Decretum pro Arm. ubi statuit Etiam tertias, quartas, Et ultiores nuptias licite contrahi posse; ergo &c.

Opp. Basilius in ep. ad Amphil. can. 4. tertias nuptias appellat: Castigatam fornicationem. Auctor Const. l. 3. c. 2. eas vocat: Indicium intemperantiæ. II. Digami sunt irregulares, ex Ap. 1. Tim. 3. ex Tertulliano, Epiphano, Hieronymo &c. III. Secundæ nuptiæ sine benedictione sacerdotali celebrantur; ergo &c.

R. ad I. PP. non laudare secundas nuptias, propter incontinentiam nubentium, non propter inhonestatem nuptiarum. Ad II. R. Innocentius III. cap. Debitum de Bigamis, eos esse irregulares, non propter Sacramenti defectum, sed quia bigamus non est unus unus, ait ibi Innoc. & quia secundæ nuptiæ non æque repræsentant, ut primæ, Christi cum Ecclesia unionem, quo sensu ait S. P. A. de Bon. conjug. c. 18. bigamum non peccatum aliquod admisisse, sed normam quandam Sacramenti amisisse, non ad vitæ bonæ meritum, sed ad ordinationis Ecclesiasticæ signaculum necessarium. Ad III. R. Secundas nuptias solemniter non benedici, quia hæc sollemnis benedictio iterari non debet.

## C A P U T XII.

### De indissolubilitate matrimonii.

Not. I. Repudium apud Macedones, aliosque Græcos obtinuisse scribit Justinus l. 9. ubi ait Philippum Cleopatraz nupsisse expulsa Alexandri matre Olympiade. Et Demosthenes Or. 1. ait, repudium scribi solitum apud Archontem. Romani etiam ob sterilitatem uxores repudiarent, juxta legem XII. Tabularum; licet Tertull. in Apol. 6. scribat, per 600. annos apud Romanos nullum contigisse repudium. Neque ad nutum viri, sed tabulis firmata connubia; tabulis tantummodo solvebantur. Judæi etiam, quibus permissum fuisse repudium ex 29. Deuter. constat, repudiare uxorem non poterant, nisi dando ei libellum, quem Hebræi appellant ספר כריתות *sepher cheritut*, Græci βιβλίον ἀπορρασις *schedam abscessionis*. Viris tantum repudiare uxores permissum erat, non vicissim: hinc Salomen, quæ libellum repudii misit Costobaro, non fecisse juxta Judæorum leges, ait Josephus l. 15. Ant. c. 7.

Not. II. Non conveniunt Theologi, an per libellum repudii

dii uxore dimissa, fas esset novum inire connubium. Affirmat Bellarminus, Sanchez, Poncius, du-Hamel, Tournely, sed ex Bellarmino ipso communior *sententia Magistri, Bonav. Richardi &c. habet, ut illicitum semper fuerit, sed permissum tamen, ut impune fieret causa majoris mali vitandi*. Idem sentiunt Estius, Sylvius, Gotti, Vanroy &c. Quidquid sit de ea lege Judaica, non dimittendam uxorem, nisi ob fornicationem, nec dimissam ad alia vota transire posse docet Christus Matth. 19. Hinc oritur quaestio, an per adulterium, vel per monastica vota, solvantur conjugia? Sit itaque

PROPOSITIO I. Per libellum repudii non solvebatur vinculum primi conjugii, sed hoc Judæis ob duritiam cordis permissum est, ne exosas uxores necarent.

Prob. Matth. 19. Phariseis Christum rogantibus, an fas esset dimittere uxorem suam quacunque ex causa, respondet id repugnare institutioni matrimonii, ejusque vinculo. Nam Deus masculum & foeminam conjungens, ostendit secunda vitanda conjugia, ut ait Hieronymus, & ideo masculum unum, & unam foeminam condidit: *Ut unius conjugis consortia necterentur*. Hinc addit Christus: *Quod Deus conjunxit, homo non separet*. Reponentibus autem Judæis: *Quid ergo Moyses mandavit dare libellum repudii, & dimittere?* subdit Christus: *Quoniam Moyses ad duritiam cordis vestri permisit vobis dimittere uxores vestras, idest, Moyses, cum videret propter desiderium secundarum conjugum primas interfici, maluit indulgere discordiam, quam odia & homicidia perseverare*. Similia habet Chrysostomus in catena Corderii pag. 263. ubi ait; *Protervia male morati populi, Moysen, coactum, permisisse bene rem non bonam, & metu majoris mali*. Eadem habet Theophylactus. Item S. P. A. de Bono conjug. cap. 8. num. 7. ait: *Cui consuetudini, Ethnicorum, simile aliquid propter Israelitarum duritiam videtur permisisse Moyses de libello repudii*. *Qua in re exprobratio, quam approbatio divortii magis apparet*.

Hinc patet, sententiam nostram SS. PP. menti propius accedere, quorum nullum adversarii pro se habent: nam auctor Oper. imperf. hom. 32. in Matt. quem laudat Bellarm. non est Chrysostomus, sed Arianus, ut norunt omnes. Et D. Thomas l. 3. contr. Gent. nobiscum sentit, ut Sylvius ostendit. Accedit ratio. Nulla enim afferri potest causa, ob quam Deus adversus matrimonii institutionem repudium cohonestaret: nam sobolis propagationi satis consultum fuit permissa polygamia. Adde, quod mulier alteri viro nupta ex Deuter. 24. *Polluta, & abominabilis coram Domino*, dicitur, qua phrafi Ezech. 33. *polluta* dicuntur adulteræ. Hinc Jeremias c. 3. repudiatam comparat fornicariæ.

Ob. I. Repudium jubetur a Domino Deuteron. 24. Malachi. 2. & Matth. 19. ergo est honestum & licitum.

R. dist. ant. Jubetur, quoad uxoris dimissionem, neg. quoad conscriptionem libelli, conc. Recte S. P. A. l. 19. contra Faustum ait: *Utrique nolebat dimitti uxorem a viro, qui hanc interposuit moram, ut animus precepti libelli conscriptione refractus obsteret, & quid mali esset dimittere uxorem cogitaret.* Malachias autem hæc habet: *Uxorem noli despicere: cum odio habueris, dimitte: operiet autem iniquitas vestimentum ejus, idest, si permissione legis usus fueris, non tamen culpa vacabis.* Hinc LXX. legunt: *Si odio habens dimiseris, operiet iniquitas super cogitationes tuas.* Sequitur proinde Propheta: *Custodite spiritum vestrum, & nolite despicere; uxorem, etiamsi pauper sit, aut deformis.*

Ob. II. Solis sacerdotibus prohibetur eam ducere, quæ repudiata est a marito Lev. 21. Nullibi enim id lex vetat: imò Abraham repudiavit Agar; ergo &c. R. neg. conf. Sacerdotibus enim non mittebantur, quæ in aliis tolerari poterant, quia erant consecrati Deo suo. Ne vero duceretur repudiata, aliqua ratione prohiberi videtur ex c. 3. Jeremiæ & 2. Malachi. imò ex Deuter. 24. ubi mulier repudiata dicitur: *Polluta, & abominabilis coram Domino.* Agar autem divortio, non repudio fuit ab Abraham ejecta.

Dices: post uxoris repudium vir cum alia licite contrahebat; ergo &c. R. neg. conf. Id enim maribus concessum est; non ex solutione matrimonii, sed ex permissione polygamiz.

Inst. Nuptæ post viri repudium non lapidabantur, ut adulteræ; ergo &c. R. neg. conf. Nam ob duritiam Judæorum tolerabantur earum conjugia.

PROPOSITIO II. In lege Evangelica non dissolvitur per adulterium vinculum matrimonii.

Prob. I. cum Aug. l. 1. de Adult. conjug. ex 1. Corinthi. 7. *Præcipio non ego, sed Dominus; uxorem a viro non discedere, quod si discesserit, manere innuptam, aut viro suo reconciliari, & vir uxorem non dimittat.* Quæ verba accipi debent de discessione fornicationis causa, alias non juberet Apost. manere innuptam, sed vetaret, ne discederet: nam ob solam fornicationem fas est uxorem dimittere. Item Luc. 16. habetur: *Qui dimittit uxorem suam, & alteram ducit mæchatur;* ergo &c.

Prob. II. ex PP. Hermas l. 2. Mand. 4. ait: *Si scierit vir uxorem suam deliquisse, & non egerit penitentiam, & convivit cum illa, reus erit peccati ejus: & particeps mæchationis ejus. Quod si dimiserit, & aliam duxerit, & ipse mæchatur.* Et Basilius l. de Virg. p. 755. Non audis, ait, qui dimissam duxerit mæchatur. *Esse enim, ait, pro culpa dimissa est; vivit tamen vir ejus.* Na-

21arize

zianzenus adulteram vocat : *Pestem, quam nulla liceat ratione fugare*. Chryf. Hom. 17. in Matth. ait : *Expulsa quoque uxor esse ejus, qui eam expulit, perseverat*. Hieron. in c. 19. Matt. ait : *Sic priorem dimittere jubetur uxorem, ut secundam prima vivente non habeat*. Et ep. 84. ad Oceanum peccasse ait Fabiolam, quod repudiato marito, adultero, non innopta permanserit, etsi eam excuset, quod junior esset, idque civili lege permitteretur. Verum defuncto secundo viro, ea de causa publicam egit poenitentiam. Innocentius I. ep. ad Exup. c. 6. ait : *Qui interveniente repudio alio se matrimonio copularunt, adulteros esse manifestum est, secundum illud, quod legimus in Evangelio : Qui dimiserit &c.* Idem docet S. P. A. l. 1. de Serm. Domini in monte c. 26. de Bono conjug. cap. 7. & alibi. Mirto alios.

Prob. III. Ex Conciliis. Milev. II. cui S. P. A. interfuit anno 416. can. 17. ait : *Placuit, ut secundum Evangelicam, & Apostolicam disciplinam, neque dimissus ab uxore, neque dimissa a marito alteri conjungatur*. Triburient. ann. 895. ait : *Maritus, quandiu ipsa vivat (nempe adultera conjux a se divulsa) nullo modo alteram ducat*. Eadem habet Florentinum ann. 1439. in Instr. Armen. & Trid. ann. 1563. sess. 24. can. 7.

Prob. IV. ex pluribus, quæ ex opposita sententia emergunt incommodis. I. Quia improbo viro præberetur occasio, ut calumniam faceret innocenti, & ob secundam copulam nuptiarum veteri crimen impingeret. II. Quia alio inito post fornicationem matrimonio, pro matre adhuc viva filii proponeretur noverca, quam legem injustam, sævamque appellat Ecloga 3. Poeta. Hinc Ambrosius l. 8. in Luc. ait : *Paterisne liberos tuos vivente te esse sub vitrico, aut noverca*. Pone, si nubiat. Necessitatis illius tuum crimen est, & conjugium quod putas, adulterium est. Adde, quod si adultera transire posset ad alterius amplexus, ex patrato crimine caperet utilitatem; ergo &c.

Opp. I. Matth. 19. ait Christus : *Quicumque dimiserit uxorem, nisi ob fornicationem &c.* sicut ergo fornicationis causa fas est fornicariam uxorem dimittere; ita ea dimissa, aliam ducere. R. neg. cons. Nam verba illa : *Nisi ob fornicationem*, ad præcedens verbum *dimiserit*, non ad subsequens *duxerit* referri debet, ut sensus sit, non esse dimittendam uxorem non adulteram : illum autem, qui dimissam quomodolibet duxerit, cum aliena pollui, & moechari. Quod S. P. ostendit l. 1. de Adult. Conj. significatione illius verbi : *Mœchatur*, quod est : *Aliene miscetur uxori*. Porro si aliena est, hoc est ejus, a quo dimissa est; etiamsi propter fornicationis causam dimissa est, nondum dimittentis uxor esse cessavit. Et l. 2. cap. 3. idem confirmat ex Ap. Romæ 7. & 1. Cor. 7. dicens : *Si mulier*  
alligat

*alligata est, quandiu vir ejus vivit, nullo modo, nisi viro mortuo, soluta dicenda est ab hoc vinculo.*

Ob. II. Tertullianum l. 4. contra Marc. Origenem tr. 7. in Matth. Theodoretum l. 4. Hær. fab. & Epiphanium hær. 59. ubi ait : *Sed cui mortua una non sufficit, cum occasione stupri &c. cum ea divortium fecerit, is si alteram uxorem duxerit, sacrarum literarum auctoritas ab omni culpa illos absolvit.* Eadem habet Ambrosius in 7. Corinth. Hinc Cajetanus, Catharinus, Erasmus, Launojus oppositæ sententiæ adhærere.

R. Tertull. ibi docere dimittendam uxorem ea conditione, ne quis illam dimittat, *ut aliam ducat.* Origenes ib. ait : *Scio quosdam extra scripturam permisisse aliquos nubere, priori viro vivente. Et contra scripturam quidem fecerunt dicentem : Mulier ligata est &c. censet tamen eos esse excusandos; quod minus malum permiserint, ut majus devitaretur.* Theodoretum accipiendum de solutione, quoad *torum* non quoad *vinculum*, contendit du-Hamel. Epiphanii locum depravaturn censet Petavius. Verum Le-Nourry ait, Epiphanium loqui de nuptiis post mortem conjugis, ut constat ex illis verbis : *Cui mortua una non sufficit.* Commentaria autem in Ep. Pauli falso adscribi Ambrosio norunt omnes. Falluntur ergo Cajetanus, Erasmus &c.

Ob. III. Arelat. I. can. 10. statuit : *De his, qui conjuges suas in adulterio deprehendunt, & non prohibentur nubere, placuit ut consilium eis detur, ne viventibus uxoribus suis, licet adulteris, alias accipiant.* Ubi male quidam codices habent : *Et prohibentur.* Sic enim non consilium daretur, sed præceptum. R. Nullum extare codicem, quo Petavii correctio defendi queat. Nam collectiones Conciliorum Binii, Harduini, Labbæi, & postrema Veneta habent : *Et prohibentur.* Unde retorqueri potest argumentum. Ideo autem id consulit, non præcipit S. Synodus, quia id licebat per leges Imp. quas irritando sibi invidiam constasset. Aliunde adeo tunc quæstio ista erat obscura, ut nonnulli *venialiter* fallerentur, ut ait S. P. A. l. de Fid. & Op. cap. 19.

Ob. IV. Leges Imperiales in cod. Justiniani l. 5. de Repud. tit. 17. & l. 9. de Adult. t. 9. & in cod. Theodosii l. 3. t. 16. ergo &c.

R. I. neg. conf. Nam Imperialibus legibus, queis repudium permittitur, non semper permittitur ut aliæ ducantur uxores, sed ubi lex jubet repudium sub certis conditionibus fieri, nimirum eorum licentiæ modum adhibuit. R. II. neg. ant. Non enim de civilibus, sed de Evangelicis legibus heic sermone instituiamus. Nam Chrysostomus Hom. 19. in 1. Corinth. queritur legibus Romanorum *meretriciam in viris fuisse impunitam.*

Et

Et Hieronymus ep. ad Ocean. agens de repudio Fabiolæ: *Aliæ sunt, ait, leges Cesarum, aliæ Christi, aliud Papinianus, aliud Paulus præcipit.* Et S. P. A. ferni. 392. num. 2. ait: *Non licet vobis habere uxores, quorum priores mariti vivunt. Adulteria sunt ista conjugia, non jure fori, sed jure celi.* Vide c. 8. de Bon. conjug. n. 7.

Ob. V. Saltem gignendorum liberorum causa licebit viris, dimissa uxore adultera, aliam ducere, quamquam ad puniendas adulteras id ipsis videatur esse permissum.

R. Ad I. neg. conf. Nam causatio ista, ait S. P. A. l. 2. de Adult. conjug. *etiam non adulteras, sed castissimas feminas, si forte sint steriles, cogit dimitti, & alteram duci, quod nemo catholicorum affirmat.* Ad II. R. S. D. debere viros peccatricibus præbere misericordiam: *Ut & ipsi pro suis peccatis misericordiam consequantur; & multo magis hoc eis faciendum est, qui dimissis uxoribus adulteris cupiunt vivere continenter.*

PROPOSITIO III. Matrimonium ratum, & non consummatum, per religiosam professionem solvitur.

Prob. I. ex definitione Trid. sess. 24. can. 6. ubi anathema dicit hæreticis oppositum affirmantibus. Idem statuit Alex. III. cap. *Verum post consensum.* De Conversione conjug. Ubi ait: *Post consensum legitimum de presenti, licitum est alteri, altero ita repugnante eligere monasterium, dummodo inter eos carnalis commixtio non intervenerit.* II. Nec desunt SS. exempla producta a Bellarmino, Estio, Gonzalez &c. Ad rem faciunt exemplum Theclæ, quæ Paulo monente *copulam fugit nuptialem* ex Ambr. l. 2. de Virg. c. 3. & exemplum eorum, qui auditis Antonii gestis ad monasteria convolarunt, relictis spon- sis, quæ item Deo virginitatem dicarunt; Gregoriæ item, quam *constitutis jam nuptiis*, in Ecclesiam fugisse scribit Gregorius M. l. 3. Dial. cap. 14.

Accedit ratio D. Thomæ in 4. dist. 27. Quod religio sit quædam *mors spiritalis*: unde, sicut matrimonium *consummatum* dissolvitur morte corporis, ita *ratum*, quo conjuges uniuntur tantum animo & voluntate, dissolvitur morte spiritali, qua vir religiosus moritur mundo. Hinc sequitur, conjunctionem, quam efficit matrimonium ratum, esse spiritalem; illam vero, quam facit matrimonium consummatum, esse corpoream, ex cap. *Omne* 27. q. 2. cumque religiosa professio sit mors spiritalis, sequitur per ipsam religiosam professionem matrimonium ratum, & non consummatum dissolvi.

Hinc sequitur I. locum Evangelii: *Non licet viro uxorem dimittere &c.* intelligendum de his, quorum matrimonium est *carnali copula consummatum*, cap. *Ex publico.* Nam Matth. 19. legitur: *Jam non sunt duo, sed una caro, nempe ob corporum*

quæst. 2. Si mariti, antequam apud episcopos diffidii causas dixerint, uxores abjecerint, a communione S. Ecclesie excludantur.

III. Præcipua divortii causa est alterius conjugis fornicatio ex cap. præced. prop. 2. Fornicationi accedit idololatria, apostasia a fide, atque hæresis ex cap. Idololatria 28. qu. 1. ubi statuitur, ut nisi alia adsit causa diffidii, si vir *conversus fuerit*, mulier ad eum reverti compellatur. Alia est causa, ex c. *Quæsit* tit. de divort. Si vir conjugem suam ad maleficium traxerit, mulier a viro recedere poterit. Sed ei alii nubere non licebit. III. Causa est, si mulier mariti necem machinata est, vel de illo occidendo cum alio inierit consilium, & si vir id juridice demonstraverit cap. Si qua mulier ib. IV. Si maritus uxorem graviter cædat, & huic trepidanti nequeat *sufficiens securitas* provideri, ab eo amovenda, & *sufficienti securitate provisâ* restituenda est, ut ait Innoc. III. cap. *Literas* de restit. spol. Laxiores in divortiis, repudiisque fuerunt Cæsarum leges. Nam Constantinus & Theodosius ea permisere, ob alia crimina, puta ob perjuriam, furta, homicidia &c. Verum, ut ait Hieronymus: *Aliæ sunt leges Cæsarum, aliæ Christi.*

IV. Cum autem Evangelium Matth. 19. solam causam fornicationis commemoret, cur hæresim quoque, machinationem mortis, irritamenta peccati, & viri lævitiam jus Ecclesiasticum superaddidit? R. I. Aug. l. 1. de Serm. D. in monte c. 16. fornicationis nomine apud Matth. significari quaslibet concupiscentias, *que animam corpore male utentem a lege Dei aberrare faciunt*: at lib. 1. Retr. c. 19. ait, quomodo fornicationis vocabulum loco cit. limitandum sit, vel ampliandum, *questionem esse latebrosissimam*. Propius ad veritatem accedere videntur, qui ajunt, alias causas divortium inducere, dumtaxat ad tempus, atque ad malum vitandum; adulterium vero, quia lædit conjugii fidem, esse per se divortii occasionem. Quod confirmatur ex iis, quæ de lævitia mariti, & de apostasia, vel hæresi diximus n. 3.

V. Si uterque conjux fidem violavit, debent sibi mutuo parem injuriam donare, ex cap. *Significasti* De divortiis: hinc Antoninus Imp. constituit, ne maritus de adulterii crimine uxorem accusaret, cui *moribus suis non præbuit castitatis exemplum*. Quam legem laudat S. P. A. l. 2. de Adult. conjug. c. 8. Idem dicendum, si vir ad patrandum adulterium uxorem impulit, aut illius criminis conscius sit, eique conniveat: vel si mulieri vis inferatur: vel si per fraudem aliquis pro vero conjuge se in thorum ingesserit, tandem si vir post crimen cognitum uxori commisceatur, reconciliatus censetur.

VI. Si post divortium dimissa uxor in viam redeat, æquum

## §. De sacerdotali nuptiarum benedictione.

De hac in Hormisdæ decreto 3. q. 6. legitur: *Nullus fidelis occulte nuptias faciat, sed benedictione accepta a sacerdote publice nubat in Domino*. Hanc benedictionem in ipsa conjunctione primorum parentum Deo auctore firmatam gentes etiam inviolate servarunt. Hinc Alexandrini apud Photium cod. 242. legitimas nuptias esse negabant, quibus sacerdotes Istdis non adfuisset. Apud Judæos inviolabilis erat ea lex, teste Jos. de Voisin pag. 223. *Non licet accedere ad sponsam absque benedictione*: multo magis id servandum a fidelibus, apud quos matrimonium habet Sacramenti dignitatem. II. Hanc benedictionem dandam *in facie Ecclesiæ* statuit Trid. sess. 24. c. 1. aliæque Synodi apud Van-Espen p. 2. t. 12. c. 6. Afferit tamen Martenius l. 1. Ant. rituum exemplum nuptiarum, quæ domi sunt celebratæ. Cum autem ex Tertulliano l. 2. ad Uxor. c. 9. constet, felix esse matrimonium, quod *Ecclesia conciliat, & confirmat oblatio, & obsignat benedictio*, infertur antiquissimam esse consuetudinem, ut fideles in Ecclesia, idque sacrificii tempore, inirent conjugium, & communionem perciperent, ut demonstrent Græcorum Euchologia, & canones Latinorum. Vide Arcudium l. 7. Conc. c. 23. & Martenium loco cit. III. Conc. Carth. IV. statuit can. 13. *Ut sponsus, & sponsa cum benedictionem acceperint, eadem nocte pro reverentia ipsius benedictionis in virginitate permaneant*.

Tom. IV.

L 1 3

§. De

cohabitare conjuges ante sacramentalem benedictionem. Vetatur etiam ne secundæ nuptiæ a parochis benedicantur: & pœna suspensionis indicitur parochis, qui alienæ parochiæ sponso matrimonio jungere ausi fuerint absque proprii parochi licentia. Rursus præcipitur, ut nullus parochus absque licentia episcopi matrimonio jungat filios familias, qui invitis parentibus nubere volunt. Item jubentur parochi sæpe monere populum ut a clandestinis conjugiiis abstineant, & Concilii Trid. decretum circa illa vulgari idiomate inter Missarum solemnia populo publicare.

Interdicitur sponso, qui etiam per verba de futuro contraxit,

sponsam invitam relinquere, & cum alia contrahere, nisi prius petita, & obtenta fuerit talium sponsalium dissolutio. Atque anathematis pœna multantur, qui veneficia, fascinationesque ad nuptias impediendas adhibent. Interdicitur matrimonii separatio quoad torum nisi ex gravissimis causis: ab episcopo cognoscendis: quoad vinculum vero nullo modo neque per adulterium alterius conjugum permittitur, cum post consummationem morte tantum dissolvi queat. Denique jubentur parochi matrimonia omnia describere, quod etiam definitione Conc. Trid. sess. 24. c. 1. de Reform. sancitum est.



## §. De annulo nuptiali.

Annulum, quem arrhæ loco sponsus dat sponsæ fuisse ferreum scribit Tertullianus de Hab. mul. Hebraei etiam argentum adhibebant, aut ex lapide Onychino, cuius generis est annulus S. Annæ, & B. M. V. quos Romæ, & Perusii servari fertur. Annuli notas describit S. Clemens Alex. l. 3. Pæd. c. 2. his verbis: *Sint nobis signacula columba, vel piscis, vel navis, vel lyra musica, vel anchora, vel piscantes, quæ sunt symbola Spiritus S. baptismi, Ecclesiæ, concordiæ, spei, & Evangelii.* Quosdam Christi nomine, vel signo crucis insculptos e rudibus effossos profert Baronius ad ann. 57. num. 2. Vide Boldetrum l. 2. c. 14. & Aringhum Romæ subterr. c. 50. A Christiaria ergo modestia longe absunt, qui *sardonichas, smaragdos, adamantas portant in articulo*, ut ait Marcialis. Annulus est *symbolum fidei conjugalis*, ut ait Nicolaus I. in R. ad Consulta Bulg. addens, ideo inferri quarto sinistra digito, quod in eo sit vena quædam, vel nervulus ad cor usque perveniens, quod etiam Agellius & Appion affirmant. Ex Gen. 38. & Luc. 15. inferunt, annulum esse *arvham*, & *sincera fidei signaculum*. Est etiam *silentii symbolum*, & *rei domesticæ custodiam* significat, ideoque S. Clem. Alex. c. 11. Pæd. ait, uxoribus domus custodiam committi. Recte ergo, ut hæc recto sine servantur, nuptialis annulus benedicitur.

## §. III. De sponсорum dextris mutuo dandis, &amp; flammeis, ferisque nuptiarum.

Meminerunt ritus hujusmodi Tertull. de Veland. virg. c. 2. scribens per dexteram resignari pudorem Spiritus, & Nazianzenus ep. 57. de nuptiis Olympiadis ait: *Juveniles dexteræ inter se jungo, atque utrasque Dei manui.* Et Claudianus in Epithal. Palladii & Sirenæ ait: *Tu dextram complexa viri, dextramque puellæ, tradis, & hic ultro sancis connubia dictis.* Consueverunt antiqui etiam Christiani tegere nuptiarum capita velo croceo, quod a colore *flammeum* dixerunt: & ab eo, quod mulierum faciem obnuberet, nuptæ sunt appellatæ, ex Tertulliano, Ambrosio, atque Isidoro. Fuit autem *flammeum* virginæ pudoris indicium. Hinc Paulinus commemorato Rebeccæ palliolo ait: *Quo pudibunda suum texit velamine vultum, oblatam sponsi virgo pavens faciem.* Hinc digami, qui virginalem verecundiam exuerunt, *flammeis* non obtegebantur. Fuit etiam usus in nuptiis coronandi sponso, ut ait de

de corona militis Terrall. & Nic. I. ad Consulta Bulg. eaque multiplex fuit, sed ex oliva frequentior, de qua Sidonius in fine Epithal. *Pace ligat, nectit dextris, & fœdera jungit.* Verum flammea & coronæ nuptiales obsolescere.

Jam vero, cum Synopsi hæc nostra ad exitum Deo dante perducta sit, illud vos enixe rogo obtestorque optimæ spei juvenes, ornatissimi candidati, ut si quid inconcinne, vel sub-obscurè aut minus apposite a me dictum sit, id ignorantiz atque imperitiæ meæ tribuaris, non voluntari, atque animo, quo vos omnes in Christo & colo, & diligo, sicut me a vobis amari desidero.

## APPENDIX LIBRI XXXVII.

*In quo Orientalis Ecclesiæ disciplina circa matrimonii  
Sacramentum exponitur.*

Proclamationes tribus diebus festivis inter Missarum solennia nuptiis præmittendas esse, juxta definitionem Concilii IV. Lateranen. can. 51. ac Trident. sess. 24. de Ref. Matr. c. 1. idque ad detegenda, si quæ sunt, matrimonii impedimenta, c. 9. hujus libri cum cl. Auctore observavimus. Verum hæc laudabilis consuetudo in Orientali Ecclesia locum non habet. Siquidem Græci uno eodemque die sponsalia, ac matrimonium hoc ritu celebrant. Post Missæ celebrationem, Ecclesiæ foribus adstant; vir quidem a dextris, mulier autem a sinistris. Interim sacerdos ter eorum capita obsignat, tradit eorum manibus cereos accensos, illos introducit in templum: variisque recitatis precibus, & acceptis de S. mensa annulis, prius viro aureum porrigit, ter dicens: *Subiurghatur servus Dei N. propter ancillam Dei N. in nomine Patris &c.* Deinde argenteum tradit mulieri ter repetens: *Subiurghatur ancilla Dei*

*N. propter servum Dei N. in nomine &c.* Fæstoque super utriusque capita ipsis annulis signo crucis, aureum viri, argenteum mulieris digito immitit. Assistens vero Paranympheus amoris, & concordiz inter sponfos conciliator, annulos permutat & sponsæ aureum, sponso argenteum præbet: quæ ceremonia mutua corporum traditio, juxta nonnullos exprimitur. Conc. quoque Carthaginen. IV. meminit Paranymphei, qui est castitatis & pudicitiz conjugis utriusque custos, & puras adhuc illas, & commercii carnalis expertes inter se jungit: atque his nuptiarum ceremonia absolvitur. In Moscovia autem, postquam sponfus anulum sponsa tradidit, hæc illius pedes osculatur, eoque ritu obedientiam ei pollicetur.

Posthæc, si recens nupti coronari velint, templum ingrediuntur cum cereis accensis, prævio sacerdote, qui post varias preces, quibus divinam benedictionem his apprecatur, hanc

hanc orationem profert : *Domine emitte manum tuam de S. baculo tuo, & confocia servum tuum N. & ancillam tuam N. Copula illos unanimi consensu : corona illos in carnem unam : tribue illis fructum ventris, prolis fruitionem &c. Et acceptis coronis primo coronat sponsum dicens : Coronatur servus Dei N. propter ancillam Dei N. In nomine &c. Deinde coronat sponsam dicens : Coronatur ancilla Dei propter servum Dei &c. Postea benedicit eis ter dicens : Domine Deus noster gloria, & bonore corona illos. Ubi notat Goarius, sacerdotem verbis illis : Coronatur &c. Matrimonium ratum, & a conjugibus legitime contractum exprimere, ac si diceret : Coronas nuptiales subit servus Dei N. in signum federis conjugalis cum ancilla Dei contracti. Qui enim coronandos se se mutuo exhibent, matrimonium contrahere profitentur.*

Coronatis interim sponsis, ac matrimonii vinculo sociatis, sacerdos nonnullas preces super eos fundit, & communi poculo in medium prolato, illud benedicit, ac viro primum, postea uxori ter libandum præbet. Quem ritum a nonnullis etiam Occidentalibus, Goario teste, usurpatum sic exponit Jo. Thessalonicensis : Ex communi sacerdos propinat illis poculo & decantatur illud : Calicem salutis accipiam, cum propter SS. Eucharistiam, tum in lætitiæ signum, propter sponsum conjunctionem, pacem, & concordiam : quod etiam bigamis, & hujusmodi, trigamis, dispensatur. Non enim divina illis dona, sed commune solum illis poculum ab Ecclesia in pri-

vatam sanctificationem ; & convivium felicem, & cum benedictione Dei copulam distribuitur. Post trinam delibationem sacerdos poculum de more quorundam frangit, sive in symbolum humanorum gaudiorum fragilitatis, & transitus, sive religionis causa, ne scyphus nuptialibus ritibus usurpatus profanis usibus interserviat : His peractis egrediuntur sponsi, atque octava die coronas in Ecclesia cum precibus atque ejus benedictione deponunt. Syri Jacobitæ, ac Nestoriani, item Copti nuptiarum benedictionem coronationem appellant, ut constet hanc ceremoniam vetustissimam esse, ut suo loco cum cl. Auctore monstravimus.

De ministro Sacramenti matrimonii, tametsi non desint viri doctissimi, qui eum putent esse parochum, ut alibi dictum est, quod etiam suaderi putant ex quo Orientales plurimi ita de sacerdote loquantur, ut eum non obscure hujus Sacramenti ministrum existimasse videantur : communior tamen, & probabilior sententia est, ut nos quibque cum cl. Auctore statuimus, hoc Sacramentum confici a contrahentibus. Quod etiam ex Orientalium sententia Thessalonicensis & Goarius asseruere : atque ille quidem Sacramenti formam statuit in consensu expresso per verbum volo, alter vero in eodem consensu per actum illum sensibilem significato, quo sponsi sese coronandos exhibent.

Cum autem in celeberrima Constitutione Benedicti XIV. *Etsi Pastoralis* plurima tradatur, quæ ad Sacramentum matrimonii spectant, præcipuos ejusdem articulos, qui Græcos Italos,

italos, aliosque Orientales respiciunt, juvat hoc loco sub-  
jicere: eosque nonnullis obser-  
vationibus a scriptore nostri æ-  
vi doctissimo concinnatis exor-  
nare. Itaque in laud. Constit.  
§. 8. tit. de Matr. Sacr. statui-  
tur. I. Ut decretum Trid. Con-  
cilii de Reform. Matrim. *in lin-  
guam Græcam vulgarem ver-  
sum, in locis, & parochiis Græ-  
corum, & Albanensium evulge-  
tur*. Id vero accipiendum est  
de Græcis, & Albanensibus,  
qui in Italia, eique adjacenti-  
bus insulis sub Latinis episcopis  
degunt; adeoque decretum  
illud non extenditur ad Orien-  
tales reliquos, apud quos Trid.  
decretum non fuit promulgatum.

II. Vetantur *divortia, quoad  
vinculum, & si qua de facto  
præcesserunt, nulla* declarantur.  
Quod quidem non ad solos Ita-  
lo-Græcos, aut Albanenses, sed  
ad Orientales pertinet univer-  
sos, cum idipsum statutum fue-  
rit in Florentina Synodo, &  
in Decreto pro instr. Armen.  
& plurimi ex Latinis & Græ-  
cis PP. quos laudat Arcudius,  
in eandem sententiam conspi-  
raverint. III. Jubentur Græci  
non improbare *secundas, ter-  
tias, & ultiores etiam nup-  
tias inter personas, quæ alias licite  
jungi possunt*. Ex quibus con-  
stat, a Græcis non esse da-  
mnandos Latinos, Cophtos,  
Syros, aliosque Orientales, qui  
successive ad supradictas nup-  
tias solent convolare, neque  
illas, ut noxias, aut vetitas,  
detestari. Constat etiam Græ-  
cos, & Albanenses in Italia  
degentes posse memoratas nup-  
tias successive celebrare, cum  
iis quoque Rom. Pontifex. fa-  
cultatem faciat, qua gaudent

Latini. Hinc tamen non re-  
cte inferitur sublatam esse per  
eam Constitutionem (quæ non  
solum respicit Italo-Græcos,  
Tridentini decretis obstrictos,  
sed alios etiam Orientales, apud  
quos Trid. non fuit promulga-  
tum) legem illam vetustissi-  
mam, & Ecclesiæ canonibus  
stabilitam, qua irritæ decla-  
rantur quartæ nuptiæ. Quamve  
Matthæus Blassar. in Syntagm.  
Alphabet. c. 4. tit. de Polyg.  
exponit his verbis: *Univerfus  
manifestum esto, quod si quis  
ausus fuerit ad quartas nuptias  
convolare, non modo futurum,  
ut eæ nuptiæ pro nullis habeantur,  
sed ne liberi quidem ex iis  
procreati pro legitimis ducantur,  
adeoque pænis etiam pol-  
lutorum scortationes tales subi-  
cientur*. Porro legem istiusmo-  
di adhuc vigere apud Græcos,  
eamque ab Apostolica sede non  
esse improbatam quamplurimi  
asseverant, inter quos Papado-  
poli in Resp. 2. sect. 2. §. 12,  
ait; *Matrimonium, quamvis pe-  
nes Latinos centies iterari queat,  
ita consensu Florentino Concilio  
& Hieronymo dicente: Non da-  
mno bigamos, imo & trigamos,  
& si dici potest, octogamos, pe-  
nes nostros tamen quarto initum  
nullum erit: ut Græcis notissimum  
est, censeturque vel a Se-  
de Apostolica severitati morum  
Græcorum indultum, auctore Ar-  
cudio, & Goario, Adde Goa-  
rium not. 4. de Bigam. docere,  
a Græcis quartas nuptias omni-  
no reprobari, ut noxias, & ve-  
titas, irritante nimirum earum  
contractus S. Sede Apostolica:  
cum autem S. Sedes permittat  
Græcorum consuetudines, quæ  
neque orthodoxæ fidei, nec  
morum honestati adversantur,  
perspicuum est hanc etiam per-  
mit-*

mittere consuetudinem ex veteribus canonibus ortam, ubi adhuc viget. Illis vero, qui eam servavit, nefas est eos damnare, qui hac lege non obstricti quartas, quintas, aut etiam ulteriores nuptias contrahunt.

IV. Interdicitur presbyteris *secundo nubentes benedicere, aut ipsos bigamos ad sacros ordines, sine speciali Sedis Apostolicæ dispensatione, promovere*. Quoad primum autem, quamvis certo conflet Græcos, sub Latinis episcopis degentes omnino prohibitos esse secundas nuptias benedicere, id tamen non respicit Orientales illos, qui speciale habent pro bigamis officium, in quo eorum nuptiæ benedici solent. Quamvis enim *exacta legum observatio bigamos coronare non est assueta, minus vero hæc custodit magna Ecclesiæ consuetudo: verum & bigamis sponsalibus imponit coronas, nec ullus propterea conquestrus est unquam. Uno vel altero anno sacra communione excluduntur, sed neque fas est presbyterum benedictionem eis impertientem simul convivari* juxta 7. Can. Neocesariensis Synodi. Hæc Goarius ex resp. B. Nicetæ Metropolitæ Heracleen. ad Const. ep. Cum ergo hæc prior Constitutionis pars Græcos Italos tantum respiciat, non videtur per eam illorum consuetudo improbari, qui bigamis coronas imponere, ac benedicere solent; sed exacta legum observantia Græcis præscribi, qui Latinis episcopis subjiuntur, juxta quam *bigamus non coronatur, sed prohibetur communicare annis duobus, trigamus vero quinque, ut ait Goarius, ex cap. De biga-*

*mis Nicephori Confessoris Patriarchæ C. P. Altera Constitutionis pars, qua vetatur, ne bigami absque dispensatione Sedis Apostolicæ ad sacros ordines promoveantur, ad omnes Orientales extenditur, cum omnes antiquis Ecclesiæ legibus obligentur, quæ bigamos a sacris ordinibus arcent, neque ab illis solvi queant, nisi ab eo, qui universæ Ecclesiæ jure divino præficitur.*

V. Prohibetur etiam Græcis, *ne in quarto consanguinitatis, aut affinitatis gradu copulari ulterius præsumant, juxta Concilii Tridentini decretum. Qua in re non videtur Constitutio extendenda ad Græcos alios, qui juxta priscam gentis suæ consuetudinem impedimentum hujusmodi ad tertium tantum gradum extendunt. Græci enim, teste Assemano tom. 3. part. 2. Bibl. Orient. pag. 325. primis quatuor sæculis consanguinitatem non extenderunt ultra primum gradum lineæ collateralis rectæ, juxta leges Imperiales, quæ consobrinorum conjugia permittebant. Labente sæculo IV. ex lege Theodosii senioris ea vetita sunt. Sæculo XI. Nuptias vetarunt Græci ad sextam usque personam inclusive, hoc est ad tertium gradum, juxta supputationem Latinorum. Sextæ demum personæ circa ann. 1050. septima addita est a Michaeli Patriarcha. Quam Græcorum praxim improbavit quidem Innocentius IV. ep. 10. ad Othonem, sed hæc economiæ causa promulgata non fuit, & nihil per eam immutatum est in Græcorum disciplina. Ita, quod Latini cum persona octava, (hoc est in quarto gradu,*

du, juxta distinctionem Latinorum ) prohibent Matrimonium, Græci permittunt. Nestoriani, seu Chaldæi, cum in Persico, non in Romano Imperio versarentur, eos consanguinitatis gradus olim servarunt, qui per priora sæcula ex Levit. 18. servabantur: subinde vero, vel ex Græcorum disciplina, vel ex Patriarcharum suorum constitutionibus legem Imperialem admittunt, in qua part. 2. de Matr. statuitur: *De faminis, cum quibus matrimonium contrahere non liceat, sunt autem filia, & noverca, & mater, & soror, & patris, & fratris filia, & patris, & matris soror, & uxor fratris, & patruus, & socrus, & nurus, & filia uxoris, & filii & filia filie, eorumque filie.* Quorum vero mentio facta non est, predictorum mensura metiendi erunt, cum enim quis fratrem commemorat, filiam quoque fratris connotat. Quæ verba excerpta sunt ex Arabica canonum collatione Abulpharagii Benaltibi. Tanti tam autem potestatem Nestoriani, teste Assemano, suis Patriarchis tribuunt, ut præter vetitos in Levitico gradus, in aliis omnibus dispensatio obtineri possit.

VI. Statuitur, ut in cognationis spiritualis, que in baptismo & confirmatione contrahitur, gradibus servetur id, quod a

*Trid. Synodo definitum est. In baptismo videlicet inter suscipientem, & baptizatum, & illius patrem, & matrem, nec non inter baptizantem & baptizatum, baptizatique patrem, & matrem tantum cognationem contrahi. Eamque rursus, que ex confirmatione oritur, confirmantem & confirmatum, illiusque patrem & matrem, ac tenentem non egredi. Hoc decretum Græcos complectitur universos, juxta can. 53. Trullanæ Synodi, quo statuitur: Ut qui ex sacro baptismo pueros suscipiunt, & postea cum matribus eorum viduis in matrimonium coeunt, primum a tali contubernio abstineant, deinde pœnis subjiciantur: quippe qui ab hoc malo non abstinere, & confitetur, tamquam incestis nuptiis pollutus damnetur. Syri Nestoriani non videntur agnoscere cognationem spiritalem, sed antiquam Ecclesiæ disciplinam sequi, in qua per tria priora sæcula nequit ostendi, eam fuisse matrimonii impedimentum. Porro impedimenta jure Ecclesiastico statuta, nullam vim habent in Orientalibus Ecclesiis, in quibus lex vetans matrimonium vel nunquam promulgata & recepta fuit, vel ita in desuetudinem abiit, ut penitus ignoretur, donec Ecclesiæ auctoritate sit ipsis proposita, & inculcata.*


## M O N I T U M.

Cum potestas dispensandi ab iis matrimonii impedimentis, quæ jure Ecclesiastico inducta sunt, emineat in Romano Pontifice, ad quem spectant quæcumque juris sunt Ecclesiastici, ut observat cl. Auctor prop. 4. c. 5. l. 37. non abs re erit tyronibus nostris viam ac rationem exponere, qua dispensationes istiusmodi, ubi opus est obtineri debeant. Ubi notandum est, duo apud R. Pontificem ea de re, extare tribuna- lia, nempe sacræ *Pœnitentiariæ*, & *Datarie*. Ab illa petitur dispensatio pro solo foro interiori, & pro solis impedimentis occultis; adeoque in supplicatione, quæ dirigitur ad majorem Pœnitentiarium non exprimuntur vera oratorum nomina, sed ficta, puta, Titius, Caja &c. vel A. B. Atque ibi omnia gratis expediuntur. A Dataria petuntur dispensationes pro foro externo, ac proinde in supplicatione, quæ dirigitur ad Summum Pontificem, oratorum nomina, cognominia, ac dig- cesis exprimi debent; & nisi dispensatio, ob magnam orato- rum inopiam, expediatur in forma pauperum, solvendæ sunt expensæ non modicæ, quæ a Rom. Pontificibus in pios usus, puta in redemptionem captivorum, in sustentationem missio- nariorum, quos in omnes mundi plagas mittit S. Sedes Apo- stolica. In utroque vero tribunali exprimendum est impedi- mentum in specie, super quo petitur dispensatio, & alia omnia impedimenta, quibus oratores implicantur. Qua in re, ut rite, ac debito ordine procedatur, sedulo legenda est Ap- pendix I. ad tractatum de Matrim. Theol. Moralis Gabrielis Antoine a continuatore Tournely excerpta a R. P. Philippo de Carboneano, ubi hæc materia fuscè, & perspicue tractatur.


F I N I S.



MAG 2002/41







577



CHANDLER

